

**COMPENDIARIA  
THEOLOGIAE  
MORALIS  
EXPLICATIO AD  
SENSUM...**

---

Jacques : de Saint-Dominique















COMPENDIARIA  
THEOLOGICÆ  
MORALIS  
EXPLICATIO

AD SENSUM SANCTORUM PATRUM  
Augustini, Leonis Papæ, Gregorij Magni, Thomæ &  
Thomistarum, ( quorum omnium hic aguntur vindiciæ )  
presertim circa doctrinam de Sententia Probabili. Accedet  
Prævius Dei in omnes Causas secundas Influxus, S. Au-  
gustino & eidem D. Thomæ speciali jure assertus, etiam in  
statu Innocentiæ.

*Cum indiculo indigitante : 1º. jure merito Magnum R. Patris de  
Henao Ventilabrum unco esse suspensum : 2º. Ejusdem Eventila-  
tionum Theologicarum pulverem & paleas, in Ipsum Ventila-  
torem aurâ leni esse remissas. 3º. Elenchum falsitatum nuperi  
cujusdam libelli, cui Titulus est.*

TETRAPLA THEOLOGICA.

Authore R. P. FR. IACOBO A SANCTO DOMINICO, Exvic:  
Prov. & Excommiff. Generali Congreg. Reform. in Provincia  
Franciæ, Fratrum Ordinis Prædicatorum.




PARISIIS,  
Apud STEPHANUM MICHALLET, viâ Jacobæ, prope Fontem  
S. Severini, sub signo Sancti Pauli.

M. DC. LXXVI.  
*Cum Privilegio Regis Christianissimi, & Approbatione Doctorum.*

7-10  
7.C4









EMINENTISSIMO CARDINALI  
**H O V A R D O**  
NORFOLCIÆ PRINCIPI.  
EX ORDINE FF. PRÆDICATORVM  
ASSUMPTO.



U ANQUAM hîc suscepti ratio argumenti stare suâ mole videretur, PRINCEPS EMINENTISSIME, unâque indigere Cœlitum gratiâ & benedictione, quorum apud Deum ambiens patrocinium, cepi Provinciam, illorum tuendi doctrinam, tam indignè quàm falsè in non paucis labefactatam à quibusdam Neotericis: attamen à communi lege, quâ sibi quisque Patronum asciscit in simili occasione, me immunem fore haud existimavi: vel ex eo potissimum quod graviores Moralis Theologiæ difficultates huic negotio incidentes, onus meis imposuere humeris adedò impar viribus, ut gigantem obruere sufficiat, minori quàm Vestrò destitutum Præsidio, & præcipuè spectatâ Adversariorum potentia & multitudine, quibus ferè invitus fui coactus respondere.

Communem dixi legem, quam fortasse necessitatem meliùs dixissem, quâ ferè omnes scriptis suis Mecœnates inquirunt, hoc præcipuè intendentes, ut hominum dignitate præstantium Patrocinio & Auctoritate suffulti, se se in apertum campum dare non vereantur: quare hos sibi deligunt, quorum in omnem ventum contra Obrectatorum morsus & dicteria, sibi tutio ubique præsto sit. Ergo ne solus ego, cunctis aliis magis indigus inveniar in hac palestra, hoc communi subsidio destitutus? Minimè sanè. Quare Superis circa me prosperè agentibus, dispositum esse existimo, ut mihi hæc animo revolventi, adedò opportunè Parisiis Vestra occurreret Eminentia (licet in transitu tantùm) cujus famâ jamdudùm occupatus; suspensus tamen ac omninò divisus Reverentiâ & Affectu hæcebat animus. Quantum enim affectus admovebat, tantùm Inclyræ ac Regalis Stuartorum Familiæ Splendor me ipsum removebat. Verùm ubi primum Vestra mihi de facie Eminentia innotuit, tantâ Benignitate prædita; ausibus meis prorsus absuit pudor, vestrâ hac intercedente singulari Humanitate, in quam meam sic existimationem ac fiduciam auxit, ut

# E P I S T O L A.

Speciali Dei munere mihi datum duxerim in Patronum vindicias agentis Sanctorum, quorum scientia & virtutes omnes, quæ in ipsis velut mortuæ litteris tantum expressæ cernebantur : eadem in V. E. tanquam spirantes ac vivæ, ad perpetuam omnium admirationem viderentur. Regionem quamdam in Cælo intuemur jucundissimam (Viam vocant Lacteam) magno (ut aiunt) stellarum numero resperfam, quæ quamvis sint distantes ab invicem, mutuo tamen inter se uniuntur lumine, quod gratum terræ incolis exhibet aspectum. Ita sanè mihi in E. V. videntur unitæ virtutes omnes Christianæ, quæ gratissimum in Ea hunc efficiunt Assatum, quo sibi omnium devincit animos, conciliatque amorem & affectum. Itaque jam non miror, si tot hujusmodi dotes præclarissimæ inter se blandè decertantes sic illaxerint, ut Angliæ, Belgii ac Galliæ sinibus ita cohiberi nequiverint, quin fulgidos gloriæ suæ radios in Italiam usque, ac in ipsam Urbem, ne dicam in totum Orbem longè latèque diffunderent; de quibus fidem facile absolvere id quod sequitur. Etenim si nefas semper fuit vel dubitare, dignusne esset quem Imperator elegisset : non obscure meritum E. V. magnitudinem testatus est Summus Pontifex, ejus ad Cardinalatum Assumptione, nullo mortalium invitante, sed solo virtutum odore : qua in re, Divinæ Providentiæ simul & Justitiæ munus agnosco. Hujus quidem, dum Virum effecit tantæ Dignitati idoneum, illius verò quæ Clementem X. illexit suaviterque impulit, ut insignem virtutem eminentissimo honore cumlaret. Demiramur & meritò plures qui in simili stadio præcesserunt, & ad supremas Ecclesiæ Dignitates olim pervenerunt. Sic divinitus electi aliàs Ambrosii, repente inter ipsas turbarum rixantium turmas puero exclamante *Ambrosium Episcopum* : Nicolai, voce Cælitus delapsi, ipsum deposcente : Basilii & Gregorii aut fugientes, aut in cavernis latitantes, igneis à Cælo detecti Columnis vel indiciiis designati ita manifesti, ut de sua electione accipites esse nequirent. At Tu, PRINCEPS EMINENTISSIME, sorte (si hoc nomine uti fas est) non minùs mirabili, à Summo Pontifice conquistus, ac tandem repertus, dum magis in humili Cænobio latere satageres, in quo ceu alter Hieronymus in Bethleem, reliquum vitæ tempus uni Deo notus transigere disponebas. Certè nostrum hoc Exemplo indigebat seculum, ut omnibus innotesceret, & quibus sint debitæ Dignitates Ecclesiasticæ, & qui se se non possit abscondere is, quem Deus indicare voluerit. Quam benè res se habet, dum id quod naturæ est, Gratia obsecundat ! Apertius loquar, & unò verbò dicam : si Principum nasci pars sit felicitatis, certè longè præstantius erit semetipsum Heroem ac Principatu dignum efficere virtutibus, his similibus, quibus Sublimitatis hujus fastigium promerueris, ac subinde novo jure ad Clavum Ecclesiæ perveneris. Quid ergo hic opus est, ut aut V. E. sigillatim efficiam virtutum recensioem (quæ ingentitæ ejus modestiæ tantum displiceret, quantum benevolentia omnium arrideret) aut Suorum Antiquitatem Majorum, peracta eorum pace ac bello præclare gesta commemorem ? Cum utrumque nedum satis, sed & ultra modum innotescat ex effectis.

Si ab Achaia Scotiæ Rege exordiar, hunc ab anno 109. perpetuæ amicitiaæ fœdus cum Carolo Magno iniisse comperio : in cujus signum ac patens monumentum, intermixta sunt Regum Scotiæ stemmatibus Francorum Lilia. Et ab hac Regia stirpe pullulavit Inclytum tot Heroum Agmen Stuartorum de

quibus non facillè dixerim, an illi ( de quibus statim ) tantum gloriæ ab hac Regia Radice hauserint, quantum ei unâ cum ipsis, E. V. vel sola contulerit. Illinc Alanus Comes de l'Enos : Joannes Secundus nomine, Eques Torquatus, & Regiæ Cohortis in Gallia Tribunus : Beraldus Dux Terræ novæ, Marchio Gyraçæus, Comes Acocyus, perpetuus rei militaris Præfectus ac Prorex Neapolitanus. Robertus Bellimontii Comes, ac Summus Gallorum Castrorum Præpositus. Matthæus Primus nomine, Comes : duo Edmundi, Duces; Ambo Regii in Scotia Thalami successivè Magistri, ac Supremi rerum Maritimarum Præfecti : Jacobus Comes Marchiæ, &c. Ac denique Georgius Dux Richmondiæ, de quibus sigillatim quid loquar? profectò quid his dignum dicere possim non video. Et sanè tempus me deficeret, nec Epistolâ, sed volumine, isto majore, mihi opus esset. Unò verbò, omnia complectar, quod condignè satis pluribus exprimi non possit, nempe hos fuisse suâ ætate, pro defensione Religionis Christianæ in Gallia, Anglia, Scotia, Hybernia, Italia, quod olim Martharias ejusque filius Machabæus ac reliqui fratres, pro patria legis antiquæ observantia, multò terribiliores impiis effecti, quam qui in his eorum stemmatibus depicti sunt leones. Hic præclaras Jacobi Scotiæ itidem Regis, corporis & Animæ dotes non expendam, ut de ipsius Filia Maria Stuarta dicam; cujus pro fide effusus sanguis, ejus quæ in Anglia superest; semen est Religionis. Porro dum hanc Mariam loquor, illam intueor, veluti primam in fide ac Religione, non tantum Eminentia Vestræ stirpem, sed & totius Inclytæ ac Regalis Stuartorum Familiæ : ex qua itidem non dubito, quin iterum aliquando progreminet, Deoque aspirante copiosius succrescat, semen illud pristinae hujus Sanctimonie, ob quam tota olim major Britannia, non Anglia, sed Sanctorum Insula dicebatur. Hæc Francisco II. Regi Galliæ nupta, & post ejus obitum in Scotiam reversa, alio ex viro Jacobum Sextum suscepit, qui demum Rex etiam Angliæ, ex legitima Matris hæreditate factus, primus omnium ab Orbe condito, universam Majoris Britannia Ditio-nem, sub hujus Imperii fasces redegit. Sed cur ista commemoram? Ut omnibus innotescat hujus Monarchiæ Inclytam esse hæredem, Nobilissimam Stuartorum Prospiciam; qua ex Progenie, PRINCEPS EMINENTISSIME, Nobilissimus es Surculus, ex Vite Dominicana recentior Dignitate separatus, sed affectu semper intimus, quæ summo sibi ducit honori & gloriatur, Te suum aliàs habuisse Alumnum. Faustum ejus olim pro Eminentia Vestra, sælixque votum; nunc verò longè sælicior gratulatio, cui nihil deerit, si Ipsi aliquando, quam exoptat, triplex Corona, astante Divino Numine adveniat, ut Beatissimi Papæ Pii Quinti ( de cujus recenti Apotheosi adhuc læta nobis est memoria ) non minùs existat Cathedræ Successor, quàm virtutum Imitator.

Hic dicendi finem libentissimè facerem, PRINCEPS EMINENTISSIME, nisi adhuc duo occurrerent, quæ non possunt posteritatis memoriæ non consecrari absque ingratitudinis labe, immò & sine aliquo boni communis detrimento. Primum est Christi Vicarium Clementem X. Regum nostrorum gratitudinem diebus nostris circa Inclytam Stuartorum Familiam fuisse imitatum. Etenim sicut olim Primum ac Gloriosæ memoriæ Principem Joannem Stuartum, perpetuum Scotiæ Militiæ Præfectum, & Exercitus Generalem, ob tot præclara facinora, in gratiam Gallorum, propriis etiam stipendiis peracta; Rex Galliæ Carolus VII. Donativis ac Principatu Albinienfi cumulavit : ita

# E P I S T O L A.

& ætate nostrâ Christi Vicarius, pro sua Bonitate singulari & incomparabili erga Dominicanum Ordinem Benignitate, Te Inclytum ac Generosum Contemptorem terrenorum, Fidei Assertorem, Religionisq; dignissimum Sectatorem, pro meritis, ad dignitatum Apicem & Ecclesiæ Principatum provexit: quod probi omnes summopere approbarunt ceu iustum æquitatis, quæ in Capite Ecclesiæ est, argumentum.

Est & aliud, nullâ sanè delendum oblivione, typicè, ut arbitror, satis expressum lib. 2. Machab. c. 1. v. 19. ubi sic habet Textus sacer: *Cum in Persidem ducerentur Patres nostri, Sacerdotes qui tunc Dei Cultores erant, acceptum ignem ab Altari, occultè absconderunt in valle ubi erat puteus altus & siccus, &c.* Quis, quæso, hæc & alia quæ ibidem leguntur, attentè mente secum revolvens, non existimet id contigisse in figuram rei, quam ipse, PRINCEPS EMINENTISSIME, ad praxim reduceris? Aut quid ignis ille materialis, comparatione eorum quæ tunc egeris? Paucos latet persecutio, quam passa est ab Hæreticis Religio Christiana in Anglia, & præsertim Dominicanorum Familia, ubi quadraginta quatuor Conventus, in Hybernia quadraginta tres, & in Scotia quindecim brevissimo tempore vidit funditus ab Hæreticis everfos & solo æquatos, vel in profanos ipsorum usus conversos. Quid ergo, Amice Lector, existimas tunc factum ab hoc eximio Dei Cultore, ut ignem sacrum veræ fidei & sincerum Dominicanæ Religionis cultum conservaret? Duos in Belgio Conventus, propriis sumptibus à fundamentis crexit ac dotavit: unum Religiosorum, qui esset Seminarium, ex quo statutis temporibus sumerentur Operarii in desolatam Angliæ vineam transmittendi pro consolatione Fidelium. Alterum verò sacris Virginibus ejusdem Nationis consecratum. Hi sunt duo Chori, PRINCEPS EMINENTISSIME, in quibus divinæ laudes perpetuè resonabunt; & ubi immortalia Magnificentiæ ac pietatis Monumenta, in ævum sanctum Eminentię Vestræ (etiam nobis tacentibus) encomia celebrabuntur. Pergat ergo benefacere toti Reipublicæ Christianæ: pauperes pro fide persecutionem patientes, juvet, Dominicanam moveat Familiam, in cujus Alumnos cum vivos tum defunctos, sæviunt Adversarii eò periculosius quò occultius. Quòd si & meo huic Opusculo pro ipsorum defensione edito, (quod Vestræ offero Eminentię) patrocinium, mihi suam impertiri dignetur Benedictionem; hæc vel sola, in sufficientissimum nec minus efficax erit antidotum adversus omnes maledictiones in eo conforatas, suæque in me Bonitatis monumentum, quod nullâ unquam oblivione deleatur. Ita afferit & perfectam corporis incolumitatem, assidua Gratiarum augmenta, & in utroque perennitatem, voce ac voto Vestrę precatur Eminentię

Cuius obsequentissimus F. JACOBUS A S. DOMINICO;  
F.F. Ordinis Prædicatorum,

# INDEX CAPITVM.

## QVÆSTIO PROOEMIALIS,

Quâ in antecessum breviter aperitur necessitas inquirendæ hujus Responsionis seu Apologiz.

- SECT. I. **Q**UOD unicâ Propositione jam condemnatâ, & tamen audacter renovatâ ac propugnâtâ; innumera alie etiam meritiò proscripta restituantur, cum remissa Probabilitate insonantibus adscripta, Pag. 1
- II. Quod scandalosa sit & injuriosa hac de Probabilitate doctrina, ipsi Sanctis Patribus à Patre S. Jo citatis, falso quoque afficta, 3
- III. Turpia proferuntur exempla, quæ essent juxta Probabilitatem excusanda, 4
- IV. Majus adhuc malum perpetratur per Probabilitatem, tum ob subversionem legum, tum propter scandalum Hæreticorum, 5
- V. Quidâ inutiles sint & tantum apparentes seu evanida modificationes Defensorum Probabilitatis remissa, 7
- VI. Breviter ostenditur quàm insufficiens sit Probabilitas ad excusandum peccatum Protoparentum, & D. Augustini testimonio nimia creatura arrogantia in propugnanda libertate creata demonstratur, 9

## LIBRI PRIMI

### CAPUT PRIMUM.

- SECT. I. **Q**UID sit Probabilitas ex mente Divi Thomæ, & quæ illius radix, unde dicatur opinio probabilis, 12
- II. Dne species Probabilitatis assignantur, quiescit scilicet & agens, illorum discrimen. Solida D. Thomæ præmittuntur fundamenta pro hac controversia dirimenda, ex diversis modis quibus movetur intellectus, 13
- III. Nova aperitur causa hallucinationis in duplici libertate voluntatis, quodnam præsertim bonum respicere debeat vis electiva, ut recta sit. Unde res aliquæ dicantur obscure, probabiles aut dubia. Notandum est discrimen inter Scientiam, Imaginationem & Opinionem, quæ facili negotio mutantur in invicem, & signanter quæ & quando inter equalia non sit libera electio, 21

## CAPUT SECUNDUM.

- SECT. I. *In qua primò antiquiores asseruntur Probabilitates quàm vultò existimentur, & sex Probabilitatis classes assignantur,* 27
- II. *Probabilitate decepti sunt non solùm Protoparentes, sed diabolus ipse. Ipsa vim acquirit eundo, ac proficit in pejus, illumque docet modum à Deo reprobatorum ingrediendi terram duabus viis, seu perpetuò claudicandi in utramque partem contradictionis,* 28

## CAPUT TERTIUM.

- SECT. I. *Qualiter se gerant vage Probabilitatis Defensores erga Thomistas; & quàm immeritò omnem ab ipsis profigari Probabilitatem affirmant, cuius necessitatem & aliqualem utilitatem ultro agnoscunt,* 28
- II. *Variis expenduntur Certitudinis gradus, quibus ad prudentia certitudinem descenditur, qua legitimum efficit gradum Probabilitatis,* 32

## CAPUT QUARTUM.

- SECT. I. *Quid potissimùm sit inspiciendum in discussione opinionum magis aut minùs probabilium pro vitandis equivocationibus & Adversariorum subterfugiis. Et primò aperitur equivocatio, reique veritas explicatur familiari exemplo, factà distinctione opinionis tute & opinionis probabilis. Secundo, id magis explicatur Scriptura testimoniis, & indicatur quid maxime sit inspiciendum in predictis terminis,* 32
- II. *Tribus motivis ad sectanda probabiliora invitamur; & ostenditur quibus modis profigetur pretensa Adversariorum impossibilitas in probabilioris detectu opinionis,* 35

## CAPUT QUINTUM.

- SECT. I. *In qua dicemus primò, rectum Probabilitatis usum non impugnari à Thomistis; sed abusum, quem in prima Conclusionè regulandum ex recto potissimùm circa finem debitum, appetitum, declarabimus,* 36
- II. *Secundò hac Conclusionè & septem sequentibus, quando, ubi & quomodo innoxius futurus sit usus Probabilitatis declarabitur,* 38

## CAPUT SEXTUM.

- Quid sentiant Antithomista circa Probabilitatem etate nostrâ tanto calore propugnatam,* 45

## CAPUT SEPTIMUM.

*In quo dirimitur primò curiosa quæstio, An scilicet dicendi sint Authores Probabilitatis, qui de ea quidpiam antiquitus fortè bonâ fide scripserunt, vel qui contra omnes, jam Probabilitatis partes tuentur, ac cunctis reclamantibus adhuc eam defendunt. Secundo, singuli Thomista citati à Magistro Philosophia*

## Index Capitum.

<i>Philosophia ad examen vocantur, ut ipsi ore proprio loquantur circa Probabilitatem, pro qua ab Adversariis laudantur,</i>	49
<b>SECT. I.</b> <i>In qua ostenditur fraudulentè ac perperam Divum Antoninum, Didacum Alvarez &amp; Bartolomæum Ledesmam laudatos esse à Magistro Philosophiæ tanquam primos vagæ Probabilitatis Authores sive Patronos,</i>	50
<b>II.</b> <i>In qua tres Alii ab eodem Magistro, falsè quoque citati, ad examen vocantur, scilicet Sylvester, Angelus &amp; Viguerius,</i>	55
<b>III.</b> <i>In qua, Medina, Lopez &amp; Vitoria, falsò citati à Magistro, referuntur,</i>	57
<b>IV.</b> <i>In qua referuntur Mercado, Nazarius &amp; Bannez,</i>	61
<b>V.</b> <i>In qua referuntur Nugnus, Martinez &amp; Petrus Ledesma,</i>	65
<b>VI.</b> <i>In qua referuntur Ildefonsus, Paulus de Blanchis &amp; Hacquetus, falsò quoque citati à Magistro Philosophiæ,</i>	69

## CAPUT OCTAVUM.

<i>An saveat opinioni minùs probabili D. Augustinus loco citato à Magistro Philosophiæ ?</i>	76
<b>SECT. I.</b> <i>Ostenditur primò sine causa citatum D. Augustinum tanquam Probabilitatis Authorem vel Patronum à P. S. In: cujus fundamentum apparet prorsus evanidum,</i>	76
<b>II.</b> <i>In duobus potissimè casibus Probabilitatem aspernatus est D. Augustinus, in quibus repugnat Probabilitatis Defensoribus: &amp; ejusdem sancti Prae-sulis productior iustificatio instituitur,</i>	78
<b>III.</b> <i>Sunt quoque immunes à vagæ Probabilitatè D. D. Gregorius Magnus &amp; Leo Papa,</i>	84

## CAPUT NONUM.

<b>SECT. I.</b> <i>Cavendum est ne Potentia naturalis pro Morali obtrudatur in rerum electione: &amp; quo pacto quis se gerat in ea, ut rectè agat, ex mente D. Thoma: ubi etiam injusta apparet hac in parte doctrina Ioa. Cardena,</i>	87
<b>II.</b> <i>Manifestis rationibus &amp; exemplis prostigatur doctrina Cardena &amp; aliorum hac in parte Divo Thoma contraria, illorumque malafides ostenditur, quibus invitè stat semperque stabit ejus doctrina asserente inter equalia constitutum, non habere liberum ejus quod voluerit delictum. Huic suffragatur Diploma Apostolorum, quo vana reprimitur jactantia Hæreticorum,</i>	92

## CAPUT DECIMUM.

<b>SECT. I.</b> <i>Utrum sit licitum sequi opinionem minùs probabilem faventem liberati, emolumento aut voluptati, in concursu probabilioris, stantis pro officio, lege, precepto, &amp; honestate. Et primò aperitur quæsi status &amp; propositio totum laxitatis Moralis fermentum continens, multis jam prostigata ostenditur præjudiciis,</i>	97
<b>II.</b> <i>Insitum de Probabilitate judicium ex Patrum moribus &amp; vita potius desu-</i>	98

- mendum, quàm ex eorum Scriptis seu operibus. Fundamentum doctrinae Adversariorum omnino subvertitur tam ratione tam familiari exemplo, sed efficaci, & precipuè Divi Augustini Auctoritate,* 99
- III. *Adversariorum hic pracluditur subterfugium ac principalis Conclusio roboratur argumentis & exemplis evidentibus, ac duplex formido in opinione necessariò distinguenda declaratur,* 105
- IV. *Vltra metas iustae excusationis extenditur ignorantia juris naturalis à Defensoribus Probabilitatis, qui maxime hallucinantur, cum ex ignorantia juris positivi etiam Divini, ad ignorantiam juris naturalis similem trahunt consequentiam,* 108
- V. *Praedicta doctrina quae nimium indulget ignorantiae juris naturalis magis profigatur Auctoritate praesertim D. Thomae,* 109
- VI. *Hic in antecessum ostenditur periculosum Probabilitatis Axioma ex aliena conscientia accessitum, in ultimo Cuniculo penitus confutandum. Nec securior est speciosus Probabilitatis praetextus; quòd scilicet lex poenalis non obliget in conscientia,* 109

## CAPUT UNDECIMUM.

- SECT. I. *Intentio Cardena circa fucata remissa Probabilitatis restrictionem: duo falsa ipsius principia ostenduntur; & quò ascendat nimia Cardena audacia in Probabilitate propugnanda,* 122
- II. *Possumus à Cardena & ab aliis Defensoribus Probabilitatis fundamentum convellitur, & ab eorum manibus D. Thomas eripitur, in medium adductis ejus testimoniis,* 125
- III. *Rationibus & exemplis ostenditur Cardena doctrinam de Probabilitate ab ipso relictam, esse intolerabilem, gratesque Deo agendas, quod nulla (que sciamus) in D. Thomam ediderit Commentaria,* 128
- IV *Redit in ipsum Cardenam injuria D. Thomae ab ipso illata vera ratio praedicta ostenditur, & ipsius Artisque differentia aperitur. Omnes Cardena modificationes & conatus probant ipsum cum veteribus Academicis hac in parte esse annumerandum; facileque solvitur argumentum Fabri, quod ille existimabat inelutabile; ac palam declaratur nedum Divo Thomae, sed & Sancto Patriarchae Ignatio de Loyola Cardenam illudere,* 133

## APPENDIX PRIMA.

## De reliquis Probabilitatum Cuniculis.

## CUNICULUS PRIMUS.

Utrum pretextu opinionis hinc & inde probabilis, ritè absolvatur quis ab obligatione legis, pretensâ possessione libertatis?

SECT. I. Quid sit lex humana? Unde sit? Cur sic dicta? & quàm necessaria? Vbi primo intuitu ostenditur Probabilitatem non esse in statum appendendam cum tot egregiis dotibus legis. Quid intelli-



## Index Capitulum.

*gatur possessione libertatis ? Et fundamentum obligationis legum humanarum,* 140

- II. *Non favet libertati Regula communis ( Melior est conditio possidentis ) tantummodo usurpanda in materia iustitiæ. Cur facienda fuerit rerum divisio. Neque unquam esse potest iusta prescriptio contra legem Dei æternam, prætextu Probabilitatis ; hic quoque Speciali Scriptura exemplo profigura,* 145

### SECUNDUS PROBABILITATIS CUNICULUS.

*Verum quando sunt opiniones hinc & inde probabiles possit quispiam indifferenter utramvis eligere, beneficio cuiusdam ignorantia invincibilis ( quam Casuista Moderni vitalem vocant. ) Et an hac ignorantia sit verè invincibilis, quæ altum sibi opus possit ab omni peccato excusare, illudque memoriorum & laude dignum efficere,* 146

### TERTIUS PROBABILITATIS CUNICULUS.

Falsò prudentiâ usque modo rectus, accedente prætextu insufficienti legis promulgatione.

*Exponitur vera Prudentia ratio. Varia etiam expenduntur Prudentia, Artis & Scientia discrimina. Sub umbra insufficientis promulgationis legis aperitur intolerabilis abusus Probabilitatis in communem totius Religionis perniciem vergentis,* 152

### QUARTUS PROBABILITATIS CUNICULUS

*In iudicio supra ipsam Probabilitatem reflexo consistens,* 155

### QUINTUS PROBABILITATIS CUNICULUS.

*In quo ostenditur perperam pro Potentia morali, potentiam naturalem obtundi. Dolosa Terilli, præsertim hac in parte, statera, in referenda D. Thomæ & Thomistarum doctrina.* 156

### SEXTUS PROBABILITATIS CUNICULUS.

#### Quòd facilis sit Probabilitas.

SECT. I. *Misera facilitas Probabilitatis, quæ primum & maximum Mandatorum destruere satagit,* 160

II. *Relaxationi præfata remedium adhibetur, cum ab Angelico Doctore, tum à Summo Pontifice,* 161

III. *Periculosus & falsus esse convincitur ad alienam conscientiam recursus reclamante propria,* 162

IV. *Magis declaratur Probabilitatis excessus, cui proximè remedium adhibetur,* 163

## APPEND X ALTERA.

- SECT. I. **A**peritur fraudulenta Amadei adulario, & aliud discrimen ostenditur Thomistas inter & Probabilitatis Defensores, iterum profligata apto ac familiari exemplo, 169
- II. Declaratur alio Adversariorum exemplo, quam infirmo Probabilitas nitatur fundamento, aperto quoque insigni discrimine fori externi aut artis Medicina, & fori penitentia: duae juris explicantur Regulae, & quomodo sit intelligenda haec, quae assertis favendum esse reo in dubiis, 171
- III. Quid precipue intueri debeamus in Probabilitate, cujus quatuor difficiliora solvuntur argumenta, suntque D. Thoma & quorundam Thomistarum vindicia circa Sacramentum Penitentiae, 174
- IV. Vindicia D. Thoma circa circumstantias necessariam in Confessione aperendas: sunt & ipsius Christi Domini ab equivocatione & restrictione mentali: & ostenditur Deo odibilis quicumque utitur hac arte sophisticâ, quae etiam est prorsus aliena à mente D. Thoma: ac denique quatuor insignes aperiuntur fallae à filio Authore falsificationes in doctrina Divi Thomae, 178

## APOLOGIA COMPENDIARIA

Pro vera D. Thoma doctrina, adversus alios ipsius Aggressores, & precipue contra primum librum filii Germani Philalethis Eupistini, Duaci apud Ioa. Parré editi, cui titulus est, Aauthoritas, &c. 187



## LIBER SECVNDVS.

## CAPUT PRIMUM.

**V**nde tam obfirmatus Antithomistarum Animus in impugnanda D. Thoma & Thomistarum doctrina, & cur in ea referenda tam frequenter decipiantur, 183

SECT. UNICA. Quis sit Thomistarum scopus hac in parte: Nova ratio ob quam impugnantur ab Adversariis: Et quâ arte illudat quidam Neoterius Brevis Apostolico, 189

## CAPUT SECUNDUM.

Auditor Anonimus, filio vocabulo Theopistis, vana cujus instantia refellitur in extollenda Moline doctrina contra communem Ecclesiam, nominatim circa donum perseverantiae, 190

## CAPUT TERTIUM.

Accedit alius Author larvatus, falso vocabulo Germanus Philalethes Eu-

# Index Capitum.

pistinus; cujus consilium hic primò aperitur, & gravis calumnia evidenter refellitur, 194

## CAPUT QUARTUM.

In quo inquiritur, quid ulterius in Thomistas molitus sit Eupistinus; & triplex dolus aperitur, 197

## CAPUT QUINTUM.

Quo totus confutatur Eupistini Libellus, & inaudita hactenus Adversarium solertia aperitur, 200

## CAPUT SEXTUM.

Duo speciosa obijciuntur ac solvuntur argumenta; ac solemne habetur contra Scientiam Mediam testimonium, 204

SECT. UNICA. Traditâ sufficienti ratione ob quam quisque sibi cavere debeat à Scientia Media, donec ejus Defensores, illius rectum aliquem usum in veritate utilem ostenderint. Demonstratur quorundam pervicax pertinacia in laceffendis Thomistis, spreâ omni potestate tam seculari quam Ecclesiastica, 206

## CAPUT SEPTIMUM.

Traductâ ultimâ Eupistini solertiâ, duo nitima illius argumenta solvuntur, & aperitur Modificationis abusus, 208

## CAPUT OCTAVUM.

De Scientia Media ad examen revocata, ab alio Germano Philalethe Eupistino, novisque suffragiis exanthorata, 215

## CAPUT NONUM.

Examen Scientia Media ab Eupistino commendata, cujus subterfugium aperitur, semelque admisiâ Adversariorum doctrinâ circa naturam contingentium; illi qui se dicunt libertatis creatæ Propugnatores, fierent & ipsius increata destrutores; qua in re. solemne testimonium Extraneorum nulli paritum additorum; sed & laudantur Celeberrimi Inclyta Societatis Iesu Authores, Thomistarum vindicias agentes, etiam hac in parte, 217

SECT. I. Audiuntur nonnulli ex Societate Iesu, tam circa Scientiam Mediam, quam circa præstantiam doctrinæ P. Molina, quam præferi Eupistinus doctrinæ D. Thome, 221

II. In qua dirimitur curiosa questio de Scientia Media, deque illius origine, examine, mente D. Augustini circa illam & D. Thome, aliisque scien dignissimis, 224

## CAPUT DECIMUM.

In quo, uno argumento conficiuntur duo præfata monstra ab Adversariis conficta, quibus hactenus incautos deterruere à sequenda D. Thome doctrinâ, ubi Authoritate Tridentini intacta ostenditur libertas creata, sub ipsa Græcâ iij

- tia efficaci, ac subinde sub Promotione physica,* 227  
**SECT. UNICA.** *Vindicta Thomistarum ex ipso Patre Annato, etiam contra*  
*haereticam sensus Compositi & divisi expositionem, ubi iidem quidpiam*  
*aperitur maximè ponderandum circa libertatem creaturae,* 238

## CAPUT UNDECIMUM.

- Præter Gratiâ sufficientem, est & alia per se efficax, quâ posita, è medio sol-*  
*litur Scientia Media, & ultimum Adversariorum infringitur repagulum,* 233  
**SECT. UNICA.** *Solvitur Argumentum quod sequitur ex prædictis, ac*  
*refutatur quod falsò imponitur Thomistis à Molina, qui Domesticorum ju-*  
*dicio damnatur.* 236

## CAPUT DUODECIMUM.

- In quas tandem Antithomista alii sint angustias circa efficaciam Gratiæ. Et*  
*præcipuum eorum præcluditur subterfugium Prævisionis circumstantiarum,* 239  
**SECT. I.** *Circumstantia loci & temporis non minus sunt à Deo dispositæ, quàm*  
*alia. Quam parùm exigebant Pelagiani, ut primas creaturæ in aliquo da-*  
*rent; & tamen damnati à Patribus & Conciliis. Hic audiuntur duo Neo-*  
*terici, quorum doctrina meritiò rejicitur. Cavendum à subterfugio. Mirum*  
*in modum exprimitur Gratiæ efficacia à D. D. Augustino & Bernardo,* 241  
**II.** *Quomodo intelligenda sint quadam D. Augustini testimonia? Cur am-*  
*biat Prioritatem aliquam creaturæ; cui non pars denegatur, immò to-*  
*tum conceditur, sed datum non redditum. Nec illi unquam denegatur au-*  
*xilium Dei ad agendum cum opus est, nisi ob voluntarium, quod illa*  
*prestat impedimentum,* 244  
**III.** *Cur non in omnibus ex Promotione sequatur æqualis effectus? Quo-*  
*modo & in quo peccavit Petrus juxta mentem D. Augustini & D. Bernardi?*  
*Cur aliquando permittat Deus aliquos deficere, quos tamen, ne caderent,*  
*facile posset impedire? Quomodo omnis Dei Gratiæ actualis aliquem ha-*  
*beat effectum, quamvis propter eum, ipsa efficax non sit dicenda. Quàm inu-*  
*tilis sit Scientia Media,* 247  
**IV.** *In qua audiuntur Celebriores Societatis Iesu Scriptores, à quibus magis*  
*commendatur hac in parte doctrina D. Thomæ,* 251

## CAPUT DECIMUM-TERTIUM.

- Duo cujusdam Neoterici argumenta solvuntur & insignis dissimulatio Enpsi-*  
*ni aperitur,* 254

## CAPUT DECIMUM-QUARTUM.

- In quo confutatur libellus Gratianopoli 1674. editus, quantum spectat ad Prævium*  
*primæ Instinctum, prorsus alienum à quinque propositionibus condemnatis,*  
*nobis falsò impositis,* 267

## APPENDIX UNICA.

- In duas partes divisa, necessaria, tum pro majori intelligentiâ eorum quæ hæcenus*

diximus, tùm pro enucleatione eorum qua libro sequenti contra recentiores  
pretensa Defensionis D. Thomae Editionem dilaturi sumus, & precipuè ad con-  
firmandum Extractum Iosephi à Vita ab Euphistino in lucem, editum, 275

PARS PRIMA HUIUS APPENDICIS.

<i>In qua declaratur Basis doctrina à nobis propugnata iuxta mentem S. Au- gustini &amp; D. Thomae, quantum ad Præviu Cause primæ influxum in omni statu, causis secundis etiam liberis, necessarium ad agendum,</i>	275
<i>SECT. I. In qua probatur primò Præviu Dei influxus in omnes causas se- cundas ex quatuor universalissimis doctrina D. Thomae fundamentis,</i>	276
<i>II. Probatur secundò Præviu Dei in omnes causas secundas influxus ex modo singulari ac proprio, qui competit Deo ut primo Agenti,</i>	278
<i>III. Tertiò. Probatur eadem Prædeterminatio ex essentiali &amp; actuali depen- dentia creatura à Deo,</i>	279
<i>IV. Probatur quartò idem Concursus Dei Præviu variis Divi Thomae testi- moniis,</i>	281
<i>V. Quintò: ultro probatur Prædeterminatio physica in terminis ab ipsomet Do- ctore Angelico expressis,</i>	281
<i>VI. Probatur sextò ex D. Augustino physica Prædeterminatio,</i>	283
<i>VII. Septimo, probatur ratione Prædeterminatio physica,</i>	283
<i>VIII. Octavò, probatur eadem Prædeterminatio ex Oratoribus Ecclesie,</i>	284
<i>IX. Nonò, ex sacra Synodo Tridentina roboratur Prædeterminatio Thomisti- ca,</i>	285
<i>X. Decimò, probatur Prædeterminatio ex ejusdem Concilii Catechismo,</i>	287
<i>XI. Undecimò, probatur quoque ex D. Bonaventura eadem Prædetermina- tio,</i>	287
<i>XII. Duodecimò, probatur ex Cardinali Toletò,</i>	288
<i>XIII. Decimò-tertiò, probatur Prædeterminatio ex Azoria &amp; Alamanno,</i>	289
<i>XIV. Probatur Prædeterminatio ex Henriquez &amp; Perrerio,</i>	290
<i>XV. Probatur ex Canisio &amp; Salmerone,</i>	290

ALTERA PARS APPENDICIS.

<i>Specialiter necessaria pro Concordia D. Augustini &amp; Doctoris Angelici circa actuale auxilium Gratiaë necessarium, etiam in statu Innocentia,</i>	291
<i>Exponitur hujus Controversiaë status: An eadem fuerit ratio dependentia crea- tura à Deo in statu Innocentia &amp; in statu natura per peccatum corrupta, quantum ad actuale Auxilium Gratiaë absolute necessarium ad bene agen- dum: ac proinde an &amp; in illo fuerit necessaria Prætorio physica,</i>	291
<i>SECT. UNICA. Exponitur modus conciliandi D. Thomam cum S. Augu- stino, quantum ad modum loquendi, ex diversis, quibus usi sunt prin- cipis,</i>	297

APOLOGIA COMPENDIARIA

<i>Pro vera D. Thomae doctrina, præsertim adversus recentiores Euphistini Iudifica- tiones, tùm ex pretensa Suorum reductione, tùm ex Extracto libri Iosephi à Vita depromptis, tantoperè sine causa commendato, speciali libro Dnaci re- tens edito,</i>	301
---	-----

# LIBER TERTIVS, P R A E F A T I O.

**N**OVUS Euphistini processus explicatur, & admonitione necessaria Lectori  
prævenitur circa mentem Euphistini, 301

## C A P U T P R I M U M.

*Ex peccato primi Angeli è superba liberi arbitrii sufficientia proveniente, conatus est Euphistinus illudere Lectoribus, ubi & vera aperitur sua impugnacionis causa,* 305

## C A P U T S E C U N D U M.

*De secunda Euphistini ludificatione circa Extractum ab ipso factum ex Iosepho à Vita, quem ipse opponit ( ut ipse ait ) Torrenti Thomistarum. Fraus Euphistini in laudatis à se Authoribus, & precipue hallucinationes Iosephi à Vita aperiuntur, ex quibus faciliè corrumpitur totum opus ipsius, in quo confidit Euphistinus; & insigne Divi Thoma testimonium enucleatur contra Euphistinum,* 309

**S E C T. I.** Testimonia D. Thoma ab Adversariis dissimulata referuntur, aliæque hallucinationum causa aperiuntur; legitimus quoque detractionis passivæ modus, perperam ab Adversariis acceptus. Et ex D. Thoma afferitur testimonium quod est duplicis Motionis fundamentum, quo nemo, omnes Iosephi à Vita dissolvuntur lucubraciones, 314

**II.** Aliud fortius auxilium Gratia requiritur, quàm qui à Iosepho à Vita assignatur, satis expressum in Scriptura & Patribus, ex quibus Extractum Euphistini falsitatis convincitur, & essentialis dependentia quam habet à Deo creatura, demonstratur. Quod evidenter confirmatur variis D. Thoma testimoniis, quibus motio moralis tanquam insufficiens reprobat, 320

## C A P U T T E R T I U M.

*Tertia ludificatio aperitur, qua ex permissione Reverendissimi Magistri Ordinis nostri Ioa. Bap. de Marinis & quorundam Thomistarum Approbatione Libri Iosephi à Vita, integram suis libris restituere auctoritatem satagit Euphistinus. Fit satis Euphistino, tam pro presata permissione, quàm pro Approbationibus, ex quibus ille nihil omnino lucratur. M. l. fidei hic singulariter convincuntur Adversarii, truncato D. Thoma testimonio, ex quo tantum inadequatè explicant negotium Gratia circa certitudinem Prædestinationis divina. Ac denique ostenditur quid fuerit approbatum in libro Iosephi à Vita: quid verò reprobandum,* 325

**S E C T. U N I C A.** Cadit lite Euphistinus, etiam dum se vincere arbitrat; videturque pro illis militasse, quos susceperat impugnandos. Nec majus dari

*dari potest argumentum infirmitatis causæ ab ipso propugnandæ, quàm: quod hic exhibetur. Cavendum ne confundas principium movens voluntatem in suo ordine primum, cum absolute Primo, quod est Deus. Auditur P. Mai-gnan ab Eupistino citatus,*

329

## CAPUT QUARTUM.

*Quid dicat Bellarminus aliàs laudatus, & ad examen revocatus. Probatur primò Bellarmini immutatio ex quadam negativa non resistantia ipsi afflicta. Dissimulavit Eupistinus omnes Societatis I: su Patres laudatos præter Bellar-minum & Typhanium, citiùs adhuc credituros ad Thomistas. Non potest gra-vior injuria affingi Bellarmino, quàm si ipsi denegetur præfata immutatio ab aliis facta in ejus operibus,*

333

SECTIO UNICA. *Ejusdem Bellarmini immutatio confirmatur, ful-susque ostenditur majoris pietatis prætextus, teste Typhanio laudato ab ipso Eupistino. Si Eupistino fidem adhiberemus, periculosus esset Bellarmini obitus. Cur jam faciantur Neoterici doctrinam de Promotione esse probabi-lem? Testimonium Sancti Ignatii de Loyola pro doctrina Divi Thoma. Nec fictitia sunt falsificationes assignatæ in hoc capite, nec vera est calum-nia Hugoni Cardinali imposita,*

339

## CAPUT QUINTUM. ET ULTIMUM.

*In quo Typhanius iterùm ad examen revocatur. Dolus Eupistini & fraudu-lenta ejus jactantia aperiuntur. Dilemmate irretitus est Eupistinus, & propriis sui Affecta testimoniis convictus. Alià dissimulatione laborat Eu-pistinus, & propria fama in hac causa renuntiassè videtur,*

347

*Conclusio,*

353

Finis Indicis Capitulorum & Sectionum.



---

## A P P R O B A T I O N E S.

**N**Os infra scripti sacre Facultatis Parisiensis Doctores Theologi testamur legisse accuratè Librum, cui titulus est, *Compendiaria Theologie Moralis explicatio ad sensum SS. Patrum Augustini, Leonis Pape, Gregorii magni, Doctoris Angelici ac aliorum, præsertim circa sententiam de Doctrina probabilis*, &c. à R. Patre Jacobo à Sancto Dominico Ordinis Prædicatorum editum in quo vera fidei & morum dogmata, inconcussa stabilitate firmata agnovimus, & errores Adversariorum, qui in Authorem petulantius inveci fuerant, summa, quæ hominem Christianum decet, modestiâ retusos. Datum Parisiis, anno Domini millesimo sexcentesimo septuagesimo sexto die secundâ Augusti.

T. ROULLAND.

Du Bois.

---

## A L I A A P P R O B A T I O.

**C**ompendiariam Theologiæ Moralis Explicationem ad sensum Sanctorum Augustini, &c. Authore R. P. JACOBO A S. DOMINICO, Ordinis Fratrum Prædicatorum, Theologiæ Professore, suis aliis doctrinæ monumentis de Republica litteraria & Theologica optimè merito, attentione accuratâ perlegimus: genuinam ab eo Angelici & communis Magistri doctrinam è limpidissimis Sancti Augustini fontibus derivatam, câ soliditate, eâque modestiâ defendi animadvertimus, quæ virum eximiâ doctrinæ supellectile, & pari pietate ornatum decent. Multò minùs deprehendere quidquam potuimus quod foret Catholicæ & Romanæ Ecclesiæ veritati adversum. Datum Parisiis in Conventu Novitiatus Generalis ejusdem Ordinis, die 12. Augusti anni 1673.

VINCENTIUS BARON, Doctor Theologus, & Inquisitor Tolosanus.

F. MARCUS de DREÛILLE, Doctor Theologus.

V. CONTENSON, Theologiæ Professor, Ordinis FF. Prædicatorum.

---

## A L I A A P P R O B A T I O.

**C**ompendiariam Theologiæ Moralis Explicationem ad sensum Sanctorum Augustini, &c. Authore R. P. JACOBO A S. DOMINICO, perlegimus; in qua præter soliditatem Doctrinæ quam defendit, securitatem Regularum, quas pro dirigendis moribus statuit, summam ubique lucem, & obscurissimis etiam quæstionibus affundere nobis visus est, ut sanè peculiarem laudem sibi merito vindicare possit, *Qui legit, intelligit*. Futurum igitur nec tyronibus solùm, sed & doctioribus utilissimum Opus prælo dignum censuimus. Parisiis die 16. Julii 1674.

F. JULIANUS A S. JOSEPH, Lector Theologiæ.

F. ANTONINUS MASSOULIE, Theologiæ Professor.

F. PHILIPPUS BORDEREAU, Lector Theologiæ.



# ELENCHUS RERUM,

## ET MONITIUNCULA LECTORI NECESSARIA.

**I**mmunitas doctrinæ Sanctorum Augustini, Gregorii-Magni, Leonis Papæ; Doctoris Angelici, aliorumque 24 celeberrimorum Authorum à Novanti-qua Probabilitate perperam eis afficta, demonstratur; \* *cujus ortus, usus & abusus* Mundo cœvi, ac præcipui illius nœvi aperiuntur. <sup>a</sup> Sex etiam illius Cuniculi, totidem excipiuntur, dum possessio libertatis convincitur falsitatis, quotiescumque est contra obligationem legis, sicut & Regula Juris, *Melior est conditio possidentis* extra materiam justitiæ. <sup>b</sup> Nupera & hæcenus inaudita Vi-talis Neotericorum ignorantia, falsò dicitur invincibilis, idèoque nedùm mortua, sed & mortifera. <sup>c</sup> Opinionum diversitas ex argutiis Probabilitatis adinventæ; mera est cavillatio, quæ neminem excuset à peccato aut obligatione legis, prætextu insufficientis promulgationis, quam nequit prætexere opinio probabilis. <sup>d</sup> Reflexio supra Probabilitatem, (quæ in animarum perniciem ipsis Augustini Hæreticis) si sola sit, conscientię illudit. <sup>e</sup> Remissior eisdem Probabilitatis licentia pluribus titulis ostenditur cùm Ecclesiæ, tùm Sanctis Patribus injuriosa, proinde meritò impugnata ceu intolerabile malum summo-perè expugnandum, vel ob solam potentię naturalis pro morali substitutionem, & immoderatam prudentię Christianæ subversionem; quibus tñm in moribus incauti edè frequètius deciperentur, quò unius quæstionis nomen habens Probabilitas, rebus omnibus effusa immiscetur. <sup>f</sup> Item periculosus ad alienam conscientiam recursus, de industria quæsitus propriâ reclamante conscientiâ, <sup>g</sup> quantum possumus regenda, juxta æternam Dei legem, pluribus modis sat nobis intimatam in ipsis probabilibus, quæ hîc duodecim Conclusionibus, tanquam securis totidem Regulis reducta, diriguntur. <sup>h</sup> Et hoc operose negotio Theologiæ Moralis ritè hîc exposito, prima moderatæ Probabilitatis exponitur Basis, contra quorundam Neotericorum cavillos, præcipuum Academicorum ab Augustino debellatorum Dogma restituentium, <sup>i</sup> quibus hunc Aggerem ex doctrina D. Thomæ opponimus, *In moralibus inter aequalia contradictoriè pugnantia, non esse liberam eligendi facultatem. Quo Angelico Axiomate citato, <sup>j</sup> evidenter concluditur: potiori jure, contra scopum cujusdam Moderni Aggressoris, Philosophiæ Magistri, & aliorum Probabilitatis Defensorum; non esse licitum in moralibus sequi opinionem minus probabilem, faventem libertati, lucro aut voluptati, in concursu probabilioris pro officio, lege, præcepto aut honestate stantis.* Eoque uno, omnes protinùs Probabilitatis tricz dissolvuntur. <sup>k</sup>

Et cum Dei operatio ac rationalis creaturæ libera cooperatio, sint veluti duo Poli, quibus tota Theologiæ Moralis volvitur disciplina; Prævius Dei in omnes Causas secundas, tam necessarias quàm liberas, Influxus, hîc quoque Divo Augustino, etiam in statu innocentie; & Doctori Angelico, in ipso statu Gloriæ assertus, perfectè vindicatus apparebit, salvâ hîc activâ libertatis creaturæ indifferentiâ; illicque nil obstante hâc felici necessitate dile-

<sup>a</sup> Pag. 77.  
& seq. 84. &  
seq. 114. &  
seq. 86. 50. &  
seq.

<sup>b</sup> Pag. 3. &  
seq. 21. &  
seq. 140.  
& seq.  
<sup>d</sup> Pag. 146.  
& seq.

<sup>e</sup> Pag. 154.  
& seq.  
<sup>f</sup> Pag. 155.  
& seq.

<sup>g</sup> Pag. 176.

<sup>h</sup> Pag. 162.

<sup>i</sup> Pag. 36.  
& seq.

<sup>j</sup> Pag. 82.  
& seq.

<sup>k</sup> Pag. 59.

m p. 97. & f. q.

tionis necessarię , quam habent Beati , quibus & necessarius est hic Pręvius Dei Influxus , merito jure à Thomistis propugnatus ex Angelico Doctore laudato. <sup>n</sup> Sicque hęc pag. 292. & seq. mirabilem cernes D. Augustini & Doctoris Angelici concordiam , quantum ad doctrinam à Thomistis hætenus propugnatam. Quare diù ac multum à pluribus exoptatum circa utramque controversiam , id est , & vagam Probabilitatem profligandam , & Gratiā per se efficacem ritę intellectam , stabilendam ; excipient responsum plures Neoterici , qui hęc aut datā operā refutantur , aut ipsis occasione tantum occurrentibus , quidpiam momentosum respondetur.

Ex his sunt Joan. de Cardenas , Hispanus ; *Sain In* , Gallus ; Fictus Theopistus ignotus ; Germanus Philalethes Eupistinus Belga ; Terillus Anglus ; Josephus à Vita Siculus , &c. Verum , ne hęc laboret Lector nominum equivocatione , sciat duos esse Authores , qui nomina propria dissimulantes , hoc fictitium *Eupistini* assumpsere. Horum prior est : dicitur ex Religiosa Carmelitarum Familia , cum quo nihil discutiendum habebimus , utpotè nobis consentiente. Alter verò esse creditur ex Inclyta Religione Societatis Jesu ; de quo uno nobis erit sermo , cum *Eupistini* nomen hęc legetur , ut ipsi prę cęteris faciamus satis ; id toties exigenti , non solum unā aut alterā librorum suorum editione , sed & alterius Authoris , publicę lucis , ab eo facta , quam sibi favore arbitratus est , lucubratione.





# QUÆSTIO PROOEMIALIS.

## QUA IN ANTECESSVM BREVITER aperitur necessitas instituendæ huius Responsionis scu Apologiæ.

### SECTIO PRIMA.

*Quod unicâ propositione jam condemnatâ, & tamen audacter renovatâ & propugnatâ, innumera alia etiam meritis proscripse resistuntur, cum remississima probabilitate insontibus falso adscripta.*

Num.

1.



UM vaga nimisque remissa probabilitas hic expugnatur; non tam Thomistarum aut doctrinæ Divi Thomæ aliorumque Sanctorum Apologia instituitur, quàm totius generis humani jura propugnantur. Nec opus est ut diutius ad hoc persuadendum immoremur, tot jam editis hac de re libris, id ipsum ferè palàm facientibus, in quibus hoc unum videtur desiderandum, ut scilicet præfagâ mente potuissent illorum Authores prævidere futuram ejusdam Neoterici solertiam, qui ferè sopitas nostri ævi controversias videtur excitare sequenti propositione, *Licet etiam in Moralibus sequi opinionem minus probabilem*, Romæ damnatâ 15. Januarii 1664. in libro cui titulus est: *Ioannis Caramuelis Apologema pro antiquissima & universalissima doctrina de Probabilitate*: Rursumque proscripæ à Facultate Pictaviensi anno 1665. Et non solum illa, sed & omnes propositiones quibus præfata potissimum est innixa, sequenti censurâ fuerunt notatæ à Facultate Parisiensi, 23. Februarii 1665. *Doctrina harum propositionum falsa est & temeraria, innumeris novitatibus & corruptelis viam aperiens, & conscientia regulas subvertens.*

Hanc tamen propositionem conatur P. S. Ju refundere, non tantum in Doctorem Anglicum, sed & in alios Ecclesiæ Patres S. Leonem, S. Gregorium Magnum, aliosque quos re ipsâ citat tanquam præfate propositionis Authores vel Patronos: Thomistasque oppositum asserentes vocat *obsoluta Philosophia, strictioris quidem doctrinæ sectatores, sed laxioris disciplina amatores, qui nihil Græcè, parum Latine, & omnia in obliquo accipiunt.*

A

Hæc & similia convitia quibus nos afficit, ceu malæ & desperatæ quam tueretur causæ argumenta, libenti animo spernimus, ut unius veritatis causam agamus.

*Si bis*, inquit Scriptura, Eccli. 32. 11. *interrogatus fueris, habeat caput tuum responsum*. Atqui nedum unâ vice interrogati pro veritate, sed gravissimè illius causâ pulsati ac lacerati fuimus semel & iterum; dum non solum suis thesibus audacter asseruit Philosophiæ Magister, Thomistas esse Authores laxæ hujus Probabilitatis; sed dato etiam rursùm in lucem libello, id ipsum confirmavit dicto contumaci, & aperto insultationis despicatu his verbis, paginâ 5. *Quare si quid sæculo nostro condolendum, primi illi condoleant à quibus primis malum irrepserit*. Et sigillatim adductò Sanctò Antoninò, & aliis ex doctioribus Thomistis, ait remissam hanc Probabilitatem *esse communem Ordinis nostri doctrinam*. Hisque ad pompam præfecit Sanctum Augustinum & alios supra laudatos sanctos Patres tanquam Probabilitatis hujus Authores vel defensores: nec metuit asserere, pag. 6. *precipua Ordinum omnium lumina hanc sententiam propugnare*. At hoc falsum esse, totâ hac Responsione ita evidenter constabit, ut miretur Lector qui ausus fuerit vir Religiosus semel & iterum hæc typis mandare.

Admodum callidè (si tamen de industria) egit P. S. Ju: nullam siquidem nominatim ex illis scandalosis propositionibus, (quæ totam ferè Religionem Christianam perturbarunt) movit: sufficienter enim sunt sparset per totum orbem, (quarum habemus apologiam, & hætenùs retractationem desideravimus:) sed præfatam defendit tantùm propositionem scilicet: *Licetum est etiam in moralibus sequi opinionem minus probabilem*. In quâ unâ, omnes propositiones disseminatæ in Casuistis, tanquam probabiles, continentur veluti fruges in semine: sparsis enim per mundum libris Casuistarum asserentium has & illas propositiones (quæ sunt innumeræ) esse probabiles; subindeque tutas, vel solò, ut aiunt, probabilitatis beneficiò: nullâ arte, nulloque alio verborum apparatu opus erat, ut proscriptis propositionibus (saltem apud incautos) vigor restitueretur quàm prædictâ assertionem, *Licetum est in moralibus sequi opinionem, etiam minus probabilem*. Quâ vel solâ pacificè receptâ, quidquid hætenùs decretum est à summo Pontifice, & ab Episcopis Galliæ, contra morum laxitatem, quàm facillimè abiret in fumum.

Et ut quilibet hic esse possit locupletissimus testis & judex; legat ex una parte in vagæ Probabilitatis Defensoribus id quod asserunt sufficere ad conciliandam alicui opinioni Probabilitatem sufficientem pro conscientiæ securitate (quod infra referemus.) Et ex altera parte unum habeat præ oculis Casuistam v. g. Dianam: tria circiter millia opinionum probabilium referentem, quarum major pars stat pro libertate contra legem: sæpè pro lucro & commodo, aut voluptate contra officium aut honestatem, &c. juxta quas si à comparatis (prout Rhetores loquuntur) argumentari voluerit aliquis sagax & subtilis defensor vagæ Probabilitatis: contendo vix esse aliquid ita integrum in Moralibus, quod utramque in partem problematicè non possit agitari.

Hic diximus: In vagæ Probabilitatis Defensoribus: (nam quandiu erimus sub hac caligine, non poterimus omninò Probabilitatem devitare, ut

*Necessitas instituenda hujus Apologia aperitur.*

infra dicemus duodecim Conclusionibus.) Quales sunt illi qui ad sufficientem Probabilitatem dicunt, *sufficere unum Casuistam, non communiter, ut loquuntur, ab omnibus desertum*: vel, illum ipsum qui sibi suadet, *rationem vel auctoritatem quā nititur, esse alicujus ponderis*: unde fit (inquiunt) *ut opinio sit saltem probabiliter probabilis*: quod ipsis plenè sufficit, ex quo non parum pervertitur ordo rerum, dum quisque in propria causa judex instituitur, immò pro judice reus assumitur; cæcus pro duce; & pro Medico spiritali infirmus admittitur etiam in ipsa Confessione sacramentali, dum dicunt, *Confessorem teneri, etiam sub mortali, sequi probabilem penitentis opinionem, quamvis ipse eam judicet falsam esse.*

## SECTIO II.

*Quod scandalosa sit & injuriosa, hæc, de Probabilitate doctrina, ipsi Sanctis Patribus à Patre S. In citatis, falsè quoque afflicta.*

Nu. 2. **N**ON est minùs injuriosa hæc vaga probabilitas sanctis Patribus, quibus (licet falsò) attribuitur. Explicatur. Volens Osèe Propheta morum corruptionem, malorumque colluviem, quibus Dei populus inficiebatur, unò verbò exprimere, dixit: *Populus tuus sicut ij qui contradicunt Sacerdoti.* c. 4. v. 4. Et utinam Defensores Probabilitatis solummodò hac in parte, D. Augustino, & Doctori Angelico contradixissent, non verò iisdem, tam audacèr quàm falsò, vagam ac remissam hanc Probabilitatem imposuissent. Ex quo subinde duplex malum non potest non provenire; nimirum, aut maximus doctrinæ ipsorum (saltem apud incautos) contemptus: aut periculosissimus usus illius, factà ipsorum doctrinà in *muscipulam pedibus insipientium* (ut Scriptura loquitur) existimantium nupera, de Probabilitate dogmata, esse ex sanctis illis Patribus deprompta, ac subinde tantis Authoribus satis tuta: cum tamen ipsis omninò adversentur, ut palam Deo favente infra demonstrabimus ex evidentissimis illorum testimoniis.

Sed ut ab omnibus hìc judicemur, *Ambulantes*, ut loquitur Apostolus, *in sola defensione & manifestatione veritatis: contra quam, nihil nos posse; cum ipso in Domino gloriamur.* Nec statum nec personas hìc exagitatam Defensorum Probabilitatis citra absolutam necessitatem, (ne scilicet dicant ipsis à nobis imponi;) sed propositiones, ut in se jacent, expugnabimus: quales sunt illæ, quæ in famoso illo libello, falsoque nomine (cujus Authorem vellemus ignorare) sunt evulgatæ, de quibus doctissima Facultas Parisiensis hæc in sua censura ait: *Hæ propositiones sunt pudende, infamæ, & scandalosæ.* Et tamen in magnum veritatis ac divini honoris præjudicium, necnon in magnam perniciem salutis animarum, renovatæ sunt palam novà ejusd. lib. editione in fol. falsò Cracoviæ, & in rei veritate, quantum licet conjicere ex caractere, Lugduni. Atqui omnes illæ propositiones probabilitate donatæ sunt à suo Authore; alio ergo non indigent palliò, ut honorificè semper prodeant in lucem, quàm hac propositione Magistri Ph. losophiæ, *Omnis propositio, etiam minis probabilis, & in moralibus, est sufficiens morum regula*, ut passim suadere nititur in suo libello & thesibus.

A ij

Si ad specialia descendamus : quis patienter ferat propositionem iudicio sacre Facultatis Parisiensis, *falsam, & castis auribus horribilem*, sancto Præfuli Antonino adscribi, scilicet, *defessum quocumque labore, etiam illicito, v. g. cum fœminis commixtione, liberari à jejuniis*. Quod licet sit falsissimum, neque unquam sancto Præfuli venerit in mentem; interim tamen expedit in antecessum huic malo promptum ex D. Thoma apponere antidotum, deMalo. q. 16. a. 5. ad 11. *Sicut, inquit, ebrius tenetur non peccare, non quidem considerato presenti statu, sed considerata ebrietatis voluntariâ causâ, secundum quam imputatur ei aliquid ad culpam: ita etiam potest intelligi, quod diabolus teneatur converti ad Deum, quamvis hoc ei verbo impossibile secundum presentem statum; quia in hunc statum ex voluntaria causâ devenit.* Quis itidem ab illo non abhorreat, qui semoto omni pudore, non erubuit Bullam Pii V. ludificari, contra Clericos crimine pessimo affectos latam: subterfugii excogitatis ita stupendis, ut mirum sit, ab huius viri calamo effluxisse, quæ perditissima mulier vix auderet proferre. Mitto alia, quæ non minùs falsò imposita sunt Doctori Angelico: v. g. *Quod quis retinere possit quæ per subversionem iustitiæ, turpi lucro acquisivit.* At si semel obtineat de Probabilitate quam impugnamus doctrina, uno verbo omnes difficultatis nodos non solveret, sed hoc probabilitatis axioma diffecaret, *Authore non caret, ergo probabilis est.* Viden, Amice Lector, quò processerit hæc nova Probabilitatis doctrina.

---

### SECTIO III.

*Turpia proferuntur exempla, quæ tamen forent iuxta probabilitatem excusanda.*

Nu. 3. **T**E ergo teste, non contra rectum probabilitatis usum dimicabimus; sed adversus abusum illius, quem crudeli quadam benignitate, ratio humana supremo Numine inconsulto, & neglectis fidei testimoniis, nostro ævo studuit obtrudere, ex qua itidem processerunt olim inter Paganos tot deliria, & ipsa malorum omnium origo, Idololatria. Nam ut dicitur Sap. 14. v. 16. *Interveniente tempore, invalescente iniquâ consuetudine, hic error (scilicet Idolorum cultus) tanquam lex custoditus est, & Tyrannorum imperio segmenta colebantur.* Illinc inter Derbices & Messagetas crudelitates, qui jugulabant ac vorebant suos parentes senes, existimantes melius esse ut à seipsis comederentur, quàm à vermibus. Talis est apud Indos amentia, apud quos mulieres igne cremantur post mortem maritorum. Talis furor apud Carthagenenses & Gallos, apud quos non solum crebra erant infanticidia, sed & hominum sacrificia dæmoniis immolatorum. Ex his, aliisque innumeris similibus evidentissimè inferitur, quàm sit cæca ratio humana, sibi soli derelicta: quam ita corrigere nequivit etiam accuratum ipsius Philosophiæ studium, quin in nefandissimas turpitudines inciderit apud Philosophos, ipsumque Platonem, apud quem instituta erant leges de adulteriis perpetrandis, quibus præcipiebatur ut mulieres essent communes. At hæc, & similia excusatione legitimâ non careret; nam talis erat illis persuasio. Quod sufficit Defensoribus vagæ hujus Proba-

bilitatis : immò hæc turpia ac nefanda , erant ſtatuta legibus , & Principum Ediſtis præcepta. His tamen non obſtantibus , ad ſolius rationis tribunal nos remittere ſtatigit vaga Probabilitas , uſurpatâ authoritatè definiendi , utrùm Majorum præceptis obedire teneamur : utrùm Eccleſiæ leges ſint ſufficienter promulgatæ , aut nullæ : ex eo vel ſolo , quòd aliquandiu non fuerint à nobis obſervatæ , licet talis nobedientia fuerit injuſta.

#### S E C T I O I V.

*Majus malum Perpetratur per probabilitatem in ſubverſione legum : ſciet & in ſcandalo Hæreticorum.*

Nu.4. **U**Rgeo magis. Malum quidem eſt & grande , morum corruptionem inducere ; aut eam contra leges graſſantem , non impedire cum poſſis : ſed longè minus eſt hoc malum , quàm illas corrumpere : ita ut vitiis , quibus coërcendis fuerant inſtitutæ , favere videantur : nam quandiu leges non pervertuntur , ſunt veluti aggeres fortiffimi , quibus ſaltem boni obteguntur , & nonnulli etiam impediuntur mali , ne tam liberè in præceps ruant. At his repagulis ſemel effractis , cuncti promiſcuè tanquam validiſſimo torrente rapiuntur , nec ulla eſt ſpes revocandi tranſgreſſores , cum boni ipſi deceptionis fraude , aut falſâ aliquâ ratione excœcati , eò minus poſſint emendari ſi ceciderint , quòd malum ipſum ſub ſpecie boni aut liciti ipſis magis adulatur. Explicatur. Ab omnibus timoratis proſtigatur hæc Epicurea propoſitio : *Licet ſe cibo & potu uſque ad vomitum ingurgitare , ut poſſit quis ob ſolam voluptatem iterum & iterum comedere.* At occurrit Probabilitas hæc ad fucatâ ratione , quæ ſolvit omnes temperantiæ leges. Cur , inquit , *ſenſus ſuâ voluptate naturali non fruetur ?* Sieque non ſolum juſtæ pervertuntur regulæ & leges , ſed falſæ introducuntur. Talis non immeritò exiſtimatur hæc alia Defenſorum Probabilitatis regula , quâ dicitur , *ut tanquam probabilis habeatur omnis opinio , quæ manifeſtè falſa non fuerit.* Hæc enim plures opiniones falſiſſimæ & fidei contrariæ . v. g. circa Divini Numinis providentiam , animæ immortalitatem , &c. eſſent probabiles , aut ſaltem , ut veriùs loquamur , ex principiis adverſariorum exiſtimarentur tales : quod illis ſufficit . verùm hac in parte pernicioſum eſſet ſilentium noſtrum . nam , ut utar verbis magni Yvonis Epifcopi Carnutenſis , *Infirmi tati humanæ conſulentes , ea facere non debemus , ( immò nec ſnere ut ſiant , ſi impedire valeamus ) in oculis infirmorum , quibus tanquam argumentis utantur ad velandam ſuam perverſitatem , & inſuſcandam noſtra ſerenoſitatis ſimplicitatem.*

Dices cum quodam Moderno , non omnes illas propoſitiones ſcandalofas ac turpes , Sanctis illis Eccleſiæ Patribus affingi ab Autoribus aut Patronis vagæ probabilitatis.

Reſpondeo 1. Falſum eſſe tum ex dictis , tum ex dicendis , cum nonnullæ propoſitiones etiam turpiſſimæ obtrudantur & obtegantur illorum authoritate. Reſpondeo 2. noſtrâ , plurimùm ( totiuſque cætus Sanctorum intereſſe , ne ſaltem à fidei hoſtibus illæ aut his ſimiles propoſitiones poſſint eorum uni vel

apparenter affingi. Verùm semel admiffa Magistri propositione, jam ut diximus, semel & iterum damnata, nec propter hoc ab Adversariis emendata: *Licet etiam in Moralibus sequi opinionem minus probabilem*; sintque innumere propositiones per Orbem iparsę in Casuistarum libris tanquam probabiles: & ut tales ab Apologista Casuistarum propugnate, à nullo verò (quem sciamus) revocate vel emendate. Necessaria consecutione infertur illas fore admittendas, ex falso dictę quam impugnamus propositionis principio, *licet, &c.* Unde dicendum est quod dixit Caramuel in alià occasione, *vel omnia debent transgredire Adversarii, vel à principaliori opinione discedere*: quare & huic Moderno, illud D. Augustini lib. 2. de adult. conj. c. 4. reponam, & ut arbitror non immeritò: *Hoc tu quidem non sentis, sed hoc sequitur illa que sentis: muta ergo antecedentia, si vis cavere sequentia.*

At non tam curamus quid sentias, quam quid sentiendum sit, aut sentiri possit ex hac doctrina: non enim possunt omnes discernere, *inter lepram & non lepram*; id est, dijudicare id quod est verè, vel tantùm apparenter, immò & falsò probabile. Dissimulari fortasse posset prædicta propositio, *licet sequi opinionem minus probabilem*, ut olim, à viris doctis ac timoratis bonâ fide tradita, nondum prospicientibus, quid ex illa educeretur: necdum disseminatâ per Orbem innumera propositionum multitudine pijs & castis auras offendentium, pallidò tamen probabilitalis testaturum: at jam factum est intolerabile malum quod serpit ut cancer, & quod tamen suos habet patronos.

Nemini igitur mirum esse debet, si & nostram sinceritatem hac in parte contra tot falsa nobis imposita aperiamus; & illorum coram hominibus defensionem suscipiamus, quorum apud Deum exoptamus Patrocinium. Itaque si mihi liceat sequentia Divi Chrysostomi verba usurpare, dicam; *Superseminatis Zizaniis expavimus, metuentes ne zizaniorum gramina ad nostram redirent offensam: & licet conscientia nostra hic nihil haberet præter jacturam boni seminis* (quod ad justam querimoniam nobis sufficeret) *debemus Domini nostri auditum pravenire ne securi de innocentia, reatum de silentio suscincamus.* Sed ulterius progrediamur. Malum etiam est id, quò tot ac tantis malis patrocinium exhibetur: sed ad cumulum istud accidere judicabitur: quòd non solum toti Ecclesię sit ignominiosa ac perniciofa, hæc vaga de probabilitate doctrina, sed ipsis Heterodoxis scandalosa, indè arreptâ occasione perseverandi in suo schismate: dum existimant (licet falsò) talem doctrinam pertinere ad Ecclesiam Romanam, quam ex animo averfatur, ut patet tot censuris. Et ne hic male ominari, aut falsis duci conjecturis videamur, fidem absolvet Molinzi Libellus, cui titulus est, *Traditions Romaines*, ac novissimè alius Minsster nomine, *Derelincour*, qui alium edidit Librum, cui & hunc gallicè præfixit titulum latinè redditum, *Licentia quam Casuista Communionis Romana, dant suis devotis.*

Et quamvis Hæretici extra Christi Ovile & Arcam Noë positi, nihil habeant ex his Casuistarum laxitatibus & libris, unde aut separationis suę causam excusare possint, sibi que adulari: aut Ecclesię quidquam valeant impropere, quæ doctrinam hanc, ut dictum est, non approbat, sed Cen-



sus ac Anathematibus improbat, & percutit. Attamen operæ pretium est, eam sic traducere, ut nemo decipiatur: etenim sicuti præscriptum est legibus; *Decepris subveniendum est, nullatenus verò favendum decepto-ribus.*

*In talibus siquidem causis* ( inquit Cælestinus Papa ad Episc. Galliæ c. 1. apud S. Augustinum in Appendice to. 7. ) *Non caret suspitione sacrumritas, quia occurreret veritas, si falsitas displiceret: merito namque nos causa respicit; si silentiò favemus errori. Error enim,* inquit D. Gregorius, *cui non resistitur, approbatur.*

## S E C T I O V.

*Quod inutiles sint & tantum apparentes seu evanida Modificationes Defensorum Probabilitatis remissa.*

Nu. 5. **U**Num erat, quod me ab hujus defensionis onere, levare poterat: nempe, quædam Modificatio, à privatis quibusdam Patronis vagæ Probabilitatis facta, & certis Theologiæ Moralis casibus adhibita. *Quod scilicet non omnis quidem Probabilitas sit admittenda, sed illa tantum quæ gravi Authoritate, aut rationibus magni ponderis suffulta sit.* At, evidenter deprehendi, non nisi fucum ex hoc rebus fieri: nam per gravem Doctorem, quemlibet ex Casuistis ( Quos omnes existimat doctos Probabilitatis ille Defensor ) intelligit: cui non minorem defert Authoritatem, quàm Stoici suo Sapienti, quem omnia scire jactabant: ait enim ille ( *Homo doctus nunquam sic fallitur, ut ipsi falsum, quasi probabile obrepat.* ) At quod est probabile ( inquirunt ) sufficit ad securitatem conscientiæ. Itidem per rationes magni ponderis, non intelligunt rationes veras, legi, officio, aut honestati faventes: sed tantum verisimiles, quæ tùm suis Authoribus, tùm hominibus in libertatem, lucrum aut voluptatem propensis, semper erunt probabiles: nam quisque suæ imaginationis idolum facillimè colit; & cum ferè unusquisque judicet prout ipse fuerit affectus; mirum in modum acuet ingenium amor libertatis, lucri & voluptatum ad excogitandas rationes apparentes, quibus incauti decipiantur: quod fusius infra apparebit in Joanne Cardena, cap. ultimo.

Hoc ipsum elegantissimè aperuit, illustrissimus Gandavensis Episcopus, in sua ad Clerum suum Epistola: in qua ait; *Nullum penè jam esse præceptum naturale aut positivum, quod quæstiosus Probabilitatibus obnoxium non sit, & eludatur.* Quod velim prænotatum.

Sed ut meridiana luce evidentius innotescat, omnes Adversariorum modificationes esse prorsus evanidas, inutiles & fucatas: hic non exscribam Escolarium Casuistam; sed alium Modernum qui strictior cæteris haberi voluit: quique nihilominus non solum intractam, in tota sua latitudine relinquit Probabilitatem, sed illam plenè restituit, etiam ab aliis castigatam, idque his verbis; *Imprudenter* ( inquit ) *procederet, qui aliorum opiniones communiter receptas, vel etiam novas, idè tantum judicaret improbables, quia rationes contra eos, aliquas habet, quas ipse non potest solvere: neque*

putaret ab aliis posse solvi. *Quia persuadere sibi prudens quisque debet; multas sapè rationes apparere insolubiles, quas facile alij solvunt. Ideo nemo unquam solo iudicio suo aliorum sententias debet judicare improbabilis.*

Atqui ipsarum sunt de rebus ferè omnibus in libris Casuistarum opiniones probabiles sine numeris & personis (ut aiunt) id est, infinitæ: quæ præmissis hoc Neotericorum monitò: & aliunde semel admittis propositione P. S. Ju. *Licetum est sequi in praxi, opinionem minus probabilem* (ita gratanter (ut accepi) excepta Gratianopoli, ut volentibus ejus falsitatem invidis argumentis ostendere in publicis disputationibus; os fuerit obstructum, altissimumque impositum silentium) integram habent laxissimæ probabilitatis Defensores licentiam, etiam in moralibus; quæ tota, in dicta propositione veluti in radice continetur; eoque periculosiori modo, quò occultiori obtruditur à S. Ju, ac plurimorum (licet falsò) hanc munire suffragio ipse molitur.

At, quid non tentasset vir ille; qui non tantum extraneis hanc propositionem affingit, sed nobismetipsis etiam reclamantibus eam imponere non erubescit, asserens hanc esse, non solum propriam D. Thomæ doctrinam, sed communem omnium Thomistarum sententiam. Verum si calumnix tam aperte adeoque nobis injuriosæ disseminationem impedire nequivimus: rei veritatem, nostræque sinceritatem doctrinæ diutius silere, nunc nec possumus, nec debemus, cum hoc nemini denegetur, ceu unicum ac opportunum sparsæ falsitatis remedium. Eterim, ut ait D. Gregorius Magnus: *Si credi fideliter consentienti despicitur, cunctorum in dubium fides adducitur: nam veraciter consentienti non credere, non est hæresim purgare, sed facere.* Atqui asserere non vereor vix unam fuisse in Ecclesia hæresim: (ex plusquam trecentis, quas extinxit) quæ aut plura aut majora mala pepererit, quam ex vagâ probabilitate; sic palliata seu dolò restituta, possent tandem suo tempore diffluere: quæ non unum errorem aut peccatum inducit, sed universim omnia ferè flagitia delinit, excusat ac regit rationibus fucatis, quibus itidem omnibus illud Dei legibus ac Præpositorum præceptis. Quare non dubito quin obstupescant ac doleant plurimi quoddam recens propugnata sit; rursusque libello speciali disseminata hæc doctrina, quæ tanquam ex fermento, tota probitas morum brevi temporis intervallo corrumpetur; ac vanum & inutile efficeretur quidquid à summo Pontifici, & ab omnibus ferè Episcopis Galliæ, tanto labore actum est in profliganda vagâ probabilitate: quos nemo existimabit modum excessisse, si apud se voluerit meritum hujus causæ, æqua statèrâ ponderare: nam ut optimè advertit quidam Modernus. *Nulla est difficultas quæ amplitudine comparari possit cum probabilitate: licet enim unus tantum questionis nomen habeat, innumerabilium tamen, ne dicam omnium aliarum est origo, ex quavis vel derivanda sint, vel ad eam revocanda: nulla siquidem est materia, ad quam non pertineat, aut cui non se immisceat probabilis errorum delectum: Quare si præfata admittatur doctrina: ad probabilitatis nutum indaganda erunt, & componenda reconditiora synderesis arcana: Ex probabilitate etiam charitatis & prudentiæ depromenda erunt principia: nec non præcipua vitæ Christianæ & societatis humanæ officia, (quæ una nituntur pro lege, officio ac sine debito justè consequendo partis tutoris electio; ) ad probabilitatis tribunal erunt deducenda: & ipsa probabilitas.*

bilitas quæ est ignorantie filia; constituet regulas ad omne genus rerum pertinentes. Ut ex illis judicare discamus de conscientie dictamine: de sufficienti legum promulgatione, valore aut abrogatione: idque non tantum quando ageretur de fortuna bonis, aut corporis valetudine, sed etiam in rebus maximi ponderis, v.g. de morbis spiritualibus Animæ, de remediis illis convenientibus ac necessariis: de valida Sacramentorum administratione: de ipsius Animæ natura, ejus immortalitate, felicitate aut æterna damnatione: seu ut ipsis utar verbis Authorum Probabilitatis; *Cum de æternitate jacitur alea*. Qui de rebus per Probabilitatem quasi ex joco agere videntur. Et propterea superius dixi in hac vaga probabilitate, cui uni bellum indiximus, recludi causam totius Generis humani, cujus omnis status & conditio ad probabilitatem in suis Officiis confugere possit propter questionis amplitudinem, ut dictum est. *Nec perpendunt* (inquit Episcopus Gandavensis supra laudatus) *Supremum judicem Deum, non ex Magistrorum istorum placitis ac commentis, sed ex Christiane pietatis Regulis sententiam aliquando lacrum. Istosque Consultores Tribunali tunc temporis non adfuturos, qui causam agant ac philosophicis ratiocinationibus deffendant reos, quibus relicta securiori via per minus securam, modò commodam se possent incidere persuaferant.*

## SECTIO VI.

*Breviter ostenditur quàm insufficiens sit probabilitas, ad excusandum peccatum exemplo Protoparentum: & D. Augustini testimonio; nimia creatura arrogantia in propugnanda libertate creata demonstratur.*

6. **E**Xistimavi non fore molestum Lectori, si in sequentibus breviter aperirem, jam diù latentem probabilitatem, & in uno Adami & Evæ peccato, totam ferè recludi probabilitatis solertiam: quæ sicut ipsis, nihil omnino profuit ad excusandas excusationes in peccatis: ita & inutilis erit eâ urentibus. Quod sic acceptum velim, non quasi dicam Adamum & Evam aliosque à Mercoro citatos, artem Authorum probabilitatis calluisse, aut eâ usos fuisse (nisi quatenus ipsis jam corrupta per superbiam suggestit natura, in consimiles excusationes satis propensa) Quod nunquam ipsi Mercoro venit in mentem: qui tantum indicare voluit ex argutis Defensorum probabilitatis, eorumque doctrina & principiis: facile excusari potuisse hæc & similia Protoparentum, Saülis & aliorum peccata, quæ tamen æquissimus Judex nec excusata habuit, nec reliquit impunita. Quâ in re advertat Lector, nullam nos gerere hastam, sed clypeum tantum: nosque Aggressores non esse, sed Defensores: & quidem non tam D. Thomæ aut Thomistarum doctrinæ, quàm juris Divini & communis causæ totius Religionis Christianæ, ut jam satis patet ex prælibatis, magisque patebit ex dicendis. Nam sicut per probabilitatem (cuncta ferè, ut dictum est, ambientem, rebus fidei nedum exceptis) creatura nimis extollitur, cui Authoritas tribuitur, quasi Divina, dum asserunt; *Vnum Casuista calculum, modo rem tractaverit ex professo, sufficere ad securitatem con-*

*scientia*. Ita per novum modum explicandi Concursum Dei, Deum ipsum nimis deprimitur, cui singularem agendi prærogativam & modum, ejus Omnipotentia maximè congruentem & proprium denegant; sibi quæ arrogat: quod non aliunde provenit, quàm ex radice peccati primi hominis: qui (ut ait D. Augustinus lib. 2. de Gen. contra Manichæos cap. 17. peccavit, *Quia voluit esse par Deo; id est, liber ab ejus Dominio, sicut ille ab omni Dominio liber est, quoniam ipse est Dominus omnium*. Solus autem Deus ab omni Dominio liber est, & ut ait idem S. Præsul to 3. de spirit. & litt. cap. 30. in fin. Maxime allucinatur illi, qui ut sint *Liberi, nec ipsum (sc. Deum) volunt habere Dominum*.

Has duas difficultates seu controversias (Quæ sunt veluti duo Cardinales sive Poli Moralis Theologiæ, & totius doctrinæ D. Thomæ) existimabamus sopitas, vel saltem ita suspensas, ut nunquam de ipsis rediret sermo. Probabilitatem quidem, nam licet de illa, nullam haberemus retractionem, suspensione utcumque contenti eramus, hæque sperandas non esse existimabamus inducias, quibus probabilitatis Defensores fiunt Neutraliste, ut loquitur Celledgeus. *Non curamus (inquit) nec amplius disceptamus, an verè vel falsa sint illæ opiniones, quas tot ac tanti viri estimaverunt probabiles*. Ex quo, pronus in pacem, & mutata sententia, id usurpabam, *Qui non est adversum nos: pro nobis est*. Luc 9. v. 30. Illud quæ defendendum putabam, etiam adversus eos, quid aliud paris ponderis Matth. 12. v. 30. mihi objiciebant; *Qui non est mecum, contra me est, & qui non colligit mecum, dispergit*.

Alteram verò, de Concurſu Dei controversiam, prorsus extinctam etiam arbitrabar; datis in lucem à sex annis, tribus hac de re libris, quibus nulla responsio fuerat facta. Verùm in equo Trojano latebant milites; nam circa probabilitatem totum certamen instauravit ex una parte Gratianopoli, P. S. Ju Magister Philosophiæ: primò suis thesibus, ac rursùm libello speciali disseminato: ut ipso, suæ vagæ ac amplissimæ probabilitatis, totus mundus esset particeps. Ex altera verò Regione scilicet in Belgio adversus Prævium Dei concursum recenter 1673. Classicum in me cecinit quidam Anonimus; falsò vocabulò, Germanus Philalethes Eupistinus, lepidus in cavillis, in injuriis facundus: quoad veritatem quam aggressus est impugnandam, non admodum felix, ut citò parebit: si nomen proprium occultavit, utcumque excusabilis est: cum non posset seipsum manifestare, sine aperto sui dedecore. Quantum verò ad probabilitatem, hæc una primò nos hic totos detinebit occupatos: cum qua agemus, totâ, quâ potrimus humanitate; quare probabilitatem non vocabimus cum Antonio Merenda: *Commentum diaboli*. Neque tamen aliunde, hac magnâ in illam commiseratione ac reverentiâ commovebimur cum Cardena, qui in sua Crisi 1670. edita Lugduni, ait pagina 117. *Dolendum quod multi sacrum probabilitatis nomen corrumpunt*. At illius dolorem delinire conabimur, etenim probabilitatem quantum æquitas postulaverit, tuebimur: non tanquam aliquid sacrum, sed ut quidpiam valde imperfectum, quod certis circumstantiis & modificationibus corrigere ac emendare conabimur. Nec à medio (quod tenuere Beati) Deo favente, recedemus.

Hic unum velim monitum Lectorem benevolum, me scilicet nonnulla

integra haud exscripturum ex Patribus testimonia, ne compendiosæ apocriphis metas excedam, & nimium intumescat volumen, quod cupio esse exiguum. Quare accipiam tantum quæ judicavero necessaria & sufficientia ad rem propositam evincendam: indicabo tamen similibus punctis.... &c. Aliquid superesse, quod non magis detrectem, quam illud quod expressè & explicitè deprimam. Et hoc non silendum putavi, ne arbitrentur aut exprobrent Adversarij id à me dolo aut aliquâ fraude factum fuisse; exemplò eorum, qui ubi quidpiam sibi incommodum reperiunt; aut illud corrumpunt, aut non gravatè relinquunt, ut passim data occasione ostendam.



# EXPLICATIONIS THEOLOGIÆ MORALIS

## LIBER PRIMUS,


CONTRA LIBELLVM A LECTORE PHILOSOPHIÆ  
Collegij Gratianopolitani nomine *Saint Jusse*, vulgò

*S. In*, nuper editum.

### CAPUT PRIMVM.

#### SECTIO I.

*Quid sit Probabilitas ex mente Divi Thoma : & quæ illius Radix , unde dicatur opinio magis aut min'is probabilis ?*

Nu. 1.  E in hac controversia satis obscura sine luce aut sine Duce procedamus ; scire expedit ante omnia. *Quid sit Probabilitas. Quid Opinio.* Ut in sequentibus palam innotescat ; *Quid sit Opinio probabilis.* Et utrum ipsa esse possit aliquando sufficiens Morum Regula. Quod ut aperire possimus, necessarium erit quædam præmittere, ac præ cæteris Doctorem Angelicum consulere, qui res omnes, tum speculativas, tum Morales, mirabili subtilitate ingenij rimari consuevit : nec minori perspicuitate semper explicare.

Primò igitur certum est ; Probabilitatem modò valde diversò, exprimi in Scriptura ab eo, quò ut plurimùm utimur. Nam probabilitatis vocabulò ( Si tamen verè, pro Probabilitate sit usurpandum ) nihil aliud in Scripturis intelligitur, quàm *probata aq̃uitas, seu bonitas irreprehensibilis, sive virtus digna Dei approbatione.* Sic 2. ad Tim. 1. v. 15. dicitur ; *Sollicitè cura te ipsum Probabilem exhibere Deo.* Et Eccl. 41. v. 8. *Eris eruditus in omnibus, & Probabilis in conspectu omnium viventium.*

At Probabilitas prout à nobis hic sumitur, est tantùm *verisimilitudo* : ceu *quædam imperfecta veritatis imago* : Sive ut alij volunt, *Incerta ac confusa cognitio veritatis.* Quæ subinde latitudinem habere possit, prout res una est alteri magis, aut min'is verisimilis : aut magis, min'usve ab uno cognoscitur, quàm ab alio. Per ordinem igitur ad veritatem hæc verisimilitudo consideranda est.

Veritas verò, quæ D. Thoma teste 1. p. q. 16. a. 1. & 8. in adæquatione

intellectus cum reintellecta, essentialiter consistit; indivisibilis est, sicut & numerorum species: nec subinde augeri aut minui potest: bene tamen destrui per mutationem intellectus diversam, de re eodem modo se habente, concipientis æstimationem: vel per mutationem ipsius rei cognitæ, eodem de ipsa, conceptu persistente. Ex quo ut patet, non est major convenientia veritatem inter & Probabilitatem; quàm inter rem vere existentem, & imperfectam ejus imaginem.

Imperfectam dico: quia non minùs falsitatis quàm veritatis susceptiva est opinio, ut ait D. Thomas 1. 2. q. 57. a. 2. ad 3. A quo hanc ob causam excluditur à virtutum intellectuum consortio, ab eoque hunc in mundum definitur.

2. *Opinio est actus intellectus, qui fertur in unam partem contradietionis cum formidine alterius.* Ita S. Doctor 1. p. q. 79. a. 9. ad 4, & 2. 2. q. 1. a. 4. Itaque opinari nihil aliud erit quàm ex verisimilibus conjecturis & apparentibus argumentis quidpiam judicare cum formidine partis oppositæ. Et opinio probabilis erit, cui verum vel falsum inesse possit, suasque alicujus momenti habeat rationes, quæ falsitatis apertæ revincinequeant. Seu, ut ait Divus Bernardus 5. de Consid. c. 2. *Opinio est quasi pro vero habere aliquid, quod falsum esse nescias.* Nam ut ipse præmiserat *Opinio erit nihil habens, verum per verisimilia quærit, potius quam apprehendit. Quæ omnia ut per se patet, verisimilitudinis rationem minime excedunt.*

Et quia nonnullæ sunt rerum similitudines magis aut minùs perfectæ: hinc est quòd inter opiniones, aliquæ etiam dicuntur, magis aut minùs probabiles, quæ vel autoritatibus gravioribus suffultæ videntur, vel verisimilibus rationibus innituntur. Hoc tamen discrimine, quòd proprium & intrinsicum opinionis fundamentum est ratio seu esse rei probabiliter cognitæ: *Autoritas* verò est extrinsecum & minoris ponderis argumentum, à quo & dicitur opinio *Authentica*. Porro, ob hujusmodi argumentum, non magis huic quàm illi credimus opinioni, nisi quia existimamus rem magis perspectam, magisque notam illi quàm alteri. Veritas enim intellectus creati causatur à rebus, & ex eo quòd res est vel non est. enuntiatio vel opinio dicitur vera vel falsa. Quare omnis opinio ex propria & intrinseca ratione semper est incerta, utpote argumento convincenti destituta, sed solo medio apparenti & formidoloso innixa. At longè periculosior est illa, quæ præter innatam omni opinioni infirmitatem & inevidentiam; gravibus partis adversæ argumentis impugnatur.

## SECTIO II.

*Dua species Probabilitatis assignantur, quiescente scilicet & agitata; illarum discrimen: solida D. Thomæ præmittuntur fundamenta pro hac controversia dirimenda, ex diversis modis quibus intellectus movetur.*

3. **S**IC expressâ seu exposita Probabilitate, verisimilitudinis Numcupatione: Probabilitatem comparare possumus rerum imaginibus in aqua re-

ceptis : quæ si quæta fuerit, utcumque sufficiant res repræsentare. Nam ut ait Virgilius *fontibus in liquidis simplex generatur imago*. Si verò turbata aut agitata fuerit aqua; nusquam vere objectorum similitudines referet, ex quibus innotescere possint objecta. Itaque dividenda mihi videtur opinio in quietam seu pacificam : & in agitatam sive turbatam argumentis adversæ partis.

Quietam voco eam, quæ nullo partis adversæ vellicatur argumento : talis est communis æstimatio habita de alicujus probitate, quæ nullo unquam falsæ suspicionis rumore fuit labefactata seu turbata. Opinio verò agitata designatur hominis famâ, quæ in discrimen aliquando vocata, nullo tamen fuit crimine convicta : de qua intelligi potest commune effatum; *Quos liberat justitia, notat*. Vix enim fieri potest, quin ex hac suggestione, saltem levis aliqua suspicio, quæ animum pulset, suboriat : ob quam non temerè judicandum, sed sibi cavendum seu cautius incedendum.

Quid autem sit discriminis inter has duas Probabilitatis seu opinionis probabilis species, quietæ scilicet & agitæ argumentis contrariæ partis dicemus infra Conclusionem 2. ubi ostendemus quæ possimus quandoque priorem sequi, non verò alteram, in qua, ex contrarietate partis adversæ debet quisque sibi non minus metuere, quàm Columba sibi timeat ex Milui specie, in qua apparente, & maxime ubi est aliquod periculum mortalis culpæ.

4. Hæc præmittere oportuit, ne pluries eadem repetere cogeremur. Verum quia hæc nostra venditare nolumus, sed tantummodò Angelicum Doctorem auscultare. Dicimus hoc intricatissimum totius Theologiæ Moralæ arcanum, mirum in modum fuisse ab ipsomet enucleatum in 3. sent. dist. 23. a. 2. Et de verit. q. 14. a. 1. ubi ostendit, *Credere seu cum assensu judicare ad secundam mentis operationem sicut & opinari, pertinere* Et intellectum possibilem natum moveri à duobus scilicet ab objecto & voluntate, cujus est despotice omnes alias (exceptis duntaxat facultatiis vegetativæ partis) movere potentias : vel saltem politicè, quò motionis beneficio vicissim obstricta intellectui voluntas ipsa, cui intellectus proprium manifestat objectum, ac illi tanquam Consiliarius Regi aperit rationes, quibus ad aliquid agendum moveatur. Et de hoc frequentius Doctor Angelicus, sub communi effato; *Causæ sunt sibi invicem causæ*. Ita de verit. q. 22. a. ij. ad 5. & art. 12. Item 1. p. q. 82. a. 4. Et 1. 2. q. 12. usque ad 17. inclusive. Ac denique 1. Cont. Gent. cap. 72. rat. 6.

Intellectus ergo movetur & ab Objecto : & à Voluntate. Et quando movetur ab Objecto, id asserit fieri D. Thomas de verit. q. 14. a. 1. Quatuor Modis. Primò enim immediate movetur intellectus ex principiis per se motis, quibus Sapientia comparatur vel absolute vel secundum quid & in uno quoque genere. 2. Movetur mediante illatione legitimâ ex primis principiis deducta; & sic Conclusionibus demonstrativis habetur Scientia, quæ est evidens & certa.

Præter hos duos motionis modos. Tertiò ita movetur intellectus, ut magis propendat in unam partem, quàm in oppositam : & hæc est (in-



quit D. Thomas ) *dispositio opinantis. Qui nec evidentiam habet, nec certitudinem. Quartò denique, movetur intellectus, sed non magis inclinatur ad unam partem quàm ad aliam, propter apparentem equalitatem eorum quæ movent ad utramque partem; & ista, inquit, est dispositio dubitantis. Idem explicat Sanctus Doctor in 3. Sent. dist. 23. a. 2. omninò legendus.*

5. Præfatam distinctionem velim remanere altâ mente repositam: nam ex hac infra, favente Deo, evidenter demonstrabo, non esse licitum, absolute loquendo, in materia morum sequi opinionem æquè probabilem ac potiori jure, minùs probabilem. Etenim sicut addita numero unitate statim mutatur species illius & ex ternario, v. g. fit quaternarius: ita adveniente opinioni novâ ratione partis oppositæ, opinio facilè definit in dubium, in quo, ut fatentur omnes, nemo operari potest sine peccato.

Dubium verò definitur ab Iſidoro: *Motus intellectus indifferens ad utramque contradictionis partem.* Seu est, *Motus rationis verum inquirentis, sed prædictæ aliquo difficultatis nodo, ac subinde circa utramque contradictionis partem suspensa ob formidinem se se determinandi ad alterutram, ex eo quod medium illi desit ad veritatem cerò, vel saltem probabiliter inveniendam, idoneum.*

Dubium autem (inquit D. Thomas 3. Metaph. lect. 1. ) hoc modo se habet ad mentem sicut ad corpus, vinculum corporale, quo quis stricte detinetur, ne ulterius progrediatur. Si stante rationum æqualitate quis operetur, solâ voluntatis temeritate solvitur, quâ reus efficitur secundum magis aut minùs gravem dubii qualitatem, & maximè secundum rei de qua agitur gravitatem.

Quando intellectus solò voluntatis imperiò movetur, dicitur moveri ab extrinseco; quia voluntas est potentia realiter ab intellectu distincta: quamvis dicenda non sit simpliciter intellectui extranea, quia est potentia ejusdem Animæ cujus est ipse intellectus.

6. Dixi intellectum moveri aliquando voluntatis imperiò: nam præceptum (quod particularem respicit personam, sicut lex respicit multitudinem;) licet secundum vim directivam ad intellectum pertineat: atramen secundum vim impulsivam, spectat ad voluntatem; non quidem primò & directè sicut volitio & nolitio, sed connotativè, ut exposui fusiùs in Tract. De Legibus, cap. 1.

Porò rationem mutui hujus obsequii inter has facultates ab Angelico Doctore 1. p. q. 79. a. 11. ad 2. expressam reperies, ubi ait: *Verum & bonum se invicem includunt: nam verum est quoddam bonum, alioquin non esset appetibile. Et bonum est quoddam verum, alioquin non esset intelligibile. Quo ex principio infert sanctus Doctor, 1. 2. q. 13. a. 1. Nomine electionis importari aliquid pertinens ad intellectum, & aliquid pertinens ad voluntatem: Et idè electio dicitur intellectus appetitivus, & Appetitus intellectivus. Quare non existimes nos contradictionis vitio laborare, si aliquando dixerimus alibi imperium aut electionem ad intellectum & voluntatem pertinere: sic enim fieri necesse est; ne, aut careat efficaciam intellectus directio; aut cæcum sit voluntatis imperium.*

Quando ergo intellectus à voluntate movetur, *ascensus non à cogitatione causatur, sed à voluntate: Et idè quamvis firmissimè creditis fide infusâ assensuatur intellectus, non est ipse factum satis: & inde est* (inquit D. Thomas

de Verit. q. 14. a. 1. *quod in credentia potest insurgere motus de contrario ejus quod firmissime tenet.* Quando verò intellectus movetur, ab objecto intelligibili evidenter cognito, nullus insurgit motus contrarius: Nam in his quiescit & ita delectatur animus veritatem cognoscere, sicque refugit à falsitate, inquit D. Augustinus in Enchir. c. 17. *Ut falli nolint etiam quicumque amant fallere.* tom. 3.

Dixi, *evidenter cognito*, Oppositum cujus contingit, non solum in creditis, sed etiam & ob eandem rationem (scilicet evidentiam carentiam) in probabiliter tantum cognitis: quæ si utrinque æqualis sint rationis, sola voluntas prohibito in unam partem potius quam in alteram, intellectum flectere non poterit: quæ si intens vel potius abutens potentia naturali id fecerit contra præscriptum ab Authore naturæ ordinem, & sine novâ ratione; non magis æquum erit unum alteri præferre, quam si statera in æquilibrio suspensa; non additione ponderis aut materiæ, quæ emitur; sed sola manus depressione, vi quâdam seu coactione in alteram partem flecteretur.

7. Idèò autem intellectus malè aliquando à voluntate movetur, quia appetitui se se immiscet nonnulli inordinati affectus, v. g. amoris aut odii; qui menti quidpiam prævum suggerere possunt. Ut ergo rectus sit opinio-num delectus (etiam secundum modum, quò intellectus aliquando à voluntate movetur) fieri debet juxta propriam boni ordinationem & bonum ipsius intellectus. Quòd si voluntas movere velit intellectum, vel ad ea, quæ supra se sunt, ejusque facultatem excedunt: vel ad ea, quæ aut ob defectum actualitatis ex se, aut ob carentiam luminis ex parte mediæ, non possunt perfecte cognosci: idem omninò est, ac si potentiam visivam movere vellet ad intueundum Solem, vel ipsam adigeret ut sub crepusculo aut caligine librum aliquem perfectè legeret.

Ratio est, quia facultas quam habet voluntas movendi alias potentias, non ita est despótica, quin majori ex parte sit politica, utpotè quæ non debeat urcumque, sed juxta uniuscujusque modum & bonum illi conveniens eas movere. Bonum autem intellectus & modus ipsius est, ut cognoscat res secundum quod sunt, ac de illis judicet juxta proprium cujusque meritum: unde testimonia humana, quæ de rebus habentur, sunt tantum declaratoria valoris quem res habent, quemque hic melius quam ille præsumitur cognoscere; quamobrem ipsi magis debemus credere, dummodò non asserat quidpiam quod sit contrarium legibus. Ex quo licet inferre, quantum nonnulli aberrant à veritate, qui parùm aut nihil curant rerum naturam cognoscere, aut studiosius indagare, dummodò de illis extrinsecam habere possint Probabilitatem humano testimonio comparatam.

Per prædicta non negamus, quin nostræ sit potestatis, mentem à dubitandi ratione & intelligendi causis avertere. Quòd si re ipsâ id facimus, vel directè intellectum avertendo, vel indirectè in aliis, imperio voluntatis ipsum occupando: tunc male ac perperam agimus, huic similes, de quo ait Vates Regius, *Noluit intelligere ut benè ageret.* Rationibus ergo, ut dictum est, seu motivis ex æquo pugnantibus; non nobis integrum est opinari ad libitum, vel in quamlibet voluerimus partem pro mero arbitrio nostro intellectum flectere. Nam intellectus rationem sequi natus sibi notam: naturaliter illam profequitur, At ubi evidentiam fuerit semel

adeptus

adeptus, per eam ita convincitur & determinatur, ut si millies oppositum ei decantetur : v. g. *totum non esse majus sua parte*, nullo modo moveatur, aut huic assentiat : quod de voluntate dici non potest, quæ à solo bono increato limitari ac satiari potest. Legendus D. Thomas de verit. q. 27. a. 3. & alibi passim : ut in 2. sent. dist. 25. q. 1. a. 4. ubi ait : *Invenitur aliquod verum in quo nulla falsitatis apparentia admitti potest, ut patet in dignitatibus*. Hic non obiter prætereundum puto, quod breviter suprà dictum est : nimirum, *credita & probabiliter tantum cognita*, in hoc convenire, quod utrumque evidentiâ careat. At in creditis fide infusâ, loco evidentiæ, intellectus ad assensum inclinatur ex pio voluntatis affectu orto ex eminenti sanctimonia & securitate Revelationis ab eo factæ, qui nec falli potest, nec fallere.

8. At in obscuris & probabiliter tantum cognitis, id ipsum efficere conati sunt Probabilitatis Defensores : nam vice Autoritatis Divinæ cui credimus, ipsam Probabilitatem ferè sufficiunt ac obtrudere satagunt, ceu Divinitatem quandam infallibilem. Quare non miror si Cardenas pagina 117. n. 412. quasi illius Apotheosim efficiens, *sacrum dicat Probabilitatis nomen*. A nullo quem legerim Sacrum nisi ab ipso, qui videtur Numam Pompilium imitari. Hic siquidem ut autoritatem suis conferret legibus, finxit se eas à quadam Dea accepisse Sic Cardenas loco illius Faunæ, ut suis resolutionibus valorem comparat aut fidem ; perpetuò recurrit ad Probabilitatem ceu Regulam infallibilem, dum eam datâ quâvis occasione prædicat *cetram ac secutam morum semitam* : modò (inquit) à Probabilitatis finibus minimè quis egrediatur. Qui alio volumine, suo priore adhuc majore, nunquam vel leviter probabit, quod illic tanquam certum supponit, nimirum *Probabilitatem esse sufficientem ad conscientie securitatem*, prout centies repetit.

Præfatæ doctrinæ fundamentum reperies apud Doctorem Anglicum 1. 2. qu. 13. art. 6. ad 3. ubi fatetur non posse rationabiliter eligi secundum se, id quod est alteri omnino æquale. *Nihil* (inquit) *prohibet si aliqua duo equalia proponantur secundum unam considerationem, quin circa alterum consideretur aliqua conditio per quam emineat, & magis flectatur voluntas in ipsum, quam in illud*.

Et quamvis hoc sufficeret ad exclusionem opinionis minùs probabilis, idque ut patet necessariâ illatione : tamen voluit Sanctus Doctor id ipsum rursus exprimere 1. 2. q. 78. a. 1. ubi ait : *Est voluntas inordinata, quando minus bonum magis amat*. Id est, quando illud eligit & apud ipsam præponderat.

Hæc longè melius enucleabuntur ex duodecim Conclusionibus infra subiiciendis, & ex Capitibus 9. & 10.



## S E C T I O   I I I .

*Nova aperitur causa hallucinationis in duplici libertate voluntatis : quodnam præsertim bonum respicere debeat vis electiva, ut sit recta. Unde res aliqua dicantur obscure, probabiles, aut dubia. Notandum est discrimen inter Scientiam, Imaginationem & Opinionem, quæ facili negotio mutantur in invicem : & signanter qui & quando inter æqualia non sit libera electio.*

9. **C**eterum circa voluntatem hic unum se offert explicandum, quod est causa maximæ hallucinationis pro rebus eligendis; nimirum in voluntate duplicem esse libertatem seu vim electivam. Prima est naturalis seu physica: altera est moralis. Libertati physicæ seu naturali ultrâ conceditur potestas inclinandi mentem in quancumque opinionem voluerit: sive opiniones illæ inter se pugnantes, sint æquales, sive magis aut minus probabiles.

Libertas verò moralis est illa quæ sequitur ductum rectæ rationis, ac præscriptum sibi ab Authore naturæ, bonitatis ordinem & gradum. Unde hæc duo maximè differunt, scilicet, *facultas ad assensum cujuscumque opinionis*: & *jus morale eligendi quancumque opinionem*. Facultatem hanc agnoscimus: jus verò eligendi, pernegamus.

Et in hoc non pauci hallucinantur, à quibus effrænis libertas naturalis obtruditur pro morali, quæ nihil importat, nisi jus ipsum justè & secundum Deum eligendi. Hæc fusiùs cap. ult. explicabuntur contra Cardenam potentiâ naturali abutentem.

Primus igitur voluntatis ( quæ est potentia capax boni & mali, sicut & intellectus veri & falsi ) actus, dicitur velle, seu simplex volitio finis ( quæ est tantum boni, sicut & auditus, soni : ) ex cujus intentione, voluntas non minus movetur ad electionem mediorum, quàm intellectus ad scientiam, ex cognitione principiorum. Et quia voluit Deus Opt. per gratiam reparare id, quod homo perdidit in statu innocentie, in quo erat ( inquit D. Th. 1. 2. q. 89. a. 3. *infallibilis ordinis firmitas, ut semper inferius sub superiori contineretur* : Idèò Summum bonum voluit Deus cæteris præferri : deinde bonum commune ( quod divinum est ) particulari. Quod rursum in tres distinguitur species, & hoc ordine, ut scilicet honestum ( quod est homini proprium ) præferatur utili : utile verò delectabili seu jucundo, quod est infimum bonum, & boni nomine indignum, nisi bono inserviat honesto, ad quod etiam debet tendere bonum utile, quod ex natura sua propter se non appetitur, sed ratione alterius. Hic igitur ordo in omnibus & ubique est observandus; quia, ut rectè ait D. Cyprianus, *Sacrilegium est quod cum humano favore instituitur, ut dispositio divina violeatur*. Non enim voluit Deus, ut minus rectè ordinata essent, quæ hominis sunt ( quem parvum mundum vocant ) quàm ea, quæ in mundo majori conspiciuntur: in quo ( inquit D. Thomas ) rectè disposita sunt omnia: v. g. terra, propter plantas: plantæ propter animalia: & denique ipsa propter hominem. Ita sanctus Doctor 2. 2. q. 64. a. 1. Et quæ prædictam boni dispositionem inverte-

ret : v. g. qui propter lucrum aut voluptatem prætermittit honestatem, tam injuste ageret, quam qui equum suum interire sineret, ut scenum conservaret.

10. Hoc rursùm insinuavit D. Thomas de verit. q. 18. a. 6. his verbis, *Semper contingit inordinatio, quando aliquid movetur à non proprio motivo: sicut si voluntas à delectabili sensus, cum debeat tantummodò moveri ab honesto. Proprium autem motivum intellectus est verum illud, quod habet infallibilem veritatem: unde quandocumque intellectus movetur ab aliquo signo fallibili, est aliqua inordinatio in ipso.* Pondera hoc, sed accuratissimè; & interim adverte hanc ex præcipuis errandi causis in Desertoribus doctrinæ Divi Thomæ esse, quodd fere totum velint tribuere rationi humanæ, tanquam securo ac sufficienti morum Judici; cæteris, v. g. lege & sine inconsultis, quibus quoque & maximè debent attendere, cum bonum sit ex integra causa; malum verò ex quocumque defectu. Unde merito jure S. Doctor 1. 2. q. 19. a. 6. ad 2. *Lex æterna (inquit) errare non potest; sed ratio humana potest errare: & ided voluntas concordans rationi humana, non semper est recta, nec semper est concordans legi æterna.* Quod velim notatum. Id ergo quod præ cæteris in rebus ponderare debemus, est recta Dei dispositio ad finis ob quam res quælibet est ab eo instituta: nam hæc dispositio nunquam prætermittitur sine manifesto erroris aut peccati periculo: unde ait D. Thomas q. 18. suprà citatà de verit. art. 6. in *sed contra: Quando id quod est superius in anima dominatur inferiori, non potest esse error: quia per id quod est superius in anima, scilicet synderesim & intellectum principiorum, tota cognitio hominis rectificatur.*

Quodd si intellectus sit aliquando æqualiter inter duo suspensus: v. g. utrùm debeat custodire infirmum; vel adire Sacrum; & ad hoc accedat voluntatis determinatio seu suffragium: si ad primum moveat intellectum motivò lucri, aut vitandi laboris gratià; sine dubio deficiet, rùm à recta ratione, rùm à Dei ordinatione, quâ cæteris paribus, bonum spirituale cæteris omnibus præferre semper debemus: sic enim Deus totum subdit suis orbem legibus, quarum prima est Lex æterna; (id est, ratio rerum agendarum in mente divina existens) quâ, inquit D. Augustinus, voluit Deus *ut omnia essent ordinatissima.*

11. Hic fortasse non abs re observabimus, perperam res aliquas dici obscuras, probabiles aut dubias: cum id accipiendum sit, non ex parte rerum, sed ex parte intellectus, qui dicitur & est obscurus respectu rei, circa quam caret lumine; & probabilis circa eam, de qua nullam habet rationem convincentem, sed tantùm verisimilem. Nam res quælibet suam habet veritatem, sicut & entitatem certam & determinatam, magis aut minùs nobis manifestam. Et sicut non minùs impeditur intellectus in rerum cognitione ob excessum objecti: quàm oculus corporis in visione Solis: ita & per defectum. Sed præcipuè circa duas postremas species obsectorum, in quibus intellectus dicitur tantùm probabilis, vel etiam dubius: v. g. in hac propositione probabili, *Mater est, ergo diligit filium.* Nam ex illo Enthymemate, nullà consecutione certà possumus veritatem enuntiare; quia prævum est cor humanum & inscrutabile. Et idem dicendum est in hac propositione dubia: *Si Tullius exerceat mercaturam, ditabitur;* quia rerum contingentiam & earum futurationem non valemus penetrare, aut ominari.

Præterea revocandum est id quod supra breviter annotavimus; scilicet, adæquationem rerum ad intellectum consistere in indivisibili, non secus ac numerorum species. Sicut ergo detractâ vel adjunctâ unitate mutatur numerus; ita & in rerum cognitione: si quis enim opinetur tantum, & accedat aliquod rationis momentum in oppositum, eò intellectus fit suspensus & dubius: & si hæc ratio sit convincens & manifesta; generabitur scientia. Si verò quispiam sibi pro libito efformet aliquam rei similitudinem per imaginationem, quæ ad instar Pictoris & Poëtæ omnia potest fingere, eique postmodum affulgeat aliqua verisimilis ratio suadens rem posse de facto sic se habere, tunc ex imaginatione generatur opinio, quæ semper aliquam supponit rationem, imaginatio verò nullam.

In his omnibus causis non indiligenti debet quisque sibi cavere, ne de rebus secundum affectum & philautiam judicet, per quam nonnulli veluti per vitrum coloratum cuncta intuentur, ex quo fit ut apud ipsos opinio quælibet quantumvis tenuis, vices obtineat solidæ demonstrationis.

11. Quantum igitur ad præsens spectat, nobis scire sufficiat Probabilitatem non excedere Verisimilitudinis rationem: nam, ut ait D. Bernardus lib. 5. de Consid. ad Eugen. cap. 2. *Intellectus rationi innititur; fides auctoritati; opinio, solâ verisimilitudine se tnetur.*

Denique patet satis ex dictis non nobis integrum esse opinari ad libitum, cum ad hoc requiratur motivum sive ex ratione, sive ex autoritate proveniens: neque itidem liberè cessare cum volumus, ab opinione aut semel ortâ suspitione; (sed tantum opinionis aut suspicionis determinatum suspendere iudicium.) Quam ob causam dixit Doctor Angel. 2. 2. qu. 60. 2. 3. *Suspicionem (quæ Tullio est opinio malis) ad tentationem humanam, sine qua, hac vita non ducitur, pertinere. Quæ sæpius provenit ex pravitæ affectûs, quàm ex casuum & defectuum experientia, quos tamen quia magis ac pluries experti sunt senes, ipsi sunt quoque magis suspitionibus agitati, quàm juvenes, qui nondum decepti, sunt audaciores, seu magis temerarii.*

Quare hic non omittenda sensibilis differentia, quam assignat D. Thomas ex Aristotele, lib. 2. de Anima, lect. 4. juxta versionem Sophiani, inter Opinionem & Phantasiam: nimirum, quod *Opinionem statim sequuntur passio in appetitum.... Ad Phantasiam verò minimè; quia dum aliquid apparet nobis secundum phantasiam tantum, nos habemus ac si consideraremus alia terribilia in pectus.*

Hic unum superest quod maximè velim prænotatum, utpotè necessarium, tum ad rectam hujus Controversiæ intelligentiam, tum ad vitandos Adversariorum cavillos: nimirum in hoc dissidio opinionum, in quo in antecessum diximus, non esse licitum minoris boni delectum, majore relicto: neque liberum esse sequi opinionem minus probabilem, spectâ probabiliore: nos non loqui de bonis ab invicem separatis; (ex quibus amplecti possumus etiam quod minus est; ) neque de opinionibus dissitis, & à se mutuo independentibus: sed de illis tantum, in quibus veritas seu affirmatio unius, est negatio seu falsitas alterius: v. g. utrum liceat aut non liceat aliquem condemnare juxta opinionem minus probabilem: qua in re ita depercut nonnulli Probabilitatis idolum, ut scripserint non esse licitum

reo appellare à Judice, qui cum damnavit juxta opinionem etiam minus probabilem. Cum tamen, ut infra dicemus, nulla Probabilitas sufficiat ad alicujus condemnationem, sed probationes, legum præscripto, esse debeant ipso Sole clariore.

Sic explicatà Probabilitatis, probabiliumque opinionum naturâ & quidditate, inquirenda est origo Controversiæ circa illas ætate nostrâ tanto æstu agitatâ. Quare sit



## CAPVT SECVNDVM.

## S E C T I O I.

*In qua, primò antiquiores asseruntur Probabilitates, quàm vulgò existimantur: & sex Probabilitatis classes assignantur.*

Nu. 1. **J**Am satis aperta ex dictis, Probabilitatis seu opinionis probabilis natura, quæ magna ex parte provenit ex difficultate, quam intellectus humanus in non paucis patitur: & præcipuè circa res, quarum perfectam & evidentem non potest habere notitiam. Atamen paulò fusiùs & operosius exponendum esse hoc negotium existimavimus in gratiam Lectorum, quibus non ingratum fore arbitramur tem ab ovo cognoscere, ob quam tot ætate nostrâ exortæ sunt dissentiones & dissidia, quibus venerabilis Theologiæ Moralis facies adeò labefactata, ut parùm abfuerit quin hæc de causâ Christianum nomen erubuerit. Et cum debuisset quisque hujus filix Sion sordes pro viribus abluere, ejusque formosam reparare imaginem, humili saltem tot exerrationum retractatione: è contra nullum non moverunt lapidem plures Neoterici, ut quidpiam reperirent vel fingerent, quò hujusmodi lapsus excusatos facerent: vel saltem omnem culpam in alios regerere possent. Quam ob causam specialis est mihi ratio conquereudi de P. S. Ju, qui positione tertiâ suæ Moralis Philosophiæ, hæc scripsit: *Quare si quid nostro sæculo condolendum, primi illi condoleant, à quibus primis* (Thomistas intelligit) *malum irrepsit.* Et quia res est de facto, pro quo solis opus est oculis: ac nostri & Adversariorum extant libri; facile erit id convincere falsitatis.

2. Quod ut interim efficere possim, vel potiùs jam ferè ab alio factum indigitarè: remitto P. S. Ju ad P. Vincentium Baronium, qui veteri veritate adagio, *Vene Hercules ipse contra duos*; unus contra octo novissimè stetit Aggressores Modernos, quos invictis confutavit argumentis in sua Ethica Christiana nuper edita; quam pro communi morum reformatione, decore Religionis Christianæ, & Doctoris Angelici Defensione, exoptatam esse in omnium Peritorum manibus. Ille siquidem indefesso labore, mirabili solertiâ, nec minori sagacitate scrutatus est quidquid ad hujus rei notitiam desiderari posset; & ex antiquorum Philosophorum Pyrrhonorum, Stoicorum, Peripateticorum & Academicorum monumentis evidenter ostendit, hac in parte, nihil esse novum sub Sole.

C iij



Et idem Probabilitatem vocat *Novantiquam*: illamque comparat quibusdam fluminibus, quæ ubi primum ascitâ, cursu, magnâ aquarum copiâ & lato, notorâque alveo, plures irrigarunt regiones; repente ab hominum oculis subducuntur, & absorpta terræ visceribus, per longos, cæcosque tractus diù volvuntur, ut inde quasi secundò nota, in lucem prodeant, ac per apertos campos iterum prorumpant.

Hac comparatione prorsus appositâ, perspicue ostendit, quâ Probabilitas inter has quatuor antiquorum Philosophorum sectas diutissimè agitata fuerit, pro quo postmodum penè disparuerit, adveniente scilicet Evangelij luce. Quæ tamen rursùm, nempe à centum circiter annis, denuò erupit, ac totum ferme orbem Christianum torrentis ad instar rapuit. Ferme dixi, nam semper fuere in Ecclesia, qui securam & arctam veritatis semitam custodierint.

His itaque præsuppositis seu sufficientibus & indubitatis; hinc mihi aliud quidpiam affulget, quò recreari possit Lectoris animus, inquirendo accuratius cum ipso, num forte & huic Probabilitatis negotio quadrare possit id ipsum, pro quo Apostolus ipse ita metuebat Christianis, ut diceret. *Timeo autem ne sicut serpens Evam seduxit, ita corrumpantur sensus vestri, & excidant à simplicitate, qua est in Christo Iesu. 2. Cor. cap. ij. Simplex est* (inquit D. Thom. ibid. lect. 1.) *quod compositione caret.* Simplex autem non erat eorum zelus (quibus metuebat Apostolus) qui unam sectam ex Judaismo & ritu Christiano componebant, legalia Evangelicis permiscendo: à quibus non procul abesse mihi videntur Probabilitatis remissæ Sectatores, apud quos quidpiam intueor, pro quo, si mihi liceret alia ejusdem Apostoli verba, quamvis aliâ de causâ, prolata usurpare, id ipsum assererem, non solum alienum esse à Christiana simplicitate sed prorsus esse, ut ille loquitur ad Rom. 5. *In similitudinem pravariationis Adæ, qui est forma futuri.*

Apertius loquor & dico, quosdam Probabilitatis patronos sive Reflexistas, ut loquitur Cellæus, asserentes probabilem ac proinde licitum esse v.g.: usum restrictionum mentalium, & licet quempiam jurare posse contrarium ejus, pro quo interrogatur à iudice (dummodò aliquid gerat in mente quod verbis juramenti sit conforme) nusquam epulari in azimis sinceritatis & veritatis, sed in fermento veteri, prorsus expurgando.

3. Non sistendum igitur in præfatorum Philosophorum Scholis de Probabilitate dissentientium: immò nec in Controversiis à centum circiter annis hac de re, renovatis; sed ulterius proficiscendum usque ad Protoparentum peccatum, in quo (suadente illo, qui non stetit in veritate) tanquam frugem in semine, reperies quidquid hodie dicunt ac timentur Probabilitatis Defensores: vixque ullam legem aut præceptum invenies, quod delinitum non sit oleo Probabilitatis; ne quidem exceptò mandatorum Maximo diligendi Deum: sed quia nimis prolixum esset per singula discurrere præcepta: rem in abstracto rimari conabimur, quam in sex præcipuas classes partiemur. Nec sine causâ, nam ut ait D. August. in Ps. 47. to. 8. *Casus primi hominis, ad experimentum cavendi debet nobis valere.* In prima igitur classe nonnulli videntur collocandi, qui ceteros tanquam igna-



ros aspernantur: nec dicere erubescunt se super Senes intellexisse, seque comparant Nanis: quia (inquiunt) sicut Nani Gigantum humeris insidentes longe eminens prospiciunt: ita & recentiores Authores qui incipiunt, ubi veteres deficiunt.

Hos (qui aliquid supra humanum sapere videntur) comparare possumus majori huic deceptioni Evæ: de qua ait D. Thomas in cap. 3. Gen. *Adam non credidit sicut Eva (quod scilicet futurus esset ut Deus) sed quia id credidit Eva, propterea dicitur 1. ad Tim. 2. Adam non est seductus, sed Eva fuit seducta.* De qua itidem loquens D. Thomas q. 2. 2. q. 63. a. 4. ad 1. ait; *Elationem precessisse in Muliere, qua excavit ejus intellectum, &c. Et forte fuit elata (inquit) ex blando & reverenti modo loquendi, quem tenuit Angelus loquendo cum ea.* Vel ut ait idem Doctor Angel. 1. ad Tim. cap. 2. lect. 3. *Statim ad verba serpentis fuit elata, eo quod alius esset de ea sollicitus: & ex illa elatione seducta est.* Hic ut arbitror non gravate nobis Caramuel suffragaretur circa Probabilitatis antiquitatem, quam in suo Apologemate de Probabilitatis antiquitate, asserit esse Mundo coævam.

4. In 2. Classe erunt alij, qui ex nimia cupiditate libertatis propugnanda, Probabilitatem specialiter tuentur, per quam gloriantur à se arctam cœli viam esse dilatatam; immò à se novas, easque securas inventas esse salutis semitas. Et tales sunt illi omnes, à quibus tanto æstu ac zelo faculas licite eligendi quamcumque opinionem probabilem propugnantur, & possessio creatæ libertatis etiam contra jus æternum Divinæ Authoritatis defenditur.

Et hos quoque nemini melius comparare possumus quam eidem Evæ: cujus peccatum fuit (inquit D. August. lib. ij. de Gen. ad litt. cap. 30. to. 3. *amor propria potestatis, & superba de se presumptio, ex qua credidit à bona atque utili re divinius minime se fuisse prohibitos.* Quæ ubi primum fuit interrogata à serpente Gen. 3. (Cur vobis præcepit Deus, ut non comederetis de omni ligno?) statim exerto ore protulit, quod gerebat in mente his verbis: *De fructu lignorum quæ sunt in Paradiso vescimur;* tanquam dicere voluisset, se omnem fere licentiam habere; non enim ut patet ad interrogatum petenti ita respondit, quin prius sibi pro libertate adularetur: & inde in superbiam elata, in judicium incidit diaboli: *Cujus promissioni magis credidit ipse Adamus (inquit D. Tho. lect. 4. ad Rom) quam comminationi divina & ita quodammodo diabolum prætulit Deo.*

In tertia Classe collocandos esse censeo illos, qui ex curiositate vel quocumque alio prætextu temerario, contra legem, præceptum vel prohibitionem sibi factam agere præsumunt; asserentes legem non obligare, nisi ejus promulgatio & lex evidentior sit ipsa luce meridianâ. Quibus specialiter quoque viam stravit hæc Virago; de qua ait D. August. lib. ij. de Gen. ad litt. cap. 31. to. 3. *Vbi ad transgrediendum præceptum audax curiositas mota est; avida experiri latentia, quidnam casto verito sequeretur, & noxia libertate habenas prohibitionis rumpere delectata; probabilis æstimans non esse mortem, quam timuerat sequituram.* Nota interim ly *Probabilis*: Ex quo in antecessum velim notatum; ipsam gravissime de-

liquisse, quamvis tunc operaretur juxta id quod ( prætermiffa prohibitionem ) probabilius illi esse videbatur. Non enim dicere possunt Antithomistæ, nec ipse Cardenas ut cap. ult. dicemus, hanc prohibitionem fuisse omnino evidentem. Quia quamvis non magis esset in statu innocentie falsa opinio, saltem circa naturalia, ut ait D. Thomas de verit. q. 18. a. 6. quam corporalis ægrotudo : poterat tamen Eva circa multa alia dubitare sine culpa, ut ait idem D. Thomas in cap. 3. Genesios: v. g : *An sententia illa data esset omnino irrevocabiliter.* An esset mors corporis, vel Animæ. An naturalis, vel violenta, &c. Seu ut rite philosophatur S. Augustinus lib. ij. de Gen. ad litt. cap. 30. to. 3. *Puare potuit Deum alicujus significationis gratiâ dixisse :* ( Si manducaveritis, morte moriemini ) *Ideo manducavit, & viro suo dedit : qui fortasse ( inquit sanctus Præsul ) jam persuasione opus non habebat, quando illam eò cibo mortuam non esse cernebat.* Lege D. Augustinum to. 9. tract. 25. in Joa. c. 6.

Quarta Classis illorum omnium erit, qui divinam misericordiam falsò prætextu sibi pollicentur : quibus Orig. fuit prævius, circa æternam damnatorum penam, quam tandem aliquando habituram finem falsò existimabat. Ita D. Thomas de malo q. 16. a. 5. Porro de præsumpta hac misericordia & mala securitate loquens S. Doctor in Gen. cap. 3. ait : *Cum vult diabolus introducere peccatum in mentem hominis, conatur abjicere timorem Dei & suæ justitiæ, vel sui rigoris : & introducere curat præsumptionem impunitatis & securitatem malam : & tunc aperit ostia mentis omni iniquitati, malitiæ & vanitati.*

Neque ab hac mala securitate immunes fuere Protoparentes, qui D. Augustini judicio de Gen. ad litt. cap. 31. lib. ij. to. 3. *magis crediderunt Deum posse peccanti facile ignoscere, quod patienter tulerint non cognoscere quidnam esset, vel cur eos inde cibum sumere vetuisset.*

In hac Classe meritò sunt collocandi omnes illi, qui tanquam dij averrunci volunt haberi, quia si penes illos ulla sit fides, ab ipsis ( ut jactant ) omnes avulsæ sunt Moralis Theologiæ sentes, suntque illarum Authores opinionum, quas vocant *Benignas*, à quibus qui alieni sunt, quamvis meritissime justisque de causis ; apud ipsos audiunt tanquam conscientiarum carnifices, seu austeri Directores.

Quintæ Classis erunt illi, qui de rebus omnia judicant ex verisimilitudine. Ita exponit D. Th. hæc verba Psal. ( In imagine pertransit homo : ) Et tales sunt, qui parùm aut nihil curant, utrum sic se habeant res à parte rei, nec ne : dummodo ab aliquo Casuista dicantur Probabiles : quia ipsam Probabilitatem sumunt tanquam securam Morum regulam, quam securitatem fieri asserunt judicio reflexo supra ipsam Probabilitatem, quam passim obtrudunt & ad illam recurrit, ut Numa Pompilius ad suam Faunam, ex qua suis legibus Autoritatem comparare nitebatur : siquidem in hac reflexione, tota est aut præcipua Cardenæ & aliorum fiducia, ut patebit legenti.

Si S. Augustino & Doct. Angel. fidem ( ut par est ) adhibeamus : nullus magis quam Eva, verisimilitudine deceptus est, ut ex sequentibus eorum testimoniis manifeste constabit *Eva* ( inquit D. Thomas in cap. 3. Gen. ) *non fuit ita fatua ut ex comestione alicujus crederet quod generarentur scientia habens : sed quia probaverat lignum vite quasi modo sacramentali, ha-*  
buisse

*buiffe virtutem praſervandi corpus humanum ab omni corruptione: ita etiam, inquit Sanctus Auguſtinus, potuit valde leviser credere propter verifimile quod illud lignum per virtutem divinam ſibi aſſiſtente perſiceret in cognitione mentes ſumentium de illo ligno: diabolus verifimile propoſuit & ipſa ex ſimili experio, ſtaſim illi credidit & conſenſit.*

6. Sexta denique & ultima Claſſis illorum omnium erit, qui de rebus agendis judicant ex philavria, ſeu nimio ſui vel proximi amore. Tales ſunt qui docent proximas peccati occaſiones non eſſe neceſſariò fugiendas, ne quis inde tritius aut minùs commodè vivat. Qui hac in re, illum non auſcultant Magiſtrum docente, abſcindendam eſſe manum, pedem, & eruendum oculum, quo fit ſcandalum ſeu occaſio peccandj: ſed ducem habent Adamum, qui ut loquitur D. Auguſt. lib. 14. de Civit. cap. ij. & 13. *inexpertus Divina ſeveritatis, aſtimavit ſe in Dei oculis ita charum, quod ſententiam de morte non exequeretur ſuper eum, &c.* Et aliunde, *Noluit Evam conſiſtare: unde ex tali cauſa* (inquit D. Thomas in cap. 3. Gen.) *frequentè fit, quod offenditur Deus ne offendatur Amicus.* Quod confirmat 1. ad Tim. cap. 2. lect. 3. aſſerens illum in hoc particulari fuiſſe deceptum, quatenùs *credidit quod uxori mos gerendus eſſet, ut cum ea comedere deberet.* Legendus etiam Auguſt. to. 5. lib. 14. de Civit. cap. 11. Et lib 12. de Geneſ. cap. 62. Hinc jam facile judicabit prudens Lector, an Probabilitas ſit quid Magni aut Novi, ob cujus excellentiam vel inventionem, tantopere gloriari debeant ipſius Authores; aut ætatis noſtræ felicitàti, ſæcula præterita invidere?

## S E C T I O II.

*Probabilitate decepti ſunt non ſolùm Protoparentes, ſed diabolus ipſe: Ipſa vim acquirit cundo, ac proſicit in pejus: illumque docet modum à Deo reprobato ingreditendi terram duabus viis, ſeu perpetuò claudicandi in utramque partem contradiccionis.*

**P**ARI quoque facilitate innotefcet Probabilitatem fuiſſe cauſam non ſolùm lapſus Protoparentum ut patet ex dictis: ſed & ruinæ magnæ illius Apoſtatae, qui non ſtetit in veritate: quique iniquâ fraude & invidiâ primos Parentes noſtros decepit, priùs ipſe deceptus, ut aſſerit D. Anſelmus de caſu diaboli, dicens *primum Angelum peccaſſe neſcientem, utrum irrevocabiliſter damnandus eſſet.* Nam ut diximus lib. 1. contra Petrum à S. Joſeph: peccatum diaboli ex inconfideratione & errore practico proceſſit. Incidit ergo primus illam in foveam quam fecit diabolus, in quam poſtmodum impulit Adamum & Evam, ſuis fallacibus quas ſuggeſſit, rationibus, ex Probabilitatis pharetra omninò depromptis, quibus facile perſuaſum habuère, prohibitionem ſibi factam, non eſſe pœnæ certò infligendæ: ſed pœnalem hanc deſenſionem eſſe tantùm comminatoriam & ad terrorem, vel ad ſummum, ob materiæ levitatem, eſſe tantùm venialem: ut ait, D. Thomas de verit. q. 18. a. 4. ad ij. aſſerens

D

*Illam falsam opinionem, quâ (Adam) credidit esse veniale, quod erat mortale, in Adam præcessisse mentis elationem sicut & in muliere. Qui ambo probabiliter crediderunt prohibitionem sibi factam, alium habere sensum, quam illum, quem præ se ferebat tenor verborum: quam ob causam dixit D. Augustinus to. 3. de Genes. ad litt. lib. ij. cap. 30. Arbitror quod putaverit (scilicet Adamus (Deum alicujus significationis causâ dixisse (Si manducaveritis, morte moriemini. Hac arte utuntur omnes, qui se ab alicujus legis, aut præcepti jugo subducere satagunt, quibus nunquam nisi prorsus stolidi sunt; deerit beneficium Probabilitatis, quæ in alio sedem non habet nisi in corruptæ naturæ desiderio, & effræni licentia libere & sine scrupulo omnia faciendi, & excutiendi jugum obedientiæ, legi Dei æternæ, aliisque omnibus ab ea derivatis, debite: idque saltem cum aliquo prætextu seu apparenti specie ob scandalum: & vitandam coram hominibus peccati infamiam: ad quod præstandum uno opus est Probabilitatis pallio. Nam semel stabilita illa Probabilitate amplissima, cujus tenuissimum asserunt sufficere filum, jam fere arbitrarius erit cujuscumque opinionis in dies crescentis delectus, nihilque impedit quominus vir sagax sui amore percitus nullam fere agnoscat legem, præter proprium imaginationis suæ idolum: ad quod efformandum non exigitur à Defensoribus Probabilitatis veritas rerum, sed inauditus hætenus conceptus formalis, cui etiam nullus à parte rei correspondeat objectivus: quasi verò nostra scientia non esset à rebus accepta & causata, in quo singulare est discrimen inter scientiam Dei & scientiam cujuscumque intellectus humani.*

Et tamen ruinoso hoc fundamento, tota innititur Probabilitatis ratio, quæ dum inter extrema versatur, evidentem non habet notitiam, quorumque ignorat cum æterna Dei lege consensionem, unde intellectus meritorè dubitare debeat, an hæc vera sint nec ne: his nihil moratus ad solum hujus Probabilitatis idolum recurrit: quod si non reperiat jam ab aliquo Casuista factum, statim ipse potest formare, vel ex aliqua auctoritate, vel fucata aliqua ratione, quæ sagaci ac audaci Probabilitatis Defensori nunquam deerit; cum ad vitandum in his casibus peccatum, ut cap. ult. ex Cardena referemus, sufficiat, *sibi firmiter persuadere, nullum esse peccatum.* Et hæc est laxitas, quam tot artibus in Thomistæ conatur rejicere P. S. Ju; qui si in eam prolapsi essent Thomistæ eam libentissime retractarent, malentque Sanctum Augustinum imitari quàm Tullium, qui non sine vanitate scripsit; *Se nullum unquam verbum protulisse, quod voluisset retractasse.* Sanctus Augustinus verò sincere confessus est, à se nonnulla esse emendata, ut saltem ostenderet se in studio profecisse. Est enim ut dicitur Eccl. 4. v. 25. *quadam confuso, quæ adducit gloriam:* Nullusque est sanæ mentis quin probe noscat plus esse infamiæ in superba ac pertinaci obstinatione, quàm dedecoris in humili retractione ejus quod ex humana fragilitate potest obrepere: quâ tamen emendatione Deo dante non indigebunt Thomistæ, quandiu adhæserint doctrinæ D. Thomæ rectissimæ bonorum morum regulæ. Quare huic capiti finem imponamus cum Angelico Doctore, qui præfata Apostoli verba referens, metuens ne ab illa, quæ in Christo est, excidamus simplicitate: citat illud Eccl. 2.


v. 14. *Va peccatori ingredienti terram duabus viis.* Rursumque illud Prov. 2. *Simplicitas iustorum dirigit eos.* Quorum testimoniorum occasione.

Quæro primò à P. S. Ju, quibusnam melius hoc secundum Scripturæ testimonium conveniat quàm Thomistis (in quos tamen ipse tam injuste, quàm falsò omnium invidiam excitare ac commune odium derivare satagit) quos una D. Thomæ doctrina à tot sæculis in tuto posuit, contra tot errores & lapsus, quos cum commiseratione intuentur Thomistæ, in Probabilitatis Authoribus? Secundo, ejusdem P. S. Ju conscientiam coram Deo obtestor; quinam potiori jure dicendi sint, *Terram ingredi duabus viis*, quam illi, qui latam in ambas contradictionis partes opinionum utrinque probabilium viam docent ac sequuntur: asseruntque judicem v.g.: posse sententiam ferre, nunc juxta unam opinionem: & ex alia opinione, huic præfatæ, opposita, aliter postmodum judicare, contrariamque sententiam ferre? Et quempiam juridice interrogatum posse non secundum quod interrogatur jurare, sed juxta id quod ipse gerit in mente.

Quod si tales cavillandi artes apud ullum ex Thomistis reperiantur: hunc ex animo averſamur; nec ipsum jam pro Thomista habemus, sed pro desertore & transfuga doctrinæ D. Thomæ. Verùm cum nullum nisi falsò assignare possit P. Ju, immeritissime omnibus Thomistis asſingere fatagit, quod ne quidem in uno invenire quivit. Et hoc est, quod nosmetipsos cogit, ut huic Aggressori tam injusto respondeamus, ne ut diximus, silentium tanſeat in consensum, & tales habeamur & audiamus apud omnes, quales ipse perperam nos esse somniavit: quodque dissimulare non possumus, sine manifesto boni communis detrimento, ac Christianæ Religionis scandalo, quibus ex voto & professione consecrati sumus. Quod si agnita veritate & equitate doctrinæ D. Thomæ velit P. Ju dexteram manum jungere nobiscum: per nos non stabit, quin unà legem persiciamus regalem secundum Scripturas, ut nos Dei nomine monitos voluit D. Jacobus Epist. cano. cap. 2. dicens: *Sic loquimini & sic facite.* Et ipsemet aperte cognosceret nequaquam nos à nobis ita dissidere, ut doctrinæ æquitatem verbis profiteamur, quam mortibus diffiteamur, ut ille falsò nobis imponit *psis. 6. suæ Moralis Philosophiæ*, in hoc omnibus charitatis legibus admodum oppositæ.

Si uni Philosophiæ Gratianopolitanæ Lectori respondendum esset; hinc sine famæ detrimento possemus sistere, ac spernere quæ infra tam falsò quàm fraudulenter objicit; ipsique probandum incumberet, quod cogitatione, verbo & opere negamus & pernegamus: sed quia alij sunt, qui ex opposito latere nos impetunt, hic oportet ostendere, *non esse convenientia illorum testimonia.* Et quamvis ex eorum dissidio, satis illucescat doctrinæ Thomisticæ justificatio, majoris tamen perspicuitatis gratiâ, sit.





## CAPUT TERTIUM.

## SECTIO I.

*Qualiter se gerant vagæ Probabilitatis Defensores erga Thomistas; & quàm immerito omnem ab ipsis profligari Probabilitatem affirmant: ejus utilitatem & aliqualem necessitatem ultro agnoscunt.*

Nu. I. **H**ic versamur inter duo extrema, sicque saltem in speciem urgemur ab Adversariis, ut quamlibet in partem cadamus, nobis præcipitium sit: vel ut melius & magis ad mentem Antithomistarum loquamur, quidquid eligamus; piacula nobis imminere videantur. Si enim ita loquamur de probabilitate, ut vel ipsius nomen cognoscere testemur; illicd in nos refundunt nonnulli, quidquid ab aliis contra Probabilitatem vitiosam scriptum est; nosque non tantum hujus Probabilitatis dicunt esse Fautores, sed & primos ejusdem asserunt esse Authores. Si verò ex altera parte quidpiam dicamus adversus Probabilitatem nimium remissam: continue itidem in nos insurgunt alij tanquam e mundo satageremus auferre Solem: per illam enim fere totus apud ipsos regitur Mundus; cujus interminabilem texunt Genealogiam, cui nos dicunt esse infensos. Et ne quis arbitretur me abs re hic verba profundere; primi hujus asserti fidem faciet totus liber fidei cujusdam Amadæi, quò, nulla arte prætermissa (ut scilicet de eo censuræ satis superque testantur) nullo neglecto labore conatur primum evincere, affirmans se suosque de Probabilitate nihil scripsisse, quod à Thomistis non acceperint, quos hac de causa suos vocat Magistros, *In prefat. editionis Valentina*. Et ut in ore duorum ster hoc verbum: ad hunc larvatum Authorem novissime accessit præter ceteros Præceptor Philosophiæ Gratianopolitanus, qui ex eo quod apud nonnullos Thomistas quidpiam repererit, quod præ se fert nomen *Probabilitatis*, nulla illius deformitate excepta, totam illius laxitatem in nos derivare satagit, unica propositione quæ omnes alias comprehendit.

2. Unde si quid nostro saculo condolendum (scilicet propter effrenam opinandi licentiam) Primi (inquit) illi condoleant (Thomistas intelligit) à quibus primis malum irrepserit. Ita Pater S. Ju in suo libello iterum Gratianopoli edito anno 1672. Sed quàm falsò id scripserit, constabit ex dicendis. Alterius autem assertionis fidem absolvet P. Fabri. Nam ex quo asseruerunt Thomistæ restringendas esse veritatis ac vagæ Probabilitatis habenas, ille statim cum quadam in nos indignatione invehitur, suoque dialogo de opinione probabili de nobis perinde ac si de mundo humanam fidem abrogare, & omnem Religionem (quæ tota fere illius judiciò, non nisi Probabilitate nritur) tollere vellemus: sic loquitur *Quid ab eis, (id est à nobis) probabilis expectet, qui ex Catholicorum Scholis, receptissimam Probabilitatis doctrinam, tanquam multiplicis erroris originem describere conantur?* Ex his, ut vides, Amice Lector, ex utraque parte

mala nobis impendent, si illorum dictis commoveamur.

Sed his præmissis, vel potius meritò spretis, satis evidenter innotescit, quàm necessariò teneamur circa præsentem Controversiam ita mentem nostram aperire, ut neminem lateat, nos à Medio (quod tenuère Beati) nusquam recedere; sed solummodò nobis cavere ab extremis, in quibus aut per excessum, aut per defectum, ut plurimùm delinquitur. Per defectum quidem, ut qui in totum Probabilitatem denegaret: per excessum verò qualis cernitur apud eos qui probabilitate omnia ferè ambiunt, soliusque opinionionis probabilis prætextu, innumera non solum licere, sed & ita expedire asserunt, ut nihil vereantur voluptatem, v. g. tueri contra honestum; utilitatem & commodum, contra officium aut pietatem, & jus humanæ libertatis propugnare etiam adversus autoritatem & jura legis divinæ. Pro quibus contra eos militant Thomistæ, non Probabilitatum usum denegantes, sed abusum impugnantes, sive effrænem opinandi licentiam in utramque contradictionis partem, quam Antithomistæ dicunt virtute ipsius Probabilitatis esse æqualiter securam: licet ex ambabus unam necessariò esse falsam, & legi Dei repugnantem, juxta regulas propositionum contradictoriarum ipsi admittere cogantur.

3. Et quamvis è diametro his resistamus, conantur tamen Adversarii hanc, immò totam in Thomistas Probabilitatis hujus laxioris deformitatem refundere, tanquam in primos illius Authores. Quod ut facerent, non sufficeret hunc vel illum D. Thomæ discipulum obijcere asserentem quidpiam esse vel non esse probabile, quod potest esse verissimum, ut infra videbimus: Sed necessariùm foret plures ex Thomistis, vel saltem aliquem, aperte docentem, tutò v. g. posse præferri opinionem legi contrariam, lucro, voluptati & commodo indulgentem; actioni & opinioni huic oppositæ, faventi legibus, honestati, officio & pietati. De his enim tota est controversia. Quòd si aliquem ex nostris ita sentientem reperiunt, hunc nobis palam indicare debent: sed inde non poterunt ex uno conclusionem inferre universalem, quæ non est minùs illegitima quàm si ex Petro v. g. claudò aut monoculo, vellem inferre omnes homines esse claudos & monoculos. At consequutione multò pejore P. S. Ju, pag. 6. *sui libelli*, scribere ausus est, suam quam tuetur de Probabilitate remississima, doctrinam, esse opinionem totius nostri Ordinis, cum tamen ne in uno quidem Thomistarum hanc hæcenus reperire potuerit, ut infra patebit ex ipsis quos toto terrarum orbe adduxit. Sed hic interim est, quod miremur, præsertim qui potuerit P. Fabri cum Asseclis asserere, nos in totum Probabilitatem denegare, quam admittimus cum D. Thoma circa plura in ipso statu innocentie, in quo non potuerunt primi Parentes ita penetrare aut dissolvere omnes Probabilitatis nebulas, quin in densissimas peccati & erroris incidere tenebras: Licet enim de verit. q. 18. a. 6. dicere videatur S. Doctor illo in statu nullam omninò fuisse opinionem; hoc debet intelligi tantùm de his quæ spectabant ad jus naturæ, cujus perfectam habebat Adamus notitiam, & in quo, ut loquitur ipse Doctor Angelicus, *quidquid cognovisset (Adamus) secundum certitudinem cognovisset*: sic enim in illo statu naturalia certò cognovisset, ut etiam non dubitaret, plura esse alia, quæ non nisi probabiliter tantùm cognoscere posset; qualia sunt secreta cor-

dium, futura contingentia, & maxime illa quæ ad statum gratiæ & gloriæ spectabant. Postò sic intelligendum esse Doctorem Angelicum satis evincunt quæ ex ipso, capite præcedenti, retulimus.

Quare supposita alicujus Probabilitatis necessitate, quam sufficienter demonstrant duo rerum genera, de quibus cap. 1. satis diximus: immò & ea omnia, de quibus in hac vita, citra fidem, nec certitudinem habemus nec evidentiam, æquum est, ut aliqualem ejus utilitatem agnoscamus. Nam certum est Probabilitatem primum supra imaginationem gradum ad veritatem inveniendam constituere & fieri poterit, Probabilitatem sic crescere, totque argumentis probabilibus mentem muniri, ut nihil sit quod impediat quòminus veritatem consequatur. Ratio est, quia virtus opinandi radicatur in primis principiis (inquit D. Thomas loco supra citato de verit.) quæ sunt *quasi virtutes seminales cognitionis*. Itaque opinio videtur mihi Auroræ comparanda, seu potius crepusculo matutino, quod nihil vetat crescere usque ad perfectum diem, seu manifestam veritatis cognitionem: Est enim Probabilitas quasi quædam radix & inchoamentum veritatis, quod ad certam fidem, scientiam evidentem, ac firmum prudentiæ judicium, atque morum probitatem sensim possit assurgere.

Quod, cum maxime poterit evenire, si opinionibus illis adhæreamus, quæ saven honesto, officiis & legibus, quales sunt illæ quas propugnamus.

4. Itaque non parùm falluntur Antithomistæ, cum in opinionum dilectu existimant à nobis exigi impossibile; si tutiorem partem dixerimus eligendam: per hoc enim tantùm petimus (quod non est valdè arduum seu difficile) ut quisque satagat scire ea quæ pro suo statu & conditione sunt necessaria; suamque coram Deo consulat conscientiam, cum necesse fuerit quidpiam agere: nam ex ea, quasi in speculo (si cætera adsint) faciliè percipiet an Deum, suæque salutis negotium præcipuè respiciat ac intendat: an verò lucrum aliquod, voluptatem aut commodum, vel quid simile, ex quo possit aliquod erroris aut peccati periculum sibi imminere. Quod nunquam accedere patietur constituta à Deo in cordis specula synderesis, sine interno clamore & remorsu conscientiæ, quæ est proxima actionum nostrarum regula, & censor domesticus, vel potius fidelis amicus, qui omni tempore diligit ac nescit amici sui malum dissimulare.

Utilis ergo ei est Probabilitas seu opinio probabilis, quem ipsa impellit, ut innato sciendi desiderio, homini ita proprio ac convenienti, fiat satis; nec unquam sinit, donec veritatem inveniat. At prorsus inutilis, immò noxia est illi, qui metu laboris, aut neglectu veritatis, requiescit in umbra Probabilitatis; ac promiscuè ita utitur, quamcumque amplexus verisimilitudinem: parùm sollicitus an auricalem falsitatis recipiat aut obtrudat, pro auro obrizo charitatis & veritatis.

Nec miheris, Amice Lector, si hic tot præcavenda menemus, totque præludia præmittimus: nam præsens Controversia de Probabilitate, probabiliumque opinionum electione; ex illo rerum genere est, in quibus (ut loquitur D. Augustinus, to. 1. lib. 1. contra Academicos, c. 5. in fine:) *cum mentis nostre veluti portum notio ipsa reliquerit, & sibi verborum quasi vela scenderit, occurrunt statim mille calumniarum naufragia*. Quod ipse ego aliàs expertus sum, non paucis scommatibus & cavillis expetitus ab Adver-



sariis, penitus extra Chorum. Cum enim in Tractatu de Legibus, inter securiores Moralis Theologiae semitas scripsissem (quod iterum dico tanquam verissimum) in obscuris ac dubiis tutiorem opinionem esse præferendam urgente agendi necessitate: inde præter prætentam Adversariorum impossibilitatem, inferebant nonnulli prædicandum omni Christiano corpus assiduis macerationibus ac vigiliis esse domandum; quia hæc & similia (inquirebant) sunt ad salutem tutiora: Itidem nos non debere, nisi turmâ Casuistarum circumscripti incedere, ut in agendis, semper peteremus ab ipsis, quidnam videretur eis probabilius, &c. Itidem in omnibus exigendas esse demonstrationes Mathematicas: quæ & id genus alia, etsi nemo prudens excusare possit à nugis, utpotè quæ ad rem nihil spectant; his tamen & similibus nonnulli utuntur, quibus sibi plausum apud vulgum comparent: ac sanam D. Thomæ doctrinam vertant in derisum.

## SECTIO II.

*Variis expenduntur Certitudinis gradus, quibus ad certitudinem prudentiæ descenditur, quæ legitimè efficit Probabilitatis usum.*

5. **U**T jam nullus cavillis hujusmodi pateat locus, dicimus plures esse gradus certitudinis, seu diversas esse certitudinis species. Est enim certitudo quæ dicitur logica aut metaphysica: ut cum dico certum esse *triangulum habere tres angulos*. Alia dicitur physica, quæ minor est, & sic homo dicitur bipes; & quamvis quandoque possit oppositum contingere: quia tamen rarè id evenit, idèò in his non omninò imprudenter contemnitur periculum erroris. Præter has, aliæ sunt in moralibus Certitudinis species seu gradus. Prima & potior, est illa quæ correspondet Certitudini logicæ; & juxta hanc, non potest res aliter se habere: v.g. certum est adulterium esse malum.

Alia est Certitudo moralis ab hac priore deficiens utpote minor, physicæ Certitudini utcumque respondens, quæ saltem in pluribus vera est. Et talis est scriptura Notarii, aut testimonium Curati afferentis puerum die tali fuisse baptizatum; matrimonium fuisse celebratum, &c. Tales enim, ut personæ publicæ, non præsumunt mentiri in similibus, quamvis attentâ conditione humanâ, deficere possint & decipere.

At tantam securitatem non exigimus, nec dicimus Notarios semper esse conducendos ad sufficientem certitudinem moralem efficiendam, ad ritè agendum, necessariam: eâ enim minorem libenti animo admittimus, quam facillè poterit quicque sibi comparare per externa media; scilicet Doctorum authoritatem, usum & consuetudinem bonorum, præscriptionem, possessionem, præsumptionem & tolerantiam Superiorum; quia qui in suis negotiis Deum inquitur, ac sincerè debitâ diligentia veritatem, juxta rei meritum & exigentiam, scrutatur; facillè invenit illam, secundum illud Prov. 2. *Si quaeseris sapientiam, tanquam pecuniam, &c. tunc intelliges timorem Domini, & scientiam invenies.*

6. Porro hæc Certitudo moralis, quæ est prudentiæ, licet non sit tam

absoluta, quàm Certitudo scientiæ, quæ procedit ex necessariis; Certitudo verò prudentiæ ex singularibus incertis & mutationi obnoxiiis: tamen quia hæc subiiciuntur necessariis; & indubitatis ac certis innituntur naturæ principiiis, v. g. *Quod tibi fieri non vis, alteri ne feceris*, sufficientem inde depromunt Certitudinem. Sufficientem dixi: nam quamvis ob eventus, rerumque exitus aliquando incertæ ac timidæ dicantur providentiæ nostræ, quia consilia etiam optima, infaustos aliquando habent successus: Attamen si de prudentia loquamur, quantum ad objecta, plura sunt in quibus certa & indubitata honestas reperitur, quæ nascitur saltem æmore ex dictis naturæ principiiis, accedentibus pluribus rationibus probabilibus, quibus nihil adversum deprehenditur: vel ex variis oritur hominum testimoniis, quæ licet seorsim sumpta, vel considerata communi hominum conditione, ad summum probabilia sint: si tamen inter se conveniant, vix possunt in errorem inducere: Quod si aliquando error interveniat, est merè per accidens.

Et hæc est certitudo moralis quam exigimus, quæque nobis sufficit in moralibus, in quibus prudentia petit, ut ea quæ sunt tantum convenientia, non sumantur pro necessariis, verisimilia pro veris, seu fallibilia pro his quæ juxta humanæ & Christianæ prudentiæ leges, debent esse certæ & indubitata: bonitatis & veritatis. Unò verbò, ut ea semper eligamus, quæ vel certò peccatum, saltem moraliter, expellant; vel probabilis errandi & peccandi periculum arceant. Et tales sunt opiniones faventes officio, & legi, tam communi, quàm privatæ seu præcepto; & quæ conveniunt honestati & bono communi potius quàm privato: quas opiniones contendimus esse præferendas opinionibus pro libertate, commodo aut voluptate pugnantibus, quas sola Probabilitas, seu opinio minus probabilis facere nequit in conscientia secunda. Quod velim notatum

Sed quia sub his terminis, *probabile & probabilis, tutum & tutius, bonum & melius*, magna latet æquivocatio, quâ Lectoribus illudunt Adversarii, pro hac aperienda & depellenda sit



## CAPVT QVARTVM.

### SECTIO I.

*Quid potissimum sit inspiciendum in discussione opinionum magis aut minus probabilium, pro vitandis æquivocationibus & Adversariorum subterfugiis? Et primò aperitur æquivocatio, rei quæ veritas explicatur familiari exemplò, factâ distinctione opinionis tute, & opinionis probabilis. Secundò, id magis explicatur Scripturæ testimoniis; & indicatur quid maxime sit inspiciendum in predictis terminis.*

Nu. I. **H**ic dicere possumus cum D. Augustino, to. 1. lib. 2. contra Academ. cap. 9. *Auferantur de manibus nostris fabella. De Moribus, de Anima nostra res agitur*, &c. Nam perinde est, ac si quære-

retur

retur, ut verbis utar illius: *Quis veritate comprehensâ, fallacias sit superaturus? Quis de libidinibus triumphaturus? Quis temperantiâ veluti conjuge acceptâ, in suâ originis regionem securior sit rediturus?* Auferantur ergo non tantum fabulæ, sed & æquivocationes omnes, & fallaciarum trix, quibus potissimum hac in parte utuntur nonnulli. Ex eo siquidem, quod *probabile & probabilis, tutum & tutius* à quibusdam permiscuntur; adducunt Adversarii absurda, quibus incauti facilè ludificantur; obtunduntque vel consilia præcipi, vel impossibilem esse, quem postulamus, opinionum delectum.

Ut igitur illorum sophismatibus occurramus, sciendum est diversas esse causas Opinionis tutæ, & opinionis probabilis. Nam securitas seu Certitudo opinionis probabilis, petitur à remotione periculi Divinæ aut humanæ offensionis: quod alicui potest opinioni competere, etiamsi sit minimæ Probabilitatis: ut si quis sibi persuadeat se peccare, si accedat ad Sacramentum Pœnitentiæ non perfectè contritus: vel si post peccatum commissum, differat aliquo momento conteri & confiteri; existimans hæc debere fieri quantociùs, etiam sub pœnanovi peccati. Opinio enim quæ citò confitendum suadet, nedum tutæ est, sed tutior; non tamen probabilior ob rationes infrâ dicendas. Immo nec tutum est credere, sic necessariò faciendum esse, quia nova esset causa multiplicandi peccata, per infinitos scrupulos, quibus plurimi in desperationis foveam inducerentur; vel ob moram quæ inter peccatum & confessionem interveniret; vel ob metum, quo Animæ timorata percellerentur, ne sibi perfectæ contritio defuisset.

Probabilitas verò petitur, vel ex ratione, vel ex auctoritate: unde & opinio dicitur probabilior, quæ verisimilioribus fulcitur rationum momentis: vel quæ graviorum Authorum nititur testimoniis, quibus ad assensum unius partis magis urgetur, quàm ad assensum alterius.

His præmissis, quando dicimus, in obscuris & dubiis *Tutius esse eligendum*; si ly *Tutius* comparativè sumatur, ita ut positivum illius sit *tutum*, sicut & bonum est positivum illius comparativi quod dicitur *Melius*; jam non tenemur ex præcepto eligere *tutius*, sed tantum ex consilio: v. g. ingredi Religionem, & profiteri.

Si verò *Tutius* adversativè sumatur, ita ut, id quod ei locò positivi correspondet & opponitur, sit malum aliquod; jam ex præcepto tenemur eligere *Tutius*, non minùs quàm sequi id quod est probabilius: si in probabili opposito, seu in *non actione*, aut *actionis omissione*, apparet aliqua peccati species, vel erroris occasio.

2. Explicatur. Quando Danielis 13. dixit Susanna impudoratis Senibus: *Melius mihi est absque opere incidere in manus vestras, quàm peccare in conspectu Dei*: Id quod opponitur huic comparativo *Melius*, scilicet peccare, non est bonum, sed malum: ideoque ei absolute eligendum erat illud *Melius*. Iridem cum 1. Corinth. 7. dicitur: *Melius est nubere quàm uri*; non est sensus, quod *bonum sit uri*; & *melius nubere*: sed quòd his duobus inter se comparatis, *nubere* sit bonum, & *uri*, malum.

Aliis, sed æquivalentibus terminis usus est Doctor Anglicus, ad exprimens idipsum. Nam lect. 2. in cap. 2. Epistolæ 2. Divi Petri, loquens de his, qui liberi à coinquinationibus mundi, his rursùm impli-

cati, superantur : ait D. Petrus : *Melius erat illis non cognoscere viam iustitiae, quam post agnitionem retrorsum converti.* &c. Quod explicans Doctor Angelicus, ait . *Melius erat . . . .* id est, minus malum ; cum sit comparatio abusiva, non propria : Propria, quando utrumque extremum comparationis participat aequalitatem in qua fit comparatio. Abusiva, quando alterum tantum. Magis abusiva, quando neutrum, ut Matth. 29 *Melius ei erat, si natus non fuisset.* Hæc D. Thamas.

Sic in præsentiarum : Quotiescumque ita se habet opinio probabilior, ut in opposita opinione probabili, sit aliquod malum, sive sit peccati, sive erroris periculum ; absque ulla tergiversatione, tenemur amplecti id quod iudicamus probabilius, & tunc unice securius grammaticè : theologice verò securum & tutum, quod sufficere dicimus ad ritè agendum. Itaque, in his omnibus non tam verba sunt ponderanda quàm sensus, qui hic unus est, ut scilicet vitetur quidquid vergit in Dei offensam, vel in propriæ salutis, aut alienæ, detrimentum. Quare si jam fiat aliqua dissertatio, pro opinione quæ dicitur probabilior, quia stat pro officio, lege, præcepto & honestate : hanc dicimus præferendam opinioni huic oppositæ faventi, voluptati, lucro, libertati, commodo, &c.

Non ergo ut dixi inhærendum indiscriminatim terminis opinionis probabilis aut probabilioris, sed intentioni Dei Legislatoris, de quo ait Psalmista, ps. 118. *Æquitas testimonia tua : & lex tua veritas : Qui hoc præcipuè intendit, & quidem unice, nos ab omni periculo peccandi, & ab omni occasione errandi remove.* Quod potest fieri aliquando etiam in opinione minus probabili ritè intellecta, ut statim dicemus, & modo prorsus opposito intentioni ac præcipuo Adversariorum intento. Quare si aliqua se se offerat opinio, quæ asserat, v. g. licitum esse pecuniam dare per modum motivi pro Beneficio impetrando ; & hæc opinio dicatur secuta in conscientia, quia probabilis ; probabilis verò, quia asserta à tribus aut quatuor Casuistis : his & centum aliis non obstantibus, hanc negamus ; & sic de omnibus aliis, in quibus est aliquis vel contemptus, vel neglectus veritatis ; aut aliqua temeritatis nota, aut salutis incuria. Et unò verbò, quodcumque sive apertum, sive latens peccati periculum, quod nec sanare, aut excusare potest Probabilitas, sed ad summum fucare seu tegere ; vel ( ut aiunt ) lupum in ovili includere. Ex quo patet in antecessum doctrinam Divi Thomæ & Thomistarum, toto Cælo differre à novitate Defensorum Probabilitatis, ut manifestum fiet ex duodecim Conclusionibus, quas statim subijciemus.

3. Posita hac intentione seu fundamento totius Controversiæ, ut scilicet removeatur omne vel saltem grave errandi aut peccandi periculum : dicimus nos triplici quasi vinculo adstringi, vel ad minus in pluribus etiam levioribus gratanter invitari ad eligendas opiniones probabiliores, pro lege, officio & honestate stantes : Primò, quòd sint veriores : secundò, quòd magis immunes à peccato : tertio, quòd ad salutem & incolumatatem efficaciores minus probabilibus, quæ quamvis possent aliquando excusare à peccato, ut fortasse fieri potest, saltem à tanto, ignorantia invincibili interveniente : non tamen media ad salutem consequendam necessaria suppeditare : qualia offerunt opiniones probabiliores, juxta quas, quàm fa-

## SECTIO II.

*Tribus motivis ad sectanda probabiliora invitamur: & ostenditur quibus modis profligetur praetensa Adversariorum impossibilitas in probabilioris delectu opinionis.*

**D**Enique quantum ad praetensam Adversariorum impossibilitatem eligendi semper opinionem probabilioiorem, seu magis à peccato immunem, dico primò id nedum impossibile esse, sed admodum facile cuicumque viro bene disposito, & maxime si bono privato (ut par est) anteponatur bonum commune: & ut diximus, recta dispositio specierum boni semper praè oculis habeatur; ita ut bonum honestum (quod est homini maxime proprium) utili & jucundo, seu delectabili praefertatur: quod sic fieri debere, solo naturali lumine notum est, & ita manifestum, ut vix lateat infantes, quibus primi rationis radii illuxerint, quidpiam agere, quod honestatem laedere videatur, quin statim eos pudeat. Quare hac in re non ad caulas Eremitarum nos remittit Augustinus, sed ad scholas Ethnicorum: ait enim lib. 3. cont. Academ. lib. 7. *Clamat Zeno, toraque illa porticus tumultuatur, hominem natum ad nihil esse aliud, quam ad honestatem; ipsam suo splendore in se Animos ducere, nullò prorsus commodo extrinsecus posito, & quasi lenocinante mercede.*

4. Secundò, adhuc longè faciliùs cognoscet unusquisque quid agendum sit, vel à quo abstinendum, si propriam coram Deo, sine pravo affectu consular conscientiam: quo in speculo percipiet, an Deum praecipuè, suæque bonum animæ intendant potius quam lucrum, voluptatem, aut aliquod temporale commodum, vel effrænem faciendi quidquid libuerit licentiam: cui viam aperuit vaga Probabilitas, quam libenter dicerem cum D. Petro, Epist. 1. cap. 2. v. 16. non novum quid pro quo huic nostro sæculo sit gratulandum, sed velamen antiquum magnam in non paucis habens malitia libertatem.


Tertiò, facili quoque ac nullo ferè negotio percipiet quisque quid debeat secundùm Deum agere, & quæ remedia malis suis expediat adhibere; si jam non serpentem æneum, sed Christum & hunc Crucifixum intueatur; cujus Crux est Cathedra Magistri docentis quid sit discriminis inter ea quæ ab unoquoque nostrum exigit, tanquam à nova creatura, & illa quæ sunt veteris Adami, quæ Novus iussit deponi, ut eum induamus novum, qui secundùm Deum creatus est in iustitia & veritate.

Quo in negotio, & Sanctorum movemur documentis, & illorum trahimur exemplis: unde hoc unum superest, ut Deum Jeremiæ ore, 6. v. 16. loquentem audiamus. *Hæc dicit Dominus: State super vias vestras, & interrogate de semitis antiquis, quæ sit via bona, & ambulate in ea. Et non declinetis* (ut alibi ait) *neque ad dexteram, neque ad sinistram: quæ est*

propria Probabilitatis solertia sive studium, viam ferè semper aperiens in utramque partem.

Ex hoc satis apparet quantum aberrent à veritate quidam Moderni, affectantes adeundos audiendosque Sanctos Patres, cum de Fide agitur; non verò quando est sermo de moribus, pro quibus nos remittunt ad Casuistas Neotericos, qui non rarè inconsultis Traditione & Scripturis, & persæpè inaudita ratione, solâ utuntur Modernorum autoritate, quâ adunantur ut grues simul volantes.

Sed quia nonnullis res fortasse adhuc difficilis videbitur & obscura, illorum gratiâ magis eam aperiemus variis Conclusionibus & exemplis, quibus tum ipsis fiat satis perfectissimâ rerum evidentiâ; tum aliis omnibus constet, quàm immeritò dixerit P. Fabri, *A nobis prorsus excludi, à Catholicorum scholis receptissimam Probabilitatis doctrinam.* Quare fit



## CAPVT QVINTVM.

### SECTIO I.

*In qua dicemus, 1. rectum Probabilitatis usum non impugnari à Thomistis, sed abusum; quem in prima Conclusionem regulandum ex recto potissimum circa finem debitum, appetitu declarabimus.*

Nu. 1. **H**ic non queritur utrùm aliquando admittendæ sint opiniones probabiles; hoc enim nedum probabile est, sed certum omnino & indubitatum. Tota ergo controversia in eo posita est; quomodo id fieri debeat, & evidenter ostendamus, quibus aut quot modis fiat innoxius opinionum probabilitium usus. Quod ut præstemus, supponimus omnem opinionem essentialiter ex semetipsâ includere formidinem aliquam, sive ex obscuritate mediorum seu motivorum, quæ non penetrantur, hæc proveniat; sive ex rationum, quibus innititur, infirmitate, quæ non valent mentem convincere, oriatur: sive tandem ex ipsius intellectus imbecillitate, qui cum non valeat vim demonstrationis percipere, argumentum etiam efficax & demonstrativum, probabiliter tantum apprehendit. Ita D. Tho. 2. 2. q. 5. a. 3.

Unde hoc est privilegium singulare illius, *cujus oculis omnia nuda & aperta sunt, & quem conscientie secreta non fallunt*, ut probabilia non minus certò, quàm necessaria cognoscens, non possit probabilibus probabiliter assentiri; id est, modo accipiti & formidoloso, creaturæ proprio, cum hoc maximam involvat imperfectionem. Sit ergo

### PRIMA CONCLUSIO.

Dico primò Probabilitatem illam vagam ac versatilem in utramque contradictionis partem, hederâ infirmiore, non posse esse morum Regulam, nisi aliquo fulciatur, quo firmetur; & veræ prudentiæ judiciò, licitus &

innoxius fiat usus illius, prout in sequentibus magis declarabitur. Probatur. Morum Regula debet esse certa, saltem moraliter: sed Probabilitas sic sumpta, id est versatilis & vaga, non est certa: Ergo nequit esse morum Regula. Aliàs hoc ex Mercori exemplo sic explicuimus. Rex præcipit Militibus, ut obsessam urbem decimâ noctis horâ aggrediantur; quia scit illos à quibusdam civibus hac horâ paratis fore excipiendos. Et quoniam tempore belli publica horologia silent, fit, ut illi Milites præscriptam horam cognoscere nequeant. Si ergo in eo casu Rex Militibus horologium consignet, quod non minùs horam sextam quàm decimam notaret: Nonne (inquit Mercorus) signum esset evidentissimum Regem illum noluisse hac urbem capi, suosque Milites voluisse deceptioni ac certo vitæ periculo exponere?

At eodem planè modo nobiscum ageret Deus virtutum (quod absit) si nobis in sufficientem morum Regulam daret Probabilitatem, ad bonum & malum, verum & falsum indifferentem; quam ob indifferentiam & indeterminationem ab ipsis Philosophis excluditur opinio à virtutum intellectualium consortio.

2. Confirmatur, magisque explicatur. Idem debet esse iudicium de Regula morum ac de Lege; cum ipsa quoque habeat rationem Regulæ morum directivæ: Atqui, ut optimè observat P. Baronius in sua Ethica Christiana, juxta omnes Legis-peritos, *unius legis unus est sensus*, & lex quæ utramque in partem statuit, nihil præcipit: sicut Superior nihil juberet, qui subdito præciperet simul, ut scriberet & non scriberet. Sed talis est Probabilitas quam hîc impugnamus, quæ approbat opiniones de uno & eodem simul contradictoriè oppositas, (ex quibus una est necessariò falsa) quas tamen asserit esse certas ac securas conscientiæ Regulas, quia probabiles: v. g. Talis est opinio quæ asserit esse peccatum mortale, conferre Beneficium digno, relicto digniore: & non esse peccatum mortale; quia (inquiunt) utraque est probabilis. Itidem furtum 20. assium esse peccatum mortale, & non esse peccatum mortale. Et hoc est prodigium illud novum præteritis ignotum sæculis, & hæcenus inauditum; nempe ut id quod falsum est, & æternæ legi Dei contrarium, eaque prædamnatum; sit Deo gratum & acceptum, cui proinde sit parata merces æterna: quasi verò nostra imaginatio, seu, ut cum illis loquar, *firma persuasio* posset rerum naturam immutare, vel maledictionem prohibere in eos latam qui dicunt *bonum, malum: aut malum, bonum*. Sed relicto hoc Probabilitatis portento.

Dicimus, quòd cum in hujus vitæ tenebris Probabilitatem omninò in pluribus vitare non possimus; sic firmanda est & corrigenda, ut nedùm licitus sit & innoxius, sed & utilis fiat usus illius. Hoc autem præ cæteris fiet, recto circa finem debitum appetitu, quem quisque; sive ut homo est, sive ut Christianus, sive ut Medicus corporis aut Animæ, &c. semper sibi debet proponere.

Explicatur. Intellectus speculativus (qui ex Arist. sola extensione fit practicus) sic dicitur à sola veritatis cognitione in qua per se sistit; & ex qua procedens ad aliquod opus faciendum, practicus denominatur. Et licet non sint duæ potentia, in hoc tamen differunt, quòd veritas intellectus

speculativi desumitur per ordinem ad res quæ dicuntur veræ, quando sic se habent à parte rei, prout concipiuntur: nam hæc propositio, v. g. *Petrus currit*, non est vera, nisi Petro currente.

Veritas verò intellectûs practici, qui respicit opus, desumitur per ordinem ad quidpiam aliud per prudentiam regulandum. qua in re ponderandæ sunt variæ circumstantiæ, quas ut plurimum simplex speculatio negligit: v. g. Eleemosina est bona: potest tamen contingere hic & nunc, ut non sit bonum illam facere his vel illis pauperibus, quorum fovebit vanitatem vel otium; vel saltem non expediat dare illam in tanta quantitate; quia id ipsum quod erogas, tuis est domesticis debitum, vel tuæ alendæ familiæ necessarium. Itidem, bonum est ire ad Sacrum (scilicet specularivè) vel etiam contemplationi vacare: sed utrumque definit esse bonum, & sit malum: si tunc temporis inserviendum sit infirmo, in ultimo vitæ discrimine, constituto.

His exemplis manifestum fit æquitatem in practicis non nasci ex veritate speculativa, sed ex recto appetitu circa finem debitum, quem quisque debet, juxta conditionem, statum & exigentiam rerum ex regulis Christianæ prudentiæ, sibi proponere. Ex quo innoxius ac rectus fieri potest plurium opinionum probabilium usus, quatenus unusquisque eligit & sequitur, & maximè urgente agendi necessitate, id quod judicat melius & convenientius fini debito quem intendit: v. g. convenientius ad salutem Animæ, si sit spiritalis Medicus: ad corporis incolumitatem, si curam gerat valetudinis corporalis: ad pacem & tranquillitatem Reipublicæ, si auctoritatem habeat supremi Regiminis, &c. ut magis declarabitur sequentibus conclusionibus. Sit ergo

### SECTIO III.

*Secundâ hac Conclusionè & septem sequentibus, quando, ubi & quomodo innoxius futurus sit usus Probabilitatis, declarabuntur.*

#### SECUNDA CONCLUSIO.

3. **P**otest quispiam aliquando sequi Probabilitatem, si ipsa comitem habuerit tranquillitatem, quæ ejus infirmitas sic fulciatur, ut in moralem transeat securitatem: & maximè si ad hanc accesserit jus aliquod possessionis, aut alius justus quivis titulus, ut dicemus Conclusionè sequenti. Ad hanc Probabilitatis speciem (quam supra diximus, quietam) nullo agitatam dissidio, nulloque laborantem vitio, nisi carentiâ mediî seu motivi intellectum evidenter convincentis: (quæ aliunde nullâ ratione partis oppositæ vellicatur; nec ullâ auctoritate extrinsecâ, seu falso rumore aut malâ famâ laborat) meritò reducitur innocentia viri, nunquam in discrimen vocata, & cujus fama nullâ unquam fuit mali suspitione labefactata. Isque temerarius esset & injustus, & contra charitatem peccaret, qui de illius viri probitate dubitaret, aut logicam de ea demonstrationem exigeret.



Et talem Opinionem ( quam diximus quietam ) non tam probabilem dixeris, quàm moraliter certam. Nam ex ea parte, quâ nihil ei apparet repugnare, censetur consona legi æternæ, & ei sufficienter conformari: non quidem ratione solius Medii probabilis non sufficienter intellectum convincentis, ( quod suspicionem naturalem semper relinquit ) sed antea actâ vitâ, & unanimi Concivium consensione, cui contradicere alienum esset omnino à charitate, quæ Apostolo teste, *non cogitat malum*.

Talis debet censeri omnis opinio, in qua nullum est erroris aut peccati periculum, sed sola perfectæ & convincentis evidentie carentia; & qui hujusmodi opiniones sequi detrectarent, & maxime urgente aliquâ agendi necessitate; similes essent iis, qui in magna peregrinatione peragenda, nollent se se itineri committere, nisi illucescente ipsâ luce meridiana. Et sic plures eximendi essent ab officio rectè agendi, quia majoris hujus non sunt capaces luminis. At ille qui temperat rerum vices, & unicuique sua partitur talenta, aliquos splendore instruit, tanquam cognitione meridiana: Alios verò habet sub quadam caligine, quibus nihilominus ait: *Modicum in vobis lumen est, ambulate*; ne scilicet accrescant ignorantia, & alicujus erroris aut peccati tenebræ, in pœnam vecordia, vos comprehendant.

### TERTIA CONCLUSIO.

4. Ad prædictam Probabilitatis quietæ speciem accedit alia haud multum dissimilis, qualis est illa, juxta quam nihil habet, quid sibi in conscientia timeat is, qui credit se optimo jure hæreditatem possidere, de qua nullus ei litem movit: Et cui in titulos inquirenti nullum unquam exortum est dubium, malâ arte parta fuisse à suis Majoribus, bona sibi relicta; quamvis fortasse hoc potuerit contingere. Sed quia omnino latet, & in his ac similibus non possunt haberi demonstrationes, nullis debet vexari scrupulis.

### QUARTA CONCLUSIO.

Non tam quietâ est nostra Conscientia circa notitiam quam hic de nostra habemus innocentia: etenim quia illam certò & evidenter non valemus citra revelationem cognoscere; nec scire possumus utrum sumus justus, & in statu gratiæ; terminos Probabilitatis non excedit, aut ad summum Certitudinis moralis, à formidine non omnino immunis, cognitio quam de hoc arcano habemus, urgentibus hinc & inde rationibus, ob quas non nisi in timore & tremore possumus hic salutem nostram operari, donec aspi-ret dies & inclinentur umbræ: nam *qui sine timore est, non poterit justificari*. Quia igitur in die septies cadit justus, & in multis offendimus omnes; nullus est quin possit dicere, & potiori jure quam Apostolus: *Nihil mihi conscius sum, sed in hoc non justificatus sum*; cum de ipso propitiato peccato, esse non debeamus sine metu. Hinc D. Thomas in 1. ad Corinth. 4. explicans hæc verba ( Nihil mihi conscius sum, sed in hoc non justificatus sum ) lect. 1. ait: *Non sufficit ad hoc quòd me justum pronuntiem; quia possunt aliqua in me peccata latere, quæ ignoro, secundum illud Ps. Delicta quis intelligit?* Et in cap. 1. secundæ Epistolæ Petri in hæc verba, ( Satagite

ut per bona opera certam vestram vocationem & electionem faciatis) ait: *Per bona opera que homo facit, sua electionis potest habere certitudinem; non quidem scientia, sed conjectura; non rei, sed spei.* Rom. 8. Certus sum, quod neque mors, neque vita. . . . Sufficit ergo hæc Certitudo, quamvis non omnino perfecta: nam si post accuratam conscientia discussionem, non reprehendit nos cor nostrum; fiduciam habere debemus; ac possumus Sacrum facere, & ad sacram Synaxim accedere: imò debemus, præcipue urgente præcepto Communionis annuæ; timoremque nos inde retrahentem ceu vanum & inimici dolum aspernari: Cujus, inquit D. Cyrillus in Joan. *varia sunt multiplicesque ad decipiendum insidiae; quare oportet omnibus viribus à peccato mundari, & rectè vivendi jactis fundamentis magna cum fiducia ad sumendam vitam concurrere;* quia, ut ait D. Gregorius Papa, hom. 36. in Evang. *tautè se amplius nostri fastidiis morbus exaggerat, quantò se magis ab esu illius dulcedinis animus elongat.*

#### QUINTA CONCLUSIO.

5. Alia est Probabilitatis species quæ favet officio, qualis est filii erga Patrem; cui non nisi opinione probabili, scilicet Matris testimonio, comperta sunt sua legitima natalia. At, quid de illo filio diceret, qui quod certam ac evidentem de hoc non posset habere demonstrationem, se se à paterno jure subduceret, nec patri obtemperare, nec eum revereri vellet? *Quæro* (inquit D. August. de utilit. creden. cap. 12. *si quod nescitur, credendum non est; quomodo serviant Parentibus filii?*

#### SEXTA CONCLUSIO.

Non potest non admitti etiam hæc sexta Probabilitatis species fundata in naturali Matrum in filios inclinatione (quâ sagacissimè usus est aliàs Salomon, ut veram agnosceret Matrem;) quæ si aliquando sic deficiat, ut Matrem commutet in Novercam; hoc ferè tam rarum & insolitum habetur in moralibus, quàm in naturalibus, hominem non esse bipedem. Et quamvis major omnium sit inclinatio quam habemus ad vitam, nunquam tamen potest veræ demonstrationis habere vires, sed ad summum moralis tantum certitudinis. Nam reperti sunt aliquando infantes, convicti per falsos, quibus consenserunt testes, qui vi tormentorum coacti, confessi sunt quod nunquam perpetrarant crimen, vel ex solo vitæ rædio, tot ad eam aliquandiu conservandam mortis speciebus expositæ. Ex quo patet quam periculosum sit judicandi officium, sicut & incertus tormentorum usus ad veritatem extorquendam.

#### SEPTIMA CONCLUSIO.

Præter prædicta, nonnulla alia sunt quæ dicuntur probabilia tantum speculative, seu etiam ad disputandum & exercenda studentium ingenia: v. g. Utrum astra sint paria? Quis & ubi assignandus sit locus Paradisi reserctis? &c. Quibus accendi possunt ea quæ dicuntur probabilia quoad assensum,

assensum, ( in his dumtaxat in quibus innoxius est assensus ) nec ullum est, nisi levissimum erroris periculum. Quid enim interest, utrum Accipiter ( quem cernis arbori insidentem ) nullius sit, aut animal domesticum, dummodò ulterius non prosequaris ad occidendum vel rapiendum illum? Quare hic unum te monitum velim; nimirum, certitudine majori & accuratiori indagine opus esse in his quæ ad praxim deducenda sunt, quàm in illis quæ in sola speculatione sistunt. In his enim non nisi levis, & aliquando nullus culpabilis error est, ante determinationem Ecclesiæ: in aliis verò semper est re ipsâ, aut valdè anceps peccati periculum: v. g. parùm interest utrum id quod in nemore deprehendit Venator, sit viator itinere fatigatus, in umbra quiescens sub arbore: aut fera sylvestris. At, si sagittam emittere velit ad interficiendum, nulla ei Probabilitas sufficit; sed omninò certus esse debet, non esse hominem, sed feram.

## OCTAVA CONCLUSIO.

6. Octavò, admittitur Probabilitas suffulta legibus, & præsertim charitate. Ita D. Th. qui mavult quempiam in aliquem incidere errorem, juxta communem Probabilitatis credulitatem, quàm quidd peccet contra legem Charitatis. Nam 2. 2. q. 60. a. 4. ad 1. sic ait: *Melius est quodd aliquis frequenter fallatur habens bonam opinionem de aliquo malo homine, quam quodd rarius fallatur, habens malam opinionem de aliquo homine bono; quia ex hoc fit injuria alicui, non autem ex primo.* Et ibid. ad 2. ait: *Falsum judicium quod ( quis ) bene judicat de alio, non pertinet ad malum intellectus ipsius ( sicut nec ad ejus perfectionem pertinet secundum se, cognoscere veritatem singularem contingentium; ) sed magis pertinet ad bonum affectum.* Sic dubio procul, jucundum erat Deo dissidium horum duorum Angelorum: ( nam Angeli ipsi non sunt à Probabilitate propterea immunes, & præcipuè in his quæ pendent ex solo nutu divinæ voluntatis: ) Angelus siquidem Judæis præpositus urgebat finem exilii, eorumque discessum à Perside, ne scilicet corrumpentur vitio idololatriæ. Angelus verò Persarum Custos, obnubilatur spe alicujus fructus, qui fortè ex mora Judæorum longiore inter Persas, veri Dei Cultorem, poterat Persis obvenire. Quod totum ex charitate utrinque pendebat.

Quamvis ex hæcenus dictis sufficienter innotescat quid non vitiligandum de Probabili & probabiliori, sed præcipuè inspiciendum & indagandum, quid sub his lateat terminis; an scilicet aliquod peccati periculum, aut occasio erroris: magis tamen adhuc innotescet istud ex dicendis. Quare sit

## NONA CONCLUSIO.

Quando occurrunt duo mala, ad vitandum majus, non solum admittitur id quod probabile est, sed etiam aliquando illud quod dubium judicatur. Explicatur. Hinc præcipit Religio, reverenter, certò & validd administrari Sacramentum: v. g. instat necessitas conferendi infirmo Sacramentum Pœnitentiæ, & Baptismi puero morienti: Inde urgent prudentia, charitas & justitia, sic se gerere Ministrum Ecclesiæ, ut suo non

desit officio, quò præcipuè tenetur salutem Animarum sic providere; ut nullo modo Animas obijciat periculo salutis æternæ. Et quia minus est malum, irritum fieri Sacramentum, aut minus decenter administrari, quàm perire Animam, propter quam Sacramentum fuit institutum: Idcirco si contingat infirmum Animam agere cum solis signis contritionis; poterit Sacerdos, immò debet illum absolvere. Irdem si evidens imminet periculum, ne infans sine Baptismo moriatur: & omnis certa desit materia, aut nullo modo formæ consueta recordetur Sacramenti Minister, sed tantum illius, quæ dicitur, *in nomine Genitoris, Geniti, & ab utroque Procedentis*; quæ quamvis speculativè sit probabilissima, practicè tamen est incerta; poterit in illa Sacerdos conferre Baptisma, & omni alia materia deficiente, aqua scilicet naturali: vel aqua maris, vel lixivio uti, aut aliâ consimili materiâ dubiâ; alioquin & extra casum necessitatis, minus decenti. Quia melius est his in extremis, hujusmodi mediis probabilibus aut dubiis uti, quibus fortasse Deus Optimus ad salutem Animæ utetur, quàm illa omittere.

His omnibus modis, quibus aliquem innoxie aliquando opinari contingit: addi potest ille de quo Doctor Angelicus, 2. 2. q. 5. a. 3. ait: *Qui tenet mente aliquam Conclusionem, non cognoscens medium demonstrationis illius; non habet ejus scientiam, sed solum opinionem.* Ex prædictis inferenda subsequens Resolutio.

### SECTIO III.

*Hac Conclusionem, & sequentibus, evidenter declarabitur nullum inter opiniones aequales constituentem, habere arbitrium illarum delectum; & quomodo hoc sit, intelligendum?*

#### DECIMA CONCLUSIO.

7. **Q**Uando occurrunt duæ opiniones æquè probabiles, non potest quis eligere quam voluerit; sed tenetur sequi, absolute loquendo; opinionem carentem peccati periculo. Probatum hoc pluribus juribus, quibus statuitur, in dubiis partem tutiorem esse eligendam. Cap. ad audient. de homicidio. Cap. *Si quis*, de Poenit. & Cap. *Invenis*, de Sponsalibus.

Quodd autem in æqualibus non sit electio ad libitum, si rationis ductum sequamur, manifestè declaratur exemplo statere, quæ non minus manet in æquilibrio, quando utrinque est pondus æquale, quàm si nullum. Et ne quis existimet nos abuti exemplo rei inanimatæ; scilicet statere tantum passivè se habentis: meminerit principii D. Thomæ, nimirum scientiam nostram sic causari à rebus, ut non sit nobis integrum pro libito opinari sicut imaginari. Ex quo constat, stante rationum æqualitate, intellectum manere dubium, accipitem ac suspensum, ut patet inter litigantes crumenam inventam sibi vendicantes: nam Judex non est minus dubius, si quilibet æqualis fidei testes proferat æquales, quàm si nullos haberet; at si nullos haberet testes, imprudenter omnino & injustè ageret,

fi uni potiùs quàm alteri crumenam adjudicaret. Ergo fimiliter in præfentiarum. Sed fufius infrà cap. 9. probabitur

Confirmatur exemplo Salomonis, qui cum non poffet inter Matres ex æquo litigantes, negotium dirimere; juffit dividi infantem, ut ex matris compaffione, ceu novo rationis pondere, veram matrem agnofceret.

Antequam fequentem Conclufionem ftatuamus, hîc unum velim prænotatum, à quo pender totius Controverfiæ enucleatio, quæ majori ex parte latet in æquivocatione, qua rem, folo ferè fenfu communi notam, tenebris involvunt Ægyptiacis denfioribus: nimirum, nos in hac decima Conclufione loquutos fuiffè de rebus fecundum fe, nullo ipsis per accidens adjuncto: nam ex aliqua circumftantia fit aliquando, ut non folum poffimus eligere id quod eft alteri æquale, fed etiam quandoque debeamus; non quidem ratione fui, fed ratione alterius, quod eft prorsus neceffarium ob vitandum aliquod erroris aut peccati periculum. Sed quia res eft difficilima, melius explicabitur exemplis, quàm folis verborum officiis. Sit ergo

# UNDECIMA CONCLUSIO.

8. Dico fieri poffe per accidens, ut opinio aliqua minùs probabilis, fit fecurior, & ab omni fpecie erroris aut peccati remotior; & tunc illam fequi poffumus. Hoc probatur fequentibus exemplis fingulariter notandis, ne hac in parte Adverfariis confentire videamur.

Primò, certum eft Opinionem Hugonis Viâtorini, de multiplicandis actibus Contritionis, juxta numerum peccatorum; effe minùs probabilem Opinionem Divi Thomæ afferentis unicum fufficere actum efficacem contritionis pro omnibus peccatis: tum quia opinio D. Th. eft conformior Scripturæ docenti Deum peccata condonare in quacumque hora ingemuerit peccator; Hugonis verò fæpiùs effet prorsus impoffibilis, cum de fingulis, etiam cum maximè volumus, non poffimus diftinctam & explicitam habere memoriam; quod facile poffet in desperationis foveam inducere: Tum quia Divo Thomæ fuffragatur ratio Theologica: fiquidem, quicumque unico actu efficaci Deum fuper omnia diligit; eodem actu, etiam omnia detestatur, quæ tanquam injuriofa, ei difplicent & opponuntur.

Et nihilominus poteft quifque hanc Hugonis opinionem minùs probabilem fequi, quia removel à peccato per fe loquendo: & utinam non unum Contritionis actum, fed mille intensiffimos perfectiffimi amoris actus produxiffet unufquifque, & ubi primùm peccavit, & pro quolibet actu peccati.

Secundò, Dubitat quifpiam an aliquod peccatum mortale in tali occafione commiferit: vel anceps eft, an aliud commiffum in Confefione aperuerit; aut illius re ipsa oblitus fit. Et adhibita omni diligentia, probabilius exiftimat fe non mortaliter peccaffe, nec fe alterius oblitum effe. Ex utroque tamen eft illi cor inquietum, femperque movetur aliqua fufpicio- ne, quæ Probabilitatem non excedit.

Hoc ipfo Probabilitatis fcrupulo movetur, & utrumque peccatum, faltem ut dubium, iterum confitetur. Quid ad hæc? Nonne prudentiffimè agit, & fecurà hac Probabilitate contra remiffam Probabilitatem utitur;

hanc sequutus Probabilitatem, quâ maximam salutis sibi comparavit securitatem? Nam bonarum est mentium, inquit D. Gregorius, culpam agnoscere, vel saltem metuere ubi fortasse nulla culpa est.

Videñe, Amice Lector, quâ Probabilitatem non aversemur quando adjunctam habet veram securitatem? Veram dixi; nam falsa est quam tuentur Adversarii, qui illam repetunt ac fulciunt fucatis falsæ prudentiæ Regulis, vel solâ supra ipsam Probabilitatem reflexione; quæ, ut in elencho materiæ præmonuimus, manifeste illudit conscientiæ.

Tertiò, Anxius est Judicis animus inter duas opiniones, quarum primâ probabilius existimat Reum commisisse crimen de quo accusatur: Alterâ opinione minùs probabili ob contrarias conjecturas, arbitratur ipsum esse innoxium. Quid opus factò? Hic Judex non solum potest, sed debet opinionem hanc minùs probabilem sequi, & accusatum dimittere. Ratio est, quia ad damnandum justè aliquem, probationes ex legum præscripto debent esse Sole clariores; & nulla sufficit Probabilitas.

9. Quartò. Opinio quæ asserit Attritionem supernaturalem sufficere ad Sacramentum Pœnitentiæ recipiendum, quâ quis ex attrito fit contritus; est communior, & saltem post Tridentinum à pluribus probabilior æstimatur. Estque altera ei opposita opinio minùs probabilis, ( licet tutior ) quæ asserit necessariam esse contritionem perfectam, ad veniam peccatorum, etiam cum Confessione & sacramentali Absolutione, consequendam:

At zelo accenditur aliquis, & totis viribus conatur perfectissimam habere contritionem. An audebis damnare Sectatorem opinionis hujus minùs probabilis? Quin immò, omnibus est consulenda.

Quintò. Sub Urbano VIII. Decreto Congregationis cautum est, ne unam Missam pro pluribus stipendiis celebrent Sacerdotes. Si expendantur rationum momenta, opinio Cajetani & quorundam aliorum asserentium ex Sacrificiî valore infinito Missam pro pluribus oblatam, æque prodesse singulis, ac si pro uno solo offerretur; multò probabilior videbitur opinione Bellarmini & aliorum, sic fructum Sacrificiî æquantium ad certum & determinatum gradum, ut nullius ulterioris augmenti capax sit amplius.

Attamen quia tutior est opinio Bellarmini, ab omni specie & suspitione avaritiæ remotior, & Animarum saluti vicinior, nec non Sanctionibus Summorum Pontificum conformior; meritò antefereatur, & reipsa est præferenda in hoc opinio Bellarmini. Opinio verò Caietani, quâ abuti possent Sacerdotes Sacrificiorum officia consummantes, ut avaritiæ & pigritiæ consulere, homines retrahendo à Sacrificiis: ( quam ob causam tam severe punivit Deus Sacerdotes Eli filios ) non est ad praxim reducenda, quantalibet majori polleat Probabilitate: idque saltem ex fidelitate.

10. Sextò Recognitavit quispiam omnes annos suos in amaritudine Animæ suæ; & quia rem gessit publicam, accuratissimè rimari studuit, num fortè ad aliquam teneretur restitutionem erga aliquem: quò peractò, probabilissimè credit se unicuique quod suum erat reddidisse. Atropum postmodum aliquo levi movetur scrupulo erga quempiam: quem scrupulum libenter vocarem ( si mihi liceret uti Adversariorum terminis ) *Tenuissimam Probabilitatis solum*: ipse tamen magnâ motus generositate, ceu alter Zachæus,

ait : *Et si hunc defraudavi, reddo quadruplum.* An quia minimam hanc Probabilitatem sequutus est, damnare audebis? Deus est, qui alterum hunc Zachæum Abrahæ filium iustificat, & quis est qui condemnet illum?

Ex his apertissimè apparet, qui non ludendum terminis opinionis probabilis aut probabilioris ad illudendum aliis; sed potissimum esse inspicendum quid lateat sub illis: an scilicet aliquod peccati aut erroris periculum, à quibus in tuto positus, potest & aliquando debet probabilem sequi opinionem, & potissimum urgente agendi necessitate, quæ consultis non subjacet legibus; quibus tamen nunquam nisi imprudentissimè derogatur, si sub illis via tuta aut tutior ( ut ferè semper contingit ) commodi temporalis, voluptatis, aut alterius morivi gratiæ, negligatur: tanquam possit Probabilitas, vel illatum damnum rescire, vel à peccato excusare: quam qui sequitur, nisi aliunde sit certus quod non peccet; ( ut in prædictis casibus ) certissimè peccet; ut ex D. Augustino infra dicemus.

Sed fortasse dicit aliquis nos incidisse in Scyllam, cupientes vitare Caribdim; id est, in laxissimam Probabilitatem, juxta libellum Gratianopolitanum & Amadæum; putantes declinare à Patre Fabri asserente à nobis profligari receptissimam Probabilitatis doctrinam.

At facillimum nobis erit ostendere quantum ab utroque extremo distent Thomistæ. Quod ut fiat efficacius, seu ut opposita juxta se posita magis elucescant, sequentem subjicimus Conclusionem.

#### DUODECIMA CONCLUSIO.

Nunquam per se possumus licitè sequi opinionem minùs probabilem faventem libertati, emolumento aut voluptati, relicta probabiliore stante pro officio, lege, præcepto & honestate. Clariùs & unò verbò.

Quotiescumque ex aliqua opinione probabili, probabiliori, immò & probabilissima, aliquod imminet peccati periculum, aut ulla impendit erroris occasio, sive in fide, sive in moribus; nunquam licet talem sequi opinionem. Hæc Conclusio infra Cap. x. probabitur: quod de industria sic facimus, ne aliò divertatur Lectoris animus. Quare hic una jungemus quid sentiant Probabilitatis Authores, ut neminem lateat nos toto cælo differre ab his quæ ipsi conantur nobis assignare, circa morum laxitatem, quam in Thomistas, tanquam in primos illius Authores vel Patronos, fatagunt revertere. Sit ergo



#### CAPVT SEXTVM.

*Quid sentiant Antithomistæ circa Probabilitatem, ætate nostrâ tanto calore propugnatam?*

Nu. I. **Q**UÆ nonnulli fusissimè expendunt, hic compendiosius perstringam: Et ne quis existimet me ulli quidquam imponere; horum omnium quæ hic dicturus sum, duos aut tres indicabo Fidejussores seu

Authores; ad quos, si quis anceps fuerit, recursum habere possit. Hac præmonitione seu cautelâ hîc incedendum existimavi: etenim quæ modò ac deinceps relaturus sum, communem fidem ita excedunt, ut à nullo absolutum expectam consensum, nisi propriis convicto oculis: quod eò facilius negotio fieri poterit, quò in promptu sint Authores illi, ad quos accipiem remitto Lectorem.

Primus erit Fagnanus, qui testimonio Summi Pontificis Clementis X. in Brevi dato 17. Julii 1671. à sexaginta annis obsequium, suamque operam præstitit summis Pontificibus, nunceque præstat sua Sanctitati. Secundus erit Gabriel à S. Vincetio, Carmelita exalceatus. Et tertius, Sinnichius, Professor Lovaniensis celeberrimus.

Porro hic Tertius summarie referens quid sentiant Probabilitatis Defensores, quos postmodum egregie confutat in suo lib. cui titulus est, *Saül Exrex*, in fol. Lovanii 1662. edito, pag. 357. libri 1. ait: *Qui operatur (inquunt Probabilitatis Defensores) motus opinione probabili, bene & sine peccato operatur, &c. Quod ita certum est, & à Doctõribus comprobatur, ut nostrâ discussione non indigeat, etiam opinione probabiliori relitâ; etiam omisâ tutiore; etiam communi & in articulo mortis: quia dum Probabilitate, siue intrinsicâ, siue extrinsicâ, quantumvis tenui, modò à Probabilitatis finibus non exeat, confisi aliquid agimus, semper prudenter agimus.* Nota hoc, Amice Lector.

Si autem quæris quænam sit illa opinio probabilis, quæ tot ac tantis decoratur privilegiis; hanc apud Tamburinum, suis depictam coloribus, reperies, lib. 1. Dial. *Opinio probabilis (inquit) est assensus intellectus de aliqua re; qui nitatur ratione vel Authoritate alicujus momenti; modò pro parte opposita nihil appareat convincens, quamvis adsit nonnulla ejusdem, partis opposita formido.*

Et ne tanquam scrupulosus audiat, ait pag. 358. *Ad Probabilitatem sufficere unum Doctorem, etiam contra innumeros: quando idem est doctus, rem ex professo tractat, firmamque rationem pro se habet, nec apparet contra ipsum aliquid convincens.* Neque exigit, ut quidam alii, illud esse certò probabile; sed ipsi sufficit, si sit *probabiliter probabile*; id est, si ratio vel Authoritas, quibus Probabilitas fulcitur, sit alicujus momenti.

At quo pacto illudant Lectoribus Adversarii, vocabulò *prudencia, aut rationis firma seu gravis, nomine*, ex uno Cardena cap. ultimo ostendemus; qui ultimus scripsit, ut aliis strictior appareret; quique unò verbò satis ostendit se alienis non mederi morbis Probabilitatum, quibus tantummodò ingenti suo volumine fucum fecit, ut legenti id quod referemus, satis apparebit.

2. Communem hanc esse Defensorum Probabilitatis doctrinam confirmat supra laudatus Prosper Fagnanus, integro volumine, cui titulus est: *De Opinione probabili Tractatus, &c.* Romæ an. 1665. recus. Cui suffragatur præfatus P. Gabriel Carmelita, in suo libro in fol. Romæ quoque 1671. edito; in quo agitur de remediis ignorantie. Quod confirmat Sinnichius in suo erudito opere, cui hunc præfixit titulum, *Saül Exrex*, Lovanii edito 1662. Qui omnes fusè satis referunt ac refellunt efficacibus argumentis, nimiam Adversariorum laxitatem. Quod certè sufficere posset,



nisi quotitè de novo illi iniungerent vel Probabilitatem defendentes, ve illius excessum & deformitatem in nos, ac Sanctos ipsos, tanquam in primos illius Autores, immeritò refundentes, ut patet ex Neotericis quibus hic respondere cogimur.

Quid tamen sit inter nos & ipsos discriminis, quidve lateat sub cortice doctrinæ hujus supra relatæ, & doctrinam Divi Thomæ laudati cap. præcedenti; nullâ aliâ arte manifestari potest evidentius, quàm exemplis & propositionibus infra subjiciendis, quæ palam indicabunt nostram inter & illorum doctrinam, quam hac in parte nobis affingere conantur; nullam esse convenientiam; cum, ut patet ex cap. præced. hoc unum respiciamus, etiam in necessario probabilitum usu, ut erroris ac peccandi periculum arceamus. Vaga verò Probabilitas quam tuerent Aduersarii nimis confidenter, spernit occasiones & gravissima peccandi pericula, solo Probabilitatis prætextu, quem asserunt sufficere ad securitatem conscientie.

Primum igitur quod in hujus rei fidem profertur testimonium, legitur apud præfatum Patrem Gabrielem, paginâ 374. ubi postquam multas retulit propositiones, *quæ (inquit) horrorem causant, & quas nemo sequi potest, licet adhuc nunc condemnate non sint*; sic loquitur nu. 12. *Vnam (inquit) præterire pessimam opinionem nequeo, quam ponit quidam Modernus, & est: quòd si vir doctus inveniatur aliquam opinionem, quam putat esse falsam, & observat falsitatem; & quòd principium cui innititur, est omninò falsum, inane & vanum: adhuc tamen iste vir doctus, qui hæc cognoscit, potest eam sententiam tutâ conscientia sequi, gerendo se ut indoctus. Quid ad hæc? Estne in mundo falsitas magis portentosa inter Christianos?*

3. Secunda Propositio legitur apud eundem, pag. 371. *Quando Litigantes habent pro se opiniones aequè probabiles, potest Index accipere pecuniam pro sententia ferenda in favorem unius pro alio. Quid plura? An toleraretur istud apud Turcas?*

Tertia Propositio est eorum, qui asserunt, *Judicem posse sequi opinionem minùs probabilem, contra communem & probabiliorem: nec licitum esse reo, ex sententia minùs probabili damnato, appellare: liberumque esse Judici secundùm quam maluerit ex probabilibus judicare; immò nunc secundùm unam judicare pro Amico, & secundùm oppositam opinionem pro alio.*

Quarta Propositio est, *licere juramentum rei falsè, quam jurans putat esse veram, alicui persuadere: quia (inquiunt) juramentum quod sine damno proximi, bono animo jurantis fit, etiam de re falsa, actus est studiosus Religionis, quem potest ut finem respicere, qui persuadet juramentum rei falsè. Subtilis (inquit) ille Author Probabilitatis, alicui videbitur: sed certè vera distinctio, ut si penetraretur, censenda sit in posterum probabilis (aliàs improbabilis). Ergo ne licebit quoque ex eodem principio aliquem inducere de industria ad adorandum hostiam quam tu scis non esse consecratam malitiâ Sacerdotis? Quis hoc ferat? Sed de hoc fortasse redibit sermo in Apendice.*

Ex hoc tamen obiter unum velim notatum, quod supra diximus; scilicet, Probabilitatis Autores non curare an vera sit res à parte rei, necne: sed ipsis sufficere idolum illud evanidum, seu formale conceptum, quem sibi proponunt ut objectum, etsi nullus ei correspondeat objectivus à parte rei: quod licet incredibile videatur, vel hoc suspicari de viro qui ipsius

Philosophiæ limina à longè salutaverit : patet tamen ex Adversariorum libris, & evidenter in hac singulari propositione, in qua is sibi ut finem & virtutis actum proponit, non solum id quod non est, utcumque & solummodo chimericum, sed insuper est scandalosum & Religioni injuriosum.

Quinta sit, *Qui alium movet aut inducit ad inferendum grave aliquod damnum Tertio : v. g. ad domum ejus aut segetem incendendam ; non teneatur ad restitutionem damni illati.*

4. Sexta denique Propositio : *Quamvis Actor nullum jus in rem quam petit, habere videatur ; potest illi Advocatus patrocinari.*

In his ac similibus confutandis Propositionibus ( reipsa scandalosis ac intolerabilibus, ) hic non immoror, ne actum agam : nam illæ cum aliis pluribus his similibus, apertæ falsitatis sunt convictæ à pluribus Thomistis. Illas tamen sex leviores retuli propositiones, minùs scandalosas, minùsque piarum aurium offensivas ; ut illis sex opponam Casibus Conclusionis nostræ undecimæ, in quibus, ob peccatum vel errorem vitandum, ut ostendimus, aliquando licitum esse diximus opinionem amplecti minùs probabilem. Ex quibus vel solis sufficientissimè innoscit, nihil magis oppositum D. Thomæ & Thomistarum doctrinæ, quàm hanc Probabilitatem, quam Adversarii conantur Mundo obtrudere, nobisque cunctis reclusis mantibus imponere.

Præfatas propositiones dixi esse leviores : nam quamvis falsæ, leves tamen censeri debent, si conferantur cum aliis, quæ utinam nulli unquam venissent in mentem. Etenim nec tantum scandalum apud Hæreticos induxissent, nec tantò tædio Alexandrum VII. ( qui 45 ex illis anathemate percussit ) affecissent ; nec denique totam Franciam & Flandriam turbassent. Plures enim sunt propositiones tam in ficto Amadæo, quàm in Apologia Casuistarum, ob quas Christianus pudor erubescat.

Et tamen non erubescit Philosophiæ Magister Collegii Gratianopolitani, tales propositiones affingere Thomistis, dum suis thesibus, & libello iterum in lucem editò, Positione tertiâ suæ Moralis Philosophiæ, ait : *Quare si quid seculo nostro condolendum ( scilicet ob effranem opinandi licentiam ) Primi illi ( inquit ) condoleant, à quibus Primis ( Thomistas, quos refert, intelligit ) malum irrepsit.*

Tota ergo difficultas seu Controversia in hoc posita est, utrùm scilicet remissa Probabilitas superiùs expressa, quæ ferè omnia in problemata convertuntur ; sit orta, vel saltem propugnata à Thomistis ? Ut hoc ita esse suaderet Philosophiæ Magister, terrâ marique ( ut sic loquar ) Thomistarum libros conquissivit ex una parte : & ex altera Amadæus recensus. Hic octodecim ex nostris designat : Ille verò, id est Amadæus, præter quosdam, quos cum præfato citat, alios etiam obtrudit, quorum Magister non meminit, quibus quoque suo loco faciemus satis. Omnes ergo sigillatim audiendi sunt, ex quibus potest quilibet cum Christo dicere : *Mea doctrina non mea*, sed Divi Thomæ, cujus proinde hic sunt vindiciæ, ac instituitur Apologia. Nec dubito quin obstupescant Lectores, suasque nobiscum ac pro nobis, Deo & Angelis offerant expositulationes ob inculpationes tam injustas & atroces, adeoque alienas à veritate. Quare sit

## CAPUT SEPTIMUM.

*In quo dirimitur primò curiosa questio, an scilicet dicendi sint Authores Probabilitatis, qui de ea quidpiam antiquitus forè bonâ fide scripserunt; vel qui contra omnes, jam Probabilitatis partes timentur. ac cunctis reclamantibus, adhuc eam defendunt? Secundò, Singuli Thomista citati à Magistro Philosophia, ad examen vocantur. ut ipsi ore proprio loquantur contra Probabilitatem pro qua ab Adversariis landantur.*

Nu. 1. **U**T sine ambagibus huic quæstioni respondeamus, Primum in titulo propositum facili negotiò omnes absolvent; alterum verò condemnarent, omnibus noto discipulorum Origenis exemplo, qui plures sui Magistri propositiones pertinaciter defenderunt, quas ipsemet (ut de tanto viro piè creditur) nunquam scripsisset aut propugnasset; si vel majus ei lumen affulsisset, vel prospicere potuisset prælagâ mente futuram totius Ecclesiæ contradictionem, cui imprudentissimè ac pertinaciter restiterunt Origenistæ.

Ratio fundamentalis est, quia in caligine hujus vitæ non omnia æqualiter manifestata semper fuere ab eo qui lucis diurnæ tempora, in mortuis in se permanens, successibus determinat. Hinc olim illæ quæstiones & controversiæ etiam inter Sanctos Patres aliquandiù agitate, ut de origiæ Animæ, & aliæ plures, de quibus jam nefas esset vel dubitare.

Hanc, ni fallor, ratione motus, non meruit Doctor Angel. 2. 2. asserere ipsos fidei articulos successu temporis, quoad explanationem, crevisse. Et 1. p. q. 32. a. 4. inquirens utrùm liceat contrarium opinari de notionibus? respondet, *multa nunc reputari hæretica. quæ prius non reputabantur; propter hoc quod nunc est magis manifestum.* Quid ergo miraculi, si quid novi in Probabilitate modo deprehenderetur, ob quod meritò reprobareretur, quod olim bonâ fide acceptum, in controversiam nec vocabatur, nec agnoscebatur, cum in multis solâ rerum experientiâ edoceamur?

Sed hîc aliud se se offert Antiquitatis Exemplum, quò evidentius & magis ad rem proposita quæstio dirimatur: v. g. Contentiones de rebaptizandis in Africa, Agripino Authore, qui Sanctum Cyprianum in Episcopatu Carthaginensi præcessit; totius Ecclesiæ consensu exortæ sunt. Neque tamen propter illas, ullus unquam Sanctum Cyprianum, aut dictum Præfulem Agripinum hæreticos aut errantium fautores appellavit. Sed tantum Donatum, qui suâ pertinaciâ schismati dedit initium à quo Donatistæ, Anabaptismi Defensores, hæretici dicti sunt. Ita refert D. August. lib. 1. de Bapt. contra Donatist. & Bellarminus de Script. Eccl. pag. 517.

Sic in præsentiarum (salvo discrimine quod agnosco inter præfatos & nostros hac in parte Adversarios, quos ceu Catholicos ac viros Religiosos honori & amori habeo, semperque habui) si quis ex Thomistis, vel ullus alius antiquior ipsis, quidpiam bonâ fide, vel ad removendos scrupulos, vel ad consolandos pusillanimes, unquam scripsisset; quod alii arreptâ oc-

caſione ſic defendendum ſuſcipiant, ut quod tantummodò pro præſatis, tanquam pro infirmis ſcriptum eſt, velint abſolutè & pro omnibus uſurpare: nonne laudandi eſſent illi priores, vel omninò ab omni culpa abſolvendi; illi verò Defenſores pro Authoribus ſufficienti, meritoque corrigendi, quibus mutatà rerum naturà, eadem ſententia probatur, & à quibus defenditur? Porro nihil vetaret idem circa Probabilitatem contigiffe. At hac excuſatione hic Deo dante non indigebunt Thomiſtæ, ſi ritè ac ſincèrè (ut par eſt) exponantur; in quos eorum Adverſarii tam fruſtrà quàm injuſtè conantur rejicere omnes laxitates Moralis Philoſophiæ, quibus palàm adverſantur, ut legenti patebit. Quare ſit

## S E C T I O I.

*In qua oſtenditur fraudulentè & perperam Divum Antoninum, Didacum Alvarez, & Bartholomæum Ledesmam laudatos eſſe à Magiſtro Philoſophia, tanquam primos vage Probabilitatis Authores ſive Patronos.*

1. SI ſermo fuiſſet tantùm de Probabilitate, nullus unquam adverſus eam ſos aperuiſſet: nam, ut diximus, impoſſibile eſt quandiù vixerimus in hujus mundi tenebris & caligine, (ubi tot nobis incerta ſunt & obſcura) nos penitus ab illa ſubducere. Sed cum controverſia ſit de Exceſſibus Probabilitatis, nimiquè ejus laxitate, quibus res ferè omnes dubias & quaſdam malas conati ſunt quidam Moderni probabiles efficere opinionum diverſitate, ac ſubinde ab omni labe peccati, ſaltem formalis, immunes reddere: tantò potiori jure debemus his obſiſtere, quantò hanc opinandi licentiam (quæ totam ſecum trahit morum laxitatem) hæcenus compeſcere nequiverit Authoritas Eccleſiæ: nec tot editi libri contra Probabilitatem, impedire quominùs perſiſtant in ea propugnanda illius Authores. Et quod pejus eſt, totam Probabilitatis deformitatè clàm rejiciant, non ſolùm in Thomiſtas, ſed & in ipſum D. Thomam, alioſque quos falſò quoque obtrudunt, quorum vel ſolum nomen plurimùm Authoritatis ac ponderis conferre poteſt cuicumque opinioni quam conſtiterit hos fuiſſe ſequutos.

Primus ergo qui à præſato Philoſophiæ Magiſtro in ſuo libello iterùm in lucem edito 1672. pag. 5. adducitur; eſt D. Antoninus Archiepiſcopus Florentinus, in Summa, 1. p. tit. 3. cap. 10. ſect. 10. ubi ait: *Eligere tutiorem (opinionem) conſilii eſt, non præcepti: aliis oporteret multos ingredi Religionem, in qua tutius vivitur.*

Reſponſio. Jam non miror ſi in ſequentibus toties deliquerit hic Philoſophiæ Magiſter, cum pro baſi ac fundamento Controverſiæ poſuerit id, quod nullus unquam, niſi Hæreticus, in dubium revocavit. Unde factum eſt, ut quæſtionis ſtatum minimè attigerit, quem vel ignoravit, vel diſſimulavit. At ſi parvus error in principio, ſit magnus in fine, qualis & quantus futurus ſit hic tantus, judicet prudens Lector.

3. Dico igitur primò ipſum confundere *tutius* & *tutius* cum eo quod dicitur *probabile* & *probabilius*; cum tamen, ut diximus, ſint res omninò differentes, diverſaque rei tutæ & rei probabilis principia. Nam libet, ſem-

perque fuit licitum amplecti id quod est tutum : v. g. Matrimonium : nec ullus unquam dixit debere omnes vovere, sive cœlibatum amplecti, aut Religionem ingredi; quod tamen est tutius, & à peccati periculis remotius: aliàs opera consilii essent præcepti, sicque cuncta confunderentur.

Itaque nemo suspicabitur bonâ fida ipsos agere, qui Sanctum Antoninum obtrudunt tanquam asserentem licitum esse sequi opinionem minus probabilem, etiam in casibus ( de quibus est controversia ) ob quos totus orbis Christianus summopere perturbatur : ex eo nimirum quod dixerit sanctus Præsul, *Nos minime teneri id quod est tutius amplecti.* Quod est verissimum, & à nemine denegatum.

Cum tamen sit difficultas gravissima, *utrum liceat sequi minus probabile, relicto probabiliori*, nisi in casibus supra expressis ab instituto Defensorum Probabilitatis omnino diversis, ut satis innouit adductis & collatis illorum propositionibus cum exemplis.

Secundo. Confutatur efficacius ille Magister. Si legatur totus Sanctus Antoninus ( ut par est ) in his quæ ad hanc materiam spectant; mirabitur sanè Lector, qui ausi sint vel ipse aut cæteri Thomistarum Adversarii sanctum Præsulem advocare in patrocinium suæ causæ.

Explicatur. Ratio fundamentalis ob quam tota ferè insurrexit Ecclesia adversus modernam ac effrænem opinandi licentiam, fuit potissimum quòd prospexerit non solum plurima, eaque gravissima ( in speciem & falsò ) excusari posse vitia, ex hac de Probabilitate doctrina; sed etiam quòd sensim disponderet in gravissimas ac terribissimas hæreses, quales fuere Libertinorum & Gnosticorum. Probabilitas enim, præter cætera, videtur quærem docere conforquendi voluntatem Dei ad humanam; ita ut possit quicque jugum divinæ legis excutere, ut pro suo vivat arbitrio. Quod pessimum est; nam pejus est velle præesse, seu Deum velle quod ipsi nos volumus, quàm nolle ei subesse: multi enim noluerunt v. g. subesse Cæsari, qui ei præesse nunquam tentaverunt: At respectu Dei, hæc duo pro uno habentur.

4. Explicatur magis. Dicebant aliàs Carpocratiani, D. Irenæo teste, *sola opinione humana differre negotia bona & mala*: aliisque quasi in furorem actis, scilicet Manichæis, ut ait D. Augustinus, lib. 4. cont. Julian. cap. 8. commune hoc erat effatum: *Si quis homicidium conscientia formidante commiserit, reus est, quia timuit. Si autem aliquod faceret exultante perpetraverit audacia, velus credens ex fide facere quod malum facit, culpam evasit.* Nefarium hunc errorem sequuti sunt Quintinistæ, & illi, qui antonomasticè dicti sunt Libertini, quique effrænem omnia faciendi licentiam vocabant, teste Lindano, *Libertatem Evangelicam.*

Prospexerunt Vigiles qui custodiunt Civitatem, id est, Ecclesiæ Præsules, hanc in abyssum sensim deducere posse doctrinam illorum, qui contendebant v. g. ad securitatem conscientie, *opinionem etiam minus probabilem sufficere*, nec opus esse multis Authoritatibus vel argumentis pro hac sufficienti Probabilitate comparanda; sed unum Authorem, etiam contra innumeros, in ipso mortis articulo; cum ( ut aiunt ) de ipsa Aternitate jacitur alea, sufficere: immò posse unumquemque tutâ conscientia agere, non tantum id quod certò scit esse probabile; sed satis esse, si existimaret

illud esse tantum *probabile*; quod tunc tale esset, si ille sibi persuaderet rationem, motivum vel auctoritatem se habere, *qua alicujus esset momenti*. At quis potuisset unquam corruptæ hominum inclinationi & pravis moribus periculosius adulari? Et tamen hujus doctrinæ jam innumeri extant libri, illorumque apologiæ per totum ferme orbem resperse, in quorum uno, scilicet Dianæ libro, tria circiter opinionum millia reperies, quarum magna pars stat pro libertate contra legem; pro voluptate contra honestatem, &c. Ex quibus si ad alias quæstiones discurrere liceat ex stabilitis Adversariorum principiis, argumento à simili, de tota re morali actum est, ut rectè suum Clerum admonuit Episcopus Gandavensis. *Experimur (inquit) quotidie tantâ passim licentiâ novas & laxas in doctrinâ morali excogitari opiniones & commenta, ut vix quidquam deinceps illicitum futurum sit, si quorundam placitis acquiescamus: nec ullum penè præceptum naturale aut positivum, quod quæstionis in formâ Probabilitatibus obnoxium non sit, & eludatur, &c.*

5. Sed quid tandem dixit D. Antoninus? Rem prorsus aliam ab eo quod intendebant Adversarii, de quo nullo modo est quæstio: nam ille loquitur, ut patet ex terminis de *Tuto & tutiori*, non verò de minùs probabili.

Secundò. Si quid amplius apud Sanctum Antoninum possit reperiri, ac semel verum sit Aphorisma Mediorum, scilicet *contraria contrariis curari*; hoc quod ille dixit vel legisse, perinde est ac omnes unò verbò confutasse Probabilitatis Patronos.

Explicatur. Norunt omnes boni conscientiarum Rectores, quàm diversis ac imparibus remediis utendum sit erga pusillanimes & scrupulosos, & circa nimis audaces sive infrunitos & irreverentes, qui aut Majestatem spernunt, aut plus æquo seu temerè de illius misericordia præsumunt.

Quid ergo scripsit S. Antoninus? Remedia quibus pusillanimes & scrupulosos consolaretur, ut legenti patebit i. p. tit. 3. c. 10. sect. 10. *Dei (inquit) & Ecclesiæ præcepta non sunt ad tollendam omnem spiritualem dulcedinem, quibus cerè tollitur, quando nimis scrupulosè & timidè (homines) præcepta interpretantur*. Pro scrupulosis igitur, ac nimium timidis loquitur sanctus Præsul; non verò pro audacioribus qui fræno indigent ac repagulis. At quæ major collusio quàm res aded inter se oppositas & pugnantes confundere ac permiscere, unamque pro altera Lectoribus obtrudere in re tanti momenti?

Itaque qui Sanctum Antoninum adducunt in Authorem vel Patronum eorum qui conscientie laxant habenas; seu, ut loquuntur, qui viam cæli (quæ arcta est) se se dilataste gloriantur: idem omninò agunt ac Medicus qui infirmum senio ac inedia penè confectum & exanimem tam audaciter purgaret, eique venam secaret quàm juveni robustissimo, febre ardentissima exusto, assiduus saginato epulis. At quis talem Medicum tam imprudentem & indiscretum sibi eligeret?

6. Sed ne quis de mente sancti Præsulis possit deinceps dubitare, rursùm ipse audiatur. Si (inquit) *dubitet quis leviter & per modum scrupuli, sicut dubitat seu formidat habens opinionem de aliquo, qui ita inhaeret ipsi sententie, quod tamen formidat de opposito: sic agendo contra tale dubium, non peccat, dum adheret opinioni alicujus Doctoris, & habet rationes probabiles pro*

*ipsa magis quàm pro opposita opinione.* En illustre testimonium, quo truncato aliis illudunt & abutuntur; quod sincerè & ex integro relatum, fert secum condemnationem Antithomistarum: Etenim non poterat sanctus Præsul exprimerè evidentius aliquem teneri opinionem probabiliorè amplecti, quàm per hæc verba quæ dissimulant; & *habet rationes probabiles pro ipsa magis quàm pro opposita.* Hactenus pro S. Antonino, & paulò fusius quia ipsum intolerabili importunitate, nec minori audacia semper & ubique illum nobis obijciunt Antithomistæ.

7. Secundus qui à Magistro Philosophiæ adducitur pro secta ida opinione minùs probabili, est Didacus Alvarez etiam Archiepiscopus, in suis Commentariis ad 1. 2. D. Thomæ editis.

Respondeo, iterumque præmonco non esse ludendum verbis *opinionis magis aut minùs probabilis*; sed inspiciendum esse quid lateat sub hujusmodi terminis: nam in hoc solo totus est difficultatis nodus. Siquidem contendunt contra Thomistas Adversarii excusari à peccato & meritorium fieri, solo Probabilitatis beneficio, id quod est minùs probabile, etiamsi stet pro libertate contra legem; & pro utilitate, lucro, delectatione aut commòdo, contra officium & honestatem.

Et quia ad Alvarez provocare non metuit Probabilitatum Defensor; hunc ipsum in controversiæ Arbitrum libenti animo admittimus, etiam in loco citato à Magistro, scilicet 1. 1. q. 19. a. 6. disp. 80. quod certè vix potest exscribi sine verecundia & pudore. *Quando opiniones* (inquit Alvarez) *versantur circa actiones exercendas; si ex eo quod sequatur quis opinionem probabilem, relicta probabiliori, imminet detrimentum tertie persone, aut periculum honoris divini; non potest homo sequi opinionem probabilè, relicta opinione quam arbitratur probabiliorè.* Quid clarius aut magis conforme iis quæ diximus? Hic & Lectoris sinceritatem exposco, & Adversarii obtestor conscientiam; an quidpiam potuisset compendiosius aut efficacius dicere Alvarez ad confutandum id, quod ipsi falsò imponitur ab hoc Philosophiæ Magistro? Et nota, candide Lector, *ly quam arbitratur probabiliorè*, quò innumeris occurritur subterfugiis & difficultatibus.

8. Tertio. Nobis obijcit Magister, Barthomeum Ledesinam, qui maximà Auditorum admiratione Theologiam docuit, & Guaxagensem Episcopatum sanctè administravit. Et similem assertionem ponit in tractatu de Pœnit. diff. 14. edit. Salmant. anni 1585. pag. 731.

Sic laudantur nostri à Magistro, & tolluntur in altum, ut lapsu graviore in suam Probabilitatem ruant: sicque in singulari citantur, ut se nihil metuere tesseret, cui omnia hac in parte sunt metuenda.

Respondeo igitur, sapientissimè à Curatis Parisiensibus fuisse animadversum, perperam Adversarios prætexuisse, quorumdam Veterum doctrinam Modernorum Casuistarum laxitati viam stravisse; cum plures ex Antiquis nunquam fuissent in lucem editi, quales sunt plurimi in nostra Bibliotheca Carnuteni, & in Parisiensi Sancti Victoris; vel ita rari, ut vix possent reperiri. Ex quorum numero est noster Bartholomæus Ledesina à centum fermè annis, semel tantùm editus in Hispania, pro quo inveniendo, omnes ferè Bibliothecas Parisienses decurri. Qui utinam in omnium

elict manibus, ad coercendam effrænem quorundam Casuistarum licentiam; pro qua tamen confirmanda non metuit Philosophiæ Magister ipsum pro Probabilitate reluctantem & invitum ciere. Jure an injuriâ, penes Lectorem eo audito æquum erit judicium.

Inquirir ergo Ledesma, loco citato, utrùm Confessor teneatur probabiliter Pœnitentis opinioni adherere?

Cui quæsito ut faciat satis, ait primò, *se supponere opinionem Pœnitentis nec esse ab Ecclesia damnatam, nec fides Catholica aut bonis moribus adversam; quæ pro se graves habeat Doctores, urgentesque rationes; & quam viri timorati in praxi communiter amplecti ac sequi soleant.* At hoc quid jam commune habet cum Probabilitate quam impugnamus?

Secundò vult ut ex tali opinione probabiliter Pœnitentis nullum periculum aut inconveniens possit suboriri: v. g. *Ex eo ( inquit ) quod habens votum continentia solemniter emissum, dispensationem illius non petat, ut possit matrimonium contrahere; vel petita & obrepta licentia non utatur: nullum inde inconveniens sequitur. At ex opposita opinione magnam ( inquit ) imminet periculum.* Viden quomodo stet pro obligatione & officio, & dicat eligendum id quod est tutius, & in quo nullum est peccati periculum? Quo uno omnes conatus Antithomistarum profligantur.

Tertiò. Addit aliquem posse etiam mortaliter peccare, non solum in probabilibus, sed etiam in aliis, si nimirum operetur vel ex conscientia erronea, vel ex dubio practico, ut ait D. Thomas 1. 2. q. 19. & quodl. 8. a. 13. Quod verissimum est apud omnes.

9. Quartò. Conclusionem tertiâ asserit in nonnullis Contractibus & aliis conclusionibus quibusdam à jure naturali ac divino remotioribus, posse aliquando excusari aliquem à peccato ex ignorantia invincibili. v. g. *Quid Sacerdos habeat evidentiam de falsitate opinionis pœnitentis, tenetur Pœnitentem docere; & rationi illius pœnitens tenetur acquiescere.* Quid verius aut magis oppositum doctrinæ Adversariorum? *Quid si Pœnitens in sua opinione ( inquit ) sit fultus peritorum ratione, nec aliunde Confessor habeat evidentiam; debet eum absolvere, maxime si Pœnitens ( nota ) pro se habeat legem, ut ait ibid. Conclus. 5. de Indice, qui sequutus opinionem D. Thomæ, accusatum, & per testes legitimos in judicio sufficienter convictum, contra opinionem Adriani condemnavit.* Fultus hac ratione, quod sicut Judex non potest hominem denunciatum aut accusatum tanquam criminofum ac viventem in communem Reip. perniciem, ( non tamen per idoneos testes in judicio sufficienter convictum ) condemnare, quamvis ut persona privata certò cognosceret ipsum verè esse reum: ita non potest legitime in judicio convictum absolvere; quamvis privatim nota illi sit ipsius innocentia. Sed ad summum poterit de opposito protestari, & alia Juris adhibere remedia; vel in hoc casu cedere officio, tuncque innocentem, quantum poterit favere ac patrocinari, ut alii communiter dicunt.

Denique pag. 731. col. 2. Ledesma statuens discrimen inter Judicem secularem, & Ecclesiasticum, ait: *Index secularis secundum allegata & probata judicare tenetur; ut cum fert sententiam in favorem partis, quæ melius suam intentionem probavit, attentâ qualitate & numero testium neutri parti injuriâ inferat.* Itaque opinionem magis probabilem, & in dubio in favo-



*rem rei ferre sententiam tenetur. At verò Confessarius cum iudicium salutare exerceat, in favorem penitentis, & prout ipsi magis salubre & expediens fuerit, iudicare tenetur.* Ponderanda sunt singula ejus verba. Verum enim-vero, diceresne Confessarium iudicare in favorem Penitentis, ipsum exponendo damnationis æternæ periculo? Facile ergo concederet Ledesma id quod supra diximus, mulierem esse absolvendam, probabiliter credentem se debere potius marito infirmo assistere, quàm Sacrum adire in festo.

At ex hoc leviori exemplo, non licet universalem inferre conclusionem in gravioribus: unde venerabilis Antistes quasi prælagâ mente occurrens Antithomistarum doctrinæ, eamque prædamans; loquens de his qui in similibus indigent instructione, pag. 730. ait: *Hi namque cum non teneantur scire, multò facilius excusantur saltem à peccato: nam de restitutione secus est dicendum.* Id est, inajori severitate cum illis agendum est, ne alteri damnum inferatur. Nonne igitur æquissimæ erunt expostulationes Ledesmæ adversus Magistrum Philosophiæ & omnes Antithomistas, quòd prætextu Probabilitatis quam ita purè discriminavit, ausi sint ipsum adducere in patronum aut fautorem eorum, qui sub umbra propositionis prædicti Magistri, refundent in ipsum omnes opiniones quas dicunt probabiles: v.g. Penitentem posse alium & alium adire Confessarium, donec aliquem inveniat ad placitum, qui suam sequi velit opinionem, & impertiri quam alii meritò denegarunt absolutionem? Item furem potentem statim totum simul restituere, posse tamen per partes restitutionem facere, ut interim aliquod capter emolumentum? &c. Certè debebat Magister Philosophiæ difficultatis 14. ab ipso citatæ saltem conclusionem legere, vel eam non dissimulare, quâ cum Soto Ledesma ipsi os obstruxisset. Discat igitur Magister legere Autores quos citat, aut saltem meliùs consulat suæ famæ & conscientiæ, quæ apud omnes nutant in tam aperta mundi deceptione.

## SECTIO II.

*In qua tres alii ab eodem Magistro falsè quoque citati, ad examen vocantur; scilicet Sylvester, Angelus, & Viguierius.*

10. **Q**uartus qui pro Patrono Probabilitatis obijcitur, est Sylvester Pricas, sacri Palatii Magister, Vir (inquit Author libelli) insignis Authoritatis; in Summa, verbò: *Opinio nu. 1. & clariùs, verbo, Scrupulus.*

Respondeo primò pro Sylvestro idem dicendum esse ac de Sancto Antonio: quod latere non potuit Philosophiæ Magistrum, cum loco ab ipso citato, verbò *scrupulus*, manifestè loquatur Sylvester, non de probabiliiori (quam dicit esse præferendam,) sed de tutiori: nam ait ibid. *Aliàs qui- liber deberet, relicto saculo, ingredi Religionem, quod est tutius: unde sufficit eligere tutam (scilicet opinionem) maxime scrupulosi, qui sunt desperationi propinqui.* Nota.

At, quid commune desperationi propinquis, pusillanimibus, ac nimium timidis, cum audacioribus legum contemptoribus?

Respondeo secundò, non alio opus esse Authore quàm Sylvestro', pro evertendis Adversariorum principiis. Aut enim loco citato, *tenendam esse opinionem qua habet pro se legem vel antiquam, vel probatam consuetudinem: nec ex multitudine Authorum quid melius & æquius judicandum: & in foro conscientia eligendam esse opinionem qua validioribus rationibus firmatur.* Unde videtur Adversarius militasse pro rebus quas susceperat impugnandas, & eorum ipsè Apologiam texuisse pro sana D. Thomæ doctrina, in quos totam laxitatis culpam rejicere conabatur.

Quintus, qui inter Probabilitatum fautores annumeratur, est Angelus de Clavefio in Summa, verbo *Opinio*. Pro quo

Respondeo valde offusus fuisse circa Magistrum Philosophiæ Probabilitatis tenebras, per quas ei non licuit Angelum Minoritam à Dominicano distinguere. Nisi dicere malis ad excusandum hunc Magistrum, infidos habuisse discipulos referendarios, nec quidem propriis visidisse oculis Authorum libros quos undequaque molitus est in Thomistas convocare.

11. Sextus (Magistri judicio) est Joannes Viguerius, qui à Possævino (Societatis Scriptore) Theologus eximius appellatur, cap. 15 v. 2.

Respondeo nos semper fidem desiderare in Adversario, dum sine restrictione aut distinctione loquitur, juxta quas verè intelligendi sunt Authores. Satis omnes periti agnoscunt quàm latum sit discrimen inter legem divinam & naturalem: & inter leges humanas & Ecclesiasticas, de quibus specialiter loquebatur Viguerius, tract. de Legibus, cap. 15, citato, v. 2. ubi ait: *Hoc modo interpretati sunt Magistri præceptum de jejunio, quòd non obligat debiles & infirmos, juvenes & decrepitos, pregnantes, lactantes, aut graviter laborantes. Hac Magistralis interpretatio (inquit) non habet necessitatem: non enim tenetur quilibet assentiri interpretationi, & secundum eam agere. Habet tamen excusationem, quia in dubiis sequens opinionem rationabilem alicujus Magistri, cum Magister est Doctor & approbatus ut Divus Thomas, qui absque ratione & Auctoritate non consuevit loqui; quòd est valde notandum ad sedandos scrupulos conscientiarum. Quid ad hæc, mi Magister? Laxatne Viguerius conscientia habenas, qui vix potest consentire prænominatos esse exemptos à jejunii lege; quam ob causam ait, nos non teneri assentiri Magistrorum interpretationi, & secundum eam agere; posse tamen, ad sedandos scrupulos? At, nulla ne est major difficultas dispensandi aliquem à præcepto diligendi Deum etiam per totam vitam, ut scripserunt quidam Antithomistæ; quàm eximendi infirmos, aliosque ibidem expressos, à lege jejunii? Aut quemlibet Casuistam æquiparabis Angelico Doctore, ut illum tanquam secutum Ducem omnibus sequendum præponas? cujus vocem merito dixerunt vocem multisitudinis, ipsumque communem Doctorem, ac perpetuum stragem Scripturarum (sine quibus ferè nunquam loquitur) Interpretem.*

Denique an totus mundus laborat scrupulis, ut doctrinam ceu medicinam pro illis tantummodò traditam, tanquam pro infirmis; omnibus omnino etiam libertinis & effrenibus sequendam proponas? Deus bone, quot interficeret Medicus, si quam satagunt obtrudere methodum in spiritualibus Antithomistæ; observaret ille in corporis infirmitatibus, nullo discrimine facto juvenis ac senis: hominis obesitate (ut loquuntur Medici) vel pleuritide

pleuritide penè suffocati : & illius qui exinanitione & inedia consumptus, ferè extremos efflaret halitus.

## S E C T I O I I I.

*In qua Medina, Lopez & Victoria, falsò laudati à Magistro, referuntur.*

12. **S**eptimus qui inter primos Probabilitatis Authores annumeratur, est Medina, in Commentariis ad 1. 2. q. 19. a. 6. Concl. 3.

Respondeo Medinæ sententiam merito jure ad judicium esse revocandam. Quòd si in foro externo aliquando concedantur litium revisiones ( ut Causidici loquuntur, ) certè hac in parte non est deneganda Medina. Etenim quantum spectat ad ipsum, negare non possum, nullum, quem sciam, melius ad praxim reduxisse Evangelii consilium, ( quò suadetur auferenti tunicam, dandum esse & pallium; seu aliud fere huic simile : nimirum in via adversario esse consentiendum; ) quàm Patrem Baronium. Adversariis siquidem importunè contententibus, aliquos ex antiquioribus Thomistis Probabilitatem docuisse : maluit concedere Medinam aliquando stetitisse pro opinione minùs probabili ( ritè intellectâ modo supra dictò ) quàm cum illis diutius contendere. Quid enim refert ad causæ susceptæ æquitatem, si vel unus inter tot minùs cautè aliquid scripserit, & maximè cum nullus ex Nostreis suscepisset patrociniûm ipsius?

At non est æquum ut in exemplum deducatur omnibus proponendum, quod non nisi ex quadam indolis benignitate & indulgentia à P. Baronio in sua Ethica Christiana potiùs gratis datum est, quàm concessum. Sed quid si vel uni inter tot aliquid exciderit? Nec enim tantam sapimûs vanitatem, ut quod unus ex Nostreis dixerit; tanquam esset infallibilis, omnes id tueri enitatur. Amicus Plato, amicus Aristoteles; sed magis amica Veritas : hoc enim intuemur, non solum ut apertum superbix intolerabilis indicium; sed veluti miserandum amentix deliquium. An quæso aliqui auctori magnopere improperandum, quod Propheta non fuerit? vel quod futurum Probabilitatis abusum, ab Adversariis propugnatum prævidere & præcavere præfagâ mente nequiverit?

Ne tamen nostrâ indulgentiâ, aliqua fiat injuria præfati hujus Authoris innocentix; grandem nemini faciam ipse injuriam, si illius causam petierim ad judicium revocari; cum id ipsum, ut dixi, aliquando non denegetur, etiam in supremis Tribunalibus.

Respondeo igitur primò Medinam docuisse nostram de sectanda opinione probabiliori ( eo scilicet modo, quo jam supra diximus, iterumque dicemus, nimirum ad vitandum peccati vel erroris periculum ) sententiam; & dixisse eam esse in conscientia securiorem : & argumenta quibus stabilitur, esse optima. Doctrinam verò huic oppositam pro opinione minùs probabili stantem, non nisi perfunctoriè & per transennam retulisse : unde & ait ( quod & Philosophiæ Magister non debuit dissimulare, nec potuit ignorare ex ipso loquendi modo, *Mihi videtur, &c.*

13. Dico secundò, satis apparere quàm immanè distet propria Medinæ

sententia à nimis remissa Neotericorum morali doctrina; idque vel ex sola quam format Medina, opinionis verè probabilis definitione, quæ in nullo (ut legenti patebit) differt à certitudine morali, quæ semper cavetur non solum Dei offensæ, sed & omnis læsio proximi & injuria; unde 1. 2. q. 19. a. 6. ad ultimum (quod etiam non debebat Adversarius dissimulare) ait: *Quando altera pars litigantium assertit pro se probabiliora testimonia, non dicitur (scilicet contraria) opinio probabilis.* Ergo falsum est quòd Medina fuerit primus Probabilitatis hujus remissa Author aut signifer, ut ipsi falsò imponunt quidam Neoterici, asserentes tenuissimum Probabilitatis solum sufficere ad securitatem conscientie, & opinionem minùs probabilem, suam retinere Probabilitatem, etiam opinione probabiliori accedente: quod manifestè negat Medina, ut patet ex supradictis; quodque est invictum doctrinæ D. Thomæ principium, quo passim probat scientiam, fidem & opinionem non posse in uno eodemque intellectu esse simul de eodem objecto & eodem tempore.

Terriò. Quidquid potest afferri ex Medina in speciem favens Probabilitati; torum intelligi potest dictum pro timoratis conscientis, ut de Sancto Antonino diximus; quibus jugum esset gravissimum hos semper esse sollicitos, utrùm sententiam probabiliorum sequuti fuissent. Nec hoc ex alio, quam ex ipsomet Medina ominamur ibid dicente: *Opposita sententia (scilicet probabilior) cruciat animos timoratos.* Quare in gratiam ipsius Medinæ, recurrunt omnia quæ pro S. Antonino diximus. Neque potuit istud quoque Adversarium latere: nam loco ab ipso citato, pag. 466. ait Medina: *Si loquamur de scrupulis primi generis, non est agendum contra scrupulum: patet hoc in exemplo dicto, de his qui habent plura beneficia.* Non ergo remissus jam habebitur Medina, sed nimis strictus judicio Adversariorum.

Volvant igitur, milliesque revolvant Medinam Adversarii, nunquam apud ipsum suam reperient doctrinam; sed tantum communem Thomistarum, Conciliorum ac Sanctorum Patrum sententiam, juxta quam, ut diximus, non licet permiscere seu confundere perfectum & perfectius, tutum & tutius, cum eo quod dicitur probabile & probabilius; ut ipse Medina loco citato testatur. *Nemo, inquit, obligatur ad id quod melius & perfectius est; sed perfectius est esse virginem, quam esse uxoratum, &c.*

14. Quartò denique inquirens ibid. *Utrum teneamur sequi opinionem probabiliorum?* pag. 464. respondet Medina: *Hanc questionem difficilem explicat doctissimus Soto, lib. 3. de just. a. 6. q. 5. ad 4. in hunc modum: Dicit enim quòd licet in speculativis & in Gymnasio, licitum sit aliquando sequi opinionem probabilem relicta probabiliori: caterum in moralibus, & in rebus quæ pertinent ad jus tertis, non esse licitum sequi opinionem minùs probabilem, relicta probabiliori. Sentiunt (inquit) idem Sylvester verbo Opinio, sect. 2. Conradus, lib. de contrac. c. ult. Et quod magis movet, Dominus Caietanus in Summ. verbo Opinio.*

Dixi à Medina opinionem probabilem longè strictiori modo definiri, quàm sit ab Antithomistis usurpata; ex quo proinde nihil verè possunt inferre in patrocinium suæ causæ: unde loco citato 1. 2. q. 19. a. 6. *Opinio non dicitur probabilis (inquit) ex eo quod in ejus favorem adducantur rationes apparentes, & quod habeat assertores & defensores: nam isto pacto.*

omnes errores essent opiniones probabiles : sed ea opinio probabilis est, quam asserunt viri sapientes, & confirmant optima argumenta. Huic non quadrat Adversariorum doctrina sic loquentium : *Hac opinio Authore non caret: ergo probabilis est, ac subinde secunda morum regula.* Contra quos ait Medina ex D. Thoma, col. 462. *Sequitur evidentissimè peccare, qui sequuntur opiniones quas agnoscunt, vel agnoscere debent esse omnino improbabiles, ut qui habent plura beneficia. . . .* Quod si apud eundem Medinam obtineat in aliquo, distinctio juris à facto, semper tamen ritè concludit pag. 465. *At vero quando adducuntur de facto testimonia probabiliora, secundaüm ea pronuntiandum est.* Et col. 460. *Quando (inquit) pro una parte sunt rationes urgentiores. . . . in illam partem propendendum est, quæ majoribus argumentis confirmatur.* Idem reperit col. 458. *Quod si minus cautè concesserit judicari posse juxta hanc vel alteram opinionem, quando opiniones sunt omnino æquales : continuò ipse occurrit periculis scandalis, avaritiæ, aut affectibus particularis contra eos qui in similibus dicunt : Nota casum pro Amico : aut existimant accipi posse pecuniam, ut ferat sententiam Juxda in favorem hujus partis quam pro libito præferre voluerit.* Affirmatque pag. 464. *Ministrum Sacramentorum extra necessitatem formas aut materias adhibentem juxta opiniones probabiles, peccare mortaliter.* Quod si prævidere potuisset Medina laxitates & excessus, qui sparsi sunt in Casuistarum libris ab anno 1618, quo scripsit; non dubito quin rem hanc accuratius rimari studuisset. Verùm, eritne reus quicumque nescierit ominari, aut spiritu prophetiæ non fuerit à Deo donatus? Jam certum est, & apud omnes indubitatum, dubium constitui quoties sunt hinc & inde opiniones æqualiter probabiles, ut manifestis evincemus exemplis & rationibus, tam in jure, quam in factis; & potiori ratione quando una pars est probabilior, & stat pro lege : quo in casu ait Medina pag. 458. *In dubiis tutiorem partem esse eligendam.* Dubito (inquit) an contractus sit usurarius : *Teneor non celebrare contractum : nam in non celebrando nullum est periculum.* Lege Conclusionem quartam sequentem, ne cogamur exscribere totum hunc Authorem.

En candide Lector, Medinam hunc, quem pro se nexibus ac nodis indissolubilibus revinctum se se detinere jactabant Antichomistæ, quem nemo iavifere possit sincerè, quin apud ipsum continuò conqueratur, & meritò, sibi tam falsa ab Adversariis fuisse imposita.

15. Octavus est Ludovicus Lopez, Vir (inquit Philosophiæ Magister) proximè sanctitatis & eruditionis, part. 1. Instruct. confc. cap. 20. concl. 2. (debebat dicere, cap. 120.)

Resp. Sanctitas & eruditio quas hoc in Authore agnoscit Magister Philosophiæ, sufficere poterant, ut ipsum ab omni suspitione corruptæ moralis disciplinæ, immunem ipsum haberet. Et tamen ille conatus est suâ citatione ipsum efficere suspectum.

At ipsemet Lopez sufficientem sibi ipse paravit justificationem, etiam loco citato, ubi ait : *Scio communem esse sententiam Soti, Corduba, Caietani, Conradi, Navarri, tenentium non sat esse probabilem opinionem sequi, sed probabiliorē esse sectandam, &c. At Ibannez cordare satis tener, &c. ubi scilicet nullum est periculum.* At in rebus (inquit) magni ponderis & salvationis, non licet sequi opinionem probabilem, quia hic probabilior est eli-

g-nda. Atqui nihil est magis oppositum laxitati Adversariorum asserentium licitum esse sequi opinionem minùs probabilem, *etiam in articulo mortis*: & ut loquuntur, *cum de aternitate jacitur alea*.

Nonus qui à Philosophiæ Magistro refertur inter Sectatores laxæ Probabilitatis, est Franciscus à Viçtoria, quem ille dicit *virum nunquam satis laudandum*, in Summa de Confess. nu. 177.

Resp. Jam satis præmonuimus nos non negare, quominùs Thomistæ, & nominatim Viçtoria loquuti sint de Probabilitate, quæ in rebus tùm humanis, tùm divinis, hac in vita est quandoque inevitabilis: sed tota controversia est, an sint primi Authores laxæ ac nimis remissæ Probabilitatis, quam supra retulimus.

Atqui Franciscum à Viçtoria, Primarium Salmanticæ Cathedralicini, fuisse alienissimum à doctrina Antithomistarum hac in parte ostendo. Primò, quodd loco citato edit. Rothom. ann. 1642. loquatur de opinione, in qua utraque pars stat pro lege, ut indicat Soto ejus discipulus, & ipse declarat exemplo Judicis, qui juxta leges condemnavit convictum per testes in judicio, non scientia privata scit esse innocentem. Qua de re supra.

Alienissimum dixi: nam hoc quod maximè tuentur Thomistæ est, quodd non liceat sequi opinionem minùs probabilem faventem libertati, commodo aut voluptati, contra oppositam stantem pro officio, lege, præcepto & honestate.

Secundò. Si faveret Viçtoria laxitatibus Adversariorum, non revocaret in dubium, utrùm absolvi posset qui plura habet Beneficia: Atqui de hoc ita dubitat, ut de hac opinione dicat: *Si opinio (scilicet de possidentibus pluribus Beneficiis) non sit probabilis, sicut forsitan non est, clarum est quod non debeo eum absolvere*. Verùm, certum est opinionem minùs probabilem non retinere suam probabilitatem adveniente probabiliore, neque vim ullam ampliùs habere ad movendum intellectum, sicut ferrum calidum ut quatuor, non potest calorem in aqua augere, seu aquam ut quinque calidam, movere ad intensiorem calorem.

16. Tertiò. Quia eundem Franciscum à Viçtoria citare ausi sunt Antithomistæ, pro scandalosa propositione, quodd scilicet liceat calumniatorem occidere privatâ authoritate; quàm falsò id ipsi adscribant, judicabit Lector ex ipsomet Lugduni impresso anno lxxxvii. Relect. X. de homicidio, pag. 369. ubi sic ait: *Nond. Dico quodd ex intentione occidere hominem semper est prohibitum homini privato, nisi in casu præmisso; scilicet propter finem, quem si posset occidens aliter consequi, non occideret: sicut enim quis in defensionem sui, vel etiam Reipublicæ, occidit invasorem, quem non occideret, si aliter posset se defendere*. Ergo enormiter ipsum offendunt, qui ei hanc imponunt propositionem: *Rationem naturalem satis ostendere quando liceat inimicum occidere; & quempiam posse illum, à quo alapam recepit, sagittâ configere fugientem, ad honorem suum recuperandum*, cum præfatus Author asserat oppositum; vel tùm maximè quod antea dixisset loco citato circa homicidium, consulendas esse Scripturas. At quid dicunt Scripturæ? *Si quis te percussit in una maxilla, prabe illi & alteram*.

## S E C T I O I V.

*In qua referuntur Mercado, Nazarius & Bannez.*

17. **D**Ecimus qui ab Adversario objicitur, tanquam unus ex primis re-  
mississimæ Probabilitatis Authoribus, est Thomas Mercado, Vir (in-  
quit P. S. Ju) in Morali Theologia versatissimus, in libro erudito de  
Contractibus, Hispanicè scripto, lib. 2. cap. 5.

Responsio. Vellem ut saltem hac vice, sequentia Ciceronis verba paci-  
ficè ac libenti animo admitteret Philosophiæ Magister, magnus Probabili-  
tatis Patronus. *Nos qui probabilia sequimur* (inquirebat Tullius) *refelli sine*  
*iracundia possumus*. Nam ad refellendum hunc Magistrum, nihil opus est  
ut plura inquiramus; sed tantum ut dicamus nedum probabile, sed pro-  
babilissimum esse, ab ipso nunquam visum fuisse librum Thomæ Mercado,  
quem refert. Primò, quia illum citat libro 2. At in illo nulla est librorum,  
sed tantum tractatum & capitulorum distinctio.

Secundò. Quia constat contra præcipuum Magistri intentum, hunc Au-  
thorem post D. Thomam strictissimum fuisse, nominatim adversus dolos  
Mercatorum: & ubicumque agitur de laxandis Probabilitatibus habenis,  
ut sequenti exemplo declarabitur.

Norunt omnes quò zelò plures Antithomistæ tueantur Contractum jocò  
dictum *Mohatra*, quem tanquam legitimum illi defendunt: qui talis est.  
Tullius pauper pecuniâ indiget: adit ille Socratem Mercatorem, à quo  
petit sibi venundari quantitatē panni, cujus ulnam 25 librarum (ut aiunt)  
pretio, id est summo, accipit. Hoc peractò, fatetur pauper Tullius se non  
habere pecuniam ad solvendum: & idèd rogat Socratem Mercatorem ut  
pannem recipiat seu emat, & quamlibet ulnam reddat ipsi Mercatori pro  
decem librarum pretio, id est, infimo. Sicque tertio conveniunt quasi no-  
vo contractu, priore tamen subsistente: numerat Socrates pecuniam Tullio,  
juxta secundum contractum, id est, decem libras pro qualibet ulna; suum-  
que chyrographum Tullius tradit Socrati, quò fatetur Tullius se talem de-  
bere Socrati pecuniæ summam, juxta pretium 25 librarum pro qualibet  
ulna sibi pretiò rigorosò vendita: quod pretium potest Socrates exigere à  
Tullio, anni vel trium mensium elapso spatio. Atqui præfactum contractum  
vocat Mercado, cap. ult. de abusu Contractuum, *rem diabolicam*, pag. 1.  
*La Mohatra es aser en maragnada y diabolica*. In edit. Salmant. an. 1569.

Legat qui voluerit D. Thomam, 2. 2. q. 77. per totam, & dicat: Væ Mer-  
catoribus qui res suas non administrant juxta ejus doctrinam, cui ita ad-  
hæsit Mercado, ut ejus ore loquutus fuisse videatur, in damnandis Merca-  
torum vitiis, ac præcipuè in illa corrupta *vili emendi, & charè vendendi*  
aviditate, quam ait D. Thomas ibid. a. 1. ad 2. non esse naturalem, sed  
vitiosum desiderium, iis tantum commune (inquit) *qui per latam vitio-  
rum viam incedunt*.

Nec minùs contrarius est Mercado iis, qui Confessarium ex officio,  
spiritualem pœnitentis Judicem & Medicum, quodammodo reum & infir-

H iij,

num efficiunt, dum asserunt illum teneri iudicium pœnitentis sequi: cum ipse Mercado suadeat semper quærendum esse Confessarium doctum, penes cuius iudicium semper ferenda sit sententia; non verò juxta corruptum Mercatoris iudicium. Ita cap. 5. de aliquibus documentis utilibus & necessariis. De algunos documentos útiles y necesarios: *Todo este que tengo dicho à de estar al arbitrio del Confessor y Theologo, &c.*

18. Undecimus falsò quoque citatus inter Probabilitatis Authores, est Joannes Paulus Nazarius, opusc. 1. de statu & obligat. Religiosorum.

Resp. Non poterat magis infœliciter Philosophiæ Magister aliquos Authores advocare in Patronos Probabilitatis remissæ, quàm Nazarium, qui loco ab ipso citato, pag. 204. edit. in 4. Bononiæ, ann. 1633. *asserit in dubio facti circa irregularitatem, tutiorem partem esse eligendam.* Et ibid. ante pag. 89. postquam dixit esse probabilem aliquorum opinionem assentientium esse in potestate Prælati ex justa causa subdito suo, viro gravi licentiam dare habendi in sua potestate moderatum peculium, ad illud expendendum in necessariis & honestos usus statui Religioso convenientes: ita tamen ut possit Prælatus, quando placuerit, licentiam revocare, & peculium illud usui Communitatis applicare.

Statim viam arctissimæ paupertatis Religiosæ, atque strictioris opinionis ac sententiæ severioris semitam sequutus, ait: Tertio. *Dico sententiam negantem licere Prælati concedere suis subditis bona stabilia, per ipsos tanquam Officiales, in proprias, honestas & Religiosas utilitates administranda, absque magna & urgenti ac evidenti necessitate, gravissimorum Doctorum iudicio comprobata, esse valde probabilem, tutissimam, & in praxi ab omnibus Religiosis perfectionis, sueque ac proximorum salutis amarioribus observandam.* An plura aut strictiora à Beato Francisco Alisii in Umbria posset exigere, altissimæ paupertatis amatore?

19. Duodecimus est Dominicus Bannez, Doctor illustris (inquit Adversarius) in 1. 2. (in quam nunquam scripsit Bannez: idèò dicere debebat hic Magister, 2. 2. q. 10. 2. 1. dub. 3. concl. 4. *Dicimus ergo* (inquit Bannez citatus, loquens de actionibus exercendis) *posse hominem sequi opinionem probabilem, relinqui à probabiliori.* Ita loquitur Bannez ore Magistri. Sed quid propriò?

Resp. Si propriam famam ejurasset Philosophiæ Magister, non potuisset id efficacius efficere, quàm Bannesium pro se hac in parte ciere. Et ad hoc probandum, meminisse sufficiet ejus quod jam toties diximus; scilicet Thomistas nusquam adversari opinioni minùs probabili, stanti pro lege, officio & honestate, seu eximenti ab omni erroris aut peccati periculo. Nam tunc non tantum possumus, sed & aliquando debemus sequi opinionem minùs probabilem, ut in casibus Conclusionis undecima expressis, è diametro oppositis Antithomistarum placitis.

Audiamus ergo Bannesium, non quidem passim, ne Lectorem benevolum frustra gravemus; sed in ipsissimo loco infideliter citato ab hoc Magistro.

*Si Gentili* (inquit Bannez) *prædicetur Evangelium, & ostendatur magis credibile quàm omnis alia Religio circa cultum veri Dei, tenebitur credere: quod si non credat, peccat infidelitatis peccato, &c.* Et *Probat*, inquit, *quia in re tanti momenti, qualis est non errare in cultu veri Dei, tenetur homo*



sequi quod probabilissimum est omnium dogmatum. Nota istud, Probabilissimum.

Quod si aliquis respondeat ( inquit ) licitum esse homini sequi opinionem probabilem, etiamsi sit minus probabilis; Respondet Bannez, opiniones esse in duplici differentia: quedam enim versantur circa aliquam actionem exercendam, an aliquis Contractus sit licitus vel illicitus. Quedam verò versantur circa res, an scilicet aliquid sit, vel non sit; an domus sit propria, vel aliena. Dicimus ergo quod de opinionibus prioris generis, verum est hominem posse sequi opinionem probabilem, relicta probabiliori. Audi quæ sequuntur.

Sed cur ita? Quia, inquit, contingere potest ut opinio quæ suadet faciendum esse contractum, vel quæ asserit hominem esse pleiendum tanquam reum; sit probabilior. Opinio verò huic opposita, quæ stat pro non actione, sit quidem minus probabilis, sed omninò secuta & immunita à peccato. Ratio est, quia apud omnes indubitatum est, me nullo modo peccare hunc contractum non celebrando, à quo possum abstinere: vel non puniendo reum accusatum, quem juxta leges, punire non possum, nisi habeam probationes luce clariores, quibus semper caret opinio quantumvis probabilis; quia vel ex eo solo quod sit opinio, semper aliquid habet caliginis, & est incerta.

Ceterum de opinionibus secundi generis, ( inquit Bannez ) non est universaliter verum quòd possit homo sequi opinionem minus probabilem, maxime quando potest sequi aliquod periculum contra honorem Dei aut utilitatem proximi. Ut si sint rationes quedam probabiles quòd Petrus occidit Joannem: sed sunt alia probabiliores, quòd non occidit: tunc non debeo credere quod ille occiderit: ( nota hoc diligenter. ) Quin imò contingit aliquando quod ad exercendam aliquam actionem moralem, teneatur homo se conformare opinioni minus probabili circa rem: ut si à longè video animal, de quo dubito aliquo modo; an sit homo; sed magis probabile est non esse hominem, sed feram: tunc non debeo jaculari ad interficiendum illud animal, propter periculum quod ibi subest occidendi hominem. Sic igitur in proposito dicimus, quoniam est maximum periculum errandi circa finem ultimum, teneri hominem illam sententiam acceptare, quæ maxime probabilis est.

Quid clariùs? & quæ major fraus quàm illa quæ excerpit quædam verba alicujus Authoris contra expressam ejus intentionem?

20. Sed non minus injustè sequentem Francisci Amici propositionem to. 5. curs. Theol. disp. 36. sect. 7. nu. 118. in eundem Bannezum, tanquam in primum illius Authorem, nonnulli Antithomistæ conantur refundere: quam ut falsam, & toti humano generi perniciosam damnavit Facultas Lovaniensis, ann. 1649. 6. Sept. Porro hæc propositio sic habet.

Licet Clerico vel Religioso calumniatorem gravia crimina de se, vel de sua Religione spargere minantem occidere, quando alius defendendi modus non suppetit: uti suppetere non videtur, si calumniator sit paratus ea, vel ipsi Religioso, vel ejus Religioni, publicè ac coram gravissimis viris imponere, nisi occidatur. Ubi velim perpendas hæc Amici verba, spargere minantem; ut ex solis, quibus utitur Bannez, exemplis, quæ statim subjiciam; videas. ejus doctrinam ab omnibus receptissimam, à præfata Amici doctrina toto cælo differentem: cum, ut ipse testatur pag. 186. loquatur de præventionem

quæ talis est, tantum secundum quid, & simpliciter est iusta defensio: ex qua doctrina non sequitur inconveniens; sed, ut ipse loquitur, *ex malitia hominum, qui non prudenter examinant circumstantias in quibus licitum est*. Non potest melius veritas aperiri, quam Authore in medium adducto. Bannez igitur Duaci 1615. editus, de iure & iust. q. 64. de homicidio, a. 7. pag. 184. & seq. inquirens utrum liceat se defendere cum moderamine inculpatae tutelæ?

Negat primò, licitum esse aggressorem occidere, quando ex morte aggressoris sequitur notabile damnum Reipublicæ: *Tunc enim*, inquit, *tenetur homo potius pati mortem, quam occidere invasorem*.

Secundò, loquens de marito volente propriam uxorem in adulterio deprehensam occidere; illo eam ligante, jamque venenum aut gladium paratum habente: ait Bannez uxorem posse maritum sic furem, se defendendo occidere: *Quia* (inquit) *per culpam non amisit jus naturale defendendi vitam; & tunc maximè major est illi ratio defendendi donec doleat, quod non est ita facile in illo conflictu & perturbatione animi*. Quòd si maritus ille concitatur passione, rationis ulum absorbente; *potest illa uxor* (inquit Bannez) *se ab illo defendere sicut à fero*. Idem docet Bannez de illo, qui jam dedit ictum, quem si iterare permittam, & alium expectem ictum, sine dubio interficiet me. Itidem Cæsar vult occidere Tullium; & quia non potest Cæsar solus prævalere in illum, potest Tullius ipsum Cæsarem interficere antequam occurrat servus aut alius sicarius, quem vocat Cæsar ad interficiendum Tullium. Item, currit Cæsar, ut cauem vel leonem solvat, qui devoret Tullium: potest (inquit Bannez) ipsum prævenire Tullius antequam eos solvat, eumque interficere. Ratio ejus est, quia ad vim vi repellendam, solo naturæ jure licitum. *Non debet expectare quoadusque jam nullum sit remedium*. At, quis sanæ mentis unquam oppositum dixit? Extollant igitur honorem quantum voluerint, semper unum superest, propter quod vita & honos (per se loquendo) in una statere non sunt appendenda: nam detrimentum vitæ semel extinctæ est irreparabile; at fama amissa reparari potest, & quandoque cum multo scenore.

Fundamentalem D. Thomæ rationem non omisit ibid. Bannez: quia (inquit) *occisio hominis nunquam est medium licitum persona private ad conservationem vitæ, sed tantum iusta defensio*.

Et ut videat Lector quàm alienus sit Bannez ex omni parte, à doctrina Antithomistarum asserentium, Tullium v. g. posse, ad honorem recuperandum, insequi Socratem, à quo accepit alapam; eumque ense aut sagittâ configere: Idipsum expresse negat Bannez, dicens ex D. Petro, Epist. 1. cap. 2. *Non reddendum malum pro malo: asserens per repercussionem, non nisi secundum leges Diaboli, honorem recuperari*. Eum ergo dictis & factis imitentur quem verborum officiis suum vocant Magistrum; nec deinceps ipsi imponant.



## S E C T I O V.

*In qua Nugnus, Martinez, & Petrus Ledesma referuntur.*

21. **D**ecimus-tertius ex Thomistis à Probabilitatum Patrono relatus, est Didacus Nugnus Cabezudo, Hispanus Doctor, & Primarius Regens Vallisoletanus, in Addit. ad 3. partem D. Thomæ, quæst. 8. art. 5. dubio 3.

Respondeo præfatum Authorem in nullo degenerem fuisse à doctrina D. Thomæ: etenim loco supra citato, postquam stabilivit differentiam inter dubium & opinionem, ait: *Tota igitur difficultas est de opinione probabili; an scilicet administrare liceat Sacramentum Pœnitentie cum jurisdictione tantum probabili?* Et quia in hac opinione quantumvis probabili, semper est aliquod periculum peccati, hanc graviter impugnat his verbis:

*In his, inquit, quæ pertinent ad necessitatem & existentiam Sacramentorum, non licet sequi opinionem minus probabilem, quando est possibile sequi sententiam certam. Sed jurisdictio est de necessitate Sacramenti: Ergo non licet circa illam, sequi opinionem probabilem. Quod confirmat his verbis: Propter hoc enim est mortale peccatum, conficere Sacramentum Eucharistia in tibia, quando possibile est conficere in pane triticeo.*

Et postquam retulit Nugnus tricas quibus nonnulli conati sunt prædictum infringere argumentum; & rationes quibus Probabilitatem corroborare nitebantur; ait: *Mihi autem omnino non placet ista (scilicet Suaris) sententia. Sed dico non tantum admonendum esse, sed necessarium dicendum, ut nullus sequatur opinionem probabilem, dum sequi potest sententiam certam, nisi urgeat aliqua causa gravis; quia argumentum à principio factum, est fortissimum; neque solutiones sunt valide, ut statim videbimus.*

Et postquam Adversariorum subterfugia confutavit Nugnus, sic concludit: *Hec omnia confirmantur, quia tunc quæcumque opinio probabilis sufficeret, ad eligendum quæcumque Confessarium dubium, ex quo magna inconvenientia sequeretur in Ecclesia. Unde, ut vides, ejus ratio est quoque ratio fundamentalis Divi Thomæ & omnium Thomistarum; scilicet, necessitas vitandi periculum peccati: ad quod effugiendum contendunt semper eligendum id quod est tutius, modo supra explicato; id est, quod caret peccati periculo: Antithomistæ verò nituntur persuadere Probabilitatem ex se vim quandam habere sufficientem ad peccatum amovendum, aut saltem ad illud excusandum: quod hæcenus non probarunt, neque impofterum unquam probabunt.*

Gregorius Martínez Primarius Regens Vallisoletanus, cum Maximis (inquit Philosophiæ Magister) comparandus, tom. 1. in 1. 2. quæst. 19. art. 6:

22. **R**esp. Quò ulterius progredimur, semper magis miramur qui ausus sit Magister Philosophiæ, pro Probabilitate remissa laudare Thomistas, quorum vel unus sufficere posset, ut huic grassanti malo mederemur: opus probemus in Martinez ab ipso citato, Valiss. edito ann. 1616.

Primo igitur, Notabili 4 distinxit, id quod est probabile & probabilis tantum speculative; qualis est opinio Caietani de Bapt. in nomine Generatoris, &c. Et illud quod est omnino certum practice; qualis est forma Baptismi, quæ utitur Ecclesia; scilicet in nomine Patris, &c.

Secundo, pag. 1067. monet distinguendum inter personam publicam: v. g. Judicem: & personam particularem suis in particularibus negotiis. *Persona enim particularis, inquit, nulli facit injuriam, si sibi eligat commoda, dum probabilia sint: sicut infirmus pro suo libito potest sequi in sui curatione opinionem probabilem, relictâ probabiliori. Id tamen (inquit) Medico non licet; sed tenetur applicare securiorem medicinam. Et ita de Iudice.*

Et specialem antea de Iudice rationem assignaverat: *Quia (inquit) cum Iudex positus sit tanquam lex & æquitas viva inter actorem & reum, ut ex iustitia reddat æquale: non debet constituere victum eum, qui vicit: quod faceret si sequeretur opinionem minus probabilem: qui autem pro sua parte habet probabilioris sententiam, vincens est.*

Cum ergo Martinez dixit in secunda Conclusionem, aliquando licitum esse sequi opinionem minus probabilem: vel intelligendus est in speculativo in quibus nulla esse possit in Deum irreverentia, vel offensa in proximum: aut de persona particulari, ut in præfato de medicina probabilis exemplo; idque propter vitandos conscientie remorsus & scrupulos, ut ipsemet ait his verbis: *Nam aliàs essent infiniti scrupuli fidelium: utrum fecissent secundum probabilioris, vel minus probabilem opinionem.*

Deinde relictâ hac sententiâ, & reprobata etiam tertiâ, ut nimis laxa contra Vasquesium docentem, posse Iudicem inferiorem ferre sententiam juxta opinionem minus probabilem;

Quartam ponit conclusionem, ut veram & propriam sententiam: & factâ distinctione juris circa intelligentiam legis & facti: ex parte testium & instrumentorum atque litigantium probatione: quod idem est ac speculative & practice, ut supra dictum est, sic definit: *Quando est inæqualitas, & altera probatio est major, tenetur Iudex sequi talem partem, quia pro illa est major dignitas, &c.* Et inde asserit Advocatum non posse patrocinari, cum agitur de vita aut fama, nisi sit opinio recta vel probabilior: quia id (inquit) omnia jura clamant. Idem dicit de Medico, nisi in extremo vitæ periculo: cum ex duobus malis, minus est eligendum.

Conclusionem quintâ asserit Regem non posse alteri pacifico Regi bellum indicare ex opinione probabilis, immò neque ex probabiliori; sed ipsum debere esse moraliter certum: idque probat egregiè: *Quia Rex, inquit, in propria causa est sui Iudex ad reos puniendos: sed ad punitionem rei, non sufficit Probabilitas delicti; sed requiritur certitudo, maxime in causa mortis: per bellum autem, mala innumera, non mors una, sed multa sequuntur.*

23. Sextâ Conclusionem ait Confessarium posse aliquando sequi probabilis pœnitentis opinionem, relictâ propriâ etiam probabiliori: quod non egrè cæteri admittunt Thomistæ, ubi nullum est salutis propriæ aut alienæ periculum, nullumque tertiæ personæ damnum, ut supra diximus de muliere, quæ probabiliter credit se potius debere marito suo infirmo infectivire, quàm Sacrum adire; licet oppositum probabilius existimet Confessarius. Idem dicendum est cum Pœnitens probabiliter existimat se habere infirmitatem sufficientem ad non jejunandum.

At quis major abusus, quàm ex uno casu particulari omnes omnino inferre in tanto rerum discrimine? Quid convenientiæ habent, v. g. prædicti casus cum hac propositione damnata, tanquam probabili disseminata, & Probabilitatis pallio diù cooperta, Peccata in confessione omissa sen oblita, ob instans periculum vite, aut ob aliam causam, non tenemur in sequenti confessione exprimere? Quis major salutis neglectus, aut magis crassa animæ immortalis incuria?

Denique ut nemo intueatur verum hunc Divi Thomæ discipulum, nisi tanquam vagæ Probabilitatis Adversarium; præ oculis habeat quæ ibid. ipse dixit: *Si habeamus certum ac securum quid sit faciendum, non licet sequi oppositum regulariter loquendo, & nullâ stante necessitate: & tunc Probabilitas oppositi judicanda est speculativa & non practica, &c. v. g. non licet in praxi (inquit) consecrare in pane confecto ex tisa, licet probabilissimum & ferè certum sit esse materiam sufficientem. Quid clarius?*

Et pag 1072 ait: *Notandum hoc quod diximus de sequenda parte certa, & non tantum probabili; strictius debere servari in Sacramentis de necessitate salutis, &c. Ex quo sequitur (inquit) quòd in tali casu, quando quis Sacramentum conficit sequendo partem probabilem, reliquæ certæ in casu irreparabilis damni, vel aliàs (nota) non tantum peccat contra charitatem recipientis Sacramentum, sed etiam peccato irreligionis contra præceptum Divinum de integritate Sacramenti: & hoc dixerim (inquit) contra Vasquez.*

Et ut de sua mente nullum relinquat Martinez dubitandi locum corrolario 2. sic ait: *Idem dicendum est, de his quæ immediatè pertinent ad ipsam substantiam vite spiritualis; nimirum, quòd (quisque) teneatur sequi partem certam, & non possit sequi probabilem, &c. Quid ad hæc, Amice Lector? Nonne injustè traducitur hic Doctor tanquam Probabilitatis Author?*

Decimus-quintus qui in gratiam Probabilitatis à Magistro laudatur, est Petrus Ledesma, publicà (inquit) quadraginta annorum Theologiæ professione nobilis; in Summa Hispanicè edita, part. 2. tract. 8. cap. 22. ante duodecimam Conclusionem, asserit etiam *Judici licere probabilem sequi opinionem, reliquæ probabiliori.*

24. Fateor me plurimum insudasse ut præfati Authoris Summam, in duos tomos distinctam, idiomate Hispanico scriptos, reperirem: quod cum non possem, me non prorsus spe ac desiderio cecidisse existimavi; quòd prima ipsius pars mihi incidisset in manus: ratus enim sum me in ipsa reperiaturum quidpiam, quod ad aperiendam mentem Authoris sufficere posset. Etenim quamvis ex Hispanico in Latinum traducta à quodam Raymundo; magno tamen in pretio est apud omnes, de cujus versione hæc ait Ardennas:

*Quem Ledesma negat. dedit hunc Raymundus honorem;*

*Dicaris toto dignus ut Orbe legi:*

*Nam licet Hispanus totum ferè occupet Orbem;*

*Roma tamen latius longius ore patet.*

Primam hanc igitur partem totà, quæ potui, diligentia revolve, nec in ea quidquam reperi quod veram Divi Thomæ doctrinam apprimè non confirmaret, ut legenti parebit. Nam pag. 669. & 700. *inquirrens utrùm*

is qui bonâ fide, ante tempus constitutum, sacris Ordinibus fuit initiatus, possit illorum actum exercere antequam ad requisitam aetatem pervenerit?

Duas ibid. refert sententiâs, ex quibus prima asserit quod exercere non possit: altera verò, quod possit. Et utraque sententiâ simul collatâ, sic concludit: *Prima sententia valdè probabilis est & communior, ac proinde securior. Quam ob causam pag. 701. ait, hanc sententiam practicè esse sequendam.*

Sed quia dicere posset Adversarius à se relatæ authoritati minimè satisfieri, reperta est tandem altera pars Summæ Hispanica, in quâ jure merito sistemus, cum ad hanc provocaverit Adversarius. Qui si duodecim revolvens conclusiones Petri Ledesmæ, diversâsque aliorum opinionões cum distinctionibus juris & facti, de quibus ne quidam hinc Philosophiæ Magister; (cum tamen id necessarium foret ad perfectam controversiæ intelligentiam) si, inquam, voluisset paulò ulterius profèqui, vel solùm decimam-tertiam legere Conclusionem sequentem, juxta illam potuisset æquissimam ferre sententiam de mente Petri Ledesmæ; neque unquam ausus fuisset illum nobis objicere tanquam Probabilitatis Authorem.

Audi igitur, Candide Lector, ipsum Ledesmam, ut scias cuinam deinceps debeas adhibere fidem.

25. Decima-tertia Conclusio. Judex tenetur judicare & sententiam ferre secundum leges scriptas. Ita D. Thomas & omnes ejus discipuli, omnes Doctores hoc ipsum docent. Ratio est, quia omnes tenentur servare leges; & ipse Judex est lex animata: Tenetur igitur efficere ut leges observentur, & juxta illas judicare & sententiam ferre. Atqui omnes leges verant, omniaque clamant jura neminem condemnandum, nisi legitime convictum, & probationes sint ipso Sole clariores: At quando tales sunt probationes, nullus superest locus opinioni minùs probabili, aut probabiliori, sed soli Certitudini.

Imponunt igitur Petro Ledesmæ, qui dicunt juxta ejus doctrinam, Judicem posse sententiam ferre secundum opinionem minùs probabilem: cum nec hoc possit etiam juxta probabiliorē, legibus indispensabiliter certitudinem exigentibus. Ausculta ipsum Authorem vernaculâ linguâ loquentem.

*Tertia-decima Conclusio. El Iuez tiene obligacion de juzgar y sentenciar segun las leyes escriptas. Esta enseña Santo Tomas y todos sus discipulos, y todos los Doctores. La razon es, porque todos estan obligados a guardar las leyes: y el Iuez es la ley animada. Luego obligacion tienne a hazer guardar las sales leyes, y juzgar, y sentenciar conforme a ellas.*

## SECTION VI.

*In quareferuntur tres ultimi Thomistæ, scilicet Ildefonsus, Paulus de Blanchis, & Hacquetus, laudari à Magistro Philosophia.*

26. **S**I pronus mihi esset animus ad excusandas excusationes in peccatis integrum hîc mihi esset, suum dare locum R. P. Vincentio Candido

quem facili quoque negotio non solum facerem excusatum, sed & ipsum ad legitimum sensum reducerem, ostendendo nimirum Probabilitatem non fuisse ab ipso receptam, nisi quando nullum esset erroris aut peccati periculum. Neque verbum huic explicationi contrarium, tanquam ex iphus mente proveniens, facile posset quisquam nobis indicare. Sed displicet hic modus regerendi culpam in alios, more Protoparentum: est enim prudentiæ Authoris ad limam vocare non solum quæ ait ceu ex proprio Marte, sed etiam illud quod ab aliis mutuatur.

Demus ergo gloriam Deo, ( ne contra Spiritus Sancti monitum esse velimus nimium iusti ) ac sincerè fateamur in quibusdam casibus Candidum fuisse nimis remissum.

Unum tamen hic mihi adest argumentum in ejus gratiam, Achillem Adversarii, seu ejus præcipuum destruens intentum, quò totam laxitatem culpam conabatur in Thomistas, tanquam in primos ipsius Autores, regerere. Nam vir mitissimus juxta & modestissimus, qui tantum à 30 circiter annis passus est sua opera fieri publicæ lucis Lugduni, dum ipse degeret Romæ occupatus intricatissimis Ecclesiæ negotiis, tanquam Magister sacri Palatii; non potuit faciem ferre Anthomistis, aut viam sternere iis qui à sexaginta & amplius annis ante ipsum scripserant. Desinat igitur Magister Philosophiæ Candidum accensere iis à quibus malum Probabilitatis primò irreptissè asserit, cum ipse nihil habeat probabile, nisi id quod ex aliis exscripiendo; quibus persæpè contradicit, licet non eà quæ par erat generositate, in re quæ Dei Electos ferè possit in deceptionis fraudem impellere.

Sed ad alios progrediamur. Nam una hirundo non facit ver: mihi enim sufficit ostendisse falsò quoque laudatum à Magistro Philosophiæ, tanquam Probabilitatis Authorem.

Decimus-sextus qui ab Adversario in altum tollitur, ut in remissæ Probabilitatis abyssum lapsu graviore ruat; est Joannes Baptista Ildephonfus Cæsar-Augustinus, suis in Commentariis in 1. 2. D. Thomæ.

27<sup>a</sup> Respondeo nullis Commentariis indigere Ildephonfi Commentaria, ut palam fiat omnibus hac in parte ejus innocentia. Primò enim Modernorum doctrinam ceu temerariam ac præsumptuosam refellit, asserentium unius Authoris placitum, probabilem efficere opinionem. Ita disp. 208. dub. 1. pag. 435. *Quid si ( inquit ) viri docti dividantur, sequamur quod magis docti, versati & periti. Unde sequitur quod cum soli probi & iusti versati sint in moralibus & idè qui tales sunt vitæ & moribus, majorem conciliant sententia Probabilitatem, ut Sancti canonizati in Ecclesia.*

Et pag. 434. *In Antiquis ( inquit ) præsumitur sapientia, & longitudo temporis in quo reprobati non sunt, id testificatur, secundum illud Iobi 12. 12. ( In Antiquis est sapientia. )* Secundò. Quæ tradunt Antiqui præsumuntur accepta à Patribus, juxta illud Eccl. 8. v. 11. *Non te prætereas narratio seniorum; ipsi enim didicerunt à Patribus suis.*

Tertiò. Loquens Ildephonfus de opinione probabili & probabiliori, ait quidem disp. 208. frag. 5. ad 4. *Hominem posse adbarere cui voluerit, licet perfectius faciat adharere probabiliori.* At ibid. non loquitur de opinionibus probabilibus, in quibus potest esse aliquod peccatum, vel contra reveren-

tiam & amorem Dei: vel contra debitam proximo iustitiam, ut ibid. ait ad 5. quod fusè prosequitur, & quod non debuit dissimulare Adversarius cum in hoc tota posita sit controversia.

28. Quartò. Quatuor refert Authorum Opiniones, & juxta secundam asserit *neminem teneri ad sequendam in praxi opinionem probabiliorē*. Sed ad quos spectat hæc sententia? Judicabit prudens Lector ex Authoribus, qui ab Ildephonso pro illa referuntur; ex quibus præter extraneos numerantur undecim ex Societate Jesu scilicet Suarez. Vasquez. Salas. Valentia. Azor. Tannerus. Filiucius. Lessius. Emanuel. Sanchez. Sanctarellus. Et hoc cantè dissimulavit Magister, ut posset doctrinam ab Ildephonso tantummodò relata, ipsi ac subinde toti nostro Ordini tribuere, ex quo hæctenus ne quidem unum potuit sibi vindicare.

Audi igitur Amice Lector ipsius Ildephonsi, & si vis firmam Thomistarum doctrinam, *Dixi* (inquit dist. 208. dub. X.) *in superioribus neminem posse in praxi semper sequi opinionem minus probabilem & minus tutam: immò aliquando neque magis probabilem, quando sc. ex sequela talis opinionis redundat aliquid, quod vitare tenemur ex iustitia & charitate Dei vel proximi: & quia casus particulares sunt, & circa materias varias, variè est definiendum*. Cur igitur in eo referendo omnia confundit Magister, nec ulla utitur distinctione?

Quintò. Fatetur quidem Ildephonsus disp. 208. dub. 6. *Probabile esse aliquando rationabile Principium intellectus determinativum* sed non debent Adversarii sequentia Ildephonsi verba refecare. *Nec datur probabilior, cui intellectus & voluntas adhæreant*. Itidem non debent permiscere id quod dixi de opinione tantum speculative probabili: cum eo, quod debet fieri practice. Nam ut ibid. ait Concl. 5. pag. 465. *Quando opiniones versantur circa res, seu circa factum, tunc tenetur homo præferre probabiliorē opinionem minus probabili, & juxta probabiliorē operari*. Quid clarius?

Denique nemo dubitat, quominus susceptum onus juventutis erudiendæ, sit obsequium gravis momenti & charitatis eximie: ex qua semper in decursu vitæ aliquid remanet: nam quod nova testā capit, inveterata sapit: seu quo semel imbuta recens servabit odorem testā diu. Quare debebat Magister Philosophiæ paulò accuratius Ildephonsium rimari & ascultare pag. 498. nu. 873. ubi ait; *in speculativis alicuius momenti, qui docet, tenetur quantum potest docere probabiliorē (opinionem) quia tenetur mentem discipuli luce veritatis illustrare, ejusque notitiā informare*. Si in speculativis hoc dixit Ildephonsus; longe potiori jure in iis, quæ ad praxim debent deduci, in quibus ob rerum gravitatem, non caligine probabilitatis, sed perfectā indigemus Luce veritatis.

Decimus-septimus est Paulus de Blanchis in discept. de difficilioribus materiis casuum pag. 182. in edit. Vener. an. 1630.

29. Respondeo nos eadem fiducia & charitate præfatum Authorem ac omnes alios supra laudatos amplecti: ex quo ne tenuissimum quidem probabilitatis remissæ filum potest Adversarius deducere. Ait enim loco citato, *Si autem opinio penitentis est probabilis apud doctos & prudentes in tali materia, tunc Sacerdos sive ordinarius, sive delegatus debet eum absolvere*. At, quis hoc unquam negavit? Et maxime si habeat pro se legem, ut habet ille in casu de quo loquitur.



Sed quid melius dici potest, quàm ipse addidit pag. 182. *In his* (inquit) *multa prudentia est necessaria, &c. Si pœnitens est doctus & creditur non bona fide, tali opinioni adherere, non est absolvendus.* An existimat Magister hoc quadrare cum illorum doctrina qui dicunt pœnitentem posse ab uno ad alium & alium ire Confessarium, donec aliquem reperiat qui ei sapiat?

Object. 18. Ultimus à Magistro adductus est Joan. Bapt. Hacquetus Hybernus in Controversiis Theologiæ tract. de Consc. contr. 14 pag. 245. edit. Rom. an. 1654. ubi inquit *utrum liceat sequi opinionem minus probabilem, etiam relicta probabiliori ac magis tuta?*

30. Resp. Non poterant magis infaustum habere exitum tot excursus & labores Adversariorum, totque vigilæ Magistri Philosophiæ in inquirendis & evolvendis ferè ex toto orbe Authoribus nostris, quàm illum, quem habent in Hacqueto, quos aperire non potuit, quin illud obstruxerit omnibus Adversariis.

Neminem laet nostram & Adversariorum controversiam esse de rebus maximi ponderis & momenti, quibus ipsa tota Religio Christiana commovetur, totaque Respublica perturbatur, uti claruit Apologiâ Casuistarum; quos quum excusare non possent, aliquem fucum rebus facere moliti sunt: idè pulvere excussio ab omnibus Bibliothecis fere totius Europæ, ut aliquos ex Nostris repetirent: præfatos tandem adduxerunt, quos audacter asseruerunt esse primos Autores Laxitatum totius Theologiæ Moralis, in quos subiunde deberent omnes totum Probabilitatis remissæ reatum reiicere. Sed quàm falsè ac immeritò satis patet ex dictis: cum nequidem unus sit ex iis omnibus quos hæcenus adduxere, qui recta ipsis norma esse non possit: à quibus nec Hacquetum ipsum excipimus, cujus textum non retulit Philosophiæ Magister, quia probè novit se non posse id efficere, nisi in proprium, causæ (quam susceperat propugnandam) excidium: Etenim Author ille ab ipso limine protestatur se non loqui de rebus quæ in controversiam adducuntur (quales sunt illæ de quibus agimus) sed de quibusdam levioribus Grammaticorum aut Logicorum quæstiunculis exercendi aut recreandi animi gratiâ fieri solitis: in quibus tamen si modum non teneant, potest esse peccatum (inquit) saltem veniale.

Ipsūmet audiamus loco suprâ citato *Nota* (inquit) *difficultatem non procedere de his, quæ ad fidem & ad bonos mores pertinent, sed ad alias materias merè Speculativas & Metaphysicas: immò etiam ad Morales non practicè, sed speculativè sumptas.* Nàm in his licet unicuique per se loquendo eligere & defendere opinionem quam maluerit, etiam minus probabilem, & unusquisque in suo sensu abundare poterit: immò etiam, si res sit levioris momenti ut Grammatica & Logica: nullum, aut veniale tantum peccatum erit falsas etiam opiniones sequi adhuc non precedente sufficienti diligentia & examine. Dixi tamen per se loquendo, quia per accidens ratione scandalali aut periculi aut negligentia, si non præcesserit diligens ponderatio rationum, poterit esse peccatum defendere opinionem minus probabilem.

31. Exhaustâ hac Pharetrâ, multas alias habet sagittas Adversarius: idest, præfatis Authoribus tam falsè citatis à Magistro; ipsi non defunt alii, &

penes ipsum potest tot falsitates, nonnulla superstit fides.

Quis non crederet post exitum aded infaultum ac falsitatis toties convictum Philosophiæ Magistrum, præ pudore saltem taciturnum? At tantum abest, nam eo quò cœperat animo perseverat: & tanquam aliquid obtinuerit ex prædictis; evanido suo triumpho finem, hunc in modum imponit; *Et alii multi, quos citari longum esset.* Atqui & ipsos citari, summopere exoptamus, ut eos quoque habeamus cum prædictis censes Caronianos vagæ probabilitatis. Nemo enim facile sibi suadebit, ob jejunitiam hanc Rhetoricæ figuram, vel unum superesse ex Thomistis, qui Magistri causæ posset prodesse, de industria ab ipso relictum fuisse: tot aliis ex omni parte tam accuratè conquestis, tanto studio, communi conspiratione, tantoque impetu coactis, ut non vacaverit Dominicanos distinguere à Minoritis: Ex quibus tamen nihil potuit inferre nisi apertum negotii, pro quo militabat, excidium: & defensionem Doctrinæ Thomisticæ quam suscepit expugnandam.

Ne tamen me existimet Benevolus Lector quidquam hîc dissimulasse fateor præter præfatos, adhuc alios ex Nostreis fuisse ab Adversariis Laudatos tanquam Probabilitatis Authores vel Patronos: scilicet Niderum: Serram, Petrum de Tapia, Fumum Placentinum vulgò Armillam Auream. Caietanum, Innocentium V. Sanctum Raymundum. Hos igitur quoque audiamus.

32. Quantum ad Niderum Romæ anno 1604. editum: certum est non Probabilitatum favisse laxitati, sed cum S. Antonino Scrupulorum providisse infirmitati, quibus septem tradidit Regulas deponendi conscientiam: quod satis indicabat vel solus Operis titulus scilicet *Consolatorum Anima timorata* in quo præter cætera ait: *Sequendam esse partem, que habet nobiliores Doctores, dummodò ex contrarietate opinionum non inducatur quis ad dubitandum, sed bonam conscientiam seu fidem sibi formet & de probabiliori.*

At, impossibile est, ut quis non inducatur in dubitationem ex opinionum contrarietate, & maximè relictâ probabiliori opinione: quod aded clarum est ut fictus Amadæus omnium ferè laxissimus ingenue fateatur quam difficile sit hunc nodum dissecare, posito articulo 13. quodl. 8. Divi Thomæ.

33. Sequitur Petrus de Tapia Episcopus Hispalensis, in Sanctitatis opinione mortuus. Porro cum hic scripserit tantum anno 1654. non potuit dux esse eorum (quod intendebat Magister) qui ante ipsum tot annis scripserant. Qui utinam dux fuisset: nam solus potuisset mederi Probabilitatum laxitatibus ob quas omnes probi merito ingemiscunt. Ait enim lib. 1. de Actibus Moralib. q. 8. a. 12. *Plura esse inspicienda in his que spectant ad rem Moralem: Primum legem seu ius commune & etiam proprium; Regni vel Reip. statuta: consuetudinem, possessionem: necessitatem urgentem: pericula imminetia, ut si mors immincat, &c.* Quibus ratè perpenfis, Probabilitas remissa procul citò exulabit.

34. Quantum ad Serram, cujus opera vix à 16 annis prodierunt in lucem: discipulus esset quoque Antithomistarum non Magister: apud quem si semoveas (ut par est) aliorum, quas refert opiniones, ipsumque seorsim

auscultes juxta proprium sensum loquentem; cum judicabis non Probabilistam, sed verum D. Thomæ Discipulum. Ait enim pag. 427. ad 1. pro Regula generali *medicum debere semper in favorem agra. & tutiorem partem eligere*: Idque omnium hominum usu, consuetudine, solumque jure gentium. Quod potiori jure est sentiendum pro salute animæ, sicut reipsa satis ipse indicat dubio seq. asserens *Conscientiam dubiam circa bonitatem & malitiam operis exercendi debere tutiorem partem eligere*. Et id ex inconcusso D. Thomæ fundamento opusc. supra citato: quo satis demonstrat impossibile esse, ut in dubitationem non inducatur, qui relicta (cæteris paribus) probabiliiori opinione, minus probabilem sequitur.

35. Hic pro vigesimo secundo audiendus est Bartholomæus Fumus, vulgò Armilla: in Summa, verbò *Opinio*, ubi sicut & cæteri D. Thomæ discipuli, ritè distinguens inter *bonum & melius*: atque inter *probabile & probabilius*, ait: *Licet aliquando una opinio sit melior alterâ; tamen non tenemur facere quod melius est, sed quod bonum est*. At, quis unquam oppositum asseruit?

Cum verò ibidem loquitur Armilla de opinionum eligendarum diversitate, sicuti in præsentiarum loquendum est: firmam ac claram in Adversarios profert sententiam, his verbis: *In operandis ubi sunt opiniones, semper tutior pars est eligenda, ne quis exponat se periculo ambiguitatis & consequenter peccandi & faciendi quod illicitum est; ut in contrariis, ubi plures sunt Doctorum opiniones*. Certè hic erubescio pro his qui ausi sunt hunc Thomistam citare, ceu Authorem vel fautorem laxitatum Moralis Theologiæ: quem silegisset ipse Comitulus, numquam asseruisset *Armillam* fada prolapsione in opinionem Adversariorum incidisse, cui vel unus possit mederi.

36. Prædictos sequitur Cardinalis Cajetanus, verbò *Opinio*, in Summa. ubi quidem ait. *Opinione uti, ut regula operum interiorum & exteriorum esse quandoque licitum*. Sed prosequere quæ ait ibidem. *Et quandoque illicitum, nisi submittendo opinionem Regula Superiori scilicet sanctæ Matris Ecclesiæ & Apostolica Sedis, quoniam ambiguitatis aliquid habens Regula, qualis est omnis opinio, resolvenda est in Regulam certam, ne error possit inde inveniri*. Secundò, *In operandis verò, nisi tutiorem partem eligendo, non licet opinionem cujuscumque assumere ut Regulam operis: quoniam eo ipso, quò operatio regulanda committitur opinioni, committitur Regula ambigua, quia opinio omnis ambigua est, utpote cum formidine alterius partis, &c.* Lege torum: ut interim hîc etiam audiatur Innocentius V. Papa assumptus ex eadem Dominicanorum familia.

37. Is verò sic ait in 1. Sent. dist. 33. q. 1. art. unic. *Opinari* (quod idem est, ac opinionem sequi) *in non pertinentibus necessario ad Religionem fidei & morum: scilicet quò posito vel remoto nullum inconueniens sequitur in fide & moribus; non est peccatum nisi per accedens ratione presumptionis vel elationis vel pertinacie annexa*. Si verò sit de pertinentibus ad Religionem: aut ergo directè & evidenter est contra articulos fidei, vel præcepta morum, tunc non potest fieri sine peccato.... Verùm ea omnia quæ supra diximus contra vagam ac remissam Probabilitatem, sunt vel contra fidem vel contra morum Probritatem, ut ex dictis patet.

38. Numerum seu agmen Thomistarum claudet Sanctus Raymundus in Summa lib. 2. sect. 27. de præscriptionib. in fine ubi ait. *Quia ferè totus mundus involutus est in rapinis: sic pro posse tuo curre per medium, ne nimia severitas, vel remissio perire faciat, quos discreta poterat æquitas revocare.*

Respondeo per hujusmodi verba nihil exprimi, nisi arripiendum esse Medium quod tenere Beati: quod documentum immand distat ab extremis laxitatibus vage probabilitatis quam impugnamus. Sed ut videas Sanctum Raymundum non minùs doctrinâ quàm vitæ Sanctimonia, arctam Cœli viam stravisse contra novellam probabilitatis laxitatem, lege quæ eod. lib. 2. scripsit ille de Mutuo: & ibid. sect. 5. de Mercatoribus, qui longâ non consuetudine sed corruptelâ, emere & vendere nesciunt sine mendaciis & juramentis: *Quos ait S. Raymundus peccare mortaliter & teneri ad restitutionem in quantum decipiunt proximum, vel venialiter si ignoranter dicunt falsum, vel ob aliam rationem alibi assignatam. Et debent sales (inquit S. Raymundus) etiam præter restitutionem, induci ad largas elemosinas faciendas pro animabus illorum de quorum jure licet ignorasset aliqua habuerunt.*

Certè hoc est remotissimum à documentis novæ Probabilitatis, quæ permittit æquivocationem etiam in juramentis: & vix unquam superfluum quiddam invenit pro elemosinis faciendis. Verùm quantum ad scripta Sanctorum, vellem eandem haberi Regulam, pro vera illorum intelligentia, ac illam, quam Doctor Angelicus lect. 5. in cap. 1. Epist. ad Rom. pro ipsa Scriptura, præmonuit observandam his verbis. *Sicut dixit Augustinus lib. contra Manicha. Intellectus sacra Scriptura ex actibus Sanctorum intelligitur.*

39. Ne conqueratur ille Magister Philosophiæ ullam sui Libelli syllabam quoad præsentem controversiam, fuisse à me neglectam aut sine responsione prætermittam. operæ pretium est, hîc ipsi indicare, non sumendum esse judicium de doctrina totius Ordinis Nostri (ut suprâ dixit) ex uno v.g. Ildephonso (aut quovis alio:) quamvis ipse, ut vidimus, (omnia probè scripserit hac in parte, & ad mentem D. Thomæ:) sed ex unanimi totius Ordinis sententia, qualis habetur ex ejus Comitii Generalibus, præcipuis ex toto orbe congregatis Patribus cum illorum Capite: cujus rei quatenus ad præsens spectat negotium, duplex in medium proferam testimonium.

Primum habetur in Comitii Generalibus Romæ habitis an. 1656. quod hujus est tenoris: *Caveant ab omni pruritu exoticarum minusque cum littera D. Thomæ coherentium opinionum; præcipuè verò in Moralibus, ubi pressis de salute & indemnitate Animarum agitur. Porro in his studeant omni cautelâ evitare opiniones laxas, novas ac parùm tutas, abstineantque à paradoxis ac monstris recentium placitorum seu problematum, quæ magis vanitati ac periculose ostentationi militans, quàm veritati, &c.*

Alterum recentius testimonium habetur ex Capitulo Generali Romæ itidem celebrato an. 1670. pag. 72. nu. V. Ubi legitur *Admonemus omnes & singulos nostri Ordinis Theologiæ Professores, quatenus attendentes ad ea, quæ habentur in declaratione nostrarum Constitutionum dist. 2. cap. 14. de*

*Scd. nedom doctrinam nostri Angelici Præceptoris D. Thomæ Aquinatis, fidelissimè sequantur: sed etiam à concordia & communiori nostrorum Thomistarum sententia, quæ communi omnium judicio creditur asserta à Sanctissimo Præceptore, vel ex ejus principiis deducta, nullo pacto audeant recedere. præcipuè circa materiam de gratia & libero arbitrio, seu Physica Promotione. Quam doctrinam solidam & inconcussam, tum D. Thomas, tum Thomistæ insigniores ex limpidissimo & incorrupto Sanctorum Patrum Ecclesiæque Doctrinæ fonte integerrimè hausserunt; & aggerem sibi contra torrentem constituerunt.*

En, Pater S. Ju, unde possis ac debeas discere communem nostri Ordinis doctrinam, non verò ex aliquo privato Authore, qui in aliquo defecerit à doctrina D. Thomæ in cujus verba juramus: à quo ne unus quidem ex omnibus quos tanto studio per totum semè orbem Christianum per te tuosque potuisti aggregare & ex antiquioribus monumentis hæcenus colligere potuisti, defecisse repertus est, ut patet ex dictis: quod certè propè miraculosum nemo non judicabit.

40. Ex dictis inferendum est, idque necessaria consequentia, Thomistas non fuisse probabilis Authores, & longè minùs fautores, ut fides Amadæus suadere & post ipsum confirmare nitebatur Magister Philosophiæ: Hic quidem dum fucati honoris specie aliquos Thomistas (quos supra retulimus) suos vocabat Magistros: Ille verò dum in suo Libello asseruit malum Probabilitatis primò irrepsisse à Thomistis. Quod quàm falsò seu perperam scripserit, satis patet ex dictis, magisque patebit ex dicendis.

Et id factum agnosceimus munere singulari Divinæ Providentiæ, quæ ab annis supra quadringentis non permisit familiam Dominicanam ita cæspitasse ut hanc in foveam inciderit. Quia tamen homines sumus, nihil humanum à nobis prorsùs alienum ducimus, quare si quis minùs cautè, in hoc vel ullo alicujus momenti negotio scripserit: ipsemet fraterna correctione non carebit, ubi primùm innotuerit, totque citò habebit censores, quot socios ac fratres; ita ut eorum quisque injustum extimet in quovis alio quidquam excusare, quod in semetipso vellet condemnasse.


At non item illorum Adversarii: & hoc unum est à multis discrimen animadversione dignum Thomistas inter & illorum Antagonistas; Nam si quis ex Thomistis in aliquo erraverit, nullos habet severiores censores, quàm proprios fratres: At secùs est in illorum Adversariis. Quod manifestum sit exemplo ita familiari (præter alios casus admodùm frequentes) ut hoc unum pro centum aliis sufficere possit.

Ferè, immo verè nullus fuit post D. Thomam, cui ob doctrinæ præstantiam magis adhæserint Dominicani, quàm subtilissimo Cardinali Cajetano. Ubi tamen fuit ille ad Purpuram assumptus ex nostro Ordine, & paulò majori licentiâ scripsisse creditus est, tantillùm descedens ab Angelico Doctore, nominatim in materia de Confessione: tantùm abest ut pertinaciter ei adhæserint Dominicani, aut ipsum obfirmato animo defenderint; quin immodò eum citò deseruerunt: omnesque ejusdem Familiæ Superiores, suos alumnos fecerint monitos, ut quisque hac in parte caveret sibi à doctrina Calerani.

41. Explicatur magis. Scribens Caietanus in hæc verba Epist. ad 1. Corinth. cap. 11. (*Probet autem seipsum homo, &c.*) & duo ibidem distinguens, fortasse non tantâ certitudine, quantâ subtilitate metaphysicâ, ait: *Et hinc trahitur argumentum, quod non est necessarium simpliciter & absolute hominem probatum esse à Confessario ad hoc ut sumat non indigne Eucharistiam*: Atqui ab hac opinione Caietani omnes ad unum recesserunt reliqui Thomistæ, & Tridentino secus definienti adhærere; neque vel unus posthac repertus fuit qui pro Caietano defendendo vel excusando hisceret, seu os aperiret. Suos ergo amant & colunt Authores, Thomistæ; sed eos non ita depreunt, ut ob eorum quempiam, deserant veritatem.

Si hujus indolis fuissent, aut in eadem dispositione animi essent Thomistarum Æmuli; nunquam protulisset eorum quispiam (cujus nomen, ex charitate, non aperiam) propositionem scandalosam, centies horribiliorem eâ, de qua loquens Apostolus, aiebat: *Nec nominetur inter vos, sicut decet Sanctos*. Quam debuisset ita palam ac generosè detestari, ut omnibus suâ responsione horrorem de hujusmodi propositione incuteret: cum tamen sic de ea loquatur ut ejus Authori subscribere videatur. Audi igitur quomodo à suo condiscipulo emendetur. *Potuisset (N.) hanc resolutionem omisisse; at semel impressam debet illam tueri, nosque eam defendere*. At malè scripta ac pessimè defensa, atque meritissimè condemnata.

Certè pudor non fuit hic inferere exempla seu propositiones scandalosas à nonnullis excogitatas, quas refert ac refellit tanquam condemnatas, P. Gabriel à S. Vincentio, lib. de remediis ignorantie 1671. Romæ edito, pag. 394. & seq. Quæ cum à suis Authoribus sint per orbem sparæ sub specioso Probabilitatis pallio; has occultè in Thomistas refundere conabatur Magister Philosophiæ. Sed quid mirum si nobis imponat, cum ipsis Sanctis Patribus Augustino, Divo Thomæ, Gregorio, &c. non ignoscat? Quare sit



## CAPUT OCTAVUM.

*An faveat opinioni minùs probabili D. Augustinus, loco citato à Magistro Philosophia?*

### SECTIO I.

*Ostenditur primò sine causa citatum esse D. Augustinum tanquam Probabilitatis Authorem vel Patronum à P. S. In: cujus fundamentum apparet prorsus evanidum.*

Nu. 1. **S**I sua inter problemata posuisset Philosophiæ Magister: utrùm D. Augustinus esset Probabilista? minùs me gravaret istud, quam maris æstus esse ab aëris gravitate; quod ille in suis thesibus asserit esse problematicum. Sed quia Probabilistam fuisse Sanctum Antistitem absolute definie, eumque adducit ceu Defensorem opinionis minùs probabilis:

accuratissimè expendendus est locus ab ipso citatus, ex quo vagam hanc (quam impugnamus) educi posse Probabilitatem ipse arbitratur. Nam quantum ad alios, seu ut ejus utar verbis, *ad illa omnium Ordinum lumina* quæ Magister ille affirmat pro se stare (quorum nec nomina, nec ullum in operibus eorum designat locum) in his non immerabimur. Et cum tam infelicitè præfatos Authores quàm falsò citaverit ille Magister, præjudicio novæ falsitatis plusquam vehementi vix & ne vix quidem carere judicabitur jactantia adedò singularis ac insolita. Nec facilè ullus sibi persuadere valebit, hunc Magistrum tam accuratè, tantoque studio undequaque adduxisse ex Hispania, Belgio, Francia, &c. eos, quos experti sumus, ipsi esse prorsus contrarios, relictis iis qui suæ causæ possent favere.

Cæterùm, si penes hunc Philosophiæ Magistrum ulla sit fides, pro Probabilitate etiam remississima (qualis in ejus propositione includitur) totus erit D. Augustinus. Nam (inquit) *illam docet pluribus in locis, & præcipue Epist. 19. ad Hieronymum.*

Certè si aliàs justè conquerebatur S. Præsul, quod prætextu libertatis ipsum facerent Pelagiani palam: & D. Ambrosium tacito nomine Manichæum; non minori ratione posset hîc quoque conqueri, quod Antithomistæ, laxitatum Moralis Theologiæ ipsum conentur efficere Authorem, vel saltem Patronum, ex eo nimirum quod aliquoties ipsi exciderit vocabulum Probabilitatis, quamvis in sensu ipsis prorsus opposito, ut statim patebit.

Explicatur. Versat sanctus Præsul controversiam loco citato, Epist. 19. & inquit *urum Apostolus Divum Petrum verè, an verò tantum apparenter seu siltè reprehenderit?*

Porro hæc fuit hujusmodi reprehensionis causa, ut legitur ad Galat. c. 2. v. 11. ubi legitur: *Cum autem venisset Cephas Antiochiam, in faciem ei restiti, quia reprehensibilis erat. Prius enim quàm venirent quidam à Iacobo, cum Gentibus edebat. Cum autem venissent, subtrahabat & segregabat se, times eos qui ex Circumcisione erant. Et simulationi ejus consenserunt cæteri Judæi, ita ut Barnabas duceretur ab eis in illam simulationem. Sed cum vidissem quod non rectè ambulant ad veritatem Evangelii, dixi Cepha coram omnibus: Si tu, cum Judæus sis, Gentiliter vivis; & non Judæicè; quomodo Gentes cogis judicare?*

Et omnibus ritè perpenlis, to. 2. Epist. 19. citatà ostendit D. Augustinus Petrum verè errasse, in eo potissimum, quod Judæis nimium indulgeret in legis antiquæ ceremoniis, quas sic judicabat auferri Apostolus, ut *ultra non haberent progressum, ne putarentur necessaria, tanquam ab illis salus esset, vel sine illis esse non posset*, ut loquitur ibid. sanctus Præsul. Qui subinde existimat à D. Paulo Petrum verè & non simulatè tantum, fuisse reprehensum. Quod ut suadeat,

Primò rejicit, tùm Authoritatem, tùm rationem eorum qui sentiebant oppositum. (Quo exemplo, tota Probabilitas laxa, tùm rationalis, tùm authentica satis malè excipitur:) ait enim: *Alios sic lego, ut quantalibet sanctitate, doctrinæque polleant; non ideo verum purem, quia ipsi ita sentiant; sed quia mihi vel per Authores Canonicos, vel probabili ratione, quæ à vero non abhorreat, mihi persuadere potuerunt.* En, Amice Lector, grande

piaculum, quò totius laxitatis Theologiæ Moralis apud omnes audiat tanquam Author vel Defensor S. Augustinus.

Quia igitur dixit sanctus Præsul se aliquando persuaderi ratione probabili, quæ à vero non abhorreat; continuò hanc arripuit ansam seu occasionem Philosophiæ Magister, quâ sanctam Antistitem denuntiaret Authorem hujus propositionis, quam ipse tories pag. 5. & 6. sui libelli, repetit; scilicet, *hominem posse sequi, in moralibus, opinionem etiam minus probabilem, relinquit probabili.* Quò nihil est magis sancto Præsuli injuriosum, cum ex hac propositione, tanquam à prima radice, innumera orientur propositiones scandalosæ & intolerabiles: aliæque meritò jam condemnatae, tum ab Episcopis & Universitatibus, tum à Summo Pontifice.

Dixit ergo divinus Antistes se aliquando posse moveri opinione probabili, ( & maxime si probabile sumatur, juxta loquendi modum Scripturæ, ut in principio diximus; ) quid magis humanum, aut rectæ rationi consentaneum? & potissimum urgente aliquâ agendi necessitate, & impotentia sibi majorem notitiam comparandi; nullâ aliunde contrariâ occurrente dubitandi ratione, ut fusiùs suprà exposuimus duodecim Conclusio- nibus, Cap. 5.

## SECTIO II.

*Duobus potissimum casibus Probabilitatem aspernatus est D. Augustinus, in quibus repugnat Probabilitatis Defensoribus: & ejusdem sancti Præsulis productior justificatio instituitur.*

2. **A**T duos exceperit casus D. Augustinus, in quibus opinioni nunquam assentitur. Primò, quò sacre Scripturæ contraria est opinio. Ita to. 2. Epist. 7. ad Marcellinum: *Si ( inquit ) ratio contra divinarum Scripturarum auctoritatem videtur, quamlibet acuta sit, fallit verisimilitudine, nam vera esse non potest.* Ex hoc inconcusso fundamento, Epist. 19. citata, præfatam dirimens quæstionem, Apostolum ad Gal. 2. v. 14. adducit asserentem, quòd *cum videres Cepham non rectè ambulancem ad veritatem Evangelii, dixit coram omnibus, &c.* Quo ex principio asserit sanctus Præsul se in hoc magis Apostolo credere asserenti se coram Deo veritatem dicere his verbis: *Quæ autem scribo vobis, ecce coram Deo, qui non mentior, Gal. 1. 20. quam quibulvis aut quorumcumque rationibus, asserentium D. Petrum sistè tantum ab Apostolo fuisse reprehensum.* Quis sine temeritate potest oppositum dicere?

Sed quid commune habet istud judicium cum effræni licentia opinandi, quam in nos, totumque Ordinem, immodè & in sanctum Præsulem rejicere conantur recentiores Casuistæ, apud quos facilè reperias non id quod exigebat Apostolus, unde scilicet possis rectè *ad veritatem ambulare*, sed utramque in partem ferè perpetuò claudicare?

Secundò. Sanctus Augustinus ibid. laudatus omnem quoque opinionem à vero abhorrentem aspernatur. Atqui omnis opinio minus probabilis per se & ex intrinseca ratione comparata cum probabiliori, à vero si non in



roto, saltem in tanto, abhorret; magis enim apparet falsa quàm vera: secus enim minùs probabilis minimè dicretur.

3. Hoc certè sufficere posset ad plenè confutandum Philosophiæ Magistrum; sed tanti est momenti præsens Dissertatio, ut jure merito paulò productior insertiunda sit sancti Præfûlis hac in parte justificatione.

Primò igitur præter mala, quibus in hac vita Boni & Mali promiscuè opprimuntur, lib. 22. de Civit. Dei, cap. 23. asserit sanctus Præfûl esse alia quæ Justi specialiter timere debent, inter quæ est istud ad quod vitandum necellè est *ut continuis excubent vigiliis, ne eos fallat verisimilis opinio*: Atqui Anthomistæ hoc non debent pertimescere, cum apud ipsos quævis opinio secuta sit, etiamsi sit minus probabilis. Differunt ergo à sancto Antistite hac in parte, sicut & in aliis non paucis Defensores Probabilitatis.

Secundò. Ex Canon. *Si quis*, de Pœnit. dist. 7. habetur Regula hæc: *Tene certum, dimitte incertum*; quæ ex sancto Præfûle est deprompta. At hac unâ D. Augustini spongiâ, tota Probabilitas vaga deletur.

Tertiò. Revoca in memoriam id quod supra diximus; scilicet, *ly melius, cuius aut perfectius* ita aliquando sumi, ut membrum quod ipsis est oppositum, contineat aliquod malum; ut cum dicitur, *Melius est nubere quàm uri*; & tunc *melius* est necessario seu ex præcepto eligendum. Ita sanctus Præfûl, lib. de moribus Ecclesiæ, cap. 3. ubi ait: *Oportet omnem hominem quod optimum est sequi*: Atqui hoc quoque repugnat è diametro doctrinæ Adversariorum, qui conantur præfatum hoc præceptum ad lineam consiliorum reducere.

Quartò. Non debet quoque è memoria excidere id ipsum quod in principio hujus Apologiæ monuimus annotandum: nimirum inter boni species talem esse ordinem observandum; ut scilicet bonum honestum utili & jucundo, seu voluptati semper præferatur. Quod ita est homini, solo lumine naturali, manifestum, ut dixerit Aristoteles, *delectationes non esse, nisi propter operationes*.

Quòd si secus quis operetur, ut docent Adversarii ( qui libertatem contra legem; commodum & voluptatem, contra officium & honestatem, vi solius opinionis etiam minùs probabilis sæpè tuentur ) Sancto Augustino adversatur, qui non rarò monet ad æternam Dei legem recurrendum esse, *quâ* ( inquit ) *voluit Deus omnia esse ordinatissima*. Et lib. citato de morib. Ecclesiæ. cap. 28. *Ipsa corporis cura à sancto Præfûle non estimatur licita, nisi ad salutem animi relata*. Et lib. de Bono conjug. cap. 6. asserit accedentem ad propriam uxorem peccare, si id fecerit causâ delectationis. Ait enim: *Conjugalis concubitus generandi causâ, non habet culpam: concupiscentiæ verd faciendæ. .... culpam habet, saltem venialem*.

Sed est quodd hîc miremur candorem & conscientiæ teneritudinem sancti Præfûlis circa præfatum boni, mediorumque dispositionem respectu finis.

Hoc ut melius intelligatur, dico. Non minùs utilem; immo æque necessariam existimavit Ecclesia spirituales in divinis obsequiis ac Dei laudibus decantandis delectationem, ac saporem seu potiùs condimentum in obsoniis necessariis sumendis pro conservatione vitæ corporalis: unde ipsa benignè prospiciens personis Deo consecratis; pro ipsis precatur ab

ipso diluculo; divinâ sic eas repleri misericordiâ, ut in Dei laudibus iugiter delectentur. Et tamen sic veritus est D. Augustinus, ne in hoc ipso debitus ordo inverteretur ut tom. 1. lib. 10. Confess. cap. 33, dixerit. *Cum mihi accidit, ut me amplius cantus, quàm res que cantatur moveat: me peccare penatiter confiteor; & tunc (inquit) mallem non audire cantum.*

Verùm occasione tantæ teneritudinis conscientiæ sancti Præsulis hîc non possum præterire Probabilitatis propositionem, recte rerum dispositioni ac præfatæ doctrinæ non parùm contrariam: hæc enim quamvis in ore ipsius Epicuri esset exosa & intolerabilis, suo tamen Apologistâ non caruit; qui ex malo antecedente consequentiam deduxit longè adhuc pejorem: falsò existimans, licitum esse, sensibus corporis vg: potentiæ visivæ propriam indifferenter indulgere operationis suæ delectationem: inde non erubuit deducere, id ipsum gustui esse innoxium: ac proinde aliquem posse, cibo & potu se se usque ad ingurgitationem satiari, & postmodum se ad vomitum excitare, ut rursùm novâ potiatur voluptate cibi ac potus repetitâ sæpius sumptione sine necessitate. At in oppositum quotidie precatur Ecclesia, ut non solum sint pura cordis intima, sed & Deus opt. sensus nostros servet innoxios, sicque visum ipsum fovendo contegat ne vanitates hauriat: quotiescumque enim sensuum operationes fiunt delectatæ, non minùs sunt in debitum finem, ipsumque Deum referendæ, quàm omnes aliæ actiones humanæ: Idque contra Antithomistas afferentes Divo Thoma reclamante actiones humanas esse in individuo indifferentes: ut inde agnoscat Lector, quantum ex parva scintilla excitetur incendium.

5. At quis patiatur dici hanc vg: propositionem (ne loquar de turpioribus) habere pro defensoribus S. Augustinum & Doctorem Angelicum: quos dum citat Magister Philosophiæ tanquam Autores opinionis minùs probabilis, hanc propositionem ab Apologistâ defensam tanquam probabilem, (omnesque alias in libris Casuistarum sparsas veluti probabilitatè sufficienti ad securitatem conscientiæ donatas) prædictis Sanctis necessariâ consecutione imponit, quibus tamen apertè adversantur. Illos audiamus. *Hoc me docuisti* (inquit S. Præsul lib. 10. Confess. c. 31.) *ut quem admodum medicamenta, sic alimenta sumpturus accedam.* Item lib. de Morib. Eccl. *Habes vir temperans* (inquit) *in rebus moralibus & fluentibus vite Regulam utroque Testamento firmatam, ut earum nihil diligit, nihil per se appetendum putet: sed ad vite hujus officiorum necessitatem, quantum suis est, usurpet, utentis modestiâ, non amantis affectu.*

Reclamat itidem Doctör Episcopus contra eandem 1. 2. q. 4. a. 2. ad 2. *Divinus intellectus* (inquit) *qui est institutor naturæ delectationes apposuit propter operationes.* Legendus ibid. S. Doctör q. 63. a. 4. in c. & nominatim 2. 2. q. 141. a. 6. ubi ait. *Omnia delectabilia, quæ in usum hominis veniunt ordinantur ad aliquam vite hujus necessitatem, sicut ad finem: & idè temperantia accipit necessitatem hujus vite sicut Regulam delectabilium quibus utitur, ut scilicet tantum eis utatur quantum necessitas hujus vite requirit.* Porro tota horum sanctorum doctrina non solum abhorret à prædicta Epicuri propositione, ut patet; sed nihilominò sapit remissis Probabilitatis; & tamen ea omnia, quæ sparsa sunt in Casuistis tanquam probabilia:

acc

nec pluribus, nec aliis opus habent, ut integra ferventur, seu ut novum vigorem fortiantur, quàm iis quæ Magister Philosophiæ suo libello, tam obfirmatâ voluntate tuetur, nobisque ac ipsi sancto Antistiti, necnon Angelico Doctore imponere conatur, toties repetens pag. 5. & 6. *licitum esse in Moralibus amplecti opinionem minùs probabilem, relicta probabiliori.* At hanc propositionem rejiciunt Thomistæ omnesque veri sancti Præfûlis discipuli, quam intuentur tanquam viam cujus novissima ducunt ad mortem, & veluti artem periculis plenam, quâ fallam legibus anteponeere libertatem docemur: convenientia præferre necessariis, verisimilia veris, probabilia & incerta turis, ac denique utilia & delectabilia honestis, quibus totius naturæ & gratiæ ordo pervertitur.

Quintò. Adhuc paulò fusiùs sancti Augustini justificationem proæquatur. Tom. 7. lib. 1. contra Donatistas, cap. 3. damnat sanctus Præfûl peccati mortalis eum, qui dubium baptismum apud Donatistas recipit, eo neglectò quem in Ecclesia certum conferri novit, idque *ex eo solo, quòd certis incerta proponit*: At hoc ipso vitio laborat omnis opinio minùs probabilis in moralibus: nam opinio probabilior stans pro lege & officio, omnium sapientum, etiam Adversariorum judicio, est multis partibus certior, quæ opinionis minùs probabilis vigorem seu probabilitatem re ipsâ prorsus exinguit, nec ipsi quidquam relinquit, nisi id quod ad rationem peccati sufficere possit. Unde ait sanctus Præfûl, loco supra citato, cap. 5. *Accipere itaque (scilicet Baptismum) ex parte Donati, si incertum est, esse peccatum; quis dubitet certum esse peccatum?* Ponderentur (ut par est) hæc verba, ac penetrentur, & vaga Probabilitas profligabitur.

Perperam igitur sanctus Præfûl adducitur tanquam opinionis minùs probabilis Patronus, cui tam efficaciter quàm aperte ex præfato principio adversatur.

6. Certè quò plus sancti Antistitis libros revolvò, eò magis ipsum reperio alienum à doctrina Adversariorum; quibus, ut primùm quidpiam obscuritatis occurrit in legibus, illicò contra eas proscribendum asserunt, tanquam contra leges invalidas, utpotè non sufficienter promulgatas, quas subinde licitum sit unicuique interpretari & appendere in statera Probabilitatis, quæ militat non solum pro libertate, sed etiam pro Libertinis.

Audi ergo non Probabilistam, sed egregium Probabilitatis Reformatorem Augustinum, hujus morbi spirituales Medicum, qui his divinis imbutus monitis, *Accedite ad eum & illuminamini*; clarè docet, quò se gerat quisque in dubiis, lib. de morib. Eccl. cap. 7. *Quid sit Deo dignum intelligere non poterimus, inquit, nisi ab humanis & proximis incipientes vera Religionis fide, præceptisque servatis, non desicamus viam, quam nobis Deus & Patriarcharum congregatione, & legis vinculo, & Prophetarum præfagio, & suscepti hominis Sacramento, & Apostolorum testimonio, & Martirum sanguine, &c. munivit.* At nihil magis oppositum his divinis præceptis, quàm trixæ & cavilli Probabilitatis remissæ, quæ se securam existimat, etiam dum Dei legibus obtemperare desinet, suæque potestatis esse cupit, & independents à Deo.

Sextò denique. Quis unquam sibi potuisset persuadere S. Augustinum post tot annos in Probabilitatis suspensionem venturum, tribus libris, quasi

præfagâ mente contra Probabilitatis Authores accuratissimè conscriptis: Contra dixi, nam Academici fuerunt veri Probabilistæ ac Defensores verisimilitudinis illiusquam loco veritatis sufficiebant; pro quibus confutandis præfatos scripsit libros sanctus Præsul. *Vt*, inquit, *argumenta eorum, quæ multis ingerebant veri inveniendi desperationem, & prohibebant cuiquam rei tanquam certa ac manifeste assentiri, &c. amoveret*. Fateor non esse omninò tales Modernos vagæ Probabilitatis Defensores: non enim ut Antiqui, negant veritatem posse inveniri: in hoc tamen cum illis conveniunt quòd Probabilitatem assumant tanquam sufficientem agendi regulam, asserantque rem aliquam esse probabilem, id est verisimilem seu alterius veritatis similem, quam tamen se non posse cognoscere fatentur. Explicatur magis.

Certum est antiquis Academicis unam eandemque rem fuisse *verisimilitudinem & probabilitatem*. Ita S. Augustinus, lib. 1. contra Academicos in prologo: *Ipsum verisimile*, inquit, *probabile nuncupant*. Et lib. 2. cap. 5. ex Heracliti opinione sic ait D. August. *Hinc illi, indulto quodam probabili, quod etiam verisimile nominabant, nullo modo cessare sapientem ab officiis asserbant, cum haberet quid sequeretur*. En igitur Academicorum regula.

Et quia existimabant *veritatem vel obrutam latere, vel confusam non eminare; sive id eveniret propter naturæ tenebras, sive propter rerum similitudinem*; asserbant ad vitam ritè peragendam sufficere, si Sapiens sequeretur id quod probabile seu verisimile ei videretur. Ita ibid. sanctus Præsul, lib. 3. cap. 16. Itaque turpe quidem errare judicabant; sed *cum agit quisque*, inquit, *quod ei videtur probabile, nec peccat, nec errat*.

7. Quid ad hæc, candide Lector? Numquid diceres Neotericos defensores Probabilitatis veterum Academicorum, non solum sensum, sed & verba usurpassè?

Hoc tamen singulare est discrimen inter hos & ipsos annotandum: quòd veteres Academici, ut dixi, in totum veritatem negarent; unde v. g. quærenti, *utrum ex nocte liquida precedente, Sol latus die sequenti esset orturus?* Respondebant se nescire: ita tamen videri, id est, probabile seu verisimile esse. *Et talia*, inquit Academicus, *mibi videntur omnia, quæ probabilia vel verisimilia putavi nominanda*. Ibid. lib. 2. cap. 11.

At Neoterici Probabilitatis Patroni non omninò veritatem denegant; sed in certis duntaxat casibus accuratè illam inquirere negligunt: quoties scilicet de una eademque re sunt opiniones diversæ probabiles. Existimant enim ad rectè agendum sufficere Probabilitatem; nec multum curant utrum à parte rei, res vera sit, nec ne; sed sufficit illis, ut habeatur probabilis: Hoc enim cum præfatis habent commune quod jam supra retulimus: *Cum agit quisque quod ei videtur probabile, nec peccat, nec errat*.

Sed tamen prærogativâ singulari præ Antiquis illis gaudent moderni Academici: nam Veteres illi, errare, quod turpissimum suo Sapienti putabant, eò magis etiam metuebant, quòd frequentiores essent errandi occasiones: error enim (qui est acceptio falsi pro vero) & quem, teste D. Augustino, *facilius est definire, quam finire*, sæpissimè occurrit, tum ob rerum obscuritatem, tum propter illarum inter se similitudinem.

At huic morbo facilè medentur, (si tamen medentur) & non potius remane aspernantur apertissimum errandi periculum recentiores Caluistæ,

beneficiò nimirùm cujusdam inaudite hæcenus vitalis ignorantie, quæ possit homines ab omni peccato excusare. Ita illorum sagacissimus & audacissimus Caramuel in sua Theol. fundat nu. 1331. *Qui probabilem, inquit, sequitur opinionem, insuperabiliter veritatem ignorat: & idcirco non debet peccare.* Hæc autem vitalis ignorantia invincibilis, ipsis (ut putant) sceleriter occurrit, quoties hinc & inde opiniones sunt probabiles, ex quibus utravis sufficientem ad agendum ipsis suppeditat securitatem.

8. Veritatem ergo insuperabiliter ac subinde inculpabiliter ignorant, juxta Caramuelem, in talium saltem occurſu opinionum: quod tamen non impedit (juxta ipsos) quominus opiniones illæ sint probabiles & verisimiles, id est, veritati similes; ut uno ore affirmant Academici tam veteres quam moderni; contra quos subinde pariter erit invicta ratiocinatio sancti Antisthri, lib. 2. contra Academic. cap. 7. quam velim à Lectoribus accuratissime perpendi. *Si quis fratrem tuum, inquit, Patri tuo similem esse affirmet, ac ipsemet interrogatus an aliquando patrem tuum vidisset, illo negativè respondente & affirmante à seipso nunquam visum fuisse: Nonne is insanus aut ineptus tibi videbitur?* Sic concludit sanctus Præsul, lib. 2. citato, cap. 7. in fin. *Ipsa res clamat, similiter videndos esse tuos Academicos, qui se in vita verisimile sequi dicunt, cum ipsum verum quid sit ignorent.* Ita in præsentiarum id ipsum continget, non dicam millies, sed ferè semper; id est, quotiescumque hinc & inde opiniones erunt probabiles quæ apud sagaces vix unquam deerunt. Quæritur v. g. utrum quis ad restitutionem teneatur summæ centum aureorum, quam non nisi longissimo tempore & per furta venialia sibi comparavit? Affirmativè respondent Thomistæ; negativè verò multi Casuistæ moderni, qui talem absolunt ab hac restitutione, sicut & furri viginti assium, quia dicunt probabile esse ob parvitatem materię non esse peccatum mortale.

At in hoc dissidio & ex aliis similibus infinitis exurgunt duæ opiniones contradictoriæ, ambæ probabiles (licet una sit falsa) inter quas subinde veritas latet, & teste Domino Caramuele, *insuperabiliter ignoratur.* Et tamen opinio negativa, juxta illius horumque omnium Casuistarum principia, est tuta in conscientia; quia probabilis, id est, verisimilis seu veritati (quam nunquam cognoscere potuisti, quamque hac de causa insuperabiliter & inculpabiliter, ut ais, ignoras) similis. At, quomodo audes aut potes asserere propositionem vel opinionem esse veritati, (quam verè nunquam cognovisti) similem? Quis ergo non mixetur & obtupeſcat Sanctum Augustinum adduci ceu Authorem vel tanquam Patronum Probabilitatis, cui sic aperte adversatur, ut illius Defensores habeat in derisum; hancque doctrinam accipiat pro aperto amentię indicio? Lege eundem tom. 2. Epist. 154. in fine, ubi ait: *Restat, ni fallor, &c.* & miraberis, quæ fieri poterit ut Sanctus Augustinus apud nonnullos habitus sit pro viro, qui rationum fucò deceptus, aërem pro Junone amplexus sit, id est pro veritate verisimilitudinem, quam aliis tanquam regulam rectè agendi, tradiderit; qui sæpè post Scripturam, aliam non tradit Regulam, quam veram rationem, de qua lib. de quant. Animæ, cap. 7. ait: *Vera ratio ea sola dicenda est, quæ non solum vera, sed certa & ab omni similitudine falsitatis aliena.* Quod unum sufficeret ut Probabilitas penitus exularet.

Hæc fusiùs prosequuti sumus, sed compendiosius agere nequivimus; quia sanctus Præsul à Magistro Philosophiæ tantâ erat præfidentia citatus, ut operæ pretium duxerimus tam efficacibus argumentis ipsum revincere, ut subinde cognoscat Lector quid de aliis sentire debeat Ecclesiæ Patribus: v.g. S. Gregorio Magno, S. Leone Papa, in quorum operibus nullum specialem locum designavit, quorum libros aperire non licuit, quin statim occurreret condemnatio prædictæ Probabilitatis, tam vanam, quàm periculofam securitatem promittentis.

## S E C T I O III.

*Sunt quoque immunes à vaga Probabilitate D. D. Gregorius Magnus,  
& Leo Papa.*

**A**udiamus ergo D. Gregorium Magnum in 1. Reg. cap. 3. ubi ait: *Esse in sanctorum virorum oculis recta sunt ea quæ agunt, ante omnipotentis Dei oculos qualia sint, scire non possunt: unde & bona quæ prævalent, incessanter agunt, & super se tonantem illam iudiciorum abyssum perimescunt.* Ubi hîc securitas Probabilitatis?

Item lib. 5. Moral. cap. 5. ut refert P. Azarias, tom. 2. pag. 379. *Sancti viri cum mala superant, suæ etiam bene gesta formidant, ne cum bona agere appetunt, de actionis imagine fallantur, ne pestifera tabes putredinis sub boni specie lateat coloris: sciunt enim quod corruptionis pondere gravati dijudicare bona subtiliter nesciunt: & cum ante oculos extremi examinis, regulam deducunt: hæc ipsa in se nonnunquam, & quæ approbant, metuntur, & tota quidem mente internâ dissiderant: sed tamen de incertitudine operum trepidi quod gradientur, ignorant.*

Hoc confer, & si potes, compone cum Casuistarum illustrissimo Caramele, asserente se posse jurare ne quidem venialiter peccasse solo Probabilitatis beneficio: v. g. in persolvendo divino officio.

Sed hîc unus superest S. Leo Papa, quem cum S. Gregorio invitum & reluctanter suas in partes pertrahere conatus est Magister Philosophiæ. Et quia hoc ipsi & Patri Deschamps commune est, communem cum illo feret responsum. Porro talis est objectio. *In his* (inquit Sanctus Leo, Epist. 92. ad Ruffinum citatus) *quæ vel dubia sunt vel obscura, id noverimus sequendum, quod nec præceptis Evangelicis contrarium, nec decretis Sanctorum Patrum invenitur adversum.* Sed opinio minùs probabilis non est adversa Patribus, aut præceptis Evangelicis, inquiunt Defensores Probabilitatis: Ergo potest quisque eam licitè sequi.

Respondeo primò neg. min. Nam omnis opinio minùs probabilis quatenùs talis, tum Patribus, tum præceptis Evangelicis est adversa: siquidem probabiliori & tutiori comparata, est absolutè falsa; quia per probabiliorē sic disponitur intellectus, ut non magis possit moveri opinione minùs probabili, quàm aqua calida ut quinque possit moveri opinione minùs probabilis ut quatuor tantum calido. Ratio est, quia vis opinionis minùs probabilis penitus probabiliorē extinguitur, ut fusiùs & evidentius infra ostende-

mus. At quid magis contrarium veritati Scripturarum, quàm id quod est falsum?

Respondeo secundò dist. Mai. *In dubiis sequendum est, quod non repugnat Scripturæ ac Patribus.* Si cætera adsint conc. Majorem : si desint nego. Explicatur. Numquam licet sequi id, quod est Patribus & Scripturæ contrarium. Sed quia sub illis duobus membris non continetur omnem malum : non semper licitum est sequi, quicquid ipsis non est adversum; nam & ob bonam aliam rationem verè poterit esse fugiendum quidpiam utpotè alicui alii præcepto vel legi contrarium. Immo ad peccatum aliquid perpetrandum sufficit agere contra dictamen conscientiæ ut ait D. Tho. quodl. 9. a. 15. & quodl. 8. art. 13. ergo perperam & male adducitur S. Leo tanquam legitimus opinionis minis probabilis Author vel Patronus, propter citatum ipsius testimonium omninò contrarium defensoribus Probabilitatis.

10. Sed ne quis dubitare possit de mente S. Leonis Papæ, ubique decertantis, tum pro Ecclesiastica disciplina, tum pro defensione Religionis Christianæ, non tris vagæ Probabilitatis, sed invictis armis veritatis, ipse audiat serm. 3. de Nat. c. 3. *Quia (inquit) es multis inerat amor veri; incertarum tamen opinionum varietas; fallentium demonum decipiebatur astutia; & falsi nominis scientia, in diversas compugnantisque sententias humana ignorantia trahebatur.* Verum enimverò, ut Deus opt. huic morbo mederetur, filium suum (inquit) misit in mundum. Ex quo ut patet, non novit Sanctiss. Pater, nec approbavit pugnantes Probabilitatis in utramque partem opiniones, sicut nec præsentiam illius facilitatem: etenim ut ipse loquitur serm. 5. de Nativit. cap. 1. *Non in solo opere virtutum, aut in sola observantia Mandatorum, sed etiam in tramite fidei, angusta & ardua via est qua ducit ad vitam: & magni laboris est, magnique discriminis inter dubias imperitorum opiniones & verisimiles falsitates; per unam sanctæ doctrinæ semitam inoffensis gressibus ambulare: & tum undique si laquei erroris opponant, omne periculum deceptionis evadere. Quis autem ad hæc idoneus, nisi qui spiritu Dei docetur & regitur? Beatus homo (inquit vates Regius Pl. 93.) quem tu erudieris Domine & de lege tua docueris eum.*

Quod si ab eodem S. Præsule quæras, per quam viam incedere debeamus pro recta Mandatorum observantia, aut quibus gravia non sint illius præcepta; utrique satisfacit serm. 5. de Epiphan. cap. 3. *Illæ nobis (inquit) currenda est via, quam ipse Dominus se esse testatus est. . . . Cujus iugum non est grave. Quia (inquit) nihil arduum humilibus, nihil asperum mitibus: & facile omnia præcepta veniunt in effectum, quando & Gratia prærendit auxilium, & obedientia mollit imperium.*

Idem reperit vir sanctus serm. 11. de 40. *Impletur itaque per omnia, sententia veritatis, quâ discimus angustam esse & arduam viam qua ducit ad vitam: & cum latitudo itineris ad mortem trahentis, multis frequentetur agminibus: in salutis semitis paucorum intrantium sunt rara vestigia. Quare ibid. cap. 4. perit ut unusquisque omnem consuetudinem in divinatorum præceptorum lance constituat: ubi cum alia interdicantur ne fiant; alia jubeantur ut fiant: iusto se trutinabit examine, qui vite suæ mores exutrisque ponderis comparatione pensaverit.* Verùm his non est concinna Pro-

babilitas, quæ gloriatur se arctam cæli viam dilataſſe: nec penſat ex præcepto aut lege quid interdicatur aut jubeatur; ſed quid probabile aut non probabile ab aliquo Caſuiſta aſſeratur, quod faciliſſime invenitur: etiam ſine metu laqueorum erroris quos metuebat S. Gregorius, quos verò Probabilitas ſpernit fere ſemper in utramque partem ſecura.

En Amice Lector vera S. Leonis Sententia in veritate ac ſtriſſiſſima obſervantia Mandatorum poſita, toto cælo diverſa ab hac Probabilitate ad quam Caſuiſtæ (ut cum Celladeo dicemus in Appendice) totam vitam Chriſtianam reducere conantur.

Quid ergo eſt diſcriminis Thomiſtas inter & Modernos Caſuiſtas? Quid Thomiſtæ dicant cum Eccleſia; *A porta inferi*. Id eſt, quodd doceant evitandas eſſe erroris & peccati occaſiones: ac ſubinde legi, præceptis, & honeſtati adhærendum eſſe, ſpreta voluptate, lucro aut falſa libertate, cujus nulla contra Deum poteſt eſſe vera poſſeſſio: aſſerantque in nulla re dignum eſſe delectum prudentiæ, niſi conſentiat rebus iſſis vel ut in ſe ſunt, vel ut rectitudinem mutuatur per Ordinem ad ultimum finem. Anti-thomiſtæ verò ex adverſo contendunt, & ſerè omnia perducunt ad uſque ultimam præcipitii oram per Probabilitatem, cujus tenuiſſimum filum dicunt ſufficere ad ſecuritatem conſcientiæ. Sed vide jam quibus apud iſos repagulis detineantur homines ne cadant in foveam. Primi utuntur diſtinctionibus, ſin evanidis, ſaltem inutilibus, ſcilicet Probabilitatis directæ & probabilitatis reflexæ: item, opinionis certò, vel probabiliter tantum probabilis: His adhibent quandam ignorantiam vitalem falſò invincibilem, cum ignorantia deſinat eſſe invincibilis non ſolum per evidentiam, ſed etiam per æſtimationem, dubium vel ſuſpicionem, ut in appendice ruſſum maniſeſtis declarabimus exemplis. Sibi quoque favere exiſtimant Adverſarii quendam conceptum formalem, cui nullus à parte rerum correfpondeat obiectivus: & talis eſt imaginatio quorundam Probabilitatis deſenſorum, aſſerentium aliquem poſſe alium inducere ad *jurandum falſum, quod jurans putat eſſe verum: ipſe verò inducens ſcit eſſe falſum*. Quod eſt, non ſolum contra conſcientiam inducentis, & graviffimum ex natura rei perjurium: ſed etiam contra omnium Philoſophorum doctrinam, aſſerentium, *ex eo, quod res eſt, vel non eſt, orationem eſſe veram vel falſam*. Hac tamen & id genus alia, vel falſa, vel periculis plena, ut quid magni venditant Probabilitatis Patroni: & ſecùs ſentientes aſpernantur ut ſolidos: At jure an injurià? ipſe Lector judicabit ex hoc opere.

Secundò, Sincere fatentur Thomiſtæ in hujus Mundi tenebris, in non paucis, nos ſubeſſe caligini Probabilitatis, ut patet ex concluſionibus ſupra poſitis: nec negant quin à quadringentis annis, quibuſdam Dominicanis aliquoties exciderit nomen Probabilitatis, eamque adinſerit vel in rebus merè ſpeculativis & momenti levioris: vel ad conſolandos puſillanimes & timoratos, ut de S. Antonio & Nidero dictum eſt.

At jam aſſerere cum Probabilitatis deſenſoribus totum Mundum regi Probabilitate eamque, Mundo obtrudere tanquam ſufficientem Morum Regulam. Hoc reprobant Thomiſtæ: hicque obteſtor ipſorum Adverſariorum conſcientiam, an vel unus ex Thomiſtis ab aliis deſenſus, ali-



quam, docuerit propositionem huius similem quas supra cap. 6. retulimus? Quid ergo magis injustum quam omnibus Thomistis asserere, quod ne in uno quidem ipsorum, potuerunt reperire? An pro reis habendi sunt Thomistæ, quia non fuerunt Prophetæ, nec ominari potuerunt aut prævidere futurum Probabilitatis abusum, quo Probabilitati seu quinto Evangelio deferri volunt Casuistæ, & per eam cuncta definire? Ab hoc ergo excessu vel resipiscant Adversarii, vel ipsius alios à Thomistis quarant Patronos: nam D. Thomæ discipulos nemo nisi injustè potest dicere Authores & Patronos erroris cui adversantur, quemque libentissimè retractarent, si in illum incidissent.

Facta Sanctorum Patrum Augustini, Gregorii Magni, Leonis Papæ Apologiâ quantum ad propositionem illis falsò affectam: æquum est ut & Angelicum Doctorem rursùm audiamus; cui præ cæteris datâ quâvis occasione adversantur Antithomistæ, eoque periculosius quò occultius fucum rebus faciunt. Et ut ad rem ex altiori principio descendamus; si evidenter constet ex D. Thomæ non esse liberam seu ad libitum inter æqualia electionem: unò verbò actum est ac conclusum contra capitalem Magistri Philosophiæ propositionem asserentis *licitum esse in Moralibus sequi quancumque opinionem etiam minus probabilem*. Quare sit

\*\*\*\*\*

## CAPUT NONUM.

### SECTIO I.

*Cavendum est ne potentia Naturalis pro Morali obtudatur in rerum electione:  
& quò pacto quis se gerat in ea, ut rectè agat, ex mente D. Thomæ:  
ubi etiam injusta apparet hac in parte doctrina Ioa. Cardena.*

Nu. 1. **C**UM plures ex Adversariis non nisi perfunctoriè legant opera D. Thomæ, hos faciliè haberem excusatos; nisi tot libris jam in lucem editis, res in controversiam adductas, satis manifestè aperiens: semper obfirmato animo veritati resisterent. Et ne ab ea, quam versamur, difficultate abeamus: quando nunc asseritur à Magistro Philosophiæ, *posse in Moralibus quempiam sequi opinionem minus probabilem* ut tot artibus ac vigiliis suadere nititur: mirum videri debet quòd propositionem Censuris Labefactatam, non erubuit iteratis editionibus renovare: & quia decepti sunt lectores non solum multitudine Authorum falsò ut patet ex dictis Laudatorum: sed ex nomine Divi Thomæ, nec non & aliorum Sanctorum Patrum perperam quoque relatorum Autoritate, æquum est veritatem sic aperiri, ut de ea, jam deinceps nemo anceps esse possit: quod ut fiat; nonnulla sunt præmittenda. Primò igitur hîc non loquimur de opinione minus probabili juxta limitationes & circumstantias particulares supra conclusione undecima expressas: sed de illa secundum se & in sensu adversariorum, comparata cum Probabiliore, quæ securior judicetur, ut potè remotior tum ab errore, tum à peccati periculo sive peccandi occasione. Talem enim amplectendam esse con-

tendunt Thomistæ asserentes nulla Probabilitate excusari aut cohonestari posse lapsum in errorem aut peccatum, ex opinione minus probabili incursum, probabiliore relicta.

Secundò. Semper distinguenda est Potentia Naturalis, à Potentia Morali seu licita. Potentia enim naturalis est contrariorum, id est, prona ac potens ad bonum & malum; juxta quam dicitur quispiam posse manum sibi abscindere: oculos sibi eruere: posse Sacerdotem suspensum & etiam degradatum consecrare; & talis potentia ex parte, mala est: & longè pejus exercitium illius.

Potentia verò Moralis est tantum respectu eorum, quæ bene, prudenter ac licitè secundum Deum & rationem fieri possunt. Et sicut in defensione Divi Thomæ contra Petrum à S. Joseph apertè ostendimus ex Angelico Doctore potentiam peccandi, esse quidem signum libertatis creatæ, sed non magis pertinere ad rationem veræ libertatis, quàm lippitudinem ad perfectionem potentia visivæ: Ita in Moralibus quando inquirimus, utrum quis possit opinionem minus probabilem sequi; Potentiam naturalem etiam mali & inordinationis capacem removemus, & de sola potentia Morali loquimur, juxta quam qui operatur, ritè & secundum Deum agere censetur. Quod tùm maximè & tantum fieri creditur; quando Deus op. creaturæ; Anima corpori: bonum commune privato, & honestum utili & jucundo seu delectabili præferuntur. Unò verbò. *Quando* (inquit D. Thomas de verit. q. 18. a. 6. in sed contra) *id quod est superius in anima, inferiori dominatur*, eaque servatur dispositio in homine per gratiam reparato, quæ in illo erat, quem Deus rectum fecerat. Quod majori adhuc perspicuitate explicuit Doctor Angelicus 2. 2. q. 51. a. 1. ad 1. *Non est bonum consilium* (inquit) *siue aliquis malum finem in consiliando præstet, siue etiam ad bonum finem malas vias adinveniat: sicut etiam in speculativo, non est bona ratiocinatio, siue aliquis falsum concludas, siue etiam concludas verum ex falsis, quia non utitur convenienti medio.*

Sed antequam ulterius in hac gravissima controversia progrediamur, ne nostra hîc venditare videamur, inferendum est authenticum ejusdem D. Thomæ testimonium, quo & præfata distinctio aded necessaria stabilitur, & in antecessum os calumniæ obstruitur, quam perpetuò occasione accepta falsè nobis imponunt Anthomistæ, asserentes nos componere necessitatem cum libertate. Porro hoc habetur de Malo q. 6. & unic. de electione humana in ò ubi art. *Quod voluntas feratur in id, quod sibi offertur magis, secundum hanc particularem conditionem, quàm secundum aliam, potest contingere tripliciter: Vno quidem modo in quantum una præponderat, & tunc movetur voluntas secundum rationem* (nota hoc.) *Alio verò modo in quantum cogitat de una particulari circumstantia, & non de alia: & hoc contingit plerumque per aliquam occasionem exhibitam, vel ab interiori: vel exteriori, ut ei talis cogitatio occurrat. Tertio modo contingit ex dispositione hominis, quia secundum Philosophum, qualis unusquisque est, talis ei videtur finis. Unde aliter movetur ad aliquid voluntas irati, & voluntas quieti, &c. Sicut etiam aliter acceptatur cibus à sano & agro. Sic ergo dispositio per quam alicui videtur aliquid bonum & conveniens, fuerit naturalis, & non subjacens voluntati, necessitate naturali voluntas præligit illud:*

*Iud: sicut omnes homines naturaliter desiderant esse, vivere & intelligere. Si autem sit talis dispositio, qua non sit naturalis, sed subjacens voluntati: puta, quum aliquid disponitur per habitum vel passionem ad hoc quod sibi videatur aliquid vel bonum vel malum in hoc particulari; non ex necessitate movetur voluntas, quia poterit hanc dispositionem removere, ut sibi non videatur aliquid sic: ut scilicet cum aliquis quietat in se iram, ut non iudicet de aliquo tanquam iratus: facilius tamen remouetur passio quam habitus, &c. Ex prædicto D. Thomæ testimonio evidentissime inferitur voluntatem inter opposita constitutam, non moveri juxta rectam rationem, nisi eligat in quod præponderat: nam sive cogitet de una circumstantia & non de alia, sive juxta suum affectum judicet aut eligat, abutens potentia naturali, eaque utens pro Morali: in continuo erroris aut peccati periculo erit, ut patet ex Cardenæ doctrina, re ipsa intolerabili & abominibus rejicienda hæc in parte.*

4. Verum non egrediamur extra Probabilitatis chorum, quin hic in antecessum Cardenam ipsum audiamus, cujus de Probabilitate Crisim antequam explorement obiter animadvertere licebit, qui nitatur Cardenas arbitriam eligendi facultatem tueri, ut postmodum facilius suadere possit, licitum esse opinionis minus Probabilis etiam ex legis delectum. Quæ in re à Potentia Naturali, vitioso transitu migrat ad Moralem: & rursus data occasione pro Potentia Morali Naturalem obtrudit; cum tamen de sola Morali Potentia sit sermo in Moralibus, quando inquiritur, utrum possit vel non possit quispiam aliquid efficere. Porro Cardenas disp. 15. de Probabilitate, pagina 213. nu. 303. ait. *Quando una pars representatur intellectui, ut evidenter probabilior potest voluntas flectere intellectum ad assensum partis minus probabilis. Sed nota quod sequitur.*

*Patet (inquit) conclusio: nam dum quis fruatur bona fama de honestate Morum, non est certum esse innocentem: tamen Probabilius est, illum esse innocentem: & tamen hominis infensi voluntas, sæpe flectit intellectum, ut temerè judicet illum noxium. At, quid magis fraudulentum ac injustum, quam sumere id, quod non fit nisi temerè & iniquè; in Regulam aut exemplum ejus quod licitè tantum fieri debet & secundum Deum?*

Et tamen (quod certè stupendum est) in hoc ipso, quod fatetur temerè fieri, asserit ibid. *Altum judicii, niti fundamento gravi, quamvis minori. Audiendus adhuc ipsemet Cardenas ibid. nu. 306. Nos autem (inquit) ex eo quod voluntas possit flectere intellectum ad judicium temerarium, contra majus rationis pondus; inferimus non esse impossibile, quod voluntas flectat intellectum (nota) ad partem minus probabilem. Quo assensum jam posito, clarè convincimus, illum non esse temerarium, cum ipse nitatur ratione prudenti, etsi minus efficaci. Verum, potestne quispiam magis indignè abuti Nomine Prudentiæ? & ubi ratio, nisi perversa, in tali judicio quod ipse temerarium esse fatetur? Vides mi Lector, quam periculosum sit hac in parte à supra laudata D. Thomæ doctrina sicut & in cæteris recedere: quamque vitiosus sit hujusmodi transitus de quo supra mentionem fecimus: quem non negamus tanquam impossibilem: Sed tanquam illicitum seu iniquum prædamnamus: numquam enim dubitavimus, quominus naturaliter possit voluntas intellectum flectere, etiam contra rationem: im-*

nò tam possibile id dicimus esse quàm facile hominem peccare posse: sed de hoc non est controversia: neque de hac infœlici loquimur potentia in Moralibus, aliàs omnia subverterentur.

\* 5. Ex præfata Cardenæ doctrina, duo inferuntur, quibus tota disp. 15. de Probabilitate Lectoribus clam illuditur; nimirum: quid sit apud Antithomistas & ipsam Cardenam, *Nisi fundamento gravi* vel aliquid fieri *Ratione prudentis*. Etenim si is qui temerè judicat ex passione de homine integræ famæ: (quod est directè oppositum Charitati, quæ non cogitat malum) adhuc dicatur à Cardenâ, *Prudenter agere & nisi fundamento gravi*. Cerrè vix poterit quidquam assignari adèò leve, evanidum aut inane, quod ratiunculæ aliujus faciatum specie: non sit apud Cardenam satis grave ad Probabilitatem stabiliendam: sique vel temel ei concesserimus *eum prudenter agere* (ut ait) & *nisi fundamento gravi*, etiam qui de proximo temerè judicat ut in casu supradicto, de homine integræ famæ: ex eo scilicet quod de ejus probitate evidentem non habeat demonstrationem: non nū rarissimè, & nunquam fortasse, nisi stolidus imprudenter egisse dicitur: sique destruitur tota Moralis Theologia.

Verum, quidquid dicat Cardenas: hæc non est vera & Christiana prudentia, utpote ex passione, orta sed ut loquitur D. Jacobus *Animalis & diabolica*, Charitati contraria. Unde D. Thomas præfaga mente 2. 2. q. 62. a. 4. pen. tās destruxit prædictum Cardenæ fundamentum: sic distinguens judicium, quod de rebus formare debemus, nimirum quoad possumus æquissimum: & illud quod fit de aliquo homine, *quem* (inquit) *ubi non apparent manifesta indicia de ejus malitia, debemus ut bonum habere: in meliorem partem interpretando* (etiam) *quod dubium est*. Lege eundem in resp. argumentorum & totam quæstionem prædictam, ut discas, qui judicare debeas, ut dictum est, juxta de rebus, quantum possumus: in melius de proximo: ac de nobis in pejus: juxta illud Jobi. (Verebar omnia opera mea.) Sic enim humilitas Christiana fovetur, & Charitas erga Deum & proximum servatur illæsa: unde ait D. Augustinus serm. 139. de temp. *Ille tenet & quod patet, & quod latet in Divinis sermonibus, quæ Charitatem tenet in moribus*. In quibus rara est admodum evidentia. At Cardenas est contra. quia non potest evidentem (de homine ab omnibus habito tanquam probò) habere demonstrationem: vult aliquem *prudenter agere*, etiam cum temerè & ex passione in malam partem de illo præsumit judicare. Et Deo disponente suam sic aperuit mentem hac in parte Cardenas, ut nullus deinceps deciperetur his terminis *prudenter agere, & nisi fundamento gravi*; quibus ille perpetuò tota disp. 15. abutitur.

Quod satis confirmatur ex eodem pag. 138. nu. 554. *Vbi* (inquit) *est opinio Probabilis contra obligationem Legis, Lex non est sufficienter intimata subditis*. Ex quo infert Cardenas ipsam non obligare: quo uno facilimè Leges omnes subvertentur, & Laxissimæ Probabilitati (quam à se fingeat restringi) via aperitur: nullus enim erit sagax ac subtilis defensor Probabilitatis, vindictæ, voluptatis aut avaritiæ percitus cupiditate, quin citò opinionem Probabilem adversus quamcumque Legem fucatâ aliquâ ratione, & quidem majori efficere possit, eâ, quam ipse sibi supra confixit ita contrariam Legi Charitatis:

Igitur quoties intellectus (qui tanquam iudex sedet) suam de aliqua re profert sententiam: nisi in eo recta prævaleat ita ut verius aut securius eligendum pronunciet, vel ab hoc abstinendum: utrutvis facere omittat sive ex inconsideratione alicujus circumstantiæ id proveniat, ut ait D. Thomas supra laudatus: sive ex inordinata alicujus passionis aut mala dispositione alicujus pravi habitus; idem est omnino ac si quis diceret; veram ac prudentem fieri de saporibus sensationem per linguam amara & adusta bile imbutam: nec ulla est in hoc veræ prudentiæ ratio: de qua alibi Deo dante ex principiis D. Thomæ redibit sermo.

6. Hic quidpiam ad propositum referam, quod contigit in Gallia, quodque Cardenas ipse forsitan non improbabit, cum sit omnino consonum ejus principiis, vel ut verius loquar, necessariò deductum ex ipsis. Erat Domina nobilissimis orta natalibus, cum duabus suis filiabus ex hujus Regni Proceribus, infelicitè Calvinismo innutrita, eique addictissima. Hæc cum sola cum illis per biennium circiter vel amplius domi remanserat ejus Marito absente ac in Regiis occupato negotiis: quadam die audiens domesticum Calvinistam suæ familiæ Ministrum exerto ore asserentem *Mandata Dei esse impossibilia* idque sæpius repetentem: & aliunde certa suæ erga Maritum fidei & innocentiam filiarum, quas diu nocturne fovebat oculis: secum tacita dicebat: *Ergo ne dicenda est Religio, & eaque vera, quæ rem aded falsam proficetur, meque nullius erga Maritum perfidia labefactatam, tanquam infamem pellicem, innocentemque puellas proscortis traduces? Hac sapiens mente revolvens; Ministrum tandem expulit. & schisma Calvinisticum execrata, prætersam Religionem ejecit & Catholicam fidem amplexa est.*

Sed amabo quorsum ista? Aut qua intentione relata? de industria sanè ac prorsus ad propositum. Si reversus ille Dynasta suæ uxoris innocentiam in suspensionem vocasset; hac in re, in qua ut certum est non habentur demonstrationes mathematicæ, sed ad summum Morales & Probabiles, in quibus probabiliori superest locus.

Sed quia, ut ait Cardenas supra citatus pag. 213. suæ Crisis, *Quando una pars representatur intellectus ut evidenter probabilior, potest voluntas flectere intellectum ad assensum partis minus probabilis.* Nam (inquit) dum quis fruitur bona fama de honestate morum, non est certum, eum esse innocentem, sed tantum Probabilis; & voluntas hominis insensè sæpe flectit intellectum, ut temerè judicet illum esse noxium. Afferitque Cardenas altum talis judicii, niti ratione prudenti & fundamento gravi quamvis minori. Et hoc assensu posito judicium non est amplius temerarium: ut ait.

7. Viden Lector mirabilem Cardenæ doctrinam? Hæc Domina certa est de sua & filiarum innocentia: est etiam certa de opposito; vel saltem Cardenas nititur ratione prudenti & fundamento gravi ut censet de homine, qui ex passione flectit voluntatem, ut temerè judicet hominem integra fame noxium esse. Apud quem omnis opinio etiam minus Probabilis, est certa.

Sed quid si apud Cardenam conqueratur hæc Mulier de Mariti suspensione aded sibi injuriosa? Profectò suam de Probabilitate doctrinam indeque tenebitur Cardenas evertere & retractare: aut pro omni solatio

debebit huic Domine fateri & concedere suspensionem Mariti esse veram; quia est Probabilis: Probabilis verò, quia licet ex passione & Zelotypia sit orta, tamen *nitur fundamento gravi & ratione prudenti*: & quidni? quandoquidem *licet una pars* (inquit) *representetur intellectui ut evidenter probabilius, potest voluntas flectere intellectum ad assensum partis minus probabilis*? Non dubito, quominus hanc Cardenæ doctrinam rejiceret tanquam falsam hæc Domina, sicut & averfa est Calvinii impietatem, suiique Ministri fatuitatem, ob præsentam Mandatorum Dei impossibilitatem.

Certè bene habet mi Cardena: quòd tuam de Probabilitate doctrinam ignoto mulieribus honestis idiomate scripseris; cum juxta eam tam malè apud te audiant innocentes; & gravissima quæque (ut alii evidentissimè probarunt) possint excusari delicta, ex hac inaudita Probabilitatis doctrinâ, quam non benignam; sed verius crudelem dixeris; cum ex potentia naturali quam habet voluntas supra intellectum tanquam Moderatrix & Regina potentiarum, ut juxta ductum rationis unamquamque moveat ad proprium bonum; illi tyrannicam faciat facultatem flectendi ipsum ad consensum, quem falsò ac perperam dicit prudentem Cardenas, quoties intellectus non est de opposito per evidentiam convictus. Quo ex falso principio: & altero quo potentia naturalis (quæ tantum est eorum, quæ secundum Deum & rectam rationem fieri possunt) sequuntur Monstra non minùs horrenda, quàm si dicerem: *Filium posse matrem suam percutere: aut Sacerdorem posse post prandium Missam celebrare*, quæ omnia vera sunt de potentia naturali.

## SECTIO II.

*Manifestis rationibus & exemplis profigatur Cardena doctrina, & aliorum hac in parte Divo Thome contraria; illorumque mala fides ostenditur, quibus invidis stat, semperque stabit præfata Doctoris Angel. doctrina, asserentis inter equalia constitutum, non habere liberum ejus quod voluerit delectum. Huic suffragatur Diploma Apostolicum, quò vana reprimitur jactantia Hæreticorum.*

8. **N**E vel tantillùm ab scopo divertatur Lectoris animus, tantummodo manifestis rem prosequamur exemplis. Si protervus sit filius, qui nec Patrem velit honorare, nec ipsi obtemperare; expeditam habebit ille in doctrina Cardenæ excusationem: dicit enim se non habere suorum naturalium evidentiam, quam non nisi probabiliter tantum didicit testimonio Matris; seque posse ex Cardena prudenter intellectum flectere ad assensum partis contrariæ; in quo non peccat, nixus *prudenter ratione & fundamento gravi* Cardenæ: non enim habet evidentiam innocentie Matris suæ.

Idem si irreverenter se gerat quispiam, etiam dum Sacro-sancta Hostia populo exhibetur adoranda; respondere item poterit hic impius ex eadem Cardenæ doctrina, se non habere evidentiam, seu non esse certum, an ille

Sacerdos sit à suo Episcopo ritè ordinatus, vel rectam habuerit confelandi intentionem : urgeo magis.

Si ad Dei judicia confurgamus, quæ, inquit D. Augustinus, *nemo perfectè comprehendit, nemo ( tamen ) iuste reprehendit*, & præ oculis mentis habeatur inhiuita Dei misericordia, circa æternam, v. g. damnatorum pœnam; excusandi erunt omnes hac in parte Origenis errores, & millies probabilior ac certior ejus opinio judicabitur, quàm illa quæ nobis à Cardena tanquam prudens ac certa obtruditur. Idem possumus dicere de animæ immortalitate : Numinis providentiæ & gubernatione, aliisque similibus de quibus perfectam non habemus evidentiam, sed vel tantum probabilitatem officio & legibus faventem; vel certitudinem ex fide obscura, quæ informata charitate non minus strictè verat, ut non judicaretur temerè de illo, qui ab omnibus habetur tanquam vir probus, quàm ut intellectum captivemus in prædictorum obsequium.

Institit in oppositum Cardenas : nam *potest*, inquit, *hominis etiam infensi voluntas flectere intellectum, ut temere judicet illum esse noxium ( mentem nos loqui de homine integra fama; ) quò assensu ( inquit ) positò clarè convincimus judicium non esse temerarium*. Hoc positò,

Inquiro à Cardena, an voluntas hominis infensi, sit regula rectè judicandi? Quo vel solum audito, omnes pertimescunt.

Secundò. Inquiritur, quis hujus judicii, & actus ita Dei ac proximi charitativis legibus oppositi temeritatem emendavit? Ait Christus Dominus tanquam impossibile : *Quis vestrum cogitans potest adjicere ad statutam suam cubitum unum?* At potentior est Cardenæ cogitatio, seu ut alii loquuntur, super ipsam Probabilitatem reflexio, quæ sic rerum naturam immutavit, ut id quod erat temerarium, fiat continuò prudens & justum. Proh falsitatem!

Deinde q. supra citatâ de malo, tria distinguit D. Thomas, ex quibus voluntas magis afficitur ad unum quàm ad aliud, unumque alteri præferatur. Primum ( & quod unicè est justum; ) quando scilicet est *ex ratione præponderante* : secundum, quod est *ex consideratione alicujus circumstantiæ*; unde est maxima pars peccatorum; fuitque (ut alibi ostendimus) ipsius diaboli peccatum. Tertium, quod est ex pravo habitu, passione aut mala aliqua dispositione. Ex quibus ferè semper est perversum judicium, quia unusquisque judicat prout ipse est affectus.

At hæc tria confundit Cardenas, eaque involvit tenebris suæ Probabilitatis : & quod pejus est, id quod non nisi primo competit, secundo & tertio modo omnium pessimo attribuit : ut patet ex dictis.

9. Dixi etiam supra per præfatam Cardenæ Probabilitatem gravissima excusari posse vitia : quod ut probem ex hoc quod in confesso est apud omnes, enormia scilicet fuisse eorum peccata, qui Sanctos persecuti sunt, & Apostolos interfecerunt, in cujus rei testimonium æternam eorum ultionem Deus aliquando prævenit etiam ex hoc mundo, stupendis pœnis & morte horribili, ut de Antiocho, Herode, aliisque non paucis : & hoc non negabit Cardenas, qui secundò fateatur etiam necesse est ( nisi toti mundo & ipsi sensui communi resistere velit ) longè graviorem esse, malæ suspensionis & judicii temerarii noxam in illo, qui de aliquo temerè judica-

vit, qui integræ semper fuit famæ, neque malâ unquam famâ laboravit; quàm qui de aliquo malè opinatur, aut temerè judicat; de quo hinc & inde bonitatis & malitiæ sparsi sunt rumores, quales erant de primis Christianis, qui quamvis innocentissimi, falsis tamen & calumniis ira horrendis, teste Teutulliano in Apologetico, erant prægravati ac lacerati, immò & Apostoli ipsi, ut eorum interfectores arbitrarentur se obsequium præstare Deo.

Hos tamen persecutores tamque temerarios Judices uno verbo absolvit Cardenas: nam si dum aliquis fruitur bona famâ, non est certum illum esse innocentem, ut ipse ait, potiori jure minùs certum erit illum esse innoxium, qui aliquâ laborat infamiâ, ut per se notum est. Sed in priori casu, hominis insensæ voluntas potest flectere intellectum, ut temerè judicet esse noxium, quò assensu positò (inquit) judicium non est ampliùs temerarium: nritur enim (ejus judicio) ratione prudenti & fundamento gravi. Ergo à fortiori, in altero casu, in quo Christiani tot calumniis erant prægravati, ut vel omnibus communem respirare aërem indignissimi judicarentur. Absolvendi igitur sunt illorum interfectores & tyranni, quia juxta inauditam Cardenæ Probabilitatem, nitebantur ratione prudenti & fundamento gravi, etiam dum illos judicabant omnium malorum causam: nam quicumque prudenter egit, ac rectam rationem sequutus est, quæ est proxima nobis à Deo concessa ad ritè agendum regula, ab omni reatu absolvendus est.

10. Viden, mi Cardena, quò te duxerint novæ Probabilitatis commenta? Quod si hac in re, toti naturæ horrorem, pariente, tua semel obtrineat ratiocinatio: quænam erunt scelera satis turpia, quæ aliqua ratione fucata non cohonestentur aut excusentur? cum apud te nulla sit lex sufficienter promulgata, contra quam aliqua opinio probabilis formari potest, quæ profectò nunquam deerit sagaci Probabilitatis Defensori aut irato, vel aliquâ passione moto, quam non metuis obtrudere ceu rectam ac securam judicandi regulam. Sique ex eo quòd quis v. g. furari possit, reipsa furti judiciò damnandus sit, quinam erunt homines apud te insontes? Fatearis igitur nuperam tuam de Probabilitate doctrinam esse ipsi innocentie omninò insensam, & toti humano generi admodum perniciosam. Tecum quidem fatemur virum integræ famæ, & ab omnibus insontem habitum, posse apud Deum esse noxium: sed cautum est omnibus charitatis legibus, ne de ullo malam in partem judicemus, nisi manifesta sint ejus nequitie indicia, ut supra diximus cum D. Thoma. Quod, precor, apud te remaneat altâ mente repositum.

Præterea, iis in memoriam revocatis, quæ præmittenda duximus cap. i. scilicet præter intelligentiam primorum principiorum naturaliter cognitorum, & scientiam ex illis deductam, de quibus non opinamur, alias esse diximus res nempe contingentes & futuras, circa quas, opinionem, dubium aut suspensionem habere possumus; in quibus intellectus non tantum movetur ex meritis objecti, sed etiam quandoque flectitur per voluntatem in unam partem potius quàm in alteram. Quæ in re semper quoque servari debet, tam respectu intellectus quàm voluntatis debita ac proportionata Moventium dispositio; ita ut potiori ratione intellectus magis moveatur, magisque meliori bono voluntas afficiatur; si secus fiat, ordo pervertitur,



unde ait D. Thomas de verit. q. 18. a. 6. *Semper contingit inordinatio, quando aliquid movetur à non proprio motivo: sicut si voluntas movetur à delectabili sensus, cum debeat tantummodo moveri ab honesto.*

Est ergo intellectus inter æqualia suspensus, sicut statera in æquilibrio posita, cui nisi quid ponderis adjiciatur, non magis unam in partem, quàm in aliam flectetur. Et quia in rebus contingentibus aut futuris ex se obscuris, & præcipuè ab humano corde (quod est pravum & inscrutabile) dependentibus; in quibus potissimum opiniones exercentur, non potest intellectus per evidentiam rationum determinari: superest ut in æqualibus ad electionem per voluntatis imperium, determinationem & affectum quandoque inclinatur. Quod si voluntas capta aut excæcata amore boni sensibilis, aut etiam spe vel convenientiâ alicujus boni temporalis intellectum inflectat ad id quod secundum Deum verè non est eligendum: in hoc peccatum committitur: v. g. si quis magis afficiatur voluptate, quàm honestate, bono privato, quam communi seu publico; si nimio amore divitiarum conservandarum malit eas retinere, quàm in suum aut familiæ indigentis usum expendere, si pro honore recuperando, aut conservando, vitam corporis, aut spirituales animæ salutem exponat peccati periculo, ut faciunt Duellistæ, statim peccatum in foribus aderit; quia debitus ordo non observatur.

11. Præfata hæc doctrina deducitur ex D. Thoma, locis supra citatis, & præcipuè ex 1. 2. q. 13. a. 6. ad 3. ubi ait: *Nihil prohibet si aliquando æqualia proponantur secundum unam considerationem, quin circa alterum consideretur aliqua conditio per quam emineat, & magis flectatur voluntas in ipsum quàm in illud.*

Qui autem possit aut debeat istud fieri, seu intellectum in hujusmodi rebus per voluntatem determinari, ex certis prudentiæ Christianæ regulis; non verò ex fictitio Probabilitatis beneficio; jam satis patet ex prædictis duodecim Conclusionibus, magisque patebit ex infra dicendis. Quare stabilienda est conclusio negativa; scilicet, nullum licitè posse inter æqualia constitutum contrariè aut contradictoriè opposita, ubi est aliquod erroris aut peccati periculum, alterum eligere ad libitum; sed manere suspensum ac dubium, donec aliquid præmineat, sive ex objecto, sive aliunde; v. g. ex autoritate proveniat; quo intellectus ad unius præ alio electionem moveatur.

Hoc declaratur manifestis exemplis, in quibus utrinque est æqualitas, & moralis eligendi impossibilitas: V. g. Duo testes affirmant hujus mulieris maritum, jam ab aliquibus annis absentem, esse mortuum. Duo alii paræ autoritatis ac fidei, negant ac testantur illum superstitem esse ac vivum. Omni jure debet mulier suspensa manere, neque ad secundas transire potest nuptias. Item duo sunt Doctores hinc affirmantes Titium posse duas Præbendas retinere: indeque (ut supponitur) alii duo pares id negant. Titius exinde ita est suspensus, ut si rationem consulat, ambas non possit retinere præbendas. At, si captus amore divitiarum, ut scilicet lautius vivat, illas retineat; jam sine dubio peccat, vitio voluntatis, quæ intellectum malè ac perperam determinavit.

Idem, si duo litigantes coram Judice pro crumena inventa, quam, ut

quisque sibi vindicet, sive ut probet illam ad se pertinere, duos hinc, & duos inde parisi fidei offerat testes, tam suspensus est iudex, quam si nullos testes haberet: Sic sapientissimus Salomon inter æqualia suspensus, ob duas mulieres ex æquo contententes; iussit dividi infantem, ut ex materna compassione, tanquam ex novo rationis pondere, veram Matrem agnosceret, ut huic potius quam illi jure justitiæ infantem reddi jubere posset.

12. His exemplis sufficienter innotescit Adversarios non bona fide nobiscum agere, cum adversus D. Thomæ doctrinam asserentis *liberam non esse inter æqualia electionem*, hæc & similia obtrudunt exempla: hominis v.g. qui ex duobus equis ejusdem fortitudinis: ex duobus ejusdem Authoris voluminibus; unum potius quam alterum liberrimè eligeret. Numquam enim D. Thomas aut Thomistæ loquuti sunt de rebus aut bonis æqualibus disparatis eligendis & ab invicem independentibus, qualia sunt illa quæ obiciunt: Sed tantum de æqualibus inter se sic connexis, ut unum dicat negationem alterius: prout sat prædictis patet exemplis.

Et ita si ex duobus Medicis æqualiter peritis; unus asserat cibum hunc esse sanum: Alter verò mortiferum: non potest quis rescire nisi fatuus, ralem comedere cibum. In hoc siquidem consistit tota controversia Probabilitatis: an scilicet hoc liceat, vel non liceat: an possit fieri, vel non possit.

Qua in re, apicem solertiz se se reperisse & indigitasse arbitrati sunt Antithomistæ asserentes in conflictu opinionum inter se dissidentium: Quandam invincibilem (quam vitalem vocant) semper latere ignorantiam, quæ sub Probabilitatis pallio cooperire possit peccatorum multitudinem, seu ab omni delicto excusare quoscumque actus probabiles.

Et cum jam tanta sit opinionum probabilium Multitudo (quæ omnes sunt apud ipsos tutæ ac securæ Motum Regulæ, quibus res ferè omnes in utramque contradictionis partem versantur) unicuique licitum erit vivere ad libitum: aut saltem facillimum opinionem reperire ad placitum, sibi que blandientem.

13. Et hinc est, quòd Alexander VII. quadraginta quinque propositiones Probabilitatis specie disseminatas condemnavit tanquam scandalosas: ac Breve Apostolicum Feria 5. die 14. Septemb. 1665. expedivit sub hac verborum forma. *Sanctissimus Dominus noster auditur non sine magno animi sui dolore, complures opiniones Christiana disciplina relaxativas, & Animarum perniciem inferentes, partim antiquatas (Nota lector) iterum suscitari: partim noviter prodire: & summam illam luxuriantium ingentiorum licentiam in dies magis excrefcere, per quam in rebus ad conscientiam pertinentibus modus opinandi irrepsit alienus omnino ab Evangelica simplicitate, Sanctorumque Patrum doctrina: & quem si pro recta Regula Fideles in praxi sequerentur, ingens eruptura esset Christiana vite corruptela. Quare ne unquam temporis viam salutis, quam Suprema veritas Deus, cujus verba in æternum permanent, arctam esse definivit; in Animarum perniciem dilatari, seu verius perverti contingeret. Idem Sanctiss. Dominus noster, ut oves sibi creditas ab hujusmodi spatiosa, laraque, per quam iter ad perditionem, via: pro Pastoralis sollicitudine, in arctam semitam reduceret, &c.*

*daceret, &c.* Ex hoc decreto, quoad præsens spectat, duo inferuntur. Primò quàm injustè glorientur aut impropere Ecclesiæ, nostri temporis hæretici ob Casuistarum Laxitatem; tanquam hæc esset Ecclesiæ Romanæ doctrina; quam ipsa averfatur ac detestatur. Secundò. Quanta Sanctis Patribus ac nominatim D. Thomæ irrogetur injuria, S. Doctori adscriptà à Magistro Philosophiæ tali doctrina! quæ unicâ ejus propositione continetur: *Licetum est sequi in Moralibus opinionem minùs probabilem*: nulla enim est ex illis 45. propositionibus, aliarum innumerabilium fontibus, quæ à suis Authoribus non fuerit prolata & propugnata tanquam Probabilis. Quo ex principio quamvis falsissimo, seu vel sola Magistri Propositione tot malæ ac periculosæ resolutiones, quæ pluribus in libris circumferuntur tanquam Probabiles, possent apud incautos (non apud Deum) suam obtinere excusationem, idque in magnam Animarum perniciem.

Porro, si nulli integrum sit inter æqualia constituto, alterutrum eligere ad libitum, ut pater ex dictis: longe potiori jure, vetitum erit opinionem aliquam minùs probabilem, ad arbitrium amplecti, relicta opinione probabiliori & securiori. Et quamvis hoc vel solum sufficere possit ad confutandam Magistri Gratianopolitani propositionem, & totam recentioris fidei Amadzi editionem, tamen ex accessione juris ac pro majori perspicuitate; sit



## CAPVT DECIMVM.

## S E C T I O I.

*Utrum sit licitum sequi opinionem minùs Probabilem faventem libertati, emolumento aut voluptati: in concursu Probabilioris, stantis pro Officio, lege, præcepto & honestate? Et primò Aperitur hujus quasi status, & Propositio totum Laxitatis Moralis fermentum continens, multis jam profulgata ostenditur præjudiciis.*

Nu. **H**IC ante omnia aperiendus est hujus Quæstionis status, qui in 1. hoc consistit. Utrum scilicet qui omnibus sibi cognitis, tum Authoritatibus, tum rationum momentis, iisque accuratius inter se librat, in ea est opinione tanquam Probabiliore: quidpiam aliqua lege, præcepto aut prohibitione illicitum esse; id tamen tuta conscientia possit facere; ex eo præcisè quod aliunde, nonnullæ aliæ Authoritates vel rationes suppetant, quæ licitum, esse id ipsum probare videantur; quamvis illas judicet minoris esse ponderis, quàm eas quibus illicitum esse probatur

Secundam hanc partem sequuntur omnes Antithomistæ, asserentes opiniones etiam minùs Probabiles sufficere ad securitatem conscientiæ; modò sint Probabiles: idest, aliquâ ratione vel Authoritate nitantur: & quamvis in modo explicandi dissideant, variasque modificationes adhi-

N

beant: tamen merum fucum rebus faciunt, cum omnia hoc unum continent, nimirum *ut opiniones videantur esse Probabiles*, non enim curant de veritate, sed de rerum Probabilitate leu verisimilitudine.

At Thomistæ cum Angelico contendunt semper esse præferendas & eligendas opiniones Probabiliores ac tutiores, pro officio, lege, præcepto & honestate stantes; relictis opinionibus libertati, lucro aut voluptati indulgentibus: quæ sententia aded humana est, Christiana ac Religiosa, ut ferè haud indigeat probatione. Nam qui legi Dei æternæ (quæ ut ait D. Augustinus, voluit Deus, ut omnia essent ordinatissima) cæterisque legibus ab ea derivatis, quantum in se est, obtemperavit; illam primi hominis rectitudinem quoad potuit, in se reparavit: ac de illo dici potest illud D. Gregorii *omnia complevit*, (quia) *quod potuit fecit*. Neque enim aliud, aut quid majus, quàm quod possumus, à nobis exigit Deus opt. max. Quod sit ab eo, qui sincerè coram Deo ac suæ salutis æternæ intuitu sequitur, id quod existimat probabilius ac tutius.

Quantum igitur ad propositionem Magistri Philosophiæ, in eâ profliganda non diu inmorabimur: tùm quia jam aliàs dissertatione integra, lib. cui Titulus est, *Securiores semite Moralis Theologiæ*, hanc confutavimus: tùm quia damnata est à Facultate Pictaviensi anno 1665, quæ in eam hanc tulit censuram. Hæc propositio (inquit) *falsa est & temeraria & in varias Morum corruptelas inducens* Quam censuram confirmavit Facultas Parisiensis, ut supra dictum est. Præterea, eadem propositio per scripta est à Tribunali Inquisitionis anno 1664. die 15. Januarii in condemnatione libri Caramuëlis cui præfixus erat hic titulus. *Apologema pro antiquissima & universalissima doctrina de Probabilitate*.

1. Deinde à toto Orbe Christiano exulare coactus est liber idiome Gallico editus, cujus hic erat titulus, *Apologie pour les Casuistes, &c.* cujus libri totam doctrinam continet prædicta propositio: siquidem in eo nulla est, quam non tueatur Apologista tanquam Probabilem. Quod si aliunde, omnis opinio probabilis, est tuta ac sufficiens Morum Regula, ut vult hic Magister Philosophiæ: oleum, totamque (ut aiunt) operam; tùm Papæ, tùm Episcopi Galliæ in vaga Probabilitate profliganda Morum corruptionem inducente, perdidērunt. Quare meritò iure Alexander VII. anno 1663. sequentem prædictæ omninò similem aut huic æquivalentem percussit Anathemate propositionem; *Debet opinio censeri probabilis, modò non constet rejectam esse ab Ecclesiâ ut improbabilem*: At innumera spatia sunt opiniones ac in dies euduntur tanquam Probabiles, in quibus examinandis plurium Summorum Pontificum vita non sufficeret; quæ ex prædicta Probabilitatis Regula, interim admittendæ essent non sine magna æquitatis injuria, atque salutis Animarum pernicie. Quare miror qui ausus sit præfatus Magister hanc propositionem sic ad incudem revocare, ut illam semel & iterum obtuderet: ac Religiosissimum Tribunal Gratianopolitanum circumveniret disseminatio specialiter in ejus ditione ac conspectu hoc lolio, unde per Orbem irrepit; tam falsò interposita Sanctorum Patrum Autoritate seu doctrina: quâ arte omnes facillimè deciperentur nisi præstò ac promptum esset veritatis Antidotum.

Porro apud Sanctos Patres, nullum unquam reperies, falsæ hujus ima-

ginationis indicium; quòd scilicet *verum & falsum nos aequali securitate possint ad cælum deducere: eademque alicuique sit & non licita, designaque esse illicita, quia à novo doctore aut Casuista certa habita sit: sic verò iuste habita, quia Probabilis ipsi visa sit.* Hanc doctrinam docet Dominus Caramuel. Si autem (inquit) *jàm sunt Probabiles opiniones, jam non peccant homines, cum antea peccarent, cum omne Probabile à peccato excuset.* Quod est omninò falsum: & tamen illud tanquam principium certissimum supponunt Adversarii ut videri potest apud præfatum Authorem in sua Theol. Regul. disp. 6. ubi Bassus asserit ex eodem principio: rectam inveniri posse actionem; *Sive juxta unam, sive juxta alteram operentur Morales opinionem.* Unde Archiepiscopus Meclinenfis proscribens à sua Diocessi libros dicti Caramuelis, hanc rationem assignavit, quod scilicet *aperitè profiteretur Caramuel se se studiosè laborasse ut multarum sententiarum Probabiles introducendo, plurima faceret hominibus licita, quæ hætenus estimabantur esse peccata: quasi verò (inquit ille) possit adinventionibus suis, mendacem facere Evangelicum sermonem Domini dicentis: Intrate per angustam portam, &c. juxta quam Christi Domini sententiam meritò ait Sinnichius suo in lib. cui titulus est: Saül Exrex. pag. 262. Profectò tam non potest humana solertia ad semitam cæli adicere digitum unum latitudinis, quàm non potest ad staturam hominum adicere cubitum unum longitudinis.*

## SECTION II.

*Infusum de Probabilitate judicium ex Patrum moribus & vita potius desumendum, quàm ex eorum Scriptis seu operibus. Fundamentum doctrinae Adversariorum omnino subvertitur, tum ratione, tum familiari sed efficaci exemplo: & præcipuè D. Augustini Authoritate.*

Nu. 3. **S**i necesse esset Probabilitatem, seu vagam hanc opinandi licentiam, opinionesque (quas vocant benignas) per Patres confutare: Exceptis paucis, v. g. tribus aut quatuor supra laudatis, invertenda tantummodò esset prolata à Christo contra Phariseos sententia, quâ dicebat. *Quicumque vobis dixerint, facite: secundum verò eorum opera, nolite facere.* Id est, vagæ huic Probabilitati seu remissæ licentiæ hominibus cuncta ferè indulgenti; aspera Sanctorum vita solummodò esset opponenda, non verò eorum scripta, in quibus non nisi rarò, & sæpius nullus omninò de Probabilitate sermo reperitur: non quòd illam ignoraverint, non minus perspicaces ac docti quàm innocentes; sed quòd hanc judicaverint indignissimam Morum Regulam. Certè si quis petivisset ab ipsis, an liceret in ipso suæ salutis æternæ negotio normam admittere, aut tanquam securam sequi semitam, id quod est minus probabile, id est, id quod magis falsum apparet quàm verum; quodque magis in peccatum vergit ac propendet, quàm à peccato revocet; nescio quodnam responsum tulisset. Nam si à multis, quædam amentię ac cujusdam furoris species non immeritò existimatur, minoris Animam immortalem

facere, quam corruptibilis vitam corporis: Quid de eo diceret, qui exponit utrumque periculo damnationis æternæ, ac de illis minorem curam gerit, quàm de veste aut calceamentis? *Si vestimentum empturus* (inquit D. Chrysost. homil. 44. in Matth.) *unum giras negotiatorem & alterum: & ubi meliores vestes inveneris & pretio viliori, ab illo comparas: an non oportet, &c.* Cavet sibi quisque diligenter, ne alumen pro saccaro: fel pro melle aut auricalcum pro auro obrizo accipiat (ex quibus unum alteri simile iudicatur) & pro Anima sufficiet quodcumque Probabile, seu quod idem est, verisimile? Et quod omnem salutis incuriam superat & arguit, *etiam id quod est minus probabile, relicto probabiliori & tutiori.*

4. Ut ergo penitus Probabilitatis Arcem à Magistro Philosophiæ defensam destruamus: sic argumentabimur. Primò: Quicumque laborans scrupulo, suspicione aut dubio, an actio quæ illi instat exercenda, mala sit & illicita; illam nihilominus efficit: malè & imprudenter agit. Sedis, qui in Moralibus opinionem minus Probabilem, libertati, emolumento aut voluptati faventem, in concursu Probabilioris, stantis pro officio, lege, præcepto & honestate, sequitur; laborat scrupulo, suspicione & dubio: nec potest non metuere, quominus mala & illicita sit actio seu id quod operatur: Ergo male & imprudenter agit, ac subindè in re gravis momenti, graviter quoque delinquit.

Major ab omnibus, etiam à Valquezio, & Sanchez à Cardena citatis, ceu vera & indubitata admittitur, admittendaque ex hoc Theologico Axiomate. *Qui amat periculum, peribit in illo* Probat. Quod maximè contingit, quando quis non obstante dubio, quò hinc & inde, æquali lance distrahitur vel potius detinetur æqualiter suspensus: spontè tamen ac liberè, sine prævia alia majori ratione in actum prorumpit & operatur. Et idem dicendum est de suspicione deliberata: de qua ait D. Augustinus. *Sunt qui per malevolas de fratribus suspensiones, proprias interficiunt Animas.* Neque secùs sentiendum est de scrupulis quibus nonnulli ex conscientia erronea quandoque in planum ipsum gravissimè impingunt, in iis etiam rebus, quæ aliunde secundum se essent innoxie.

Minor ergo in qua una est difficultas Probat. & à minori ad majus explicatur. Si quis in dubio positus, in quo inter duo, est æqualiter suspensus, id est, anceps, an id, quod agendum est, sit peccatum mortale, nec ne: nihilque hac cogitatione aut suspensione moratus, operatur: mortaliter peccat, ut omnes fatentur. Et longe potiori jure peccabit ille, qui ex hoc æquilibrio recedens: si id quod est agendum, magis illicitum quàm licitum, & malum potius, quàm bonum sibi videatur: At, talis est quicumque opinionem minus Probabilem sequitur relicta probabilior ac tutiore; quæ ob aliud respectu illius non dicitur probabilior ac tutior; nisi quia verior ei videtur & à peccato remotior, utporè legi æternæ conformior, cujus omnes aliæ leges sunt quædam participationes, quæ per opiniones minus probabiles, voluptati, lucro aut libertati indulgentes, infringuntur ac delentur: Ergo malè ac perperam agit, qui opinione probabilior ac tutiore relicta, minus probabilem sequitur. Quid ad hæc Philosophiæ Magister?

5, Explicatur magis. *Qui omnia timet stultus est, inquit Aristoteles:*

qui verò nihil timet, stolidus. Qui ergo operatur ex opinione minus probabili, relictâ probabiliori; aut timet: & si hoc timore non obstante, agit, sine dubio (periculo peccandi se exponendo) peccat, ut fatentur omnes: aut nihil timet, sicque stolidus est, nihil metuens, ubi est tanta ratio metuendi.

Declaratur denuò communi quidem; sed familiari exemplo. Tullius per sylvam densissimam transiturus, negligit, vel potius respuit comitatum & consortium Militum, quibuscum tota securitate iter suum conficere posset: aliamque inquit viam ac transeundi occasionem, Tullio occurrit Petrus, & quandam ipsi indicat semitam, quam asserit esse securam. Postmodum idem Tullius obvium habet Paulum, qui semitam hanc seu viam ait esse periculosam. Hac diversitate testimoniorum contrariorum, ita suspensus est Tullius, ut prudenter non valeat ulterius progredi: sunt enim duo illi homines (ut supponitur) æqualis fidei.

Sub hac accipiti cura & anxii animi sollicitudine, ex eadem sylvâ egreditur Semphronius asserens reipsâ in hac via reperisse sanguinem recentem effusum & clamorem audivisse: sed se nescire an hic sanguis sit ex aliqua fera à venatore læsa; an verò à viatore vulnerato aut occiso à prædone (quæ omnia probabilitatem non excedunt) hoc unò, extra omnem controversiam positò, quodd Pauli ac Semphronii testimoniis, merito debeat Tullius existimare probabilius, viam hanc esse periculosam: cui, si his non obstantibus se se spontè committat Tullius: & præcipuè aliâ securiore viâ relictâ, quâ sine periculo posset sylvam pertransire: non tantum imprudens ab omnibus, sed ut fatuus meritisimè reputabitur. Atqui, hæc est vera imago illius qui opinionem minus probabilem sequitur, probabilior ac tutiore relictâ. Metuendum censet Amice Lector pro vitâ corporis: & Antithomistæ non trepidant timore, ubi agitur de morte corporis & animæ, seu ut illorum utar verbis, etiam ubi *de aternitate jacitur alea*.

6. Certè prædictum hoc exemplum ita convincens mihi videtur, ut de opposito vel leviter dubitare, mihi sit prorsus impossibile.

Non tamen satis efficax fuit, ut eo persuaderetur quidam Sacerdos, (cui suscitata erat turba nepotum) quorum amore excæcatus, induci non potuit ad restituendum in ipso mortis articulo, quæ ex pingui beneficio per plures annos simoniacè occupato, acceperat: nam tale beneficium numeratâ pecuniâ, emerat factâ distinctione motivi à pretio, quas nundinas eò securiores existimabat, quodd aliis Probabilitatum tricis non caruissent, quibus sustinuerunt quidam Moderni, quempiani, posse aliquod beneficium emere præscindendo à spiritali (quod quidem fatentur non esse pretio æstimabile) sed habita tantum ratione facultatis inserviendi proximo ac laboris annexi Sacramentorum administrationi. Quasi verò hujusmodi distinctionum chimeris, quibus semetipsos voluntariâ cecitate decipiunt, possent ipsi cordium Scrutatori illudere.

Neque cum dimovere potuit exemplum de Philippo Parisiensi Cancellario relatum, non tantum à Dionysio Carthusiano opusc. de plural. beneficiorum, sed & à Spondano & Malvenda ad annum 1238. qui Guilielmo Parisiensi Episcopo suo, suæ damnationis causam ipse retulit: nempe quodd

relictâ probabiliori ac securiori opinione, *contra sententiam plurimorum plura sine dispensatione beneficia obtinuisse ac retinuisse: sicque periculo moralis culpa se se commississet.* Lege hac de re Cantipratanum, lib. 1. de Apibus, cap. 19. scēt. 5. quem vocat Carthusianus *virum nobilem ac litteratum*, qui integram refert historiam, in perpetuam opinionis minūs probabilis condemnationem. Et vidē si vis aliam authenticam historiam à me relatum pag. 20. de delectu opinionum: ex Cardinali Damiano, viro doctissimo ac Religiosissimo Opusc. 34. cap. 5. de Sancto Severino, quem speciosissima ( si unquam excogitari possit ) Probabilitas, non impeditur quominus vir sanctus acerbissimas Purgatorii flammās diū experiretur.

7. Secundò. Sic impugnatur prædicta propositio. Ad rectitudinem operationis requiritur certitudo saltem moralis de ejus honestate, excludens ( sin naturalem, quæ intrinseca est & essentialis opinioni ) saltem moralem formidinem: quæ provenit partim ex oppositione opinionis contrariæ, partim ex contradictione & prohibitione legis.

Sed qui sequitur opinionem minūs probabilem indulgentem libertati, lucro aut voluptati, in concursu probabilioris stantis pro præcepto, lege, officio & honestate: v. g. qui facit aliquem contractum, quem probabilius existimat esse usurarium ac simoniacum: vel qui in die festo pingit absque necessitate, probabiliter existimans id sibi licere, licet probabilius existimet & securius; reipsâ non pingere: non habet moralem certitudinem: Ergo non recte, prudenter & honestè operatur. Major probatur, quia ut actus sit honestus & moraliter bonus, debet dirigi à prudentia, quæ est generalis humanorum actuum regula; quæque in suo objecto certitudinem moralem requirit, cum sit virtus intellectualis.

Confirmatur ex illo D. Augustini contra Donatistas, cap. 5. *efficere id quod incertum est, an sit peccatum, certum est peccatum.* Atqui pingere in die festo sine necessitate, incertum est an sit peccatum: imò certum, quia ( tanquam opus servile, quod sit luci gratiâ ) prohibitum. Ergo, &c.

Minor etiam non est minus evidens: quis enim audeat affirmare se moralem habere certitudinem de honestate alicujus operationis, quæ magis ei videtur mala quàm bona: & de qua hoc practicum habet judicium. *Cum hac actio sit contraria præcepto, legi, officio & honestati, probabilis est, hanc esse malam & illicitam.*

8. Hic me non latet subterfugium eorum quos vocat Celladeus *Reflexistæ*, qui ex reflexione supra Probabilitatem ex natura sua incertam, existimant sufficere se rebus aut actibus conferre certitudinem. Quasi verò nostra scientia aut reflexio esset causa rerum, & non potius causata à rebus: aut ille, qui cogitans non potest ad staturam suam adjicere cubitum unum: possit suâ cogitatione reflexa ( quam magis obesse, suo loco, quàm prodesse, ostendemus ) certitudinem quam ex se non habent, in rebus causare.

Signanter dixi reflexionem fieri ab Adversariis, supra Probabilitatem ( quæ est ipsis loco hastæ & clypei. ) Quæ reflexio suam secum fert confutationem: licet enim aliquando ex reflexione supra aliquid extrinsecum periculum, aliquis pateat aditus justæ probabilitati, qualis est illa, quæ à Christiana prudentia adoptatur; ut cum Baptismus ob mortis periculum



confertur cum materia probabilis & dubia in lixivio, v. g. omni aliâ deficiente materiâ certâ

Attamen quando supra ipsam Probabilitatem solummodò fit reflexio ( ut volunt ) tantum abest ut Probabilitas prosit, aut ad securitatem conscientie sufficere possit, quin potius augeat scrupulum & peccati periculum. Potest enim quis aliquando excusari à peccato, saltem à tanto, ex indeliberatione aut motu repentino: At ubi fit ista reflexio supra nudam Probabilitatem, est plena deliberatio & advertentia, quæ perfectè ostendit illud esse probabile, nec Probabilitatis metas excedere, & consequenter semper remanere tantummodò probabile seu verisimile, ac proinde incertum; subindeque de ejus opposito, in re gravi, semper metuendum esse. Legatur interum Cardenas disp. 15. de Probabilitate, pag. 216. nu. 324. ubi ait nihil ait novi, aut impugnando P. Baronium, passim & ibidem nominatim ejus agit vindicias: admittit enim reflexionem ratione periculi in puero morituro, quem, ut aiebat Baronius, in eo casu baptizare licet in materia probabilis, v. g. in lixivio, nunquam verò ratione Probabilitatis etiam reflexæ, quam unice tuetur Cardenas.

Tertiò. Probatur ex Scriptura, Deut. 16. mandatur ut Dei præcepta custodiamus *ex toto corde & ex tota anima*. Et Ps. 18. dicitur: *Tu mandasti mandata tua custodiri nimis*; id est, quantum quisque scit & potest. Idem Matthæi 7. nobis præcipitur ut intremus *per angustam portam & arctam viam*. Sed nihil horum faciunt, qui opinionem minùs probabilem sequuntur & ambiunt, quæ hanc sine dubio latissimam viam instituit, quæ ducit ad perditionem: nam juxta opinionem minùs probabilem reperies apud Casuistas unde luxui, in pauperes crudelitati, avaritiæ, delitiis, symoniæ, usuris, vindictæ: unò verbò, omnibus ferè vitiis, quàm facillimè: indulgeas.

9. Confirmatur. Si Apostolo 1. ad Thess. 5. v. 22. dicenti: *Omnia probate; quod bonum est tenete; ab omni specie mala abstinete vos*; palàm contradicere voluisset Philosophiæ Magister, ac contra ipsum omnibus suadere extremum salutis neglectum: quid, quæso, compendiosius aut efficacius ad id efficiendum dicere potuisset, quàm quod muto ore intonat evulgatâ hac suâ propositione: *Licetum est sequi opinionem minùs probabilem in moralibus relictâ probabiliori ac tutiori*; Id est, quæ magis apparet falsâ quàm vera, & mala potius quàm bona? Hic enim est character inseparabilis, vel potius essentia opinionis minùs probabilis, prout à probabiliori distinguitur.

Quartò. Probatur eadem Conclusio. Sicut ad percipiendam temporis durationem Deus Opt. duplicem nobis regulam concessit, scilicet motum primi mobilis, & varia Mathematices instrumenta, puta horologia solaris, quibus primum hujusmodi motum certò percipiamus: Ita & pro directione vitæ, duplicem dedit nobis morum regulam; nimirum legem æternam, & legem naturalem cordibus nostris insitam; quæ non potest habere rationem Regulæ operationis rectæ, nisi sit conformis legi æternæ, quâ Deus efficit ( inquit D. August. ) ut omnia sint ordinatissima; sicut nec horologii machina artificialis, potest esse justa motuum inferiorum mensura, nisi sit conformis primo Mobili, cujus motum imiteretur ac sequatur.

Sed lex naturalis, seu dictamen illud rectæ rationis nobis inditum, velut loquitur Vates regius, illud signatum super nos lumen divini vultus, quando opinionem minus probabilem sequimur, nequidem apparetur aut in speciem legi æternæ conformatur; cum ex opinione huic opposita & probabiliore contrarium hujus conformitatis ostendatur. Ergo tunc exerrat illud dictamen, ac subinde non potest esse recta morum regula: & sicut pessimum esset horologium, quod sextam aut aliam ostenderet horam, eo tempore quò deberet duodecimam designare: ita & mala censenda est morum regula, opinio minus probabilis, quæ ex se ducit in id quod potius falsum & malum judicamus, quàm verum & bonum: (In hoc enim è diametro opponitur opinio minus probabilis probabiliori:) cum tamen proprium munus veræ regulæ moralis, sit certò & infallibiliter ducere in verum & bonum, quantum fieri potest.

Quintò. Qui facit opus quod probabilius credit posse amico suo displicere, etsi etiam probabiliter credat non displicere; amicum contemnit, & manifestè peccat contra leges amicitiae, quia sic agit, ut etiamsi contingat amicum lædi, non curet: si enim timeret illum lædere, vitaret omne periculum lædendi ipsum. Sed qui sequitur opinionem minus probabilem; v. g. qui pingit in die festo sine magna necessitate, facit opus quod probabilius judicat Deo displicere: Ergo peccat contra legem amicitiae, quam Deo super omnia tenetur exhibere.

Probatur sextò. Licet ignorantia invincibilis (quia tollit ab actu rationem voluntarii) excuset à peccato; non tamen ignorantia vincibilis, quæ voluntarium includit. Sed qui sequitur opinionem minus probabilem, quam contingit esse falsam, & legi æternæ minimè conformem, relicta probabiliore, quæ eidem magis videtur conformis: non habet ignorantiam invincibilem veritatis, sed vincibilem & culpabilem, tum quia ratione formidinis annexæ opinioni minus probabili, errorem suum jam aliquo modo prævidet; tum quia veritatem etiam utcumque contemnit, probabiliorem relinquendo opinionem veritati conformiorem. Ergo ille qui sequitur opinionem minus probabilem, faventem libertati, lucro aut voluptati, relicta probabiliore stante pro lege, præcepto & honestate, non excusatur à peccato.

Confirmatur 1. ratione morali. Non debet homo esse minus prudens & cautus in iis quæ ad salutem animæ spectant, quàm in his quæ ad vitam & sanitatem corporis pertinent: sed qui in istis uteretur opinione minus probabili, incautè, imprudenter & stultè ageret: v. g. qui medicamentum aut alimentum sumeret, quod probabilius putaret esse mortiferum, quamvis crederet minus probabiliter esse sanum: Ergo potiori jure imprudenter & malè agunt, qui æternam animæ suæ salutem opinioni etiam minus probabili committunt.

Confirmatur 2. ex inconvenienti. Nam semel admisâ hac præfatâ propositione de sequenda opinione minus probabili, ruit tota moralis Theologia: cum enim nulla ferè sit veritas moralis, quæ rationibus in contrarium agitari non possit: nulli dubium est quin successu temporis ex facultate opinandi, omnis morum regula averti possit, non solum in præceptis humanis, verum etiam in naturalibus & divinis; cum de ipsis quandoque nobis

nobis rationes non suppetant evidentes; possitque quivis sagax falsas & apparentes excogitare rationes, juxta suum affectum, ut multis exemplis prosequitur noster Mercorus.

Denique ne actum agamus iterum, vide si lubet, quæ hac de re aliàs scripsimus de opinionum delectu; ubi ostendimus à præfata doctrina vagæ Probabilitatis abhorrere omnia vitæ humanæ officia, in quibus semper eligitur id quod est melius.

Vagam dixi, nam remissior non potest excogitari, quàm quod licitum sit sequi ( ut vult P. S. Ju ) opinionem minus probabilem, quâ, ut ibid. ostendimus, vel ut melius dicamus: ex principiis Probabilitatis qualia jaciuntur ab Adversariis, gravissima scelera quàm facillimè excusarentur, ut pater in peccato Adami, Evæ, Sautis, Robohami, &c. in quibus facilè reperiuntur omnia Probabilitatis principia à Defensoribus Probabilitatis posita.

### S E C T I O III.

*Adversariorum hic præcluditur subterfugium, & principalis conclusio roboratur argumentis & exemplis evidentioribus: Ac duplex formido in opinione necessariò distinguenda declaratur.*

II. **Q**uia superiùs Conclusionem secundâ diximus nos posse & aliquando debere probabilem sequi opinionem, potissimum urgente aliquâ agendi necessitate; duo hic annotanda sunt ad evitandos Adversariorum cavillos. Primum, nos fateri omnem opinionem semper habere aliquam dubitationem sibi annexam. ( Aliàs non esset distincta à scientia. ) Unde merito ait D. Bernardus, lib 5. de Confid. cap. 3. *Opinio, si habet assertionem, temeraria est.*

Attamen hoc est notabile discrimen inter dubitationem ex opinione etiam probabiliori relictâ, quòd ille qui tunc juxta illam operatur, habet judicium moraliter certum: ( facit enim totum quod potest, dum urgente agendi necessitate, sequitur id quod illi apparet probabilius & tutius: ) secùs verò qui operatur cum dubitatione relictâ, ex opinione minus probabilis, spretâ aut neglectâ probabiliori.

Explicatur. Cum formido sit opinioni essentialis, impossibile est ut sit opinio, & ea sit experta omnis formidinis: semper enim opinio includit ac secum fert formidinem naturalem, quæ provenit 1. ex inevidentia rei: 2. ex debilitate argumentorum, quibus opinio munitur: 3. ex adversæ sententiæ paribus aut validioribus argumentis & rationibus.

At quando remanet formido ex opinione minus probabilis ( quæ formido, nedum naturalis est, sed & moralis ) undequeque proveniat, qui tunc cum illa operatur, malè & imprudenter operatur, & maxime si proveniat ex prædicto capite tertio, scilicet ex validioribus contrariæ opinionis probabilioris rationibus. Unde ait D. Thomas, quodl. 8. a. 13. *Si ille qui habet plures præbendas in quandam dubitationem inducitur ex contrarietate opinionum, si manente tali dubitatione, plures præbendas habet, periculo se committit; & sic dubio procul, peccat: utpotè magis amans beneficium temporale, quàm suam salutem.*

Cum verò tantum superest naturalis formido, neque ullum aut erroris aut peccati est periculum, ut in secunda Conclusionem diximus, nihil verat quominus opinionem probabilem aliquando sequamur, & maxime in casibus expressis nonæ & undecimæ Conclusionis.

12. Alterum quod summo perè velim notatum, illos scilicet maxime hallucinari, qui existimant nos asserere absque ulla restrictione quempiam teneri semper sequi id quod in se ac verè est probabilius. Quod nunquam nobis venit in mentem, quodque dicimus humanam excedere facultatem: sed duo distinguimus. Primum, quod verè & à parte rei in se est probabilius. Alterum, quod licet in se fortassis non sit tale, tamen probabilius ab eo qui debet operari, æstimatur.

Primum igitur non suademus, quia, ut dictum est, sæpè excedit facultatem creaturæ, cui, ad hoc perfectè cognoscendum, necessaria quoque esset perfecta legum, Scripturæ, Traditionis & Conciliorum notitia, aliarumque innumerabilium rerum non mediocri peritia. Alterum verò quod tuentur Thomistæ, quodque existimamus necessarium, ut iudiciò nostrò nunquam possit quispiam benè & prudenter agere, nisi id sequatur quod post sufficientem diligentiam secundum Deum pro rei gravitate, ac suæ salutis æternæ intuitu (quam in omnibus in tuto debet habere) ei appareret probabilius: semper reclamante in oppositum conscientia, dubiis ac scrupulis vexatà, si secus operetur.

Sicque potest aliquando contingere, ut aliqua opinio sit in se probabilior, quæ tamen alicui minus probabilis videbitur, & ita eam sequi nequaquam poterit; & alia verè minus probabilis, quam nihilominus amplecti teneatur, ex eo solo quod ei probabilior videatur, idque propter proximam conscientie regulam, scilicet dictamen rationis, quæ est quædam legis æternæ (quæ dicitur summa ratio in mente divina existens) impressio & denuntiatio, ut ait D. Thomas 1. 2. q. 19. a. 4. ad 4. *Licet lex æterna sit nobis ignota, secundum quod est in mente divina; nobis tamen aliquoties innoscitur, vel per rationem naturalem, quæ ab ea derivatur ut propria ejus imago, vel per aliquam revelationem superadditam.*

Et qui sic agit, sufficientem habet certitudinem moralem legibus sibi concinentibus, suæque habens aliunde testimonium conscientie; quorum duorum defectu, frequentius peccatum committitur, ut ex D. Tho. statim dicemus. Quod ita indubitatum nonnulli arbitrantur, ut tanquam de fide certum id existiment ex illo ad Rom. 14. *Omne quod non est ex fide, peccatum est.* Id est, quod sit conscientia reclamante, & synderesi exprobrante. Nam quod est contra conscientiam (inquit D. Thom. quodl. 8. a. 13. est malum: ex conscientia autem obligatur aliquis ad peccatum, siue habeat certam fidem de contrario ejus quod agit; siue habeat opinionem cum aliqua dubitatione. Verum, si in testimoniis æqualibus, ut supra ostensum est, quis dubius seu anceps efficitur, impossibile est ut non inducatur in dubitationem, qui sequitur opinionem minus probabilem, liberrati, lucro aut voluptati indulgentem: in concursu probabilioris, pro officio, lege, præcepto & honestate stantis.

13. Explicatur magis. Cum conscientia sit iudicium, quod voluntati indicat, quid ipsa agere vel non agere debeat; conscientia dicitur erronea,

quando intellectus (quem voluntas sequitur) aliter de objecto judicat, quàm sit à parte rei, seu licitum æstimat, quod est illicitum; vel illicitum quod licet.

Quo ex malo fonte apud scrupulosos innumera scaturiunt peccata, secundum majus aut minus pravum intellectus judicium, quod sequitur voluntatis affectus. Ita quis existimans se certo tempore debere jejunare, aut à carnibus abstinere: cum tamen nulla sit tunc temporis abstinence præcepta, nullumque indictum jejunium, si manente tali cogitatione, non jejunat nec abstinere, reus peccati efficitur secundum qualitatem dubii.

Ratio fundamentalis est, quia bonitas nostrarum operationum pendet non tantum à fine & circumstantiis, sed etiam & maxime ab objecto quod sit conforme legi æternæ. Verum, quia ignoramus in multis quid lex æterna prohibeat, aut quid pro honesto ac licito admittat Deus Opt. pro secunda regula constituit nobis dictamen rationis, cui (ubi hæc certior regula non innoteſcit) obedire debeamus.

Et quamvis aliquando contingat illud dictamen esse erroneum, non propterea amittit rationem regulæ, ut docet D. Thomas 1. 2. q. 91. a. 3. ad 3.

*Quia, inquit, non oportet ut omnis mensura sit omnino infallibilis & certa; sed secundum quod possibile est in suo genere.* Sicut igitur Rex prudenter præcipit militibus, ut in omnibus Tribuno obtemperent, quamvis posse aliquando errare Tribunal ipse prævideat; quia majus est bonum quod ex tali obedientia ut plurimum provenit, quàm malum quod ex opposito non nisi raro contingit: Ita convenientius divinæ Providentiæ visum est, nostræ voluntati præcipere, ut in omnibus, ubi veritas certa non eminet, rationis judicium sequeretur ex principiis moralibus naturaliter notis, quamvis prospiceret intellectum humanum ex innata sibi imbecillitate aliquando erraturum; & consequenter voluntatem tunc non fore prorsus immunem ab errore. Et licet dictamen erroneum formaliter ut erroneum, non possit legi æternæ (quæ semper recta est) conformari: tunc saltem conformatur secundum apprehensionem, in iis dumtaxat, quæ quis scire nec potuit, nec debuit: & quæ non sunt mala, nisi quia prohibita; non verò in aliis, in quibus jus naturæ violatur; quod per se vix unquam latere potest, nisi forte in quibusdam remotissimis conclusionibus.

Ex quo patet quàm graviter hallucinentur, qui existimant rem per se malam, posse fieri bonam & meritoriam ex fine & bona operantis intentione, quamvis ex se mala sit ex fine operis. Itaque exerto ore palam se reum confitetur Apostolus, seque hoc indignum nomine proficitur, quod Dei Ecclesiam persecutus sit: atque misericordiam se consequutum fuisse, quòd ignoranter fecisset in incredulitate, quam si à tanto potuit in eo legis æmulatio seu zelus excusare, non tamen à toto, nec illam aded injustam persecutionem efficere meritoriam, ut commenti sunt quidam Neoterici, de quibus infra fusiùs in 1. appendice.



## SECTIO IV.

*Ultra metas iuste excusationis extenditur ignorantia juris naturalis à Defensoribus Probabilitatis, qui maximè hallucinantur, cum ex ignorantia juris positivi etiam divini, ad ignorantiam juris naturalis similem trahunt consequentiam.*

14. **D**ixi jus naturæ vix omninò latere posse. Nam, ut ait D. August. Nullus est qui faciat alteri injuriam, nisi qui fieri sibi nolit : & in hoc transgreditur naturæ legem, quam non finitur ignorare, dum id quod facit non vult pati.

Et enarrat. in Pf. 57. *Quis de iustitia, inquit, interrogatus, quando non habet causam, nonne facile responderet quid sit iustum? Quandoquidem manu Formatoris nostri in ipsis cordibus veritas scripserit (Quod tibi non vis fieri, ne facias alteri) Hoc & antequam lex daretur, nemo ignorare permissus est, ut esset unde iudicaretur, etiam quibus non esset data. Sed ne sibi homines aliquid defuisse quererentur, scriptum est in tabulis, quod in cordibus non legebant, &c. Oppositum est oculis eorum, quod in conscientia videre cogerentur, & quasi forinsecus admotâ voce Dei, ad interiora sua homo compulsum est. Cui, ut ait sanctus Præsul, non d'putatur ad reatum, quod naturaliter nescit, & naturaliter non potest, sed quia scire non studuit, nec dignam facultati compendende operam dedit.* Legendus sanctus Antistes, lib. 3. de lib. arbit. c. 19. Excusare ergo potest ignorantia invincibilis facti & juris positivi etiam d. vini. At longè difficilius excusabit ignorantia juris naturalis.

Rationem assignat D. Thomas 1, 2. q. 94 a. 6. *Quia (inquit) communissima legis naturæ præcepta (quæ sunt veluti cognitionis nostræ semina) sunt omnibus nota.* Et quamvis circa aliquas conclusiones aliquis errare possit ex passione, vel mala consuetudine, non tamen definit in hoc peccare & transgredi legem naturæ: unde ait D. Thomas ibid. a. 5. *Apud Germanos olim latrocinium non reputabatur iniquum (cum tamen sit expresse contra legem naturæ) ut refert Julius Cesar. Qui proinde à peccato minimè excusandi erant: tùm quia faciebant alteri quod sibi nolebant fieri: tùm quia, ut ait D. Thomas infra laudandus, quod est contra legem semper est peccatum: & si forè ignorantia excuset à tanto, non tamen à toto.* Et sicut ille non excusatur ab homicidio, qui culpabiliter inebriatus hominem occidit, ita nec is qui pravam habitum contraxit excusandus erit à peccatis quæ ex eo postmodum perpetrabit: quod tùm maximè contingit quando talis ignorantia est pœna peccati, ob quod super illicitas cupiditates repurguntur pœnales cæcitates, id est, iustè à Deo in tenebris relinquuntur peccatores. Unde ait D. August. lib. 3. de lib. arb. cap. 18. *Ille peccati pœna iustissima est, ut amittat unusquisque, quo bene uti nolit, cum sine ulla posset difficultate si vellet: id est, ut qui sciens recta non facit, amittat scire quod rectum sit: & qui rectè facere cum posset, nolit: amittat posse cum velit.* Lege Scripturam de Antiocho: aliisque perditissimis, qui etsi cum in profundum venerint contemnant & in rebus pessimis exultent ac latentur eum male fecerint, non ideo excusantur a gravissima transgressione le-

gis naturæ, quam ex toto sic nemo delere potest, quin ut ait D. August. in Pl. 57. in eo *adjs. conscientia accusatrix: tortor, timor: & si vox veritatis non clamet in ore, vociferetur tamen in corde.* Et qui secus sentiunt aut suadere nituntur, non parùm hæreticis favere videntur asserentibus liberum hominis arbitrium fuisse penitus extinctum per primum hominis peccatum.

15 Nec minùs aberrare à veritate existimantur, qui ex ignorantia invincibili legis positivæ etiam divinx, ad invincibilem legis naturæ ignorantiam, similem trahunt consequentiam & argumentantur. Ratio enim discriminis est aperta: quia quæ sunt juris positivi non habent necessariam connexionem cum lumine naturali, sicut ea quæ sunt ex lege naturæ, quæ etsi infirma sit, potest tamen aliquando convalescere: Neque nos voluit Deus opt. relinquere sine hoc semine, ne sicut Sodoma & Gomorha essemus. Unde ait D. Augustinus lib. 2. de serm. Domini in monte cap. 9. *Nullam esse animam quantumvis perversam, in cujus conscientia Deus non loquatur.* Seu ut idem loquitur lib. 3. de lib. arb. c. 9. *cum Deus ubique sit presens multis modis per creaturam sibi servientem aversum vocat: docet credentem: diligentem exhortatur; conantem adjuvat: exaudit deprecantem.* Legendus de Gen. ad litt. lib. 1. cap. 5. & nominatim lib. 1. de pecc. merit. cap. 36. *Etsi damnabiliora (inquit) peccata sunt, quæ ab scientibus committuntur: tamen si ignorantias peccata nulla essent, hic non legeremus: delicta juventutis meæ & ignorantias meas ne memineras.* Quod confirmat ex illo Salvatoris Lucæ 12. (Servus qui cognoscit voluntatem Domini sui, & non facit, vapulabit multis: qui autem non cognovit, & fecit digna plagis; vapulabit paucis.) Sancto Præfuli concors est D. Greg. homil. 31. in Evang. *Tertio (inquit) Dominus vineæ ad ficulneam venit: quia naturam generis humani ante legem, sub lege, sub gratia, expectando, admonendo, visitando requisivit: venit ante legem (nota) quia per naturalem intellectum quod unusquisque exemplo sui erga proximum agere debuisset, innotuit. Venit in lege, quia præcipiendo docuit: venit post legem per Gratiam, quia sua pietatis præsentiam exhibendo monstravit. Sed tamen in tribus annis fructum se non invenisse conqueritur.*

## SECTION V.

*Predicta doctrina quæ nimium indulget ignorantia juris naturalis, magis profligatur, Auctoritate præsertim D. Thomæ.*

16. **C**onsueta sua subtilitate hoc explicuit Doct. Angelicus de verit. q. 17. ar. 4. ubi inquirens *Virum conscientia erronea liget?* ad 1. ait: *Dicendum quod conscientia erronea errans in his, quæ sunt per se mala, distans contraria Legi Dei: quamvis conscientiam sequens, & eam opere implens contra legem Dei faciens mortaliter peccet: quia in ipso errore peccatum erat, cumingeret ex ignorantia ejus quod scire debebat.*

Cumque sibi objecisset Dominum temporalem non imputare ad peccatum quod committitur ex errore: & potiori jure Deum opt.

O iij

Ad 5. ait, argumentum hoc concludere verum quando ipse error non est peccatum: utpote cum contingis ex ignorantia facti. Si autem ex ignorantia juris est; sic non concludit quia ipsa ignorantia peccatum est: sic enim apud judicem secularem non excusatur, qui ignorantiam juris, quod scire debet, allegat. Hæc Doctor Angelicus.

Quales verò sint illæ conclusiones à primis Morum principiis remotiores, ad jus naturæ spectantes, in quibus delinquens aliquando possit aut debeat à peccato excusari; ut communiter dicunt: Existimo posse id contingere in quibusdam præceptis negativis & præcipue aliqua circumstantia vestitis: v. g. qui existimaret se licite posse quidpiam furari ad dandam elemosinam: vel mentiri ad propriam vel alienam vitam tuendam: At an per id, quod dixit D. Thomas, ex illa quæ est contra legem, ignorantia, propter quam (inquit) *Excusatur forte quispiam à tanto, non verò à toto.* An (inquam) per illud diminutivum, id ipsum quod ex genere suo erat mortale: fiat tantum veniale, propter talem ignorantiam; subtilioribus & audacioribus ex animo definicndum relinquo. Dicere verò (ut quidam volunt) peccatum contra æternam legem, non esse verum peccatum nisi sit ex malitia aut ignorantia crassa; existimo id esse falsum & contra expressam mentem D. Thomæ, periretque ab eo posita divisio quodl. 8. juxta quam aliquis peccat aliquando contra legem & non contra conscientiam, ut legenti patebit: & secus, numquam esset materialis transgressio legis, quin esset & formalis: prædicta enim & quæ sequuntur, tantummodò inferenda duxi, ut omnibus innotescat, quantum abhorreat communis Sanctorum Patrum doctrina, ab hac lata ignorantie invincibilis, presumptione, in qua præsidium tale sibi constituunt Moderni, ut peccatum esse non existiment nisi perfecta fuerit mali evidentia: Cum tamen Christiana à nobis exigit prudentia, ut non solum ab aperto malo declinemus, sed etiam ab omni specie mala caveamus: dixi hanc esse communem Sanctorum Patrum doctrinam: Etenim ut D. Bernardi Epist. 77. ad Hugonem, verbis utar; *Illorum tantum sententias opponimus & verba proferimus.* Qui loquens de nova Christi lege positiva, quæ non obligabat ante sufficientem illius promulgationem, statimque adjungens differentiam legis naturalis, ait: *neque enim talis est hoc, quod & absque promulgatione, naturalis lex ignorare non sinit, quale v. g. est illud: Quod tibi non vis fieri, alii nefeceris.* Et ibid. *Is forsitan (inquit) qui asserit non posse peccari per ignorantiam, numquam pro suis ignorantibus deprecatur, sed potius Prophetam irridet deprecantem & dicentem; Delicta inventus es mea & ignorantias meas ne memineris.* Forsitan & reprehendat Deum exigentem pro peccato ignorantie satisfactionem.... Si peccatum ignorantie nullum est: non ergo peccavit Saulus.... Quid causamur ergo adversus occisores Apostolorum.... (qui arbitrabantur se obsequium præstare Deo?) sed & frustra in Cruce Salvator pro suis orabat crucifixoribus, quippe nescientibus (ipso teste) quid facerent & ita nequaquam peccantibus legatur totus S. Bernard. At, quid quæso dixissent S. S. Patres de fictitia illa & hæcenus inaudita vitali Cardenæ ignorantia ab ipso excogitata, quæ omnem opinionem etiam minus probabilem imbuat, quamque dicit invincibilem: cum tamen omni jure vinci debeat ac possit delectu opi-



nionis probabilioris ac tutioris, pro lege, officio, & honestate stantis; ob rationes superius allatas, aliasque fusiùs expendendas, ex quibus evidentiſſimè colligitur, temerarium esse legibus sic illudere ex tricis prætenſæ hujus ignorantia invincibilis vitalis aut aliis glossis humanæ rationis per Probabilitatem excogitatis: quib. coërcendis ac regendis necessaria est disciplina cælestis, quæ ut ait D. August. tom. 1. lib. 2. de Ord. c. 8. *Est ipsa Dei lex, quæ apud eum fixa est & inconcussa*: cujus participatione rectè regimur dum probabiliora, tutiora ac salutis viciniora sincere intuitu ultimi finis æmulamur ac sequimur: quod ut facere possemus, data est nobis à Deo Synderesis, quæ est habitus naturalis primorum principiorum moralium, qui se habet determinate ad bonum, ut ait D. Thom. 1. p. q. 79. ar. 12. & 13. non verò indifferenter ad bonum & malum; utpotè quod est proprium Probabilitatis officium. Quare etsi rationem debeamus consulere, non tamen integra fides est ipsi in dubiis adhibenda; ubi certionem regulam habere potuerimus: unde ait D. Thomas 1. 2. q. 19. a. 6. ad 2. *Lex aeterna errare non potest, sed ratio humana potest errare: & idè voluntas concordans rationi humana, non semper est recta: nec semper est concordans legi aeternæ.*

Ut autem Supremus Moderator Deus, huic malo quantum in ipso erat, mederetur: supernæ ac certionis alterius legis singulari munere nos donavit; quam ut magis confirmaret incarnatus est ejus Unigenitus, inquit D. Thomas 3. p. q. 1. a. 2. *Ad rectitudinem operationis in qua nobis se exemplum præbuit.* Cui in his quæ palam prohibet aut præcipit, non licet contradicere ex tricis & adinventionibus rationis humanæ quæ tota in hujusmodi videtur occupata pro defensione Probabilitatis. Totius hujus doctrinæ Fidejussorem habemus Angelicum Doctorem passim, & locis supracitatis, maximè verò, in hæc verba Job (indica mihi cur me ita judices) *Scribebat enim (inquit) quod rationis investigatio ad veritatis terminum pervenire non potest, nisi divinitus doceatur.* Quæ ergo major rerum subversio, quam velle de fide per rationem judicare: cum potius ratio humana utpotè defectibilis, sit per fidem & auctoritatem divinam corrigenda, quæ est suprema & infallibilis Regula?

## SECTION VI.

*Hic in antecessum ostenditur periculosum Probabilitatis Axioma ex aliena conscientia accersitum: in ultimo cunctis prorsus confutandum. Nec securior est speciosus Probabilitatis prætextus, quòd lex penalis non obliget in conscientia.*

17. **U**Rgeo magis. Hoc lumen Divini vultus supra nos primò signatum, & in decalogo veluti accensum denuò; quamvis in multis obscuratum, numquam tamen totaliter fuit extinctum: cum in ipsis rebus practicis relicta sit nobis Synderesis, & ab ea procedens conscientia, quæ sunt veluti Censores domestici, ac fidelissimi Animæ Pædagogi quibus nunquam potest os obstrui, dum aliquid mali agimus.

Sed quia nec illorum ferre censuram, nec ipsis silentium valebat imponere Probabilitas: mira calliditate conata est has ab invicem separare, & conscientiam domo pellerè ac procul abigere: Suadens (contra dictum Apostoli 1. cor. 10. qui nolebat libertatem suam ab aliena conscientia judicari) veram agendi libertatem non nisi in aliena conscientia certò reperiri: asserens in dubiis & obscuris, in quibus quispiam conscientiam propriam quasi fræno (ne in actum temerè prorumpat ac se præcipitem det) cohibetur ac retinetur à Deo: nullum debere in semetipso sistere, aut propriam consulere conscientiam: sed posse illam inquirere in Casuistarum libris, quos tandiu evolvi posse sinit Probabilitas, donec in eorum aliquo, aliquam reperias conscientiam, tuo affectui indulgentem, quam tui d's: qui possis, Synderesi etiam arguente & propria conscientia reclamante. Sicque nos absolvit ab audienda & sequenda propria conscientia, & loco unius, tot nobis conscientias concedit, quot sunt opiniones Probabiles in Casuistarum libris.

Hic fortasse videbor alicui, nugas aut paradoxa fari. Verùm nemini imponimus: nihil enim aliud, quam quod dico: voluit Escobarius ex Sanchez, Sayro & aliis. Ille siquidem in decal. lib. 1. cap. 9. nu. 6. sic ait *accidere solet, ut tibi probabiliter opinanti ratio aliqua in contrarium convincens videatur: sed non inde opinio Probabilitatem amittit: quia licet tu illam non valeas solvere rationem: alius solvere quibit: idque tibi persuadere dehes, cum sæpè multe tibi rationes insolubiles exponantur, quæ ab aliis facili negotio solvantur: quare imprudenter te geres, si ob hanc causam, aliorum opiniones, quæ ut Probabiles circumferuntur, ut improbabiles abdicares: lege præloquium ejus Theologiae Moralis.* Atqui in uno v.g. Diana libro tria circiter opinionum probabilium milia circumferuntur. Tot ergo conscientias habeo? Quoties igitur (etiam meritisimè) ero irretitus aliqua difficultate & propria prohibebit conscientia, ne ulterius progrediar, donec certior ac securior de veritate efficiar: ne certo me exponam erroris aut peccati periculo: statim accurret Probabilitas, quæ omnium difficultatum ac dubitationum dissolvat nodos, his aut similibus nuperis Axiomatibus, quod tibi videtur insolubile: alius solvere poterit. *Quod tu cum Scriptura aut Patribus nequis, conciliabit alius.* Sicque à propriæ conscientiæ legibus perfectè absolvimur; Porro, si is, qui duas habet Religiones, jure merito apud omnes, nullam censetur habere Religionem: quæ quæso mihi persuadere poterò, eum propriam habere conscientiam; cui in uno Authore (ut de cæteris taceam) ter mille ad minus sunt conscientiæ: id est: tot, quot sunt opinioniones in eo existimate Probabiles: inter quas benigniores (inquit Caramuel) *essè aliquando minus probabiles (id est, magis voluptati & corruptioni indulgentes) per accidens erunt securiores* Proh infœlicem & periculosam securitatem!

20. Viden mi lector, quomodo Probabilitas vires acquisierit cundo? in principio exigua erat scintilla, quæ actus humanos asserbat contra Thomistas, esse posse indifferentes in individuo: & contendebat saltem in scholis, ubi de moribus & fide non ageretur, posse propugnari opinioniones etiam minus probabiles. Jam verò neque moribus & Sacramentis, neque à rebus fidei opinio cohibetur. *Opinari (inquit D. Bern. lib. 1. de confid.*

*confid. cap. 3. est quasi pro vero habere, quod falsum esse nescias. ... Et opinio (inquit) si habet assertionem temeraria est. At, quod ille vocat temerarium, id ipsum dicunt Adversarii prudens & certum & quod est magis stupendum, non tantum opinioni defertur, sed meræ imaginationi. Quis enim tibi dixit, id quod supra dictum est, quod que tanquam certum asserunt, nempe alium solvere posse difficultatis nodum, qui te debet coram Deo & hominibus irretitum detinere, donec certior fias? Quis unquam periculosus ominatus est? Iudicas te mortaliter peccaturum propter rationem & argumentum quod ita convincens & effi. ax. iudicas, ut illud solvere nequeas. Sed quid moraris inquit andax Antithomista, alius solvere poterit. Cui sic respondo: Unde scis, quod alius hunc nodum solvere possit? Sed quid tandem si reipsa non reperiatur, qui solvat, ut non raro contingit ex rei obsecrante & periculis inminentibus, ob quæ subinde debras ab operatione abstinere? & quæ major temeritas, quam his non obstantibus in actum prorumpere? An propria nos accusante conscientia coram Supremo Iudice ( inquit Episcopus Mechliniensis) quod hanc vel illam legem transgressi fuerimus; iubebit Deus inquiri & accersiri huiusmodi Magistros, qui nos suis argutiis faciant excusatos ac tueantur: ubi non de re modica agitur, sed ut nostri loquuntur Æmuli, ubi de aternitate alea iactatur? Certè vix poterat Moralis Theologiæ laxitas altius ascendere: Nec de facili dici potest, quâ arte potuisset quispiam ( ut attentius consideranti patebit) magis laxare habenas Probabilitati; quàm sit ab ipsis, qui velle se eas restringere spondebant; idque præfato axioma, quod pejus aut periculosius non in lege aut propria, sed ex alia constituitur conscientia: ex qua incognitum toti Antiquitati formatur Probabilitatis Idolum, quod in statera appenditur cum omnibus Dei legibus, quibus apertè illuditur, aut prætextu fucato insufficientis promulgationis: aut defectu obligationis in conscientia, quam denegant legibus humanis & maxime penalis, reclamante Angelico Doctore, 1. 2. q. 96. a. 4. ubi asserit legem humanam ab æterna per naturalem derivare: juxta illud Prov. 8. *Per me Reges regnant: & legum Conditores iusta decernunt: ex qua vim obligandi depromit lex humana: Ecclesiastica quidem* ) ut definitum est in Conc. Const. sess. 8. ex illo Lucæ 10. *Qui vos audit, me audit: & qui vos spernit, me spernit.* Et ex illo Matt. 18. *Si Ecclesiam non audierit, sit tibi sicut Ethnicus:* Civilis verò etiam penalis juxta illud ad Rom. 13. *Qui potestati resistunt, damnationem sibi acquirunt:* quod negare contra communionem Sanctorum Patrum sententiam, esset valde temerarium: cum ad sic obligandum non requiratur potestas spiritualis in Principe, sed sufficiat per suam legem aliquid posuisse in genere virtutis & obedientiæ, cujus contrarium subinde sit vitium.*



## S E C T I O VII.

*Hic specialis instituitur justificatio Angelici Doctoris à remissa Laxitate Moralis Theologia: falso à P. S. In ipsi affecta, sua universalis propositione: Et apertissima sunt illius vindicia à turpissima incusatione. Feret sententiam S. Bernardus.*

Nu. **V**T igitur ad D. Thomam deveniamus; quem si Philosophiæ Ma-  
 21 gister numquam legerat, ipsum non debebat tantâ præfidentia  
 citare ceu Authorem vel Patronum. Propositionis omnium remississimæ  
 (quâ unâ, omnes aliæ, ex quibus nonnullæ tanquam infames & scandalo-  
 se sunt jam condemnatæ) instaurantur. Si verò legerat: nescio quî possit  
 à gravi dissimulatione excusari: cum relictis innumeris D. Thomæ testi-  
 moniis, sparsis in paginis libris: in uno P. Gonetii volumine,  
 editionis in folio, pag. 274. & sequentibus, 28. Probabilitatum Mon-  
 stra (ut ipse loquitur) ex ipsis D. Thomæ principiis confodiantur: ita ut  
 doctrina illius vere dici possit Probabilitatum malleus: vel porius spi-  
 ritualis hujus Hercules Clava, quâ omnes Adversariorum conatus ac tota  
 Probabilitas remissa conteruntur.

Melius ergo Angelicum Doctorem tuebimur ex propriis ejus scriptis,  
 quàm ullis aliis rationum momentis. Quare ipsum audiamus ubique docen-  
 tem, non tantum finem debitum esse in omnibus respiciendum, ut suus  
 sit prudentiæ locus, sed & observandam esse regulam, contra quam si  
 quis operetur, peccet, etiamsi finem consequatur. Ita de Malo. q. 2. ar. 1.  
*In peccato (inquit) duopossunt attendi: scilicet recessus à regula: & recessus  
 à fine. .... Si Medicus secundum artem det potionem & infirmus non san-  
 netur, vel quia habet morbum incurabilem: vel quia aliquid contra suam  
 sanationem (infirmus) agit; Medicus quidem non peccat, licet finem non  
 consequatur. Si autem è converso finem consequeretur, sed tamen à regula  
 artis diverteret; nihilominus peccare diceretur. Ex quo patet, quod magis  
 est de ratione peccati præterire regulam rationis, quàm etiam deficere ab  
 actionis fine. Hoc est ergo de ratione peccati, sive in natura, sive in arte,  
 sive in moribus, id quod opponitur regulæ rationis. .... In ratione autem  
 & etiam in lege divina ex quibus nostri actus regulari debent, sunt præ-  
 cepta, &c. Porro si quis agens contra regulam, à peccato minimè excuse-  
 tur etiamsi finem debitum (ut ait) consequatur: multò minus à peccato erit  
 immunis, qui ab utroque deficiet, quales sunt Probabilitatis Defensores,  
 quorum omnes conatus in eo positi sunt, ut fucatis verisimilitudinibus  
 illudant præceptis ac ipsis Dei Legibus. Hoc exprefsit S. Doct. in hæc  
 verba Pl. 38. In imagine pertransit homo. Duplex est (inquit) cognitio: una,  
 quâ cognoscitur veritas, & hæc est certa: alia est per verisimilitudinem: &  
 hæc est quasi cognitio imaginis, quâ non attingit ad ipsam veritatem, sed ad  
 similitudinem veritatis. Hanc autem cognitionis speciem non excedit prob-  
 abilitas essentialiter in verisimilitudine consistens.*

22. Sed ne Sanctum Doctorem exscribere cogar; breviter dicam: Non mi-

nus sectari debent spirituales Medici certiora, nec non efficaciora in expurgandis Animarum sordibus adhibere remedia: (ut per se patet) quàm Medici corporales in sanandis corporum morbis: idèoque quories emergit aliqua dubitatio; verior opinio est eligenda evitandæ deceptionis aut erroris gratiâ: & tutior est præferenda ad effugiendum peccati periculum. Ita D. Thomas 2. 2. q. 60. ar. 4. ad 3. *Cum debemus (inquit) aliquibus malis adhibere remedium, siue nostris, siue alienis, expedit ut securius remedium adhibeatur.* Eisdem ferè verbis idem ait 3. part. q. 83. ar. 6. ad 2. Ex quibus vel solis opinio minus probabilis profligaretur sufficientesque essent vindiciæ D. Thomæ.

Probatur ejusdem S. Doctoris ratione fundamentali; ex qua totus Probabilissimus quem hic impugnamus, exulare cogitur: nimirum ex quodl. 8. q. 6. ar. 13. ubi enumerans modos, quibus peccatum committitur ab eo, qui à Doctorum opinione seu à Dei lege recedit;

Primò peccat quispiam (inquit) duobus modis, aut faciendo contra legem: aut faciendo contra conscientiam. Ex quo deducit id quod est contra legem, semper esse malum; nec excusari per hoc quòd sit secundum conscientiam. Sic enim excusarentur persecutores Apostolorum; qui arbitrabantur se obsequium præstare Deo.

Secundò etiam deducitur esse peccatum, quod est contra conscientiam, quamvis non sit contra legem: & inde proveniunt peccata quæ sunt ex conscientia erronea. Tertio, ait D. Thomas ibid. duobus modis peccari contra conscientiam. Primò, Si quis habeat certam fidem de contrario ejus quod agit. Secundò, Si habeat opinionem cum aliqua dubitatione. His præmissis, sic argumentor. Si quis ex rationum seu probationum æqualitate in dubitationem ac suspensionem inducitur, ut evidenter supra ostendimus: longe potiori jure fiet anceps & dubius qui opinionem minus probabilem sequetur. Ergo è diametro opposita est hæc probabilitas Doctori Angelico, ac subinde falsò ei imposita à Magistro Philosophiæ.

23. In præfato D. Thomæ testimonio, unum est, quod non sit obiter pretermittendum: scilicet. *Id quod est contra legem, semper esse peccatum, nec excusari per hoc, quòd sit secundum conscientiam.* Unde Adversario- rum subterfugium manifestè excluditur: quòd, ex probabilitate, & bonæ intentionis directione existimant factum aliquod contra æternam Dei legem, aliquando excusatum iri & meritorium fieri. Nam hoc est contra expressam D. Thomæ Autoritatem, cujus divisionem confundunt, quâ S. Doctor asserit eum peccare, qui sine dispensatione & rectâ intentione plures habet præbendas: si contingat opinionem, id licitum esse existimantem, esse contra legem. At ibidem non loquitur Doct. Angel. de his quæ sunt apertè contra legem: nam in his, non tantum peccatur contra legem, sed etiam contra conscientiam: ut per se patet. *Qui enim potestati resistit, Dei ordinationi resistit & damnationem sibi acquirit.* Si ergo ex Doctore Angelico datur casus in quo sit peccatum, quia contra legem tantum: potiori jure erit peccatum, quando erit contra utrumque, id est, & contra legem & contra conscientiam probabilem, ut contingit in opinione minus probabili, relictâ probabiliori. Est etiam præfatum subterfu-

gium contra veram Philosophiam, juxta quam, *bonum est ex integra causa*, cui nihil deesse debeat, sive ex obiecto seu ex fine operis, sive ex fine operantis, cum malum sit ex singulis defectibus. Prædictis adicere poteris primò id quod ait S. Doctor quodl. 3. q. 4. ar. 2. *In his quæ pertinent ad fidem & bonos mores, nullus excusatur si sequatur erroneam opinionem alienius Magistri.*

At, quid magis oppositum opinioni minùs probabili? Secundò, Adde id ipsum quod etiam docet D. Thomas quodl. 9. ar. 15. (nunc q. 7. ar. 2. *Omnis questio (inquit) in qua de peccato mortali agitur, nisi expressè veritas habeatur, periculosè determinatur: quia error, quo non creditur esse peccatum mortale, quod est peccatum mortale, conscientiam non excusat à toto, licet forè (nota) à tanto. Error verò, quo creditur esse mortale, quod non est mortale ex conscientia (scilicet erronea) ligat ad peccatum mortale;* Atqui non habetur veritas expressè, ac proinde periculosè determinatur. *Quando (inquit D. Thomas) Theologi contraria sentiunt.* Porro ex hoc nihil est apud Adversarios peccati periculum, juxta quorum doctrinam, omnis opinio etiam minus probabilis (id est, quæ magis apparet falsa quàm vera) est tamen tuta Morum Regula. Ergo Neotericorum Probabilitas toto cælo differt à D. Thomæ Doctrina, quâ assertitur peccari aliquando ex eo quod quis agat contra conscientiam, etiamsi non agat contra legem: at juxta Probabilitatis Defensores, & ex hoc illorum Axio-mate *argumentum quod solvere non potes, aliis solvere poteris;* debet quisque aut saltem facile potest sibi persuadere; ab aliis facillimè solvendas fore difficultates & rationes contrarias, propter quas, scrupulis, impeno & dubiis meritò vexatur, aut saltem justà animi suspensionem seu anxietate detinetur: & sic numquam peccabit contra conscientiam: quod est manifestè contra Doctorem Angelicum & torrentem Theologorum.

24. Parum aut nihil hæcenus à me actum pro defensione doctrinæ D. Thomæ existimarem: si unum hic quo abutuntur adversarii dissimularem. Inquirens enim D. Thomas 1. 2. q. 19. a. 5. *Verum voluntas discordans à ratione errante sit mala?* Respondet affirmativè: & probat in argumento *sed contra* ex illo ad Rom. 14. (omne quod non est ex fide, peccatum est.) Id est, inquit, *omne quod est contra conscientiam.* Quod fusiùs expendens in corpore articuli, ait *aliquod bonum propter apprehensionem rationis, posse rationem mali induere, puta, abstinere à fornicatione, quod bonum est.* Ex quo testimonio, quasi verò eadem esset ratio boni & mali, nec plura ad bonum (quod est ex integra causa) requirerentur; quàm ad malum (quod contingit ex singulis defectibus) nonnulli ita fuerunt decepti, ut existimarint, fornicationem ex conscientia erronea posse bonam esse, idque ex mente divi Thomæ: quod certè est ipsi omninò injuriosum, nec minùs ejus doctrinæ contrarium.

At Antithomistæ longè cautiùs ex citato art. quàm ex quovis alio, nobis insidiantur: cum enim D. Thomæ non audeant adeò palam contradicere: illis tamen admodum durus est sermo, quò ait quodl. 8. citato, *quando sunt duæ opiniones contrariae de eodem, oportet alteram esse veram, & alteram falsam.* Neque minùs eos gravat, quod ibid. ait S. Doctor, *quod est contra legem, semper est peccatum: nec excusatur per hoc, quod est*

*secundum conscientiam* : & ut ipsis liberum sit secundum hoc D. Thomæ testimonium infringere, conantur ex art. 5. supra citato ex 1. 2. q. 19. ostendere D. Thomam sibi contrarium esse : assentes juxta ipsum ex conscientia erronea ipsam fornicationem ( quæ mala est & contra Dei legem ) posse fieri bonam : qua in re non distinguunt invincibilem factorum ignorantiam ab ignorantia juris naturalis, ut facilius Lectores ludificentur Nec tamen desinunt sancti Doctoris super se nomen invocare, seque veros esse illius Magistri discipulos asserere, ac ipsum reluctantem & invitum apud incautos ciere : qua in re longè gravius eum offendunt, quàm milites, qui fratrum suorum carnalium nomine ( ut eum à religioso proposito revocarent ) suæ Religionis habitum lacerarunt. Nam turpitudine doctrinæ quam ipsi conantur affingere, miserandum in modum, vitæ ipsius innocentiam denigraret, atque illius sanctimoniam labefaceret.

Et quia hæcenus hi Casuistæ noluerunt retrahere, quod toties docuerunt, scilicet ex duabus propositionibus contradictoriè oppositis de eodem objecto, vi Probabilitatis ambas esse ruitas, sequentes subindè coguntur deglutire pillulas, nimirum *quidpiam falsum & legi Dei contrarium, non solum fore ab omni peccato excusandum; sed & bonum & vite æterna meritum esse.*

Et quoniam hoc auditò, omnes obstupescunt, & scandalum patiuntur quotquot *immaculatam Dei legem* esse sentiunt, ut hoc scandalum amoveant Adversarii, fucum rebus conantur efficere autoritate D. Thomæ assentientis loco supra citato ex 1. 2. q. 19. a. 5. *Abstinere à fornicatione ( quod est bonum ) posse fieri malum ex conscientia erronea.*

Ex quo inferunt ( sed malè omninò ) ex eadem conscientia, bonam fieri posse fornicationem. Sic enim ratiocinantur. Non potest ex utraque parte esse peccatum, ( scilicet abstinere à fornicatione, & non abstinere; ) sed qui abstinet ex conscientia erronea, peccat juxta D. Thomam: ergo juxta eundem non peccabit qui eidem vacabit, si ei ex eadem conscientia erronea videatur ei licita fornicatio, aut existimetur necessaria. Et cum non sit valdè insolitum ex falso & malo principio, falsam & adhuc pejorem deducere consequentiam : sic rursum argumentantur.

25. Si juxta D. Thomam ex conscientia erronea à malo quispiam excusetur, etiam dum agit contra legem Dei æternam : cur itidem non excusabitur ex Probabilitate, seu ex conscientia probabiliter existimante se bene agere? Et quidem potiori jure id ( inquit ) præsumendum est; ita ut idipsum quod fortasse continget à parte rei esse falsum, & Dei legi contrarium, sit bonum & meritum; quia ex regulis Probabilitatis omni errore melioribus, aliquid æstimatur bonum. Sic ratiocinantur Adversarii, & vehementer conqueruntur, quod ipsis non omnes assentiantur, & nominatim Cardenas, qui expostulat quòd plures debitâ reverentiâ Probabilitatem non venerentur, ut fusiùs infra referemus. Quasi verò falsa aut probabilis nostra æstimatio, rebus per se & intrinsecè malis veram possit conferre bonitatem.

At, ut in re tam gravi, à tantæ labis suspicione evidentius expurgatam ostendamus D. Thomæ doctrinam: hic unum dicam ex D. Augustino, quod fortasse non judicabitur omninò extra Chorum. Quando aliquæ sunt rerum com-

parationes, illæ non sunt ex omni parte accipiendæ, sed tantum secundum id ad quod significantur fuerunt assumptæ. Sic sanctus Doctor in hæc verba Pl. cij (Renovabitur ut Aquilæ juvenus tua,) ait: *Data est similitudo quantum de re mortali potest trahi ad rem utcumque significantem immortalem, non ad demonstrandam.* Et ita, sive renovetur, sive non renovetur Aquila, alterum stabit (scilicet vera immortalitatis renovatio) ad quam significantur fuit assumpta similitudo ex Aquila. Sic in præsentiarum ex opposito principio, si aliqua fiat comparatio inter bonum & malum: ita ut bonum fiat malum ex conscientia erronea: v. g. si quis existimet dandam esse elemosynam ad captandam vanam gloriam; non sequitur ex regula contrariorum, id quod est malum; per nostram æstimationem fieri bonum, cum hæc duo immanè differant.

Explicatur magis. Quando dixit Doctor Angelicus abstinere à fornicatione (quod est bonum) posse esse peccatum ex conscientia erronea: nunquam dixit, ex eadem conscientia, posse fornicationem esse bonam: nam existimatione nostra bonum non causatur in rebus, nec per eam natura rerum immutatur, sed ab ipsis scientia nostra accipitur: & sola Dei scientia est causa rerum, sicut scientia Artificis est causa arte-factorum, ut ait D. Thomas, 1. p. q. 14. a. 8.

16. Dices ex D. Thoma 1. 2. q. 19. a. 5. *Illud quod est malum potest accipere rationem boni.* Ergo, &c.

Resp. dist. Ant. *Potest accipere rationem boni*: Boni existimati, concedo: Boni realis ac veri, nego Antecedens. Explicatur. Sicut id quod est bonum secundum sensum, dicitur bonum & delectabile, & verè est tale secundum prædictum sensum: quod tamen non impedit quin sit malum secundum rationem. Ita quod dicitur bonum secundum conscientiam erroneam seu falsam æstimationem nostram; reipsa malum est, secundum rectam rationem, juxta quam debemus ferre judicium de rebus.

Ratio hujus jam fuit superius assignata ex D. Thoma, quia *quod est contra legem, inquit, semper est peccatum, nec excusatur per hoc quod est secundum conscientiam.* Unde art. 5. citato absolute concludit sanctus Doctor in hunc modum: *Omnis voluntas discordans à ratione, siue recta, siue errante, semper est mala.* Quid clarius?

Confirmatur 1. ex D. Thoma ibid. art. 6. seq. ubi licet per ignorantiam falsi, seu ex aliqua circumstantia, absque omni negligentia provenientem, agnoscat tolli voluntarium, ac proinde quempiam posse à peccato excusari: non tamen admittit ignorantiam legis (qualis est naturalis) quam quis potest ac debet scire: Unde ait: *Si ratio errans dicat quod homo teneatur accedere ad uxorem alterius, voluntas concordans huic rationi erranti est mala, ed quod error iste provenit ex ignorantia legis Dei, quam scire tenetur.* Quod rursum confirmat ad 2. Ratio humana, inquit, potest errare; & idè voluntas concordans rationi humane non semper est recta, nec semper est concordans legi æternæ. Et discriminis rationem intrer bonum & malum ibid. assignat D. Thomas ad 1. Quia (inquit) bonum causatur ex integra causa, malum autem ex singulis defectibus: Et idè ad hoc ut dicatur malum id in quod fertur voluntas, sufficit: sive quod secundum suam naturam sit malum: sive quod apprehendatur, ut malum. Sed ad hoc quod sit bonum, requiri-



tur quod utroque modo sit bonum. Legendus D. Tho. in cap. 7. ad Rom. lect. 1. Item ad Galat. c. 3. l. 3.

27. Confirmatur 2. ex eodem sancto Doctore, quodl. 8. q. 6. a. 15. ubi postquam distinxit ignorantiam facti ( quæ aliquando excusat à peccato ) ab ignorantia juris naturalis, ait : *Quandoque verò error conscientia non habet vim absolvendi vel excusandi, quando scilicet ipse error peccatum est; ne cum procedit ex ignorantia ejus quod quis scire tenetur & potest: sicut si crederet fornicationem simplicem esse peccatum veniale; & tunc quamvis crederet peccare venialiter, non tamen peccaret venialiter, sed mortaliter. Quid clarius?*

Et tanti fecit sanctus Doctor, ne unam quidem hac in parte rationem dubitandi remanere, ut nullam prætermiserit occasionem istud exprimendi. Unde & lect. 1. in cap. 5. ad Galat. perspicuè explicat, quomodo quis peccatum incurrat, sive ex genere operis, sive ex intentione operantis; quod declarat exemplo illius qui apud se statuisse se velle in omnibus vanam gloriam querere; quem ob hoc nihil vetaret quominus semper peccaret, sive operaretur, sive operari desineret.

Neque hinc metuedum est argumentum ab Adversariis objectum, scilicet, quod altum oppositorum, si unus sit malus ( ut qui ex conscientia erronea putaret malum esse abstinere à fornicatione ) alter sit bonus : Nam potest ex utraque parte malum esse ex aliqua suppositione, ut optimè advertit ibid. sanctus Doctor ad 3. qui falsam ac prætentam peccandi necessitatem perspicuè ac prælagâ mente dissolvit. *Suppositò, inquit, errore rationis vel conscientia, qui procedit ex ignorantia non excusante, necesse est quod sequatur malum in voluntate; nec tamen est homo perplexus, quia potest ab errore recedere, cum ignorantia sit vincibilis & voluntaria. Quid enim facilius, quàm falsam hanc v. g. imaginationem emendare ac deponere, suadentem fornicationem posse esse licitam? Legendus S. Thom. quodl. 3. q. 12. a. 2. ad 1.*

Nec debent Adversarii, Lectores detertere, quòd aliquando peccatum imminet ex utraque parte, si possit quispiam ex alterutra illud vitare : Sic Joa. à S. Thoma, in Comp. doctr. Christ. pag. 2. c. 10. inquirens utrùm excommunicatus teneatur audire Missam? Respondet : *Si commode absolutionem habere possit, & suâ culpâ non obtineat, peccat audiendo Missam, & peccat non audiendo, quia cum possit liberari ab excommunicatione, & audire Missam, non adhibet diligentiam quam facere tenetur.*

Hæc accuratius non rimabimur; nobis enim plenè sufficit apertas sancti Doctoris peregrinasse vindicias ab hac turpitudine, quâ pretextu Probabilitatis tam falsò quàm scandalosè ejus doctrinam respergere satagebant. Quod commentum ita aversatur sanctus Doctor, ut nullam prætermittat occasionem testificandi quantum abhorreat ab hac falsa imaginatione : unde præter loca supra citata, quodl. 9. a. 15. q. 7. & nunc art. 2. semper repetit quomodo nusquam licita esse possit hæc turpitudine. Angelico Discipulo viam straverat divinus Magister Hipponensis, epist. 154. *Si quis, inquit, putaverit, bonum esse quod malum est, hoc putando usque peccat; & ea sunt omnia peccata ignorantia, quando quisque bene fieri putat, quod male sit. Ratio fundamentalis est assignata ab Angelico Doctore, 2. 2. q. 60. a. 5. ad 1.*

quia voluntas hominis non potest immutare naturam rerum. Legendus sanctus Doctor, 1. 2. q. 19. a. 5. & quodd. 3. supra citato. Sed de hoc iterum contra Prædestinatum Sirmundi.

28. Concinna est admodum his quæ usque modo diximus Divi Bernardi doctrina, quæ unâ os obitui possit omnibus Probabilitatum cavillis. Ita mellifluus Doctor de præcep. & dispensat. cap. 17. Rursum, inquit, pergit inquirere cur non è contrario tantum cuique bonum sit quod operatur, quantum vel falsè opinatur? Mirum quippe vobis, immo & injustum videtur, ut plus in malo quàm in bono humana valeat intentionis opinio. Si respondero, de malis quidem meritis ita credi, scilicet bonum ipsum cuique fieri malum (si malum esse crediderit) propter oculum nequam: Respondebitis & mihi non immerito quoque præter simplicem oculum idem æquè putandum & de bonis, &c. Sed videte ne fortè non sit verè oculus simplex qui fallitur. Fallitur enim tam qui bonum, malum, quàm qui malum, bonum putaverit. Scitis autem neutrum horum, Væ illud evitare propheticum. Væ qui dicitis bonum, malum, & malum, bonum, &c. Ego verò ut interior oculus verè simplex sit, duo illi esse arbitrator necessaria; charitatem in intentione; & in electione veritatem. Nam si bonum quidem diligit, sed verum non eligit: habet quidem zelum Dei, sed non secundum scientiam: & nescio quemadmodum iudicio veritatis, vera esse possit cum falsificare simplicitas. Volens denique ad veram discipulos instruere simplicitatem Magistra Veritas; Estote (inquit) prudentes sicut serpentes, & simplices sicut columba. Præmisit ergo prudentiam, sine qua neminem satis esse posse simplicem scires. Et cap. seq. Si igitur, inquit, ad propositam questionem revertamur: Is verè oculus nequam est, qui perversus pariter & cæcus bonum agit, & malum credit: utique rectè operando, sed opinando iniquè, bonum sibi in malum vertit, & tantum malum quantum crediderit. Quia (inquit D. Thomas supra laudatus) obiectum voluntatis est bonum ut apprehensum) quandoquidem iuxta sententiam Domini, totum corpus tenebrosum reddit oculus nequam. Quid enim luci relinquitur, ubi nec pia intentio, nec vera opinio invenitur? At non idè sequitur, ut qui è contrario malum facit, & bonum putat, iuxta suam fidem similiter & ipse inveniat, &c. Neque enim (inquit Ber.) ex toto adhuc tenebre disunt, ubi ignorantia veritatis, lucem obscurat voluntatis, &c. Cur inquis? Nunquid non ex fide? Prorsus fide, sed falsâ; vel certè potius non ex fide, quia fides falsa, fides non est. Hactenus S. Bernardus, qui sic concludit: Malum non penitus excusat (intentione) recta. Sive itaque malum putes bonum, quod fortè cogis: sive bonum, malum quod operaris, utrumque peccatum est, &c. Nam, ut supra dixit, rectè operando & malè opinando, bonum in malum convertitur.

At ex regulis Probabilitatis quam impugnamus, nihil horum quæ D. Bernardus supra laudatus exigit, vel potius quæ Christus ipse præcipit, nobis relinquitur. Ait enim: Estote prudentes sicut serpentes, & simplices sicut columba. Præmisit prudentiam (inquit D. Bernardus) sine qua, neminem esse posse satis simplicem scires. At nomen prudentiæ laudat Probabilitas & rem prodit, vel potius prophanat, ut suum Idolum consecrare possit: uti evidenter ostendimus cap. seq.

Destruitur etiam simplicitas per Probabilitatem, cum, ut ait D. Bern.

non

non sit charitas in intentione, sed lucrum seu rerum cupiditas, ut patet tot evanidarum distinctionum artibus, tam in Beneficiis, quam in contractibus vel jam damnatis, vel verè damnandis.

Nec denique apud hos Casuistas est *veritas in intentione*, cum omnes illorum conatus in eo positi sint, ut pro veritate verisimilitudinem seu Probabilitatem obtundere possint, quam proinde asserunt sufficere ad securitatem conscientiae.

29. Ex praedictis habes quid sentire debeas de sequenti propositione Filliucii, tom. 2. Lugd. ann 1626. edito, tract. 25. cap. 11. num. 330. ubi inquirens, *quale peccatum sit amphibologia uti absque rationabili causa?* respondet *probabile esse quod sit mendacium, atque adeò perjurium, si confirmetur juramento.* Sed illicò deflebens ad nuperum Probabilitatis subterfugium, quo, ut infra dicemus, nonnulli omnia ferè excusant praxetū *bonae intentionis*, quam dicunt sufficere ad aliquod peccatum vitandum, quamvis res mala sit, ait: *Dico secundo probabilius videri in rigore non esse mendacium neque perjurium. Ratio praecipua, quia qui sic loquitur & jurat, non habet intentionem dicendi falsum & iurandi falsitatem, ut supponimus, & quod profertur in rigore, habet aliquem sensum verum, quem talis intendit: non ergo mentitur ex cap. (humana aures) 22. q. 5. intentio enim discernit actionem.* Certe qui aliquid dicunt aut faciunt quod sit ex se malum, illudque excusant ex eo quòd dicant intentionem se non habere illud faciendi, factis negant quod verbis profitentur, nec magis mihi videntur excusandi, quàm qui diceret se nolle inebriari, licet assiduus vini potationibus indulgere vellet. Nam cum res est ex se mala, & sit animo deliberato, nusquam excusabitur quispiam *ob intentionem*: certum est enim quòd fur qui rem sacram, v. g. aureum calicem consecratum furatur, non sæpè habet intentionem supra consecrationem, sed solum supra aurum: Immo etiamsi aliam omninò haberet intentionem, & vellet prorsus rem non esse consecratam: hoc tamen non impediret quominus coram Deo & hominibus tanquam fur & sacrilegus condemnaretur: estque hæc Filliucii opinio contra D. Thomam 2. 2. q. 11. a. 1. Nam ut ait ibid. q. 106. a. 3. & q. 110. a. 1. *Ad virtutem veritatis pertinet, ut quis se talem exhibeat exterius per signa exteriora, qualis est. ... & non refert utrum aliquis mentiatur verbò vel quocumque aliò falsò.* Idque quod pro se titat Filliucius ex Decreti p. 2. Causa 22. q. 5. ipsum condemnat cap. 11. sequenti, ubi dicitur: *Inter juramentum & locutionem fidelium nullam debere esse differentiam. Lege totum caput.* Estque falsum quod etiam ait ibidem, scilicet quòd intentio discernit actionem: nam si quis profert verba contumeliae in Regem, vel blasphemiae in Deum, quamcumque habeat intentionem, iustè puniretur, nec intentio ipsum faceret excusatum.

30. Pari modo existimamus rejiciendam esse aliam ejusdem Filliucii resolutionem loco supra citato, nu. 128. ubi ait: *Quartò quaro quia cancellà utendum sit amphibologia?* Respondeo, & dico primò (inquit Filliucius) prater praedicta praecedenti q. ut rectè amphibologia concipiat, assignari possunt duo modi pro personis iudicio praeditis. Primus est habere intentionem profere verba externa materialiter, & ad majorem securitatem cum incipit, v. g. (iuro) interponere submissè, restrictionem mentalem ut (me hodie) &



deinde addere altâ voce ( non comedisse rem illam; ) vel ( juro ) & interponere ( me dicere ) tùm absolvere, altâ item voce, quod ( non feci hoc vel illud. ) Sic enim ( inquit ) verissima est oratio tota. Secundus, habere intentionem non absolvendi orationem tantùm per verba externa, sed simul cum restrictione mentali. Liberum est enim homini exprimere mentem suam totaliter vel partialiter. Pro rudibus autem qui nesciunt in particulari concipere amphibologiam, satis est si habeant intentionem affirmandi vel negandi in sensu, qui contineat reipsa veritatem, ad quod necesse est, ut saltem in universalis sciant se posse negare in aliquo vero sensu, alioqui non possent loqui in sensu vero. Hactenùs Fillucius, qui licet videatur aliquam ex Caietano & Soto oppositum sentientibus, modificationem adhibere: hoc non impedit quominus ars ista æquivocationum sit Deo & hominibus odibilis, contra simplicitatem Christianam, & humanæ conversationis destructiva; quæ si semel in mundo obtineret, longè fatius ac securius esset conversari cum brutis quàm cum creatura rationali: habent enim bruta quemdam instinctum & certum agendi modum, in quo cum aliquali experientia, aut nunquam aut raro deciperemur, idque in rebus parvi momenti comparatione factâ cum illis in quibus ex toto & in totum cum viro bilingui periclitamur.

Sed ad integrum hujus Controversiæ complementum, seu ad perfectam Probabilitatis condemnationem sit



## CAPVT VNDECIMVM.

### SECTIO I.

*Intentio Cardena circa fucatam remissa Probabilitatis restrictionem, & duo falsa ipsius principia ostenduntur; & quò ascendat Cardena nimia audacia in Probabilitate propugnanda?*

NU. 1. **U**NUM videtur fuisse à Cardena in sua adeò proluxa disputatione de Probabilitate intentum; scilicet, ut rem ex natura sua satis obscuram, suis distinctionibus ac falsis principiis obscuriorem redderet. Siquidem, ut existimaretur recedere à nimia Caramuelis laxitate, fuisse instituit contra ipsùm, disputationem; sed ne judicaretur inde ad Thomistas accedere, aut ipsis consentire; novas quasdam excogitavit distinctiones mysteriis propè similes, quibus fucum facit rebus & Probabilitatis malum tantummodo tegitur, quin imò verè augetur. Cum enim posset nobiscum simpliciter distinguere quæstiones speculativas à practicis, & certitudinem saltem moralem cum Thomistis assignare ad securitatem conscientiae; ille perpetuò usus est terminis *directæ & reflexæ quæstionis*: passimque ait, *cognitionem aliquando versari circa praxim modo specularivo, aliquando modo practico*. Ex quibus tam frequentes quàm evanidas ac inutiles suas Probabilitatis *directæ & Probabilitatis reflexæ, Modalis ipsidem & absoluta*, infert ac educit distinctiones, quibus, ut aiunt, *lupus in ovili includitur*. Cum enim dicimus, v. g. Venatorem non posse sine reatu ho-

micidii, sagittam emittere ad interficiendum animal quod subobscurè apprehendit in nemore, quia certus esse debet priusquam emitat sagittam, esse feram, non verò hominem: hoc explicat Cardenas præfatis suæ directæ & reflexæ Probabilitatis terminis, pag. 199. nu. 166. & seq. & ita implicat, ut impossibile sit ominari, quid ipse velit ( nisi fortè tenebris offundere ) ut legenti patebit. Certum est enim nullum esse in mundo æquum Judicem, qui morte puniendum non judicet Venatorem, qui interfecerit hominem, cum his omnibus Cardenæ distinctionibus *Probabilitatis directæ aut reflexæ*; quantumvis hic Venator, probabiliter modo *speculativo aut practico* ( ut loquitur Cardenas ) sive *modalem*, sive *absolutam haberet Probabilitatem*.

Attamen ne videretur Cardenas à sua doctrina recedere, duos veluti polos seu axes constituit suæ Probabilitatis, quibus tota volvitur. Primus est *agere prudenter*, seu *nisi fundamento gravi*. Ex quibus tam ipse quàm alii Antithomistæ, hoc ceu axioma ab omnibus recipiendum constituunt: *Qui probabiliter agit, bene ac prudenter agit*. Quod tamen est falsum, omniumque Sapientum iudiciò periculosum ac perniciosum reputabitur. Nam potest Judex *probabiliter* credere Tullium esse reum, & crimen de quo accusatur, commississe: & tamen non potest, *nisi imprudentissimè*, ipsum condemnare: quia ad prudentem & justam condemnationem debet Judex habere certitudinem. Ergo *Probabiliter* ( *quocumque modo sumatur* ) & *prudenter agere*, non sunt synonyma, ut loquitur Cardenas.

Nec ipsi faver, quod quidam alii adjiciunt de reo, qui à Judice citatus, *prudenter* comparet: etiamsi de eventu *non sit certus*: quia non tantum prudenter agit qui certum, sed etiam qui ex duobus malis, urgente agendi necessitate, minus eligit: quod non reperitur in eo qui opinionem minus probabilem legi contrariam sequitur; quem tamen approbat Cardenas, ac tuetur. At reus à Judice citatus, quamvis non responderet, nihilominus ex silentio justè à Judice juxta integrum juris rigorem ( saltem ob pertinationem quam reus respondendo, mitigare potest aliquà excusatione ) condemnaretur. Ergo prudenter comparet, certamque habet comparitionis suæ ( si sic loqui fas est cum Juristis ) rationem.

Alter Axis, est supra ipsam Probabilitatem reflexio, quam etiam cap. 10. tanquam inutilem comparandæ certitudini ad vitandum peccatum necessariæ, probavimus, statimque hic efficacius iterum probabimus. In hac tamen reflexione, veluti in munitissima arce suam collocat Cardenas fiduciam: unde pag. 126. nu. 426. ait: *Scio rem Probabilitatis non ab omnibus rectè intelligi, præcipuè ubi sit reflexio supra Probabilitatem*. Quod interim notatum velim.

Porò ista reflexio supra Probabilitatem, ceu firmum fundamentum supponit frequentem propositionem: *Omnis opinio probabilis, est certa & sufficiens conscientia & morum regula*. Quà propositione utuntur Neoterici, tanquam motivo & principio universali ad ritè operandum certissimo; sive operatio stet pro lege & officio; sive pro libertate, voluptate, commode seu utilitate, & nominatim Cardenas, pag. 140. ubi ait: *Vincensius non calluit modum certitudinis, quem nostra sententia ponit in usu opinionis probabilis*. Nos enim ( inquit ) distinguimus has propositiones.

Primam: ( licet pingere in die festo ) quæ pictori proponitur ut probabilis.

Secundam universalem: ( licet uti quacumque opinione probabili , quæ ( inquit ) est omnino certa.

Tertiam singularem contentam in hac universali ( licet uti hac opinione probabili , de pictura exercenda in die festo. Quæ ( inquit ) etiam est certa. Hanc nota, Amice Lector , ut præsentem illius certitudinem statim unâ appendamus.

2. Suam de Probabilitate fiduciam jam testatus est Cardenas , pag. 218. nu. 339. ubi dixerat , *nullum esse metum peccati in opinione practica minus probabili , quia dictamen reflexum certum , docet nullum esse peccatum in opinione practice probabili : nullum periculum , siue ea sit majoris , siue minoris Probabilitatis.*

Cui si addere volueris quod itidem ipsemet scripserat pag. 208. num. 247. *Sufficit hoc iudicium ( probabile practice est opus artis pictoria non esse prohibitum in die festo ) Id ex nostris principiis ( inquit ) evidenter patet. Nam apud nos probabile practice & licitum , synonyma sunt ; nisi quod licitum universalius est , quia etiam ad certa se extendit. Ex qua Cardenæ confessione illud probabile practice non est certum : ad quod nequit se extendere , utpotè minus universale : quod obiter notatum velim. Nam hoc uno , ruit tota Cardenæ doctrina de Probabilitate : immò tam repugnat , ut probabile sit certum , quàm quidd homo sit leo : etenim sic opinio in scientiam mutaretur , tanquam in aliam cognitionis speciem. Vel dicendum est contra D. Bernardum loco cap. præcedenti citatum , *temerarium non esse securitatem opinioni assitram.* Nec denique verum est probabile & licitum , esse synonyma , ut dictum est supra de Venatore.*

Et ut videas torum Cardenæ præsidium esse , non in lege , sed in sola Probabilitate ait ibid. *Vt Pictor licite exerceat in die festo opus artis pictoria , non est necesse , quod habeat hunc assensum absolutum ; Opus artis pictoria non esse lege prohibitum in die festo.*

Quid ergo opus facto ? aut quæ secuta nobis erit Regula ? Sola temeritas , vel ut mitius loquar , sola audacia. Profectò dum id quod statim subijciam , in Cardena legerem : vix credebam oculis. Ait enim pag. 216. nu. 228. a. 11. *Pictor qui ex opinione probabili , pingit in die festo , cerè scit se non peccare , sequendo opinionem probabilem. Et ubi tanquam certum sibi proponitur , in aliqua operatione non esse peccatum , nullum penitus est peccatum.* Perpende hæc verba lector & obstupescere. Utrus ista melius intelligatur , sciendum est , sanctos Patres , omnesque pios Doctores , valde semper timuisse , ne jam dudum extinctæ revocarentur effrænes quædam opiniones , seu impudorata quorundam hæreticorum inverecundia , quæ omnia spernebat. Sic Simon Magus teste Theodoro lib. 1. hæc. fabul. jubebat eos , qui in ipsum crederent , legis minas non pertimescere , sed tanquam liberos facere quæ vellent.

Valentinianis itidem , ut refert Lyndanus , *peccatum nihil erat nisi eorum opinione , qui se peccare putarent.*

Aliique erant , v. g. Gnostici , ut refert D. August. lib. 4. contra Julia. cap. 8. apud quos hoc habebatur Adagium , *Si quis homicidium conscientia for-*

midante commiserit, reus est; quia timuit. Si autem aliquod facinus exultante perpetraverit audacia, velut credens se ex fide facere, quod male facit, culpam evasit. At, facta comparatione deliriorum & amentiarum horum hæreticorum, cum his sequentibus Cardenæ verbis; *ubi tanquam sibi certum proponitur, in aliqua operatione non esse peccatum; nullum penitus est peccatum*; Non potest non n. si immeritissimè de nobis conqueri, si exposuimus, aut dixerimus; suam de Probabilitate doctrinam, non satis abesse ab horum hæreticorum audacia seu temeritate; nam sic essent absolventes ab omni culpa interfectores Apostolorum, qui arbitrabantur se obsequium præstare Deo: sicut & Judæis quibusdam videbatur valde religiosum antequam commederent aut biberent, occidere Paulum. Suam ergo doctrinam emendat Cardenas, cum superstes sit, censoris personam agens in Caramuëlem: ne hoc in ipsum cadat Proverbium *Medice cura te ipsum*; & *judicans alium, condemnet semetipsum*.

## S E C T I O II.

*Positum à Cardena & ab aliis Defensoribus Probabilitatis fundamentum convellitur: & ab eorum manibus D. Thomas eripitur in medium adductis ejus testimonis.*

Nu. 3. **J**Am incumbit necessitas ut positum à Cardena & ab omnibus Probabilitatis Defensoribus fundamentum ostendamus, non ex seatis lapidibus esse constructum; sed mere arenarium; nullo nexu nullaque soliditate compaginatam; quod subinde propria infirmitate sensim rueret ac dissolvi necesse sit.

Revocemus igitur & in medium adducamus tertiam Cardenæ propositionem, quam ipse ait esse certam, quæ talis est: *Licet uti hac opinione probabilis de pictura exercenda in die festo*. Contra quam sic arguuntur. Probabilitas quæ affulget in judicio universali, quo judicatur aliquid esse illicitum, putà, operari in die festo: est potior eà, quæ effulget in judicio particulari, etiam cum quacumque reflexa Probabilitate (quæ ut supra ostendimus, illis non favet sed nocet) v. g. si non licet, in communi, Clerico in arundine piscari aut venari in die festo; longe minùs mihi Clerico licebit in particulari: sed prior illa Probabilitas in communi haud sufficit ad rectitudinem operationis: ergo longè minùs in particulari. Major explicatur; quia causa semper est potior effectu: v. g. si nulli Clerico (cæteris paribus) licet in arundine piscari in Dominica: nec mihi licebit. Quia judicium universale continet in se quasi effectum, virtutem judicii particularis. Sed hæc propositio, *licet uti quacumque opinione Probabilis* est universalis; nec est certa; quod sic probo contra Cardenam omnesque alios Casuistas Probabilitatis defensores: Nec subinde particularis.

Primò. Propositio non est certa, quæ non excludit omnem formidinem ne actus sit malus: sed hæc propositio, *Licet uti quacumque opinione Probabilis*, non excludit omnem formidinem: cum tot viri pietate & summa eruditione præditi asserant eam esse falsam. Major est apud omnes

indubitata: Minor etiam per se patet: cum per talem propositionem non convincatur intellectus, sicut per demonstrationem convincitur statimque probabitur confutatio Adversariorum subterfugio.

Secundò. Opinio non est certa, quæ nititur principiis incertis: sed præfata est huiusmodi: neque illius ullum certum principium (ut statim ostendam) potest assignari.

Dices: Habetur securitas seu Certitudo in praxi, multorum Doctorum suffragio, asserentium esse licitum ac securum *sequi quamcumque opinionem, etiam minus probabilem*.

Respondeo hoc esse ultimum subterfugium omnium Probabilitatis Defensorum: sed facile est eos ab hac arce seu cuniculo depellere. Etenim Modernis id asserentibus, ex se invicem sine nova aliqua ratione hoc exscribentibus, opponimus omnes Theologos Antiquos excellentissimo ingenio præditos; & Sanctos Patres vitæ Santimoniam ac pari perspicuitate ingenii celebres, qui integro quindecim sæculorum volumine, verbo & opere docuerunt tutiorem & Probabiliorem partem esse eligendam.

At, si teste Angelico Doctore quodl. 9. ar. 15. jam laudato, *omnis opinio, in qua de peccato mortali queritur; nisi expressè veritas habeatur, periculosè de terminatur*. Quod nominatim explicat de beneficiorum polygamia, in qua sicut & in præsentī controversia, agitur de mortali: de qua non minus quàm de ista; *Theologi Theologis contraria sentire inveniuntur*, longè potiori iure, quando qui sæculi sentiunt, & numero & merito alios excedunt. Atqui res ita se habet in præsentī. Etenim Doctorum Aquila Augustinus: & Doctor Angelicus, alique Patres: Doctorum etiam agmen antiquiorum: Decreta Summorum Pontificum docent *tenendum esse certum & incertum esse dimittendum*: Ergo non est certum (in tanto Doctorum dissidio) *sequi quamcumque opinionem probabilem*: sed periculosissimum: atque non tantum rectæ rationi adversum; verum etiam sacris omnibus Scripturarum oraculis contrarium. At, ne actum agere denud videamur: revocentur in memoriam ea omnia, quæ hac de re supra cap. X. diximus.

4. Ut autem Angelicum Doctorem ex omni parte eripiamus ex Cardenæ manibus, asserentis *licitum esse sequi opinionem, etiam minus probabilem legi, contrariam*; idque Authore Angelico Doctore: Notandum est nos hic non loqui de legibus humanis, in quibus aliquando licitum est Epicheia uti, & agere contra verba legis, eò potissimum, quò aliqua occurrat circumstantia, quam si legislator prævidere potuisset, legem minime statuisset. Quod contingere nequit in lege naturali & Divina positiva, ab eo posita, qui cuncta intuetur, & cujus Providentia in sui dispositione non fallitur.

Igitur contra præcipuum Cardenæ fundamentum, non solum dicimus, nullam Probabilitatem seu opinionem Probabilem legi contrariam, posse esse rectam Morum regulam: quod jam satis ostendimus: sed insuper asserimus, numquam ab Angelico Doctore, hanc laxitatem fuisse scriptam. Ut hoc probaret P. Baronius in sua Ethica Christiana, eodem fere argumento (præter alia innumera, quibus octo Adversarios confutavit) usus est, quo & ipse Doctor Angelicus quodl. 2. ar. 7. usus fuerat contra



eos, qui dicebant pueros Judæorum esse baptizandos invitis eorum parentibus ante rationis usum.

Contra quos ait D. Thomas *multi Catholici Principes potentissimi, ut Constantinus, Theodosius & alii plures; quibus familiares fuerunt Sanctissimi Episcopi, ut Sylvester Constantino, & Ambrosius Theodosio, qui hoc nullo modo prætermisissent ab eis impetrare, si hoc esset consonum rationi.*

Quare inquebat P. Baronius. Si aliquando liceret sequi opinionem minus Probabilem legi contrariam; vix possibile esset, quin apud D. Thomam (qui tot, ne dicam omnes præscripsit conscientie Regulas, vel saltem eorum fundamenta stabilivit, ex quibus facili negotio ipsæ leges educantur) hujusce rei aliquod reperiretur exemplum. Atqui hæcenus nullum hujus laxitatis indicium reperiri potuit ad Adversariis, etsi ab ipsis diligentissimè conquisitum; sive scripserit S. Doctor de melioribus ex consilio; sive de bonis ac tutis ex præcepto sectandis; in quibus universim semper stetit pro legibus.

Sed quid ad hoc argumentum respondet Cardenas? Solitis ac solis suis utitur cavillis. Et pag. 231. nu. 468. Si bona est, inquit, argumentatio: etiam hæc erit approbanda: *Christus fide non transtulit Montes in Mare: ergo Christus non potuit fide montes in mare transferre & ibid. nu. 469. ait Cardenas. Consulat ergo Baron. dialecticos, & audiat ab illis inter prima dialecticorum rudimenta, à negatione altius, nullam esse consequentiam ad negationem potentie.*

Verùm nullam à nobis hæc Cardenæ evasio confutationem exigit: evidentior enim est disparitas, quàm ulla indigeat responsione. Attamen antequam falsa Cardenæ exempla (quæ adeo perperam D. Thomas affingit) ad examen vocemus: Duo proferam in confirmationem doctrinæ quam Cardenas conatur evertere; ut his positis, ipsum obmutescere necesse sit. His enim fit manifestum, numquam à D. Thoma traditam esse opinionem probabilem legi contrariam tanquam securam Morum Regulam.

Primum habetur opusc. 73. cap. 4. ubi ait D. Thomas: *In omni actu hominis malum accidit, aut naturæ aut lege: & inde definiens ex utroque capite, usurarium esse, sperare quidpiam, vel re ipsa, ex mutuo accipere: juxta illud Luce 6. ( date mutuum nihil inde sperantes )* sic concludit D. Thomas in favorem legis: *Mutuo dare est actus liberalitatis & gratia: at, quidquid actui accidit quod liberalitatem tollit, ipsum actum à natura sua avertit.... rationemque habet injuriæ & culpæ.* Si cuidam licuit dicere, numquam melius sanctum Augustinum teneritudinem conscientie suæ & animæ puritatem ostendisse; quàm cum præcipit in Regula lavandas esse Religiosorum, vestes *ne nimis*, inquit, *munda vestis appetitus contraheret interiores anime sordes:* non abs re possum quoque dicere, quidpiam simile de Angelico Doctore, qui si intactam voluit esse legem liberalitatis (quæ videtur esse momenti levioris) nusquam & potiori jure credendus est omisisse quæ sunt graviora legis, qualia sunt ea, pro quibus hic contra Probabilitatis Defensores militamus.

5. Alterum quò & illud prius invictè confirmatur: habetur 2. 2. q. 10. ar. 12. in quo inquit *utrum pueri Indæorum & aliorum infidelium, sint invitis eorum parentibus baptizandi ante usum rationis?* Respondetque ne-

gativè. Ratio ejus fundamentalis est quia hoc repugnat iustitiæ naturali..... (ex qua) quandiu usum rationis non habet puer, non differt quantum ad ea quæ agit ab animali irrationali; Quod jure Gentium & naturæ pertinet ad Dominum suum.

Cumque sibi objecisset D. Thomas: magis debet homini subveniri circa periculum mortis æternæ, quam circa periculum mortis temporalis: sed si quis videret hominem in periculo mortis temporalis, & ei non ferret auxilium, peccaret. Ergo, &c. Ad 2. Respondet. Quod à morte naturali non est aliquis eripiendus contra ordinem juris naturalis: puta, si quis à suo iudice condemnatur ad mortem temporalem, nullus debet eum violenter eripere: unde nec aliquis debet rumpere ordinem juris naturalis (quo filius est sub cura Patris) ut eum liberet à periculo mortis æternæ. Certè si in re tanti momenti non patitur Doctor Angelicus legem naturæ violari; Quis dicere audeat, ipsum in aliquo relaxari ob leviores Probabilitatis rationculas, quas toties ipse subvertit à fundamentis.

### S E C T I O III.

*Rationibus & exemplis ostenditur Cardena doctrinam de Probabilitate ab ipso relictam, esse intolerabilem, gratesque Deo agendas quod nulla (quæ sciamus) in D. Thomam ediderit commentaria.*

Nu. 6. **V**erum enim verò, quia jactat Cardenas à se reperta esse apud D. Thomam, nonnulla hujus laxitatis testimonia: quibus contra legem agere permittitur: ipsum postea audiemus. Sed interim, si hic paulò arctius ipsum constringamus, non idcirco æquiores in nos erunt ejus expostulationes, quàm fuerint ipsæ quas ille pagina 117. formavit contra eos, quos ait *sacrum Probabilitatis nomen corrupisse*; cum ipse sit (ni fallor) qui his coloribus Probabilitatem depinxerit, ut ab ea meritò jam omnes abhorreere debeant.

Et certè miseratione dignissimum existimo, virum Religiosum & doctum; aded sui propositi oblitum, ut lævâ destruxerit quidquid dextera manu astruere ac stabilire conabatur: atque tantum olei & operæ in ingenti exarando volumine in fol. plusquam septingentis & 80. paginis constante: paucis lineis perdidisse, ac in ipsammet incidisse Probabilitatis abyssum, ex qua alium retrahere nitebatur. Explicatur. Volumen Criticum edidit Cardenas: potissimum contra nimium remissas Caramuëlis Probabilitates. Sed ne in Thomistarum partes transire videretur; rem involvit tot evanidis distinctionibus, ut persæpè vix possis ominari vel judicare, quid ipse velit.

Et quia in multiloquio non deerit peccatum, efficere non potuit Cardenas, quin palam ostenderet, id quod in ejus mente lateret: nimirum non nisi apparenter & verborum officiis recessisse ab illa vaga & nullis ferè cœrcita terminis, Probabilitate, quæ propemodum finit unumquemque ad arbitrium vivere, & suæ imaginationis idolum colere, nullâ habitâ ratione legis, aut consideratione ultimi finis.

Explicatur.

Explicatur. Duas nobis actionum nostrarum proposuit Deus optimas Regulas. Prima est lex Aeterna, cui in omnibus conformari debemus. Sed quia in pluribus hanc conformitatem minimè cognoscimus. Aliam proximam & notioiem Deus concessit normam, propriam scilicet conscientiam (in cuius testimonio gloriabatur Apostolus) cuius vocem ita auscultare tenemur, ut ei debeat unusquisque: ceu Pædagogus Domesticus à Deo sibi dato obedire: quia *quod non est ex fide peccatum est*, id est, quod sit propriâ reclamante conscientia, numquam caret culpâ. Quid ergo egit Cardenas, ne ipse aut quivis alius, propriæ suæ audiret clamorem conscientia?

Arte mirabili facultatem fecit unicuique os oblituendi propriæ conscientia, dum ipsi laxitate intolerabili permisit ejus voci ac propriis illius monitis obiscedere. Ipsum audiamus pag. 226. nu. 425. *Si, inquit, una (opinio) proponitur intellectui ut probabilior: & altera ut minus probabilis: potest adhuc licet homo accommodare se in praxi opinioni minus probabili; esset pro libertate contra legem: cum quia, inquit, potest judicare; forte se decipi censendo esse Probabiliorem.* Aliam addit rationem adhuc pejoiem, jamque supra confutatam, *quod scilicet voluntas possit imperare assensum ad partem minus probabilem: quando de opposita convincentem non habet rationem.*

Si tempore Passionis Christi hæc vaga Probabilitas viguisset, cā Pilatus, (qui ut loquitur S. Leo Papa, *judicium reliquit proprium, ut in crimen transfret alienum*) facinus suum excusare potuisset: licet enim sciret quòd per invidiam Christum tradidissent, quem alii bonum, alii verò seductorem dicebant: potuisset sibi persuadere, ut ait Cardenas *forte se decipi*, cumque esse dignum morte, & præcipuè Judæis, eorumque Principibus communi voce asserentibus *se legem habere secundum quam mori debebat.*

Ne hac de re anceps esse possis, lege infra in Append. i. cuniculum 6. n. 5. At ne quispiam hîc mihi eandem creare possit invidiam quam nonnulli falsò imposuerunt Patri Baronio, quasi dixisset Adamum & Evam, aliosque ab ipso nominatos, fore à peccato saltem mortali excusandos virtute Probabilitatis: quod ille numquam dixit; sed tantum asseruit quod si vera essent Principia ab Adversariis pro Probabilitatis Patrociniis posita, eaque obrinerent, sequeretur sicut & id quod hîc dicimus: scilicet Adami & Evæ peccatum, Saûlis Sacrificium, levitatem uxoris Loth, pietatem Ozæ: vanam gloriam Davidis populum numerantis, Ananiam & Saphiram aliquid ex pretio agri venditi retinentes, & id genus alia, longè facilius posse excusari à peccato mortali, quàm quæ pro usura, mendacia, vindicta, &c. sunt excogitata à Defensoribus Probabilitatis: & pro horum quæ hîc dicimus veritate, propriam ipsorum vel solam, obtestor Adversariorum conscientiam.

Viden mi Lector quid ducat hæc effrænis licentia opinandi? Nam secundum præfatam Cardenæ doctrinam, quoties apertam & convincentem de re aliqua: v.g. de Animæ immortalitate; de regimine Divinæ Providentiæ aut quocumque alio non habueris demonstrationem: prudenter & justè assensum ad alterutram partem, etiam legi contrariam tibi poterit voluntas imperare; dummodò hæc opinio sit Probabilitatis pallio cooperata: quod numquam deerit: (nam solâ ferè audaciâ opus est: seu ut ip-

sus Cardenæ verbis supra relatis utar: ) nihil requiritur nisi sola supra Probabilitatem reflexio, quâ asseritur certa *omnis opinio Probabilis*: & ubi, inquit, hoc *tantum certum alicui proponitur, in aliqua operatione non esse peccatum: nullum penitus est peccatum*, Ita loquitur pag. 216. num. 228.

Hoc certè mihi videtur favere spiritui privato nostri ævi hæreticorum: qui jactant se posse certos esse, quodd sunt in gratia, dummodò hac de re certam habeant persuasionem seu fidem, quâ sibi persuasum habeant obtinuisse à Deo hac fide remissionem peccatorum.

Secd ut ad prædictam conscientiarum commutationem seu commercium redeamus: nonne miraris lucrum, quò, propriæ conscientiæ locò, ab Authore naturæ, singulari beneficio tibi concessæ: tria ad minus reperies conscientiarum millia in uno Diana: immo tot tibi à Cardena concedentur conscientiæ unius vice, quotquot jam sunt in Casuistarum libris opiniones Probabiles, id est, innumerabiles. Quid ergo faciliùs, non solum ad dissolvendos sed & ad discendos quarumcumque difficultatum nodos, quàm aliquod argumentum tibi probabilius occurrerit, quod solve non possis, & si quidpiam securius immo ad salutem necessarium inde judicaveris: quam cum Cardena tibi persuadere *forte te decipi*? Seu ut alii Probabilitatis Patroni in principio hujus apologiæ citati, aiunt, *argumentum quod solve nequis, alius solve quibit*. Nullis ergo detinetur conscientiæ repagulis sagax Defensor Probabilitatis. Non lege æternâ: quia in pluribus latet. Non ab ea derivatis legibus positivis: quia ex illis nulla est sufficienter promulgata, quoties apparuerit opinio probabilis ei adversa, quæ, nisi apud stolidos, nunquam decrit. Quantum denique ad legem naturalem nobis à Deo opt. datam, hanc etiam exulare cogit Probabilitas, dum inaudita arte ac solertiâ asserit conscientiam propriam non esse audiendam, nosque sinit obsurdescere monitis propriæ synderesis, ut eorum loco obrudat ac sufficiat tot conscientias ac Pædagogos, quot sunt in libris opiniones probabiles. Profectò non existimo ab Orbe condito, majorem fuisse rerum subversionem: nec hoc Probabilistico Axiomate quidquam periculosius fore ad salutem, nisi cohibeatur.

Non minus gravia sunt quæ ex eodem Cardena dicenda supersunt, quàm quæ hæctenus ex illo audivimus: quæ talia sunt, ut non dubitemus, quin hac de causa grates referat Deo immortales totus candidatorum Moralis Theologiæ Chorus, quod in Angelicum Doctorem, ut alii plures, commentaria non ediderit Cardenas. Nam si ex præteritis liceat ominari de futuris; ita corruptus aut diffamatus per ipsum fuisset Doctor Angelicus, ut facillimè jam posset quisque Esau pro Jacob obtrudere, id est, Adversarium D. Thomæ pro eodem sufficere. Et ne existimet Lector à me hæc scripta esse sine causa, nonnulla subjiciam D. Thomæ testimonia, quæ de industria explicuit Cardenas & ita corripit, ut vix, & ne vix quidem in illis mens Sancti Doctoris innotescere possit.

Primò igitur ait D. Thomas 1. 2. q. 76. ar. 3. esse aliquam ignorantiam invincibilem, quæ aliquando excuset à peccato, nimirum *si talis sit ignorantia, quæ omnino sit involuntaria: sive quia verè est invincibilis: sive quia est ejus, quod quis scire non tenetur*.

At Cardenas (qui magnus S. Doctoris vult haberi Interpres ac disci-

pulus) pagina 190. nu. 87. quamdam excogitavit invincibilitatem, quæ tamen vinci possit, quamvis nihilominus nemo eam vincere teneatur. Quæ assertio ut patet ex dictis cap. XI. est omnino falsa. Sed ne ipsi imponere videamur, eundem audiamus. *Ignorantia, inquit, quæ includitur in opinione probabili, est invincibilis: non quia non potest vinci, potest enim resolvi in dubium: & hoc vinci per electionem partis tutioris: sed quia non tenetur homo ad id; eò ipso quod habet fundamentum probabile pro libertate.* At hoc semel concessio ritè intellecto: maxima erit incuria hominis pro sua salute æterna, ut patet tot propositionibus resperis in Casuistarum libris & tanquam probabilibus, propugnatis, quibus libertas creaturæ contra Dei jura defenditur, etiam cum de æternitate (ut aiunt) alea jacitur. At vincendam esse (partis probabilioris ac tutioris electione) ignorantiam, in opinione minus probabili inclusam, satis probant argumenta omnia toto cap. 10. superius facta.

9. Secundò. D. Thomas quodl. 8. ar. 13. agens de pluralitate Præbendarum ait: *Peccatum committi aliquando agendo contra legem: aliquando verò agendo tantum contra conscientiam: & quandoque agendo contra utrumque.* Et quodl. 9. ar. 15. ostendit præfatam beneficiorum polygamiam, esse admodum cognitu difficilem ac periculosam: tum propter diversas Doctorum hac in parte opiniones: tum quia hætenus, nullus definire ausus est, utrum *plura habere beneficia* sit jure Divino vel solo positivo prohibitum.

At Cardenas præfatam D. Thomæ distinctionem aded necessariam, apertè confundit, illisque quodlibetis manifestè illudit: cujus textus depravato convincitur solo oculorum testimonio. Nam pag. 219. nu. 455. *Divinus Thomas (inquit Cardenas) explicuit modum quo conscientia excusatur. Cum ergo dicit, quod agitur contra legem semper esse malum, & conscientiam non excusare; intelligendum est de eo, quod agitur contra legem aded claram & manifestam, ut de illa non possit haberi conscientia erronea, nisi culpabilis, &c.* Cujus Cardenæ verbis aperte D. Thomæ contradicitur & non tantum præfata ejus distinctio confunditur, sed & legis violatio materialis cum formali permiscetur: quod est contra sensum communem omnium Doctorum. Potest enim quispiam peccare contra legem etiam zelo legis, & ignoranter; non verò ex malitia ut in Saulo & persecutoribus Apostolorum contigit, qui arbitrabantur se obsequium præstare Deo: à quibus lex, quam æmulabantur, imperfectissime cognoscebatur. Qui tamen minimè à peccato excusantur; nam ut ait Doct. Angelicus quodl. 9. ar. 15. *Error quo non creditur esse peccatum mortale, quod est peccatum mortale, conscientiam non excusat à toto, licet forte à tanto.* Et ut supra diximus, ipse Adamus arbitrabatur se tantum venialiter peccaturum. Item qui putaret fornicationem esse tantum venialem, non propterea desineret peccare mortaliter, ut ait D. Thomas.

10. Totus Cardenæ scopus in hoc consistit, ut scilicet ostendere possit D. Thomam aliquando docuisse opiniones minus probabiles libertati faventes etiam legi contrarias, ut sic remissæ Probabilitatis fide jussorem habere possit Angelicum Doctorem. Tertiò igitur Cardenas pag. 231. nu. 473. infert ex 1. 2. q. 91. ar. 4. D. Thomam docuisse legem humanam

R ij

non posse præcipere actus internos: *que opinio (inquit Cardenas) non stat pro lege humana, sed pro libertate*, suamque nititur confirmare opinionem ex 2. 2. q. 104. ar. 2. in quo inquit S. Doctor *utrum obedientia sit summa virtutum? Quo ex articulo ille inducit D. Thomam sic loquentem. Et idem in his que pertinent ad interiorem motum voluntatis, non tenetur homo homini obedire, sed solum Deo*: quo in articulo, ne quidem syllaba legitur horum verborum.

Potuisset Cardenas citare art. 5. ejusdem questionis; ubi quidpiam tale dixit D. Thomas: sed id cautè dissimulavit Cardenas qui istud integrè nequivit referre, quin malam suam fidem, omnibus faceret manifestam, ut legenti patebit.

Ad prius igitur D. Thomæ testimonium ex 1. 2. q. 91. ar. 4. à Cardena objectum. Respondèd ipsum non potuisse melius suam inopiam demonstrare, quàm hac objectione, loco enim citato probat S. Doctor pluribus argumentorum speciebus, humanas leges non præcipere actus merè internos, soli Deo notos: sed tantum externos & internos externis conjunctos, & idèd præter leges humanas, necessariam esse legem Divinam superiorem, hujusmodi actus merè internos præcipientem aut prohibentem. Quod est diligenter annotandum. Hic obtestor non solum Lectoris, sed & ipsius Cardenæ conscientiam, an possit quidpiam excogitari magis è diametro oppositum præcipuo Cardenæ intento, quàm præfata D. Thomæ doctrina, quâ sic necessitatem legum ostendit, quibus tanto studio Cardenas insidiatur, ut creatam libertatem adversus eas tueatur: Suam ergo exinde inferat Cardenas conclusionem, ut omnibus risum moveat, *Ergo, inquit, licitum est sequi opinionem minus probabilem, etiam legi Dei contrariam, libertati, lucro & voluptati faventem*, & jam non D. Thomam habebit præfate propositionis Authorem vel Patronum, ut patet ex dictis; sed Censorem & Adversarium, cum universo omnium Sanctorum Choro.

11. Quod autem ait Cardenas ibid. de electuariis tempore jejunii ex D. Thoma (perperam rursùm exposito) sumi aliquando solitis: ad quod probandum pag. 231. nu. 476. remittit lectorem ad Amadæum Guimenium; falso hoc nomine larvatum: certè deberet Cardenas erubescere, famosum hunc libellum Ecclesiæ fulminibus percussum, adhuc legendum proponere Christianis, cum hoc facere nequeant, vel apud se solummodò ipsum retinere; quin novo ipsi continuò feriantur Excommunicationis Anathemate. Et sic in Cardena non solum veritatem erga D. Thom. desideramus, sed & in proximum, Charitatem.

Quartò. Cardenas pag. 132. laudat D. Thomam in 4. Sent. dist. 29. q. unic. ar. 4. docentem *filium non teneri obedire Parentibus quoad matrimonium, nisi quantum ipse justa causa ad id coegerit. Que opinio (inquit Cardenas) est pars questionis benignior stans pro libertate*.

Respondeo justè Sanctum Doctorem noluisse juxta jura omnia & ipsum Trid. sess. 24. de Refor. Matri. cap. 8. filios cogi à Parentibus ad matrimonium contrahendum, cum sit servitus perpetua: sed tantummodò induci ex causa rationabili.

At quid melius aut justius dicere potuit S. Doctor? Sed si juxta morem suum non dissimulasset Cardenas Sancti Doctoris argumentum; sed

contra verius mentem D. Thomæ nobis exposuisset: ex hoc enim satis liquet, quid S. Doctor intenderet, nempe tam à matrimonio, quàm à Religione coactionem (quâ nemo sit bonus) removere: & præsertim suadere ut nunquam Spiritui Sancto viam occludamus, qui nos ore Apostoli adhortatur, ut meliora Charismata æmulemur. Ideò ait & merito *Patre matrimonium imperante, filium posse sine peccato Religionem intrare*. Quia magis obediendum est Deo quàm hominibus. At, quid magis oppositum Probabilitati quæ pretextu libertatis, emolumenti aut voluptatis, omnibus legibus jugum excutere molitur, quibus perpetuò illudit aut pretensâ abrogatione aut insufficienti promulgatione & notitiâ, quam semper vult esse majorem ipsâ luce meridianâ, ad inducendam justam obediendi obligationem? Quintum laxitatis exemplum, quod Cardenas satagit pag. 232. nu. 480. affingere D. Thomæ, id deduxit ex 2. 2. q. 185. sed veritus indignationem lectorum, cautè dissimulavit locum; scilicet articulum 7. ubi à S. Doctore expressis verbis Cardenas confutatur in eo quod ipsi imponere conatur *circa administrationem bonorum quæ cedunt in usum Episcoporum*. Legat qui voluerit totum hunc articulum, ut ipse testis sit & iudex, quid strictius aut sanctius dici possit, contra vagam Probabilitatem & effrænem, quam Cardenas tueri conatur libertatem.

#### SECTIO IV.

*Redit in ipsum Cardenam iniuria D. Thomæ ab ipso illata. Vera ratio prudentie ostenditur & ipsius artisque differentia aperitur: Omnes Cardenæ modificationes & conatus probant ipsum cum veteribus Academicis esse annumerandum: facileque solvitur argumentum Fabri quod ille existimabat ineluctabile: ac palam declaratur nudum D. Thomæ, sed sancto Patriarchæ Ignatio de Loyola Cardenam illudere.*

Nu. 11. **H**ic dicendi finem libenter facerem, nisi apud Cardenam ad prætermittere nequeam. Nam falsò ex Angelico Doctore furtis & latrociniiis latissima via referatur à Cardena pag. 231. nu. 476. ubi ait: *Tertio Angelicus Doctor (ut ostendam alibi) docet licitum esse pauperi graviter indigenti, surripere à divite ea quibus eget, nempe occurrentibus debitis circumstantiis ibid. expositis: quæ opinio (inquit Cardenas) stat pro libertate pauperis*. At, neque hîc, neque ullibi unquam apud Angelicum Doctorem hanc doctrinam reperiet Cardenas, quâ ut dixi lata latrociniiis via aperitur, & pauperes, qui reipsâ surripere aliena bona non possent, in continuo sineret esse surripiendi desiderio, ac subindè in assiduo statu damnationis æternæ: locò patientiæ, quâ, ex bonorum temporalium penuria, possunt sibi æterna promereri. Quis enim pauper, qui gravem non existimet, quam patitur, necessitatem? Cui si fides adhibeatur, quam libet levem vociferabitur intolerabilem.

Neque aud. enda sunt quæ ibid. adjecit Cardenas, cum hæc ipsum non faciant excusatum, sed magis gravent: quibus ipse satis convincitur, nul-

lum à se repertum esse vestigium doctrinæ adeò scandalosæ apud Doctorem Angelicum, quem ed gravius offendit quòd palam ostendit, se non casu hoc dixisse, sed datâ operâ & de industria hoc fabricasse, ratiocinatione tam falsâ, quàm viro Religioso indignâ. Distinxerunt enim Casuistæ triplicem necessitatem, levem scilicet, gravem & extremam, in qua ultima necessitatis specie, aiunt pauperem (cui à malo divite negaretur alimonia) posse panem v.g. surripere; numquam tamen licuit has necessitatis species confundere, ut pro extrema necessitate gravem sufficerent, quæ apud pauperes, illorum iudiciò, semper est talis.

13. Sed quod omnem laxitatem, omnemque admirationem superabit, est, quòd Cardenas pag. 231. nu. 477. & 478. audeat D. Thomæ tribuere quod ipsi numquam venit in mentem, nec vereatur pauperem constituere divitis iudicem, ita ut in sui favorem contra eum ferat ac propriam exequatur sententiam: certòque ac iustè surripiat pauper à divite, quod fortassis ille ex charitate teneretur pauperi erogare. Si enim pauper licitè potest à divite, quæ sibi necessaria sunt surripere, non debet dives pauperem prohibere aut ipsum accipientem oburgare: cumque adit pauperi iusta facultas surripiendi, nihil ipsi deest nisi oportunitas; quam si fartum dixerit dives, ipse calumniâ aut detractiōe; non verò pauper peccabit: Debeantque in Tribunalibus iudices quiescere contra latrones, illis asserentibus, se id non fecisse, nisi urgente gravi necessitate: has enim pillulas tenetur deglutire Cardenas, falsâ ejus propositione semel concessâ. Et quia sagacissimus est, prævidit, non sine stupore id accipiendum fore: idèd postmodum finxit se loquutum problematice: sed quam in partem magis inclinet conjice ex his ipsius verbis: *sed inde vim argumenti non effingies. Quos scilicet suadet pauperem posse furari.* Deinde quis unquam talem audivit cavillandi artem? Si pars affirmativa est D. Thomæ (inquit Cardenas) id est, si pauper. possit furari, opinio stat pro libertate pauperis. Si negativa est D. Thomæ, id est, si non possit pauper furari. *Opinio S. Thomæ, inquit, stat pro libertate divitis.* An poterat Cardenas evidentius docere artem hanc à Deo & hominibus reprobatam, semper claudicandi in utramque partem: omnibus veritatis amatoribus mirum in modum exosam? Alius est quasi perpetuus Cardenæ ludus in usu vel potius abusu prudentiæ, quâ ab ipso imbuuntur omnes opiniones etiam minus propabiles legibus adversantes: sed quia hoc ipsi commune est cum cæteris Defensoribus Probabilitatis, qui omnes opiniones probabiles obtrudunt nomine prudentiæ fucatas: hinc paulò accuratius ad calcem hoc negotium rimabimur: ne deinceps illudant lectoribus specioso prudentiæ titulo. Inter se quidem comparantur ars & Prudentia: & sicut ars est recta ratio fabricilium: ita & prudentia agibilium; seu rectorix actionum humanarum ad debitum finem contentendium: unde & vetus illud adagium, *quidquid agas, prudenter agas, respice finem.* Ex quo licet inferre relationem seu respectum ad finem esse prudentiæ non minus intrinsecum & essentialem, quàm sit proprium justitiæ, reddere unicuique quod suum est.

Ars verò non curat de fine, sed tantum de artefacto seu opere; unde ait D. Thomas, 1. 2. q. 57. a. 3. *Dummodo verum Geomctra demonstret, non refert qualiter se habeat secundum appetitivam partem, utrum sit laus vel*



*iratus, sicut nec in artifice refert. Quod fusiùs explicat ibid. art. 4. Ars ( inquit ) facit solum facultatem boni operis, quia non respicit appetitum; secùs prudentia, quæ etiam respicit usum.*

Ratio fundamentalis hujus diversitatis est, quòd theoricæ virtutes intellectui tantummodò conferant rectè operandi facultatem secundum proprias cujusque regulas, non verò studium. At virtutes morales, & præcipuè prudentia, quæ facit hominem sui studiosum, eidem conferre debet rectè agendi effectum in quo præminet finis, quæ est prima causarum, & à qua in actibus humanis movetur causa efficiens: unde *magis laudatur artifex ( inquit D. Thom. ) qui volens peccat, quàm qui peccat nolens: magis autem contra prudentiam est, quod aliquis peccet volens, quàm quod nolens, quia restitudo voluntatis est de ratione prudentie.* Porro hæc voluntatis rectitudo fit per ordinem ad debitum finem; unde ut quis dicatur prudens in uno genere: v. g. Medicus, debet de fine, scilicet sanitate præ cæteris curam habere: sicut & Christianus, de æterna felicitàte; alioquin uterque in suo genere prudentiâ carere judicabitur.

14. Igitur quemadmodum Medicus meritò ab omnibus imprudens judicabitur, si utatur medicamentis aut alimentis ad sanitatem recuperandam aut conservandam minus aptis & efficacibus: Ita & Christianus dicendus est imprudentissimus, qui in rebus suæ salutis æternæ confidit opinionibus minus probabilibus, quibus non nisi falsò potest tribuere nomen prudentiæ, cum magis repugnent ultimo fini, quàm eidem convenient.

Quod diximus de Medico, dicendum quoque est de aliis professionibus; v. g. de arte militari; nam in bello nunquam dicitur Dux prudenter exercitum disposuisse, nisi id fecerit secundum regulas artis militaris ad victoriam reportandam ( quæ est finis belli ) aptiores: nec excusatur ex hoc, quod sibi persuaserit se posse aut debere secùs facere. De aliis itidem virtutibus non secùs sentiendum: etenim quia prudentia est illarum Rectrix, semper finem intuetur, mediaque ad hunc consequendum convenientiora eligit, fugitque à contrariis. Sic prudentia temperantiam regit, consulitque: v. g. moderatè comedendum, vel propter sanitatem tanquam finem, vel propter bonum rationis. Item quatenus est custos castitatis prudentia, abhorret non solum ab omni re certò mala, quales sunt tactus & oscula; sed etiam ab omni alia vel probabiliter castitati periculosa, quales sunt familiaritates, colloquia, & mulierum aspectus: *Noli intendere in faciem virginis, ne ipsa scandalizet te.* Et sic dicendum de omnibus aliis, in quibus si sit prudentiæ locus, semper convenientiora ad finem eliguntur, & ab incertis ac periculis cavetur.

Porro prudentiæ sunt duæ dotes, in quibus vera illius essentia salvatur. Primò, ex recto circa ultimum finem appetitu: & sic prudenter agit, etiam in administratione Sacramentorum, qui ex duobus malis, minus eligit, & v. g. urgente necessitate, Baptismum probabilem aut dubium confert potius quàm nullum: quia minus est malum, minus decenter administrati Sacramentum, quàm Animam periclitari.

Secundò. Prudentiæ ratio salvatur aliquando per ordinem ad rem verè in se sic existentem, modo aliarum rerum speculatarum, in quibus ex eo quod res est, vel non est; oratio dicitur vera vel falsa. Ita D. Thomas 1. 2. q. 64. a. 3. in o.

At his omnibus præfidiis destituta est opinio minus probabilis legi contraria, quæ pugnat pro commodo, voluptate, lucro aut libertate, contra officium, bonum rationis, honestatem aut legem charitatis, ex qua, ut diximus cum D. Thoma, proximi opera semper meliorem in partem interpretari debemus, ubi non fuerint evidentia malitiæ argumenta.

15. Non (inquam) habet præsidium opinio minus probabilis ex primo, scilicet ex fine, seu ex recto circa illum appetitu, circa quem apparet malè dispositus, eo ipso quòd de industria contendat eligere media minus probabilia; id est, fini magis contraria & repugnantia, ut de Medico relinquente medicamenta efficaciora ac certiora sentirent omnes.

Nec etiam juvatur ex altero: ad quod probandum nullo alio opus est, quam quo usus est Sanctus Augustinus contra Academicos argumento: *Si nunquam vidisti Patrem meum, quâ fronte audes asserere fratrem meum Patri meo esse similem?*

Itidem si de quadam re, nullâ arte aut indagine potuisti veritatem tibi comparare: quâ audes de eadem, propositionem (quæ magis videtur ei repugnare qualis est opinio minus probabilis) asserere, adhuc esse probabilem; id est, veritati (quam hæcenus cognoscere nequivisti) similem? Hoc enim sonat nomen Probabilitatis; quam ob causam, ignorantiam illius esse invincibilem asserunt Defensores Probabilitatis.

Explicatur magis. Queritur an Petrus teneatur refarcire damnum grave, quod intulit Joanni cum sola culpa veniali? v. g. furtum notabilis Summæ per furta venialia sensim comparatæ? Ait Cardenas, pag. 231. nu. 466. *A pluribus annis Doctores circa questionem directam nihil certi invenire potuerunt, desperans omnes de evidentia aut certitudine comperienda in ea questione.*

Unde igitur certitudo comparabitur? Ex reflexione supra Probabilitatem, inquiet Cardenas.

At falsum ac ruinosum esse hoc fundamentum supra apertè demonstravimus. Unde ergo asseris propositionem Petrum absolventem à restitutione probabilem esse seu verisimilem; id est, veritati similem, quam invenire nunquam potuisti, quamque, ut ait Cardenas supra relatus, *desperant omnes se posse invenire?*

En igitur Cardenas ipse (qui vult haberi tanquam Reformator remissæ Probabilitatis) in eadem navi cum veteribus Academicis, (idque ex propria ejus confessione) contra quem statim & recurrit in roto suo robore præfatum D. Augustini argumentum, dicentis: *Insanum est & ineptum eum, qui hæc audet definire, seu asserere talem propositionem esse certè probabilem; id est, veritati similem: hoc enim sonat nomen Probabilitatis, cui, ut ait D. Bernardus supra laudatus, non sine temeritate, securitas asseritur.*

Sic in se confutatâ Probabilitate, quasi suâ sponte etiam corruunt ac dissolvuntur duo illius aggeres. Primus quidem quo asserunt quidam Probabilitatis Defensores, esse probabile, quidquid non fuerit Scripturæ oppositum, aut contrarium definitioni Ecclesiæ. Ex quo alterum inferunt, nullam etiam legem obligare, utpotè non sufficienter promulgatam, nisi ita evidens fuerit, ut adversus eam, nulla sit opinio probabilis, nam utrum-

que

que falsum est : etenim præter præfata duo membra , scilicet Scripturæ & definitionis Ecclesiæ , adhuc agnoscunt Thomistæ synderesum & prudentiam Christianam , contra quas sæpius peccatum committitur , ut supra diximus cum D. Thoma , de conscientia erronea . Neque hoc negare possunt Probabilitatis Defensores .

Innumeræ sunt etiam propositiones sparæ in Casuistarum libris tanquam probabiles ; ex quibus non paucae sunt admodum scandalosæ , ac in communem perniciem vergentes , quæ cum nondum sint ad examen vocatæ nec condemnatæ , interim obtinerent non sine magno Reip. Christianæ detrimento .

16. Quare facillimè solvitur argumentum quod P. Fabri existimabat ineluctabile ; quodque totum consistit in caligine Probabilitatis , quam saturant novis obscurare nebulis Defensores Probabilitatis , confundentes virtutes speculativas cum moralibus & practicis , in quibus tanta evidentia non requiritur , ut quis quandoque agere teneatur . Sic ergo argumentatur : *Si non teneor* ( inquit P. Fabri , qui re verâ non tenetur ) *illud credere , quod cerèd mihi non constet revelatum à Deo fuisse , & ab Ecclesia propositum ; non teneor etiam illam legem servare , quam cerèd non constat à Deo vel Ecclesia latam esse : Et sicuti cerèd judico me non peccare quando illud primum non credo ; ita cerèd judico me non peccare quando istud secundum non facio .* Ex quo omnis lex quæ habuerit quidpiam obscuritatis , continuè ceu insufficienter promulgata ac nota , exulabit apud Adversarios .

Pro præfati argumenti solutione , neganda est sequela , quæ rota latet in prædicta confusione distinctionis , speculativæ & practicæ virtutis .

Cum enim fides pertineat ad speculativas virtutes , more illarum evidentiam & certitudinem habere debemus revelationis à Deo factæ , & ab Ecclesia propositæ , antequam credere teneamur .

At non est idem de agendis & practicis , in quibus sufficit veritas practica judicii consentientis cum recto appetitu circa finem , officium & legem ; & præcipuè in re , de qua majorem habere non possumus evidentiam . Sic filius prudenter honorare patrem , ipsique obtemperare censetur , licet non habeat omninò certam & evidentem suorum natalium notitiam . Item piè prudenterque adoratur hostia à Sacerdote consecrata , dum in Missæ sacrificio ad cultum ac venerationem populo exhibetur . Denique quis neget eum prudenter agere , qui abstinet ab iterando Baptismo , si probabiliter existimet , Baptismo primum administrato , nec formam nec materiam , nec etiam dedivisse Ministri intentionem ? Sed quæ conventio lucis ad tenebras , seu prædictorum cum iis in quibus de industria legibus contradicunt & adversantur , pretexto opinionis probabilis eis contrariæ ? Itaque asseruimus eos quidem peccare , qui in injustitia veritatem detinent , seu qui eam evidenter cognitam impugnant , quibus aut accensibimus , qui quidpiam affirmant aut negant contra Scripturam aut Ecclesiæ definitionem : sed hæc duo membra non sunt adæquata peccatorum causa , tùm propter rationem jam dictam , tùm quia juxta Probabilitatis doctrinam absolvendi essent Epicurei ab omni peccato circa Dei existentiam , Numinis providentiam , & Animarum nostrarum immortalitatem : siquidem exerto ore , per omne sanctum jurabunt , hæc diligenter inquisisse .

sequē nullam de his unquam habuisse, vel evidentem demonstrationem, vel fidei divinæ revelationem.

17. Ex hæcenus dictis manifestè declaratur quàm indignè abutantur Antirithomistæ vocabulo prudentiæ, quàmque immeritò illud tribuant opinioni minus probabili, ut Probabilitatis nomen cum Cardena possint consecrare superiùs querimonias agente, quòd multi *sacrum Probabilitatis nomen corrumpant*. Quam ipse ita remissam fecit, suisque evanidis distinctionibus implicuit, ut jam omnes ab ea abhorreere debeant, sicut & à fucata quam ei affingit prudentia, juxta quam contra omnes ipsius naturæ & charitatis leges, asserit eum prudenter agere, qui temerè judicat etiam de homine integræ famæ, defectu scilicet perfectæ evidentie.

Non minus injusta est usurpatio Scripturæ, dum ex ea hoc testimonium, *Qui citò credit, levis est corde*, excerptum; de communi tantùm inter homines credulitate seu fiducia intelligendum, ut illud etiam pro fide Divina omnibus obtrudant; quâ novitate inaudita, & omnes qui prompto animo Deo vocanti citò obtemperarunt, ut Apostoli, tacitè arguunt levitatis temerariæ, & quæ sunt fidei Divinitus infusæ, reducuntur ad tricas & tribunal Probabilitatis, quâ tam facilè tot, adeoque horrenda tormentorum genera innoxie potuissent omnes fidei Pugiles evadere, si vel semel obtineant Neotericæ Probabilitatum tricæ, eò periculosiores, quòd omnibus morum ac fidei rebus occultius serpunt ac immiscentur.

Non miror quòd tam apertè supra relatam Divi Thomæ doctrinam ita corruperit Cardenas; cum non magis sincerè sanctissimi sui Patriarchæ Iguatii exponat regulas, ne à sua fucata Probabilitate videatur recedere. Etenim in libro de ratione studiorum Societatis Jesu, Antuerpiæ, apud Mursum 1635. autoritate septimæ Congregationis edito, pag. 30. n. 4. de Præfecto studiorum legitur: *Professoribus omnibus regulas sedula curet (scilicet Præfectus) observandas; præcipuè vero eas quæ de doctrina D. Thomæ.... præscribuntur*. Porro de iisdem Societatis constitutionibus alibi ostendimus; quæ præscribant esse repellendos à docendi munere, minùs benè affectos circa doctrinam Divi Thomæ.

Et ipsemet sanctus Patriarcha Ignatius de Loyola, non minus favens Thomistis in securiore opinione eligenda, quàm pro gratiæ efficacia, ut fusiùs alio libro ostendimus; non magis verè ab ipso Cardena exponitur. Nam 4. parte Const. editionis præfata, cap. 5. nu. 4. ubi ait S. Ignatius: *Sequantur (scilicet Professores Societatis) in quavis facultate securiorem & magis approbatam doctrinam, & eos Doctores qui eam docent*, sic illum interpretatur Cardenas, pag. 216. num. nu. 317. *Præcepit ergo Legislator noster ut doctrinam securiorem amplectamur*: (id est, inquit Cardenas, non suspectam.) Ita ne, Pater mi, licebit tibi *securiorem doctrinam* interpretari? An apud te dicitur optimus aut melior, omnis cibus veneni non suspectus?

Quare, mi Cardena, jam non miramur si nobis hac in parte contradicas, cum tam apertè sanctissimo tuo Patriarchæ illudas, ut vagam, quam tueris Probabilitatem, in Angelicum Doctorem refundere valeas, cujus non est Author aut Defensor, sed verus morbi hujus spiritualis Medicus, ut satis patet ex dictis. Quod si quidpiam recentius in hujus rei fidem à

ne requiras; lege librum recentissimum, cui idiomate Gallico titulus est, *Le Journal des Sçavans*; id est, *Diarium Doctorum*; ubi pro doctrina D. Thomæ, quam labefactare satagis, testimonium reperies pag. 55. datum à viro integerrimo nulli partium, sed uni veritati addicto 2. Martii 1676. *Le Pape Alexandre VII. (dit-il) voulant remédier à cet abus (c'est à dire à la corruption des mœurs, causée par la Probabilité;) après avoir condamné le sentiment de quelques autres qui s'étoient un peu écartez de la véritable Règle Chrestienne; ordonna, que comme la doctrine de Saint Thomas avoit toujours passé pour la plus saine & la plus sôlide de toute l'Eglise, on tirast de ses œuvres une Somme qui pût servir de règle pour la conduite des Fideles.* Porro hanc Summam eduxit Getius Ord. Prædic. Burdigalæ; & reperitur Parisiis apud Viduam *Thiboust*, quæ Angelici Præceptoris doctrinam sincerè refert, quam si sequi volueris, præceptis ac legibus adhærendum semper nobiscum judicabis: si secùs, quidquid in oppositum dixeris; veritas (quæ vino fortior est) semper prævalebit. Nec deerunt qui oculos aperiant, librosque evolvant, ut Probabilitatis fucum auferant, ac fallaciam refellant.

Quod si causeris nimium à nobis exigi, dum securiorem partem semper esse sectandam contendimus; unum est quod reponamus cum Gregorio VII. *Nihil tibi præter quod Scriptura & sacri Canones (immò & ipsa ratio) præcipiunt, respondere possumus. (Quia) nulli licentiam peccandi dare possumus, nec debemus, cum ipsi eam non habeamus.* At tota doctrina de Probabilitate remissa, nihil est nisi ars cavillandi, vel potius fucata peccandi licentia, simplicitati Christianæ prorsus inimica, & toti humano generi perniciosa. Unde S. Augustinus, lib. 22. de Civit. cap. 23. inter mala quæ specialiter ipsis justis sunt hic metuenda, Probabilitatem annumerat; quos hortatur, ut continuis excubent vigiliis, *ne opinio verisimilis fallat; aut quod bonum est, malum; aut quod malum est, bonum esse credatur.* Nam, ut supra cum D. Bernardo jam diximus, *Væ utrique dicitur.*



# APPENDIX PRIMA.

## *De reliquis Probabilitatum Cuniculis.*



E quid desiderandum superfit ad complementum hujus Apologiae doctrinae Thomisticae, pro qua usurpare possumus illud Ecclesiastici 6. 31. *Decor vite est in illa, & vincula illius alligatura salutaris*; hinc brevem adjiciemus Appendicem, quâ tum reliqui Adversariorum Cunicali aperiantur & expurgentur; tum quæ supersunt solvenda dirimantur argumenta, quæ certè ad tantum ac talem pervenire excessum, ut expediat, immò sit prorsus necessarium, omnes agnoscere Probabilitatis doctrinam; nec ad D. Thomam aut Sanctos Patres pertinere, nec ad Ecclesiam. Decorem vitæ in doctrina Divi Thomæ hac in parte Probabilitati opposita esse diximus, qui bonum honestum (homini aded proprium) ait semper esse præferendum cæteris boni speciebus Unde de verit. q. 18. a. 6. *Semper contingit (inquit) inordinatio, quando aliquid movetur à non proprio motivo, sicut si voluntas moveretur à delectabili sensus, cum debeat tantummodo moveri ab honesto.* Quò unò sancti Doctoris testimoniò, tota Probabilitas perturbatur, quæ ipsa perturbat omnia, dum bonum utile, jucundum seu delectabile non rarò præfert honesto, idque aliquando contra legem aut officium: & hoc, propter lucrum, libertatem, commodum aut aliquam voluptatem capeßendam: Et quod pejus est, suadere nituntur Adversarii id ita fieri debere ex mente D. Thomæ: qui si viveret, non dubito quin indignabundus in hæc verba Socratis prorumperet: *Quam multa falsa mihi imputantur.* Dicitur etiam *Alligatura salutaris.* Quæreretur naturalium cognitionem mirum in modum cum rebus fidei sociavit: ut tam hæc quàm illa saluti deferviret. Quare sit



## CUNICVLVS PRIMVS.

*Vtrum prætexit opinionis hinc & inde probabilis, rite absolvatur quis ab obligatione legis, prætexta possessione libertatis?*

### SECTIO I.

*Quid sit Lex humana, unde ipsa? Cur sic dicta? & quàm necessaria sit? Vbi primo intuitu ostenditur Probabilitatem non esse in statum appendendam cum tot egregiis dotibus legis. Quid intelligatur possessione libertatis? Et fundamentum obligationis legum humanarum declaratur.*

Nu. 1. **N**ihil frequentius apud Adversarios, ut patet ex dictis; quàm unumquemque tutò sequi posse opinionem probabilem etiam legi contrariam, multis quidem de causis; sed potissimum ex titulo & jure

possessionis libertatis, quâ ( inquit ) nemo debet spoliari sine evidenti & manifesta legis evidentiâ, quæ nunquam verè talis judicatur; quandiu contra legem opiniones utrinque probabiles reperiuntur. Existimant enim Adversarii legem non esse sufficienter promulgatam, nec subinde in conscientia obligare, nisi sit evidentiior ( ut cum quibusdam loquar ) ipsâ luce meridiana.

Quare priusquam hanc prætensam libertatis possessionem refellamus, hîc breviter attingemus, quæ fusiùs exposuimus in Tractatu de Legibus ( ubi securiores semitas Moralis Theologiæ pro modulo assignavimus; ) ut meliùs innotescat, quàm immeritò prætendant possessionem libertatis contra jus & auctoritatem legis, supremæ hujus Majestatis, quæ non tantùm hominem sibi subjicit, sed & torum subdit suis orbem legibus: qui enim in æterna sua dispositione & providentiâ, jam certa lege & gyro ipsas vallabat abyssos, & legem ponebat aquis, ne transirent fines suos; nullatenus existimandus est hominem sibi ipsi reliquisse sine lege; qui eâ præcæteris indigebat propter libertatis creatæ indifferentiam & cordis humani pravitatem.

Ne igitur actum agamus prætermisso tractatu de Legibus, scilicet æternâ, naturali ac divinâ; de quibus fusè satis egimus, quibusque semper & in omnibus obtemperare ac subesse debemus; obiter nonnulla adjiciemus de lege humana, ab homine suo Authore sic dicta; à quo tanquam Dei Ministro instituitur ceu medicina infirmis necessaria, max. mē in rerum commutationibus & contractibus, ac potissimum propter avaritiam ac regimen seu gubernandi necessitatem, quibus vis coactiva & punitiva erat necessaria, quas penas non infligit lex ipsa naturalis, sed determinandas & infligendas relinquit. Lex igitur humana definitur: *Relicta & naturalis regula prodians à sapientia Principis, certo ordine ad bonum, sinemque debitum deducens subditos.* Quæ ex D. Thoma 1. 2. q. 96. a. 4. ab æterna lege per naturalem derivatur, juxta illud Prov. 8. *Per me Reges regnant, & legum Conditores justa decernunt.*

Porro legis humanæ dotes ab Isidoro assignatæ, sunt istæ, ut scilicet lex sit *iusta, honesta, possibilis, secundum naturam, & paria consuetudinem; loco ac tempore conveniens, necessaria, utilis, manifesta, nullo privato commodo studens; sed pro communi omnium utilitate conscripta.* Has omnes leges conditiones ad istas tres nonnulli reduxerunt, ut scilicet *lex Religioni congruat, discipline conveniat & saluti proficiat.*

His dōtibz & prærogativis decorata lex humana, in infinitum nihilominus inferior est & imperfectior lege æternâ, naturali & positivâ Divinâ; à quibus omnibus si notio legis abstrahatur, inquiritur an tanti facienda sit libertas creata, ut vi solius Probabilitatis, sit legibus antepōnenda, quotiescumque non fuerit perfecta legis evidentiâ; ita ut habenda sit ratio possessionis libertatis, sicut in rebus ad justitiam spectantibus, specialis habetur titulus de jure possessionis seu usucapionis?

Hoc posse ac fieri debere affirmant Adversarii: negant verò Thomistæ, contententes hunc titulum possessionis libertatis esse falsum ac nullum, ac præsertim contra legem Dei æternam aliarum scaturiginem. Utris verò ad hærendum sit; id est, nobis aut Adversariis, utrisve potior ratio suffragetur, id quod sequitur, palam declarabit.

2. Primum igitur Cuniculum à libertatis possessione contra legem aut præceptum excogitarunt Antithomistæ, asserentes hunc titulum valere contra quamcumque legem, de qua hinc & inde sunt opiniones probabiles etiam extra iustitiæ materiam. Quo in quæsito aperienda est magni momenti æquivocatio, quâ non parum obscuratur hoc negotium.

Cum ergo inquiritur utrum aliquis remanere debeat in possessione suæ libertatis contra legem & præceptum; idem est ac si inquireremus utrum v. g. is qui probabiliter credit se non vovisse, aut Officium Divinum non recitasse; vel diem Jovis nondum esse circa mediam noctem Veneris transactum; possit sine scrupulo votum non adimplere, Officium non recitare, & adhuc carnes comedere? Non est sermo de potentia naturali, quæ est capax boni & mali, seu benè & malè faciendi; sed de potentia morali, quæ, ut supra diximus, est tantum de eo quod licitè & secundum Deum quisque potest facere.

Intellectâ igitur controversiâ de potentia morali, quum inquiritur v. g. aut dubitat quispiam an voto satisfecerit, remaneat securus in conscientia, possessione libertatis probabiliter suadentis se voto fecisse satis, quamvis probabilius oppositum existimet? Quæstio est de *subiecto non supponente*, ut loquitur Celladeus, seu de ipsâ re, pro qua sumus sub lite: Et quicumque hac in re judicat aut definit per possessionem libertatis moralis; judicium fert per id quod non est, sed de eo, de quo inquiritur utrum esse possit. V. g. utrum tutor possit licitè non jejunare; ex eo quod probabiles hinc & inde sint opiniones, ex quibus una asserit ipsum non teneri jejunare; vel ex eo solo quod sit, in possessione suæ libertatis.

Sublatâ igitur æquivocatione, & factâ distinctione potentie moralis, quæ est tantum de eo quod licitè fieri potest: falsò ac perperam quis innititur possessione libertatis, quæ nunquam fuit, cum hætenus dubitatum sit, utrum in prædictis casibus & his similibus esse possit: & sic patet hallucinatio, nam possessio stat pro eo quod est, ac certò; idque bonâ fide possidetur: & tunc erit pro lege quæ est antiquior.

Et quamvis esset sermo de lege justa recens instituta, adhuc argumentum valeret: nam omnes leges justæ, sunt libertate nostrâ semper priores in radice; sunt enim legis æternæ, naturalis ac Divinæ participationes, juxta illud, *Qui vos audit, me audit*. Et ad Rom. 13. *Omnis Anima potestatis sublimioribus subdita sit, non enim est potestas nisi à Deo*. Et consequenter nullus potest etiam respectu novæ legis justæ, possessionem suæ libertatis prætexere: quomodo enim esset aut esse posset justa possessio libertatis, quæ non est, nec unquam fuit respectu justæ legis institutæ aut instituendæ à potestate habente; cui si subditus resistit, teste Apostolo, damnationem sibi acquirit?

Legatur si occurrere possit Celladeus de recta morum doctrina, Lugd. 1670. editus apud Petrum Chevalier, ne pluries eadem repetere cogar. Nec quis miretur si de hoc egregio ac subtili Authore mihi frequens sit sermo in hac Appendice; accepi enim omnia ferè primæ editionis volumina fuisse suppressa, tum ob perfectam nobiscum consensionem circa doctrinam morum ex mente Divi Thomæ; tum quòd nimis efficaciter & apertè Probabilitatis nævos aperuerit: quare plurimum interesse arbitratus sum si datâ



quacumque occasione ipsum infererem, ne saltem pereat hac in parte.

Fretus hac libertatis possessione præco magnus ac insignis Probabilitatum Defensor Dominus Caramuel citatus in *Ethica Christiana*, pag. 132. sic ait : *Qui dubitat an dies Iovis effluxerit, & incæperit dies Veneris, debet sic discernere : Dies Iovis est prior die Veneris : ergo est in possessione. Ergo non teneor credere esse diem Veneris, quousque detur ratio tam clara, qua diei Iovis possessionem elidat. Mirabilis planè possessio!*

At in oppositum stant Thomistæ asserentes itandum esse pro lege, aut præcepto vetante; & tutiorem partem eligendam esse, atque in casu prædicto à carnibus comedendis abstinendum esse, ac denique vanam esse ac futilem libertatis hujus possessionem.

3. Declaratur ex iustitiæ & aliarum virtutum discriminæ. *Æqualitas rationum, jurium vel Auctoritatum in materia iustitiæ, rem propriè facit dubiam; tuncque melior est conditio possidentis; dummodò bonâ fide inchoata fuerit possessio, certoque continuata tempore prolixiori aut minus longo pro rerum ac personarum diversitate. Et tunc possessor non est removendus, nisi contra ipsum major stet probatio : in pari siquidem casu ipse impar ac potior evadit solo jure possessionis, quæ deducitur ex jure naturæ, accedente Auctoritate Reipublicæ, ad quam spectat plura determinare.*

Explicatur magis. Diximus in Tractatu de Legibus, faciendam fuisse rerum divisionem, propter quorundam hominum pigritiam, qui non satis diligenter colebant agros, quos (quia communes) respiciebant tanquam alienos : tum propter insatiabilem aliorum avaritiam, qui omnia sibi coarcervare voluissent. Merito igitur accessit auctoritas Reipublicæ, ad cujus pacem ac tranquillitatem plurimum confert, ut unicuique jus suum servetur, resque remaneant in eo ordine, in quo iustâ & maturâ deliberatione fuerunt dispositæ; semotâ innovatione, quæ ut plurimum, non est sine aliquo perturbationis aut alterius damni periculo. Eadem de causâ diximus pag. 109. de legibus, ad debitam legum observantiam non parum valere consuetudinem; & nunquam veteribus derogandum esse legibus, nisi sit vel urgentissima necessitas, vel evidentissima utilitas : & ibidem utriusque rationem præsentî instituto penitus faventem.

Hæc clamant jura, ex quibus depromptæ sunt & inductæ leges præscriptionis & usucapionis circa materiam iustitiæ, ut dictum est, ob pacem ac tranquillitatem Reipublicæ, sine quibus nihil turè vendi, emi aut transferri posset; nec quisquam contractibus suis aut donationibus fidere posset, si suffragium temporis rerum possessionem nihil juvaret. Hinc omnium Sapientum consilio ac consensu sancitum est possessionem aliquid conferre ad verum dominium & proprietatem rerum; sicut & ad dubitationem solvendam cujus res sit : nam possessor qui bonâ fide, diù pacificè & nullò contradicente rem servavit; legitimo jure illam adivisse, juxta Christianæ prudentiæ regulas, credendus est. Legatur Celladeus citatus, qui hac de re cum Palavicino subtiliter discriit, ostenditque circa materiam iustitiæ & bonorum temporalium dispositionem, esse aliquod speciale fundamentum, possessionis iustæ ex auctoritate Reipublicæ, quod non reperitur in aliis virtutum officiis.

Nam inde depromuntur leges æquissimæ, quæ proprietatem rerumque dominium ac veritatem inducunt. Veritatem dico; quod enim in re est proprietas: in intellectu circa rem possessam est veritas, (cum de legitima ejus possessione dubitatur) juxta quas leges ritè justitiam administrant, & sine quibus pax & tranquillitas non servarentur. Dixi etiam justas esse possessionis & usucapionis leges: tum voluntate, quam vocant *derelictio- nis & abjectionis*; illius scilicet qui tandiu rem suam neglexit, tum authoritate reip. quæ potestate à Deo accepta bono communi (quod divinum est) intendit, pacis ac communis tranquillitatis sollicita.

At, quid commune habet præfata rerum materialium dispositio, ob incuriam & avaritiam potissimum corrigenda, ut dictum est; cum spiri- tualibus & æterna Dei lege? Quid simile fingi potest à Republica deter- minandum circa spiritualia, quibus ipsa summo jure subdita esse debet? An pertinet ad Remp. definire, utrum Deo opt. ejusque præceptis ac le- gibus obtemperare debeas? Nam si teste Cicerone *nihil mortales à diis im- mortalibus usurpare possunt*: certè potiori jure nec à Deo: contra cujus legem, injusta creaturæ rebellio aut negligentia reatus nullam inducunt possessionem, ut per se notum est.

4. Confirmatur. Lex æterna dicitur summa ratio in mente Divina ab æterno existens: seu effectivus rerum omnium præconceptus, quo Deus singulis rebus, suos indidit stimulus & instinctus, quibus in suos fines agerentur: & præcipuè homini, in cujus mente naturalem impressit agendi normam, quæ secundum rationem ageret (quæ ei naturalis est) quamque non potest præterire, nisi conscientia reclamante; & synderesi exprobrante. Et quia non ad finem tantum naturalem, sed & ad supernaturalem homo conditus est: duplicem aliam legem Deus concessit eidem, Mosaicam sci- licet & Evangelicam: & in has leges nihil omnino potest Reip. authori- tas vel hominis voluntas, propter supremum Dei dominium in volun- tatem creatam. Ubi ergo præten- sa libertatis possessio adversus hujusmo- di leges, non solum tempore priores, sed & dignitate, à peccato immunitatem & securitatem, faciens? Etenim legis æternæ promulgatio cæpit in nobis à primo usus rationis momento; ac proinde lex æterna antiquior voluntate creaturæ, jusque obtinet domini supra voluntatem creatam. At quodnam dominium magis justum quam Conditoris & Conservatoris? Inter quem & creaturam si per impossibile aliqua reperiretur juris & libertatis æqua- litas; adhuc merito jure, præsumendum esset pro Superiore prout cæteris paribus, bonum commune præferendum est privato, Divinum creato, & jus altioris ordinis juri inferioris: nisi velis per summam rerum sub- versionem, bellum ex utraque parte justum esse & jus Divinæ legis, quæ non solum prioritate sed & honestate ac indubitata æquitate semper vin- cit, justè etiam vinci libertate voluntatis creatæ capacis tam mali quam boni: & hoc argumentum deberet apud Adversarios esse invictum, apud quos tantum valet falsa possessio libertatis vel ob solam dierum & horarum prioritatem. Numquam ergo præsumendum pro possessione li- bertatis creatæ, nisi fortè cum res sunt indifferentes: quod definit esse, ubi primum prudens oritur controversia, an res aliqua sit mala vel à Su- periore prohibita.

## SECTIO

## S E C T I O II.

*Non faves libertati Regula communis ( melior est conditio possidentis ) tantum usurpanda in materia iustitia. Cur faciendum fuerit rerum divisio? Neque unquam esse potest iusta prescriptio contra legem Dei aeternam, praetextu probabilitatis, hic quoque specialis Scriptura exemplo profligata.*

Nu. 5. **D** eclaratur magis. Lex aeterna est prima & principalis actuum humanorum Regula : secunda verò est ratio humana prioris manifestativa, quæ huic debet conformari, sicut iusti horologii motus, motui primi mobilis conformatur. Non tamen ita clarè fuit intimata omnibus rationis lumine, neque ita perseveranter innotuit; quin in pluribus valde obscura fuerit; quare æquum iudicavit misericordiarum Pater, legem aeternam iterum per Moysen Primum mortalium legislatorum, in Decalogo velut in lucerna accendere : ac tandem per Evangelium ceu super candelabrum, eandem omnibus proponere fidelibus, & signanter per Christi exemplum, qui est Mons in vertice montium, Ecclesiam illuminare : quam audire tenemur, cæterisque legislatoribus obedire, juxta illud : *Qui potestati resistit, Dei ordinationi resistit.* Item : *necessitate subditi estote, non solum propter iram ( id est, obligationem ad penam ) sed etiam propter conscientiam.*


Ubi ergo præterita libertatis possessio? Quæ si vel semel admitteretur, numquam in dubia aut pari causa locum haberet omnium Sapientium commune adagium seu Regula generalis; in hujusmodi *incertiore parte esse eligendam.*

Confirmatur secundò. Obligatio sequendi partem tutam in dubiis nascitur ex ipso jure naturæ & Divino, inuitante ut *amulemur charismata meliora, ne per arctam viam ingredi contemnamus*; & declaratorie ex jure canonico, pluries; ut cap. *Ad audientiam.* Cap. *Significasti.* Hac de causâ jubemur ritè scire legem Dei: ejus præcepta meditari, Scripturas scrutari, ut per eas nobis innotescat Dei voluntas. At quicumque operatur contra legem sibi cognitam, prætextu possessionis libertatis : ait, *sin voce, saltem operibus & virtualiter: Fortasse lex hanc operationem prohibet.* Verum quicumque sic operatur, certissime peccat, citque temerarius. Et sicut ludentibus, si quæ in ludo jactura contingat, merito imputatur: nec excusantur per hoc, quod dicant se nescivisse an perdituri essent : ita & qui operatur dubitans, an lex Dei aliquid prohibear, quod agere delectat: non obstante opinionum diversitate, quarum una ( ut volunt ) est contra legem, peccat sequens minus probabilem legi contrariam.

6. Confirmatur 3. & magis explicatur præcedens ratio. Si id quod est melius, magisque tutum, ac minus peccatis & erroribus obnoxium; semper præferre debeamus, ut per se patet, idque juxta omnes humanæ & Christianæ prudentiæ leges; & ex Aristotele i. Rhetor. quantum fieri potest omnia sunt definienda juxta leges, utpotè majori deliberatione & a prudentioribus stabilitas ac certiores; quia sunt à singularibus abstractæ,

T

ac proinde longè præstantes quoad æquitatem & certitudinem privato cujuscumque judicio, passionibus amoris, odii, voluptatis, lucri aut saltem acceptionis personarum adhuc obnoxio: certè non nisi immeritissime prætenſa poſſeſſio libertatis uniufcuſque hominis, unquam præferri poterit legibus & præſertim Divinis maturo æternæ ſapientiæ judicio ſtabilitis. Nulla igitur Probabilitas indifferens ad concordiam aut diſcordiam cum lege divina; melior eſt aut ſecurior Morum regula, quàm aleæ ludus aut duella ſuſcepta juſtitie cauſa: etenim numquam pollicitus eſt Deus ſe pro meliori jure aſſuturum ſic pugnantiſ: & ſicut hac de cauſa, omnis pugna ſingularis eſt criminofa, ita falſa eſt omnis ſecuritas probabilitatis, in qua perperam ſiſtitur contra Dei mandata, jubentis illa cuſtodiri nimis, & maximè in re momenti longè gravioris, quàm vitæ corporis, utpoſtè in quâ (ut loquuntur adverſarii) ſæpius *jaciatur alea de æternitate*. Profectò iſta mihi videntur adedò certa, ut ignorem qui poſſint nonnulli ea in dubium revocare: & unum Säuſis factum 1. Regum 13: in eſſrænem licentiam agendi contra legem aut præceptum; deberet omnindò coërcere, ac metum omnibus injicere: nam ipſe non carebat Probabilitate & quidem multò majore, illâ quam ſæpius nobis obtrudere conantur: recta enim videbatur Säuſis intentio: urgebat neceſſitas (quæ, ut aiunt, non habet legem) in qua Deo obtulerat holocaustum: Cui tamen reſponſum eſt à Propheta: *Sinltè egiſti, nec cuſtodisti mandata Domini Dei tui*. Quare dicendum eſt, tentatam ab adverſariis diſceptationem, pro poſſeſſione libertatis contra legem; vi aut prætextu Probabilitatis propugnata, prorsùs eſſe rejiciendam. Quod ſi fuſius quàm forte par eſſet hoc proſequutus ſim; facile ut arbitror ignoſcet benevolus lector, ubi adverterit prætenſam hanc poſſeſſionem libertatis, prætextum habere magis ſpecioſum, eſſeque quaſi domeſticum inimicum, quem difficilius fuit expellere, quàm extraneos non admittere.



## CUNICULVS SECVNDVS.

*Utrum quando ſunt opiniones hinc & inde Probabiles, poſſit quipiam indifferenter utramvis eligere beneficiò cujuſdam ignorantia invincibilis (quam Caſuiſte Moderni vocant vitalem) & an hæc ignorantia ſit verè invincibilis, quæ actum ſeu opus poſſit ab omni peccato excuſare illudque, meritotium & laude dignum efficere?*

Nu. 1. **C**oncluſio negativa quoad omnes ſuas partes ſtabilitur: ſubindeque oſtenditur quomodo hæc vitalis ignorantia, nedùm mortua ſit, ſed & mortifera. Hic non agimus de ignorantia invincibili, cujuſmodi eſt ignorantia fidei reſpectu eorum, ad quos vel minima numquam pervenit Evangelii aura: ſed de quadam alia ignorantia, nuper excogitata (quam vocant vitalem, quamque ſufficiunt ſerè loco innocentie) quæ non ſolum ex-

cuset à peccato, sed & opus reddat meritum & laude dignum. Ex quo falso principio sic ratiocinatur insignis Defensor Probabilitatis. *Omnis ignorantia invincibilis in statu naturæ lapsæ, excusat à peccato: at ignorantia invincibilis imbuta sunt omnes opiniones probabiles. Cumque Probabilitas præstet ignorantiam, sitque validior ad peccata excusanda: & ignorantiam invincibilis excuset à peccatis: potiori jure Probabilitas excusabit.* Et quotiescumque se irretitos reperiunt hi Casuistæ, exitus quærunt, inquit Celladeus pag. 431. *per appellationes vel ad possessionem libertatis, vel ad prudentes, vel ad non sufficientem legis promulgationem vel ad ignorantiam viralem.* Adeoque opportuna est ipsis opinionum diversitas, ut ipsis ferè numquam desit Probabilitas: cum qua si sit transgressio legis, non multum curant, quia est tantum materialis, per quam, ut ait referendo Celladeus pag. 433. nullus homo occiditur.

Porro magnus est Probabilitatis & ignorantie hujus vitalis Defensor Terillus Angelus, Tractatu de conscientia, Leodii ex Typogra. Mathiæ Jouii 1669. edito: qui ab ipsa præfatione rei gravitatem sic exprimit. *Celeberrima hoc tempore pugna scholastica de conscientia probabili, quæ nulla unquam aut gravior aut acrior mundum implevit.* Sed quia Terillus iste jam ab aliis Thomistis usque ad satietatem confutatus est, hic tantummodo ex illo annotabimus id quod ait pag. 448. q. 23. ne quis suspicari possit ipsi à me istud imponi. *Omnis Probabilitatis, quod obiectum non sit prohibitum, etiam in contradictione Probabilitatis directæ majoris pro parte contraria, necessario convertitur cum invincibili ignorantia legis Divinæ prohibentis tale obiectum.* Ergo, inquit, quævis Probabilitas excusat à peccato & sufficit ad securitatem conscientie. Qui ignorantiam illam, quæ provenit ex totali ignorantia objecti, vocat mortuam: hanc verò, quæ est ex opinionum diversitate, dicit vitalem: quam multum extollit supra priorem.

At ignorantiam, quam ille vocat vitalem; hanc dicunt Thomistæ nondum mortuam, sed & mortiferam, quæ gravissimè decipiuntur Animæ, etiam in rebus ad æternam salutem pertinentibus: eandemque existimant vincibilem, & unumquemque illam posse ac debere vincere, vel cessando ab operatione, vel electione partis tutæ, pro lege aut præcepto stantis: quod invictò argumento, & ut loquuntur (ad hominem) iterum sic contra citatum Terillum pag. 449. ostendo. Ait enim Terillus: *Qui dubitat tenetur aut tutiorem partem sequi, aut veritatem investigare, atque ita prudenter dubium deponere: si hoc non agat, inquit, ignorat legem vincibiliter ac proinde culpabiliter.* Sed ut fusiùs supra ostendimus, quicumque habet hinc & inde opiniones probabiles, ob æqualitatem rationum, vel propter autoritates æqualis fidei; habet dubium, ergo juxta ipsum Terillum ignorat legem vincibiliter & culpabiliter, ac subinde & longe potiori jure quando operatur contra rationes probabiles pro lege aut officio stantes. Major est ipsius Terilli: minorem supra probavimus rursumque ex D. Thoma de verit. q. 14. ar. 1. confirmamus. *Dubium, inquit, est contrariarum rationum æqualitas.* Et in 3. sent. dist. 17. q. univ. ar. 4. *dubium est motus rationis supra utraque parte contradictionis cum formidine determinandi alterutram.* Idque ex defectu medii convincentis.

Idem confirmatur ex Celladeo pag. 562. *Ponimus ergo, inquit, omnem*

*aqualitatem rationum vel auctoritatum, tam circa factum, quam circa jus, propriissimè facere rem dubiam.*

Confirmatur adhuc efficacius ex eodem Celladeo pag. 386. ubi ait. *Si habens aequales causas & rationes affirmandi & negandi in hac questione: an scilicet re ipsa hic & nunc deus voluntas Dei, quâ velis à me rem istam fieri: si inquam, rem illam facio; virtualiter saltem dico: siue Deus velit, siue nolit, volo eam facere.* At; qui sic agit aut ait, gravissimè peccat; vel ex eo solo, quod se exponat peccandi periculo, tamque parvi faciat voluntatem & amicitiam Dei.

Item, quid diceres de Præcone seu Nuntio denuntiante quidpiam sic faciendum esse (quod ritè omitti, vel melius fieri posset) siue Rex veller, siue nollet? At conscientia nostra est Præco seu Nuntius legis æternæ & voluntatis Divinæ: quæ cum asserit nos posse sequi opinionem etiam legi contrariam: idem omninò est ac ipsum quod supra dictum est, quodque vel cogitari non potest, sine saltem virtuali contemptu legis Divinæ, cui melius conformaremur vel abstinendo ab opere prohibito, vel illud efficiendo juxta legem nobis præscriptam, spreto in oppositum suadente, omni Probabilitatis commento. His rationum momentis maximè refugit à Probabilitate idem Celladeus, asserens pag. 304. *Motiva equalia facere conclusionem neutram seu ad utrumlibet.* Sicut quando apud medicos (inquit) duo occurrunt signa, scilicet urina bona, quæ sanitatem indicat: & pulsus malus qui indicat infirmitatem. Quo in casu non potest Medicus ullum certum de sanitate aut morbo ferre judicium: Ergo & potiori jure, nullus poterit prudenter asserere actum aliquem esse bonum, quem Probabilis judicat esse legi contrarium.

3. Sed quia res est magni momenti, magis explicatur. Quæritur primò an is qui post debitam diligentiam non potest certam habere notitiam, utrum v. g. hic contractus sit à Deo prohibitus tanquam usurarius aut simoniacus ejusque legi æternæ (cui omne malum repugnat) contrarius: possit tamen illum contractum efficere, ex eo solo, quod pro eo efficiendo suppetant rationes aliquæ vel auctoritates, quæ partem hanc affirmativam efficiant probabilem: Et an ignorantia in hac opinionum diversitate reperta, dicenda sit invincibilis, quæ excuset à peccato, & actum efficiat meritorium, & vita æterna dignum. Affirmant Probabilitatis Defensores; negant verò Thomistæ. Jure an injuriâ, penes cordatos lectores sit judicium. Et licet in præcedentibus fusè satis partem negativam probaverimus; attamen rationes prædictis adjiciam omninò convincentes.

Sicut qui absoluit ex jurisdictione tantum probabilis, spe ratiabilitatis, peccat; vel ex eo solo, quod hanc Superior fortasse recusabit: ita & qui facit contra legem aut præceptum, licet probabiliter existimet nullum aut leve esse malum: nam fortasse erit verè malum & quidem grave. Ex eo igitur delinquit non solum quod omnes legis dotes supra ex Isidoro assignatas spernat; sed etiam quod imprudenter agat: Nam ad prudentem agendum requiritur certitudo; & sicut reus est homicidii, qui ut cumque prævisio se se exponit periculo interficiendi hominem: ita & cujuscumque peccati, qui sibi non cavet ab occasione prævisâ illud committendi; non

solum ubi sunt æquales hinc & inde rationes; sed etiam ubi vel minima iusta est ratio dubitandi. Quod ritè explicat Celladeus exemplo familiari, pag. 336. *Videt eminùs*, inquit, *animal venator & existimat esse ceruum: adfuit cum eo 30. alii homines, ex quibus 28. contestentur illud animal esse ceruum: & duo tantùm contendunt esse hominem. Ponimus in his omnibus aequalitatem, visus perspicacitatem, &c. In hoc casu*, inquit, *peccaret venator ille, si vel sagittam ad interficiendum emitteret: & tamen probabile est, illud animal non esse hominem, immò probabilis quandoquidem multò difficilior est, 28. homines falli; quàm duos: nec plerumque contingit primum. Quicumque igitur in hoc casu reperitur, ad novam investigationem obligatur, nec interea licet sagittam emittere ut idem ait pag. 347. & 437. Ergo longè potiori iure peccat qui contra legem sequitur opinionem minùs probabilem; ut vult Terullus supra citatus.*

4. Probatur ergo conclusio ex D. Thoma 1. 2. q. 19. ar. 6. *Ignorantia* (inquit) *qua tollit voluntarium, tollit rationem boni & mali moralis: & vicissim, quæ non tollit voluntarium, non tollit rationem boni & mali moralis.* Sed excogitata à Defensoribus Probabilitatis hæc ignorantia vitalis voluntarium non tollit: ergo non tollit rationem boni & mali moralis, ac proinde non excusat à peccatis. Minor in qua sola est difficultas, declaratur ex Angelico Doctore etiam 1. 2. q. 74. ar. 1. ad 2. ubi ostendit ignorantiam non esse invincibilem nisi omnem excludat cognitionem & affectum: ita ut defectus apprehensivæ virtutis, nec subiaceat voluntari, nec sit volutus etiam indirectè: ut ibid. ait S. Doctor q. 76. ar. 3. Sed hæc nova & hætenùs inaudita vitalis ignorantia, non excludit omnem cognitionem aut peccati affectum: ergo, &c. Non quidem cognitionem, quia eligens opinionem minùs probabilem legi contrariam, non minùs evidenter erroris aut peccati periculum & legis transgressionem prospicit; quàm qui pugnans in duello, propriam prævidet aut alienam vel utriusque mortem: quæ si aliquando non contingat, est merè per accidens, nec ob hoc quisquam excusatur. Peccati etiam affectum satis ostendit hæc prætensa vitalis ignorantia falsò proinde invincibilis aut excusabilis: dum magis de ipsa Probabilitate satagit ex authorum multitudine, quam undique colligit, opinionem tueri; quàm ipsam rerum veritatem agnoscere & scrutari: unde effectum commune Probabilitatis Defensorum: *Authore non caret, ergo probabilis est: ergo secunda morum regula.*

5. Probatur secundò. Ignorantia non debet cenferi invincibilis, nec proinde poterit eum à peccato excusare, cui sufficienter innotescit modus aliquis vitandi peccatum: sed quicumque constitutus est inter duas opiniones probabiles, quarum una favet legi, altera verò est legi contraria, eidem sufficienter innotescit modus, & quidem facilis vitandi peccatum, scilicet vel tutiorem partem eligendo & legi obsequendo, vel abstinendo ab actu: v. g. à contractu faciendo, quem vel probabiliter existimat usurarium aut simoniacum. Major est nota lumine naturali; minorem etiam nemo nisi protervus negare potest. Ergo, &c. Legatur Doctor Angelicus 1. 2. q. 76. a. 3. Et de malo, q. 3. a. 8. ubi ostendit quomodo reus peccati quis efficiatur etiam ex ignorantia indirectè voluntaria, & nemo dubitabit de veritate nostræ conclusionis.

6. Præterea ex D. Thoma, q. & art. supra citatis de Malo : Ignorantia non est immunis à peccato, quando est cum voluntaria inordinatione voluntatis; quod contingit quando bonum honestum postponitur aliis boni speciebus, ut contingit ex Probabilitate. Quod confirmatur rursùm de veris, q. 18. art. 6. citato in principio hujus Appendicis. Sed tota Probabilitatis solertia, totusque hujusce vitalis ignorantie invincibilis conatus est pro tuenda libertate contra legem; commodo, voluptate & lucro contra honestatem, quæ est bonum homini maximè proprium : Ergo hæc ignorantia falsò dicitur invincibilis, quæ proinde à peccato excusare nequaquam poterit.

7. Prædicta omnia confirmantur. Nam ut ignorantia à peccato excusare possit, debet esse omnino imprævisa : at non est talis hæc Antithomistarum ignorantia vitalis in opinionibus utrinque probabilibus; quia sic operans jam cogitat de malitia objecti, & videt illam esse verè probabilem; jamque ita peccati aut erroris malitia apparet & tùm maximè, quod quis id sequatur, quod probabiliter legi aut præcepto adversatur. Neque potest is verè comparari cum eo, cui nihil unquam venit in mentem de peccati aut erroris periculo, nisi velis monoculum aut lusciosum, in omnibus & per omnia, prorsùs cæco æquiparare : quod nemo sanæ mentis unquam dixerit.

Hic jam, ut arbitror, satis patet ex dictis tot rationibus & exemplis, quæ prædicta vitalis ignorantia falsò invincibilis, nedum etiam mortua sit, sed & mortifera; quæ falsò ac perperam fucuntur gravissima in Deum & proximum peccata : ipsique Crucifixores Christi, nec non antiqui Philosophi, quos circa cultum ac venerationem Dei ait Apostolus inexcusabiles, essent omnino insontes, cum hac ignorantia vitali non caruerint; utpotè non habentes de Deo & Christi Divinitate perfectam evidentiam, ut infra dicemus cum Angelico Doctore; quem tamen pro sua sententia adducere non verentur moderni Probabilitatis Patroni.

Quare hic nequeo mihi ipsi non gratulari, quòd rem habeam cum viris qui se dicunt veros Divi Thomæ discipulos : Magistrum ergo unà audiamus. Fateor cum ipso de Malo, q. 3. a. 6. quòd qui sagittam emittit, putans solummodò occidere hominem, & Patrem suum interficere, qui nunquam in hoc casu ipsi venerat in mentem, *Reus est solum homicidii & non parricidii*: At secùs omnino dicendum esset, si pater ipsi in mentem venisset, vel probabiliter credidisset ipsum posse tunc occurrere: nam ut statim constabit, non minus esset parricidii quàm homicidii reus.

Confirmatur & explicatur evidentibus D. Thomæ Autoritatibus, quibus constat cognitionem etiam imperfectam & tantùm probabilem de aliquo objecto, lege aut præcepto habitam, verè efficere, ut de illo ignorantia dici non possit invincibilis quæ valeat aut à peccato excusare, aut actum malum honestare; & ut volunt Adversarii, meritorium & laude dignum efficere. Nec necessarium esse (quod notatum velim) cognitionem de aliquo lege aut objecto, aut aliquo ipsi annexo, debere esse (ut loquuntur) luce meridianâ evidentiorē, ut illius ignorantia verè imputetur ad culpam.


8. Probatur ex 3. cont. Gent. cap. 50. *Omne quod est imperfectum in ali-*



qua specie, desiderat consequi perfectionem illius speciei: qui enim habet opinionem de re aliqua, qua est imperfecta illius notitia, ex hoc ipso incitatur ad desiderandam illius rei notitiam. Unde ibid. ait sanctus Doctor: Sicut naturale desiderium inest omnibus intellectualibus naturis, ita inest eis naturale desiderium ignorantiam seu nescientiam pellendi. Ex quo apparet tantum esse discrimen inter eum qui nullam unquam habuit de aliquo notitiam; & illum qui jam habet de eodem cognitionem probabilem, quantum & inter eum qui naturaliter aliquid appetere seu desiderare potest; & inter illum quem impossibile est aliquid desiderare: At is qui nullam unquam habuit de objecto cognitionem, impossibile est ipsum illud desiderare aut appetere; quia nihil amatum nisi præcognitum. Unde de his qui Christum per se vel per Apostolos prædicantem audierunt, ait D. Augustinus, credidissent, si voluissent: fueruntque inexcusabiles, quorum ignorantia dici non possit invincibilis, quamvis perfectam non habuerint mysteriorum fidei notitiam; cum sapius non intelligerent quæ audirent, nisi forsitan valdè imperfectè.

9. Urgeo magis. Non habet quispiam evidentem notitiam, an opus faciendum sit æternâ Dei lege prohibitum, sed probabile tantum: at si cum tali cognitione hoc opus exerceat, hoc ipso fit reus, & prædictæ legis transgressor convincitur ex D. Thoma, 3. p. q. 47. a. 5. ad 3. *Indei* (inquit) *peccaverunt non solum tanquam Christi, sed etiam Dei Crucifixo.* At non habuerunt perfectam de Divinitate notitiam, cum ipsi demones longè perspicaciores, de ea habuerint tantum probabilem, ut ait idem sanctus Doctor, Opusc. 60. a. 1. *Dæmones non cognoverunt Christum certitudinaliter, &c. sed conjecturaliter.* Unde super illud Luca 4 *Scio quòd sis Sanctus Dei*, dicit Glossa: *Vehementer opinor.* Quicumque igitur probabilem habet notitiam aliquid æternâ Dei lege prohibitum esse; debet ab actu cessare, vel tutiorem partem pro lege stantem eligere, ne peccandi periculo se committat. Quod si cavillis utatur Probabilitatis, & in actum vetitum prorumpat, reus verè & transgressor legis efficitur. Abit ergo in fumum novæ hæc & fictitia ignorantia vitalis cognita, falsò dicta invincibilis; ex eo quòd hinc & inde probabiles habeantur opiniones: nec res possint (ut loquuntur) *evidenti & apertâ cognitione* vinci. Sunt enim res innumeræ de quibus perfectam non habemus evidentiam; & plures sunt qui cum, ut ait D. Thomas supra laudatus, vim non capiant demonstrationum, probabilem tantum habent de rebus notionem, qui proinde & ob suam imbecillitatem essent conditionis longè melioris, quàm docti ac prudentes viri: possent enim liberè ac tutò utramque partem amplecti; cum tamen nequirent prudentiores adhærere nisi uni.

Sed quia recurrit sermo de prudentia, de qua jam egimus supra, & ex qua aliud sibi subterfugium conficiunt Defensores Probabilitatis, ut inde etiam expellantur, sit



## CVNICVLVS TERTIVS,

falsò prudentiâ usque modò rectus, accedente insufficienti  
legis promulgatione.

*Exponitur vera prudentie ratio. Varia etiam expenduntur Prudentia, Artis & Scientia discrimina. Sub umbra insufficientis promulgationis legis aperitur intolerabilis abusus Probabilitatis in perniciem totius Religionis.*

Nu. 1. **Q**UAMVIS sufficere possit id quod supra diximus lib. 1. cap. 9. ubi aperitè ostendimus quàm injustè abutantur Adversarii vocabulo prudentiæ: nonnulla tamen hic adjiciemus vel utilia, vel necessaria ad excludendum speciosum hoc subterfugium: qua de causa hic obiter dicam me nescire cur tam severè puniantur falsatores & corruptores monetarum, quales sunt qui auricalcum pro auro obrizo obrudunt; aut stannum v.g. pro argento; & pacificè audiant, impunèque abeant, qui virtutes ipsas corrumpunt, & exempli gratiâ, carnalem prudentiam pro Christiana sufficiunt, nisi fortè quod spiritualibus corruptibilia præferuntur indignè.

At nullus est major aut frequentior abusus quàm qui specie prudentiæ committitur, quâ quisque naturali quadam propensione seipsum sufficienter præditum esse existimat: unde aiebat Socrates: *Si quis in theatro juberet coriarios omnes surgere, illi soli surgerent. . . . Si verò prudentes, hic omnes illicò consurgerent*: vel si qui modestiæ causâ non consurgerent, hi sibi adhuc prudentiores viderentur.

Quare non miror, si prudentiam singulis ferè paginis inserant Adversarii, ut ejus nomine fucum rebus faciant; seu, ut loquitur Cardenas pag. 4. *ut omnes opiniones, siue magis, siue minus probabiles, tutam esse, rectamque morum regulam, tradant; avidè arripientes hoc Probabilitatis medium, quò falsa & vera, & inter se dissentientia quoad mores, conciliarentur.*

Porro huic Authori eò major est adhibenda fides, quò accuratiùs rem hanc indagare ac rimari studuit, ut suum ac Cardinalis Palavicini animum à Probabilitate revocaret, in qua, ut ipse testatur pag. 5. fuerat innutritus; seu ut idem loquitur pag. 13. quâ erat ita imbutus, ut *ante annos novem ipse vix placasse tulisset, quod quisquam contradixisset.* Quod velim notatum.

Quamvis innumeræ hætenùs fuerint artes, quibus usi sunt Probabilitatis Defensores, ut Probabilitatem tueri possent tanquam sufficientem morum regulam: nulla tamen frequentior aut speciosior fuit prudentia, cujus nomine decorant opiniones etiam minus probabiles legi contrarias; ad quod confutandum sufficere posset, vel sola prudentiæ notio; quæ est *habitus vera cum ratione activus, circa ea quæ vera sunt & conformia; in rebus, ut in se sunt, saltem per ordinem ad appetitum rectum circa finem ultimum.* Qui appetitus est voluntas formalis, aut saltem virtualis ex amore proveniens exequendi omnia quæ jussit Deus, & vitandi quæ prohibuit, juxta

juxta hoc Divinum & infallibile oraculum : *Qui habet mandata mea & servat ea, hic est qui diligit me.*

2. Hæc est vera prudentiæ Christianæ ratio , quæ bonum honestum respicit , ut quoddam Divinitatis vestigium , respectu cujus , bonum utile & jucundum seu delectabile secundum sensum , quatenus huic contrarium , intuetur ut lutum platearum.

Studium tamen Probabilitatis , & quidem præcipuum videtur positum in solertia suffiendi verisimilitudinem seu Probabilitatem pro ipsa veritate : unde & nomen prudentiæ tribuunt etiam iis quæ fieri non possunt nisi imprudentissimè. Et quia , ut supra dictum est , ipsis deest sufficiens fundamentum ex parte rerum ; nec illud nobiscum repetere volunt per ordinem ad appetitum rectum circa finem , illud depromere satagunt ex propria æstimatione ; quasi verò judicium aliquod prudens dici possit ex propria uniuscujusque imaginatione ? Nam , ut ritè advertit Celladeus , 1. p. l. 3. qu. 3. lect. 3. *Hoc est discriminis inter Prudentem & prudentiam , inter Consultorem & consultationem ; quòd vir etiam prudens potest aliquando errare , ac non per prudentiam : bonus etiam Consiliarius potest aliquando deficere , ac consultatio ipsa non erit bona in qua erratur.* Et idèd , ut ibidem paulò antè dixerat , *sicò casu quod quis enutritus in sylvis ita deliraret circa bonum & malum , ut furta , rapinas & homicidia , diceret esse bona : & justitiam , Religionem & pacem , judicaret esse mala : non prudens , sed stolidus & pejor fere dicendus esset ; licet omnia , ut judicat , exequerentur.* Qui ergo se existimat prudenter agere , cum re verà prudenter non agat , non magis prudenter agere dicendus est , quàm qui faceret solæcos , se loqui congruè existimans , diceretur congruè ac ritè loquutus : nam judicium de rebus ferendum est juxta veritatem ipsarum , earumque regulas : ex eo enim quod res est vel non est , oratio est vera vel falsa.

3. Est tamen hic annotanda aliqua differentia quoad certitudinem inter scientiam & prudentiam : quòd is qui prudenter agit , necesse quidem est ut nec ignorare nec dubitare possit , quominus id quod agit licitum sit & honestum , quia prudentia est virtus perfectissima , immò virtutum omnium moralium norma : ejus tamen certitudo non desumitur ex iisdem principiis ex quibus securitas scientiæ depromitur. 1. enim Scientia est de universalibus & necessariis : prudentia verò est de particularibus & contingentibus. Secundò , Prudentiæ certitudo desumitur ex pluribus probabilibus & variis hominum testimoniis , quæ ( debitò modò ) simul sumptæ , vix in errorem inducere possunt. Scientiæ verò ex iis , ex quibus , ne vix quidem 3. Desumitur prudentiæ certitudo ex recto circa finem appetitu : nam prudentiæ est curare & præcipere quid unicuique ex officio sit agendum in suo genere ad finem suum consequendum. In quo differt prudentia ab arte & Scientia , quæ non curant quo fine res fiant : unde non peccat contra Grammaticam : v. g. qui volens orationi solæcos miscet , ut imperitum se simulet : Item nihil deperit Mathematicæ demonstrationi , quò affectu aut fine , an studiò lucri , v. g. aut vanæ gloriæ facta sit , dummodò ritè observatæ sint regulæ. 4. Scientiæ certitudo desumitur ex vi & certa principiorum evidentia : prudentiæ verò ex variis titulis , à possessione , ab usu Ecclesiæ , à necessitate agendi & evitandi majus malum , prout supra Conclusionè 9. diximus.

V.

4. Malè acceptam iri prudentiæ notionem prospexerunt Probabilitatis Defensores: quare huic addidère insufficientem legis promulgationem; legem enim non existimant sufficienter promulgatam, nisi sit evidentior ipsâ luce meridianâ, quod nunquam est ( inquit ) quando sunt circa legem aut præceptum opiniones hinc & inde probabiles.

Verùm hoc vel semel admissò, vix ulla unquam erit lex, præceptum aut prohibitio, circa quam sagax quispiam non habeat sufficientissimum hujus Probabilitatis subterfugium. Quid enim clarius quàm quod sit Deus? Et tamen fiunt argumenta in oppositum longè graviora iis quibus Probabilitas non rarè nititur: Et in hujus rei fidem, lege D. Thomam, 1. p. q. 2. a. 3. ad 1. ejusque, si possis, intellige profundam solutionem: Itidem quid magis perspicuum, quàm prohibitio facta Adamo? Quæ tamen, ut dictum est supra, pluribus fuit obnoxia Probabilitatibus. Item vide quæ supra diximus in perpetuum falsæ prudentiæ dedecus.

Ab hac tamen non facile resipiscunt Adversarii, nisi obruantur apertâ veritate; vel, ut ait Celladeus, per imminentiâ absurda eorum de Probabilitate doctrina removeatur, quâ ( inquit pag. 453. ) *omnes Probabilitatum questiones & libri videntur exponi ludibrio hominum*. Sed quorsum amabò, hominum ludibrio? quia contradictoria & impossibilia doceant. Ut enim ritè ostendit idem Celladeus pag. 443. *Probabilitas non potest simul utrique contradictorio convenire: nam recta linea non est, cujus contraria est recta*. Quando igitur inquiritur an lex jejunii v. g. obliget Sutores, & una opinio affirmat, altera verò negat; statim innotebit falsitas responsionis Casuistarum, quia ex contradictoriis, si una est vera, altera propositio est falsâ: & idem dicendum est de omnibus aliis innumereis, in quibus asserunt esse opiniones pro utraque contradictionis parte probabiles.

Denique subterfugium insufficientis promulgationis legum, ritè profligavit idem Celladeus, pag. 416. hoc argumento ( quod unum sufficere deberet ) ostendens hoc prætextu posse infideles ritè seipsos facere excusatos à recipienda Religione Christiana: hocque argumentum ( inquit Celladeus ) *visum est Palavicino efficax & concludens*. Quod velim notatum.

Alicui Calvinistæ prædicatur Ecclesiam nostram esse veram, extra quam proinde non sit salus. . . . . At ipse ( inquit Celladeus ) *se expedit ab his omnibus, & dicit nihil necessariam esse veritatem, satisque esse probabile, & probabiliter catholicum sufficere in materia Religionis, sicut in materia morum sufficit non esse probabiliter usurarium*. Omnino autem recusat eandem de veritate vel falsitate disputationem; aitque Doctores suos audivisse fundamenta nostra, nihil tamen fuisse motos: quare legem si qua est acceptanda nostra Religioni, non fuisse satis promulgatam. Ausculta, Amice Lector. Veram replicas ( inquit ) Doctores suos non esse prudentes, & Religionem proinde suam ex eorum autoritate non effici probabilem. At ipse vix non irascitur, & persuasionis loco rixa resultat. Querit deinde cur & unde nostri in ipsis illis rebus in quibus sibi contradicunt & falluntur alterutri necessariò; sint interea utrique simul prudentes. Et qui unum sentit, stare prudentem queat dictis sui Adversarii, quem falli credit: excludantur tamen ab hoc privilegio sui Doctores? An quia falluntur? Et hoc non, quia in materia morum

constat evidenter falsi alterutros? & utrique interea simul prudentes esse & prudenter dicere creduntur. Non autem magis pugnat veritas Religionis cum falsitate Religionis, quàm veritas in doctrina Morum cum falsitate. Vel veritas necessaria est ad prudentiam? & tunc in alterutra parte, illa deficit, tam in doctrina Morum quàm fidei: vel nihil necessaria est veritas? & tunc queris cur sui non sint prudentes? Hactenus Celladeus quid id egregie ac subtiliter prosequitur, ostenditque inane esse hoc hæreticorum subterfugium; sicut & facilem Antithomistarum evasionem ex prætenfa insufficienti legis promulgatione depromptam: quâ impossibile fieri etiam demonstrat pag. 419. Gentium Conversionem omnemque tolli scientiam Moralem: & hic est egregius remissa hujus Probabilitatis fructus, de quo jam fusiùs supra ab ipsa præfatione ac deinceps, quod certè deberet sufficere ad illam expungendam. Hic velim accuratius ponderari, superiùs obiter citata hæc verba Celladei, asserentis Calvinistam recusaturum *directam de veritate & falsitate disputationem*. Quibus verbis subtiliter indicit aliud non minùs evanidum Probabilitatis subterfugium, totum in reflexione supra Probabilitatem positum, pro quo confutando, præter ea quæ jam superiùs lib. 1. cap. 11. diximus, sit



## QVARTVS PROBABILITATIS CVNICVLVS,

in iudicio supra ipsam Probabilitatem reflexo consistens.

*Proprius Reflexionum modus exponitur tanquam inutilis, idemque apertè proligatur.*

Nu. 1. **Q**uia prospexerunt Probabilitatis Defensores Probabilitatem ad utramque contradictionis partem, coram Cordatis non posse subsistere; nec ullam veritatis umbram habere: aliud subterfugium excogitarunt, & duplex de rebus iudicium distinxerunt. Unum directum, ex eo scilicet quod res est vel non est. Alterum reflexum in hunc modum. Si ostendas v. g. falsam esse alteram ex iis duabus contradictoriis propositionibus probabilibus: *Sutor teneatur lege jejunii: sutor non teneatur lege jejunii*. Non gravatè concedunt alterutram esse falsam: hanc tamen dicunt esse in conscientia securam, utpote probabilem: cujus securitas comparatur (inquunt) ex hoc iudicio supra ipsam Probabilitatem reflexo: *Omne probabile est iusta & sufficiens morum Regula. Quæ propositio*, inquit Celladeus pag. 428. *In sensu argumentum (id est Probabilitatis Defensorum quos vocat Reflexistas) est manifestè falsa: ad quam interea tanquam ad primum principium volunt resolvere totam vitam Christianam*. Nam ut de Terillo nominatim loquar; sic argumentatur ex D. Thoma quodl. 9. ar. 15. in argumento *sed contra*. *Quod vergit* (inquit S. Doctor) *in commune periculum: non est ab Ecclesia sustinendum*: Ex quo sic subsumo, inquit Terillus pag. 51. *Sed Ecclesia jam à multis annis toleravit & tolerat opinionem ab Authoribus practicè propositam pro Regula conscientia, docentem (quod liceat cuique sequi opinionem, etiam directè minùs probabilem, minùsque tutam) & cum præmi-*

sur predictis & similibus argumentis, omnibus illud suâ distinctione indicis directi de rebus, & reflexi supra ipsam Probabilitatem, ut legenti eius librum patebit. Et quamvis jam supra lib. 1. cap. 11. aperit demonstraverim falsitatem hujus principii, tamen ad ampliorem ac evidentiorum ipsius confutationem, hic nonnulla adjiciam, si prius dixerim, subsumptam Terilli Minorem ex Ecclesie tolerantia sumptam, esse manifestè falsam. Nam ubi primùm præfata de Probabilitate doctrina sufficienter innouit: tota adversus eam insurrexit Ecclesia, ut pater ex tot scriptis & censuris contra Caramuellis Apologiam & Apologiam Casuistarum editis.

Contra hanc igitur reflexionem supra Probabilitatem sic argumentor cum Celladeo pag. 712. *Per omnes* (inquit) *istas cogitationes reflexas intellectus ipse sibi non potest persuadere, ut probabilibus notis seu incertis assentiat*ur tanquam certis: sicut nec fieri, ut dubiis certam des fidem. Pone monetam, quæ tanti & non pluris valeat: an iniquitas non esset apud eum, qui vel pluris illam accipere suaderet? an dubia aut falsa moneta fiet certa aut vera per cogitationes reflexas? Et idem omnino dicendum est de una propositione ex duabus contradictoriis, quæ est certissimè falsa: quomodo igitur fiet vera aut certa evadet Morum Regula per cogitationes reflexas?

Non minus subtiliter alibi passim discurret idem Author contra hanc reflexionem. Si quis sibi persuadeat (inquit) perfectè & sine vitio rem aliquam demonstrasse, vel congruè loquutum fuisse: suo errori non medebitur, nec congrua ejus locutio efficietur suis cogitationibus reflexis, si constet peccasse contra stabilitas dialecticæ aut Grammaticæ regulas. Nam veritas cogitationum reflexarum pendet à veritate directarum; & ipsæ directæ ab objectis, à quibus scientiam desumimus: ex eo enim quod res est, vel non est, oratio est vera vel falsa. Et hæc ita fundata sunt & manifestæ, ut mirum sit, quomodo reperiuntur qui his vel contradicere ausi sint.

Sed non minus periculosa est alia hallucinatio, quæ provenit ex æquivocatione potentie naturalis quæ sæpius à Defensoribus Probabilitatis pro Morali obtruditur, quare pro hac confusione vitanda sit.



## QVINTVS CVNICVLVS,

*In quo ostenditur perperam pro potentiâ Morali, potentiam naturalem obtrudî.  
Dolosa Terilli, præsertim hac in parte statera, in referenda  
D. Thoma & Thomistarum doctrina.*

Nu. 1. **M**utuum intellectus & voluntatis motionem & dependentiam, quantum ad specificationem & exercitium omnes agnoscunt: causæ enim sunt sibi invicem causæ: sed nonnulli non satis cautè sibi cavent ab hallucinatione, quâ naturalem voluntatis potentiam (quæ est capax boni & mali) obtrudunt pro Morali, quæ est tantum boni, seu ejus quod decenter, licitè & secundum Deum potest fieri: ex eo siquidem quod ex imperio voluntas possit despoticè intellectum movere ad actum sicut & alias potentias, quarum est domina; inseruat ipsam moventem in-

intellectum etiam sine recta ratione, prudenter agere : quod tamen est falsum : nam potentia naturalis à Morali semper est distinguenda nec potest sic profanari venerabile & Christianum nomen prudentiæ. Item, potentia naturalis hic per nullum objectum, legem aut præceptum tollitur ; secus verò potentia Moralis, scilicet quotiescumque Dei præcepta transgreditur aut ejus resistit vel contradicit legibus, ut manifestis supra lib. 1. c. 11. declaravimus exemplis, pro quorum majori intelligentia.

Sciendum est, intellectum ita esse verò addictum, ut nullo possit imperio voluntatis, aut ab eo egredi, aut efficere ut verò adhareat, ultra meritum objecti : unde ea quæ intellectus cognoscit tanquam incerta, nequit voluntas ei imperare ut assentiatur iis tanquam certis : nec potest efficere ut dubiis certam det fidem : semper enim negabit vel suum suspendet assensum, quidquid voluntas præcipiat in contrarium. At, voluntas ipsa potest considerari Primo ut compos & particeps rationis : Secundo ut est capax boni & mali. Primo modo non potest ferri, nisi ad id quod bonum est ac licitum, & de hac sola potentia agitur in Moralibus, quando inquiritur, *utrum possit quidpiam fieri* ? Secundo verò modo, potest voluntas, & illicita amplecti : & tunc sua abutitur potestate nec sumendus est pro Regula hujusmodi abusus, nec secundum eum, judicandum. Ubi ergo intellectus ab objecto non sufficienter movetur, non potest voluntas licite in unam partem inclinare : quod si faciat, idem est ac si quis statèræ in æquilibrio positæ unam lancem vi deprimeret in unam partem, potius quam in alteram. Id ipsum tamen faciunt Probabilitatis Defensores, utramque potentiam permiscentes : & id quod fit non solum contra rationem naturalem, sed etiam contra Charitatem, (quæ nihil agit perperam, & non cogitat malum, ubi non sunt convincentia illius indicia, in quibus saltem excusat intentionem quando nequit excusare opus) asserunt prudenter fieri posse ; ut constat ex Cardena supra citato cap. 11, asserente quempiam prudenter posse intellectum inclinare ad assensum contra probitatem viri, qui nulla unquam malæ famæ laboravit suspitione : posse inquam, ex eo vel solo, quod apertam non habeat de illius innocentia demonstrationem, quæ omnino rara est in Moralibus. Atqui si vera est hæc Cardenæ & aliorum Probabilitatis Defensorum doctrina hac in parte : non solum sequuntur ea omnia, quæ ibidem diximus, sed & alia inconvenientia, non tantum Christianæ Religionis, sed & totius rationis humanæ everfiva : Primò enim sequitur (inquit Celladeus pag. 645 : nos sine vitio posse, singulis momentis opiniones mutare, & verè stantibus æqualibus rationum momentis & Autoritatibus idem affirmare & negare : possum enim, quia volo. Itidem positis æqualibus testimoniis ac juribus, judex poterit justè & prudenter hunc absolvere, & alterum omnino in omnibus & per omnia similem condemnare. Item modo secundum unam opinionem ferre decretum, & illud juxta eandem opinionem, contrariam proferre sententiam. Nullis enim juribus, testimoniis aut legibus naturalis potentia voluntatis aufertur. Denique juxta Adversariorum doctrinam, non esset ridiculus, qui in initio disputationis alicujus, quidpiam negaret ; quod in fine ejusdem & fervente disputatione, stantibus iisdem rationibus ; nec ullis novis supervenientibus id ipsum concederet. Quorsum enim non concederet,

cum id, juxta Adversarios prudenter concedere possit? Habet enim potentiam naturalem, & in re, de qua ut supponitur, evidenti caret demonstratione pro alterutra parte.

2. Et ne in infinitum proficiscar; sequitur litem ex utraque parte licitam esse & justam; & contradictoria simul esse vera, & quodcumque bellum rationis justum esse ex utraque parte: quia prudenter ille affirmat, quod & ego prudenter nego. Et quotiescumque in re aliqua non erit demonstratio convincens & aperta, omnes disputationes debent cessare: debet enim unusquisque tenere suum Adversarium rectè dicere; quia (ut volunt) habet fundamenta probabilia, vel æqualia vel majora, aut saltem minora, quæ testibus Probabilitatis Defensoribus ubicumque reperiuntur, semper benè & prudenter agitur.

Sed paulò fusiùs rem prosequamur. Sunt in dialecticis aliquæ quæstiones, quas vocant *impertinentes*, quæ extra limen Scholæ numquam audent frontem exercere. Certè quo nomine appellem nonnullas, quæ fiunt etiam in Theologia à Defensoribus Probabilitatis ex abusu potentie naturalis quam pro Morali sufficiunt, non facile dixerim: & de illis dicendum videtur id quod legitur Isaiæ 7. v. 13. *Numquid parùm vobis est molestos esse hominibus, quia molesti estis & Deo meo?* Etenim & de ipso moventur quæstiones quæ sunt intolerabiles. Talis est quæstio, cujusdam Neoterici, quâ inquirat *utrum verbum per communicationem idiomatum denominari possit peccabile?* Respondet *multi non reputant absurdum, inter quos* (inquit) *est Vasquez, verbum per communicationem idiomatum denominare peccabile: & denominatur, inquit, ab ipsa potentia Physica.* Porro hoc loquendi modo, tora subvertitur locutionis humanæ consuetudo, & innumere laterent æquivocationes & blasphemie, ut si absolute respondeatur affirmativè v. g. quod Sacerdos degradatus possit consecrare: quod filius possit matrem percutere. Etenim ab hujusmodi non est ablata potentia naturalis de qua non est sermo in moralibus, & quamvis ipse Vasquez satis feliciter videretur Christi impeccabilitatem defendisse, attamen poterat à similibus quæstionibus abstinere, qualis est illa, quâ in 3. part. D. Thomæ q. 15. c. 6 n. 36. ait: *Postremò sequitur nihil ob stare, quominùs in humanitate Christi assumpta, & manente in verbo, esse possit habitus vitii & inclinans ad errorem, immò etiam error ipse.* Quod confirmat nu. 62. his verbis. *Ex quo etiam sequitur nihil ob stare, quominùs naturam cum errore & ignorantia Deus assumere possit.* Huic viam apererat præfatus Neotericus istà propositione non ferendâ: (Potentia physica proxima peccandi (inquit) si non repugnaret defectu Divini Decreti, non repugnaret ratione unionis & Sanctitatis à verbo participatæ in humanitate Christi. Quod est expressè contra D. Angelicum supra laudatum.

3. Verum ad Terillum redeamus. Hic enim non possum non conqueri de mala fide illius; qui ubi loquuntur Thomistæ de bonis contradictoriè oppositis, ex quibus affirmatio unius est negatio alterius: ille obtrudit exempla de bonis disparatis ab invicem independentibus quæ numquam negarunt Thomistæ. Explicatur. Fatetur Terillus q. 8. pag. 116. nu. 20 quæ sequuntur ex nostro Mercoro, (cui hac in parte assentiuntur ex animo reliqui D. Thomæ Discipuli) 2. pag. art. 3. *Idèò volumus liberè eligere unum ex duobus*



mediis æqualibus, quia illa media sunt ab invicem disparata : nam certum est quoddam si unum eorum sit bonum, alterum quoque sit bonum; idcirco voluntas certa est quoddam utrumque medium sit opportunum. At nihil simile contingit in intellectu inter æqualia motiva constituto : loquimur enim ( inquit Mercorus ) de opinionibus contrariis, *quarum si una sit vera, altera certe sit falsa*. Exempli gratiâ, duo testes hinc affirmant crumenam inventam ad Tullium pertinere : duo alii inde æqualis fidei id negant; in hoc casu, eodem modo est Judex coram quo litigatur, ac si nullos haberet testes, qui proinde imprudenter & malè ageret, si Tullio crumenam adjudicaret. Nisi fortè dixeris prudenter id posse, quia re ipsa non est ei ablata naturalis potentia, quâ sive benè, sive malè potest hanc illi adjudicare, jamque non Thomistas, sed totum mundum habebis Adversarium.

Et tamen Terillus quasi voluisset in hac re, de industria nobis imponere, vel in derisum traducere doctrinam, quam vel nunquam intellexit, vel perpetuò datâ operâ dissimulavit, pag. 114. n. 14. ait tanquam illud negaremus : *Sic eligo pro arbitratu unum ex duobus aureis, quos constat esse æqualis ponderis & pulchritudinis . . . & si . . . nullam circumstantiam asferat, ratione cujus nullatenus appareat alterò præstantior*. Eodem modo nostram doctrinam dissimulat Terillus, pag. 149. loquens de bonis disparatis, de quibus non loquebatur Doctor Angelicus 1. 2. q. 13. a. 6. ad 3. ut legenti patebit.

Legatur totus Terilli Angli Tactatus de Conscientia, Leodii ex Typographia Mathiæ Hovii 1669. editus, in quo præter falsas suppositiones, vel ejus novas adinventiones *ignorantia vitalis* falsò invincibilis ab ipso excogitata, & *reflexionis* jam supra etiam confutata; vix quidquam reperies, quod vel in speciem, verum dici possit, quamvis ipse magnò verborum fastu ab ipsa præfatione polliceatur se *patenter evincere omnes Theologos quotquot hactenus in Ecclesia florere, nec in nullo apice quoad rei substantiam ab ipso & modernis discrepare*. Quibus subdit : *At quid certius quam id in quo omnes omninò conveniunt ? Cui sic reponam unò verbò : Quid magis incertum quam id cui Patres, Concilia, celeberrima totius Europa Universitates, & ipsa ratio contradicunt & adversantur ? At talis est Probabilitas ( ut patet ex dictis ) quam expugnamus*.

Sed quorsum expugnare id quod ita promptum est ac facile ad securitatem conscientiarum ? Sit igitur



## SEXTVS PROBABILITATIS CVNICVLVS,

### Quòd facilis sit Probabilitas.

#### SECTIO I.

*Misera facilitas Probabilitatis, qua primum & maximum mandatorum destruere satagit.*

NU. I. **P**LURA sunt ex quibus Adversarii summopere commendatam faciunt Probabilitatem: nihil tamen est quod magis alliciat, aut ex quo frequentius error irrepit, quàm ex prætenſa facilitate & spe reperiendi regulam conscientiæ; ſin in propria, ſaltem in aliena conscientia. Et cum intumeſcant libri Recentiorum reſponſis & reſolutionibus caſuum conscientiæ in utramque contradiccionis partem, vix excogitari poterit quidquam ipſâ Probabilitate magis commodum: Quare (inquit Celladeus pag. 497.) *Probabilitas in omnibus penè controuerſiſus ſpontè ſe offert in utroque contradictorio, & in eo quod pro me facit, & in eo quod contra me; idèd in manu meâ eligere quod volo.* At idem dici non poteſt de veritate, cuius (inquit idem Celladeus, pag. 490.) *prima & univerſaliſſima durities, quod utrique parti, ſicut favere non poteſt, ita nec placere.* Hac de cauſa dicitur ab Ariſtotele illiberale quoddam Quia igitur neminem palpat veriſas, hanc ob cauſam ejus loco ſufficere moliti ſunt Probabilitatem, quò fatentur Antiſthomiſtæ (inquit Celladeus) *veritatem eſſe incommodam.* Commodior ſine dubio ſæpius Probabilitas reperietur, ſed non idcirco melior eſt via quâ ad Deum pergamus. Quòd ſi omnes via ejus veritas, ut ait Vates Regius, non eſt Probabilitas inter vias ad Deum dirigentes computanda, niſi comitem habuerit innocentiam, juxta limitationes in ſeconda Concluſione poſitas.

Cum dixi innocentiam, intellige famam viri boni, nullo rumore falſo, aut malâ ſuſpicionem labefactam. Sed facilis eſt Probabilitas. Quid tum? Certè malum Omen, *facilis deſcenſus Averni.* At arcta Cæli via aſſeritur ab eo qui neque falli poteſt neque fallere, Regnumque Cælorum vim pati, atque ſolos violentos illud rapere.

Verùm quò tandem perrexit prætenſa facilitas Probabilitatis? Proſectò non poteſt melius declarari quàm ſequenti exemplo, & iis quæ hîc dicenda ſuperſunt, quibus ſufficienter innotefcet, quantum exceſſerint ex hac vaga & effræni libertate opinandi, ex qua factum eſt intolerabile malum.

Ait D. Auguſt. Tract. 84. in Joa. Merito itaque Magiſter bonus dilectionem ſic ſæpè commendat, tanquam ſola præcipienda ſit, ſine qua non poſſunt prædeſſe cætera bona.

At huic occurrit Probabilitas facilitate fucatâ, ex qua diſputatur (inquit Celladeus, pag. 31.) *quando & quoties præceptum iſtud (ſcilicet dilectionis Dei) nos obligat? Alii reſpondent obligare ſemel ſaltem in die. Alii obligare*

*obligare semel in hebdomada. Ab aliis hoc visum est nimis strictum & grave, & obligant semel in triennio. Alii rem distulerunt usque ad mortis periculum. Mox gradatim alii dixerunt, nullum esse præceptum speciale diligendi Deum, sed sufficere si eum non offendamus.*

## S E C T I O II.

*Relaxationi præfate remedium adhibetur tùm ab Angelico Doctore, tùm à Summo Pontifice.*

2. **S**I D. Thomæ adhæsissem Adversarii, in tot ac tantas exerrationes nunquam incidissent: siquidem 2. 2. q. 44. a. 1. reperissent, *speciale esse præceptum charitatis, quæ est finis omnium aliorum præceptorum*: licet sanitas est finis omnium medicamentorum; quo exemplo nihil aptius, ut quanti sit momenti charitas optimè declaretur.

Quantum autem ad ultima verba Defensorum Probabilitatis, quibus dicunt *sufficere ut alia mandata observemus, Deumque non offendamus*: vel prout alii loquuntur, *ut ipsum odio non habeamus*; hæc propositio pluribus admodum horribilis visa est, quia (inquiunt) *dæmones ipsi aliquando obsequuntur ac obediunt, nunquam verò diligunt.*

Quare prædictis Defensoribus Probabilitatis respondemus cum Angelico Doctore, loco supra citato: *Præceptum charitatis esse primum, speciale ac præcipuum mandatorum, quia id quod est per se, potius esse quod est propter aliquid.*

Præceptorum autem finis est unio hominis cum Deo: fatemur ergo cum Adversariis adimpletionem mandatorum esse signum charitatis, quod Christus ipse insinuavit his verbis: *Qui habet mandata mea, & servat ea, hic est qui diligit me*: sed non est fumus pro igne ipso accipiendus, aut cortex pro medulla sive pro arbore ipsa; id est, sola extrinseca mandatorum observantia, absque Dei charitate, sine qua virtutes ipsæ morales mortuæ sunt & vacuæ quædam imagines: etenim quidquid fiat, nisi id fiat ex radice charitatis, erit *as sonans & cymbalum tinniens*, ut loquitur Apostolus, etiamsi quis corpus suum igni tradiderit. Apostolo suffragatur S. Jacobus, asserens beatum quidem esse virum *qui suffert tentationem*, quæ quantumvis acerba sit, nihil tamen ipsi proderit ad salutem, sine charitate: etenim *coronam vite non repromisit Deus, nisi diligentibus se.* Et *Qui non diligit manet in morte.*

Qui ergo jactant Deum Optimum à se minimè offensum esse, cum omnibus aliis ejus præceptis fecerint satis, excepto primo, in aliis, (ut putant) sufficienter incluso; hi videntur mihi similes illis, qui assererent à se quempiam non fuisse læsum, ex eo quòd manum illius vel caput haud tetigissent, sed tantummodò cor ipsi transfixissent. Quare merito jure ab Alexandro VII. die 14. Sept. 1665 damnata est sequens propositio: *Homo nullo unquam vita sua tempore tenetur elicere actum fidei, spei, & charitatis, ex vi præceptorum divinatorum ad eas virtutes pertinentium.* Quæ quidem propositio ipsi Summo Pontifici tam exosa & horribilis visa est, ut ab eo percussus fuerit anathemate, quicumque eam vel 49. alias à

Cardena relatas ex Probabilitatis officina eductas tueri, vel de ipsis loqui, nisi eas impugnando ausus fuerit, sibi ipsi reservatâ absolutione super istis, nisi in iplo mortis articulo.

Si quæris à Defensoribus vagæ Probabilitatis, cur sic relaxaverint conscientia habenas, ut ipsum præceptum diligendi Deum abstulerint?

Quia ( inquit ) jugum Christi suave est, & onus leve; & quantum possumus, debemus viam cæli explanare, eamque facilem efficere. Verum, sic ne comparantur habitus, quibus solis, teste Aristotele, res sunt faciles ac jucundæ? *Nonne stultus esset Miles ( inquit Celladeus ) qui ut facilius pugnaret, in arte pugnandi se non exerceret?* Quis unquam excogitare posset methodum facile v. g. scribendi aut cantandi magis ineptam, immò magis contrariam, quam qui doceret aut rarè aut nunquam scribendum vel cantandum?

### SECTION III.

*Periculosus & falsus esse convincitur ad alienam conscientiam recursus, reclamante propria.*

3. **N**on minus periculosum videtur hoc ultimum Probabilitatis subterfugium, in aliena conscientia, propria reclamante, positum. Jam supra diximus, quò aliquando possumus peritiores ac meliores adire & consulere, quatenus ex Christiana humilitate arbitramur ab ipsis veritatem melius esse cognitam. At id ipsum efficere ex nupera Probabilitatis arte, donec aliquem reperiamus Casuistam nobis faventem : v. g. pro libertate contra legem ; pro voluptate aut lucro, contra honestatem aut debitum proximo obsequium, aut quodcumque bonum quod quis verè & in conscientia judicat sic & non aliter faciendum : hoc est quod reprobamus : nam unicuique data est conscientia propria tanquam proxima agendi regula, & qui eandem sequi aut auscultare contemnit, ut aliam quærat regulam in Casuistarum libris, idem est ac si filius Patri resisteret, discipulus Magistro, aut pupillus Tutori, ut aliis obtemperaret. Potest enim fieri ut quis de hac ipsa re de qua quæris, ignorantiam invincibilem habuerit, vel mutatus sit quæstionis status ob aliquam circumstantiam, subindeque excusetur : At tu, qui ( ut supponitur ) notitiam habes ; si illius conscientiam & judicium sequaris, nonne deviabis, & in foveam cades? Ignorant nonnulli rem aliquam, & interrogati, verè respondent se nescire : At tu qui nosti, si eidem respondeas, nonne mentiris? Quæcumque ergo sit de re aliqua aliorum conscientia, si contra tuam agas, certissimè peccas, nam tua tibi à Deo data est, non aliorum conscientia, & alios fortè aliqua latuit circumstantia tibi nota, quæ si ipsis innotuisset, nunquam id scripissent quod assumis pro regula. Admittatur casus aliquis Probabilitatis, vel ob æquales rationes, vel ob pares auctoritates, tibi que videantur tales : at qualescumque aliis apparuerint, intellectus tuus & ratio dicere tibi non possunt, utrum sit bonum vel malum, sed te efficiunt dubium : si ergo illud tunc agas, de quo dubitas, an bonum sit vel malum : verè peccas, te exponens peccandi periculo : nam, ut supra diximus ex D. Thoma, aliquando con-

tingit ut quis non capiens vim demonstrationis de re aliqua, habeat tantum de ipsa opinionem vel etiam dubitationem, quam si sequatur, peccat, nec juvatur alienâ conscientiâ, ad cujus notitiam nequivit pervenire.

Hoc sufficienter definitum esse debebat ex Angelico Doctore, lect. 4. in cap. 1. secundâ ad Corinth. in hæc verba, *Gloria nostra testimonium conscientie nostræ*; ubi ait: *Non dicit conscientie aliorum, sed nostræ, quia semper homo plus debet stare testimonio conscientie suæ de se, quàm testimonio aliorum.*

4. Item 2. 2. q. 67. a. 2. ad 4. ait: *Homo, in his quæ ad personam propriam pertinent, debet informare conscientiam suam ex propria scientia*. Etenim si ex aliena, in multis certissimè peccabit. Quod declaratur familiari exemplo. Scripserit Titius fœlici ac tenaci memoriâ præditus, se non teneri Officium recitare, aut votum adimplere, quando post sufficientem diligentiam & accuratum examen, certior fieri non potest, se voti adimplendi, aut Officii recitandi obligatione ligatum esse; quia talis certò ac prudenter potest credere quoddam si voto non satisfecisset, aut recitando Officio defuisset, hoc minime ipsum latere posset, ob egregium ac speciale, ut dictum est, memoriæ donum. At is qui obliviosus est, seu fluxæ ac labentis memoriæ, nequit Titii effatum sibi in sufficientem morum regulam assumere, aut exemplum sequi; sed hoc in casu tenetur & Officium recitare, & voto satisfacere (nisi fortè sit scrupulosus) quia utriusque possessio stat pro lege. Nam conscientia Titii sufficiens ac prudens habet fundamentum, scilicet memoriæ tenacitatem, quâ alter caret; ac proinde non licet ex conscientia unius ad conscientiam alterius trahere consequentiam, aut universalem statuere regulam; nisi dixerimus tutiorem pariem esse eligendam.

Hæc fusiùs prosecutus est Celladeus, cui fortè occasionem dederat propositio asserta à quodam insigni Defensore Probabilitatis, quam refert ac refellit P. Gabriel Carmelita, lib. *De remediis ignorantia*, pag. 374. *Si vir doctus* (inquit) *inveniat aliquam opinionem quam putat esse falsam, & observat falsitatem; & quidâ principium cui innititur, est omnino falsum, inane & vanum: adhuc tamen iste vir doctus, qui hæc cognoscit, potest eam sententiam tutâ conscientiâ sequi, gerendo se ut indoctum.* At quæ major conscientie relaxatio, aut magis perniciofa totius moralis disciplinæ subversio?

## S E C T I O IV.

*Magis declaratur Probabilitatis excessus, cui protinùs remedium adhibetur.*

5. **C**ertè eò processit Probabilitas, ut facta sit intolerabile malum; & quod pejus est, plurimi qui hanc comescere, & huic morbo se mederi velle pollicebantur, nihil omnino perfecerint; verius dicam, cæteros in sua laxissima Probabilitate confirmarint. Et talis mihi videtur Terillus Anglus, qui ab ipsa sui operis Præfatione promittebat se *plures vias ostensurum, quibus homines ad certitudinem absque ullius itinerum anfractibus facillimè pervenirent*: & tamen post inanes & evanidas distinctiones, *ficta vitalis ignorantia, falsò invincibilis; Probabilitatis reflexe*, iisque similes quibus satis spissum volumen intumescit, id quod nobis reliquit tanquam iter: securum, est latissima via quæ certò ducat ad perditionem, utpotè

unicuique licentiam faciens, & viam aperiens vivendi ferè ad libitum.

Ipsū audiamus, q. 8. pag. 569. *In negotio Anima* ( inquit ) *bona fides sufficit, quia cum Deus sit essentialiter incapax omnis mali, nulla est Dei offensa, nec ejus periculum ubi cor bene affectum est: Deus enim cordis obsequium intuetur, illoque unice delectatur. Si ergo contingat habentem bonam fidem errare, opus ex illo errore causatum, non imputatur ad Anima detrimentum, sed ad meritum incrementum deputatur.* Ex hac doctrina Terilli, bonæ fidei imaginatione ( quā nobis in antecessum hic conferatur beneficium, quod nobis cum Beatis credebamus reservatum ) fit ut scilicet nullam hic Dei metuamus offensam, nec ullum offensionis periculum, dummodò cor sit bene affectum. Interea tamen, si bonum sit ex integra causa, ut tota clamat Philosophia; sitque habenda ratio, non solum finis operantis & circumstantiarum, sed potissimum operis seu objecti; ruit tota Terilli Moralis Theologia, nec ab ullo hæcenus excogitata videtur latior via aut doctrina remissior, aut magis prona ad fucanda & excusanda peccata.

6. Præterea, omnium Sapientum judicio & consensu, omnis prudens electio libera & moralis, metienda est ex iis ad quæ per se tendit seu ex proprio & formali objecto, quod vocant *finem operis*: non verò ex iis quæ rei accidentariò adveniunt ex fine operantis; quæ si sunt ex conscientia erronea, & contra legem, non excusantur à peccato propter operantis intentionem. Idem, judicium quod fertur de bonitate & malitia rerum, ita pensatur ex objecto, ut pro nihilo habeatur operantis intentio, si objectum ex se sit malum; ut si quis furaretur pro elemosyna facienda, qui nihilominus iustè à Judice puniretur. Eandem ob causam non excusaretur qui fornicationem committeret, existimans ex illis verbis, *Crescite & multiplicamini*, illam esse à Deo præceptam. Et similiter quæcumque esse possit intentio adulterantis, semper reus erit, nec ulla ipsū Probabilitas aut ignorantia excusabit. Unde meritò ait D. August. Concione 25. in Pf. 118. *Nullus est qui faciat alteri injuriam, nisi qui sibi fieri nolit: in hoc enim transgreditur natura legem, quam ignorare non sinitur.* Lege sanctum Præulem August lib. de decem Chordis, cap. 10. *Imple* ( inquit ) *quod dictum est ( Quod tibi fieri non vis, alteri ne feceris ) quia Deo nocere non potes, in facinoribus, in flagitiis eum offendis, in te illi injuriam facis. . . . Nescitis quia Templum Dei estis vos? Non vis corrumpi domum tuam; quare corruptis domum Dei? Vis ut serviât tibi servus tuus homo; & tu non vis servire Domino Deo tuo: facis Deo quod tu pati non vis.*

Sed ne tam citò Terillum dimittamus, adhuc unum peto ab ipso: an scilicet bonam non haberet intentionem, & cor bene affectum ( ut ejus utar verbis ) ille propheta de quo 3. Regum cap. 13. qui ut loquitur D. Augustinus de cura pro mortuis *se Deo obedire credebatur*, recipiens ab alio hospitalitatis jura? Et tamen in pœnam inobedientiæ à leone interfectus est. Hic obfector Terilli conscientiam, an speciosior unquam fuerit Probabilitati Locus, seu ratio agendi contra præceptum, quam in hac occasione? Prohibuerat Deus, ne in loco, quod missus fuerat à Deo Propheta *panem comederet aut aquam biberet*: fideliter ille obtemperavit, sibi que oblata ab ipso Rege constanter recusavit. Sed progressu itineris; senex non minus ætate quàm labore confectus, jacet sub Terebintho ceu alter Elias sub juni-

pero. Ad eum accedit homo, qui se prophetam dicit, asseritque Dei nomine se monitum per Angelum, ut panem & aquam ei subministraret. Quis non credidisset? Certè id habuisset Terillus, ni fallor, pro Morali demonstratione, & maximè urgente necessitate: & tamen tam severè à justo iudice punitur ille, qui ut loquitur Cassianus, *non de industria, nec visio propria voluntatis; sed alterius circumventione culpam contraxerat.* Nam ad peccatum pertinet, ut cum Bernardo loquar cap. 18. de præcep. & dispens. *non solum malitia ceca sed & decepta innocentia, & sicut bonum prorsus condemnat intentio prava; ita & malum non penitus excusat intentio relictà.*

7. Ad Terillum iterùm redeamus, quem libentius haberem excusatum, nisi ipse pro Reformatore Probabilitatis nimium remissè haberi voluisset, quam tamen ita extendit, ut parùm absit, quin Albo Sanctorum adscribat eos, à quibus constat violatas esse omnes naturæ leges; quos verius dicere possemus feras quàm homines; ex quibus quosdam, Deus ipse aliquando, in pœnam suorum scelerum aut fulmine percussit, aut potestati demonum ab hac luce in ævum cruciandos tradidit. Et ne quis existimet à me præfatio quidquam imponi Terillo, ipsummet legat qui voluerit q. 23. pag. 467. n. 154. ubi ut ostendat Sectatores Probabilitatis, nec contra conscientiam, nec contra legem peccare, ait: *Sicut qui interficiunt Martyres, quando putant se Deo obsequium præstare, non peccant contra conscientiam; ita operans juxta distamen sententia benigna non peccat contra conscientiam.... Sed neque peccat; inquit, contra legem.* Quod ut probet utitur argumento falsissimo, in quo nomine Prudentiæ ut supra abutitur: nec erubescit citare D. Thomam de verit. q. 17. art. 3. ad 4. ubi S. Doctor ostendit conscientiam erroneam non excusare, quando in ipso errore peccat: ut re ipsa gravissimè Tyranni & carnifices peccabant; qui contra omnes naturæ leges; adversus Martyres vel solo Christi nomine audito, sine ulla causæ ipsorum discussione & evidentiâ, omni crudelitatis genere deserviebant; quorum innocentiam ne agnoscerent obturabant aures suas: in quibus tamen excusandis insudat Probabilitas, quatenus eos accensere conatur laborantibus ignorantia invincibili; ipsis tot Miraculis à Deo factis, creptâ: quæ non solum tollitur per evidentem demonstrationem, sed etiam per quodcumque testimonium probabile. Nam si Medicus asserat: v. g. ex duobus cibus seu ferculis, unum esse veneno infectum; fatuus meritissimè ab omnibus judicabitur quicumque ex illis, nullo prius factò d. serimine, comedere præsumpserit. Quantum ergo distet non tantùm à Sanctis Patribus supra laudatis, sed etiam ab omni ratione, præfata Terilli doctrina. quâ gravissima excusantur scelera, facile judicabit prudens lector. Nam juxta illam, ut loquitur ipse Terillus quæst. 8. sui Tractatus pagina 369. *ad reatum aut Animæ detrimentum baud deputabitur, sed ad meritum incrementum; cæcus furor illorum, qui zelo legis, bonæ fidei nomine, devotione devoverant se non manducantes priusquam Apostolum occidissent.*

Sed quid de ipsomet ante conversionem loquar (sicut & de cæteris, qui tam ipsum quàm cæteros ad necem persequiebantur Apostolos?) Pro hoc, ac similibus audiendus est quidam Anonimus à P. Sirmundo in lucem editus (perpetuis tenebris meritò damnandus) curioso hoc vocabulo, *Prædestinatus*, qui præfato Terillo viam straverat, quique ita excusat Saulum su-

rentem, ut ibi Ecclesia ait quod ille infamā ferebatur in terris Christi membra dilanians; etiam tunc ab hoc Anonimo prudentissimus & sapientissimus dicatur; *cujus multa erant tunc merita* (inquit D. August.) *sed mala*. At præfato Authori erant optima, jamque Paulus *meritis Apostolicis erat plenus*. Unde verbò, quando Apostolus adhuc erat blasphemus, persecutor & contumeliosus (ut ipse loquitur). & Ecclesiam Dei persequebatur; jam erat Anonimo *vas electionis*: dumque intrans domos, & inde extrahens viros ac mulieres, in infidelitate ac damnabili legis (cujus zelum habebat, sed non secundum scientiam) ignorantia, & id genus alia mala patrabat, propter quæ ingemiscit ipsemet Apostolus, vocans se abortivum & indignum qui vocetur Apostolus: hoc est præfato Authori bonum, meritotium & laude dignum; pro quibus ipsi non erat poscenda Dei misericordia, sed merces repetenda: bonam enim habebat fidem *quā Deus* (inquit Textillus) *unice delectatur*.

8. Sed ne quis existimet ulli quidquam à me imponi; legat P. Sirmundum in suo Prædestinato Parisiis apud Cramoisy 1643. edito pag. 137. ubi ait: *Nunc venimus ad Magistrum bonum & verè beatissimum Paulum.... Non ergo sicut vos putatis, Cain imitatus est Paulus, sed zelo Dei ductus Heliam sequutus est. Dicas forsitan: unde hoc probas? Lege ad Gal. 1.14. eundem dicentem (persequebar Ecclesiam Dei...) quem ergo defendebat? Patrem sine dubio; quia Sacerdotes sui ei dixerant, hunc non esse Filium Dei quem crucifixerant.... (nonne excellentissima Probabilitas ex autoritate!) Eratque Paulus (inquit Anonimus) vir prudentissimus atque sapientissimus, qui sciebat se zelo Dei agere: sine dubio videbatur ei, quod inimicos Dei persequebatur: pro fide enim Dei & pro veritate currebat. Non enim filium Dei esse Dominum nostrum Iesum Christum didicerat, sed seductorem & deceptorem populi sui à Magistris & Sacerdotibus suis, ut audierat, estimabat. Animum itaque Helia, non Cain habens, erga novos cultores Dei fortiter insistebat: & ignorans, crimina pro virtutibus exercebat. (Nota hoc Amice Lector.) Deus autem cordis inspector & fidei contemplator, fecit eum misericordiam invenire, quia ignorantiam ejus innocentiq̃ comprobabat. Unde hoc probamus? (inquit Anonimus;) Ipse dicit ad Timoth. 1. 33. Fui persecutor.... Vides ergo quia ubi ignorantia est, invidia non est?.... (Quali vero nulum esset peccatum, nisi ex invidia exortum.) Unde, inquit, per ignorantia obscurum ambulans Paulus, putabat se inimicum Dei sui persequi. Ardebat in persecutione; quia placere Domino bonus famulus studebat. Non quiescebat, abundantius omnibus zelator Paternarum traditionum.... Et facta comparatione ab hoc Authore servi nocte vineam Domini sui custodientis, & errore facti, ipsum Dominum ignoranter repellentis: Errantem Apostolum circa legem quam scire debebat, excusat Anonimus, & eo iudice non minus Paulo pro sua tam injusta, quam cæca persecutione, laus aut premium debebatur, quàm huic servo merces pro obsequio. Quare pag. 141. ait. Ita ergo tunc beatus Paulus missus à Sacerdotibus Dei, jam meritis Apostolicis plenus, vas electionis erat, habens intra se spiritum Helia. Deinde addit hæc verba: Scias te, etiam si volueris peccare non posse. Magnum ergo & inauditum Probabilitatis privilegium, ut jam peccare non possint etiam si velint; non solum qui cæci sunt; sed & qui missi sunt à ducibus*



cæcorum: At si ii propter bonam fidem non peccaverunt, cur iis dicitur: *pœnitementi* . . . & non potius ipsis prædicatur: vobis in ipsis congratulamini, quia crudeliter persequuti estis eum quem exilimabatis Dei inimicum? At quis unquam audivit majorem rerum subversionem; quàm id, quod omnes Theologi cum D. Thoma de verit. q. 17. ar. 2. in *fed contra* dicunt erroneum: hic Author dicere audeat bonum & vitæ æternæ meritum? Hinc judicet lector, an merito jure Probabilitatem supra dixerimus *Novantiquam*. Ex prædicto siquidem Anonimo vides, jam à ducentis supra mille annis suum venenum effudisse, in Animarum perniciem & dedecus Religionis Christianæ. Et sanè dolendum, quod vir Religiosus de Ecclesia benè meritis suis aliis operibus, qualis fuit P. Sirmundus; publicæ lucis fecerit hunc Anonimum, & non potius ipsum flammis addixerit: à quo si non fuisset deceptus ipse Sirmundus, eidem ut arbitror ab ipsa sua præfatione, hoc encomium non dedisset, *Authorem damus, cujus ipsi judicium, si verum amant, aspernari nolint, & adversus quem præscribere vel excipere non liceat*. Idque prætextu chimericæ hæresis impugnanæ quæ probabiliter numquam fuit, nisi in Pelagianorum maligna imaginatione. Porro ipsum Sirmundum fuisse deceptum verba Censuræ præfati hujus libri, cui titulus est *Prædestinatus* Parisiis editæ anno 1644. mihi satis superque suadent integro volumine, & nominatim cap. 5. pag. 97. ubi idiome gallico hæc latine reddita leguntur. *Finem, inquit, huic sermoni imponam, adjurando patrem Sirmundum, ut alias accuratius examinet manuscripta, quæ in ipsius manus inciderint . . . Hæreses Pelagianorum & Semipelagianorum, & alia, quæ has ambas malitiâ superant: excessus contra judicium, contra scientiam, & fidem: impostura etiam ac omnis generis corruptiones, quæ sunt in hoc libro, in tanto sunt numero, ut nihil sit admiratione dignum in hoc opere, nisi quod tot, in tam exiguo spatio includi potuerint*. Multa alia ejusdem Censuræ non minus gravia prætermitto, ut monitum faciam lectorem benevolum, magnopere cavendum ab hujusmodi operibus tenebrarum, quæ specioso titulo mundum decipiunt: nam quò peiores sunt hujusmodi luxubrationes, magisque corruptioni faventes; eò etiam ipsò in manibus plurimorum reperiuntur, à quibus ipsas revocare difficillimum est, ne dicam impossibile. Charitas ergo quæ excusatum facit prædictum Patrem, eadem urget ut veneno hujus doctrinæ (quod latet in hac propositione) *sufficit bonam habere intentionem*: vel in altera Terilli supra relati. *In negotio Anima bona fides sufficit . . . Antidotum ex Angelico Doctore præparemus, ostendendo ex iplo, quid requiratur ad rationem Boni: Bonum & malum* (inquit) 1. 2. q. 19. ar. 1. *in actibus voluntatis propriè attenditur secundum objecta*. Et ibid. ar. 7. ad 3. *Malum contingit, inquit, ex singularibus defectibus: bonum ex tota & integra causa: unde siue voluntas sit ejus quod est secundum se malum, & sub ratione boni; semper voluntas erit mala. Sed ad hoc quod voluntas sit bona; requiritur quod sit boni, sub ratione boni, id est, quod velit bonum & propter bonum*. Lege totam quæstionem.

9 Si tam parvi sit ex Probabilitatis legibus Charitas erga Deum: non pluris aestimatur amor erga proximum: erga quem, inquit Dominus Camuël, *non sunt præjudicia, quæ iustè sunt, licet magna inferant proximo dam-*

na, à quibus necessariò vitandis, eximit me jus, quod habeo eligendi quamcumque opinionem cerèd probabilem. Neque istud referrem, nisi hæc doctrina à Charitate Christiana & omni humano sensu adeò aliena suum reperisset Apologitam in Ethica Christiana citatum & confutatum i. p. pag. 132. asserentem omnes sententias Caramuëlis esse Probabiles, id est certas ac intas morum Regulas. Explicatur. Petro solvendi sunt centum aurei intra feriam secundam: ita ut nisi eo die numerentur, pereat creditori jus illos repetendi. Si à Petro efflagiret solutionum creditor dimidiò undecima hora noctis: responderet sibi superesse semihoram ad solutionem: sique interim audiat ex altero horologio hora duodecima, repetenti solutionem responderet se are alieno exemptum: quia adheret posteriori horologio, quo sibi persuadet feriam tertiam advenisse. At quis adeò fallacem & exolam tergiversationem patienter ferat? Et hinc, omnibusque prædictis judicet Prudens Lector, quantum intersit; ut omnes agnoscant traditam à centum circiter annis de Probabilitate doctrinam, nec ad Ecclesiam nec ad Sanctos Patres, aut Thomistas pertinere, quorum omnium sufficientissimam texuimus Apologiam. Finem ergo huic Appendici cum Celladeo imponamus, qui in editione Lugdunensi jam citata pag. 59. sic loquitur. *Quid in probabili vel non probabili nos moratur?* (cum) jam universali documento dicatur solam estimationem & persuasionem re verà etiam improbabilem vel hæreticam vel paganam, tam esse unicuique rectam Regulam, atque estimationem probabilem, quin & demonstrationem. Hic obtestor lectorum conscientiam, an quid magis stupendum possit inter Christianos audiri: aut debeat quisquam prohiberi, quominus fidem suam & cum Sanctis Patribus consensionem palam testetur, quã remissam hanc Probabilitatis novitatem aversari teneatur: Nam ut ait D. Augustinus Epist. 243. contra Mathematicas: *Non parvum malum est, perversis opinionibus, non solum ad committendum blandimento voluptatis adduci: sed etiam ad defendendum peccatum à medicamento confessionis averti.* At tota Probabilitatis solertia videtur posita in fucandis pravis opinionibus & in excusandis excusationibus in peccatis ut loquitur vates Regius. Neque fidendum est ulli Modificationi ab Authoribus aut Defensoribus factæ hætenus, (nam ut dictum est & fusiùs dicemus, merum fucum rebus faciunt tantum) & quandiu non fuerit penitus eradicata hæc propositio: *Omnis opinio etiam min⁹ probabilis est sufficiens Morum Regula* cujus revocationem hætenus ab eorum nullo obtinere potuimus (quin immò illam refricat Philosophiæ Magister vel ne sanetur hæc plaga, vel oblivione hoc axioma deleatur) semper (ut aiunt) lupus erit in ovili & inimicus in arce. Etenim poterit quisque ex illa Majorem sui argumenti habere in hac propositione, cujus Minorem reperiet in Casuistarum libris, asserentibus hanc & illam opinionem esse probabilem; sique semper iustitiam stabit vaga hæc Probabilitas, de qua hoc habeto iudicium s. Episcoporum 24. Oct. 1638. *Iudicamus Probabilitatis doctrinam prout ab Apologista explicatur, & ad omnia promiscuè Morum decreta extenditur, falsam esse, simplicitati Christianæ, Spiritus Sancti sinceritati, traditione nobis ab Apostolis illius nomine, doctrinæ contrariarum; animasque fallacis spe securitatis ad certam salutis perniciem impellere.*



## APPENDIX ALTERA.

### SECTIO I.

*Aperitur fraudulenta fidei Amadæi adulario: & aliud discrimen ostenditur Thomistas inter & Probabilitatis Affeclas, iterum profligata, apto ac familiari exemplo.*

Nu. 1. **H**ic me cogunt Antithomistæ, & fideus Amadæus præcipue; secundam hanc adjicere Appendicem, ut fucatam quandam adulationem aperiarn, Divo Thomæ & ejus discipulis ab ipso Moya hac in parte factam, adeo perperam, & falsò; ut eam existimem quavis alia falsitate & opprobrio pejorem. Ut enim animos occuparet ab ipsa libri, sui tot jam fulminibus percussi, præfatione, dixit Moya in gratiam Probabilitatis (cui falsò quoque totum tribuit regimen Theologiæ Moralis) *nullum pro veritate doctrina nedum probabilitate quâ Moralis Theologia contenta est, testimonium majus, quàm ab omnium Magistro Divo Thomæ, ejusque discipulis originem duxisse; illorum fidelissimè, transcriptis verbis, suffragia referam*. Et quavis apertæ falsitatis hac in Apologia jam istud convictum sit, relatis passim tot D. Thomæ & Thomistarum testimoniis ubique falsificatis: hic uni Moyæ compendiosius respondens, inquirò ab ipso; cur tùm Sui, tùm ipse, ita pro Probabilitate D. Thomæ ac Thomistis se se adherere fingant; & in quingentis aliis, tàm Philosophiæ quàm Theologiæ gravissimi momenti quæstionibus in faciem eidem resistant? Aliane ipsis est in communem Magistrum reverentia nisi pro sola Probabilitate? Certè hoc vel solùm satis indicat, hic quidpiam latere, à quo nolunt resistere, quod tot conatibus in alios conantur regerere.

Hic interim non diffiteor, unum aut alterum ex junioribus Thomistis, nimium credulis sui ævi Casuistis, parum cautè in Probabilitatem impègisse. V. g. Serra, cujus opera vix à 16. annis in lucem prodierunt: qui proinde nequivit viam sternere Probabilitatis Defensoribus, qui à sexaginta & amplius annis ante ipsum scripserant, ut ipsis P. S. Ju falsò imposuit.

Verùm est & aliud discrimen Adversarios inter & Thomistas præter illud quod in appendice præcedenti assignavimus. Nimirum quòd si quis ex ipsis in aliquo casu particulari defecerit; proprio morbo ipse continud mederi possit ex communibus regulis à S. Doctore depromptis, ex quibus in viam rectam revertitur: Adversarii verò ex opposito, si quid ritè in aliqua materia speciali scripserint, aut aliquem Probabilitatis excessum in speciem correxerint, id ipsum illicò instaurant ac in eandem foveam re-labuntur ex communibus placitis ejusdem Probabilitatis, ne dictorum re-tractione probentur aliquando erravisse.

Opus probemus. Nimià laboraverit indulgentia, aut si mavis laxitate,

Y

in aliquo casu particulari nollet Serra supra citatus. Primò, inquiri, an vel unus Thomistarum illius causam defenderit aut ejus susceperit patrocinium? Secundò, ipsemet sui ipsius esse poterit redux optimus, asserens conscientiam dubiam circa bonitatem & malitiam debere semper eligere partem tutiorem. Quà unà Regula vitantur omnia Probabilitatis pericula, ut studio facile constabit. Quod si nimium credulus ætatis suæ Casuistarum libris, non satis accuratè rimari studuit, quì aut quando conscientia fieret dubia, ut in conflictu opinionum probabilium ferè semper contingit; certè nihil inde inferri potest in gratiam ipsorum, quos jam non lateret, ut olim latebat Probabilitatis venenum, ex qua etiam nostra ætate deductæ sunt consequentiæ ob quas erubesceret Evangelium.

Itidem. Aliquam habuerit olim Petrus Ledesma indulgentiam erga scrupulosas ac timoratas conscientias: quid hoc ad effrènes, quibus nullum est jugum? Aut quid juvare potest illos, qui asserunt licitum esse sine ulla restrictione sequi quamcumque opinionem, etiam legi contrariam; cum ipse Ledesma supra citatus exerto ore profiteatur & asserat ex D. Thoma semper judicandum esse secundum leges? Esta enlesina (inquit Ledesma) Sancto Thomæ y todos sus Discipulos.

Hic non detrectabo nostrum Medinam advocare, dummodò non prætermittatur Antidotum quod ipse adhibuit Probabilitati remissæ his verbis. *Quando altera pars litigantium assertit pro se Probabiliora testimonia, non dicitur (scilicet contraria) opinio Probabilis.* At quid magis oppositum principiis vagæ Probabilitatis propugnatae ab Adversariis, qui tam obfirmato animo tuentur oppositum, abutentes nomine potentiae naturalis, quæ in moralibus non nisi perperam pro Morali obtruditur, ut fusiùs adversus Cardenam ostendimus?

Sed melius innotescet exemplis hæc differentia nostræ & Adversariorum doctrinæ, quàm verbis; quidve ipsi patiantur damni ex voluntario recessu à sana D. Thomæ doctrina: & ut debitam in eos custodiam æquitatem: non negabo ab ipso Tamburino laxissimo, nonnullas ritè positas v. g. de bello indicendo conclusiones. At ipse citò, ut dictum est, relabitur in foveam, ex qua egredi velle videbatur; idque ex communibus Regulis suæ Probabilitatis, à qua nequit recedere: unde lib. 1. cap. 3. nu. 30. in Ethica Christiana citato, ait: *In Probabilitate orta ex jure, contententes secum possunt licitè pugnare.* Ratio est (inquit Tamburinus) *quia ut pluries diximus, potest quis sequi opinionem Probabilem omisâ Probabili.* En communis ipsorum regula; At quid magis falsum, magisve iniensum toti humano generi cui ex eo bello imminet, non tantum mors unius infonsitis, sed innumerebilibus innocentum neces: tot Gentium strages: tot Provinciæ ex-cidia: tot Regnorum perturbationes, Sacrorumque omnium subversiones? Item cap. citato. verbò. *Judex. sect. 4. rectè dixerat Tamburinus: Si rationes aequaliter sint probabiles circa factum inter litigantes in causa recuperatoria seu civili; non est integrum iudici, quam maluerit opinionem sequi, sed tenetur sicut dictum est, rem dividere.* At miserum dictu, statim clausulam adjecit sect. 4. nu. 7. omnia evertentem: *Dixi, inquit, & ego certum puto: nam propter extrinsecam bonorum doctorum auctoritatem assentientium in hoc casu posse iudicem pro Amico suo, si maluerit, sententiam pronuntiare:* quibus

verbis revocat id quod supra dixerat, asserens cum rationes hinc & inde æquales sunt, iudicem posse sententiam ferre in favorem sui Amici: quod est falsum, injuriosum & scandalosum.

Et nu. 11. ibid. citato id confirmat, atque ex falsi sua & universali Probabilitatis suæ Regula rationem reddit: *Cum utrinque litigantibus faveant opiniones probabiles, potest iudex cui voluerit rem adjudicare: quia, inquit, semper probabiliter, atque adeò prudenter adjudicabit.* Viden mīlector nullo hæc Probabilitati adhibitum esse remedium, illamque semper in utramque partem claudicare? Hic non magis urgebimus: nam supra fusè satis ostendimus prudentiæ abusum, quā fucum rebus faciunt Antithomistæ, qui jure merito prudentiæ nomen usurpare nequeunt, nisi de rebus ipsis judicent, vel secundum quod verè sunt à parte rei, aut juxta appetitum rectum ad finem ultimum: nam si juxta Aristotelem idem est *ratio & recta ratio*, non secùs sentiendum est de prudentia, quæ hoc nomen non meretur nisi sit vera: verà autem esse non potest in utraque contradictionis parte Probabilitatis, cum alterutra pars necessariò sit falsa: nam quamvis tunc neutrius partis determinatè constet falsitas, evidenter tamen certa est alterutrius indeterminatè: & sicut imprudentissimè ageret, qui indifferenter & nullo delectu ex duabus navibus unam ingrederetur sciens alterutram esse perituram propter vetustatem: ita & qui ait se posse sequi ad libitum hanc vel illam opinionem Probabilem, cum sit indubitatum hanc vel illam esse falsam.

## SECTIO II.

*Declaratur alio Adversariorum exemplo, quam infirmo Probabilitas nitatur fundamento: aperto quoque insigni discrimine fori externi, aut artis medicine & fori penitentia, duæ iuris explicantur Regule, & quomodo sit intelligenda hæc, quæ asserit favendum esse reo in dubiis.*

Nu. 2. **A** Pertinet hoc altero discrimine, revocatoque in memoriam eo, quo supra diximus semper standum esse legibus, speretā quicumque novā verborum & evanidarum distinctionum supellectili: Antiquis Theologis ac sanctis Patribus incognitarum, quibus utuntur Moderni: evidenter constat doctrinam D. Thomæ toto cælo differre à nuperis Neotericorum placitis: nam illi qui adhærent legibus juxta præscriptum D. Thomæ, verè irreprehensibiles sunt coram Deo & hominibus, verèque de ipsis intelligi potest illud Spiritus Sancti Oraculum: *Qui ambulat simpliciter, ambulat confidenter.* At manifestus est Probabilitatis abusus, quæ (ut Scriptura loquitur) *depravat vias suas* periculo exponens Animas, ut hæcenus tor rationibus & exemplis exposuimus: ad quæ hoc ultimum accedit. Certum est nullum posse ordinari in Præbyterum ante baptismum, quia baptismus est janua Sacramentorum: At nonnulli Neoterici tuerentur oppositum tanquam certum quia probabile: probabile verò, quia (inquiunt) vix credibile est aliquem ad sacros Ordines suscipiendos accessisse, sine aliquo actu charitatis præmisso, quo tanquam flaminis baptismo,

sufficienter certa sit ipsius ordinis susceptio. At hujusmodi ratio non tam probabilis judicabitur quàm periculosa & voluntariæ imaginationis præsumptio: quare oppositum ceu tutius ac prorsus necessarium determinavit Innocentius Tertius: præcepitque in tali casu ordinandum, prius esse baptismum aquæ intinandum. Aliud ergo est Probabilitas discreta, in iis rebus, in quibus majorem evidentiam nobis comparare haud possumus, ut contingit in omnibus casibus in secunda conclusione positis: & præcipue quando munitur aliqua lege, quia tunc ut ait Ancharanus, *talis credulitas idem operatur ac veritas*; præsertim urgente agendi necessitate: aliud verò evanida seu præsumpta Adversariorum Probabilitas legibus contraria, cujus usum permittunt ad libitum. Ad alia progrediamur. Nota est omnibus differentia, quæ est inter externum & internum Pœnitentiæ forum: at quia sæpe dicitur fidem in Confessione, Pœnitenti, pro se & contra se, adhibendam esse; illic intulerunt inde quidam Defensores Probabilitatis, Confessarium sequi debere quancumque probabilem Pœnitentis opinionem, quæ certè nunquam decet sagaci, & circa quodpiam affectu Probabilistæ Pœnitenti; quia unusquisque judicat & plusquam probabile existimat illud, circa quod ipse est affectus; & hoc est notandum ceu periculosum ex præcipuis Adversariorum præcipitiis: ad quod vitandum.

Distingunt Thomistæ id quod est facti ab ipso jure: D. cunt ergo in factis credendum esse Pœnitenti se quidpiam fecisse vel non fecisse assenti, hancque vel illam habuisse intentionem, se verè de hac vel illa circumstantia minimè cogitasse: At secus dicendum est in quæstionibus juris, de quibus judicium debet esse penes Confessarium; an scilicet Pœnitens ad restitutionem teneatur, & id genus alia, in quibus vel de contrario dubitare, vel oppositum asserere non minus præposterum videtur, quàm si ab infirmo petat consilium Medicus. At in foro externo, cum publicum sit negotium & manifesta dissertatio; si levia aut falsa ab una parte proferantur; ab altera refelluntur. Sed in foro Pœnitentiæ abest pars adversa, pro qua Dei nomine debet Confessarius stare adversus Pœnitentem, sapius v. g. contententem, aut pro aliqua peccati occasione non fugiendi, aut pro nonnulla restitutione haud facienda propter penuriam, quæ fortasse adhuc major est in persona absente læsa; in cujus favorem debet Confessarius, tanquam justus Judex & Dei Minister pronuntiare: nam scriptum est: de ore Sacerdotis requirendam esse scientiam, quia Angelus Domini est.

3. Non est minor alia, aut minus periculosa errandi occasio, quæ cernitur in amphibologia *praxis*, de qua frequens est sermo in Casuistarum libris, quæque non raro utuntur Casuistæ, & cæterarum artium exemplò abutuntur. Certum est (inquiunt) Medicos v. g. Duces & Nauceros experientiâ fieri prudentiores ac peritiores; & ulus non minus confert ad regimen Animarum, quàm reliquæ artes. Unde distinguit Ecclesiæ & Sacramentorum Ministros, in Theoricos & Practicos. Primos despiciunt, alios verò extollunt, quod sint praxi & experientiâ detriti & instructi: qui sapius sunt à prudentia valdè alieni, & solâ temeritate & ignorantia notandi, ut me, ni fallor, legisse arbitror apud Fernandez, de Curato rurali, qui per quadraginta annos Extremæ unctionis Sacramentum ministrabat infirmis, sub hac forma: *indulgent tibi Deus quidquid dereli-*

*quisi ( pro deliquisti ) per visum*; sicque de aliis sensibus. Ut ergo hanc quoque erroris occasionem removeamus, ac discriminis rationem aperiamus: fatemur in prædictis, scilicet Medico, Duce, &c. experientiam plurimum valere, nec minus conferre ad perfectionem hujusmodi artium comparandam. Quando enim vident Medici, v. g. porrecta ægris remedia morbos expulisse; inde certò cognoscunt illa esse efficacia & salutaria; & quamvis ars illorum sit majori ex parte conjecturalis, tamen prudenter judicant à *juvantibus & ledentibus*, ut ipsi loquantur Medici. At longè alia est ac diversa ratio regendæ conscientiæ; nam ex remediis quæ confert spiritualis Medicus, non sequitur effectus manifestus, qui cadat sub sensus: idcirco non potest cognosci certò & evidenter, an v. g. peccatum pœnitenti remittatur, cui Doctor vel Confessor fuit Author ne ex probabiliori opinione, bona restitueret iis ad quos probabilius pertinere judicatur. Unde nullò certò iudiciò cognosci potest an bene vel male data sit absolutio, vel tùm maximè, quod aliunde certum sit tot invalida quandoque conferri Sacramenta: nec aliunde ullus sit prudentiæ locus, nisi in dubiis tutiorem partem, in qua esse non possit ulum erroris aut peccati periculum eligamus.

Sed prædictæ juris Regulæ sequentem opponunt, aiuntque *in dubiis reo esse favendum*. Cum tamen ex hoc aliquando magnum immincat nedium privatis, sed & Reipublicæ detrimentum. Ut igitur instantiæ hujus nebulas dissolvamus, dicimus priorem hanc regulam de tutiore parte in dubiis eligenda, stabilire secundam. Nam Judex constitutus est, ut unicuique, scilicet tam Aëtori & reo, quàm Reipublicæ servet quod suum est, jusque unicujusque tueatur: & cum periculum sit ne ob ignorantiam lædat aliquam harum partium; tutius est si reo faveat: Primum, quia in jure melius est nocentem absolvere, quàm insontem damnare: multatio enim insontis per se mala est: unde enim non possunt Principes ullo prætextu pœnis insontem afficere; venia verò nocenti concessa aliquando est honesta, ut si miles plurimum valeat pro defensione Reipublicæ, huic prudenter venia conceditur à Principe.

Secundò. In dubiis minus malum est reum dimittere, quàm insontem multare: nam huic secundo vix & aliquando nunquam rescirci potest illatum ei detrimentum. At si decursu temporis rei crimen innorescat, poterit à Judice revocari & puniri, aut à simili malo cohiberi. At prudentia locum habet, cum ex duobus malis minus eligitur.

Tertiò. Sententia damnans affirmat eum in quem fertur esse reum criminis de quo accusatur. Quod si res sit dubia & tantum probabilis, & in re gravi, est mendacium perniciosum & mortale peccatum: nam *stante dubio, rem affirmare, mentiri est*. At sententia liberans non committit mendacium, quia non asserit accusatum esse insontem, sed tantum decernit delictum non constare, nec satis probatum esse. Unde provenit effectum commune, *Quos liberat Justitia, norat*: quia etsi totam remittat pœnam, non tamen omnem abstergit labem; quia dimissio non est certum innocentiae signum, sed dubiæ interdum aut probabilis culpæ, vel saltem alicujus suspitionis indicium.

Quartò. Cùm ad Judicem pertineat æqualitatem inter litigantes consti-

tuere & efficere ut læsa æqualitas refarciatur, sitque damnum grave accusari & judicandum sisti; suo munere fungitur Judex favens reo in dubiis, donec veritas innotescat, quâ in accusato cognita, debet eam refarcire, & publico stabilire judicio ejus innocentiam declarando.

### S E C T I O III.

*Quid præcipuè intueri debeamus in Probabilitate, cujus quatuor difficiliora solvuntur argumenta: suntque D. Thomæ & quorundam Thomistarum vindicia circa Sacramentum Pœnitentie.*

4. EX prædictis patet 1. præfatas juris regulas non esse inter se contrarias, sed illas omninò confirmare doctrinam D. Thomæ, de tutiori parte eligenda, in qua non sit peccati periculum: 2. Quid sit praxis, quæve opinio sit dicenda certò practice probabilis; illa nimirum cui vel adeest veritas speculativa ex convenientia cum rebus, cum recta intentione boni honesti, quod cæteris boni speciebus semper præferre debemus; vel cui non deest veritas practica ex consensione cum ultimo fine; pro quo consequendo, ratione, fide Christianâ, prudentiâ morali & infusâ à Deo donati sumus, tanquam regulis rectè dirigentibus ad eum finem ad quem nati & regenerati sumus. Verùm si lex (ut definitur) sit recta morum regula, quomodo hanc dotem sibi vendicare poterit opinio probabilis, si sit legi contraria? Obliquum enim esse necesse est, quod est recto contrarium. Igitur sicut nemo prudenter Medico fideret, artis medicæ regulas minime observanti; ita & in moralibus, & in quibus ob rei gravitatem major certitudo requiritur, quàm Probabilitatis, quæ ad securam opinionum electionem merè conditionis rationem habere possit: nam totum momentum (quod signanter velim notatum) bonitatis moralis, est desumendum à certa bonitate morali actionum, ut substant obligationi ac remonent à periculo peccati; sicut & cujuslibet agentis virtus est unica causa effectus, quamvis pendeat necessariò à loci propinquitate cum passo, tanquam à conditione ad operationem prævia. Nemo igitur hic ludat verbis, prætextu *probabilis, probabilioris aut tutioris opinionis*; in quibus nihil aliud intuemur aut propugnamus, quàm ut in agendo, quolibet modò prævisum arceamus & amoveamus erroris aut peccati periculum: qua in re non est par cautela in omnibus adhibenda; nam quamvis v.g. errare possis in eroganda pauperi elemosyna, non tamen eâ est inquisitione ejus egestas exploranda, quâ infirmitas, si medicina sit infirmo exhibenda.

5. Si quis posset Solem è Cælo auferre, vix dici potest, an majorem adversus eum afferrent resistantiam homines, câ, quam testantur Defensores Probabilitatis, ne ex regulis morum Probabilitas expungatur. Sed quid mirum cum Moya teste supra citato, *tota Moralis Theologia Probabilitate contenta sit*? Quare hac de causa nullum non movent lapidem, (& maxime Terillus) resque versant in omne latus, ut Probabilitatem tueantur: unde sic argumentantur, tanquam receptui canentes:

Primò. Non est certa obligatio obediendi legibus, nisi leges sint certæ;



sed lex de qua sunt hinc & inde opiniones probabiles, asserentes v. g. hunc contractum esse vel non esse usurarium, non est certa. Ergo nulla est certa obligatio abstinendi ab hujusmodi contractu.

Respondeo negando Majorem: Nam lex certò prohibens usuram v. g. & alia in Deum aut proximum peccata; non minus vetat peccata dubia inde sequentia, quàm præceptum de homicidio certo, etiam prohibet homicidium dubium. Atqui præceptum Decalogi, *Non occides*, ut farentur omnes, damnat peccati nedum certa, sed & dubia & probabilia homicidia, quæ ad culpam & pœnam coram Deo & hominibus, ut toties dictum est; imputantur: nam ut prudenter agamus, certitudinem habere debemus; & idèò stante dubiò legis, vel solà Probabilitate, non minus abstinendum est ab illis actionibus in quibus lex fortasse violaretur, quàm ab illa in qua impender dubii homicidii periculum. Ratio est, quia ignorantiam invincibilem destruit non solum evidentia, sed & eam tollit etiam quælibet impendentis peccati dubitatio discreta.

Instant secundò: Nulla potest dari disparitas inter electionem statûs Matrimonii à statu Religioso; & usum opinionis minus probabilis legi contrariæ in dubiis: At electio Matrimonii, relictò statu Religioso, non est peccatum: Ergo nec electio opinionis minus probabilis, relictà probabiliiori stante pro lege.

Respondeo negando Majorem. Ratio discriminis est, quòd cum status sæcularis bonus sit & honestus, non est in eo peccati periculum præsens, sed futurum & tantum per accidens ipsi conjunctum, cujus plura sunt remedia: nec tantum licitus est, sed indoli & infirmitati plurimum necessarius.

At qui sequitur opinionem minus probabilem legi contrariam, habet peccati periculum præsens & proximum; ut patet in eo qui sagittam emitteret, probabiliter existimans esse feram vel hominem: Et certè stupendum est, quòd timeant Adversarii sagittam emittere, ne lædant animal quod probabiliter credunt esse canem proximi: & in triplici contractu v. g. quem ferè omnes probabiliter credunt usurarium, quò Deus subinde offenderetur; contrahens, spiritualibus bonis privabitur, & damna temporalia proximo inferentur; sint securi virtute probabilitatis.

Tertio sic argumentatur. Sint duæ capsæ, in quarum una sit gemma pretiosa: in altera verò gemma falsa, nonne melius est habere gemmam falsam quàm nullam? Ita (inquiunt) nequeo habere de aliqua re evidentem cognitionem, nonne melius est sequi probabilem, quàm cessare omnino ab operatione?

Respondeo Adversarios hoc exemplò satis indicare non delectu & judicio, sed temerè & casu vitam esse peragendam. Et quis non v. deat imensum esse discrimen in hac comparatione? Idemne est animam æternam perire ob mortale delictum latens in Probabilitate, & gemmam habere falsam?

Quartò, ex Terillo sequens educitur argumentum. Nulla motiva errorum aut hæresum, tantam præ se ferunt veri speciem, relata ad motivum sufficiens credendi, quantà posset motivum minus probabile relatum ad probabilius ipsi oppositum: nam motiva fidei non satis idoneè proponun-

tur, nisi doctrinam efficiant evidenter magis credibilem, quam omnem opinionem ipsi oppositam. Ergo sicut voluntas potest flectere intellectum ad aliam sectam, quàm ad Religionem Christianam; ita & poterit ad quamcumque opinionem probabilem etiam legi contrariam.

Respondeo negando Antecedens: nam motiva fidei roborata indubitatis omnipotentiae Dei miraculis, & vaticiniis ex ejus praesentia depromptis, accedente sanctimoniâ Religionis Christianae, evidenter evincunt nullam sectam posse eidem comparari quantum ad certitudinem. Quod si depravata voluntas flectat intellectum in oppositum, jam non ducitur ratione, sed abutitur suâ naturali potentia & facultate non minus mali quàm boni capace. Et idem dicendum est de opinione minus probabili comparata cum probabiliori; respectu cujus, ut ex Medina retulimus supra, omnino à Probabilitate deficit opinio minus probabilis; quò uno è diametro opposita est Medinæ doctrina, nimium remissis Adversariorum placitis; quod optare à quibusdam accuratius observatum esse. Vide quæ ex ipso retulimus lib. 1. cap. 7. ne pluries eadem repetere cogamur.

Nec interim obtrudas potentiam naturalem pro morali, quâ sæpius Adversarii abutuntur. Nam voluntas potest ferri ad quodcumque bonum, quia bona inter se sub eodem genere non pugnant contrariâ oppositione. At verum, cum solo falso contrariam habet oppositionem. Unde si una pars est vera, altera est falsa: idè licet voluntas ut aliarum potentiarum domina, eligere possit bonum delectabile, relictò honestò, multò meliore: nunquam tamen potest intellectus inter verum & falsum positus, quamlibet partem approbare. Ratio disparitatis est, quia majus & minus bonum intra sphaeram & objectum voluntatis continentur; at falsum vagatur extra objectum intellectus, qui ad voluntatem comparatur ut dux viæ ad cæcum qui se & eam regat juxta legem æternam, cujus est tanquam prima irradiatio, tantaque est inter hujusmodi potentias dependentia & cognatio, ut motiva alicujus objecti nequeant pluris à voluntate fieri, quàm ab intellectu æstimentur: unde semel agnita rei falsitate, v. g. *Totum non esse majus suâ parte*; non magis potest voluntas suo imperio intellectum flectere in oppositum, quàm visum in rem lucis & coloris expertem, si secus agat voluntas, jam non est usus potentiae moralis, sed abusus potentiae naturalis, de qua, ut sæpè dictum est, non est sermo in moralibus.

6. Hic scribendi finem libenti animo facerem, nisi adhuc superessent solvenda difficultates aliquæ falsè quoque Thomistis impostæ: ex quibus prima quæ occurrit; illa est quæ clanculum serpebat per Hispaniam in Gymnasiis: maxime Valissoleti, Salmanticæ & Compluti propositio periculosa, quæ etiam Viennæ fuerat publicis Thesibus propugnata; quâ nonnulli Neoterici asseriebant Sacramentum Pœnitentiæ valide conferri posse per litteras absentibus, tam quoad Confessionem quàm quoad Absolutionem per internuntios transmittendam.

Adversus hanc doctrinam insurrexerunt Thomistæ, & illis agentibus damnata est à Clemente VIII. & postmodum à Paulo V. Cumque de more hanc propositionem non possent rejicere in Divum Thomam, cum ipse, Suarezio teste, doceat in 4. Sent. dist. 17. q. 3. a. 4. nullam esse absolutionem Sacramentalem absenti collatam; utiliusque esse in extrema necessitate

necessitate confiteri Laïco præfenti, quàm absenti Sacerdoti, hanc conati sunt ejus Discipulis, Soto, Nugnio & Alvarez assignere. Verùm quid hac in parte sentiant Thomistæ, breviter aperiam, quod aliud non est, quàm quod faciendum præscribitur per Concilia Arausicanum & Carthaginense ac Rituale Romanum: qua in re haud disputamus de modo quo Pœnitentiæ Sacramentum potuerit institui à Christo; sed tantùm de facto, quod docet Ecclesiæ usus, & ratio confirmat. Porro hujus Sacramenti usus omninò diversus est à Matrimonio, quod inter absentes validè ac licitè celebratur aliquando: secùs verò Pœnitentia, idque iustis de causis: nam si absolutio, quæ est pars ejus principalis, alicui conferatur invito vel pertinaci in aliquo, etiamsi reliquorum omnium ipsum pœniteat, nulla est omninò: & quia inter absentes vix constare potest, inter quos semel concepta aut promissa facillè mutantur: idèò justè definitum est à Summo Pontifice, ut more aliorum Sacramentorum sin Confessio in aliquo casu fieret; ad minus Absolutio præfenti reo pœnitenti conferretur, simili modo, quò in consecratione Eucharistiæ ad præsentem materiam verba diriguntur.

Explicatur magis. Confessio, quæ est hujus Sacramenti materia, convenit cum Matrimonio, & maxime urgente necessitate, ob quam mutus v. g. potest peccata sua scribere, & scripta Confessario tradere, vel ea etiam solis nutibus exprimere. Item potest contingere ut infirmus qui Confessionem petiit, usum linguæ amiserit accedente Sacerdote, cui sola potest doloris dare indicia; huic sine dubio non est deneganda absolutio, hoc saltem subintellec-tò, *Quantùm possum & indiges.*

Distiungunt igitur à consuetò usu Thomistæ, id quod fieri potest urgente necessitate, in qua non solùm probabilem admittunt materiam, sed etiam dubiam: sic puero morienti, v. g. melius esse sentiunt, omni aliâ deficiente aquâ, illum baptizare cum aqua ex sale vel ex vite resecta, profluente; quàm sincere illum animam efflare sine ullo baptisino. Nam cum Sacramenta sint ad Animarum salutem instituta, & ex duobus malis, minus prudenter eligatur; minus malum est, immò nihil mali, si alicui periculo irriti Sacramenti te exponas, ne æternùm Anima damnetur, pro qua institutum est Sacramentum. Nunquam igitur dixerunt Thomistæ Absolutionem Sacramentalem posse per litteras conferri absentibus, sed huic errori jam pluribus in locis, ut dictum est, disseminato, restiterunt. Legendus est Caietanus verbò, Confess. & Joa. à S. Thoma, de Sacram. Pœnit. pag. 300. in fol. Paris. apud Bertier edit. an. 1667.



## S E C T I O IV.

*Vindicia D. Thoma circa circumstantias necessariò in Confessione aperiendas, sunt & ipsius Christi Domini ab equivocatione & restrictione mentali: & ostenditur Deo odibilis quicumque utitur hac arte Sophisticâ, quæ etiam est prorsus aliena à mente Divi Thoma: Ac denique quatuor insignes aperiuntur facta à fîlto Authore falsificationes in doctrina D. Thoma.*

7. **A**liud est, cujus gratiâ miris cavillis D. Thomam exagitat quidam Neotericus; quod nimirum ( ut ille putat ) Doctor Angelicus dixerit solas circumstantias speciem peccati immutantes, esse necessariò in Confessione aperiendas; ex qua suppositione sic lepidè ludit verbis. *Ergone ritè confessus erit, quicumque dixerit se furatum esse nummum aut mille aureos, nulla speciali saltâ majoris quantitatis expressione?*

Sed audiamus sanctum Doctorem, quem, ni fallor, nunquam probè intellexit hujusmodi Cenfor. D. Thomas in 4. Sent. dist. 16. q. 3. a. 2. ait diversas esse circumstantias. 1. Aliquæ sunt quæ novam peccati deformitatem inferant; v. g. furari rem sacram. 2. Sunt aliæ, quasi indifferentes, ut furari serò vel manè, manu dexterâ vel sinistrâ. 3. Sunt aliquæ aggravantes intra eandem speciem. *Quod autem ( inquit S. Doctor ) accipiat ( aliquis ) multum vel parum, ex se deformitatem aliquam non importat, nisi ( nota ) ex ipsa suppositione primi; quia multum de alio eripere, est ab æqualitate magis discedere: unde talis circumstantia aggravat, sed peccatum non mutat.* Igitur jam ex ipsius verbis, scilicet ex suppositione primi, id est, ex augmento rei furto sublatæ, specialis quoque importatur rei deformitas, licet speciem non immutet.

Jam verò difficultas est, utrùm istud v. g. in furto augmentum non sit necessariò in Confessione aperiendum, nisi tale sit ac tantum, ut aliam in speciem peccati, v. g. sacrilegii transeat. Sic putant Adversarii, idque ex mente D. Thomæ.

Ego verò ( salvò meliori judiciò ) existimo hoc ipsum esse sancto Doctori omninò oppositum. Nec aliunde istud infero quam ex ejus verbis. *Alii verò dicunt ( inquit ) quòd non sint de necessitate consistende, nisi circumstantia qua ad aliud genus peccati trahunt, & hoc probabilis est: Sed addendum est, quia ad aliam speciem mortalis trahunt. Cujus ratio est ( inquit ) quòd venialis non sunt de necessitate Confessionis, sed solum mortalia, quæ quantitatem infinitam quodammodo habent. Qua ex ratione, & verbis supra relatis; manifestum est quòd loquatur etiam de circumstantiis notabiliter aggravantibus, quibus ( ut supra loquitur ) specialis deformitas importatur. Quod ut exprimeret, dixit, ex suppositione primi; id est, ex quantitate rei furto sublatæ: ex qua sicut ex veniali, fit aliquando mortale; aut è contra, scilicet ob parvitatem materiæ: ira ex mortali gravi, fit sæpè gravius, ut ait Doctor Angelicus, de Malo, q. 2. de peccatis, a. 7. ad 2. Circumstantia ( inquit ) quæ aggravat, & non dat speciem peccato, non continet ex se aliquam malitiam, sed est determinativa alicujus circumstantia malitiam*

*continentis. Legendus sanctus Doctor, 1. 2. q. 18. a. 11. Et ibid q. 73. a. 2. cujus erit interpres optimus Catechismus Romanus de Pœnit. Si quis aureum nummum furetur, levius omnino peccat, quam is qui centum vel ducentos ... Hac igitur enumeranda sunt, quæ verò gravitatem rei magnopere non aggravant, sine crimine omitti possunt. Sicut ergo malè is confiteretur qui diceret se furatum esse, non exprimendo rem, v. g. nummum vel alsem: ita & ille qui diceret se nummos surripuisse, tacitè illorum quantitate; quia ut unò verbò dicamus cum Tridentino, Sess. 14. cap. 5. de Confess. eas circumstantias debemus aperire in Confessione, sine quibus peccata ipsa neque à pœnitentibus integrè exponuntur; nec Iudicibus (id est Presbyteris) innotescunt: & fieri nequit, ut de gravitate criminum rectè censere possint, & pœnam quam oportet pro illis pœnitentibus imponere. Ita sanctus Doctor, malè ab Adversariis relatus.*

Prædicta velim intellecta sine præjudicio moniti salutaris, ab Angelico Doctore dati in 4. Sent. distinc. 17. q. 3. a. 4. ubi ait: *Illi qui sunt nimis solliciti, ut conscientias subditorum per Confessionem sciant; multis laqueum damnationis injiciunt, & per consequens sibi ipsis.*

Dices cum quodam Moderno, Cardinalis Turrecremata assumptus ex Familia Dominicana, approbat revelationes Sanctæ Birgittæ, quæ non sunt demonstrativæ, sed ad summum probabiles. Ergo Thom.æ etiam illustriores, non sunt prorsus alieni à Probabilitate.

Respondeo, jam supra dictum esse lib. 1. duodecim Conclusionibus; quibus in casibus suis sit Probabilitati locus: in iis v. g. in quibus majorem nequimus nobis comparare notitiam citra specialem revelationem, maxime si possint Animabus ad rationabile obsequium & pietatem deferre. Aliud verò, promiscuè uti Probabilitate ad bonum & malum indifferente, ut volunt Neoterici, iis etiam in rebus, in quibus (ut aiunt) de Æternitate alea jacitur, tanquam ipsa Probabilitas præsentissimum sit remedium, quò arceatur omne peccati periculum, mundarique valeant omnes actus, etiam lege prohibiti, si fuerint Probabilitate fucati. At nihil commune habet istud cum revelationibus Sanctæ Birgittæ, in quibus v. g. narratur, quot verberum ictus in flagellatione suscepit Christus; quot spinis durissimis & acutissimis ejus caput sacratissimum fuerit cruentatum: quæ & id genus alia, certæ sunt utilitatis, tam ad detestanda peccata, quam ad ciendos affectus pietatis & amoris. Quæ & id genus alia nihil commune habent cum Probabilitate.

8. Antequam huic Apologiæ finem imponam, hic quidpiam existimo adjiciendum; unde omnibus innotescat, quò tandem processerit Probabilitas, dum asserere non erubuit veritatem ipsam, id est, Christum, artis hujus esse Authorem, quâ inter homines in præjudicium sinceritatis Christianæ, locum merito jure obtineant æquivocationes & restrictiones mentales, quibus tota societas humana, ipsa fides & Religio Christiana susceque everterentur: & quidem citius, quam crassius mendacii, quibus odium omnibus sufficienter ingeneratur.

Fraus & dolus (quos omnes ita naturaliter averfantur) ut falli nolint, (inquit Augustinus supra laudatus) quicumque etiam amant fallere; teste Angelico Doctore, 2. 1. q. 113. a. 3. ad 2. sunt *Executio astutia*, quæ pecca-

tum est, cujusque vel suspensionem, utpotè magis oppositam simplicitati Christianæ non patitur Apostolus: unde 1. Cor. 4. palam protestatur *se non ambulare in astutia*; quæ tamen nostrâ ætate videtur sedem posuisse in æquivocatione & mentali restrictione, in qua quidquid est vitii in dolo, fraude & ipso mendacio, reperitur; & quidem eò periculosius quò occultius & prætextu magis specioso.

Explicatur. Interrogatur aliquis (& quidem juridicè, si velis) utrùm quidpiam fecerit aut dixerit. Respondere potest negativè (inquiunt quidam Moderni, subintelligendo se illud non fecisse aut dixisse, v. g. *recreationis causâ* idipsum quod verè fecerit aut dixerit *ob propriam utilitatem, edium, vindictam, aut alium aliquem pravum affectum*, de quo absolute & quoad substantiam facti interrogatur, non verò quantum ad circumstantias & finem, de quibus persæpè non quæritur, & sic de aliis: unde inquiunt æquivocationem, optimum esse condimentum, vel potius medicamentum, quò solis peritis Medicis uti liceat, utpotè valentibus varias rerum distinguere formalitates.

9. Verùm, si semel obtineat hic loquendi modus, tota destruitur conversatio humana; nec ullus est qui prudenter fidere possit proximi sui verbis: etenim nisi sit stolidus, nunquam respondebit interrogatus ad mentem interrogantis; eritque in humana societate fraus assidua ac dolus perpetuus; quæ, ut ait Doctor Angelicus, 1. 2. q. 69. a. 2. *vim mendacii habent*. Mentitur enim qui contra mentem loquitur; *loquendum verò ut mulier*, & prout res apud omnes intelliguntur, relicta quacumque mentali restrictione, aut æquivocatione; ex quibus in nullo Tribunali admitteretur exceptio. Ratio ab Angelico Doctore desumitur, nempe quòd scientia nostra sit à rebus accepta, sintque verba *signa conceptuum*; quæ cum, ut ait D. August. lib. 2. de doctrina Christiana, cap. 3. *obtinuerint principatum significandi*, qui loquitur, sibi fingens in mente aliud quàm quod communiter intelligitur. *Sophisticè loquitur, & odibilis est*, ut Ecclesi. 37. 13. dicitur; atque ab omnibus deridebitur, si hanc excusationem, suæ scilicet æquivocationis aut restrictionis mentalis contra propria verba, aut scripturam suam prætexere ausus fuerit: quare ait D. Thomas, 1. 2. q. 110. a. 3. *Cum voces sint naturaliter signa intellectuum, innaturale est & indebitum, quòd aliquis voce significet id quod non habet in mente*: & idè sic loquendum, ut alius intelligere possit id quod ipse geris in mente; alioquin locutio deficit à fine, seu ut ait D. Thomas, sit *innaturalis & indebita*.

Quid, quæso, obtineret Tullius, à quo perspicuis verbis facta esset promissio de centum aureis post annum Sempronio solvendis; si anno elapso coram Judice vocatus Tullius solvendi causâ; responderet se se mentali restrictione subintellexisse, se reipsâ daturum; si hos centum aureos posset à Turca habere, & non aliàs? Nonne in derisum haberetur tale commentum, illumque ceu fatuum omnes irriderent? Et tamen ex Neoterico-rum principis licita & honesta erit eoram Deo, restrictio mentalis, quæ esset apud ipsos homines exosa & intolerabilis.

Præterea mentali restrictione & æquivocatione liceret in speciem idola colere: nec reputandus foret B. Marcellinus in idololatriam incidisse: & in

hoc miseri fuere nostri Martyres, qui tam facile tot acerbissima tormentorum supplicia, unico verbo blasphemiae de Christo, de falsis diis restrictione mentali, verè intellecto, vitare potuissent, erigendo mentem in Deum opt. quem summa veneratione & affectu colerent, etiam dum thus coram idolis per derisionem obtulissent. At istud vel audire horrescunt aures Christianæ. Quod tamen sequitur ex Probabilitate. An fortasse quia nondum inventa erat ista mirabilis Philosophia? Hanc tamen ipsi Christo tribuere non vetavit Probabilitas. Ex eo enim quoddam Christus à Discipulis interrogatus de extremo judicio & Mundi exitio, responderit *se nescire*, id factum esse mentali restrictione & æquivocatione existimant quidam Caluistæ; ex quo innoxium esse illorum usum dixerunt; quod maximè alienum erat ab eo, qui testibus ipsis ejus Adversariis *viam Dei in veritate docebat*.

10. Verùm istud facile confutari potest: nam ut ait D. Grego. hom. 23. in Evang. *nihil, unquam, simplex veritas per duplicitem fecit. Sed quare (Christus) dicitur nescire?* inquit D. Thomas in cap. 24. Marth. *Augustinus & Hiero. dicunt, quod consuetus loquendi modus est dicere, nescire aliquid quando non facit illud scire: sicut dicitur Gen. 22. nunc cognovi quod timeas Deum, id est cognoscere feci: sed dicitur filius nescire, quia non facit scire, prosequere si vis aliam Origenis expositionem: & nullibi reperies ullam æquivocationem aut restrictionem mentalem. Sed cum Christus esset æterni Patris legatus, sciebat quid discipulis manifestare deberet, quod & præstitit juxta illud: *omnia quaecumque audivi à Patre meo, nota feci vobis*, Ea duntaxat, quæ ipsis prodesse possent; non verò illa, quæ ipsis, ac nobis certissimè nocuissent, qualia sunt illa, quæ ad finem mundi, secreta cordium pertinent, ex quibus odia, inimicitie immortales, & horrendæ cædes, aliaque innumera mala orirentur sicut & maxima salutis incuria.*

Nec minùs injustè doctrina æquivocationum tribuitur D. Thomæ cui adversatur ut satis patet ex dictis: quodque magis 2. 2. q. 110. ar. 6. declaravit his verbis: *si falsa significatio sit circa aliquid, cujus cognitio pertineat ad hominis bonum: puta, quæ pertineat ad perfectionem scientiæ & informationem morum: tale mendacium in quantum infert damnum falsa opinionis proximo: contrariatur charitati quantum ad dilectionem proximi unde, est peccatum mortale*. Quid clarius?

Si à Deo datum loquelæ munus & sermonis usum ad aperiendos aliis mentis nostræ conceptus, ac mutuam sinceramque inter homines conversationibus; malum sit, æquivocationibus & mentis restrictionibus pervertere: longè pejus erit, hujusmodi artem sophisticam usque ad juramentum extendere: unde falsum est quod dixerunt quidam Aneithomistæ, *licetum esse aliquem inducere ad jurandum falsum, quod jurans putat esse verum: ipse verò inducens scit esse falsum*: Et quamvis in derisum traducere satagant Thomistas secùs sentientes: hæc tamen adversus eos, nihil nisi fictitias distinctiones & cavillos proferre potuerunt, quibus prædictam ad jurandum falsum, inductionem, non magis cohonestare aut justificare possint, quàm si de industria quempiam induxerint ad matrimonium cum cognata, ea tamen infestâ, contrahendum: aut puerum excirent ad blasphemiam

mandum. Nec valet respondere, in hujusmodi esse tantum materiale peccatum, quo, ut ait insignis defensor Probabilitatis, *nemo occiditur*: nam horrendum est Animæ salutem æternæ damnationi exponere tricus similibus, cum D. Gregorius teste existimemus aliquando peccatum esse materiale tantum, quod coram Deo erit formalissimum & gravissimum, ut pater in exemplo quod ipse refert lib. 4. dialog. cap. 18. de quinquenni puero cujus subinde, verba blasphemiarum, quæ proferebat, existimare poterat Pater ejus peccati materialis nequitiam non excedere, ob quæ nihilominus puer arreptus est à dæmonibus. *Quem* (inquit D. Gregorius) *morientem permisit Deus iterare eadem verba blasphemiarum; ut cognosceret ipsius, Pater, quod parvuli filii Animam negligens, non parvulum peccatorem gehenna ignibus nutriisset.*

11. Hic dicendi finem libentissimè fecissem, nisi suasissent Amici nonnulla adhuc subjicienda esse exempla, (præter ea quæ superius ab ipsa præfatione diximus) quibus institutæ hujus apologiæ necessitas omnibus facile innotescat, quæ profectò tanta est, ut eam obmittere vix possis, nisi communem Religionis causam prodere volueris. Etenim non potest majus esse, magisve perniciosum salutis piaculum, quam cum pro virtute vitium, aut pro veniali, mortale obtruditur peccatum. Atqui constat istud factum esse in magnum dedecus & præjudicium doctrinæ divi Thomæ: quod ut demonstrarem, sciendum est, quod res facti, cum certum non habeant modum, finem aut numerum, has omnes scire sit supra facultatem & vires naturæ: secus verò res juris naturalis, quæ cum paucissimis contineantur principiis, cordibus hominum naturaliter insitis, ferè omnibus obvix sunt & notæ: unde quidquid sit ex ignorantia juris naturalis, vix, & fortasse ne vix quidem excusari potest. At aliquando ad culpam non imputantur res facti, & merito si in illis ignorantiam superare non possis.

Egregiè discriminavit utrumque Doct. Angelicus quodl. 8. ar. 5. aliàs 35. ubi ignorantiam facti ostendit esse aliquando citra culpam, ut contigit in Jacob ignoranter accedente ad Liam: quo in casu si quis ad suam accedere intenderet causâ solius delectationis (quod esse non potest juxta doctrinam D. Thomæ, sine culpa veniali: ) & ei quoque inculpabiliter sicut Jacobo, supponeretur altera: peccaret quoque venialiter: Hoc non dissimulavit Amadæus Tract. de opinione probabili pag. 59. nu. 6. edit. Lugdun. apud Borde 1664. & Valentix 1665.

Verum non est idem in questione juris naturalis, in quo error (inquit D. Thomas quodl. supra citato ar. 5.) *non habet vim absolvendi vel excusandi.* Quod ut confunderet Amadæus cum questione facti, sequentia D. Thomæ verba referavit. *Sicut si crederet fornicationem simplicem esse peccatum veniale. Et tunc quamvis crederet peccare venialiter, non tamen peccaret venialiter, sed mortaliter.* At quæ major hallucinatio (ne durius loquar) quam dicere esse tantum veniale ex D. Thomæ, id quod exerto ore asserit S. Doctor esse peccatum mortale? Item poteratne efficacius damnari ex mente D. Thomæ quævis opinio probabilis falsa, legi contraria, quam præfatio ipsius testimonio? Aut evidentius demonstrari mala fides Amadæi?

12. Non minus injuriosum est Angelico Doctori, quod eidem falso quoque affingit Amadæus Tract. de peccatis, proposuit. 3. pag. 12. Asserens sequentem propositionem esse *expressè Divi Thomæ: Licetum est desiderare*



*alteri mortem & de illa gaudere, non quatenus illi mala, sed quatenus tibi bona, v. g. ut ei in bonis succedas.* Hoc probare nritur Amadæus ex duobus D. Thomæ testimoniis. Primò ex 2. 2. q. 76. ar. 1. Secundò ex lib. Sent. dist. 30. q. 1. ar. 1. 2. 4. & quantum ad utrumque D. Thomam vel vidisse, perinde est ac Amadæum confutasse, ipsumque falsitatis convictum traduxisse.

Et quidem quantum ad primùm, postquam D. Thomas rem totam ab ipsa nominis Ethymologia incipiendo, mirabili perspicuitate enucleavit; duabus conclusionibus quæsito satisfacit. Primò ostendit maledictum ex odio proveniens semper esse peccatum. Et quoniam maledictum (quod idem est ac addictum malis seu pœnis affectum) aliquando procedit ex affectu boni iusti, ut cum iudex reo pœnas infligit, quas ipse promeruit; vel ex affectu boni utilis, ut cum aliquis gravem peccatori exoptat ægritudinem ut convertatur vel melior efficiatur; vel aliquid aliud impedimentum, quo v. g. Ecclesiæ aut Reip. Persecutor retardetur aut impediatur, ne communem cladem inferat tor infantibus; in his nullum est peccatum, inquit S. Doct.

13. Quantum vero ad secundum locum ex lib. 2. Sent. citato: Cum sibi objecisset D. Thomas quod in Scriptura Sacra frequenter reperiuntur imprecationes, contra inimicos, v. g. Ecclesiæ: ad 4. postquam expreßit S. Doctor charitatis ordinem: ait nos debere magis diligere bonum commune multoties, quam bonum privatum unius: & idèd potest aliquis salva charitate optare malum temporale alicui & gaudere si contigerit, non in quantum est malum illius, sed in quantum est impedimentum malorum alterius, quem plus teneatur diligere: vel communitatis aut Ecclesiæ. Quibus verbis D. Thomas indicat, propter bonum commune, spernendum esse particulare, sicut & in corpore membrum abscinditur pro salute totius. Itidem si ob bonum utile, malum aliquod alicui imprecetur: illud bonum ait D. Thomas referendum esse ad eum cui fit imprecatio, ut scilicet convertatur, & melior efficiatur. At utrumque subvertit Amadæus: quare ut privati ad privatum & singulare sit relatio: seu ut possit ex hoc D. Thomæ testimonio inferre, licitum esse filio mortem Patris sui desiderare ut ejus succedat bonis; sequentia verba Divi Thomæ truncavit *communitatis aut Ecclesiæ*, pro quorum pace & tranquillitate possumus à Deo petere ut Tyrannus arceatur: & Turca exempli causâ, adèd propriis dissidiis detineatur, ut à persecutione Christianorum impediatur: At totum refert Amadæus ad filium; ut scilicet sine scrupulo pravis desideriis habentæ laxentur, etiam in morte ipsius per quem à Deo vitam accepit, ut ex ejus nece, commodum capret, lautius vivat: & unò verbò, beatus fiat ex parentum suorum miseria, quarum exoptat hæreditatem: quo desiderio via aperitur excessibus quos horrescit proferre Animus.

Verùm quid commune habent terribilia hæc desideria cum doctrina D. Thomæ? qui uni intentus charitati explicuit ordinem justæ dilectionis, quâ Dei honos, salus Animæ & bonum commune privato semper præferantur; ut citatos articulos legenti patebit: & quandoque possumus cum Psalmista dicere: *Perfecto odio oderam illos: Ps. 138. id est culpam non naturam odio habui: neque mei causâ, sed Dei, idèd non Saulem, Semei aut Absalonem, sed eos tantum qui vere Religioni insidiantur & Divinum labefactant cultum.* lege Ang. Doctorem 2. 2. q. 25. ar. 6.

Præterea, ut posset censuram ferre in D. Thomam Amadæus, ait tract. de Matrim. proposi. 1. pag. 496. nu. 6. *Insuper non eris lethale accipere in peccato Episcopatum juxta opinionem D. Thomæ in 4. sent. dist. 24. q. 3. a. 2. ad 2. Audi ergo, Lector, D. Thomam; & obstupescere: Ad secundam questionem* (inquit D. Thomas ibid. ad 2. citatum) *dicendum quod ordo potest accipi dupliciter: uno modo secundum quod est Sacramentum: unde cum Episcopus non habeat potestatem superiorem Sacerdote, quantum ad hoc non erit Episcop. tus ordo. Ut autem posset Amadæus tegere falsitatem, truncavit sequentia verba D. Thomæ: Alio modo, inquit sanctus Doctor, potest considerari ordo secundum quod est officium quoddam respectu quarundam actionum sacrarum: & sic cum Episcopus habeat potestatem in actionibus Hierarchicis respectu Corporis mystici supra Sacerdotem, Episcopatus erit ordo. Cur ergo istud tacuisti? Item nullum posse seipsum aut alium exponere occasionem proximæ peccandi, ob quemcumque finem; idque ut certum habeamus in doctrina D. Thomæ: nam qui sic agit in peccatum impellit, aut ut loquitur Scriptura, coram cæco offendit alium ponit; quod nunquam licet, etiam emendationis cau.â.*

14. At refert Amadæus, tract. de Charit. nu. 1. Joannem Sanchez sic loquentem: *Adhæreo* (inquit) *opinionem asserentium offerentium alicui occasionem ad peccandum ut deprehensus in illa resipiscat, vel ob alium bonum finem, non peccare. Et est expressa* (inquit Amadæus) *sententia D. Thomæ, de Malo, q. 13. a. 4. ad 19 ubi ait sanctus Doctor: Pro nullo incommodo corporali vitando, debet homo consentire in peccatum alterius: sed tamen pro aliquo incommodo corporali vitando, potest homo licite uti malitia alterius, vel materiam ei subtrahere. Quid clarius? exclamat Amadæus. Ideo* (inquit) *in terminis sequens de marito offerente occasionem uxori ad adulterium, tenet Diana Nota ly offerente.*

Sed ne posset Lector vel suspicari, aut credere in hoc ipso imponi Divo Thomæ; placuit Amadæo sequentia sancti Doctoris verba reticere: *Sicut si latro aliquem jugulare vellet, & ad vitandum mortis periculum aliquis latroni thesaurum suum diripiendum detegeret, non peccaret: exemplo illorum decem virorum, qui dixerunt ad Ismael: Noli occidere nos, quia habemus thesaurum in agro, ut habetur Jeremia 41. v. 8. At quid commune habet istud exemplum à D. Thomæ allatum, & ab Amadæo de industria dissimulatum, cum viro, qui datâ operâ uxorem suam exponeret occasionem adulterii, quæ cum sit ex se efficax ad alliciendum ad peccatum, fortasse peccabit etiam ipsa, quæ semper fuerat Deo & marito fidelissima; cui tamen fuga peccati & occasionis, est prorsus necessaria? Deinde quid magis æquum, quàm quod ait sanctus Doctor in hoc casu faciendum: scilicet spernendum esse bonum temporale, seu aperiendum thesaurum pro vitæ conservatione, quâ semel extinctâ, cætera bona temporalia sunt superflua? Nonne obliuiscis, candide Lector?*

15. Si Divi Thomæ libros (qui in omnium ferè sunt manibus, de quorum proinde falsificationibus palàm redargui, & convinci possunt Auctarii) tam apertè, audacter & impudenter corrumpunt, mutilant, aut eorum sensum invertunt (ut patet ex supra dictis;) quid existimas factum de innumeris operibus Thomistarum, quorum nomen vix nobismetipsis  
ciat

erat notum, & quorum libros non nisi maxima cum difficultate reperire potuimus, ut illorum innocentiam supra aperiremus? Quindecim evolvi hac de re Tractatus Amadæi, qui non obstantibus Ecclesiæ fulminibus (quibus, sub anathematis pœna, proscripta sunt ejus opera) novis in dies editionibus mundum replet, in quibus ne unam quidem reperi assertionem in relatis ab eo Thomistis, quæ non sit falsissima & alienissima à mente Divi Thomæ & Thomistarum doctrina, rixè (ut par est) intellecta: cui, id est Angelico Doctore, sic ad hætemus, ejusque in verba juramus, ut pro Thomista non habeamus, sed pro desertore & transfuga, quemcumque nobis indicare possint ab ejus doctrina vel lato ungue, ut dicitur, recessisse, suo Authore satis tutâ, & potissimum accedente judicio Ecclesiæ, quæ post Canonicam Scripturam, non agnoscit securiorem sanæ doctrinæ & morum regulam, quàm D. Thomæ doctrinam. Quid ergo gravius aut magis infensum fidelibus, quàm illam corrumpere, aut pravis interpretationibus de ipsa horrorem ingenerare fidelibus? At si verum esset quod nonnulli (quorum nomina ex charitate reticeo) falsò ipsi asserunt, valde anceps hærerem, cuinam, hac in parte possem comparare doctrinam Divi Thomæ: & ne sic loquentem me abreptum zelo existimes: à te peto, Candide Lector, an ab aliquo rectè probatum putares Atheismum, qui hæc Scripturæ verba ad id efficiendum proferret, *Non est Deus*, dissimulando hæc ipsa ab insipiente esse prolata: Idem omnino contingit in præsentiarum; nam ex eo quod dixerit Doctor Angelicus, *peccatum eo esse gravius, quò nobiliori virtuti adversatur*; (quod est verissimum cæteris paribus) tanquam ex hoc uno, peccati gravitatem dixisset sanctus Doctor esse metiendam: inferunt juxta ejus doctrinam: furtum triginta assium aut unius auri, esse gravius peccatum, quàm stuprum, incestum cum matre, aut bestialitatem: nam furtum justitiam lædit; quæ D. Thomâ teste, præstat temperantiæ, quâ homo debet refranare omnes luxuriæ species, cuique contraria sunt nefanda hæc vitia, quæ nec deberemus nominare.

Porro, si hoc sophismatum genus ab Adversariis usurpatum obtineret, errorum, portentorum ac scelerum monstra exinde nascerentur, quæ totum mundum terrere sufficerent: nam vis argumenti in hoc consistit, quod ea quæ sunt superioris ordinis, sunt meliora; & ea quæ sunt adversantur, sunt deteriora. Quid si sumatur absolutè & sine additione, ex eo sequitur absurdum risu magis quàm confutatione dignum; scilicet quodlibet veniale peccatum, quantumvis exiguum contra charitatem, esse gravius quòcumque horrendò scelere contrariò virtuti, quæ sit inferior charitate.

Aliud ergo est loqui de rebus secundùm esse, aut juxta unam considerationem: aliud loqui de iisdem juxta moralem æstimationem, juxta quam gemma aut lapillus pretiosus præstat toti muscarum speciei; quamvis minimam muscam secundùm gradum vitæ pluris unione faciant Philosophi. Sic in præsentiarum peccata æstimantur quidem gravia per oppositionem quam habent cum virtutibus excellentioribus, sed non ex hoc uno: nam absoluta illorum gravitas seu enormitas insuper ac potissimum est metienda ex recessu à lege æterna, à rectâ ratione, ac fine ob quem res quælibet est à Deo instituta; à quibus præter communem offensæ Dei rationem, longius absunt ea peccata quibus ipsum jus natu-

rale & humanum violatur; qualia sunt illa quibus expurgandis ac puniendis, opus fuit diluvii aquis & ultricibus Sodomorum flammis. Unde ait sanctus Doctor, 1. 2. quæst. 73. a. 2. *Multum refert ad aegritudinem vel surpitudinem, utrum plus vel minus à debita commensuratione humorum vel membrorum recedatur; & similiter dicendum est de vitiis & peccatis.* Sed ne quis dubitare possit de mente sancti Doctoris, legat ipsum qui voluerit, 2. 2. quæst. 154. art. 1. & sequent. Desinant ergo Adversarii sancto Doctori imponere, asserentes juxta ejus doctrinam (quam non legerunt aut non intelligunt, ne quid pejus suspicari cogar) furtum decem aut viginti regaliū, majus esse peccatum quàm crimen pessimum, aut quodvis aliud: quod nec nominare permittitur, nec unquam dixit Doctor Angelicus.

17. Hæc sunt, mi Eupistine, quæ tibi & Asclelis respondenda existimaui, rùm pro amovendo scandalo tot falsitatibus sparso, cùm pro tucula Cælitum doctrina, tot artibus à te immeritissimè læsa. Veritati tam apertæ, tamque evidenter hic propugnata, nihil (ut arbitror) superest præter vota & preces, quibus te adjuvo, ut tibi persuadeas, mihi adversum te nullam inesse amaritudinis radicem; neque hic aliud voluisse, nisi ut tot falsa scriptioni nulla fides adhiberetur; qua in in re, si conscientiam confusas (cui, nisi retractatione, non vales satisfacere) pro te laboravi: itaque jam depone hastam, & clypeum abjiciam. Una pro nobis currunt à tot annis legitima possessio, & ultra omnium legum terminos iusta præscriptio in doctrina Divi Thomæ: ærem verberas, si aliud quàm quod propugnamus, peritis suadere satagas. Quantum ad me spectat, libenti animo patior oscitationis opprobrium quò me afficis; seu ut melius loqueris pag. 279. & 280. *crasse ignorantia & erroris palpabilis deceptionem, nec non temeritatis & negligentia in evolvendis libris notam.* Pro quibus & his similibus, à te mihi impositis, tibi visa est necessaria, multis constans paginis, ad calcem tui posterioris libri, monitio specialis, quæ esset Lectoribus, tanquam extremum palato blandiens edulium, sive postremi ferculi suaviores in ore reliquæ. Facile possem præsentia hujus in evolvendis libris negligentia suspicionem fortius repellere, integrò aliò volumine, ex quo dubitare non posses, quin saltem (præter nonnullos alios, ut ex dictis patet) 24 tibi notissimos adhuc legissimè Authores, quorum opera & lucubrationes majori ex parte sunt admodum dissimiles revelationibus, quas reliquit nobis Tonitruī filius: Sed silere malui, donec confueris officiis hoc à me invito extorqueas: nunc enim minus me lædunt hæc convitia, quàm laudes & encomia, quibus Divum Thomam & Thomistas se extollere fingit Amadæus (ad quem concurrere non erubuiſti, tanquam ad testem locupletissimum) qui ut opus suum tot censuris labefactatum, faciat nihilominus commendatum, ab ipsa præfatione posterioris editionis, quæ meas in manus pervenerit, se nihil scripturum hac in parte dixit, quod *fulgentissimā (ut loquitur) Thomistarum facie, in Phœbea Divi Thomæ luce (non sit) irradiatum.* Hic mihi sufficit falsitatem fraudulentī hujus Encomiī (ut tuis utar verbis) *palpandam exhibuisse.* Stat, semperque stabit doctrina D. Thomæ, pro quo hoc habeto egregium istud D. Paulini Epist. 2. Oraculum: *Victus vinces (Epistine) si iusto cedas, & voluntati tuæ voluntas divina pravealeat.* Et hoc unum est, tam in Prævio Dei Influxu propugnando, quàm in vaga Probabilitate proſiganda; quod fatentur ac intendunt Thomistæ.



APOLOGIA COMPENDIARIA  
 PRO VERA D. THOMÆ DOCTRINA,  
 adversus alios ipsius Aggressores, & præcipuè contra  
 primum Librum ficti Germani Philalethis Eupistini,  
 Duaci apud Ioannem Patté editi, cui titulus est,  
*Authoritas, &c.*



LIBER SECVNDVS.

LECTORI.



ANDIDE LECTOR, si Laërtio teste, *nulle sunt occultiores insidia, quàm qua latent in simulatione officii*: jam nobis utcumque possumus gratulari, quod tribus libris, semel & iterum in lucem editis (quorum Deo favente, absolutissimum citò accipies compendium) satis fœliciter quinque Universitatum iudiciò, dolos traxerimus, quos officioso *Defensoris Divi Thomæ* titulo, Petrus à Sancto Joseph occultaverat; quâ arte rudioribus saltem insidiabatur, tribus ejusdem Libri editionibus, & nunc quartâ post ejus obitum recens Duaci factâ.

Hic alii recentiores se se offerunt doctrinæ ejusdem Divi Thomæ Impugnatores; quorum si vellemus personatum scribendi modum imitari, nosmetipsos in plures transmutari formas necessarium foret, quàm Protheum Tethyos filium. At debet istud scribendi genus alienissimum esse ab instituto quod profitemur. Nam si, ut ait Tullius, *aperire odisse magis ingenuum est, quàm fronte sententiam occultare*; Nos, quos docuit Christus inimicos diligere, nec apertè, nec clàm odisse quempiam protestamur: sed nihil aliud intendere, quàm nudam aperire veritatem; utpotè quæ una sufficiat suas nostrasque agere vindicias: & quamvis ipsam hîc conspiciamus plurimum deformatam, nosque in ea sic larvata gravissimè læsos sentiamus, à duobus præfatis Authoribus, quorum primo, falsum est vocabulum *Theopistus*; alteri verò, *Germanus Philalethes Eupistinus*, utrumque tamen consuetâ benignitate, modestiâ & mansuetudine religiosâ excipiemus, salvis juribus solius veritatis, si priùs objectæ nobis quæstioni hunc & illum quoque respicienti, fecerimus satis. Quare sit

A a ij

## CAPVT PRIMVM.

*Vnde tam obfirmatus Antithomistarum animus in impugnanda  
 Divi Thomæ & Thomistarum doctrina: & cur in ea referenda  
 tam frequenter decipiantur.*

Nu. 1. **M**ihi idipsum aliàs inquirenti responsum est à viro Religioso (quem certè Adversariorum secreta non latebant) id non tam fieri ratione seu intuitu Divi Thomæ, quàm illorum quibus quasi ex voto incumbit, intactam servare ac tueri ejus doctrinam, sine quibus, ut sibi blandiebatur quidam Neotericus, nulla jam esset Ecclesiæ doctrina, præter eam, cujus se esse Authorem dicit ipse Molina, & nominatim de gratia, quæ est origo fecunda, ex qua scaturiunt innumeræ & graviores salutis nostræ difficultates, nec non Augustiora Religionis Christianæ Mysteria. Molinæ enim (ut aiebat studiosus ille discipulus ipsius) jam fecerunt omnes subscribunt v. g. *Minorita (Scoto etiam relicto) Capucini, Carthusiani, Bernardini, &c.* Exceptis (inquirebat) solis Dominicanis.

Et quamvis diutius mihi admodum anceps fuerit animus circa hujusmodi fermocinationem: quam, ut arbitror, nemo non judicabit, tam vanam, quàm falsam præ se ferre jactantiam: cum ut diximus pag. 179. primæ editionis *stella Cassiopea*, præter Patres Societatis Jesu, & Dominicanos, adhuc reperiuntur ad minus in Ecclesia decem Religiosissimi Ordines juxta & doctissimi cum omnibus seclè florentissimis totius Europæ Universitatibus, Doctrinæ Divi Thomæ addictissimi: ne cæteris quidem exceptis ex quibus nulla sese huic adversari palam proficeretur, saltem in pluribus: immò, quò plus reipsà à S. Doctore recedunt; eò magis, saltem verborum officiis & in speciem, ipsum adire & propius ad eum accedere, omnibus persuadere satagunt: & pauci reperiuntur Molinæ ipsius discipuli, qui tam apertè in faciem resistent Angelico Doctori, eique vale dicant, quàm Molina ipse, uti statim cap. 2. sumus audituri.

Attamen post libellum (qui mihi incidit in manus) falsò typis mandatum Parisiis, ut in facie præfertur: sed in rei veritate, saltem quantum discere potui, fabricatum Gratianopoli, Gallico idiomate, Larvato Authore Theopisto: in cujus pagina 7. habetur *Molina est celuy, dont le seul sentiment est aujourd'huy déclaré par l'Eglise, le sent Catholique*, vix ulli esse potest ratio dubitandi, circa prædictam hanc jactantiam.

2. Et quamvis hîc gratis daremus excusabilem fuisse aliquando recessum Neotericorum à doctrina D. Thomæ circa sinceram illius intelligentiam: & apud eos potissimum, quibus (ut ferunt) speciali animadversione cautum erat aliàs, ne hanc aliter aliis, aut alio modo explicarent, quàm quò placuit Molinæ aut celebrioribus ipsius Defensoribus. Jam tamen nulla esse potest legitima excusatio, post tot editos à Thomistis libros, totque excusa in D. Thomam commentaria veritatem evidentius ipsà luce meridianā manifestam facientia: nisi fortè hæc una scilicet difficultas revocandi gradum, seu retractandi id, quod tam inconsideratè (ne durius lo-

quar) à centum circiter annis scripsere contra doctrinam D. Thomæ: quam si apud ipsum Doctorem Anglicum legissent; hos fortasse jam haberemus Commilitones ac Socios, quos sustinemus impugnatores & Adversarios. Ex quibus jam plures gratanti animo suscepimus reduces, quos pœnitet fuisse tandiu delusos.

Sed nonnulli supersunt (ut verbis utar Tertulliani in Apologetico) *qui si quem semel vel immerito laeserint, perpetuis persequantur calumniis: nam si peccatum suum fateantur, minis jam prudentes se haberi credunt: igitur ne fateantur; aut verum dissimulant, aut rei ipsius certiores fieri nolunt, quodammodò erubescences paulò fieri in inquirenda veritate diligentiores.*

Dixi ab Adversariis Anglicum Doctorem non legi, nisi in Molinæ aut similibus Divi Thomæ Expositoribus, quod facile sibi persuadebit lector eruditus, si necum pendere velit, moraliter fieri non posse; ut tot viri Religiosi, ad Sacra quotidie accedentes Altaria, vellent de industria Sanctum Doctorem falsificare & corrumpere, ac nominatim in re de cujus falsitate convinci possunt solo oculorum testimonio. Nam ut jam diximus, occasione Probabilitatis: Divi Thomas ab eorum uno ita apertè est falsificatus ut propositionem contradictorie oppositam ei quam ipse tuetur, etiam loco ab ipsis citato; quatuor alii, qui post illum scripserunt, eidem Sancto Doctori palam & audacter adscribant. Totum enim quod ex Charitate possum in eorum favorem aut excusationem conjicere vel ominari, est, quod hujusmodi Authores nimium creduli, numquam aut rarò admodum legant Doctorem Anglicum, nisi in fide aliorum, sive, ut ab ipsis relatum. Ex quo interim judicabit prudens lector, quæ sit ipsis fides adhibenda cum se tuentur multitudinem, & maxime cum agitur de doctrina D. Thomæ.

## SECTIONIS UNICÆ.

*Quis sit Thomistarum scopus in hac parte: cur ab Adversariis impugnentur: & quæ arte illudat quidam Neotericus Brevis Apostolico?*

Nu. 3. **S**It ergo hujusce lucubrationis nostræ scopus saltem secundarius, scilicet ut respiciant Adversarii doctrinæ Divi Thomæ, *fiantque in inquirenda veritate (ut loquebatur olim Tertullianus) paulò diligentiores.* Aut saltem æquè sinceri ac Thomistæ, quos si hac in parte sequi nolint ac detractent; hos tandem lacessere ac persequi definant: cum in rei veritate de Thomistis hac in parte nihil omnino fingi possit, quàm quod aliàs in fidei negotio dixit idem Tertullianus de Christianis. Explicatur magis.


Plinius secundus (inquit idem Tertullianus) *mitiorem reddidit in Christianos Trajanum Imperatorem, certiorum illum efficiens præter obstinationem non sacrificandi, nihil de eorum sacris comperisse, quàm cæcus anselucanos ad canendum Christo & Deo & ad disciplinam considerandam.*

Peccatum ergo Thomistarum (si quod sit hac in parte, quod absit) est quod quibusdam Neotericis morem non gerant, *sed habeant obstinationem non sacrificandi* illorum Novitati, quam sæpè falsam experiuntur, & non rarò periculosam: sed firmiter perseverandi in Defensione Divinæ Gratiæ.

A a iij

*Ad confæderandam, (Sanctissimi Prasulis Augustini & Doctoris Angelici) disciplinam.* Quæ est Thomistarum Turris tortior Davidicâ, ex qua non mille, sed innumeri protectionis inexpugnabilis pendent Clypei. Arbitrantur enim sibi gloriosissimum esse, sub tantis, tamque inclytis Ducibus militare, eorumque tutissimis dogmatibus adhærere; ne fiant, ut ait Apostolus ad Ephes. 4. *Sicut parvuli fluctuantes, qui omni vento doctrina circumferuntur:* veluti & ipsorum Æmuli, ex quibus vix, & ne vix quidem, duos reperiâs, unâ perfectè in omnibus consentientes: non solum circa scientiam Mediam ut fortassè infra dicemus cum P. Falscau: sed etiam circa Probabilitatem, ut jam satis cum Mercoro insinuavimus in libro cui titulus est *securiores semita Moralis Theologia.*

Dixi Thomistas inhærere doctrinæ Sancti Augustini & Doctoris Angelici: quorum tutissima & inconcussa dogmata declaravit Alexander VII. per Breve ad Universitatem Lovaniensem directum. Quod ferre non valens Pater Fabri in suo Apologetico Lugduni edito pag. 141. maluit se manifesto contradictionis vitio implicare, quàm præfatum Breve fateri & admittere. Sed ne hac in re actum agamus: legatur P. Gabriël à S. Vincentio Carmelita de remediis ignorantie pag. 481. ubi ostendit dictum P. Fabri non posse, ab hac, in quam incidit, fovea exire, nec vulnus quod sibi hac in parte infixit, sanare: nisi usu remedii ipso morbo pejoris, scilicet equivocatione, seu mentis (quam ille tuetur sicut & P. Unanderch, quem adducit in testem) restrictione: fingendo nimirum; Summum Pontificem dixisse *Se illud Breve non vidisse* (ut illi imponit) suamque, locò veritatis, fictionem enuntiando: quâ arte fraudulentâ fides evertitur inter homines, totaque Societas humana perturbatur & confunditur. Et hæc una est tricarum species, ob quam à Recentiorum novitate & cavillis abhorrent Thomistæ. Jure an injuriâ, prudens lector judicabit.



## CAPVT SECVNDVM.

*Auditur Anonimus, ficto vocabulo Theopistus, vana cujus jactantia refellit in extollendâ Molina doctrina contra communem Ecclesiâ, nominatim circa donum Perseverantia.*

Nu. 1. **I**Ta modum excessit, sibi que complacuit Theopistus ille in extollendâ Molinæ doctrinâ, non in hujus vel illius, sed in omnium aliorum, nemine dempto, contemptum: ut non mirum sit, si larvam assumpserit hic Encomiastes, ne post tantam jactantiam erubescere cogeretur: quam ut arbitror ipsius Molinæ modestia minimè passa fuisset: Nullum tamen excepit fictus hic Theopistus; sed absolutè pronuntiavit id quod capite præcedenti retulimus, *Molina est celus* (dit-il) *dont le seul sentiment est aujourd'huy déclaré par l'Eglise, le seul Catholique:* Et ne id ipsi inopinatè aut ex minori deliberatione crederetur excidisse; non semel id dixit: sed pluries repetiit, teste Philotheopisto pag. 25. ubi absolutè concludit



ejus nomine: Il n'y a point de milieu entre le Molinisme, & le Jansenisme, de qui la doctrine est condamnée comme hérétique. Proh Deum immortalem! quò igitur confugient (tot Percelebres ac Religiosissimi Ordines, Benedictini reformati, Carmelitæ exalceati, Patres nomine Minimi, omnis status & conditionis Thomistæ, Dominicani, &c. Tot Inlytæ Universitates Angelico Doctore addictissime?

Si suum unicuique Doctore Catholico locum, quantumvis exiguum reliquisset Theopistum, aliquem fortasse potuisset reperire angulum Doctore Anglicus; sed ita absolute pronuntiavit hic Larvatus Author, ut quicumque Molinam non audierit, (illius Encomiastæ judicio) sit *sicut Ethnicus & publicanus* Major esset sine dubio in omnes, Molinæ moderatio: quamvis circa Anglicum Doctorem vix sibi ipsi possit Molinæ conciliari: Nisi dixerimus Sanctum Doctorem Molinæ Magistrum (ut eum vocat aliquando) fuisse: quoties ipsum suas in partes potuit adducere talis discipulus: quoties verò prospexit ipsum sibi fore contrarium; ab ipso recessit: quò vel solo semper erit de veritate suspectus, & sæpius de falsitate convictus.

Et quia res est de facto, pro quo probando, solis opus est oculis: legat qui voluerit commentaria, quæ in D. Thomam edidit Molina: in quibus rarè sese obtulit occasio contradicendi Angelico Doctore, in quâ exerto ore, ipsi palam non restiterit: sicque modò intus, nunc foris: hic pro Sancto Doctore; illic contra eundem semper fuerit. Vis exemplum? Loquens Molina de D. Thoma in Epist. dedic. suæ concordie ait: *Congressit (scilicet D. Thomas) in Theologicam Summam, illud pulcherrimum Dominicanæ Familie, atque adeò Reip. Christianæ Astrum; quidquid studio quæsitum, ingenio elaboratum, industria perfectum, Religione Sanctum, bono Mortalium usus profuturum, &c.*

At ubi primum se sensit Molina difficultate aliquâ innodatum, non solvit, sed secat nodum, sicque lectoribus facit satis. *Licet*, inquit, *Divi Thomæ Autoritas gravissima sit; propter eam tamen recedendum non est à nostra sententia.* Ita ipse loquutus est Molina 1. p. q. 23. ar. 4. & 5. dist. 1. memb. 12.

Ut igitur ad Larvatum hunc Theopistum redeamus, ipsique os obstruatur circa hoc magnificum, quod de doctrina Molinæ iactat Encomium, non sine gravi tot aliorum contemptu, & in apertum veritatis præjudicium: breviter dico, persuaderi non posse, hanc esse aut haberi posse pro doctrina Ecclesiæ, quæ in aliquo fuerit, Concilio Tridentino, Doctore Angelico & S. Præsuli Augustino contraria. At talis est Molinæ doctrina. Ergo, &c. Major est indubitata: Minor verò declaratur, idque in negotio (ni fallor) graviore; quocumque iora vel apice, quem non licet auferre ex doctrina Molinæ, ut Eupistinus pag. 157. sui libelli, cui Titulus est *Autoritas*, sibi blanditur. Nec est hic sermo de commentis, quæ in dies nobis obtrudunt ad placitum & sub proprio camino (ut aiunt) fabricatis: ad est liber, non defunt oculi: & missis sexaginta ejusdem Molinæ propositionibus (quas semper libenti animo dissimulabimus, quandin eas ab Ecclesia tolerari cernemus) hanc appendamus quam habet de Bono perseverantiæ propositionem suis in D. Thomam commentariis q. 23. ar. 4. & 5.

disp. 1. memb. ult. edit. in quarto Ulyssip. pag. 490. ubi Gratiam perseverantiæ omninò subijcit voluntati creatæ, nec eam distinguit à Gratia habituali & sufficienti, quam dicit omnibus dari. *Et ita (inquit Molina) adultus cum eis sit cooperaturus, ut in potestate ipsius sit quod perseveret.* Singula expendamus & à Tridentino incipiamus.

At, certissimum est, Tridentinum de just. cap. 13. longè aliter sentire de dono perseverantiæ, quàm præfata ferant verba P. Molinæ; nam ait perseverantiam esse Dei donum speciale, quò *Dens in nobis velle & perficere operatur, solus potens, cum qui stat statueret, ut perseveranter stet.* Quòd maximè differt à Gratia habituali & sufficienti, tum à quocumque alio communis Gratia Auxilio. *Leg. Canonem 22.*

3. Quantum verò ad Doctorem Angelicum: etiam dicimus per Gratiam habitualement, quam aliquando amittimus: & per sufficientem, cui resistimus; exprimi non posse Gratiam perseverantiæ, quam diximus esse donum Dei speciale necessarium, ut eò potentiæ firmentur in bono, quia actuum quidem habemus Dominium, non verò facultatem. Ita D. Thomas 3. contra Gent. cap. 155. *Licet, inquit, homo per voluntatem & liberum arbitrium sit Dominus sui actus, non tamen est Dominus suarum potentialium naturalium: & idèò quamvis liber sit ad volendum, vel ad non volendum aliquid, non tamen volendo facere potest, quod voluntas in eo quod vult, ad id quod vult & eligit, immobiliter se habeat; hoc autem requiritur ad perseverantiam, ut scilicet voluntas in bono immobiliter permaneat: igitur perseverantia non est in potestate liberi arbitris: oportet ergo adesse homini Auxilium Divine Gratiæ ad hoc ut perseveret.* Hæc D. Thomas.

Præterea certum est Magnum hoc & speciale perseverantiæ donum quò certissimè liberantur, quicumque liberantur apud Divum Augustinum differre in immensum à præfata Molinæ doctrina. Nam per illud, non solum in facilibus sit quispiam salvus ac perseverans usque in finem, sed etiam in arduis & terribilibus: ubi (inquit S. Doctor, lib. de Bono persév. cap. 2. tom. 7.) *hoc agit, qui persequitur, ne perveretur.* Quam nemo habet (inquit ibid. cap. 6.) *nisi qui perseverat usque in finem: quamque multi habere possunt: nullus amittere.* Quomodo enim amitti potest, per quod sit, ut non amittatur, etiam quod potest amitti: Atqui id quod amitti potest, & sæpius reipsà amittitur, sine dubio distinguitur ab eo quod amitti non potest: Ergo Gratia habitualis vel etiam sufficiens, pro quocumque accipiatur, & donum perseverantiæ ab invicem distinguuntur juxta Augustinum & tamen ubique (inquiunt) Augustinus est in ore Molinæ.

Deinde Bellarmino, jam alibi laudato, teste: doctrina Divi Augustini de Gratia, est doctrina Ecclesiæ, nec quisquam potest (inquit) in dubium istud revocare, citra manifestum contemptum plusquam viginti Summorum Pontificum: qui ita sanxerunt de hoc inclyto Doctore, quem de tenebris Gentium, ut suæ esset lumen Ecclesiæ, vocavit Ille, qui solus facere potest de tenebris lucem splendescere: & hæc est secunda & antiquissima Ecclesiæ Doctrina. Nova verò est Molinæ, quam habet hac in parte, sententia: & prorsus alia ab ea, quam de Gratia, tota in Sancto Præfule veneratur Ecclesia. Unde dixit Molina (quem sui postmodum in aliquibus editionibus merito correxerunt) q. 23. ar. 4. dist. 1. memb. ult. *Augustinus*

sub

*sub quadam caligine constitutus, non advertit veram istam conciliandi rationem, &c. Ergo secundum Augustinum proindeque Ecclesiæ sententiam, præter gratias generales omnibus communes, ut volunt Adversarii, necessaria est specialis Gratia perseverantiæ, ab illis distincta: de qua Trident. sess. 6. de Justif. c. 13. can. 22. ait. Si quis duxerit iustificatum vel sine speciali auxilio Dei, in accepta iustitia posse perseverare: vel cum eo non posse: Anathema sit.*

4. De eadem speciali perseverantiæ Gratia, intelligenda sunt hæc verba Sancti Antistitis de Corrept. & Gra. c. 12. Fortissimo quippe dimisit (scilicet Adamo) atque permisit facere quod vellet: infirmis servavit, ut ipso donante invictissime, quod bonum est, vellent: & hoc deserere invictissime nolent. Subventum est igitur infirmitati voluntatis humane, ut Divinâ Gratiâ inclinabiliter & insuperabiliter ageretur, &c. Et idcirco, quamvis infirma, non tamen deficeret, neque adversitate aliquâ vinceretur. Et hæc est Gratia singularis, quam nemo promereri pollit, & pro qua Sancti ipsi fuerunt solliciti: & teste S. Præfule l. de bono perseverantiæ cap. 21. Inter initium fidei, & perfectionem perseverantiæ, media sunt illa, quibus restè vivimus, quæ ipsi etiam nobis donari fide impetrante, sentimus.

Non ergo cum Molina, confundenda seu permiscenda sunt media, scilicet Gratia sufficiens & habitualis, cum illa quæ necessaria est nobis pro principio & fine operis, pro quibus specialis necessaria est nobis Gratia. Quod si media huiusmodi scilicet gratiæ habituales quibus cooperari, quarumque possumus augmentum promereri, sunt nobis à Deo (alioquin Gratia jam non est gratia? longè potiori jure, gratia perseverantiæ, quæ cum sub merito cadere non possit, superest ut eam precibus à Deo obtinere studeamus, humiliati sub omnipotenti manu Dei, qui nisi operetur in nobis velle, & præbeat vires: profectò nec incipere, nec proficere, & multò minus perficere seu perseverare poterimus. Hoc ipsum fatetur Suarez in prolog. lib. 3. de Gra. effic.

Restat ergo (inquit S. Antistes ibid. cap. 17.) in his bonis usque in finem perseverantia, quæ frustra quotidie à Domino poscitur si non eam Dominus, per gratiam suam, in illo, cujus orationem exaudit, operatur.

Nec oraret Ecclesia (inquit S. Præsul) ut perseveraret in fide Christi, &c. Nisi crederet Dominum sic in potestate habere cor nostrum, ut bonum quod non tenemus, nisi propria voluntate: non tamen teneamus, nisi ipse in nobis operetur & velle. Ita D. August. ibid. cap. 23. Orat autem Ecclesia, ut perseveret teste D. Cypriano, dum ait: Adveniat Regnum tuum. Quid jam hæc prædicta mi Theopiste? nonne jam nobiscum fateberis hanc esse veram Ecclesiæ doctrinam? plurimum tamen diversam ab ea quam nobis obtrudere satagis, ex Molinæ placitis.





tamque brevis fiet responsio, ut falsitas doctrinæ hujus Aggressoris, & veritas Thomistica, sufficienter, alia tamen methodo innotescant. Quod paucissimis conficiemus, ubi primum Eupistini consilium in hoc iterato adversum nos certamine scrutari fuerimus; idque in re, quam merito Sapientiorum judicio, prorsus definitam & sopitam æstimare debebamus.

Apertius loquar. Paucis hinc ab annis tot in lucem prodierunt, *sive Tractatus Theologici, sive cursus Philosophiæ* tum à Salmanticensibus, tum ex aliis Religiosissimæ hujus familiæ Alumnis: nec non ex Nostris Gonero, Pini, Goudin, &c. iteratis editionibus, Lugduni, Parisiis, Burdigalæ, &c. Quibuscum utpote minimus ac omnium novissimus publicæ lucis feceram exiguum volumen tres complectens libros sub hac inscriptione *nova Cassiopeæ stella, antiquum Prædeterminationis negotium illustrans*, qui libri visi sunt Romæ (quod Authographum transmisseram) itidem in Hispania, Gallia, in Belgio, ubi fuerunt & approbati: (quique in Eupistini manibus illic degentis reperti sunt) quibus evidenter necessitas præfatæ Prædeterminationis Physicæ aperitur: manifesto etiam quinque Universitatum judicio.

3. Quid ergo opus factò? Aut quid consilii potuit capere Eupistinus; stante, quam tunc habebat, contradicendi voluntate?

Prudenter dissimulavit Eupistinus in suo priori libro (sed longe mutatus à seipso in altero, ut sub finem dicemus) se unquam hac de re quidquam vidiisse: novum certamen instaurat multo calore, hac unâ, quæ illi superesse poterat, solertiâ: nempe sola arte Probabilitatis Authenticæ: secum fortasse sic ratiocinatus.

Cum nostra, hac in parte, doctrina, sit his libris apud omnes cordatos judices penitus eradicata, tot argumentis demonstrativis. Hoc unum videtur opportunum Probabilitatis remedium: Nam si ad illam apud suos Authores unus sufficiat Author (ut multi ex Modernis asserunt, quos subinde vindices habeo atque Patronos) quis temeritati, vel falsitatis suspicioni locus, ubi tot adducam Authores? Non sit igitur nostra hæc doctrina (quâ Scientiam Mediam propugnamus) demonstrativa. Erit saltem probabilis ac proinde segura. Quid plura? Advocandi sunt igitur undequaque Authores, nec ex integro exscribenda sunt illorum testimonia: tum quia sæpe dirimitur in fine (ut legenti parebit) id quod pro nobis speciosum videbatur in principio; tum quia ex his integris nimium intumesceret volumen nostrum: satius est igitur, ut modicum quid ex uno, quoque deprimamus, & id potissimum quod nobis favere possit, vel saltem videatur: imò sufficit aliquandò solum Authoris alicujus nominis denuntiare vocabulum: nam hoc pluribus sufficit absque ulla majori indagine: hocque pacto exiguus citò exhibit libellus, qui parvo pretio comparatur, minoribusque expensis in omnium ferè manibus, nullo fermè negotio reperitur: & re ipsâ reperitur in Gallia, Hispania, Germania, eoque repleta est Flandria: & ut hodie accepi, tam audacter & securè legitur Lingonis, quàm si nulla ei facta fuisset responsio, illiusque confutatio nulla extaret. Quâ in re Adversarii videntur mihi bonos Mercatores æmulari, qui nullum, quantumvis exiguum respuunt lucrum; & maxime Eupistinus, qui difficillimum, ne dicam impossibile, judicavit, quin ex fama semel

sparsa, quidpiam remaneat : & hæc aura quamvis admodum tenuis, Eupistino visa est, posse suæ respirationi sufficere. Et ne quis me existimet agere conjecturis, legat qui voluerit duos citatos Divi Thomæ Propugnatores, immodò & ipsum Eupistinum, qui ita suum in suo priori libro consilium dissimulare nequivit, quin ab ipsa præfatione istud conceptis verbis expresserit, asserens parvum esse de industria confectum librum, ut facilius ac citius in omnium esset manibus : *grandiores enim tomi* (inquit Eupistinus) *non sunt facile in promptu ; quare visum est opera pretium, idem paucis declarare exiguo opere.*

4. Huic ergo, ut patet, nihil imponimus, nec perperam ominati sumus circa ejus consilium & intentionem. Et quia tam fideliter terit Eupistinus vestigia eorum, qui posthumum Suaresii Tomum typis mandari curarunt in læscenda Thomistarum doctrina; hic obiter vultus nobis inflatum aperiam, ut eidem citò remedium adhibeam. Sic ergo nostram labefactare doctrinam conantur Antithomistæ, Suaresii opere, tomo ultimo de efficacia gratiæ, pag. 368. ubi aiunt, *doctrinam de prædeterminatione physica . . . sufficientem gratiam evertere, libertatisque usum è medio tollere, ac proinde hæreticis hujus temporis favere ; ideoque dignam esse, ut per Ecclesiæ censuram damnetur, vel potius jam damnata declaretur. Nam licet non sub ea voce, sub aliis equivalentibus jam damnata est. Ut quod gratia necessitatem inducat : necessitas enim & prædeterminatio ; unum & idem sunt, tanquam definitio & definitum. Item quod gratia tollat libertatem : nam proinde est, quod tollat indifferentiam ; & quod gratia præveniens ita nos moveat, ut ei non possit resisti : nam hoc ipsum faceret illa gratia efficax tali modo. Hæc tamen Suarius, qua in narratione, ne una quidem est propositio quæ non sit falsissima, ut satis patet ex dictis : nam gratiæ efficaci tali modo, id est, Thomisticè acceptæ, semper potest resisti, ut passim diximus. Quod potest confirmari ex Brevis Alexandri VII. quod doctrinam de gratia per se efficaci in sensu Thomistarum, sanam & orthodoxam declaravit Romæ 20. Julii 1663. Cum enim quidam articuli doctrinam gratiæ per se efficaciæ (in sensu quo Thomistæ eam semper docuere) continent, ad eum suo nomine & Episcoporum Galliæ transmisisset illustrissimus ac doctissimus Gilbertus de Choysseul Convenarum Episcopus : huic ac cæteris Gallicanæ Ecclesiæ Episcopis gratulatus est Summus Pontifex, quod eorum exemplo, operâ ac consilio, plurimi ad sanam doctrinam fuissent reducti. Verba Summi Pontificis sunt : *Venerabiles Fratres . . . illud non mediocri gaudio animum nostrum perfudit, quod literis ex Gallia receptis, accepimus, illorum in dies crescere numerum qui recta sapiunt . . .* Verum perpendat Lector quinque Articulos à Summo Pontifice approbatos, in quibus compendiosè tota D. Thomæ doctrina de gratia per se efficaci includitur, præter quam, ut supra dictum est, gratiam admittimus sufficientem ritè intellectam.*

Secundò, falsum esse etiam constat id quod ex Suare imponunt Thomistis, scilicet, *necessitatem & prædeterminationem esse unum & idem*. Falsum, inquam, non solum totius ferè Orbis Christiani iudiciò, sicut & celeberrimarum Universitatum supra laudatarum suffragiò ; sed etiam plurimam viginti Doctiorum Patrum totius Societatis Jesu testimoniò. Quibus & merito adjungere possum, pro Thomistarum Defensione, magnum ac

subtilem ejusdem Societatis Amicum & Defensorem Dominum Caramuëlem Episcopum, in sua Theologia fundamentali, fundamento 1. ubi ait *Thomistarum doctrinam esse probabilissimam, & ut talem sapissimè fuisse ab Ecclesia approbatam*. Et hujus viri testimonium existimavi Adversariis nostris eò magis acceptum iri, quò quinque Professores Theologiæ Collegii Cordubenlis Societatis Jesu, in Censura Crisis Joa. de Cardena tanto in pretio & æstimatione Caramuëlem habuere, 1. Augusti 1667. ut *propè temerarium dixerint, tanto Doctori tamque ingenioso respondere*. Audi ergo, & devotè, mi Eupistine, quid dicat Caramuël de hac (quam propugnamus) doctrina D. Thomæ, quam labefactare ac delere satagis: *Per vos* (id est per Jesuitas) *causa secunda potest determinare Primam, illas à libertate Prima: Ergo Prima poterit determinare secundam, illas à libertate secunda. Patres ergo Jesuitæ* (inquit Caramuël) *cum volunt suam opinionem suadere, sententiam Thomistarum persuadent, & seipsos impugnans: idè enim negant Deum causas liberas determinare, quòd determinatio libertati opponatur*. Quid ad hæc, mi Eupistine?

Hinc judicet Lector eruditus, quæ sit fides adhibenda Adversariis, cum agitur de vera D. Thomæ & Thomistarum doctrina, quam vel non legunt, vel eam falsificatione corrumpunt, teste præfatò Suaresii testimonio; in quo vix unam vel syllabam reperiēs à veritate non abhorrentem.

Quà verò conscientia id efficere possint, ipsi viderint. Cæterum, totà quā potuimus sinceritate, veritatem aperuimus, ut deceptis subveniremus ex charitate, quæ harum est lucubrationum nostrarum finis, & ultimus hujus Apologiz scopus.



## CAPVT QVARTVM.

*In quo inquiritur, quid ulterius in Thomistas molitus sit Eupistinus: & triplex dolus Eupistini aperitur.*

**P**RO minimo nobis est, quòd nomen proprium occultaverit Eupistinus, commentitiumque assumpserit, quod totum videtur ad deceptionis fraudem excogitatum: si enim cum rebus (ut æquum est) conferatur, quò unò tendit nominum impositio: quid commune possunt habere speciosa hæc *candoris, amicitie, & sinceritatis seu fidei integra* Epitheta, quæ præ se fert Germanus Philalethes Eupistinus, cum perpetua relatorum ab ipso testimoniorum falsificatione, truncatione, unius pro alio substitutione, &c. ita ut vix unum, & ne vix quidem, ex omnibus quæ ipse retulit (quod vel in speciem alicujus sit ponderis) quod non sit corruptum, vel aliquò aliò vitio depravatum, ut testis & judex esse poterit, quisquis Patrem Fasseau, à pag. 22. usque ad 488. legere voluerit.

Itaque nihil tibi metuas, Amice Lector, ex iis quæ primâ fronte tibi occurrent; nec pluris facias audaciam illam, quâ videtur se super cæteros omnes extulisse Eupistinus, quasi unus esset inter mortales, qui super Senes intellexisset. Ex quo Universitatibus doctissimis, ipsisque Censoribus Ro-

manis ac celebrioribus Societatis Jesu Scriptoribus, Pererio, Henriquez, Bellarmino contradicere non erubescat, nec aliud in ipsis vitium carpat, quàm quod hac in parte cum Thomistis conveniant. Si quem verò apertum judicet, ut vel saltem apparenter pro se possit obtrudere, quamvis valdè alienum à veritate, illum continuò miris effert laudibus & encomiis.

Verùm, quicumque in præfatos Authores ab Eupistino laudatos, vel semel inciderit, ne quidem exceptis doctioribus & antiquioribus Societatis, qui ante exortam de Prædeterminatione controversiam scripsere; mirabitur quâ fronte ausus sit Eupistinus asserere *uno consensu omnes Patres Societatis Prædeterminationem repudiare*. Ex qua Religiosa Societate, ne quidem excepto Beatissimò ejus Fundatore Ignatio de Loyola, plures sint supra viginti (quos referam) ex Primis ac præstantioribus dictæ Societatis Jesu; à Thomistarum partibus omninò hac in parte stantes. Vel potiùs mirari desinet quicumque legerit Eupistinum referentem pro se Typhanium, pag. 118. immò & ipsum Durandum, quem dicit Eupistinus, *sui avi esse D. Thomæ Interpretem optimum*; in rei veritate Impugnatorem perpetuum, omnium mortalium judiciò. Ex quo in antecessum judicabit prudens Lector, utrùm viro, qui tam fidenter & apertè abutitur Lectorum credulitate; aliqua sit deinceps fides adhibenda, in cæteris quæ postmodum quocumque prætextu dicere possit.

2. En igitur quod dixit Bellarminus pag. 17. citatus (quo os omnibus Divi Thomæ Adversariis hac in parte obstruitur;) ubi exprimens certos agendi modos, quibus juxta D. Thomam, Deus Opt. consuevit creaturam movere voluntatem, alium indicens modum verè Calvinisticum, (nobis tamen falsò ab Adversariis affectum) ait Bellarminus: *Proinde non putamus Deum uti de facto illo primo modo, neque absolute, neque ex mente Divi Thomæ*. Quibus verbis ipsemet addit: *Non enim intelleximus determinationem propriè dictam, qua tollit indifferentiam*. At quis unquam, nisi Hæreticus, illam intellexerit?

Sed his relictis, utpotè sufficientissimè contra Fuliensem confutatis, primo aspectu hîc tria se se offerunt, quæ dissimulare nusquam debeam. Primum est, quod nobis Eupistinus denuntiavit, Antiquam de Auxiliis historiam ab extraneis qui interfuerant conscriptam à Summo Pontifice prohibitam. Quâ tamen prohibitione non obstante, sæpiùs ad illam recurrit, ut probare possit id, quod in suo contra nos libro, absque ullo fundamento & ratione protulit. Sed quis exitus, aut quid emolumenti ex hoc ad hanc historiam toties; etiam per nefas, factò recursum capere potuit Eupistinus?

Certè nullum, nisi apertum causæ, quam adversum nos propugnandam susceperat, exitium. Cum enim nihil haberet majoris ponderis, quod nobis objicere posset, quàm quod ex hac historia depromperat; cui jam, ut fatetur ipse Eupistinus, *nulla sit fides adhibenda*; seu ut ipsissimis utar verbis ipsius, pag. 197. *non major quàm Aesopi fabulis*; vanus admodum judicabitur Eupistini triumphus, cum nullo sit firmiore fundamento innixus ipsomet Judice, quàm fabularum vanitate.

Secundum, quod intolerabilius sine dubio videbitur; nimirum ab Eupistino nihil intentatum, quominus omnes Thomistæ pro hæreticis habe-



rentur. Siquidem pag. 7. famosi sui libelli post diversos loquendi modos ( quibus nunquam utimur ) quos tamen nobis ex Bellarmino falsificato affingit ; sic pro sua in nos germana nominis sui sinceritate concludit, *sosam controversiam inter nos & Hæreticos, esse de solo nomine ; utrum scilicet homo dicendus sit liberi arbitrii, nec ne ?*

3. At de re non constat, mi Eupistine, immò nec de nomine, sed de gravissima injuria à te nobis immeritissimè illatà, non obstante Summi Pontificis prohibitione, quâ fateris pag. 158. ita factam à Paulo V. uni parti licentiam, suam defendendi opinionem, ut eadem strictissimè cautum sit, *etiam sub pena excommunicationis majoris, ne ullus audeas censurare contrariam.* Ex quo apparet quæ sit Eupistini pro veritate sinceritas, & in Summum Pontificem reverentia : quod interim dissimulare non debemus, nè silentium nostrum videatur transire in consensum, aut minus benè audiant qui falsà detegunt, quàm qui concinnant & spargunt. Quæ enim major hallucinatio aut injustitia, quàm omnibus affingere Thomistis, quæ hætenus, ne quidem in eorum uno, totà quâ pollent Adversarii industriâ, à centum circiter annis ( quibus nullum non moverunt lapidem, ut constet ex tot libris & thesibus, quibus orbem repleverunt ) potuerint reperire ? Nec Deo aspirante unquam reperient, cum nihil magis ambient Thomistæ, quàm D. Thomæ in omnibus ac per omnia adhærere.

Tertiò. Hic quoque alius aperiendus est Eupistini dolus, quò non solum extraneos molitus est contra nos suscitare ; sed etiam inter fratres ipsos discordiam disseminare. Aspice fraudem. Siquidem ex *Leonardi*, inquit Eupistinus pag. 86. ) *ut Patres Dominicani in urbe docent, Deus præmovet causam naturalem etiam liberam, sed non ad malum ; quia Deus non est causa mali : & hæc doctrina ( inquit Eupistinus ) est D. Thomæ 1. 2. q. 112. a. 3. ad 3.* Ergo teste Eupistino, habent quod intendunt, & in tuto sunt Thomistæ : nam eo Judice, Deus præmovet causam liberam, idque juxta mentem D. Thomæ, nec subinde ejus temerat aut lædit libertatem : nec est causa peccati, prout à tot annis falsò imponunt Thomistis Adversarii pretextu Prædeterminationis.

4. Sed ubi fraus Eupistini ? In hoc quod Thomistæ à Thomistis separare conatus sit : quasi verò aliud & aliud sentirent Dominicani Orbis & Urbis.

Et tamen tantus est Adversariorum ætus in hac impugnanda D. Thomæ doctrina, ut ab illis vix ullus liber exierit hac de re, aut ullibi ab ipsis aliqua facta sit thesis à centum circiter annis, in quâ non fuerit positio specialis, quâ Prædeterminatio non sit tetrís ab ipsis expuncta notis tanquam hæretica. Quid enim atrocius dici potest quàm quod refert Dominus Gerardus Professor Pictaviensis, qui protestatur se à suo Præceptore, scriptò accepisse : *Hæc est doctrina Alvaris impia & horribilis : quæ erat ipsissima Divi Thomæ doctrina.* Dum præfatum Professore nomine, virum pari doctrinæ ac pietatis dote præditum intelligo, de tota Thomistarum schola, ipsoque Angelico Doctore meritissimum, sinceram cujus doctrinam à triginta annis disseminare ac tueri non destitit, cum maximo Auditorum fructu, nec minore juvenutis ædificatione. Sed quæso ne tam citò Eupistinum deseramus, ut in sequentibus judicet Lector, quam vani sunt

nuperi Philalethis triumphum, in suo ultimo opere pro scientia media excogitato contra Prædeterminationem, quâ stante inconcussa, vel ex sola essentiali subordinatione & dependentia creaturarum à primo Agente; non minus evanescit Scientia Media, quàm crepusculum accedente meridianâ luce. Et quia hæcenus nullum ex Scriptura, Conciliis aut ratione argumentum contra Prædeterminationem, quod vel apparentem haberet difficultatis speciem adducere potuerunt, quod centies non fuerit solutum: ad solam Authoritatem humanam, se se recipere coacti sunt; quæ cum ex omnibus argumentorum speciebus minoris sit ponderis, nullius sine dubio judicabitur, si semel appareat tota hæc ab Eupistino collecta Authorum multitudo, non nisi falsis suppositionibus delusa. Quare sit



## CAPVT QUINTVM.

*Quò totus confutatur Eupistini libellus, & inaudita hæcenus Adversariorum solertia aperitur.*

Nu. 1. **S**olertiam dixi, quam fortè alius à me, dolum ac fraudem dixisset: sed cum hujusmodi artes, apud omnes ingenuos habeantur illicitæ & intolerabiles; sicut nemini verè possunt favere, ita & nulli nocere valent: & idè parùm interest, quo vocentur nomine, dummodò non lateant: nam has aperuisse & confutasse, perinde est. Obfirmato igitur apud Adversarios decreto, tollendi è medio Prædeterminationem Physicam (quâ sublata ruit tota doctrina de Gratia à S. Præfule Augustino, & ab Angelico Doctore propugnata, ut evidenter ostendi in eorum concordia) & ejus locò substituendi & stabiliendi Scientiam Mediam: nihil intentatum apud ipsos fuit, quò hanc à Scholis eliminare possent ac omninò exulare cogerent.

Scientiam verò Mediam, mirum in modum extollunt, faciuntque commendatam: utpotè omninò necessariam, tum pro componendis cum Deo æternæ vitæ negotiis, tum etiam pro vitæ hujus utilitate, quam idcirco esse dicunt *Manuductricem ad honores & dignitates*, teste solemni oratione, hac de re, facta anno 1665. in Aula Collegii Marchianensis. Quare jam non miror, si quis hujusmodi illecebris ad Scientiam-Mediam alliciat. Immo hoc ipsum existimo admiratione dignissimum, quò fieri potuerit, ut non omnes in sui sequelam & obsequium, tam copiosa remuneratione locupletatum, rapuerit ut primùm apparuit. Et tum maxime, quod doctrina huic opposita de Prædeterminatione, nihil nisi humilitatem prædicet, sui ipsius dissidentiam suadeat & necessitatem ac studium continuè recurrendi ad Deum, sine quo nihil omninò possumus, aperiat; à quo omnis nostra est sufficientia; ut sic humiliati sub omnipotenti manu Dei, nostram agnoscentes dependentiam, in timore ac tremore salutem nostram operemur. Hæc enim duo, tam immanè opposita, sine dubio, diversimodè admodum corruptionis humanæ gustum afficiunt.

Ex

Ex quo rursum mirari subit, quanta sit vis veritatis pro Præmotione Physica, quæ tanto studio totque artibus agitata, firmiores mittat radices, & à centum circiter annis contra tot Adversarios, sola mole sua steterit : & appensa in statera cum illa Scientia Media ( pro qua videntur usurpare, quæ dixit Apostolus de pietate : 1. Tim. 4. v. 8. *Quæ ad omnia utilis est, promissionem habens vitæ quæ nunc est, & futuræ* ) iustificat tamen plurimumque Scientiæ huic Mediæ prævaleat, cujus in dies fiunt innumeri desertores, qui non nisi delusi & specie falsa decepti ( ut de se fatur Author Scientiæ Mediæ ad examen revocata ) eam sequuti sunt, gemuntque tantum temporis pro ejus defensione frustra impendisse. Legatur P. Fasseau pag. 284.

2. Non igitur necesse est, ut hîc ampliùs Scientiæ hujus Mediæ auscultemus, vel fucaræ illius imaginis ( qualem in suo priori libro repræsentabat Eupistinus ) singulos ostendamus navos, quibus totus scater hic liber sanè intellectus. Nec itidem opus est ut omnes quas nobis imponit falsitates, in memoriam revocemus, dum pro se contra nos adduxit Authores Eupistinus, qui datâ operâ contra ipsum scripserunt, v. g. Altiſiodorenses, aliosque à pagina 157. ac deinceps à P. Fasseau sine fuco relatos. Dico igitur unò verbò.

Omnes Authores quos contra nos adduxit Eupistinus ( præter Anthomistas, qui cum hac in re sint partes, nequeunt esse iudices, sicuti nec testes legitimi ) scripserunt contra Hæreticos, & quandoque contra Paganos, quibuscum nihil commune habuerunt unquam Thomistæ. Ergo ex tali libro Eupistini non nisi similibus referto, nihil potest inferri, vel in præjudicium Præmotionis physicæ, vel in gratiam Scientiæ Mediæ, quam non excogitavêre ipsius Authores, nisi ut ab Angelico Doctore possent recedere in explicanda Divinæ gratiæ efficacia. Ergo &c. Antecedens ( in quo solo potest esse difficultas ) probatur fusissimè à P. Fasseau per quadringentas & octoginta paginas, relatis summo labore Authoribus singulis ab ipso Eupistino laudatis. Quod magis confirmatur : Omnes illi Authores ( exceptis præfatis ipso jure non audiendis ) quos retulit Eupistinus ; scripserunt vel contra Stoicos existimantes ex concursu & connexionem syderum, fatalem in hominibus induci necessitatem : vel contra Simonem Magum & Priscilianistas, libertatem quoque denegantes : vel contra Calvinum & Lutherum somniantes extinctum esse omnino liberum hominis arbitrium per peccatum originale : vel alios, decentes libertatem creatam non esse impossibilem cum naturali necessitate, præsuppositâ perfectâ objecti cognitione & iudicii indifferentiâ, quibus fortasse aliquando visa est sola coactio libertati contraria. Nec ad hoc probandum necessarius est ullus prolixior discursus : nam extant libri, pro quibus solo opus est oculorum testimonio. At inter hos omnes Authores & Thomistas, nulla major est convenientia, quàm inter lucem & tenebras ; ut fusissimè tribus libris demonstrativè ostendi contra Petrum à S. Joseph, quod Eupistinum non latuit, ut sub finem dicemus.

Nullum igitur ex ipsorum testimoniis potest adversum nos adduci argumentum, nisi aliquâ ex prædictis, suppositione falsâ fabricatum ; quod subinde aspernari potius quàm in eo dissolvendo vel tantillum immorari debeamus.

Ipsi ergo, nunc saltem, licet serò, judicent Adversarii, quantum in nos profecerint, tot lucubrationibus, librisque contra nos per fas & nefas editis, veris & apertis aliquando, sed frequentius falsis nominibus, quibus omnibus non obstantibus stat Prædeterminatio Thomistica firmis argumentis stabilita, Scripturæ sacræ, Conciliorum, & Sanctorum Patrum Autoritate & testimoniis confirmata. Quæ omnia desiderantur pro Scientia Media, & ut arbitramur, in ævum desiderabuntur, dummodò probè ( ut par est ) cognoscatur, ut facile conjici potest ex tot Thomistis, qui illam confutaverunt efficacibus argumentis, profundum hæcenus Adversarii silentium imponentibus; contra quam adhuc quidpiam dicendum superest, in eorum gratiam, quibus præfatorum deesset copia Authorum, si prius propositam in titulo, Adversariorum in nos solertiam traduxerimus.

3. Quia existimantur Adversarii se se forsitan solâ Authorum multitudine eos vincere posse, quos hæcenus ratione nequiverant superare; innumeros undequaque sibi comparare Authores moliti sunt, parum attendentes an pro aut contra se, in rei veritate, vel apparenter tantum & in specie starent; quasi verò homines essent veluti græves, quæ adversus Aquilas, non nisi multitudine se se tueri valent: vel licitum foret, in rebus gravissimis & maximi ponderis ( ut in præsentiarum ) imitari id quod non nisi per jocum, fit in theatris, ubi unus & idem Trægædus, mutatis tantummodò vestibus, aliam & aliam omninò diversam agit personam, solumque numerum augeat Actorum.

Ludicrum hunc agendi modum sequi videntur Adversarii, ut suorum in nos Authorum multitudinem ( in qua ipsis, & quidem una supererat spes victoriæ, saltem apud vulgum ) augerent. Nam unum eundemque virum, semel & iterum, & quandoque tertio succederant, propriâ tantummodò veste depositâ, alienaque etiam sine ulla dispensatione assumptâ, ut minùs aliis esset suspectus; sæpius verò & frequentius solò nomine mutato. Explicatur.

Tori Belgio notum est quandiù quantumque insudaverit P. Platel pro austruenda Scientia Media, & profliganda Præmotione physica. Sed quia ad id se imparē sensit, suisque non obstantibus curis, in uno Belgii angulo vidit plusquam viginti Doctores celeberrimos, non solùm receptui canentes, præfatamque scientiam deferentes; sed & integros Religiosorum Choros, scilicet totam Patrum Minimorum Religionem recenter in Defensorum Prædeterminationis consortium advolantes, ac subinde sibi à Scientia Media caventes; pro illius defensione novum certamen instauravit; & ut minùs esset suspectus, nomen proprium occultavit, fictumque assumpsit, scilicet Germanum Philaletem Eupistinum, cujus ethymologiâ facile unumquemque deceperet, si defuissent qui hujusmodi dolum aperuissent.

Idem omninò dicendum est de Patre Moya sub Amadæi Guimenii, quos ceu duos Authores diversos, mirabar mutæ defensionis obsequia tantò ardore sibi exhibentes; sed obstupui apertâ fraude, præfatæ prorsus simili, solâ in Amadæo umbrâ deprehensâ, homine vacuâ.

Ita quoque realis est quidem P. Floydus; umbra verò illius est ille Hermanus Loëmelius.

Si extra Urbem non volasset fama eorum quæ in Thomistas scripsit

P. Fabri, nullâ opus esset Apologiâ ( quam parat alius ; ) sed ut melius alibi,quàm Romæ audiret, vocatus est quoque *Ludovicus Carterius*.

Quid à prædictis, hac in arte, Theatris aptiore, quàm Aris, diversum possint habere *Andreas Blanchus*, alterò vocabulò, *Philalethus* & *Leonardus Sherlogus* sub larva *Pauli Leonardi*, judicabit prudens Lector.

4. Numerum suorum magis auxerunt sequentes Authores : nam aliquando reperies unum eundemque virum tribus aut pluribus nominibus nuncupatum : v. g. alicubi reperies Patrem Martinon, qui vocatur alibi Moritanes ; & tertiò cum opus est, in medium prodit sub larva *Morifani*.

Satis toti Galliæ notus est R. P. Annatus, sed pauci sunt qui noverint ipsum aliquando obtrusum sub veste *Eugenii Philadelphi* Romani.

Nullus est qui adversus Thomistas, immò & in ipsum Doctorem Angelicum unquam cecinerit classicum cum Petro de Alva & Astorga, sicut Theophilus Raynaudus ; sed ut minus esset notus, seu ut omnium devitaret invidiam, se abdidit sub larva *Petri à Valle-clausa*, de quo dici potest quod scripsit D. Hilarius ad Const. August. *Ceteri quidem mortales semper cum vivis bella gesserunt, dum homini ad hominem ultra mortem, nihil causas illi verò nullus fuit inimicitiarum finis : receptas enim in æternam requiem Patres lacessivit.*

Verùm, quia *Petrum à Valle-clausa* tam facili negotio manifestum fecit, larvamque detraxit Modernus ille, quem sola sinceritas Christiana impedivit, ne ficto etiam vocabulo diceretur *Paulus à Monte-claro*, ut omnibus ostenderet, quantum fictus ille Petrus reprehensibilis esset, non solum proprium Petrus, sed & illud secundò nomen fictè assumptum occultavit, ut sub alio, scilicet *de la Riviere* Augustiniano, Appareret.

Alium ipsemet edidit librum non minus nobis injuriosum, *Authore Petro Paulo à Bellis*, fingens illum esse Dominicanum, qui à fide defecisset, falsò asserens doctrinam Bannesii habere affinitatem cum doctrina Calvinii. Denique in alio idem vocatur *Leodegarius Quintinus*. Tempus me deficeret, si hunc agendi modum in Adversariis prosequi liceret sine fastidio Lectorum.

Esto de eo penes candidum Lectorem, judicium. Quantum ad me spectat, non videretur mihi exercitus valdè terribilis aut metuendus in quo militum numerus non aliter augeretur. Neque ut arbitror benè omnino acceptus esset Regi Christianissimo Dux ille, qui in totius lustratione exercitus præfixum militum suæ cohortis, numerum non aliter exhiberet, quàm unum eundemque virum quinquies obtrudendo.

5. Quid ergo ? Authorum multitudinem sive realium, sive fictorum in nos cogant Adversarii, numerum arenæ maris, si possunt, excedentem. Si ullus veritati pateat aditus, eaque ( ut æquissimum est ) semoveantur ; quæ falsò nobis imponunt, vel à læsa libertate, vel à prætensa peccandi necessitate, vel aliquâ aliâ suppositione falsâ. Certus sum ne unum quidem superesse, cui non summè placeat præfata Divi Thomæ doctrina seu basis veræ Theologiæ ; ipsique continuò vilescat Scientia Media eidem contraria, cujus jam alio agente, prætextus abivit in fumum triumphus.

Vel unum igitur nobis ostendant ex omnibus citatis Authoribus unde-

quaque tanto studio ac labore congregatis, qui ex falsa suppositione non sit loquutus aliquid impugnans contra Antiquiores prænominatos, quidpiam asserentes non minus contra fidem aut bonos mores, quam contra expressam Divi Thomæ & omnium Thomistarum sententiam: vel sincerè fateantur se non minus destitutos esse autoritate, quam ratione, inimpugnanda D. Thomæ doctrina.

Quantum autem ad Patrem Nicolai, quem nobis objiciunt, legatur in suo Raynerio, verbò *Gratia*. Et sine dubio obstupefceret Lector qui ausuit Adversarii illum nobis opponere tanquam contrarium; qui solus ibidem sufficeret ad persuadendam doctrinam, quam suscepimus propugnandam.

Supereft igitur ut quibusdam argumentis faciamus satis, quibus Adversarii incautis ludificantur. Unde fit



## CAPVT SEXTVM.

*Duo speciosa objiciuntur ac solvuntur Eupistini argumenta, ac solempne testimonium contra Scientiam Mediam habetur.*

Nu. 1. **P**rimò objicit Eupistinus plures Tractatus doctrinæ Patris Molinæ approbatos fuisse à Magistris sacri Palatii Dominicanis, aliisque Doctoribus Ordinis Sancti Dominici, quamvis contrarios doctrinæ, quam hic propugnamus, & faventes Scientiæ Mediæ.

Secundò asserit idem Eupistinus Universitatem Parisiensem adversari doctrinæ D. Thomæ; & è contra, maximè favere Molinæ in defensione Scientiæ Mediæ.

Verùm recrudescenti morbo remedium opponitur. Quantum ad primum, qui me occupavit ipsius Eupistini Amicus: audiendus est, qualiter specioso huic argumento respondeat: *In hoc quidem* (inquit Eupistini Consentaneus, pag. 189.) *commendare debuisset Eupistinus Thomistarum equitatem, qui non ita proprio sensui adherent, nec adeò suis opinionibus favent, ut aliis invidcant, nec egri permittant ut suis & Sancti Thomæ placitis contraria edantur, quandiu id tolerat & dissimulat Ecclesia. Utinam* (inquit) *in omnibus Censoribus eadem esset equitas.*

Ad 2. respondeo objectionem Eupistini falsam esse quoad utramque partem. Quod satis patet ex eodem Eupistini Amico, pag. 134. ubi inter plures articulos à Stephano Parisiensi Episcopo, de unanimi Magistrorum consensu in claret hujus Facultatis, anno 1226. damnatos, hunc quadragesimum nonum reperies: *Aliqua possunt casualiter evenire respectu Primæ Cause; & falsum est omnia esse præordinata à Primæ Cause, quia tunc evenirent ex necessitate.*

*En* (inquit Eupistini Amicus) *ipssimam ipsius Eupistini, eorumque omnium, quorum partes suscepit propugnandas, consequentiam; quæ ex Dei præordinatione efficaci, libertatis interitum denuntiant.*

Sed quia his fortasse non eadem animi demissione, acquiescet Eupistinus,

hæc quæ sequuntur adjiciam, in ipsius aliorumque ex suis gratiam. Et quidem, quantum ad primum. Si ab Angelici Doctoris Præmotionem recedit hæc Alma facultas: id tùm maximè, ut volunt Antithomistæ, prætextu libertatis conservandæ.

Siquæ favet Molinæ, id potissimùm facit, (ut etiam jactant iidem) intuitu Scientiæ-Mediæ ab ipso Molinâ (si ipsi fides adhibeatur) adinventæ. Sed utrumque est falsum, & ab hac Universitate alienum: neque ab ullo melius, quàm ab ipsâ discere possumus, Authentico suorum testimonio, idque proprio ore: & quidem.

2. Quantum ad Primum, velim advertat lector hoc non esse factum in uno aliquo alicujus Provinciæ Angulo: aut in privata aliqua Dominicanorum Schola. Sed in præfata Facultate Parisiensi; coram Nuntio Apostolico: confidentibus ad minus viginti hujus Regni tum Archiepiscopis, tùm Episcopis: hanc thesim sustinuit 15. Februarii 1670 Pomponius du Harlay posit. 5. *Posterior verò (scilicet voluntas Dei consequens) ad fines intentos à Deo, res omnes efficaciter perducit: nec tamen dum liberas ad agendum applicat, & physicè prædeterminat, earum officit libertati. Quid clari-*

Alterius etiam suppositionis ac propositionis efficax suppeditebit argumentum Abraham de Raymond Præbyter Tolosanus & Parisiensis Bachalaureus die 14. Octob. anni præcedentis, qui in Sorbona sequentem thesim propugnavit: *Per antiqua (inquit) Scientia Media: cæusi sunt Arriani ad comprobandum Christum non esse filium Dei per naturam: ut videre est in Epistola Alexandri Episcopi Alexandrini ad alterum Alexandrum Episcopum Constantinopolitanum. Hanc admiscere Massilienses, ut suis erroribus inserviret, ut testantur Sancti Patres Prosper Aquitanus, Hylarus Arelatensis. Immo & Pelagiani admiscere, (teste S. Augustino lib. de Prædest. S. S. cap. 18. Insuper Massilienses hanc Scientiam-Mediam, non solum aliorum Catholicorum testimoniis nitebantur probare: sed etiam ex ipsomet S. Augustino: ex eo videlicet quod dixerat in questione contra Porphyrium de tempore Christiana Religio: cui querimonia fecit suis, lib. de Prædest. S. S. cap. 9. S. Augustinus: qui Scientiam-Mediam non solum quoad abusum (ut fassetur Suarius) sed etiam quoad substantiam re verâ reprobavit: & post ipsum S. Thomas.*

Abstineat à me ut eos existimem de aliqua hæresi aut errore suspectos, ex eo quòd aliquid simile hæretici malè ac perperam dixerint; quod Catholici in aliquo bono sensu saltem Probabiliter tuentur: non enim id sentio, hac in parte præsertim, nec in ullo alio, de his qui nobis adversantur, quos habeo ac quantum in me est ab omnibus haberi volo ceu viros Religiosissimos ac doctissimos, & hoc dictum velim, contra quodcumque verbum, quod ex consueta methodo arguendi inadvertenter obrepere posset contra deliberatam ac firmam quam semper habui voluntatem agendi etiam cum Adversariis cum omni placida ac reverenti urbanitate: habitâ ratione solius doctrinæ.

Sed quia his non obstantibus faciendum est satis arguentibus: vult (ut arbitror) Eupistinus, quidpiam recentius, illud verò habetur in eadem Alma Facultate; in qua sequentem propositionem sustinuit Franciscus Cha-

baille Baccalaureus Sorbonicus 6. Sept. 1675. pro Sorbonica posuit. 1. *Vana itaque, inquit, est tollenda à Medio Scientia - Media à Sancto Augustino reprobata ad conciliandam cum Providentia certitudine rerum contingentiam, vel cum Gratia efficaci libertatem humanam prorsus inutilis.* Et posuit. 3. *Decreta Dei, inquit, non sunt indifferentia, nec expellantia consensum voluntatis creatæ, sed per se efficacia, nostrasque voluntates præmovent, non solum Promotione Morali, sed etiam Physicâ: nec tamen propterea libertatem potentialem laedunt; imò perficiunt, & actualem causant, &c.* Quid ad hæc charæ mi Eupistine? Nos ad hanc Facultatem provocasti: at non à scamnis aut parietibus accipiendum est quid illa sentiat, sed ab his & similibus Facultatis doctrinam sustinentibus: à quibus sufficienter, quam nobis objicis, jactantia reprimitur: & quicumque sciunt nullum sacre hujus Facultatis Candidatum audere suas theses typis mandare & eas sustinendas proponere, quin prius visæ fuerint & approbatæ ab eo, qui à tota Facultate ad id speculiter deputatus est, quique in authenticum communis fidei argumentum his subscribere tenetur: neutrum ex præfatis Baccalaureis intuebitur tanquam privatum Doctorem sed tanquam vocem *Multitudinis doctissimæ*, quæ reperitur in toto Orbe Christiano.

## S E C T I O U N I C A.

*Traditâ sufficienti ratione ob quam quisque debeat sibi cavere à Scientia-Media, donec ejus Defensores, illius rectum aliquem usum in veritate utilem ostenderint: demonstratur quorundam pertinax pervicacia in lacerandis Thomistis, spreâ omni potestate tam seculari, quam Ecclesiasticâ.*

Nu. 3. **H**Is ita extra omnem controversiam positis, in oculis Facultatis, ad cujus Tribunal ultimò provocabant Adversarii: certè non video cur Molina & Fonseca sic debeant inter se rixari, ut unus nolit cedere alteri; in inventionem hujus thesauri, cujus inventor nihil prorsus habet, unde sibi debeat adedò adulari; vel ut Religiosius Molina loquitur *in Domino gloriosi.*

Quia sic comparatus sum à natura, hujusque sum indolis ut malim citra absolutam necessitatem, & boni communis jacturam inflicta nobis vulnera tegere; quàm illa refficare, & injurias etiam immeritissimè nobis illatas oblivione deleri potius, quàm eas in memoriam revocari nova confutatione: hic ulterius sermonem non habebimus, de famosis illis libellis (quorum Author hic in testem sine pudore ab Eupistino adducitur) quibus hi præfixi sunt tituli: *Calvinismus, Religio bestiarum: & de immunitate Cyriacorum.* Non atramento & calamo, sed stylo ferreo felle illito adversum vivos & mortuos exaratis. Mihi enim sufficit talia tenebrarum opera fuisse tum in Cæsaris, non semel, vel uno tantum in loco, Tribunali condemnata: omnibusque Censuris Ecclesiæ ac fulminibus proscripta: nec non Supremorum Senatum ultricibus flammis lieto- rum manibus adjudicata. Sed quia omnibus his non obstantibus, recens prodierunt in lucem præfati illi libelli famosi, nova editione, teste Gabrie-



le à S. Vincentio Carmelita lib. de remed. ignorantia pag. 488. penes eos sit, quorum operâ & arte, talia perpetrantur: quibus non jam D. Thomas aut illius doctrina lædatur, sed eorum conscientia, pro qua, Christo obtemperantes illiusque mansuetudinis imitatores, Deum opt. deprecamur. Nihilominus recrudescenti Morbo necessarium judicatur idem opponere remedium: scilicet edictum Tolosanum quod latine redditum, sic habet.

Senatus-Consultum Tolosanum 1. Sept. 1662. sic ait. Obrulit libellum supplicem Regiarum Caesarum Generalis Cognitor, quo denuntiavit compertum fuisse editum fuisse librum inscriptum (de immunitate Cyriacorum à censura) oppletum continua diffamatione & calumnia adversus Ordinem FF. Prædicatorum, sordentem plerisque propositionibus impiis ac scandalosis, contra honorem Sanctæ Virginis, S. Thomæ Aquinatis, S. Catharinæ Senensis, eoque animo compactis, ut pessumdaretur debita eorum memoriæ veneratio, cultusque Sanctis Patribus exhibendus deperiret. Cumque,.... Nec possit nisi cum summa injuria ac dedecore prædicti Ordinis FF. Prædicatorum legentium oculis subjici liber præfatus; petebat Decreto Senatus prædictum librum igni tradendum manu carnificis tanquam impium, scandalosum & factum variis propositionibus infamantibus.... Senatus Expositioni Procuratoris Generalis annuens decrevit & decernit prædictum librum..... flammis absumendum operâ carnificis in foro du Salin. Executioni mandatum die quò supra.

Brevitatis causâ hic omitto aliud simile Edictum, scilicet Aquisense 17. Julii 1662. quo Senatus jussit eundem librum flammis absumi, operâ itidem carnificis: attamen prædictis; fulminibusque Ecclesiasticis Romæ auditis 20. Junii 1662. non obstantibus: anno 1669, falsò Cracoviæ, & in rei veritate Lugduni, ut satis apparet ex caractere: hoc opus tenebrarum (ne durius loquar) cum aliis libris fortè adhuc pejoribus integro volumine in fol. legendum objicitur, aperto Titulo sub nomine Theophili Raynaudi, depositâ larvâ *Petri à valle clausa*. Lectoribusque commendatur tanquam magni ponderis ac momenti. *Quod*, inquiunt, *malevoli, penitus deletum volebant; & ultimum ingenii Theophilini Supplementum: partus est quidem posthumus, sed novemdecim precedentibus (tomis) hactenus in lucem editis, quasi fratribus prelucent.... sine quo astra illa tanquam sole orbara, parum aut nihil splenderent*, ita jocantur ore illius, quem scludentem verbis in Præfatione inducunt. Vanæ huic jactantiæ hoc unum responderem, nisi responsione indignam hanc existimarem, *si lumen quod in te est, tenebre sint, ipsa tenebra quanta erunt?*

4. Sed ex hoc uno conjice lector quid sentire debeas, cum tibi quidpiam occurrerit, ab Adversariis commendatum aut aliquibus Encomiis celebratum adversus Thomistas: simulque mecum mirare, an major esse possit omnium potestatum contemptus, aut magis indubitatum obfirmatæ voluntates, laceffendi insontes, testimonium; quam illud, quo librum sub Anathematis pœna omnibus Christianis interdictum, toties novis typis legendum obtrudunt ac disseminant, cum dedecore Religionis Christianæ & ludibrio hæreticorum; cui præter præfationem scandalosam reprehensione dignissimam ob apertum potestatis Ecclesiasticæ contemptum, finem imposuere, hoc turpi Epigrammate.

*Nititur in vetitum semper: cupimusque negata.*


*Vxor Amatori sordet: Amica placet.*

*Deformis dum servatur, formosa videtur*

*Sic vetitus, pulcher creditur esse liber.*

Et ne à vaga Probabilitate, ad quam dicunt unius Casuistæ auctoritatem sufficere, videantur respicere, pag. 130. nu. 83. aiunt *Deinde adest auctoritas non modo gravissimi Theologi Magistri Theophili Raynaudi verè pii & docti hominis, ut testantur volumina ab ipso edita, ideoque dignissimi, qui sua auctoritate opinionem quamlibet Probabilitate inducat. Deus bone! adducunt in testes Adversarii volumina viri pro quo diviniam misericordiam exoramus, ex quibus tria, ( quorum titulos supra retulimus ) Anathemate percussa sunt ab Ecclesia, & unum flammis absumptum hætorum manibus in Suprenis Tribunalibus tanquam impium, & scandalosum. ... & tamen iterum atque iterum typis mandat, ne una quidem syllaba correctæ vel emendatæ: quin imò summopere commendat. Et hinc judicet lector an iustæ sint Thomistarum expostulationes: & quàm necessaria sit hæc Apologia; ne in communem perniciem transeat nostrum silentium.*

Denique adherentes Probabilitatis laxissimæ defensori, *asserenti nullam esse in mundo potestatem damnandi opiniones probabiles: totam provocat Ecclesiam exemplis vel periculosissimis, vel apertè falsis ex quibus hoc habeto pag. 135. n. 114. Adhibeatur (inquit) eadem censura opinionis recentè inventæ, quæ asserit nullum dari elementum summè leve, sed omne, etiam æreum & igneum, suam vendicare gravitatem.* Hæc sunt gravia Adversariorum fundamenta, quibus illorum Probabilitas innititur.



## C A P U T S E P T I M U M.

*Traducta ultima Eupistini solertia: duo ultima illius argumenta solvuntur, & aperitur Modificationis abusus.*

Nu. 1. **P**rospiciens Eupistinus totum lucubrationis suæ exitum prorsus infelicem futurum: novâ, sed serâ, usus est solertiâ. Seram dico: quia fortasse ipsa potuisset in disputationis principio sufficere non quidem ut veritas innotesceret, sicuti Deo dante statim innotescet: sed ne in ea inquirenda aut propugnanda, tanta adhiberetur diligentia. Etenim post tot artes ac labores, quos malim silentio obvolvère, quàm ampliùs recensere: Repentè meminit Eupistinus pag. 122. novi subterfugii quò (ad cautelam, ut loquuntur) absolvit omnes Patres Societatis à sequenda hac in parte duntaxat, doctrina D. Thomæ his verbis. Patres Societatis non coguntur defendere quæ sequuntur. (Causas secundas esse propriè instrumenta Dei: & cum operantur, Deum in eas primum influere aut eas movere.)

At debebat Eupistinus ponderare hoc ipsum, totius difficultatis nodum includere, inter nos & ipsos à tot annis agitatæ, quam dicere non verbor

bor verum doctrinæ Divi Thomæ characterem, basim veræ Philosophiæ, ac firmum solidioris Theologiæ fundamentum, ex qua tot aliarum de Gratiâ, prædestinatione, &c. difficultatum egregiæ pendent resolutiones, in quibus non nisi periculosissimè potest quisquam à Divo Thoma recedere.

Sed quorū tam diuturnum Eupistini silentium? Aut quare tandiu mente hanc responsionem celare? Quia fortè existimabat Eupistinus, ipsam non quadrare cum doctrinâ, quam tenuere omnes præcipui Patres Societatis, qui ne excepto quidem sanctissimo Patriarcha Ignatio steterunt ex parte Divi Thomæ, & præcipuè in hac controversia de Gratiâ per se efficaci.

Ut autem, saltem in fine fucum aliquem rebus faceret Eupistinus, adhuc unum excogitavit argumentum: post quod statim ad consuetam suam Autoritatis methodum recurrit. Potrò hoc argumentum est depromptum ex modificatione Divini concursus per causas secundas facta: in qua objectionem dissolvenda non diu immorabimur, utpotè cui possit fieri satis ex iis quæ aliàs contra Petrum à S. Joseph diximus: nam vix unus fuit ex Antithomistis, qui hac de re quidpiam contra nos scripserit, quin statim idipsum perperam intellectum objecerit.

Siciat ergo Eupistinus Determinationem seu Modificationem Divini concursus esse duplicem. Prima est ab Agente: altera est ab objecto seu materia. Primo modo Dei concursus à nullo agente creato determinatur: quia cum Deus sit causa ita universalis, ut illius causalitatem nihil omnino subterfugere possit (quod notatum velim tanquam de fide certum) non expectat determinari aut modificari à causis secundis, in quibus ex sua conditione causæ universalissimæ, omnem in eis effectum, omnemque earum determinationem & modificationem ipse causat & efficit: unumque effectum in ipsis minus perfectum, alio perfectiori perficit.

Secundo verò modo dicitur fieri Modificatio passivè à subjecto præbente suam materiale causalitatem. Quod sic explicat Sotus in 4. Sent. (quem falsificavit Eupistinus) *Assensus liberi arbitrii non est causa preveniens motionem Dei, sed effectus ejusdem motionis idem preveniens liberum arbitrium: Est enim (inquit) pulsatio & aspiratio Dei ad corda nostra similis aëri ad fenestram clausam. Sed quia non aperit eadem corda ex necessitate, sed nobis libere consentientibus: quavis causa prior efficiens, sit ejus inspiratio & motio preveniens: tamen dispositio materialis (qua hoc modo dici potest) est assensus nostra (id est consensus) sicuti causa efficiens preveniens, cur fenestra aperitur, est aër intrans: sed causa materialis, cur aër intrans, est, quia fenestra aperitur.*

2. Dicuntur ergo causæ secundæ concursum Dei modificare, sed tantum materialiter & passivè, non verò effectivè seu efficaciter: quia licet per quaecumque causam Deus possit quodlibet efficere: v. g. per aquam (quæ omnia extinguit) magis comburere, quàm per ignem: tamen non per quaslibet causas, quoscumque producit effectus, sed liberos per liberas: & necessarios per necessarias. Ita D. Thomas formaliter 1. p. q. 19. ar. 8.

Debebat legere Ferrariensem Eupistinus 3. contr. Gent. c. 64. Circa hanc propositionem, (inquit) *Secunda agentia determinant actionem Primi Agentis, Advertendum est, quod hoc non est sic intelligendum, quasi agentia se-*

cunda aliquid erga Divinam actionem ut in se operentur : cum sua actio si sua substantia : sed intelligitur secundum quod ipsa mediantibus causis secundis ad effectum aliquem determinatur : sic enim virtus divina secundum quod in causa secunda recipitur, accipit limitationem & determinationem ex conditione cause secunde tanquam ex susceptivi conditione : quod enim recipitur, ad modum recipientis recipitur. Nam primæ Causæ influxus alter in oculo, v. g. alter in aure recipitur.

Stat ergo Primi Agentis præeminentia. Neque ulli hoc debet mirum videri ; cujus indicium videmus in ipsis rebus creatis, in quibus nihil agit nisi in quantum est actus : & potiori jure Is, qui est actus purissimus, omnibus potentialitatis passivæ incapax. Vide ea quæ fusiùs hac de re diximus lib. 3. contra Fulcensem ; & iterum infra dicemus ex D. Thom. & comment. in D. Dionys. de divin. nomin.

Quantum ad Alterum, sanè debemus mirari diligentiam Eupistini, qui vix ulli pepercit labori, ut quidpiam reperiret, quod saltem apparenter & in speciem contra nos objicere posset : ideò jure merito dubitatur, an aliqua fuerit Bibliotheca, cujus libros sive per se, sive per alios non evoluerit : itidem utrum alicubi facta fuerit disputatio aliqua, cui saltem per eosdem non interfuerit ; hinc Amicos rogans, inde testes etiam juratos conducens, ut quidquid diceretur, aut dici crederetur ( si tamen crederent ) testarentur : ipseque suo infarciret libello Eupistinus, qui subiunde argumentose sequenti tanquam Achille utebatur.

Magister Generalis FF. Prædicatorum Thomas Turcus erat doctissimus & doctrinæ D. Thomæ ( quam diu docuerat ) addictissimus : & tamen Prædeterminationi Physicæ adversatur. Ergo, &c. Antecedens probat Eupistinus pag. 92. sui libri, ubi ait præfatum Generalem in disputationibus cap. Generalis Valentis 1647. celebrati, dixisse cuidam respondententi, *Offende mihi locum D. Thomæ, in quo Physicam Prædeterminationem defenderis, & ego creabo te in Magistrum contra Constitutiones tuæ Provinciae.* Ut efficacius Eupistinum refellamus, duos in oppositum objiciemus testes omni exceptione majores ; qui præfatis disputationibus aderant.

## EPISTOLA ILLUSTRISSIMI D.D. ANTUERPIENSIS EPISCOPI.

*Admodum Reverende & Eximie Domine.*

**T**Radidit mihi Socius Provincialis Fratrum Prædicatorum litteras ad me vestras. Inquiri in his sua à me Dominatio, tanquam ab eo, qui in qualitate Socii & Provincialis Terræ Sanctæ, dum adhuc essem in inferioribus constitutus, Reverendissimo Patri Generali Turco ubique & in omnibus actibus adfui ; an aliquid subest veritatis in eo quod quidam apud vos Theologiæ Doctor affirmat in opusculo à se composito, eundem Reverendissimum Patrem Generalem in disputationibus Capituli generalis Valentis anno 1647. celebrati ; assumpsisse argumentum Excellentissimi Domini Domini Ludovici Crespi de Boria Episcopi Placentini in quo actum fuisset contra Prædeterminationem Physicam, & promississe Præsidenti Magisterium, si posset ostendere locum Sancti Thomæ, in quo Physicam Præ-

determinationem defenderit. Cum æquum sit ut in hac parte locum dedimus veritati & declaremus quid nobis compertum sit, ne Ordo ex quo ad Episcopatum assumptus fuit, injustè in suis Doctrinis traducatur. Sciat eximia Dominatio vestra, nullum in Primis Episcopum Placentinum Dominum Lndovicum Crespi de Boria interfuisse disputationibus præfati Capituli Valentini, sed interfuisse ipsius fratrem tunc temporis Ordinis FF. Prædicatorum Religiosum & Priorem Valentinum, deinde ad Episcopatum assumptum: neque etiam ullum ab eo argumentum fuisse propositum, ut attestor testis ocularis. Sciat insuper in iisdem disputationibus Reverendissimum Patrem Generalem nec mentionem fecisse rei seu promissionis allegatæ, neque vel nutu aliqua insinuasle verba à quodam Philalethe Thomistis objecta, Quasi Reverendissimus Turcus in iisdem disputationibus dixerit, *Fateor Prædeterminationes Physicas esse plurimum Thomistarum Doctrinam, sed à Sancto Thoma Longe aberrantium, quibus si mihi ostenderis S. Thomam alicubi favere, promitto tibi Magisterium.* Hæc enim verba (intellecta scilicet de Prædeterminatione Physica) non à veritate tantum facti (ut paratus sum deponere, qui non in illis tantum disputationibus, sed ubique locorum cum Reverendissimo Patre Turco semper adfui;) sed & aberrant ab ejusdem Reverendissimi sensu, qui Physicæ Prædeterminationis fuit acerrimus semper Assertor & Propugnator. Quod vel ex eo solum irrefragabiliter liquet, quod ubi legerat libellum Eximii Domini Sylvii de Motione Primi Motoris, in quo Prædeterminatio Thomistica acerrimè defenditur & propugnatur, non contentus Libellum vidisse, nisi & Authorem videret & cognosceret, me Socio & Comite, ipse Generalis integri Ordinis & vir Summæ Authoritatis, Duaci Præfatum Sylvium in suo Collegio visitaverit, eidem (me præsentem) gratulatus, applaudens immò & gratias agens de illo suo opusculo tanquam genuino fœtu Discipuli Sancti Thomæ in materia Prædeterminationis Thomisticæ. Quod cum verum sit, nullus mihi persuaserit Reverendissimum Generalem Turcum protulisse aliquando Valentia vel alibi verba prædicta, quæ ex directo opponuntur, non solum factò nunc relato, sed innumeris aliis argumentis, quibus mihi constat de mente Reverendissimi Turci; de cujus pro præfata Prædeterminatione Physica seu Thomistica, Zelo & ardore, hoc ausim affirmare, quod si quem reperisset eidem, contra communem Thomistarum sensum contradicentem, absolvisset eum ab omni non solum gradu, sed & à docendi munere, uti me præsentem & oppugnantem, absolvit alterum, licet in alia materia Theologicarum disputationum Præsidem. Hæc sunt quæ ad litteras Eximiæ Dominationis vestra, veritatis intuitu respondeunda putavi. De cætero manens eximiæ Dominationis vestra.

Devotus in Christo Servitor Ambrosius Episcopus Antuerp.

Supercriptio. Epistolæ hæc erat.

Admodum Reverendo & eximio Viro Domino Nicolao Josepho de la Verdure, Sacrae Theologiæ Doctori & Professori Regio ac Ordinario in Universitate Duacena.

Dd ij

Advertisti Eupistine? Præsentia rerum in æternitate, de qua in argumento erat sermo, ut fatebitur Reginaldus, non est ipsum decretum, sed decreti effectus: sicut & Prædeterminatio ipsa, est decreti Executrix. Quæ ergo conscientia potuisti unum cum alio confundere (Tu qui perspicaces & subtilis? Aut insontes Notarios, rem hanc difficillimam non intelligentes, his implicare? Scio ex negatione decreti per se efficacis, (quod nunquam auferres) erui posse argumentum pro eliminatione Prædeterminationis physicæ; sed eo semel posito, illa sequitur necessariò pro illius executione in tempore, simulque evanescit Scientia Media; ut alibi satis ostendi. At quidquid dixit Pater Generalis, ut patet ex Epist. eo tendit ut ostendatur istud decretum & consequenter Prædeterminatio quæ sequitur illud. Pende etiam totam illustrissimi Antistitis Epistolam, id ipsum satis demonstrantem. Sed ut in ore duorum testium, stet omne verbum.

*AVDITVR ALTER TESTIS IVRATVS.*

**N**otum sit omnibus præsentibus & futuris, quodd cum à pluribus annis ex variis Regionibus, Provinciis & Regnis delatum ad nos fuerit, quosdam parùm sincerè vulgasse quodd Reverendissimus P. Thomas Turcus olim Generalis Ordinis Prædicatorum in Capitulo Generali Valentie in Hispania anno 1647. mense Maio, in Thesibus propugnatis nomine Provinciæ Tolosanæ die 18næ post Festum Pentecostes: adversus illum qui eas tuebatur, arguendo indicasset S. Thomam in nullo suorum operum loco favisse sententiæ prædeterminationem physicam asserenti; idcirco Nos Prior Conventus Tolosani Ord. Prædicatorum, veritatem & scire & promulgare omnibus cupientes, vocavimus R. P. Fratrem Antoninum Reginaldum tunc temporis in Academia Tolosana Professore, quem vocant Conventualem, & nunc in eadem Professore publicum & Regium; qui in præfato Capitulo Valentino pro Provincia Tolosana tuebatur Theses, & inquisivimus ab eo rei gestæ veritatem. Ille verò jam fere septuagenarius, paratum se esse ad dicendam veritatem, eamque juramento firmandam respondit. Illum ergo adduximus coram amplissimo & perillustri Domino Dufour Archidiacono Ecclesiæ Cathedralis & Vicario Generali ejusdem Ecclesiæ Tolosanæ Sede vacante, & coram Notario ac testibus infra scriptis, ut ibi iuratus, circa hæc diceret veritatem; qui tactis Sacrosanctis Evangeliiis inter manus ejusdem Domini Vicarii Generalis juravit se dicturum veritatem. Dixit ergo præfatus P. Reginaldus anno illo 1647. mense Junio in Capitulo Generali Valentie in Hispania celebrato, in Thesibus, quas pro Provincia Tolosana tuebatur, rem ita gestam esse. Postquam plures disputassent: Reverendissimus P. Thomas Turcus Generalis assumpsit duas ex Thesibus agitatæ, videlicet eam, quam ego P. Reginaldus posueram de præsentia reali omnium rerum nobis futurarum in æternitate; alteram de cognitione Divina futurorum in decretis: & argumentatus est præfatus Reverendissimus contra me dicens, quodd alterum ex his duobus mediis cognoscendi futura esset superfluum: Si enim Deus cognoscit omnia nobis futura in reali eorum præsentia in æternitate, fu-

perfluit decretum efficax, in quo Deus illa eadem cognoscat. Si Deus illa cognoscit in decreto, superfluit illa præsentia realis in æternitate. Respondi neutrum esse superfluum, unò unum sequi ex alio: ex decretis enim sequitur præsentia realis in æternitate. Replicavit Reverendissimus Generalis: Numquam S. Thomas recurrit ad decreta, sed ad præsentiam in æternitate: *Et si mihi ostendas vel unum locum D. Thomæ, in quo recurrit ad decreta, ex nunc pro tunc creò te in Magistrum Theologiæ contra iura & consuetudinem tuæ Provinciæ.* Tunc ego P. Reginaldus, qui ex aliis capitibus noveram, quòd P. Reverendissimus Turcus vellet tentare, utrum ambirem Magisterium, respondi, De Magisterio, quod offert mihi vestra Reverendissima Paternitas, gratias ago: Novit vestra Reverendissima Paternitas nos in nostra Provincià non acceptare Magisteria. De locis autem D. Thomæ Vestra Reverendissima Paternitas alter Thomas novit illa, nec opus est illa citare. Insufurrabant ferè omnes: Cita locum, cita locum, & fies Magister. Ego tamen persisti in mea sententia. Urgebat Reverendissimus Generalis, *Noli mihi adulari, sed ostende mihi locum D. Thomæ in quo ipse dicat, Deum cognoscere futura in decretis suis: Ostende.* Persisti nihilominus in mea responsione, ne viderer ambire Magisterium. Post multa hinc & inde, semper de illa & eadem questione, sub finem disputationis dixit mihi Reverendissimus P. Generalis Turcus, *Explica tuam sententiam.* Explicavi hoc pacto, dicens, quòd cum res non possint de possibili fieri futura in tempore nec præsentes realiter æternitati, nisi per aliquam causam: & illa causa, nulla\* possit esse alia quàm Deus liberè agens, & has potius quàm alias volens esse futuras in tempore & sibi realiter præsentes, idem prorsus est dicere quòd Deus cognoscat res ut realiter præsentes æternitati, & dicere quòd illas cognoscit in decretis: quia per decreta\* fiunt præsentes æternitati. Quare autem D. Thomas ferè semper recurrit ad præsentiam rerum in æternitate, quando agit de cognitione, quâ Deus cognoscit res nobis futuras, ratio est, quia vult reddere rationem, cur Deus eas cognoscat scientiâ visionis: Visio enim corporea, debet terminari ad res præsentes; & idèd D. Thomas recurrit ad præsentiam rerum realem in æternitate, quando agit de scientiâ visionis. Quamvis aliquando, cum non agit de scientiâ visionis, dicat Deum cognoscere omnia nobis futura in sua voluntate ut causâ, nimirum determinata per decretum, ut constat ex eodem 1. contra gentes cap. 67. & 68. & alibi sæpe, ubi expressè D. Thomas dicit, Deum cognoscere ab æterno actus nostros liberos in sua voluntate, ut causa. His à me dictis acclamarunt quidam: *Citavit locum; Fiat Magister.* Sed Reverendissimus Generalis annuentibus Archiepiscopo & Prorege Aragoniæ, qui aderant, finem disputationi imponi præcepit. Hanc esse veram illius rei narrationem tactis Sacrosanctis Evangeliiis juro & protestor coram Deo & sanctis Angelis ejus in manibus vestris, Amplissime & perillustri Archidiacone & Vicarie Generalis, jubente & præsente R. P. Joanne Francisco Dufaur Ordinis Prædicatorum Conventus Tolosani Priore & sacre Theologiæ Professore, præsentibus etiam Notario & testibus infrascriptis.

Unde juro & protestor ac declaro sub eodem juramento falsum esse, quòd Reverendissimus Pater Generalis dixerit; Fateor Prædeterminationes

Physicas esse doctrinam plurimum Thomistarum, sed à S. Thoma longè aberrantium, quibus si mihi ostenderis S. Thomam alicubi favere, promitto tibi Magisterium. Falsum etiam declaro sub eodem juramento, eundem dixisse mihi: *Ostende mihi locum S. Thome*, in quo Physicam Prædeterminationem defenderit, & ego te creabo Magistrum in Religione contra constitutiones tuæ Provinciæ. Falsum sub eodem jurejurando declaro, quòd alii sic narrant: Reverendissimus P. M. Thomas Turcus Generalis Ord. Sancti Dominici, cum in Capitulo Generali Valentiniense mense Maio anno 1647. interesset disputationi, in qua Hispanus Thomista ex provincia Tolosana tuebatur Physicas Prædeterminationes tanquam à S. Thoma edoctas, assumpto argumento excellentissimi Domini Ludovici Crespi de Boria Episcopi Placentini tunc Præpositi Muri veteris oppugnantis Prædeterminationes Physicas, contendentisque non esse sententiam S. Thomæ, idem cum esset versatissimus in S. Thoma semel & iterum dixit *Ostende mihi locum*, in quo S. Thomas Physicam Prædeterminationem doceat, & creabo te Magistrum in tua Religione contra constitutiones tuæ Provinciæ, repetendo multoties: *Ostende, Ostende*. Quatuor Doctores Theologi Universitatis Valentiniensis testantur sub juramento coram Notario, se illa verba audivisse. *Declaro itaque hanc narrationem quantum ad id, quod dicit de Prædeterminatione Physica, falsam omnino esse: nullo enim modo agebatur de Prædeterminatione Physica. Sic me Deus adjuvet & hæc sancta Dei Evangelia.* Fr. Antoninus Reginaldus.

**N**os Joannes Dufaur Presbyter, jurium Doctor, Canonicus Archid. Eccles. Tolosani nec-non Vicarius Generalis dictæ Diocesis Sede vacante, Testamur præfatum R. P. Antoninum Reginaldum, qui supra, hoc juramentum præstitisse in manibus nostris præsentem R. P. Joanne Francisco Dufaur Priore Conventus Prædicatorum hujus Civitatis, præsentibus etiam Notario Apostolico & Regio, & testibus infra scriptis. In cujus rei fidem hæc sigillo nostro munitis subscripsimus die 10. Septembris 1674.

J. DUFOUR Vic. Generalis.

F. JOANNES FRANÇOIS DUFaur Prior qui supra.

DAUGLA Presbyter præsens.

LAFAGE Presbyter præsens

BAUVESTRE.

Sed hæc ulterius non prosequimur: cum enim tam obfirmata & pertinax pugna contra Prædeterminationem instituta non sit, nisi Scientiæ-Mediæ intuitu; hic non est prætermittenda brevis narratio satis lepida, quæ Lectorem latere non debet, ne ipse in eundem, in quem plurimi, errorem incidat, circa Eupistini respiciendam: quare sit



## CAPUT OCTAVUM.

*De Scientia Media ad examen revocata, ab alio Germano Philalethe Eupistino, novisque suffragiis exanthorata.*

Nu. I. **V**IDENS vir Religiosus ex Carmelitana (quantum discere potui) Familia, tot sparsas falsitates occasione Scientiæ Mediæ, falsò Germani Philalethis Eupistini vocabulò; existimavit se posse huic malo mædèri, si personatum homine vacuum, religiosius ageret: non enim existimavit sibi vitio vertendum, si hoc idem nomen assumptum, & falsitate ab alio tam segniter deformatum, sibi pro veritate manifestanda usurparet. Et cum novus hic liber meas in manus pervenisset, eodem titulo, eodemque Eupistini nomine, consuetà simplicitate illum evolvebam, illumque intuebar ceu Primum Eupistinum respicientem, dum cæcò accepi, hoc veri Eupistini obsequium, à falso, malo prorsus animo, acceptum, tanquam officium sibi valdè officiosum, quod idcirco multis ipse remuneraretur convitiis.

Porro præter cætera quibus hic Author utitur, argumenta, ad fucum Scientiæ Mediæ auferendum, ait *hanc esse inimicam Gratiæ, utpotè quæ eam faciat ex operibus dependentem.*

Et quia in rei veritate nequeunt Adversarii hanc dependentiam admittere, quin Apostolo contradicant: huic probro citius occurrunt, asserentes Gratiam non posse quidem, nec debere, ex operibus actualibus dependere; (alioquin Gratiæ, jam non esset Gratiæ, ut loquitur ipsemet Apostolus) sed nihil impedire, nullumque esse inconveniens, si ex prævisis operibus dependere dicatur; pro qua prævisione Scientia Media dicitur à suis Authoribus necessaria.

Verum, quis non videat hanc responsionem merum esse subterfugium è diametro oppositum D. Augustino? Ille enim lib. 2. contra 2. Epist. Pelag. hunc cuniculum prævidit & occupavit his verbis: *Quasi (inquit) non posses dicere (scilicet Apostolus) non ex presentibus, sed ex futuris operibus.... sed ait: Non ex operibus, ut Gratiam commendaret.* Fatendum est igitur, juxta sanctum Præsulem, subindeque secundum Ecclesiæ doctrinam (ut tot declarant Summi Pontifices) Gratiæ præ eminentiam semper esse observandam, Prædestinatosque tam ex mente Apostoli, quam Divi Augustini & Doctoris Angelici, Dei misericordiæ fuisse ab ipso electos, etiam ante mundi constitutionem; qui tamen nunquam consequentur gloriam, nisi ex operibus (non tantum præscitis, propter quæ nemo aut mercede donatur, aut supplicio afficitur;) sed reipsâ exhibitis, quibus gloriam tanquam iustitiæ coronam sibi repositam, iusti etiam de condigno possunt promereri. Quâ doctrinâ optime salvatur Primi Agentis prærogativa, ac ritè explicatur tota salutis nostræ æconomia, in qua ne segnes aut superbi efficiamur, de nostra salute continuò esse solliciti, illamque in timore ac

tremore operari, ac tota mentis intentione satagere, *nostram*, per bona opera certam facere vocationem debemus.

2. Prædicta egregiè confirmavit D. Augustinus, ac subterfugium prævisionis meritum; ad quod confugiunt Adversarii fœliciter occupavit lib. de prædest. S. S. cap. 14. ubi ait : *Si iudicarentur homines pro meritis suæ vitæ, quæ non haberunt morte præventi, sed habituri essent, si viverent: nihil prodest ei qui raptus est, ne malitia mutaret intellectum ejus, &c.* Et Epist. 107. *Quomodo, inquit, dicitur propterea quibusdam non dari, &c. Quia (Deus) eorum futuras prævidit voluntates, quas habituri essent, si viverent; cum secundum ea (quæ per corpus gessit) non secundum ea quæ gesturus esset, si diutius fuisset in corpore; unusquisque recipiat, siue bonum, siue malum, sicut Apostolus definit. Et quomodo secundum voluntates suas futuras homines judicantur, quas habituri fuisse dicuntur; si diutius tenerentur in carne, cum dicas Scriptura: Fœlices mortui qui in Domino moriuntur, Apoc. 14. quorum sine dubio certa & securæ fœlicitas non est, si & ea quæ non egerunt, sed acturi fuerant, si esset eis hæc vita prolixior, iudicabit Deus? &c.* Lege sequuntur, ut denique confitearis cum sancto Præfule, gratiâ Dei hominum voluntates præveniri, & per hanc eas potius præparari, quàm propter prævisum earum meritum dari.

Aliud hîc occurrit subterfugium pari facilitate aperiendum: *Si quis obmurmuret* (inquit P. Annatus, disp. 1. de Scientia Media, nu. 57. edit. Parisiensis) *quod in constituenda Divina gratia congruitate illa, paries esse aliquas dicamus creatæ libertatis, Augustinum appellet* (scilicet lib. 1. ad Simpl. q. 2. cuius est illa vox (ut velimus, & suum esse voluit & nostrum; suum vocando, nostrum sequendo

At ille poterat sibi persuadere, non defuturos, qui satis accuratè sanctum Præfulem legerent, sibi quæ satis cautè attenderent, ut nullatenus ipsis obiectio pro solutione obtruderetur. Si enim sincerè legisset ille Sanctum Augustinum, seu à se lectum tunc non dissimulasset, hujuscæ objectionis solutionem apud eundem reperisset libro 1. Retract. ubi ait : *Utrumque nostrum est* (scilicet velle & bene agere) *propter arbitrium voluntatis, & utrumque tamen datum est per spiritum fidei & charitatis: datum ergo, non redditum* (quid enim habes quod non acceperis?) *ut fusiùs cum sancto Præfule alibi diximus.*

Idem dixerat sanctus Præful, tom. 4. in expositione quarumdam propositionum. ex Epist. ad Rom. *Neque possumus velle, inquit, nisi vocemur; sed cum post vocationem voluerimus, non sufficit voluntas nostra, & cursus noster nisi Deus vires currentibus præbeat, & perducatur quod vocat.* Non aliter loquitur Pater ejus spiritualis Ambrosius, lib. 6. in cap. 9. Lucæ. *Qui vocantur, inquit, priùs vocando sanantur. Si claudus fuit, gradiendi facultatem, ut veniret, accepit. Quare, mi Eupistine, sic & animo ita obfirmato, respicere renuis?* Scias tibi satius & securius esse sanctum Præfulem sequi nobiscum, quàm ipsum reluctantem & invitum pertrahere; faciliusque apertam fateri veritatem, quàm velle toti mundo imponere, seu omnes homines excæcare; cui, ut legenti patebit, non minus adversatur Sanctus Augustinus, quàm Doctor Angelicus.

Verùm, quia pluribus non est pervia librorum copia, ut quæ sit sincera veri

Veri Eupistini circa Scientiam mediam sententia, omnibus innotescat; sufficienter ostendetur ex sequenti Censura. *In eo* (scilicet libro Scientiam Mediam ad examen revocante) *clare & invictè vidiprobatur, Scientiam Mediam ab omnibus rejiciendam, cum ut omnipotentia Dei parùm conformem; cum ut principis D.D. Augustini & Thomæ (quorum nuper Alexandro VII. fuere inconcussa, tutissimaque dogmata) evidenter repugnantem, atque concordem necessitatem Prædeterminationis physica in omni statu, & ad omnem altum, &c. Ita ut verè Thomam in Augustino, & Augustinum in Thomam loqui omnem cordatum Theologum agnoscere necesse sit. &c. Ita Duaci 1670. Iosephus de la Verdure sacre Facultatis Theologia Doctör, & Professor Regius.*

Huic publico testimonio addere possem alia Doctörum suffragia ex geminata totius Belgii Universitate, Lovaniensi scilicet & Duacena, Scientiam Mediam profligante: sed æquum non existimavimus Lectorem benevolum pluribus gravare suffragiis.



## CAPVT NONVM.

*Examen Scientia-Media tantoperè ab Eupistino commendatæ, cuius subterfugium aperitur, semelque admissa Adversariorum doctrina, circa naturam contingentium, illi, qui se dicunt libertatis creatæ Propugnatores, fient ipsius & increate destructores; qua in re, solenne habetur testimonium Extraneorum nulli partium addictorum; sed & laudantur cel. berriimi inslyta Societatis Iesu Aushores, Thomistarum vindicias agentes, etiam hac in parte.*

NU. I. **H**ACTENDS de testimoniis & thesibus ab Eupistino adductis, Hex quibus pro Scientia-Media, non nisi aridas palmas vanosque triumphos colligere potuit Eupistinus. In sequentibus hanc ipsam paucis in statera appendemus; nec dubito quin minus, minusque habens semper inveniatur. Et quia tot scatur defectibus ac nævis jam palam traductis à Thomistis, unum tantum subijciam argumentum in gratiam eorum in quorum manus nondum fortasse devenerunt opera eorum, qui Scientiam hanc Mediam fusissimè confutarunt: idque conformiter ad ea quæ diximus lib. 3. capitibus 8. & 9. contra Petrum à S. Joseph, de notitia contingentium, de quibus nulla habetur certa cognitio ante Dei decretum, quo à statu possibilitatis ipsa transeunt ad statum futuritionis.

Potro Scientia hæc Media, à suis Authoribus sic dicta (quia est inter scientiam simplicis intelligentiæ, quâ Deus omnia possibilia dicitur cognoscere; & scientiam visionis, quâ cognoscuntur ea quæ habitura sunt esse in aliqua temporis differentia) ab iisdem definitur: *Cognitio existens in Deo de futuris contingentibus & conditionatis antecederet & independenter ab omni decreto actuali & absoluto divina voluntatis.* Sed talis cognitio est impossibilis in Deo: Ergo & Scientia-Media erit quoque impossibilis. Major est Adversariorum. Minor verò probatur sic. Ante decretum divinæ Vo-

Ec

luntatis determinantis seu volentis extrahere res à statu puræ possibilitatis, & dare illis existentiam in aliqua temporis differentia, vel absolute, vel præsuppositâ aliquâ conditione, nihil omnino absolute vel conditionate futurum est; nec proinde ut tale, id est, ut futurum ab intellectu Divino cognoscibile. Ergo cognitio certa & evidens futurorum contingentium, ante voluntatis Divinæ decretum, nequit Deo competere. Consequentia per se patet; Antecedens verò probatum est ex iis quæ loco supra citato diximus de contingentium cognitione. Nam Dei decretum est primum determinans ipsius possibilitatis Primam Causam seu Principium, scilicet Dei Omnipotentiam, quæ, ut per se patet, est prima possibilitium Causa. Possibile enim est quid superius *ad futurum & non futurum*; sicut animal ad hominem & leonem: quare sicut illud quod determinat & contrahit rationem communem animalis ad speciem v. g. hominis, illam constituit; ita & illud quod determinat principium possibilitatis rerum; (scilicet Dei Omnipotentiam) est radix, prima causa, primumque principium futurationis illarum. Atqui tale est voluntatis Divinæ decretum, quia cum Deus sit agens liberum, non operatur ad extra, nisi ex libera determinatione voluntatis suæ; ac proinde eò indiget decreto ejus Omnipotentia, quæ ex se, est indifferens & indeterminata, ut res producat vel non producat, ut per se notum est: Et sicut nihil est possibile remotò Dei Omnipotentia; ita nihil est futurum remotò voluntatis Divinæ decreto: nam sublata causa, tollitur effectus per eam producendus.

2. Explicatur magis. Si ante Dei decretum res essent determinate futura (ut volunt Adversarii) vel hoc haberent à se ipsis, vel ab aliqua causa: At neutrum dici potest. Non quidem primum, quia sicut res non possunt sibi dare ut sint, ita nec ut futura sint. Alterum etiam dici non potest, quia ante Dei decretum omnes aliæ causæ sunt indifferentes ad agendum vel non agendum; & ipsa voluntas divina ante sua decreta est omnino indifferens ut rem aliquam producat vel non producat.

Et hoc non est minus verum de decretis conditionatis quàm de absolutis (licet magnum in hoc se habere præsidium existiment Adversarii:) nam æqualiter contradictoriæ sunt propositiones istæ, *Petrus convertetur, Petrus non convertetur*; & istæ, *Petrus convertetur, si in talibus circumstantiis ponatur*; & non convertetur, si in illis non ponatur. Ratio est, quia conditionata non minus pendent à voluntate Dei, quàm absoluta. Et sicut Authores oppositæ sententiæ non valent robur hujus argumenti infringere, ita nunquam potuere apud peritos vel fucum ullum facere, assertentes propositiones de futuro contingenti, ante Dei decretum, aliquam habere veritatem objectivam, in qua Deus futura contingentia, vel libera, certè cognoscatur. Non, inquam potuere; quia per prædictum argumentum demonstrativè probatur, nihil esse futurum determinatè ante decretum voluntatis Divinæ, ante quod res omnes sunt æqualiter possibiles: unde ergo aliquæ sunt futura, aliis remanentibus in statu possibilitatis, nisi quia Deus Opt. ex illo voluit eas educere? Fatendum est igitur esse meridianâ luce evidentius contra obfirmatam Antithomistarum doctrinam, nullas res habere esse futurum ex natura sua & ante Dei decretum; ac proinde evanescit hæc fictitia Adversariorum veritas objectiva ante hoc decretum; cuius veritatis

nulum tunc erat objectum futurum, sed possibile tantum (quod in ævum remanebit possibile, nisi Deo volente inde extrahatur : ) nam ex eo quod res est vel non est, propositio dicitur vera vel falsa ; & verum supponit ens, sicut omnis proprietas suam supponit essentiam à qua profluit.

3. Sed datâ Adversariis non concessâ, hac veritate objectivâ, hac ipsâ, illi qui se libertatis Patronos ac Defensores profitebantur, manifesti fiunt illius destructores. Nam veritas illa ( quæ juxta ipsos, est ante omne Dei decretum, naturaliter proveniens ex vi innata oppositionis contradictoriæ inter propositiones ex quibus dicunt unam esse determinatè veram, & alteram esse determinatè falsam ; ) est necessaria, ut per se pater ; nec consequenter subjacet primo omnis contingentix & libertatis principio, scilicet æterno Dei decreto, cum ( ut volunt ) sit ante illud & ab illo independentis, sed ut aiunt ex naturali oppositione contradictoriarum proveniens.

Explicatur. Si una ex propositionibus contradictoriis est ad veritatem determinata ante Dei decretum ; vel Deus per subsequens decretum potest irritare hanc determinationem decernendo oppositum, vel non. Si nequit Deus irritare illam, oppositum decernendo, ergo Divina libertas ligatur fatali illâ determinatione præveniente suum decretum, ac proinde stabilitur antiquum cæcæ Gentilitatis fatum. Si verò possit Deus per suum subsequens decretum irritam facere hanc determinationem, ergo ante illud decretum talis determinatio non erat adhuc certa & immobilis, sed anceps & indeterminata : quod intendunt Thomistæ.

Qua in re notandâ est differentia doctrinæ Divi Thomæ & Adversariorum. Quòd illi velint ex duabus propositionibus contradictoriis, unam esse determinatè veram, & alteram determinatè falsam. At sanctus Doctor ex principiis Aristotelis naturaliter cognitis, vult hoc quidem esse, sed indeterminatè, cum quo libenter fateamur talem esse inter propositiones contradictorias oppositionem ; ut si una sit vera, altera sit falsa, sed indeterminatè ; ita ut repugnet ambas esse veras, aut ambas falsas. At nulla est ex se, & maximè ante primum determinans, scilicet Dei voluntatem, determinatè vera : nam ex sola Dei voluntate provenit, ut ex infinitis creaturis possibili- bus, illæ tantummodò existerint, sint modò, vel aliquando futuræ sint quas Deus esse voluit : aliis relictis in statu puræ possibilitatis, ut dicitur Sap. 11. v. 26. *Quomodo posset aliquid permanere, nisi tu voluisses, aut quod à te non esset conservaretur ?* Vocat autem Deus ea quæ non sunt, id est possibilia ; quæ ex natura sua sunt indifferentia, ut sint vel non sint : ut autem determinatè sint, nec à se, nec ab ullo alio possunt hoc habere, sed à solo Deo.

Ex iis evidenter innotescit, quomodò æquè Doctori Angelico adversentur Authores oppositæ sententiæ, ac ipsi apertissimæ rationi, Scripturæ sacræ ac Bonitati Divinæ, erga quam, ut ritè notavit Typhanius, lib. de priori, hac in parte, Adversariorum opinione, *omnis nostræ gratitudinis affectus facile extinguitur.*

Non dubito quin vim ac robur hujus argumenti præsensisset Lector Collegii Aureliancensis, qui in Posit. 8. suæ Moralis Philof. hoc scripsit. *Existimavit olim Aristoteles ex duabus propositionibus contradictoriis ac singulari-*

Ec ij

*bus de futuro contingenti & libero, neutram esse determinatè veram aut falsam, ne tolleretur in rebus humanis consulario. At Christiana Philosophia docet unam ex dictis propositionibus esse determinatè veram, & alteram falsam.*

4. Certè veneranda unicè ac ubique Christiana Philosophia; sed hoc nomine illa indigna est, quæ non possit ( ut verbis utar sanctissimi Præfultis contra Ciceronem ) homines facere liberos, quin illos faciat sacrilegos. Et stupendum est, ut ipsemet alibi loquitur, *in quot abrupta se se precipitent, metuentes retia veritatis.*

Si enim Christiana tantum dicenda est Philosophia, quæ docet *unam ex duabus propositionibus contradictoriis esse, determinatè veram*: Ergo à fide Christiana ( quod absit ) fuit prorsus aliena D. Augustini Philosophia, perpetuo asserentis nihil fieri, *esse, aut futurum esse, nisi Deo volente, si bonum sit; vel fieri permittere, si sit malum*: Quia, ut idem ait in Enchir. cap. 100. *Non fieret si non sineret, nec utique nolens finit, sed volens; nec sineret bonus fieri malè, nisi omnipotens etiam de malo posset bene facere.*

Confirmatur ex D. August. to. 6. lib. 27. contra Faustum, c. 4. *Vtrum ( inquit ) futurum sit nescio; & idèd nescio, quia quid habeas de hac re Dei voluntas me latet; illud me tamen non latet, sine dubio futurum, si hoc Dei voluntas habet.* Legatur to. 2. Epist. 105.

Eodem quoque jure heterodoxa esset hac in parte tota Philosophia D. Thomæ docentis ubique neutram ex propositionibus contradictoriis contingentibus & futuris, esse determinatè veram ante voluntatis Divinæ determinationem, ut jam probavimus usque ad satietatem.

Legendus sanctus Doctor, locis citatis, & nominatim 1. p. q. 14 a. 9. ad 3. ubi ait: *Scientia Dei est causa rerum voluntate adjuncta; unde non oportet, quòd quæcumque scit Deus, sint, vel fuerint, vel futura sint; sed solum ea, quæ vult esse, aut permittit esse.* Item in primum sent. dist. 39. q. 1. ad 5. *Licet esse ( inquit ) & scire in Deo sint idèd secundum rem: tamen scire sequitur voluntatem ut imperatam ab ipsa.* Et de malo, q. 16. a. 7. in o. *Quia, inquit, unumquodque cognoscitur, secundum quod est in alio: non autem secundum quod est in potentia, ut dicitur 9. Metaph. inde est quod ea quæ sunt ad utrumlibet, non possunt cognosci in suis causis determinatè, sed sub dissensione; utpote quia erunt, vel non erunt: sic enim habent veritatem.* Item de verit. q. 2. a. 12. ad 7. *Cum dicitur, inquit, hoc est futurum, designatur ordo, qui est in causis ad productionem ejus.* Et in 1. Sent. dist. 38. q. 1. a. 5. dicit: *Deus videt ordinem sui ad rem, ex cujus potestate res erat futura.*

Et 1. p. q. 16. a. 7. ad 3. *Omne quod est, ex eo futurum fuit antequam esset, quia in causa sua erat ut fieret, unde sublata causâ non esset futurum illud fieri.* Item art. 13.

Certè hîc satis mirari non possum animum Adversariorum hac in parte nobis contradicentium circa veram doctrinæ Divi Thomæ intelligentiam. Legatur sanctus Doctor, 1. p. q. 14. tota, quæ est de scientia Dei, 1. Peri,

## S E C T I O I.

*Audiuntur nonnulli ex Societate Iesu, tam circa Scientiam Mediam, quam circa præstantiam doctrinæ Patris Molina, quam præfert Euphristinus doctrina Divi Thomæ.*

1. **P**ræfatorum S. Augustini & Divi Thomæ testimoniorum evidentiâ convicti, non solum antiquiores & doctiores Societatis Iesu Scriptores, quales fuere omnes laudati lib. 2. cap. 12. Stellæ Cassiopæ & sequentibus; sed & alii etiam recentiores, inter quos est Typhanius, inter ejusdem Societatis subtilissimos habitus, qui tamen Scientiam mediam non pluris facit, quam somnium dormientis, asserens lib. de Ordine, cap. 24. nu. 4. *nullum Theologum ante Molinam, ne per somnium quidem de Scientia Media cogitasse, neque eam ullibi, vel adhibuisse ad ullam sive Scripture sacra, sive Theologie Scholastica difficultatem expediendam.*

6. Quare merito jure dixit idem Typhanius supra laudatus; per prædictam hanc Scientiam Mediam facile extingui in animis hominum, omnem amoris affectum erga Deum, à quo maxime cavendum est: nam, ut ait D. Augustinus, to. 2. Epist. 120. Honorato c. 37. *Habet Gratia Adversarios, qui... non Deo tribuere, sed potius sibi volunt arrogare quod boni sunt.... & necesse est, inquit, ut parum diligat eum (scilicet Deum) qui non ab illo, sed à seipso bonum se arbitratur effectum.* At eò tunc dit Scientia Media, quâ volunt Deum prævidere bonum usum divinæ Gratiæ (qui inter maxima Dei dona annumeratur) & liberam voluntatis creaturæ determinationem, quæ est & aliud magnum Dei munus, & quidem majus eò quod creatura rationalis à Deo per creationem gratis acceperat, ut ait D. August. to. 7. lib. 2. de peccat. merit. c. 18. *Si nobis libera quædam voluntas ex Deo est, quæ adhuc potest esse vel bona, vel mala: bona verò voluntas ex nobis est, melius est id quod à nobis, quam quod ab illo est. Quod si absurdissimè dicuntur.* Lege totum, nedum caput, sed librum integrum.

7. Typhanio adjungendus est alius ejusdem Societatis Author celeberrimus, scilicet Baëza, tom. 3. lib. 15. sect. 7. ubi ait: *Laudo etiam sacrum Prædicatorum Ordinem, qui pro fide stans, ubi Ludovici Molina Societatis Iesu splendidissimi Theologi concordiam de libero arbitrio suspectam habuissent ad fidei Iudicem Pontificem detulit, & vel suspecta commata asterisco notans, coram tanto Iudice alacriter & fortiter pro fide propugnavit.*

Et nequæ ibidem sequuntur ex eodem Baëza videar dissimulare; utpotè quibus ipse plurimum adulari Molinæ & Thomistæ tacitò nomine videatur fugillare, ea non esse ejusdem Authoris, sed eorum, quos constabit ex hoc opere, & nominatim in ultima Appendice, sine scrupulo solère, non tantum suis ac nostris adicere aut detrahere Authoribus pro rerum opportunitate, sed etiam D. Thomæ, ut eos, suas in partes, etiam invitos & reluctantes quandoque possint pertrahere. Id apertè constabit ex tota Baëzæ doctrina de Gratia, quam hîc propugnamus, quæ non est minus Molinæ

Ec iiij



opposita, quàm lux ipsa tenebris: nec potest esse Divi Thomæ & Thomistarum doctrinæ, nec non Sancti Patriarchæ Ignatii & 20. Priorum ac doctiorum ejusdem Societatis Jesu Patrum, magis conformis quàm si esset de verbo ad verbum exscripta ex prædictis. Dixi prædicta non esse ex ipso Bæza: etenim dicendum esset ipsum lævâ destruxisse, quod dexterâ ædificaverat, sibi que ita enormiter contradixisse, ut nulla major aut turpior in ullo Authore reperta sit unquam exerratio (quod certè de tanto viro, pietate & eruditione singulari prædito, nemo suspicabitur) vel supposititia esse & ad placitum excogitata, ne Thomistis favere, illorumque doctrinam tueri videretur. Porro hac de re prudens lector judicabit. Opus probemus.

Ait Bæza parte prima lib. 6. sect. 9. tomo Lugduni edito 1636. pag. 381. *Cur tam celer Matthæus respondit Jesu vocanti?* An quia eo tempore vocatus est, quo ex se aptior erat ad respondendum? Absit. Immo de telonio vocatur, quando ipsi operi sedens incumberebat: quando magis fervebat opus; ne videretur Deus expeditionis & parationis egere; sed illius esse gratiæ homines & aptiri & expediri & viam capere, & cursum consummare..... Ibid. sect. 11. *Sanè si (inquit) aliquod tempus observandum esset, ut Christi lucrum fieret: latroni illi omne penè effluerat tempus salutis, & paululum quod supererat, multum erat acerbum & immaturum...* Ac denique ibid. ait: *Non est Dei Gratia ut cetera Matres, ipsa nihil indiger expectare, ante horam prævenit in maturitate:* Item tom. etiam Lugd. eodem an. 1636. edito lib. 5. cap. 15. sect. 3. pag. 496. *Et mirabar (inquit) quod tunc Christus volueris venire, quando temporum malitia plenior & potentior erat: & cur tanta malitia expectabatur, ut se nobis communicaret Dei Filius, nisi ut ejus benefica virtutis efficacia ostenderetur potens vel de pessimis hominibus sibi sanctissimum, Regalissimumque imperium asserere?* Aiebat D. Prosper lib. 2. de vocat. Gen. c. 15 (inquit Bæza) non priora, quasi incapacia, declinata sunt tempora; sed ista electa, quæ tales populos ediderunt, quorum ferox & voluntaria iniquitas non consulendi affectu, sed intentione saviendi persisteret facere, quæ manus Dei & consilium decreverunt fieri, ut mirabilior esset Gratia..... At, fremebant gentes (inquit D. Prosper ibid. & ab eodem Bæza laudatus) irascebantur populi: saeviebant Reges & Potestates contradicebant, superstitiones & totius mundi reluctabantur errores; sed de resistentibus, furentibus, persequentibus; populum suum Christus agebat. Legendus idem Bæza tom 3. Lugd. apud Boisslat edito an. 1636. lib. 16. cap. 3. sect. 1. ubi ait: *Quod Divina Gratia in nobis parturit, non tam ab humanis laboribus, quàm ab occultiori sit Dei virtute. .... Non tam opus arbitrii & diligentiæ humane, quàm opus occultissima Dei virtutis est.* Item tom. 4. etiam Lugd. apud Anisson 1640 lib. 8. cap. 2. sect. 39. Quid clarius pro doctrina D. Thomæ aut efficacius pro confutanda tota Molinæ concordia? Caveat ergo sibi lector ab immutatione facta loco citato, non ab ipso Bæza, sed aliorum solertia, quæ satis aperitur hic citatis laudati ipsius Bæzæ testimoniis. Et sanè mirum est quoddam tot viri prudentes & docti existimarent se se posse omnibus illudere, tamque incautè duas aut tres lineas submiserint, non prospicientes innumera esse ejusdem Authoris testimonia, quæ dolum me tacente aperirent: & quæ necessariò erant quoque auferenda,



ne ipsorum Authores contradictionis vitiò laborasse judicarentur: quod sanè de viris adeò eruditis nemo suspicabitur, vel ex eo solum quod pro tribus aut quatuor lineis (ut in præsentiarum) incautè ut dixi introduitis; plura sint alia eorumdem Authorum testimonia, sibi pro nobis perfectè cohærentia in expositione Scripturæ Sacræ, Sanctorum Patrum & Conciliorum ac nominatim ad sensum Divi Thomæ, quæ omnia nequiverint aliter explicare.

9. Hic non prætereunda occasio ostendendi falsum esse id quod nobis ab aliquibus impostum est in tomo posthumo Suaresii de Auxiliis, ubi dicunt Prædeterminationem Physicam favere hæreticis hujus temporis, id est Calvinistis: quod falsum esse fatetur ipse Societatis Jesu Defensor Pater Descamps lib. 2. de hæres. Janfen disp. 6 c. 9. edit. Paris. an. 1654. pag. 302. ubi ait. Verè mihi videor dicturus, nullos huic doctrinæ (scilicet Calvinianæ) In-  
fensiores reperiri, quam qui post natam Calvini hæresim ex S. Dominici Ordine, aliisque ejusdem Sacramenti Theologis majori eruditionis & ingenii laude floruerunt. Nam eadem est mens omnium quam Dominicus Soto exprimit.... Deinde laudat ex eodem ordine Petrum Ledesnam: Ca- bezudo: Bannezium: Alvarez: Medinam: Joannem Buderium: Franciscum Panigarolam Episcopum Astensem. Et ante prædictos ibidem jam laudaverat idem P. Descamps Franciscum Cumelium Ordinis B. Mariæ de Mercede, qui (inquit) *pugnacissimè omnium, Physicam Prædeterminationem defendit.* Ante præfatos eadem de causa laudaverat etiam idem P. Descamps pag. 189. Josephum à S. Maria & Cabreram, quem dicit *Physicæ Prædeterminationis Propugnatores nobilissimos*, nec tamen illius judiciò minus oppositum novæ opinioni Cornelii Janfenii: quod certè debebat os obstruere Magistro Philosophiæ, qui nec suos Authores nec nostros legit: aut quod pejus est, perpetuà dissimulatione laboravit: idque cum scandalo juventutis, cui tam falsa de insontibus inspiravit verbo & scriptis.

Prædictos sequitur de Lugo Cardinalis de pœnit. disp. 8. sect. 7. n. 169. *Salvatur ergo (inquit) propriissima libertas cum Prædeterminatione, si semel admittatur possibilis mutua illa prioritas & causalitas, quia pro illo priori, pro quo præcedit consensus Prædeterminationem, non intelligitur procedere à principio determinatio, sed solum à voluntate cum cognitione indifferenti: ergo intelligitur procedere à principio potente utrumque actum elicere.... Nam qui amat, habet pro priori concursum Dei ad odium: licet pro posteriori habeat amorem impossibilem cum odio: ergo licet pro posteriori signo sit Prædeterminatio ad amorem, poterit pro priori intelligi concursus Dei ad odium & per consequens pro eo signo intelligitur principium sufficienter indifferens ad utrumque actum.* Et factà objectione in contrarium sic huic satisfacit: *sed contra (inquit de Lugo) quia si conceditur mutua prioritas in diverso genere causæ, non est repugnantia in eodem, ut Recentiores jam ingenuè fatentur loquendo de possibili unde dicunt Prædeterminantes ita de facto esse, nec poterunt impugnari:* Hactenus Cardinalis subtilissimus.

Quod autem admittenda sit prædicta hæc mutua prioritas, ostendemus alibi cum Soto: cum doctoribus Facultatis Duacenzæ ac Lovaniensibus quibus potest adjungi ex eadem Societate Jesu Ripalda tom. 2. disp. 124. sect. 6. pag. 624. n. 43. *Esto (inquit) non repugnet ea mutua prioritas Physica.... Et*

nu. 30. in fin. *Ut aliqua qualitas* ) inquit ) *jure censeatur proprietas forme.* sufficit illi, necessariò connecti, ipsamque subsequi intentione, licet executione antecedar, ut arguere est ex calore ultimò disponente ad formam ignis. *At charitas cum gratia inseparabiliter connectitur, ipsamque semper intentione subsequitur, licet executione præcurrat:* quia prior est intentio infundendi gratiam, quàm infundendi charitatem, eoque charitas priùs infunditur ut tandem peccator mediâ contritione gratiam justificantem consequatur. Et nu. 31 Accedit (inquit Ripalda) S. Thomas 2. 1. q. 24. ar. 3. ad 1. asserens *Deum unicuique donare charitatem juxta dispositionem & preparationem sive conatum accipientis:* sed hanc etiam dispositionem vel conatum (inquit D. Thomas) prævenit Spiritus Sanctus movens mentem hominis, vel plus vel minus secundum suam voluntatem. Item 1.2. q. 112. ar. 2. in corp. Loquendo (inquit) de Gratia secundum quod significat Auxilium Dei movens ad bonum, sic nulla preparatio requiritur ex parte hominis quasi præveniens Divinum Auxilium: sed potest quæcumque preparatio in homine esse potest, est ex Auxilio Dei movens ad bonum. Ergo etiam ex hoc capite est aliqua præparatio proveniens ex Dei Auxilio movente, quæ tamen in genere causæ materialis est prior illo: ut cum Soto alibi declaravimus exemplo flatus venti fenestram impellentis. Item legatur ibid. ad 1. & ar. 4. ubi ait: *qui magis se ad Gratiam preparat, plenioris Gratiam accipit:* sed ex hac parte non potest accipi prima ratio hujus diversitatis, quia preparatio ad gratiam non est hominis, nisi in quantum liberum arbitrium ejus preparatur a Deo. legatur ibid. q. 109. ar. 6. & passim, & miraberis quomodo de hac mutua prioritate possint Adversarii dubitare, quæ vel sola in tuto ponit Thomistas, contra tam apertam falsitatem à tot annis tam falsò illis impostam, quod scilicet eorum de Præmotione doctrina lædat libertatem.

Quicumque legerit Historiam, quàm composuit Ripalda de Scientia Media in Suorum Gratiam: mirabitur fortè quod de hoc Authore hic fecerim mentionem: At hîc Historiam non ponderamus, (cujus judicium, ex his quæ dicemus, erit penes lectorem) sed Historiæ rationem, sive quâ de causâ, hæc disceptatio suscepta sit: istud enim sincerè aperuit Ripalda loco supra citato nu. 33. ubi ait, *Sub idem tempus Bannez & plerique alii ejus Discipuli in publicis disputationibus, privatimque sermonibus & scriptis, cæperunt notare sententiam istam Pelagianam, quod acerbè tulerint apud nostros malè tunc andruisse....* *Contra: Nostri (id est Jesuiste) ut notam Pelagianismi sua sententia vitarent: objiciebant opposita notam Calvinismi: ex quo notatum velim, quò animo (hujus Authoris testimonio) objecta sit Dominicanis tetra Calvinismi nota.*

Quò verò Dominicani in doctrinam Molinæ insurrexerint, aperit ipse Ripalda, eadem sinceritate pag. 528 editionis citatæ n. 85. *Negotio illo, quod Patres Predicadores Provincia Castellæ Catholica doctrina retinende studio ac Zelo commoti, agebant in Hispania adversus multa contenta in dicti Patris Ludovici de Molina Societatis Jesu: potissimum in libro de Conserlia Gratia & liberi arbitrii, quem veram, sanamque doctrinam, minimè reolere putaverant, ad hanc Sedem devoluto: ejusdem Sanctæ Sedis judicium ac definitionem cupiebamus.* Scio hujus Authoris sinceritatem non placuisse multis: sed Divinâ providentiâ id factum esse existimo: ut innotesceret notam Calvinismi

Calvinismi Thomistis objectam, esse contra propriam eorum mentem qui sic loquuntur: à qua D. Thomæ doctrina est alienissima, non solum Cardinalis de Lugo testimonio vel ex sola distinctione quam cum ipso admittit Ripalda: sed etiam iudicio omnium Patrum Religiosæ hujus Societatis, qui floruerunt ante hujusmodi dissidium: quod certe nullum potest ferre præjudicium veritati tam apertæ, qualis est Præmotio, pro quâ militant Thomistæ. Nemo igitur vertet vitio, quod ut Ripalda fatetur solo Catholica doctrina retinenda studio ac zelo à Dominicanis factum est, qui libenti animo patientur Molinæ doctrinam quandiu Ecclesia eam tolerabit, quæ certe non ita favet Religiosæ huic Cohorti, quin ex ea non pauci vellent plura numquam scripta esse à Molina. Et in hujus rei fidem, alia quædam proferre possem ex Mariana, ejusdem Religiosæ Societatis Autore, qui à Compilatore Baronii dicitur, *Scriptor celeberrimus*; & ab ipso Baronio tom. 9. ad annum 775. *Rerum Hispanarum nobilis Historiæ, vir doctus & pius*, quæ duo his quæ post ipsum & ex ipso dicemus, singularem conferre possent Authoritatem. Sed hæc interim sufficiant, donec plura à nobis exigit Eupistinus.

## SECTION II.

*In qua dirimitur curiosa questio de Scientia Media: deque illius origine, examine, mente D. Augustini circa illam & D. Thomæ, aliisque scitu dignissimis.*

Nu. 12. **S**uperest aliud Testimonium, omni exceptione majus, alienissimum ab omni studio partium, quoad Scientiam-Mediam, pro qua stabilienda tantum tandiuque insudasse dicitur Henao: quod proinde majorem apud omnes authoritatem habere debet. Porro hoc desumitur ex Religiosis & doctissimis patribus Salmanticensibus in 1. p. tract. 3. disp. 10. dub. 3. sect. 2. n. 67. *Primum est* (inquit hæc vox Multitudinis) *quod cum primò Molina librum suum de concordia gratia cum libero arbitrio in lucem edidit, in quo novum Scientia-Media nomen & peculiarem, ratione illius modum conciliandi efficaciam divinarum prædefinitionum cum libertate creata typis mandavit; statim apud Summum Pontificem juridicè accusatus est: & licet de aliis delatus fuerit, de eis tamen in presenti (ut omni ex capite decreto Sanctissimi Domini Pauli Quinti pareamus) nihil prorsus, sed solum de eo, quod circa Scientiam-Mediam ab eodem Molina typis mandatum, contigit.*

*Igitur delata causa ad Clementem VIII. designati ab ipso fuerunt triginta ad minus gravissimi viri, inter quos alii Cardinales, alii Episcopi, alii Regulares erant: ut omnes hi, eodem Summo Pontifice pro Tribunali sedente, tanquam Consilarii & testes assisterent: cumque negotium per aliquot sessiones sic pertractatum, & tractatum fuisset ut argumenta à ratione, petita; similesque responsiones in medium adducerentur: compertumque esset, nihil hæc viâ concludi, quia dialecticis & metaphysicis terminis ac distinctionibus omnia obscura & incerta reddebantur: decrevit Spiritus Sancto, ut par est crea-*

FF

dere, suggerente: *Clemens Summus Pontifex, ne deinceps causa hæc Catholica rationibus à lumine naturali per naturales scientias subministratis, tractaretur: sed solis Divi Augustini & D. Thoma testimonio, utpote non aliunde quam ex limpidiſſimis Sacra Scriptura, Traditionum, Conciliorum & Sanctorum Patrum fontibus deſumptis, aut ex illis reſtè deductis.*

Secundò notandum eſt, quod cum factò hoc Decreto Patres Societatis ſe rationibus naturalibus deſtitui & ad ſola teſtimonia Divi Augustini & fide-liſſimi ejus Diſcipuli D. Thoma Aquinatis aſtringi cernerent: coacti ſunt eò ſe convertere, ut niterentur oſtendere Scientiam Mediam eſſe de mente utriuſque Sancti Doctòris, quamvis Molina in ſuo libro (pro cuius doctrina defendenda convenerant) ingenuè fateatur oppoſitum, nempe prædictam Scientiam-Mediam non eſſe de mente S. Augustini, ſed ei ignotam, & ita deinceps anxie curarunt prædictam Scientiam Mediam & efficaciam divinarum Prædefinitionum per illam regulandam D. Augustino & Doctòri Angelico fuiſſe notiſſimam, multoſies aſſertam, & clariſſimè traditam, aut ſaltem non eſſe doctrinæ horum Patrum contrariam, aut diſſonam.

Vnde ſummo ſtudio (ut par erat) plurima & diverſa teſtimonia Divi Augustini & D. Thoma in medium toto illo, non parùm longo, ut jam dicemus tempore, coram Summo Pontifice & triginta graviffimis viris pro Scientia-Media protulerunt, & credibile valdè eſt, teſtimonia ſelectiora & que in omnibus operibus utriuſque Sancti Doctòris poſſunt reperi, ab eis oblata eſſe, & eximio ingenii acumine ad intentum probandum deducta, expenſa & ponderata fuiſſe. Quoniam ad id ex Patribus Societatis designati fuerunt graviffimi & doctiſſimi Theologi, maximoque ingenii acumine pollebentes, inter quos præcipuus fuit P. Gregorius de Valentia, vir erudiſſimus & in Sanctorum Patrum lectione valde verſatus, ut egregia ejus opera in totam Summam D. Thoma ſatis reſtantur. Cui, ut ſocii dati ſunt eximii alii Theologi ex eadem Societate, ut P. Petrus Arrubal: P. Vaſtida: P. Salas & alii: quotique ad illum mittebantur, (ut ſas erat) tam manuſcripti, tam etiam impreſſi de hac materia codices, ab eminentibus, quibus Sacra Societas tunc efflorebat, ſemperque floruit & florebit, accuratè compoſiti, nota hoc Amice lector: ſicut etiam ex oppoſita parte, plura etiam egregia Augustini & Doctòris Angelici teſtimonia adducta ſunt, quia ad hoc eximii & graves Theologi ex Dominicanæ Familia deſtinati fuerant, inter quos aſtiterunt P. F. Thomas de Lemos vir maximè ſapientià præditus & in doctrina D. Augustini & D. Thoma inſigniter verſatus: quem Magiſtri F. Franciſcus de Avila & F. Ioa. González inſignes Theologi, comitati ſunt, quos alii non inferiores, quibus Dominicanæ Familia ſemper abundat, tam viva voce, tam ſcriptis fovebant: & ex toto Ordine, præſertim ex Hiſpania, ubi primùm controverſia hæc exorta eſt, multa & doctiſſima manuſcripta ab aliis peritiſſimis Magiſtris mittebantur.

14. Tertiò notandum eſt, quòd in utraque parte hinc inde pro ſe allegante & diverſa D. Augustini, & Angelici Doctòris teſtimonia in ſui favorem, præſerente, longum diuturnumque tempus in huius cauſa diſcuſſione, probatione, & ut ſic dicamus, litis conteſtatione, conſumptum eſt. Nam circa hoc, habuit ſunt quamplures Seſſiones ſub utroque Pontifice Clemente VIII. & Paulo V. adſtantibus triginta illis graviffimis viris, & ex

omnibus illis, uno vel altero excepto, cuncti alii eam sententiam protulerunt: nimirum, nec Augustinum, nec Doctorem Angelicum ullâ ratione docuisse Scientiam Mediam seu conditionatam, per quam Deus prævideat consensum v. g. voluntatis humana ut infallibiliter futurum, antequam actum habeat decretum efficax de illius futuritione; sed potius utrumque Doctorem sanctum prædictâ Scientiâ refragari, & absolutas præfinitiones Dei, independentier à prædictâ Scientiâ, & salvâ libertate creatâ, docuisse.

Quæ omnia ( inquit hi Patres Religiosissimi ) non ex proprio Marco adinvenimus; sed ea, à viris gravissimis, omni deceptione majoribus; de quorum veritate, nulla suspicio suboriri cordatè potest, accepimus. Quia tamen oppositus rumor ab aliquibus sparsus fuit, propterea ut omnis deceptionis mortale periculum, quantum in hac parte fieri potest, fugeremus, in Romani Curia penitentiâ diligentiam & sollicitudinem ad hoc examinandum adhiberi curavimus, & diligentia ista adhibita comperimus rem ita se habere, sicut à gravissimis illis viris acceperamus: idque Romæ novissimè testatus est insignis quidam Theologus, qui omnibus Congregationibus à nobis recensitis attentissimè interfuit, & cuncti in eis acta diligenter notavit: & ne oblivione deleterentur, illa scriptis fideliter commisit, quique non solum maxima sapientia, sed egregiis virtutibus aded floruit, ut post obitum suum plura ediderit miracula: & ut ejus testimonium adhuc firmitus & omni exceptioe majus maneat, testimonium virum istum gravissimum octo diebus ante suum obitum, & antequam in morbum quo vitam finivit, incidisset, ac proinde dum in sacra Theologia & sanctitate maximè vigeat, ea quæ diximus, ingenùè factum esse. . .

15. Ex quibus omnibus sequens deducitur ratio. Quoniam difficillimum creditur triginta illos viros adeo gravissimos unâ cum summo Pontifice, ita insensitè & per longum tempus, per tot Sessiones, omni passione ( ut par est, de dictis viris credere ) semora; & hinc illinc expensis, selectioribus Augustini testimoniis pro utraque parte, non solum ea expensione, quæ ab eximii Theologis adhibebatur, sed etiam addendo eis sæpe novas vires ex majori expensione, quæ unicuique ex his triginta viris pro sui ingenii acumine, & scientia occurrere poterat: difficillimum ergo creditum est triginta hos gravissimos viros simul cum Summo Pontifice, sic indigitasse mentem D. Augustini quoad Scientiam hæc Mediam, & quod nihilominus eam affectum non fuerint. At omnes illi ( nota, Lector, ) uno vel altero excepto, convenerunt cum Summo Pontifice non esse dandam prædictam Scientiam Mediam: ergo signum valdè urgens est, Augustinum non approbasse, sed potius reprobasse prædictam Scientiam. . . . Lege ibid. quam illi addunt confirmationem, quæ nullum dubitandi locum relinquere potest: ad quam accedit adhuc hæc sequens.

Confirmantur prædicta omnia ( inquit ) nu. 72. ex eo quod aliqui viri docti & Religiosi ( quos Lectores Theologiae Salmantica & Compluti in suis Collegiis agnovimus & consulimus ) nobis ingenùè aperuerunt, se aliquando Scientia Media additis, ejusque ( ut sic loquamur ) odore imbutos, coloreque affectos, lectioni Augustiniana ex professo vacasse, ut ex ipso tanquam ex fonte mentem ejus haurirent, ipsiusque testimoniis Scientiam illam Mediam confirmarent: ex prædictâ tamen lectione manifestè agnovisse Augustinum prædictâ Scientia valdè adversari, & pro opposita sententia stare. Et ideo antiquam illam sententiam de Scientia Media, quam ipsi imbuerant

deposuisse, aliamque ei oppositam, quam antea respuebant, amplexatos fuisse; quia manifestè cernebant hanc, & non illam ubique Augustinum profiteri.

Quantum verò ad Tridentinum spectat, lege quæ ibidem sequuntur, & sine dubiò miraberis, qui possint vel audeant Adversarii pro se Tridentinum citare, vel de ejus mente dubitare, vel Salmeronem in suum consortium revocare, quantum spectat ad Scientiam Mediam.

Sed ad propositum redeamus. Nam hîc adhuc duo breviter attinguntur, quibus Adversarii hætenus incautos ludificati sunt, quos in parte fideliter sequutus est Eupistinus. Primum quod dicunt & præcipuum est, quod scilicet ex Prædeterminatione peccatum foret (quod abest) Deo Opt. impudandum. Alterum, quod ipsamet Prædeterminatio læderet liberum arbitrium. Quare sit



## CAPUT DECIMUM.

*In quo, unò argumentò conficiuntur præfata duo monstra ab Adversariis conficta, quibus hætenus incautos deterruere à sequenda Divi Thomæ doctrina, ubi & Authoritate Tridentini intacta ostenditur libertas creata sub ipsa gratia efficaci, ac subinde sub Promotione physica.*

NU. I. **H**OC argumento ex duobus tantum D. Thomæ testimoniis deprompto, divinæ operationis efficacia satis exprimitur; quæ semel stabilita, ritèque intellecta, corruunt omnia Adversariorum argumenta, quibus ostendere videbantur præfata inconvenientia esse metueda, ex præfata D. Thomæ doctrina.

Primum D. Thomæ testimonium habetur de verit. q. 23. a. 5. ubi ait: *Divina voluntas est agens fortissimum; unde oportet ejus effectum ei omnibus modis assimilari, ut non solum fiat id quod Deus vult fieri, quod est quasi assimilari secundum speciem, sed ut fiat eo modo quo, Deus vult fieri, vel necessariò, vel contingenter; citò vel tardè.*

Alterum legitur 1. p. q. 19. a. 8. ubi sanctus Doctor sic loquitur: *Cum voluntas divina sit efficacissima, non solum sequitur quòd fiant ea quæ Deus vult fieri, sed quòd eo modo fiant, quòd Deus vult fieri.* Id est, vel necessariò, vel liberè, quæ de causa (ut alibi diximus) Deus quibusdam causas necessarias præparavit, ut necessariò agerent. Aliis verò liberas aptavit, ut & liberè possent agere.

Porò ex prædictis Divi Thomæ testimoniis, sic formatur argumentum. Causa efficacissima præmovens ad agendum agens liberum, nullo modo potest esse causa peccati aut defectus, qui in illius actione reperitur, aut ejus nocere potest libertati: Sed Deus est causa efficacissima, ut patet ex citatis Divi Thomæ testimoniis, præmovens creaturam rationalem ad agendum, ut libro integro ostendimus. Ergo non potest Deus esse causa peccati, si aliquid esse contingat ex aliqua operatione rationalis creaturæ.

Major propositio, in qua una potest esse difficultas, probatur & explicatur quoad primam partem, scilicet quod non possit Deus esse causa peccati seu defectus in actione creaturæ reperti. Quod major est alicujus Agentis virtus seu activitas, eò purior est à potentialitate & à defectu remotior, qui in ejus operatione aut effectu reperitur. Quia hæc virtus seu activitas ex se nihil attingit in eo effectu, nisi id quod perfectionem & actualitatem participat, & à defectu recedit, ut fuse probavimus lib. 1. cap. 2. *Nova stella.* Rursusque magis declaratur ex Angelico Doctore, 1. p. q. 19. a. 8. exemplo patris, in quo si fuerit virtus fortis & perfecta, nascitur ei filius perfecte similis, non solum quoad speciem, sed etiam secundum accidentia. Omnis verò defectus seu dissimilitudo, non nisi ex imperfecta virtute, quæ in ejus erat semine, oritur. At virtus divina est efficacissima. Ergo impossibile est ut sit causa defectus seu privationis debite rectitudinis, quæ reperitur in operatione aut effectu rationalis creaturæ.

Quis autem in infinita Dei virtute, ullum possit defectum concipere? Quæ si esset ab ipso, quantum ipse potest, applicata creaturæ, ipsa nunquam deficeret, sed eam redderet Deus impeccabilem, sicut reipsa reddidit Christi humanitatem.

2. Nec prædictis obstant quæ à Deo fiunt in rebus ad decorem Universi, & prout ipse est Author & Provisor universalis: immanè enim hæc duo ab invicem distant: quod scilicet Deus plus vel minus creaturas suas moveat, tam in ordine naturæ, quam in ordine Gratiæ, secundum justum æternæ fux Sapientiæ judicium; & quod ex ejus motione, defectus oriatur in rebus: hic enim sibi cavendum est, ab hac quæ dicitur *fallacia non cause sed causæ*. Nam duo sunt torò cælo differentia, nimirum quod reperitur aliquis defectus in operatione vel effectu creaturæ à Deo prænotæ ad agendum; & quod defectus, ex tali motione Dei oriatur. Primum enim non raro verum est; alterum verò semper est à veritate alienissimum. Quia, ut ritè ait D. Thomas, locò supra citatò, lib. 1. Stell. Cassiop. cap. 11. *Ars non est principium alicujus defectus in rebus arte-factis.* Seu ut ait 1. 2. q. 57. a. 3. ad 1. *Cum aliquis habens artem operatur malum artificium, hoc non est opus artis, immò est contra artem: sicut etiam cum aliquis sciens verum, mentitur, hoc quod dicit, non est secundum scientiam, sed contra scientiam.*

At Verbum (inquit D. Thomas) quod omnia facta sunt, & sine quo factum est nihil, & sine quo nihil omnino facere possumus, non solum est, ut habens artem, sed est essentialiter *Ars Patris, plena rationum viventium, quas dum agit, imprimis rebus singulis*, ut post D. Dionysium loquitur D. Thomas. Ex quo satis patet quomodo defectus ex motione Dei minimè oriatur, sed ex voluntate creata deficiente.

Et quamvis defectus, non nisi in aliqua entitate reperitur (sicut nec cæcitas, nisi in animali) quæ esse non potest, nisi ab Agente, sine quo nihil est: non tamen licitum est utrumque Deo, entitatem scilicet & defectum tribuere, ut patet tum ex dictis locis citatis, tum ex sequenti testimonio Angelici Doctoris in cap. 10. Joa. lect. 7. *Caiphe autem, nec mentem (scilicet Deus) illuminavit, nec imaginationem; & idè ejus mens & imaginatio ad malum incerta mansit: movit tamen linguam ejus, ut proferret modum, quod salus populi impleretur.*

Sancto Doctore conforme est sequens Divi Chrysostomi testimonium ; homil. 64. *Vide*, inquit, *quantum sit virtus Spiritus Sancti : à mente enim mala, valuit verba proferre Propheta . . . ore solum usa est, Gratia corcontaminatum non tetigit.* ubi os illud aureum ostendit Gratia efficaciam, attingere solam rationem entis, non verò defectum seu debitæ rectitudinis privationem, quæ cum sit extra sphaeram activitatis ( si sic loqui fas est ) divinæ Omnipotentia, & extra lineam eutis : hunc defectum longè minùs potest Deus attingere, quàm oculus corporis videns colorem poni, possit illius saporem aut odorem percipere.

3. Nemo igitur ex entitatis productione inferat causalitatem privationis, quæ non magis esse possit à primo Agente, quàm tenebræ causari possint à Sole. Legendus sanctus Doctor de Malo, q. 3. a. 1. ad 4. Et in D. Dionysium, cap. 4. de divinis Nominibus, lect. 13. sub finem; ubi inquirens quomodo Deus, cum sit bonus, valuit producere malum; ait : *Si voluit malum facere, quomodo potuit? Non enim calidum potest infrigidare, &c.* Quod rursus expendit sanctus Doctor his verbis : *Malum non potest esse ex bono; & si esset ex bono, non esset malum: unum enim contrariorum non est causa alterius . . . Ex quo sequitur ( inquit ) quod bonum est causa solum existentium, & quid malum nullius existentis causa sit.* Rursumque, *Malum, inquit, non est in existentibus, quasi de numero existentium, aut pars aliqua aut proprietas existentis, sed magis ut recedens.* Id est, ut defectus qui provenit ex infirmitate seu imperfecta virtute agentis, ut allatò patris exemplò diximus.

Id ipsum confirmari potest ex D. Augustino, lib. 1. de Ordine, cap. 7. *Ut malum nasceretur ( inquit ) non utique Dei ordine factum est, sed cum esset natum, Dei ordine inclusum est.* Quod certè debet sufficere ad obstruendum os quibusdam diffamatoribus doctrinæ Divi Thomæ, qui ex eo quod cum ipso dicamus à Deo creaturam præmoveri ad omne quod bonum est; dicunt consequenter etiam ipsum præmovere ad peccatum, quod est magis impossibile, ut dictum est, quàm tenebras produci à Sole. Peccatum enim est privatio debitæ rectitudinis in actu libero, seu defectus: ( non verò effectus ) nam deficit creatura peccando, non efficit. Ad defectum (cujus voluntas creata, diabolo suadente, est prima causa, quatenus ex nihilo creata) nullus requiritur Dei consensus; nec potest Deus dici causa defectus seu peccati, sicut nec Regula rectissima, quam dum non sequeris, & à qua voluntariè aberras, educendo lineam, potest dici causa curvitatæ seu obliquitatæ ejusdem lineæ. Unde ritè dixit D. Augustinus, librò citatò de Ordine : *Non Dei ordine natum est malum, sed quando natum est ( scilicet ex creata voluntate ) Dei ordine inclusum est, ut ex malo bonum aliquid educeretur à Deo: v. g. gloria Martyrum ex persecutione & nequitia Tyrannorum; & redemptio generis humani, ex passione Christi & severità Judæorum.*

4. Querunt hinc nonnulli cur Deus Optimus aliquos cadere sinat, cum impedire possit : & cur non semper conferat gratiam efficacem, quæ est sufficienti perfectior ac potentior, quàm invictè agerent homines quod beneplacitum est illi; idque absque ullo meritum detrimento, cum sub hac gratia quantumvis efficaci adhuc essent liberi, ut docent Antithomistæ ?



Non est nova hæc obiectio, sed jam aliàs facta Sancto Prospero, ut ipse testatur lib. & cap. 1. de vocat. Gentium: *Quæritur, inquit, cur hoc donum, sine quo nemo salvus est, ab eo qui omnes salvari vult, non conferatur?*

Eandem moverat difficultatem S. Augustinus, lib. 11. de Genes. ad litt. cap. 9. ubi loquens de primis Parentibus, ait: *Cur eos creavit, quos tales futuros esse præsebat.*

His ergo ex S. August. to. 3. de Genes. ad litt. lib. 11. c. 10. faciemus satis: *Possit (Deus) etiam, inquit, ipsorum (id est malorum) voluntatem in bonum convertere, quoniam Omnipotens est. Possit planè. Cur ergo non fecit? Puto autem paulò ante satis nos ostendisse, non parvi boni esse rationalem creaturam, etiam istam, quæ malorum comparatione caret malum. Quod genus bona creatura non esset, si omnium malas voluntates in bonum Deus convertisset, & nulli iniquitati penam debitam infligeret: ac sic non esset, nisi solum illud genus, quod nullà vel peccati vel supplicii malorum comparatione proficeret. Ita velut aucta numerositate excellentioris generis, ipsorum generum numerus minueretur. Itaque dicendum est cum sancto Præsule, quod etiam alibi apud ipsum me legisse memini. Certum est oculos v. g. esse facultates longè perfectiores quàm aures: & tamen nullus nasci vellet cum quatuor oculis, & duabus carere auribus. Item multis perfectionum gradibus præstat calcaneo oculus: & tamen non esset bonum in corpore humano (inquit Doctor Angelicus) si tantam haberet subtilitatem ac teneritudinem calcaneus, quantam habet oculus. Igitur & injustè conqueruntur homines, quod Deus Opt. gratiam non semper conferat efficacem, sufficienti perfectiorem, quàm posita nullus caderet, etsi cadere posset; quia nullus esset locus creaturæ, quæ malorum comparatione proficeret: seu ut ait sanctus Præsul supra laudatus: *Aucta numerositate excellentioris generis, ipsorum generum numerus minueretur.**

Qui plura voluerit, his ac similibus querimoniis & quaestionibus sapiendis maximè concinna; legat sanctum Præsulem in Enchir. c. 27. to. 3. Item to. 5. lib. 11. de Civit. c. 18. quæ brevitatis causâ omittimus.

5. Quantum autem ad alterum, nempe ad libertatem creaturæ, quam debemus servare illæsam, etiam sub Præmotione: certè non videntur unquam legisse D. Thomam, qui hoc audent vel in dubium revocare. Ipsum ergo saltem hac vice auscultent 6. Metaph. lect. 3. in fin. ubi ait: *Voluntas divina est intelligenda ut extra ordinem entium existens, veluti causa quædam profundens totum ens, & omnes ejus differentias: sunt autem differentia entis, possibile & necessarium; & idcirco ex ipsa voluntate Divina originantur necessaria & contingencia in rebus.*

Ex quo patet quomodo causis liberis Dei Prædeterminatio nunquam imponat inevitabilitatis necessitatem, sed libertatis inevitabilitatem, cum sit vera illius causa, & quidem ita efficax, ut in iis quæ absolute Deus intendit efficere, ejus intentio non possit deficere. Quis enim sibi persuadere valeat causam aliquam ex se radicaliter & immediate libertatem profundere & efficere, & ipsius esse destructivam? Porro libertatem creatam etiam actuale, esse à Deo, tanquam à Prima Causa Efficiente, quis negabit nisi Hæreticus? Sicut igitur non stat prædestinatum damnari, quam-

vis damnari possit : ita non stat à Deo aliquem præmoveri, seu efficaciter prædeterminari ad operandum liberè, & ipsum non liberè operari & agere. Neque possibile est causam aliquam concipere ( qualis est Deus Opt. ) quæ non tantum libertatem, quantum ad substantiam producit, sed & ipsum quem actu habet, dum agit voluntas creata libertatis modum; quin actu unoque intuitu concipiatur intacta libertas creata, tam radicalis quam actualis. Si enim, ut ait D. Augustinus lib. 2. de cor. & gra. c. 18. to. 7. *Nobis libera quadam voluntas ex Deo est, qua adhuc potest esse bona vel mala : bona verò voluntas ex nobis, melius est id quod à nobis, quam quod ab illo est; quod, inquit, absurdissimè dicitur.*

Nec quidquam novi hac in parte contra nos comminiscuntur Adversarii, quod olim ab Hæreticis objectum non fuerit, quibus os obstruxit D. Prosper de ingratis cap. 21. hunc in modum.

*Hoc itaque arbitrium, cum sanat Gratia, tolli dicitis, & perimi visâ aspirante, putatis. Quid mirum rabido si corde phræneticus ager, morbum amat & pellit Medicum? &c.* Seu, ut ait lib. contra Collatorem c. 6. *Non est periculum, quod ex gratia Dei voluntas auferatur, cum in ipsa bonum velle generatur. Sed quomodo generatur? Domino dante benignitatem, sine qua nullum fructum daret terra nostra : sive Deo agente actuali auxilio gratiæ, quò fit ut agamus sicut & dono gratiæ habitualis, verè dicimur agere posse. Quomodo enim ( inquit D. Augustinus contra secus sentientes, lib. de Gratia Christi, cap. 25. ) quod possumus benè agere, Dei est; quod autem agimus, nostrum est? Rationem assignat D. Thomas, 1. p. q. 83. a. 1. ad 3. *Licet voluntas sic causa sui motus, non tamen est causa prima; & ideo priorem causam se moventem supponere potest, quæ non ladit, sed causat motus voluntarios, sicut & naturales.* Non tantum igitur causat Deus potentias & facultates, sed etiam potentiarum & facultatum motus & operationes. At omnis causa est prior effectu.*

6. Denique quia nullum habere possumus majoris ponderis argumentum quam ex Tridentino : & sicut ex illo evidenter probavimus lib. 2. Stellæ Cassiop. cap. 9. Prædeterminationem : ita ex eodem hic efficaciter demonstrabimus sub illa remanere intactam creaturæ rationalis libertatem : hoc argumento.

Eò ipsò quod voluntas creata, ut physicè ad unum præmota dissentire potest, si velit; hòc ipsò etiam manet libera. Sed ex Tridentino voluntas creata physicè ad unum præmota & prædeterminata, dissentire potest, si velit. Ergo ex Tridentino manet voluntas libera, etiam sub Præmotione physica. Major probatur ex Trident. sess. 6. cap. 4. asserente liberum arbitrium etiam ut motum & excitatum posse adhuc dissentire si velit. Sed ibi loquitur Concilium de libero arbitrio moto Præmotione physica. Ergo juxta mentem Concilii manet voluntas libera ut physicè præmota, & potest dissentire si velit. Minor etiam probatur. Concilium docens liberum arbitrium à Deo motum, posse si velit dissentire : hoc dixit contra Hæreticos nostri temporis, ex quibus nullus unquam, ut fateatur ipse Suarez, negavit motionem moralem; alijs semetipsos communi omnium mortalium irrifioni exposuissent, omnem evertentes Philosophiam solo vel sensu communi omnibus notam, asserentem, *nihil esse amatum, nisi præcognitum.*

Nostram

Nostram Conclusionem fasè probat ipse Suarez quoad substantiam, p. 2. lib. 5. cap. 37. ubi prædictâ ratione convictus, palam fatetur, Tridentinum loqui de Gratia efficaci. Secûs ( inquit Suarez ) diceret Calvinus, quâd licet posses ( scilicet liberum arbitrium ) abjicere inspirationem, non verò aliam motionem : & idè non libèrè consentire. Additque idem Suarez ibid. Hinc ergo concludo Concilium loqui etiam de Gratia efficaci.

7. Defendunt ergo Thomistæ libertatem creaturæ, sed eò, quò par est modò : nam peccant per defectum, qui libertatem destruunt ; nec minus graviter delinquant per excessum, qui eam nimis extollunt.

Consulant Sanctos Patres Adversarii, ut ab ipsis discant quòd, homines impulerit hæc nimia ambitio libertatis, nimirum usque ad negandum Deum, vel saltem perfectam illius providentiam, teste Psalmistâ : *Dixit insipiens in corde suo : Non est Deus.* Et rursus : *Viduas & advenas interfecerunt, & dixerunt : Non videbit Dominus.* At primus insipiens ( inquit Chrysost.) fuit diabolus, qui primus in Paradisi deliciis existens, veræ libertatis creaturæ jura temeravit, dum suam, ut ostendimus contra Fuliensem, nimis efferre tentavit.

Discant igitur Adversarii medium sequi nobiscum, quod tenuere B:ati, suamque libertatem non æquare libertati increaturæ, ne & ipsi sint ex eorum numero, qui existimant ( inquit D. Augustinus ) se non esse liberos, s; vel Deum ipsum, habeant Dominum.

## SECTIO UNICA.

*Vindicta Thomistarum ex ipso P. Annato, etiam contra hæreticam sensûs compositi & divisi expositionem; ubi iidem quidpiam aperitur maximè ponderandum circa libertatem creaturæ.*

8. **A** Nequam huic Capiti finem imponamus, unum sese offert, quò Thomistis infertur plaga adeò enormis, ut insens esse non possit quicumque sciens & prudens injuriam tam gravem & atrocem non repulerit. Et quamvis decrevissem in hoc opere me ipsum exhibere tanquam hominem injurias nobis illatas ab Adversariis penitus non audientem ; tamen hæc quæ hic occurrit, vel potius quæ jam centies confutata recurrit, eò gravior est, quò mollitus sermo super oleum, prætextu speciosæ cuiusdam ac justæ petitionis, validius simulato silentio, omnes Divi Thomæ Discipulos confodiat quocumque jaculò. Porro quàm injustè & immeritò statim apparebit.

Scripserat P. Annatus ( ad quem tam frequenter recurrit Eupistinus ) de Scientia Media, cujus occasione hæc ait : *Nonne est justa Defensorum Scientiæ Mediæ petitio, qui post tam longam tot annorum altercationem, adhuc quarunt qua sit reipsâ differentia inter Adversariorum & Calvinî doctrinam, in ea præcisè dubitatione, quâ petitur, sit ne aut non sit in homine, liberi arbitrii usus aliquis ?*

At quid gravius dici potest de viris publicæ Christianorum institutioni ex voto ac professione deputatis, quàm illos traducere, non solum tanquam de hæresi suspectos, verum & quantum ad doctrinam, & in eo quod caput est,

Gg

in nullo differentes ab ipsis Hæreticorum Patribus & Patronis?

Sed iustò Dei iudiciò factum est ut ipsemet P. Annatus ab hac criminatione Thomistas absolveret, ac innocentie nostræ apologiam texerit. Nam in quodam suo libro apud *Cramoisy* anno 1664. Parisi edito, cui titulus est, *La Conduite de l'Eglise*, non tantùm unam differentiam inter Thomistas & Calvinistas (quam tunc se non invenire dicebat) sed decem & octo discrimina seu differentias observavit, ac ipsemet prosequutus est à pagina 214. usque ad paginam 264. Cui una pagina 241. potuisset sufficere, in qua relatis ab ipso plurium Thomistarum testimoniis, evidentissimè apparet Thomistas inter & Calvinistas, non maiorem esse conventionem, quàm Christi ad Belial, seu lucis ad tenebras. Quid ad hæc, Candide Lector?

Certè quidpiam hîc tanquam miraculosum intueor; nam per annos ferè viginti summis laboribus ac vigiliis insudaverat vir Religiosissimus P. Annatus in concinnando volumine integro pro tuenda Scientia Media, quâ ritè semel stabilitâ, necesse fuisset Præmotionem physicam exulare (eo siquidem finè à suis Auctoribus tanto calore propugnatur) nec toto hoc tempore, tantâ curâ & sollicitudine, vel unum potuerat dictus P. Annatus discrimen deprehendere Thomistas inter & Calvinistas: quare Scientiam hanc Mediam veluti omninò necessariam magis magisque urgebat. At ubi primùm fuit ille assumptus ex prædicta Societate, ut Regi Christianissimo à sacris Confessionibus adesset, tanto diù desiderare lucis splendore illicè circumfusus est, ut fateri coactus sit, in oculis Solis huius, nullam esse convenientiam inter nos & Hæreticos, annotatis inter nos & illos octodecim discriminibus.

Hoc non debebat dissimulare Eupistinus, sicut nec ejusdem R. P. Annati paginam 245. ubi præter cætera, sufficientes ostenduntur Thomistarum vindictæ contra Calvinisticam *sensûs compositi & divisi* explicationem; quam tamen Eupistinus & alii Antithomistæ non erubescunt, etiam nunc, nobis imponere.

9. Verùm quia ad R. P. Annatum pervenimus, ipsi quoque faciendum est satis. Ille siquidem volens ad libertatem non sufficere potentiam ad oppositum in sensu diviso, etiam ritè intellecto (quæ distinctio est necessaria, etiam in Adversariorum sententia) asseruit ad rationem libertatis necessarium esse re ipsâ *Actum oppositum*; sive loco illius *ipsum non agere* cum prærequisitis ad agendum componere: id est, cum voluntate adjuncta auxilio gratiæ. Ita ille de Scientia Media, Tolosæ impressâ, disp. 1. n. 115. ubi ait: *Ostendo igitur requiri ad libertatem, ut cum omnibus prærequisitis possit componere non actionem, & facere ut simul sint.* Et ibid. nu. 119. ait *Actum oppositum equivalere (non agere).* Ita ille. Sed inde præter alia quæ possunt inde inferri inconvenientia, sequitur primò, Gratiam sanctificantem simul esse posse cum peccato mortali. Quod sic ostendo. Præcipiat Deus iusto, ut producat actum amoris. Ut iustus ille possit juxta prædictam P. Annati doctrinam liberè actum illum producere, necesse est ut possit componere *non actum dilectionis* cum prærequisitis ad diligendum, scilicet cum voluntate adjuncta auxilio gratiæ: sed illa *non actio, seu non dilectio tunc præcepta* est peccatum. Ergo Gratia & peccatum mortale sunt simul tunc in illo iusto, vel saltem esse possunt. Quod est contra omnes Theologos, & contra apertam veritatem.

Secundò, ex eodem R. P. Annati principio ritè inferitur Deum non posse


Beato impeccabili præcipere, ut aliquem actum liberum eliciat. Ratio est, quia non potest componere cum Dei præcepto *non actionem, vel actum præcepto oppositum*, prout Annatus faciendum exigit, ut quispiam Beatus liberè possit agere, seu actam aliquem liberum circa creaturam exercere.

Tertiò, sequitur nullam à Deo liberè produci posse creaturam: nam ad ejus productionem requiritur Dei scientia (quæ est causa rerum) accedente ejus voluntate: sed cum his prærequisitis non potest Deus componere *non actionem* quæ est impossibilis cum decreto Divinæ voluntatis. Etenim ista duo sunt æqualiter impossibilia: *Deus vult justum salvari, & iste damnabitur.* Et *Deus vult liberè creaturam producere, & illa non producitur.* Sed primum est impossibile juxta D. Thomam de verit. q. 23. a. 5. ad 3. & unanimes sententiam omnium Theologorum. Ergo & alterum.

Sed non potest dissentire, nisi qui consentit (inquit R. P. Annatus locò supra citatò.) Ergo (inquit) potest dissensus actu componi cum prærequisitis ad consentiendum; id est, cum voluntate creata liberè actu per Gratiâ & cum Gratiâ, consentiente.

Verùm quid sit sentiendum de hac instantia, judicet Lector ex argumentatione simili: *Non potest mori nisi qui vivit: ergo potest vivens mortem cum vita componere (quod nulli unquam venit in mentem) qua enim componuntur simul ponuntur, & necesse est, ut unâ ac semel sint. At quis formam aliquam esse dicat simul & semel cum sui privatione?*

Sed aliud nos manet sub finem illustrius argumentum dissimulationis Eupistini, vel potiùs obfirmatæ voluntatis quam videtur habere, in ævum resistendi.



## CAPVT VNDECIMVM.

*Præter Gratiâ sufficientem, est & alia per se efficax, qua posita, à medio tollitur Scientia Media, & ultimum Adversariorum infringitur repagulum.*

Nu. I. QUID QUID hac in parte hæcenus scripserunt Antithomistæ, eò solum tendebat, quòd viam sibi sternerent ad negandum Gratiæ per se efficacis auxilium; quòd ipsis fuit lapis offensionis, prætextu tuendæ libertatis, quasi verò hæc Gratiâ esset ipsi contraria. Nunc verò ita receptum: est in Ecclesiâ hoc Gratiæ auxilium, ut de ipso vix fas sit dubitare: siquidem præter Scripturam (cujus nonnulla statim subjiciam testimonia) id satis annuit, vel potiùs declaravit Alexander VII. Cum enim ad ipsum Illustrissimus Conventus Episcoporum Dominus Gilbertus de Choyseul, suo & Ecclesiæ Gallicanæ nomine, quosdam articulos super hac re transmississet, cujus doctrina Gratiæ per se efficacis in sensu Thomistarum docetur, hos benevolò animo suscepit Summus Pontifex, ipsique gratulatus est, sicut & aliis Gallis Præsulibus, quòd suo exemplò, operâ & consiliò plures ad sanam doctrinam de aliquo Gratiæ auxilio per se efficaci fuissent reducti. Et hac occasione 29. Julii

Gg ij

1663. Breve direxit speciale ad eisdem, quod ita incipit, *Venerabiles Fratres*. Ex præfatis verò articulis hic erat primus: *Cum ex Sancti Augustini sententia, quam tota Divi Thoma Schola defendit, Gratia efficax voluntatem indeclinabiliter & infallibiliter citra tamen necessitatem, vi divina motionis flectens & determinans ad singulos Christiana pietatis actus necessaria sit, nunquam contingit, ut vel oremus sicut oportet, nisi cum ea operatur ne oremus, nobisque interpellandi & gemendi inspirat affectum*.... Fuliùs hac de re Gonetus tom. 1. pag. 359. edit. in fol.

Probat ergo prædicta Gratiæ efficacia ex Scriptura, quæ D. Bernardo teste, est *speculum veritatis, quod nemini blanditur, neminemque palpat*, Seu ut loquitur D. Augustinus lib. 22. contra Faustum, cap. 65. *Est fidelis speculi nitor, nullius accipiens adulandam personam*.

1. Scriptura autem de voluntate Dei absoluta, ait Esther 13. *Non est qui possit resistere voluntati tue, si decreveris salvare Israël*. Iterumque ibid. *Dominus exercituum tu es, nec est qui resistat Majestati tuae*.

Ad Rom. 9. *Voluntati ejus quis resistet?* Isa. 14. *Dominus Exercituum decrevit, & quis poterit infirmare? Manus ejus extenta, & quis averte illam?* Item cap. 46. *Consilium meum stabit, & omnis voluntas mea fiet*, Et cap. 14. v. 24. *Juravit Dominus Exercituum dicens: Si non ut putavi ita erit, & quomodo mente tractavi, sic eveniet*.

Sap. 16. v. 16. *Manum tuam effugere impossibile est*. Item nu. 24 de Balaam dicitur, quod irruente in eo Spiritu Dei, *assumpta parabolâ*; benedixit iis quibus volebat Balac maledici: & inde irato Rege, ipsi respondit Balaam: *Nonne Nuntiiis tuis quos misisti ad me, dixi: Si dederit mihi Balac plenam domum suam argenti & auri, non potero immutare sermonem Domini, ut vel boni quid vel mali proferam ex corde meo; sed quidquid Dominus dixerit, hoc loquar*. Et cap. 21. Num, inquit, aliud possum loqui, nisi quod jusserit Deus? Et Ps. 74. *Terroribilis es, & quis resistet tibi?* Et Isa. 54. *Verbum meum non revertetur ad me vacuum*.

3. His præmissis, sic argumentor. Cum Gratiâ sit executrix æternorum Dei Decretorum, seu Divinæ voluntatis: talis debet censei, qualis voluntas Divina nobis ex Agyographis divinitus significata innouit. Sed Agyographi (ut patet ex citatis Divinæ Scripturæ testimoniis) talem nobis exhibent absolutam Dei voluntatem, ut ipsa invincibiliter efficiat, quidquid absolute intendit efficere: ita ut in eam nemo prævaleat: vel prævalere aut ipsi resistere possit. Non possit (inquam) potentiâ consequenti, & in sensu composito, secundum quem, ut alibi diximus, intelligendum non est Tridentinum: sed juxta, *sensum divinum* juxta quem, sine ullo Scripturæ præjudicio, definiuit contra Calvinum, *liberum arbitrium motum & excitatum, posse dissentire si velit*. Ergo talis est & ipsa Gratiâ.

Nec possunt amplius Adversarii Lectoribus illudere pravâ expositione & intelligentiâ sensus compositi & divisi, quàm usque modò Thomistis imposuere: nam teste P. Annato, libro cui titulus est, *La Conduite de l'Eglise*, paginâ 245. ait: *Et puisqu'il vent que pour un plus grand éclaircissement nous ayons recours aux Thomistes, qui ont traité de la Predetermination physique; j'en suis content; je l'ay déjà fait, j'ay eu recours à celui qui en a plus écrit, & avec le plus d'approbation de ceux de son party. Je crains*

qu'il juge que cette manière d'explication du sens composé & divisé, est de l'invention de Calvin. C'est Didacus Alvarez, au lieu que j'ay cité cy-devant. Sensus compositus non est ille qui in argumento insinuat; quod videlicet quando Gratia est in voluntate, non possit voluntas non agere: ablatā vero motione, possit non agere. Hic sensus (inquit) confictus fuit à Calvino.

Major prædicti argumenti per se patet. Minor etiam fir manifesta ex Scriptura absolutam Dei potestatem prænuntiant, quam jam satis contra Fuliensem insinuavimus, demonstratā motionis moralis, concursus simultanei aut indifferentis ad bonum & malum insufficientiā, præter quos concurrenti modos aliosque ibi designatos, nihil superest, nisi ut dicamus gratiam aliquam esse per se efficacem, quā Deus Opt. (cujus intentio deficere non potest) operatur quidquid vult tam in Cælo quā in terra; tam in Angelis quā in hominibus, juxta illud: *Omnia quaecumque voluit fecit.* Et Prov. 21. *Cor Regis in manu Dei, quocumque volueris, inclinabis illud.* Ergo, &c.

Unde testibus Tannero & Paulo Leonardo Societatis Jesu Scriptoribus, 1. 2. disp. 6. q. 1. de gra. dicere non audent amplius Adversarii, *Gratiā fieri efficacem per creaturam; ne tam manifestè resistent Apostolo dicenti: Quis te discernit? Quod illorum nonnulli cautè conantur restringere ad solum æternum Dei decretum, & ad ordinem intentionis tantum. Quò subterfugio in aliud relabuntur præcipitium, quò velint, nolint fateri cogantur, melius esse id quod ipsi efficiunt in semetipsis in negotio propria salutis, quā quod Deus ipse in eis efficit, quodque jam laudato Divi Augustini testimonio, ac communi Sanctorum Patrum suffragio, absurdissimum judicatur.*

4. Confirmatur, magisque ex Sanctis Patribus præcedens argumentum explicatur. Et quidem ex D. Augustino, lib. de cor. & gra. cap. 14. *Deo volenti salvum facere, nullum humanum resistit arbitrium: sic enim velle & nolle in volentis & nolentis est potestate, ut divinam voluntatem non impediat, nec superet potestatem.* Lege totum hoc caput cum 18.

Idem evidenter innotescit ex Angelico Doctore in hæc verba Genes. c. 32. (Terigit nervum femoris ejus) *Ux, inquit, efficaciam virtutis per quam facillimè potest prevalere, sensibiliter experiretur, etiam tunc cum Deo prevalere videretur.* Legendus sanctus Doctor 2. 2. q. 24. a. 2. Et 1. p. q. 19. a. 8. Et de veritate, q. 23. a. 5. & 3. contra Gent. capitibus 94. & 98.

Confirmatur secundò ex S. Prospero ad Ruffin. *An dicendum, inquit, voluntati Dei humanas obistere voluntates, & tam feros tamque intractabiles horum hominum mores, ut Evangelium idè non audiant, quia prædicationi impia corda non pareant? Et quis istis corda mutavit, nisi qui finxit sigillatim corda hominum? Quis hujus rigoris duritiam ad obediendum molivit affectum, nisi qui potens est de lapidibus Abrahæ filios excitare?*

Idem non minùs efficaciter jam probaverat sanctus Præsul lib. cit. de cor. & gra. c. 12. his verbis: *Subvenit enim igitur infirmitati voluntatis humane, ut divinā gratiā indeclinabiliter & insuperabiliter ageretur: idè quomovis infirma, non tamen deficeret, nec adversitate aliqua vinceretur.* Quod magis magisque roboratur ex eodem sancto Antistite in Enchyr. cap. 55. ubi ait: *Efficacissima Dei voluntas multa potest, quæ non vult; nihil autem vult, quod non possit, juxta illud (Omnia quaecumque voluit, fecit, &c. Quod utique non esset verum, si aliqua voluit, & non fecit. Et quod indignius est, idè*



non fecit, quoniam ne fieret quod volebat Omnipotens, hominis voluntas impediuit. Legendus ibid. S. Patruſ cap. 97. ne iptum omninò exſcribere cogamur.

5. Non aliter loquitur Mellifluus Doctör D. Bernardus ſerm. 7. in Cant. *Queris (inquit) unde per ſe efficacem Gratiam noverim? Ex illius effectibus nectum agnoſco, ſed quotidie experior. Viva eſt & efficax, moxque ut inuſ venit, expergeſcit dormitantem Animam meam: mouet & emollit, vulneratque cor meum quoniam durum, lapideumque erat & malè ſanum: incipit quoque euellere & deſtruire: edificare & plantare, rigare arida, tenebroſa illuminare: clauſa reſerare: frigida inflammare, nec non mutare; mittere aſpera in vias planas, &c. Ex illius igitur effectibus aded admirandis, ſtupendam illius potentiam aduerſi.*

Idipſum confirmari poſſet ex S. Cyrillo lib. de Adorat. aſſerente præter Gratiam ſufficientem, eſſe & aliud Gratix auxilium fortius quàm ut malum præſens & violentum prauallere poſſit.

Et ad perfectam horum omnium conuictionem, poterit quilibet ſtudioſus legere Concilium 1. Arauſic. c. 3. & c. 6. ubi & apud Angelicum Doctorem 1. p. q. 19. ar. 6. fundamentalem horum reperiet rationem, quæ eſt Uniuerſalitas Primæ Cauſæ, à qua id quod videtur recedere ſecundum unum ordinem, relabitur in ipſam ſecundum alium: unde merito iure ait D. Auguſtinus de ſpirit. & litt. c. 32. *Infideles quidem contra voluntatem Dei faciunt, cum ejus Evangelio non credunt, nec ideo tamen eam vincunt, experturi in ſuppliciis poteſtatem ejus, cujus in donis miſericordiam contempſerunt & ita voluntas Dei ſemper inuicta eſt.* Seu ut loquitur D. Fulgentius ad Traſym. *virtus illa (ſcilicet Dei) inſuperabilis eſt.*

Mirum in modum, hoc ſecretum rimari ſtudit S. Auguſtinus in Enchy. cap. 100. omninò legendus; & alibi paſſim: ubi apertè ab ipſo oſtenditur, quì voluntas Dei, aut à nobis, aut de nobis ſemper impletur.

## SECTION UNICA.

*Solvitur argumentum quod ſequitur ex prædictis: ac refutatur quod falſè imponitur Thomiſtis à Molina, qui Domæſticorum judicio damnatur.*

Nu. 6. **D**ices adverſus prædicta: Sub Gratia efficaci ad unum Prædeterminante; aſſerunt quidem Thomiſtæ potentiam ad ætiam oppoſitum remanere in homine prædeterminato: quam ipſe numquam reducet ad actum; quod tamen videretur neceſſarium, ſaltem ut ſuam experiretur libertatem, vel ob aliquam aliam rationem: Ergo (inquiunt Adverſarii) fruſtrà & chymica eſt hæc potentia.

Reſpondeo neg. conſeq. quæ non provenit niſi ex hoc falſo principio, ſcilicet inſelici potentia peccandi, quam Adverſarii exiſtimant ad rationem libertatis pertinere: qua in re, ed frequentius in modo loquendi labuntur, quo promiſcuet à potentia naturali ad bonum & malum indifferente, fit tranſitus ad moralem, quæ eſt tantum boni, ſeu ejus quod licitè & ſecundum Deum poteſt fieri. Quod interim notatum velim.



Explicatur. Nemo ambigit quin Titius v. g. habeat potestatem diligendi Deum, & dandi eleemosinam indigenti. Item quin habeat potestatem eruen- di sibi oculos, aut nudus per plateas discurrendi. Quin & Mercator tempe- state quassatus, merces suas conservandi integra adhuc facultate potitur. At si Titius sive ut suam experiatur libertatem, sive ob aliam quamcumque ra- tionem eruat sibi oculos; non idcirco magis liber, sed furiosus & crudelis re- putabitur, sicut & fatuus si per plateas nudus incedat. Idem fiet de Mer- catore judicium, si avaritiâ occupatus, malit cum suis mercibus perire, quam vitam servare, quod potuisset (ut supponitur) si navim exonerare voluisset.

Item dicimus Petrum v. g. sic esse per Gratiâ efficacem ad obediendum Deo præmotum; ut simul habeat potentiam ad oppositum, quæ tamen numquam reduceret ad actum, quandiu hæc Gratia ejus affectui dominabitur, quæ ab illo potestatem dissentendi non tollit, sed voluntatem, quam sic Gratia dis- ponit, ut dissentire nolit. Quod si Petrus tantâ corripiatur amentia, ut Deum deserat voluntate mutatâ & per peccatum corruptâ; non idem reputandus est ille liberior sed inferior. Nihil ergo repugnat nos sub Gratia efficaci habere potentiam ad actum oppositum, quem tunc non producat (propter impossibilitatem actuum oppositorum) & voluntatem dissentendi, quæ non dissentiat. Non enim requiritur ad rationem potentia, ut actu dissentia- tur, nisi tum affectus gratiâ insertus, miserè per peccatum corrumpitur & avellitur voluntasque imutatur.

7. Sed iterum dices Titium posse quidem velle, sed nolle sibi oculos erue- re, ne crudelis in se efficiatur, & amens judicetur. Nos quoque dicimus, Gratiâ efficaci donatum, nolle Deum deserere; quem si deserat, amentior & crudelior meritis reputabitur. Sed quare non vult Titius (saltem ut suam experiatur libertatem) oculos sibi erueri? Quia amore sui fortiter retrahitur, ne in tantam amentia crudelitatem devolvatur. Nos quoque & idipsum di- cimus. Ac subinde inquirimus an potentior sit amor sui æstimandus, quam amor Dei: qui in corde justî similem effectum suaviter operatur. Idem di- cendum est de Mercatore, qui quandiu divitiis ultra modum adhærebit, numquam illas abjiciet: at si semel ad cor redierit, & judicet (ut par est) vitam divitiis esse præferendam; mutatâ priori voluntate, illas sponte projiciet naufragio imminente, semper remanente eas conservandi liberâ facultate, quam non nisi culpabiliter ad actum reduceret, sinendo se tum ipsis perire.

At id quod diximus de Titio & Mercatore prudenter agentibus, univer- sim debet intelligi de omnibus, quos nimis voluptatum, honoris aut divi- tiarum occupabat affectus, qui adveniente Gratiæ per se efficaci auxilio, immutatur à Deo, fortiter ac suaviter omnia disponente, novo alio affectu per Gratiâ immisso, quò à rebus, quibus prius inhærebat, abhorret ani- mus, integram circa illas retinens potentiam, quæ licet magis libera sit quam facultas Mercatoris, merces in Mare projicientis naufragio urgente: num- quam tamen illam ad actum reduceret, quandiu ipsi aderit & dominabitur affectus per Gratiâ productus à dissentiendo retrahens.

8. Quod expressit D. Thomas exemplo lapidis, cui Deus tantum daret levitatis, quantum prius habebat gravitatis: & hæc est mutatio dextræ Ex- celsi, de qua loquitur Vates Regius, quâ sit ut jam non placeat vel displiceat, quod antea tantoperè placebat. Quia cum ut amor tuo v. g. indul-

geas, res suscipis difficiles & arduas: aut non laboras, aut laborem tuum amas, propter gaudium & voluptatem, quæ certè major est mentis, quàm ventris. ut D. Augustinus ait: Verùm, qui istud gaudium non amares, aut ipsi resisteres, (quamvis eidem semper resistere possis) cujus Gratiâ, ipsis resistitur supplicii gravioribus, & mori pro Christo lucrum æstimatur?

Et hæc est vera D. Thomæ & S. Augustini sententia, qui ut riè ait quidam Modernus, ipse prius fuit miraculum Gratiæ quàm Defensor, qui non solum sui temporis inimicorum Gratiæ audaciam fregit; sed & de futuris quoque, anticipatione quâdam victoriæ, ut palmam Gratiæ in omnia sæcula extenderet, triumphavit: verumque lumen horum duorum Candelabrorum lucentium, quò verè ac legitimè contra omnes hæreticos liberum hominis arbitrium defenditur quantum postulat æquitas, ejusque contra Dei Gratiam temeraria præsumptio expugnatur. Ex his apparet 1. Thomistas nihil docere de Gratiâ per se efficaci, cui non suffragentur totius naturæ riè institutæ consensus, & praxis cujuscumque hominis, qui aut condigne de Deo sentire, aut rebus suis piè prudenterque prospicere velit.

9. Secundò etiam patet quàm alienum sit à veritate id quod Thomistis imponit Molina Lugduni edens an. 1622. q. 14. ar. 13. disp. 18. memb. 4. dum ait *Concursus ex se efficaces non esse admittendos, quoniam qui illos constituent: sine illis voluntatem non posse elicere actum bonum: & illis præsentibus, non posse illum non elicere, utrumque enim falsum est: nec magis verum est, quod ibid. asserit his verbis, Eaque de causa expediens non fuit, ut Deus illis provideret per concursus efficaces, sed per eos, quos reddere efficaces ad opera, penderet ab ipsis creaturis libero arbitrio prædictis.* Si quidem hæc omnia destituuntur per ea quæ supra diximus. Sane mihi Molinam legenti; non commentaria, pro doctrina Divi Thomæ enucleanda; ipse edidisse visus est: sed perpetuam instituisse artem contradicendi eidem; dum ait ibidem, peccandi potentiam pertinere ad libertatis rationem etiam in Christo, & habuisse voluntatem perinde liberam ad implenda aut non implenda præcepta, quæ sub culpa obligabant, ac si in Christo, gloria Anima non fuisset quoniam id ita erat necessarium ut posset mereri.

Candide Lector, tria hæc prædicta, doctrinæ Divi Thomæ ad eò contraria, ex uno sunt Molinæ supra relati articulo excerpta: & tamen ex omnibus Molinæ operibus, (si fides Eupistino adhibeatur) ne quidem apex potest auferri: verusque vult haberi ipse Molina Divi Thomæ commentator & Discipulus; penes te igitur sit æquum ea de re judicium.

10. Hic uni Molinæ possem Sanctum Ignatium de Loyola & 20. alios Religiosos hujus Societatis alibi Laudatos opponere, sed mihi modò sufficiat duos tantummodo ejusdem instituti adducere. Primus erit Cornelius à Lapide ex cujus editione Antuerpiæ factâ legitur id quod sequitur in Act. Apost. c. 9. in expositione horum verborum (Saulus spirans minarum & cædis.) Vnde (ait Cornelius) S. Chrysostomus miratur Dei potentiam & Gratiâ Christi viritatem, nequè quæ Paulum ferocientem & furentem in ipso astu furoris stetit, fregit & immutavit: nec expectavit donec hic sapiendo subsideret: ut ostenderet (inquit) Potentiam suam vincens & superans Persecutorem in media insania.... Et ne pro libertate, quis sibi inde metueret ex efficacia Gratiæ: utramque ibid. explicat Cornelius ex Sanctis Patribus & ad mentem Divi Thomæ adversus hæreticos.

Alter

Alter erit Mendosa tom. 2. Lugd. 1626. in lib. 1. Regum c. 7. pag. 476 ubi ait: *Ad Gratiā praevenientem omninō primam, nullam requiri aut sufficere dispositionem ex parte hominis, juxta illud: Inventus sum a non querentibus me: palam apparui iis, qui me non interrogabant Isa. 65.* citatque D. Paulum, quem maximē indispositum Deus excitavit, ut D. Augustinus, lib. de gra. & lib. arb. c. 6. ritē observavit. *Quia (inquit Mendoza) Deus potens est quamlibet voluntatem quantumvis indispositam & in suis peccatis obstinātam ad Gratiā excitare, neque enim hoc sine impietate negari potest, ut D. August. in Enchir. c. 10. passim testatur: quia veritas est de fide in Conc. 2. Arausic. c. 4. definita, condemnante eum qui dixerit Deum expectare voluntates nostras ut a peccato purgemur.* Lege totum ibidem.

Item in lib. 1. Regum tom. 3. c. 10. Lugd. 1631. pag. 127. explicans efficaciam Gratiae, citat ut supra D. Augustinum tom. 7. de Correp. & Grat. c. 14. asserentem Deum non traxisse invitos ad sequendum Saulem, sed tamen efficaciter promovisse, hoc, inquit, non fecit nisi per ipsorum hominum voluntates, sine dubio habens humanorum cordium quō placeret inclinandorum omnipotentissimam potestatem. Quid ad hæc mi Eupittine: quomodo verum est quod asseris, totam Societatem esse contrariam Thomistarum doctrinā? Per te ergo perit tota Societas (quod absit) nam si ab ea separaveris Sanctum Ignatium, omnesque alios alibi merito laudatos, doctrinæ Divi Thomæ hac in parte addictissimos: ipse separasti Caput, ossa ac nervos ab hoc Corpore, quod subinde procumbere necesse sit. Sed ad ultima castrorum munimenta properemus.



## CAPUT DVODECIMUM.

*In quas tandem Anti Thomistæ cecidi sunt angustias circa efficaciam Gratiae. Et præcipuum eorum præcluditur subterfugium prævisionis circumstantiarum.*

Nu. 1. **E**O tandem deveniēre Thomistarum Æmuli in explicatione Divinæ Gratiae; ut hanc dixerint, nuncque contendant suam ex se efficaciam minime habere: sed illam tantummodò mutuari ex congruitate temporis aut loci, vel etiam ex dispositione personæ: quam dispositionem Deus potissimum observare, aut etiam expectare teneatur, ne lædatur libertas creaturæ.

Hic non negamus (id quod fit ut plurimum) quin ipsum quem Deus Gratiā sufficienti sensim disposuit, hanc eundem potentioris gratiæ subsidio, adjuvet & perficiat ut rectē operetur, ejusque opus ad effectum & finem debitum perducatur: qui est proprius Gratiae efficacis effectus. Sicut & in ordine naturæ aliquos Deus paulatim sanat infirmos; alios vero repente; ut Soerum Simonis, quæ licet magnis febribus laboraret, statim tamen ad imperium Christi ita convalescit, ut continuo ministrare sufficeret.

At, asserere, ut volunt Adversarii, nullam esse Gratiā per se efficaci-

H h

cacem; sed omnem illius efficaciam dependere ex congruitate & circumstantiis loci aut temporis, vel etiam ex dispositione personæ, cujus genio, indolis & inclinationibus Deus studere, & quas prospicere aut expectare teneatur, ut gratia suum effectum sortiatur, seu ut sit, verèque efficax dicatur; alienissimum esse à veritate existimamus. Nam hic modus explicandi efficaciam Gratiæ Dei, dedecet omninò ejus omnipotentiam, habet in agendo dependentiam Deo prorsus indecoram, magisque aucupibus & venatoribus propriam (quorum solertia potissimum consistit in expectanda opportunitate venationi propria, & cognoscendis, quibus possint animalia eis insidiari): quàm Agenti sapientissimo & ita potenti ut nemo possit ejus virtuti resistere, potentia consequenti & in sensu composito. Neque minus repugnat Sanctis Patribus, & præsertim sancto Præuli Augustino; Hæc in Deo Agente dependentia à dispositionibus creaturarum. Signanter dixi D. Augustinum; nam hunc reluctantem & invitum non verentur pertrahere Adversarii in patrocinium suæ sententiæ: ex eo scilicet, quod aliàs S. Doctor in quodam Opusculo contra Porphyrium dixisset tanquam per transennam, Christum voluisse hominibus eo tempore apparere, quò sciebat eos esse melius dispositos: quod tunc dixerat S. Præsul (ut ipse testatur) *sine prejudicio diligentioris inquisitionis*, & doctrinæ quam passim & ferè ubique docet de efficacia Gratiæ: cujus sententia est vera Ecclesiæ doctrina; quæ Cardinalis Baronii testimonio in Notis ad Tomum X. *Ladi nunc aut nulla ex parte impugnari aut reprehendi non potest, sine manifesto viginti & amplius Summorum Pontificum contemptu: & sine singulari Sanctæ Sedis Apostolicæ injuria.*

2. Ignor S. Præulem audiamus, primo verbo fucum Adversariorum (scilicet libertatis servandæ pretextum) auferrentem lib. de Cor. & Gra. cap. 14. *Deus facit quod vult* inquit) etiam de ipsi hominum voluntatibus; habens sine dubio humanorum cordium quocumque placuerit inclinandum Omnipotentissimam potestatem; cum magis habeat in sua potestate hominum voluntates, quàm ipsi suas. Legatur ibid. cap. 18.

At quomodo magis si nequeat Deus, quod quisque facillimè in se potest efficere determinando se; suamque voluntatem ab uno in aliud immutando? Nam si secus de Deo sentiamus, indignè de ejus Omnipotentia sapimus, possetque & nunc dicere quod olim: *si ego qui generationem cæteris tribuo, sterilis ero?*

Mentem meam magis aperiam. Irridebat aliàs Ethnicos S. Præsul August. lib. 4 de civit. Dei cap. 8. hunc in modum *Quisque inquebat) unum domui suæ ponit Ofitrium: & quia homo est, omninò sufficit. Tres deos isti posuerunt: Forculum foribus, Cardeam cardini: & Limentinum limini: itaque non puterat Forculus, simul fores & cardinem limenque servare.* Majori profectò irrisione digni sunt; qui quotidie id sibi arrogant, quod Omnipotentis Deo denegant: Ipsumque pluribus indigere affirmant, ut quempiam efficiat: ex nolente volentem quàm homulus in semetipso quotidie efficiat & experiat.

Explicatur. Libertatem à Deo optimo accepimus, nostrorumque actuum habemus dominium cum tanta perfectione & independentia ab omni creatura, ut immunes simus ab omni coactione & necessitate, possimusque velle & nolle independentes ab omni extrinseca agente, ac nostros ab uno in aliud immutare actus.

Verum, nonne idiplum Deo Omnipotenti denegant, qui contendunt eum debere, non solum loci & temporis circumstantias obſervare, ſed & bonam, tum corporis tum animi diſpoſitionem illius, cui ſuum conſert Deus auxilium, expectare, ut fiat efficax, ſuumque ſortiator effe&am? Deus ergo creaturæ rationali conſulit Facultatem ſe ſe determinandi, quam vel non habebat, vel quam ſibi non reſervavit. Utrumque autem ita eſt à ratione aliquum; ut mirum ſit, quæ unquam auſi ſint viri docti & pii eam proferre, aut tueri doctrinam necdum nobis, ſed & Scripturæ, Conciliis ac Patribus contrariam.

## S E C T I O I.

*Circumſtantia loci ac temporis non minus ſunt à Deo diſpoſite quàm alia. Quam parùm exigebant Pelagiani ut primas creaturæ in aliquo darent: & ſamen damnati à Patribus & Conciliis: Hic audiuntur duo Neoterici; quorum doctrina merito rejicitur. Cavendum à fucato ſubterfugio. Mirum in modum exprimitur Gratia efficacia à D. D. Auguſtino & Bernardo.*

9. **N**ON minus adverſatur S. Præſul dependentiæ quam exiſtantiæ Antithomiſtæ Deum habere ex circumſtantiis loci & temporis. Ita Tract 104 in Joa. tom. 9. in medio: *Omne tempus, inquit, & quid, & quando faceret vel fieri ſineret, ab illo eſt diſpoſitum, qui tempori ſubditus non eſt: quoniam que futura erant per ſingula momenta, in Dei ſapientia, cauſas effiçientes habent, in quo nulla ſunt tempora.* Cuncta ergo ab ipſo Deo diſpoſita ſunt: quare à Divis Proſpero & Hylario computata eſt inter errores Scimpelagianorum ſequens propoſitio: *Diſpenſata ſunt tempora & Magiſtrorum miniſteria, ut exortura erat bonarum credulitas voluntatum:* Et ab omnib; talis exiſtitatur doctrina Caſſiani Collat. 13. cap. 13. ubi ait: *Deum quoſdam conatus bona voluntatis exigere, & occaſiones quodammodo querere, & gratiam dare ſub colore cujuſdam deſiderii ac laboris, ut non irrationabilis munificentia ſua largitas videatur, aut dona ſua conferre dormienti, vel diſſoluto inert, oriò, gremio nulla eſt bona diſpoſitio creaturæ, nulluſque conatus, quem non faciat ille, ſine quo nihil fit omnino: unde Sanctus Auguſt. lib. 1. ad Simpl. q. 2. tom. 6. *Ut ſit, inquit, nutus voluntatis: ut ſit induſtria ſtudi; ut ſint opera charitate ferventia: Ille, ſcilicet Deus, tribuit, ille largitur.* Et lib. de prædeſt. S. S. c. 8. *fides inchoata & perfectæ, Dei donum eſt.**

Quantum verò ad prædictum Caſſiani rationem, dicimus illam nullius eſſe momenti aut roboris: etenim non ſolum dormientes, oſioſos & inertes Deus vocavit, excitavit, ac ſuam in vineam quandoque miſit: verum etiam aliquando rebelles, inimicos, contradicentes ac graviffimos peccatores. Totum ergo quod bonum eſt, ipſi Deo priùs ac magis debet attribui: quia eſi agat creatura, ſemper Deus priùs agit. ſine quo non ageret ipſa: ſeu ut ait Conc. 2. Arauſic. c. 20. *Nulla facit homo bona, qua non Deus præſtet ut faciat homo.* Vel ut ſemper cum Auguſtino loquamur, lib. 2. ad Bonif. c. 8. *Si ſine Dei Gratia per nos incipit cupiditas boni, ipſum capium erit meritum, cui tanquam ex debito veniat adiutorium, & ſic Gratia Dei, non gratis donabitur.*

Hh ij

unde & pro singulari Dei munere petimus ut ipse adaperiat cor nostrum. 2.  
Macb. c. 1.

Si autem quæras quomodo fiat istud? Respondebit S. Præsul hoc fieri à Deo, *quatenus relucanti voluntati, prius aditus Divina vocationis, ipsa Dei Gratia procuratur: & deinde in illo, jam non relucante, spiritus virtutis accenditur.* Ita tom. 7. lib. 4. Coentr. 2. Epist. Pelag. c. 6. Ratio ejus est, quia in omnibus quæ quisque agit secundum Deum, misericordia ejus prævenit eum.

Hic ac similibus testimoniis motum Concil. 2. Arausic. ait: *Si quis humilitati aut obedientia humana subjungit Gratia Adjutorium: nec ut obedientes & humiles simus, ipsius gratia donum esse consensit; resistit Apostolo dicenti, quid habes quod non accepisti?*

Hic insitens v. liguiss, dicit Doct. Angelicus in 2. ad Corinth. c. 2. lect. 3. *Ipsam preparationem mentis humana esse ex virtute Divina: nam licet, inquit, facilitas quæ mentes preparantur, sit causa conversionis: tamen ipsius facilitatis & preparationis causa, est Deus.* Legendus etiam S. Doctor 1. 2. q. 112. a. 2. in c. & ad 1. & ibid. q. 109. ar. 2. ad 1. Certe nihil mihi videtur efficacius ad confutandam Lessii doctrinam, quàm lib. de Gra. c. 10. nu. 9. ubi rectè dicit Molina (inquit Lessius) quod Gratia sit efficax, vel inefficax, pendere à libero arbitrio: Additque esse in potestate liberi arbitrii, gratiam, quæ est ex se sufficiens, reddere efficacem vel inefficacem in actu secundo: quod quâ ratione negari non video (inquit Lessius.)

At nulla ratione id concedi posse existimo; etenim istud non solum est contrarium oraculis supra relatis, sed etiam juxta hanc doctrinam id quod est optimum in negotio nostræ salutis æternæ, non Deo, sed creaturæ esset tribuendum: quod abhorret à se.

Verum hic cavendum est à fucato cujusdam Neoterici subterfugio: Nobis (inquit) imponunt Thomistæ dum dicunt nos asserere, Dei Auxilium esse indifferens & indeterminatum ad bonum & malum: Nam (inquit) præcepta, exhortationes, consilia & id genus alia, quibus ad bonum adigimur, ita sunt ad bonum determinata, ut nullo modo ad malum sint indifferentia.

At quis non videat, hic meram esse difficultatis evasionem: nam prædicta omnia ad solam spectant Motionem Moralem, cujus insufficientiam toties demonstravimus. Consideranda verò est potentia non solum ex parte objecti propositi, sed prius ac magis ex parte subj. cti: unde ait Doct. Angel. 1. 2. q. 80. ar. 1. *Nihil potest esse causa actus, nisi per hoc, quod proprium principium illius actus movet ad agendum.* At quando Adversarii loquuntur de Concursu indifferenti ad bonum & malum per voluntatem determinabili, loquuntur de Concursu physico ex parte principii effectivi proveniente; quem dicimus non posse à sola voluntate creata ad bonum determinari, quæ sine Deo nihil omnino agere potest. Certè quidquid dicat Eupistinus de præstantia doctrinæ Patris Molinæ, nihil movemur, nec ipsi aut ulli invidemus: sed existimamus jam nullum esse in ipsa Societate Jesu, qui se Patronum exhibere velit ipsius aut L. sui supra relati; nec nobis opus est, ut cum Eupistino aut Henao assidue rechramus ad disputationes de Auxilio, ut sciamus quid in illis contra Molinam actum sit: solis enim oculis patet quid agendum foret, nisi ob bonum pacis esset dissimulandum. Cum tamen asse-

tant Adversarii historiani de Auxiliis fuisse prohibitam à Summo Pontifice, rem gratissimam toti mundo fecissent, si aliquod privilegium ostendissent, quo sibi solis concessa esset licentia utendi hac historiâ, quam prædicti semper habent in ore : confirmatur prædicta Gratia efficacia, independenter à prævisione circumstantiarum, aut dispositione personæ, quas Deus prævidere aut aut expectare teneatur, ut ubique testatur Sanctus Augustinus, nominatim lib. 50. hom. 25. c. 6. *Hoc tibi dicit Deus tuus : Regbam te mihi, servabam te mihi, ut adulterium non committeres. Suasor fuit, & ut desisteret, ego feci. Adfuit Suasor, non defuit locus, non defuit tempus; & ut non consentiret, ego termi. Agnosce ergo gratiam ejus cui debes, & quod non admisisti. At quid commune habet hoc cum doctrina Molinæ?*

U geo magis ex eodem sancto Antistite in Enchir. cap. 95. & 99. ubi ait : *Quis tam impie desipiat, ut dicat Deum, malas hominum voluntates, quas voluerit, quando voluerit, ubi voluerit, in bonum non posse convertere? Legendus etiam sanctus Doctor lib. de Prædest. Sanctorum, cap. 8.*

4. Non aliter sentit de Gratia efficacia sanctus Prosper carm. de ingratis, cap. 15. *Cui (scilicet Deo) tempus, inquit, agendi semper adest, quæ gesta velit, nec moribus illi sit mora, nec causis anceps suspenditur ullis, &c.*

His sanctis Patribus subscripsit D. Bernardus, serm. 39. in Canr. *Non modo immeritis, inquit, sed malè meritis prevenit, ut dum adhuc filii ira sumus, & operamur opera mortis, ipse cogitat super nos cogitationes pacis, & nec petentibus, sed impetentibus; non invocantibus, sed provocantibus; non interpellantibus, sed repellentibus spiritum bonum, spiritum vite & adoptionis largitur. Nonne obstupescis, mi Eupisthine?*

Quid plura? vis exempla? Quoniam pacto aut congruitate facta est conversio Pauli? An expectavit Deus, aut observavit meliorem ejus dispositionem? Quin immò, facta est hæc conversio quando erat *Sanus spirans minarum & cadis in Discipulos Domini*. Idem, quænam erat dispositio Assueri, quando Deus immutavit cor illius *ab asperitate in lenitatem, & in odium hostis Marдохæi, totiusque Judaica Gentis?* Centè pessima, quia tunc erat Assuerus *velut taurus immens in impetu indignationis sue*, ut loquitur D. Augustinus. Legendus etiam to. 3. in Enchir. c. 95. & 97.

Neque alia prædictarum quærenda est ratio, nisi Omnipotentia Dei, *quâ facit, inquit sanctus P. xul, omnia quæ vult in Cælo & in terra, quando, ubi & quomodo vult. Quod non esset verum, inquit, si aliqua voluit facere, & non fecit, quia ne fieret quod volebat Omnipotens, voluntas hominis impediret.*

5. Et post pauca in Enchir. citato : *Nisi hoc credamus, inquit, periclitatur ipsum fidei nostre confessionis initium, quâ nos in Deum Omnipotentem credere confitemur. Nec enim ob aliud veraciter vocatur Omnipotens, nisi quia quidquid vult, potest, neque voluntate cunctispiam creature, voluntatis Omnipotentis impeditur effectus.*

Itaque ut paucis fiat satis, quæ ex Eupisthini libro consequuntur, & quæ ab Adversariis te ipsâ obijciuntur : Dicam breviter, quod quantumvis aliquod obiectum conveniens & bonum videatur; quantumvis congruentes iudicentur circumstantiæ illud concomitantes; nunquam videntes, verè videbunt, ne audientes magis intelligent, quàm illi quibus Christus non nisi in parabola.

H h iij

loquebatur; vel illi duo Discipuli, quorum oculi tenebantur, ne eum agnoscerent. Nam præter externum auditum illis communem cum turbis, beneficio singulari Christus aperiebat Discipulis sensum, ut intelligerent Scripturas & veritatem mysteriorum.

Et quamvis hæc Gracia efficax non sit semper in Scriptura aut in Patribus expressa, semper tamen est subintelligenda, quoties intentus à Deo consequitur effectus. Si autem quæreretur, quare id quod à nobis aut ab aliis meritis agendum foret, non agatur? Ritè respondet D. Augustinus lib. 2. de peccat. merit. cap. 17. *vel quia latet, vel quia nos non delectat. Quis enim habet, inquit sanctus Præsul, potestatem, ut vel occurrat quod eum delectare possit, aut delectet cum occurreris? To. 7.*

At quando operamur & effectum consequimur, quidpiam aliud exigitur, seu ut loquitur sanctus Præsul, *Cum nos ea delectant, quibus ad Deum proficiamus, inspirantur hoc, & præbentur Gratia Dei, non nutu nostro & industria, vel operum meritis comparatur, quia ut sit nutus voluntatis, ut sit industria studii, ut sint opera charitate ferventia, ille tribuit, ille largitur.*

## SECTION II.

*Quomodo intelligenda sint quedam Divi Augustini testimonia. Cur ambigat prioritatem aliquam creatura? Cui non pars denegatur; immò totum conceditur, sed datum, non redditum. Nec illi nunquam denegatur auxilium Dei ad agendum cum opus est, nisi ob voluntarium, quod illa præstat impedimentum.*

6. **C**UM igitur ait sanctus Præsul de dono persever. cap. 14. *quosdam habere in ingenio Divinum naturaliter munus intelligentia, quò moveantur ad fidem, si congrua suis mentibus vel audiant verba, vel signa conspiciant. Illud intelligentia munus est ex D. Thoma, in Matth. cap. 11. quedam docilitas, quæ nunquam habebit effectum, nisi Deo tribuente pium affectum, & efficaciter voluntatem movente ad finem debitum.*

Quidquid igitur his fidei Christianæ principiis in specie oppositum alicubi legitur, semper est intelligendum, ut ait D. Augustinus lib. de prædest. SS. cap. 9. *sine præiudicio latentis consilii Dei, & excepta Altitudine Sapientie & Scientie illius, ac proinde Prædeterminationis physice illarum executricis in tempore, quæ semel stabilitæ ( ut etiam inviti farentur Adversarii ) evanescit Scientia Media.*

Nec magis urget toties obiectum ab ipsis argumentum, ex sancti Præsulis testimonio depromptum, quo utuntur, inquit, ut in bono opere aliquas partes tribuant voluntati creatæ, cui non partem denegamus; immò totum ei tribuimus, sed acceptum & dependens à Deo. Legendus solummodò sanctus Præsul, tom. 3. in Enchir. cap. 32. ubi ait: *Totum detur Deo, qui hominis voluntatem bonam & preparat: adjuvandam & adjuvat preparatam: præcedit enim voluntas hominis multa Dei dona, sed non omnia; quæ autem non præcedit ipsa, in eis est ipsa. . . nolentem prævenit ( Deus ) ut velit, subsequitur ne frustra velit. Deus ergo semper prævenit absolute loquendo, & oppo-*



firmum asserere non possumus, quia veritati Christianæ & sancto Præfati relictum, asserenti impietatem superbam multum delectari, si datum à Deo, non sibi datum, sed ab eo redditum esse videatur. Ita loquitur lib. 4. ad Bonif. c. 6. to. 7.

Legi etiam poterit eod. to. 7. de peccat. merit. c. 18. ubi ait: *Sed laborant homines invenire in nostra voluntate quid boni sit nostrum, quod nobis ex Deo non sit, & quomodo (inquit) inveniri possit, ignora...* Quid enim habes quod non accepisti? Legat integrum & lignanter cap. 9. de prædest. Sanctorum, & non totum facile acquiescet his quæ supra diximus de Prioritate Primæ Causæ: sed & obtupescet qui audeant nonnulli sanctum Præfatum citare pro Adversariorum opinione in favorem Scientiæ Mediæ, cum sanctus Præfatus ipse satis revocet, aut ut veritas loquar, explicet quod dixerat contra Porphyrium, & quâ intentione, scilicet ut obiter quæstioni satisfacere, sine præiudicio accusatoris inquisitionis veritatis, pro qua militamus, & quam sanctus Præfatus semper supponit quotiescumque illam non exprimit.

Legendus est etiam sanctus Præfatus de Prædest. Sanctorum, cap. 2. cui suffragantur Sanctus Fulgentius de Incar. & gra. cap. 18. & D. Prosper contra Collat. c. 6.

Hoc ipsum eleganter expressit S. Bernardus Tract. de Gra. & lib. arbit. *Quod à Gratia sola, inquit, capsum est, pariter ab utroque perficitur, ut mixtum, non sigillatim; simul, non vicissim per singulos profectus operumur. Non partim Gratia, partim liberum arbitrium, sed totum singula opere indivisum peragant.*

Cum verò S. Augustinus nunquam satis laudatus dicat lib. 12. de Civ. c. 6. *Ex duobus equaliter animo & corpore affectis, visa eadem pulchritudine, unum voluisse, alterum verò, noluisse à castitate deficere;* per hoc voluit tantum sanctus Præfatus in utroque causam proximam indicare, scilicet voluntatem creatam, cum hoc tamen discrimine, ut scilicet respectu peccati, voluntas creata non tantum sit causa proxima, sed etiam prima: unde ait Divus Augustinus lib. de cor. & gra. cap. 11. *Liberum arbitrium ad malum sufficit, ad bonum autem nihil est, nisi adjuvetur ab Omnipotenti bono.* Cumque peccatum non sit effectus, sed defectus, & ad defectum seu ad privationem debite rectitudinis in actu libero, nullus requiratur Dei concursus: idcirco voluntas creata est in illo genere, ut dictum est, non tantum causa proxima, sed & prima. At ad bonum agendum & perficiendum, idem dici non potest; quia bonum est ex integra causa, & magis priusquam à causa Prima quam à secunda.

Quare si queratur v. g. cur unus tantum ex pluribus, qui prædicationem audiunt, sit ad fidem conversus? Responderi potest, quod conversus sit, quia voluit, sed non est ibi sistendum; quia Deus est qui operatur velle. Qua de cau. a dixit D. Augustinus: *Si à me queratur cur hic ita suadeatur, ut persuadeatur? immo in longum, scilicet usque ad ipsam Deum, à quo fidem habet, quæ est speciale ipsius donum. Speciale dico (non enim omnium est fides) quò singulari beneficiò & misericordiâ ille donatus est.* Ita D. August. de prædest. Sanctorum, cap. 8. unde ut probet à Deo non deferi justificationem, nisi Deus ipse, prius ab eo deferatur, & alibi passim, ubi ait: *Ad malum quippe prior est voluntas ejus (scilicet creatura) ad bonum verò prior est*

*voluntas Creatoris, sive ut eam faceret, qua nulla erat; sive ut eam resciceret, qua lapsa perierat.*

Neque unquam denegat Deus alicui auxilium illud actuale Gratiæ, v. g. ad amorem Dei necessarium, nisi ob voluntarium aliquod impedimentum ex parte creaturæ præstitum; quæ ( ut Causa prima deficiens ) liberè se se applicat ad aliquem actum huic amori oppositum, & simul incompensibilem.

Quare merito iure dixit sanctus Præsul, serm. 12. de verb. Dom. cap. 5. *Potes autum . . . perdere nolens, bonum verò, quò verè bonus es; nec inivitus accipis, nec inivitus amittis.* Legendus sanctus Præsul, lib. de cor. & gra. Et D. Thomas, 2. 2. q. 2. a. 5. ad 1.

Dixi voluntarium à creatura impedimentum exhiberi, quia voluntas creata, liberè huic actui applicata, sibi facit impedimentum ad actum bonum oppositum, ad quem non tenetur Deus alium prævium dare concursus; à quo tamen si hoc removeatur impedimentum, tunc Deus misericorditer operatur, ut ait D. Thomas supra citatus.

Hinc metuunt Sancti, ne affectu nimis intenso, adhæreant creaturis, assidueque Deum rogant, nosque rogare debemus, ut Deus Optimus salutis nostræ removeat impedimentum; unò verbò, *ut terrenis affectibus mitigatis, facilius caelestia capiamus.*

Et quia fusillimè ostendimus contra Petrum Fuliensem, mirabilem hanc Dei & creaturæ æconomiam fieri sine ullo libertatis creaturæ præiudicio, diutius in istis non immorabimur. Talis enim est Divinæ Motionis efficacia, ut ei semper resistere possit creatura in sensu diviso: volens siquidem Deus, ut Petrus v. g. amet liberè, prout convenit illius naturæ; non utcumque ipsum movet ad amandum, sed juxta modum illius liberum: id est, adaptat voluntatem Petri sub iudicio indifferenti ad amorem, quò judicat amandum esse illud objectum. Et quia ( ut supponimus ) non apprehendit in eo omnimodam boni rationem, illud non proponit amandum, nisi sub ratione sub qua possit non amari. Quod expressit D. Thomas 1. 2. q. 17. a. 1. ad 2. his verbis: *Ex hoc voluntas liberè potest in diversa ferri, quia ratio potest habere diversas conceptiones boni.*

Ex prædictis evidenter innotescit, alienum esse à veritate id quod nobis imponunt Adversarii, nimirum, præmotum à Deo necessariò agere, sive non posse non agere, ut ait Molina supra citatus c. 11. eosque Lectoribus illudere, dum ut omnibus suadeant id quod nunquam nobis venit in mentem, his utuntur exemplis, *hominis scilicet detenti compedibus, aut podagrâ laborantis; vel etiam jacentis in tenebris*, qui nec ambulare nec videre possit, etiamsi toto affectu velit, cum hujusmodi impedimenta ab extrinseco necessitate imponente, proveniant; nec sit in potestate hujusmodi hominis ea superare si velit. At impedimentum quod quis ponit Gratiæ per peccatum, est omninò voluntarium & intrinsecum, quod ille debet superare & tollere, cum possit per auxilium Gratiæ sibi oblatum ab eo qui dicitur *Adiutor in opportunitatibus.* Vide ea quæ fusiùs hac de re scripsimus contra Fuliensem nobis falsò improprietatem, nullum apud nos superesse locum Gratiæ sufficienti.

## SECTIO

## S E C T I O III.

*Cur non in omnibus ex Promotione sequatur equalis effectus. Quomodo & in quo peccavit Petrus juxta mentem D. Augustini & S. Bernardi. Cur aliquando permittat Deus aliquos deficere, quos tamen ne caderent, facile posset impedire. Quomodo omnis Dei Gratia actualis aliquem habeat effectum, quamvis propter eum, ipsa, efficax non sit dicenda; & quam innitilis sit Scientia Media.*

9. **Q**Uamvis omnes creaturæ ad suos actus à Deo præmoverantur, inde tamen non licet inferre illas omnes æqualiter benè agere; rùm quia plus & minus moventur secundum occultum & justum æternæ Sapientie illius judicium; tum quia unamquamque movet juxta propriam ipsius dispositionem, quæ cum sit diversa in diversis, non est mirum, si ex diversis causis adedè dispares fiant effectus, sicut est & valde diversa Pictoris Scriptura seu tabella, ex bono & malo penicillo efformata; etsi aliunde perfecta sit juxta regulas artis; & idedè defectus non in pingentem, sed in calamus & penicillum est refandendus.

Sic igitur, ut ostenderet Deus (inquit S. Augustinus, to. 9. tract. 2. c. 8. de Cantico novo: *quid posset liberum hominis arbitrium (Gratia scilicet speciali, quæ à culpa Adamum retraxisset) non adjutum, juxta miseram quam ille habuit pro uxore (si sic loqui fas est) complacentiam, quam, ut supra diximus, noluit contristare, Deus ut Motor Universalis, ad actum physicum ex se bonum, eundem præmovit, à cujus malitia abhorrebat; sicut & Animam suam ponebat Christus per passionem, quamvis Judæorum nequiam detestaretur: quomobrem sanctus Præsul in Enchyr. c. 101. Quasdam, inquit, Deus voluntates suas, utique bonas, implet per hominum voluntates malas, sicut per Indeos malevolos, bonâ voluntate Patris, Christus pro nobis occisus est.*

Prædictam effectuum diversitatem provenientem ex diversis causis à Deo motis, in quibus prævius Dei influxus diversimodè recipitur, satis insinuat Doctor Angelicus de Malo, q. 3. a. 2. in o. *Cum aliquid est, inquit, in debita dispositione ad recipiendam motionem Primi Moventis, consequitur alia perfecta secundum intentionem Primi Moventis; sed si non sit in prima dispositione & aptitudine ad recipiendam motionem Primi Moventis, sequitur alia imperfecta.* Et specialiter loquens ibid. de habentibus liberum arbitrium, ait: *Si fuerint in debita dispositione & ordine ad recipiendam motionem quâ moventur à Deo, sequuntur bonæ actiones, quæ totaliter reducuntur in Deum, sicut in causam.* Et sic ritè dicitur omnia suaviter disponere, quia Dei auxilium sic attemperatur secundum creaturæ modum, ut ex contingentibus effectus contingenter eveniant: ex necessariis, necessariò: in homine robusto actum efficiat robustum; in infirmo infirmum; eademque sit ubique efficacia, sed non idem efficacie modus: quia, ut ex D. Thoma alibi diximus, Deus movet mentem hominis plus aut minus, & unumquemque juxta suum modum. Quare si fateantur Adversarii (quod certè salvâ Dei Omnipotentia

negare non possunt) Deum Opt. Max. posse aliquam qualitatem, aut si maioris, motum aliquem libertati creatæ congruentem ac proportionatum efficere, quò ipse utatur, quando, ubi aut quomodo voluerit, jam mirum est quomodo possint hac in parte doctrinæ D. Thomæ resistere, cum hac unica observatione evanescant omnia ferè argumenta quæ in oppositum excogitare poterunt.

10. Id ipsum satis appositè explicuit quidam Anonymus *fortis & timidi exemplis*, qui eadem carnis tentatione pulsantur, quibus volens Deus victoriam dare, fortem præmoveret ad amorem æternæ gloriæ, quam tentationi resistendo consequetur. Timidus verò, timore pœnæ inferni à Deo percellitur, quam pro peccato iussit in ævum pateretur. Neque ad superandam hanc tentationem sufficiens fuisset utriusque hujus objecti tam diversi simplex intuitus seu propositio, quia his motivis hac in vita non convincitur efficaciter intellectus, & voluntas nostra (quæ intellectum sequitur) ut est potentia libera seipsam supponit, ut est natura quædam; sicut etiam visus & gustus supponunt sensum tactus: similiter tota natura ipsum Deum seu primam radicem, basim & fundamentum. Unde sicut impossibile est ut visio v. g. eliciatur à potentia visiva, quin præintelligatur ac subsit in ipsa influxus prævius tactus (in quo potentia visiva radicitur); ita impossibile est ac potiori jure, ut fiat aliqua actio creata, sive naturalis, sive libera, quin Deus Opt. semper sit prævius, ut ipsum *Esse* per essentiam, sustinens in *esse* omnia entia & agentia per participationem (sicut per Solis influxum lux conservatur in aëre) in quibus ejus influxus recipitur & secundum *esse* modificatur, non secus ac (salvo immenso discrimine) sensus tactus modificatur in singulis sensibus, qui in ipso radicanter. Quod si vel semel vellent Adversarii intelligere, æternum contra nos obmutescerent hac in parte, eosque sine dubio pœniteret tot falsa Thomistis imposuisse. Legendus D. Thomas de verit. q. 22. a. 5. in o.

Porrò id quod diximus de *forti & timido*, hoc ipsum dicendum est de cæteris mortalibus, in quibus indoles (juxta quam Deus ut plurimum operatur) cum non sit minus diversa in diversis, quàm hominum facies, in quibus, vix duos reperias perfectè similes: nihil mirum si tam diversam quoque intueamur in eis Dei operationem, in quibus tamen tantà suavitare, tamque secretà operatione Deus operatur, ut sibi met ipsis omninò relictis, & sola eorum natura & voluntas agere videantur, ac miseri dicant: *Quis noster Dominus est?* Quorum temeritati & arrogantia Deus aliquando medetur per subtractionem Gratiæ & auxilii, ut saltem propriâ infirmitate discant, nihil sibi arrogare; sed eum à quo est omne bonum, intus operantem agnoscere, & ad eum in necessitatibus confugere, ejusque opem (sine qua vel ad momentum subsistere nequeunt) indefinenter implorare.

11. Hoc si fecisset Petrus (inquit D. Augustinus) sine dubio non cecidisset: nam bonum quod in ipso erat, erat adhuc valdè imperfectum, quod profectò ille perfecit, cujus perfectæ sunt opera & omnes viæ ejus judicia. In Petro, inquit sanctus Præsul, lib. de gra. & lib. arb. c. 7. *jam erat parva & imperfecta Charitas, quando dicebat Domino: Animam meam pro te ponam....* Sed quia præposterè præsumpsit agere Petrus, à Deo, quem prius deseruit, defertus est. Quem alloquens sanctus Præsul tract. 66. in Joa. sic ait: *Quid festinas, Petre? nondum te suo Spiritu Petra solidavit; noli exrelli presumendo, noli dejici desperando, sequeris postea.* Restituit Petrus

dicens: *Quare non possum te sequi modò?* Quia ille qui modò in te operatur velle, debet operari & perficere; est enim Alpha & Omega, Principium & Finis. Ut Principium (inquit sanctus Præsul ad Simplic. q. 2.) *Petere, querere & pulsare concedit, qui ut hæc faciamus jubet. Ut Finis, Operatur perficere pro bona voluntate. Quò conatus operum,* inquit D. Prosper, *affluuntque iuvante, propositam citius ferret mens libera palmam.*

Hic & D. Bernardum audiamus. [Veniatur inquit Tract. de Gra.] in me-  
dium Petrus Apostolus; ipse quippe visus est negare veritatem contra pro-  
prium voluntatem: siquidem aut negare, aut mori necesse erat; mori timens  
negavit: negare nolebat, sed magis nolebat mori: itaque invitus quidem  
sed negavit tamen ne moreretur. . . . Mortem evadere volebat, sed quid istud  
criminis fuit? Duas Apostoli tenemus voluntates; unam, quã voluit non mo-  
ri penitus inculpabilem: alteram, & multũ laudabilem, quã sibi com-  
placebat quòd esset Christianus: in quò ergo culpabitur? An in eo, quod  
mentiri, quàm mori maluit? Hæc planè voluntas, reprehensione digna fuit,  
quia corporis magis quàm Animæ voluit servare vitam. Os nempe quod men-  
titur occidit Animam: Sap. 1. Peccavit ergo, & non absque consensu pro-  
prie voluntatis, infirmæ quidem & miseræ, sed planè liberæ. Peccavit au-  
tem non spernendo aut odiendo Christum, sed se nimis amando. . . . Si  
Christum non amasset, non negasset invitus. Verum si se amplius non ama-  
set, non aliquatenus negasset. ] Hactenus D. Bernardus, qui, ut patet,  
lapsum Petri non refundit in subtractionem Divini auxilii, sed in propriam  
Petri voluntatem, sui que nimium amorem. Quod notatum velim.

Sic multi ingrati cadere aliquando permittuntur aut premuntur gravi ali-  
quã necessitate, ut saltem tunc agnoscant se à Deo (quem in prosperitate  
ignorabant) robur ac sanitatem accepisse; quam nisi det ipse (à quo gratis  
eam acceperant) à nullo possint habere. Quare Propheta Divinitus afflatus  
aiebat: *Imple facies eorum ignominia, & quærent nomen tuum, Domine.*

Ita quoque permisit Deus (inquit S. Augustinus, q. 14. in Matth.) quos-  
dam Iudeos tanto superbie tumore periclitatos, ut eis expediret primò non  
credere, & ad hoc fuisse excæcatos, ut non intelligerent Dominum loquen-  
tem per parabolas; quibus non intellectis, non in eum crederent: non cre-  
dentes autem, cum cæteris desperatis eum crucifigerent, atque ita post eius Re-  
surrectionem converterentur. Sed quare ita factum est? *Quoniam,* inquit,  
tanta erat eorum superbia, ut tali esset humiliatione deicienda.

Et quia alibi fusiùs contra Fulientem ostendimus nullum esse Dei Auxilium  
actuale, quin aliquem semper habeat effectum, licet propter eum non dica-  
tur efficax: placeat hoc confirmare hoc tam aperto quàm brevi D. Thomæ  
testimonio 1. 2. q. 21. a. 1. ad 2. ubi ait: *In peccato autem natura deficit  
quidem actus à fine ultimo, qui est perfectio generati; non autem deficit à  
quocumque fine proximo: operatur enim natura, aliquid formando. . . . Et simi-  
liter,* inquit, *in peccato voluntatis, &c. Licet non deficiat ab aliquo fine  
proximo, quem voluntas intendit & consequitur.*

Sed quid alio opus erat, quàm sermone Evangelico ex parabola Seminari-  
s deprompto, Lucæ 8. ubi præter semen quod nullum retulit fructum; aliud  
est, quod natum quidem, sed continuò aruit; quia non habebat humorem:  
aliud verd quod in terram bonam cecidit, quodque ortum fructum fecit

*centuplum*; seu prout alibi Scriptura loquitur, *Dedit semen ferenti, & panem comedenti*. Quibus rectè distinguitur Gratia sufficiens (quæ non ultimum semper habet effectum) ab efficaci, quæ nunquam caret suo, etiam in corde durissimo, cum eo fine à Deo (cujus non potest intentio deficere) datur, ut cordis duritia primitus auferatur; quod alio modo in Scriptura exprimitur, scilicet *verbo, quod vacuum non revertitur*. Sic ergo cum de Gratia per se efficaci loquimur, sufficientem præsupponimus; quia actus præsupponit potentiam sufficienter elevatam ac necessariis instructam; & qui secus dicendum arbitrareretur, ei similis mihi videretur, qui referens hæc verba Jobi cap. 28. *terra de qua oriebatur panis*; assereret panem oriri ex terra & semine, sine ullo germine & aliis dispositionibus prærequisitis, à quibus in agendo non consuevit Deus Opt. abstinere, nisi quando operatur miraculose.

Ex his & aliis supradictis discet Eupistinus Omnipotentem nullo modo dependere ex circumstantiis loci aut temporis, vel dispositione personæ; ac subinde nullam esse necessitatem Scientiæ Mediæ quam ejus Defensores necessariam esse arbitrantur, ut Deus per eam, has dispositiones, & circumstantias prospiciat ac exploret. Semper enim illi subest cum voluerit posse, quando, ubi & quomodo sibi placuerit ac bene visum fuerit, etiam independentem ab omni dispositione, quam ille teneatur expectare, prospicere vel præsupponere ex parte creaturæ; quæ cum fine illo nihil omnino posse efficere, nec subinde valebit seipsam disponere, nisi Deo ipso eam aptante.

12. Hic subinde totus uno verbo abstergendus est Scientiæ Mediæ fucus, quam ut se se super Senes, ac nominatim supra Sanctum Augustinum intellexisse suaderet illius Propugnator, hanc à se inventam esse gloriabatur & jactabat, illamque esse valde necessariam prædicabat, pro explicandis Divinæ Gratiæ & Prædestinationis Dei æternæ arcanis, in quibus quidquid hætenus dixerint, aut unquam dicere possint quidam Moderni, nunquam ulli sanæ mentis ac Christianæ sapienti suadebunt, se esse Apostolo usque ad tertium Cælum rapti, lumine Ecclesiæ sancto Præsule Augustino . . . doctiores, qui persæpè in prædictis, id est, in componenda Divinæ Gratiæ efficacia cum libertate creata, & in reddenda ratione, cur unus ita suadeatur ut persuadeatur, altero in duritia, remanente, exclamat cum Apostolo, non minus quam in Trinitatis mysterio. O Altitudo! Quod parùm modestè parumque religiosè quidam Scientiæ Mediæ Propugnatores vocant *Asylum*, alii verò *Anchoram* ignorant. Qui si ore proferre vellent, quod tenent corde, sincerè facerentur, Scientiam Mediam non tollere, sed regere difficultatem, ob quam velint nolint, coguntur eandem amplecti *Anchoram*, & ad hoc confugere *Asylum*, nisi malint in abyssum incidere, quam vitare nequeunt. Quod satis indicat illorum Responsio. Si enim quæratur ab ipsis: Quis sit Scientiæ hujus Mediæ fructus? Respondent quidem: Quia per eam ante omne Dei decretum ab æterno notæ sunt infinitæ occasiones & rerum circumstantiæ, in quibus si ponatur v. g. Petrus, salvabitur; in aliis verò damnaretur. Tuncque tantum his prævisis (inquiunt) efficaciter Deus decrevit ponere Petrum in illis in quibus salvetur.

13. At si urgeas, ulteriusque inquiras: cum Paulus v. g. nondum esset, nec quidquam adhuc mali egisset: cur Deus Opt. non decreverit illum ponere in aliqua felici occasione aut circumstantia, in qua salvus fuisset? Aut cur illum

non fecit optime indolis seu verum Israëlitam, in quo etiam Adamus peccasse non videretur, prout de Divo Bonaventura dicebatur. (Nec enim possunt, ut supradictum est, ad prævisionem confugere.) Responder ipsemet Pater Annatus: & cum eo omnes Scientiæ Mediæ Propugnatores. *O Altitudo!* At non videtur valde generosum, immodò satis turpe Aliqui fortasse iudicabunt ut tam citò quisquam redeat, seu confugiat ad id, quod tanto verbòrum fastu paulò ante aspernatus fuerat. Quare hìc mihi videtur D. Augustinus lib. de peccat. merit. c. 17. tom. 7. Scientiæ Mediæ Defensores alloquutus his verbis. *Quando secum ipsi paululum sine certandi studio cogitaverint, quàm sit absurdum, nec dignum disputatione, quod dicunt: continuo sententiam commutabunt. Quod si voluerint, non usque adeò de humanis sensibus desperandum est, ut metuemus ne hoc cupiam persuadeant. Ipsi quippè ut hoc dicerent, alicujus alicuius sententiæ præjudiciò impulsus sunt.*

Quod autem sit illud præjudiciò, tot jam editis libris, quibus tam apertè veritas manifestatur; satis apparet, nullum aliud esse præter difficultatem revocandi gradum, seu retractandi id, quod innumeris libris prætextu Thomistarum à centum circiter annis scripserunt Adversarii in ipsum Doctorem Angelicum: modò palam, ut Petrus à S. Joseph, assumptò etiam nomine Defensoris Divi Thomæ: aliàs clam & frequentius ut Eupistinus, alique plures falsis Nominibus assumptis: quibus sine dubio facilius esset rescipiscere, & evanidiæ hujus Scientiæ Palinodiam recantare, vel eam prorsus abicere: quàm ullum deinceps fucum rebus facere, quò vel apparenter valeant rem adeò inutilem & falsam Peritis persuadere. Quòd si noluerint, nihil subinde est metuendum Thomistis, contra quos nihil obicere possunt Adversarii, quò prius non lædantur (quos summa devotione & honore venerari debent) non tantum Apostolus, sed & præcipui Ecclesiæ Patres, Augustinus, Prosper, Bernardus, Chrysostomus, Doctor Angelicus, &c. Quibuscum sapere malumus, quàm Scientiam Mediam, & id genus alia Adversariis propria vel auctulare: cum id facere non possimus, quin tritam tutamque horum Sanctorum semitam deferamus: quâ viâ semel relicta, tot erroribus patet aditus, totque instant exerrationes in Moraliibus.

## SECTIONO IV.

*In qua audiuntur tres Celebriores Societatis Jesu Scriptores, à quibus magis commendatur hac in parte potissimum, Doctrina D. Thomæ.*

Nu. 14. **S**I hìc audiat Tannerus Societatis Jesu Author Celeberrimus, non seò sine adducitur, quasi sentiam vel ipsum favere Prædeterminationi physicæ, vel Adversari Scientiæ Mediæ: sed tantummodò ut innoscat quomodo ab invicem dissideant, qui hac in parte recesserunt à secura D. Thomæ doctrina, ex quibus vix duos reperias in omnibus perfectè consentientes. Et hujusce rei testis est Tannerus tom. 2. typis Engolstadii edito, an. 1626. disp. 6. de Grat. q. 2. dub. 5. ubi inquit, *An Gratia efficaciter consistat in sola cooperatione ejusdem cum libero arbitrio? Ita ut sit in potestate hominis Gratiâ reddere efficacem, quâ alioquin ex se non esset nisi*  
li iij



*sufficiens* prout (inquit) sentiunt Molina, Valquez, Lessius, quos nu. 76. citat cum aliis Reccationibus, parum inter se consentientibus: nectamen discrepantibus ab aliorum opinione quam Bellarminus, ait *esse omnino alienam à sententia Scripturarum Divinarum, & evertere omnino fundamentum Prædestinationis Divinae, quam S. Augustinus ex Divinis litteris solidissimè comprobavit.*

Potèd prædictorum de gratia doctrinam, quæ asserit Gratiâ sufficientem fieri efficacem per liberam creaturæ cooperationem, absolūtè rejicit Tannerus, aitque per eam nimis extenuari Gratiæ efficaciam; quod fusissimè & efficacissimè probat: Primò (inquit) quia falso nuntietur fundamento *Authores ejusdem, existimantes, quòd si efficacia Gratiæ constitueretur in vi quadam infallibilis efficiendi consensus, quæ prior sit ipso consensu absolūtè futuro, destruetum iri libertatem consensus: quòd falsum esse, inquit, ex iis etiam, quæ Authores isti ultro concedunt, evidenter demonstrabimus.* Additque ibid. Gratiâ debere esse & dici efficacem ante consensum & cooperationem quam efficiat. Est ergo cautela illius, ac proinde præcedit ut voluit Thomistæ.

15. Hoc confirmat his verbis: *Si datur Gratiâ habens vim infallibilem efficiendi consensus, etiam prius ratione, quàm consensus ipse absolūtè futurus sit, (quod negari nullo modo potest: ) efficaciam Gratiæ propriè & formaliter in ea ipsa vi infallibili sitam esse affirmat: & ex opposita sententia, inquit, sequitur hominem facere posse Gratiâ efficacem seu congruam, ex ea, quæ alioquin esset sufficiens: idque, inquit, Authores isti, Molina, Vasquez & Lessius ultro & discretè faciunt.* Hoc autem juxta Scripturam veritatem non videtur dici posse: quia sic, homo seipsum discerneret, contra illud Apostoli 1. ad Corinth. 4. v. 7. (quis enim te discernit? Quid autem habes quod non accipisti? Hoc fusiè prosequitur Tannerus confutatque modum quem, adinvenerat Lessius ad molliendam locutionis siccitatem, quæ dicebat ab homine, reddi Gratiâ efficacem; contra quem superius jam dixerat Tannerus Gratiâ efficacem esse & dici debere ex natura sua salem, sicut gluten (dicitur) tenax, etiamsi actu nihil teneat: ita simili modo, inquit, efficax vinum vel medicina dicitur, etiam dum nihil efficit, adedque priusquam efficiat... ita & Gratiæ efficacia significat actum primum, non secundum; ipsamque vim quandam efficiendi consensus: non quamlibet; (sic enim non distingueretur à gratia sufficienti: ) sed infallibilem: At ne totum Tannerum excipere cogamur, vide ibidem quomodo doceat ex sententia Molinae & aliorum Nullam Prædestinationi gratuita relinqui locum contra Apostolum ad Rom. 9. & contra D. Augustinum c. 8. de Prædest. Sanctorum, ubi ait Gratiâ efficacem: à nullo duro corde respui. Et Epist. 107. ubi vocatio illa dicitur alta & secreta, quæ sic agit sensum, ut accomodat assensum. Et lib. de spir. & litt. c. 34. interrogatus cur Deus ita uni suadeat, ut persuadeat: alteri non ita: exclamet (O altitudo divitiarum!) At juxta opinionem Molinae & aliorum in promptu esset respondere, istud idè fieri, quia unus gratia vocanti cooperatur, alter non item. Et Prædictorum doctrinam ostendit Tannerus non solum Scripturæ & D. Augustino repugnare, sed & manifestè oppositam esse D. Thomæ 1. 2. q. 112. ar. 4. quem quisvis legere poterit.

16. Denique eadem sententia, inquit, post diuturnam ac diligentem hujus rei discussionem peculiari Decreto Clandii Aquavivæ Præpositi Generalis anno



1613. improbata est ut videre est pag 1166. Quibus relatis ait Tannerus, negari tamen nullo modo potest, in eo planè definiiri, Gratia efficaciam formaliter non esse sicam in ipsamet cooperatione nostra, sed eam in actu primo prius naturâ efficaciam esse, quàm cooperatio nostra absolūtè futura sit. Profectò vellem ut ipsi Tannero, exposita fuisset D. Thomæ doctrina, eò quo illam hic explicuimus modo; salvâ semper libertatis indifferentiâ etiam sub efficacissimo Divinæ Gratiæ Auxilio, cum perfectâ immunitate tam à coactione, quàm à naturali necessitate: Vellem (inquam) etenim nullum alium opponere doctrinæ Adversariorum. Quid adhuc mi Eupistine? hic non est Dominicanus, sed illustris inelytæ Societatis Jesu Defensor. Jam quæso non amplius de Scientia Media loquamur, quam sine dubio pari zelo ille respuisset, si ea, quæ de hac retulimus, ipsi suâ ætate, innotuissent. Vides hac in parte Thomistarum à quadringentis annis consensum unanimem, & assiduam à centum, Tuorum discordiam? Sanctum Ignatium cum 20. totius Societatis Jesu sanctioribus & doctioribus habes Adversarium: ut infra ostendemus: habes & Decretum P. Generalis Claudii Aquavivæ, prohibentis ne ullus ex Religiosa Societate Jesu docere audeat Gratiam fieri efficacem per liberum arbitrium. Quid ergo effugies? aut quem in tuum consortium induces? forte Petrum à Valle-clausa, ad quem toties recursum habes. Sed omni jure contra ipsum in tuto sunt Thomistæ.

17. Qui supersunt ex Religiosa hac Societate, si liberum ipsis esset dicere quid sentiant, non dubito quin citò Sapientissimum Patrem Annatum imitarentur in salutari respicientia, quæ ipsi in ævum Sanctum citè gloriosissima in qua ipsi vivam straverat P. Bastida, qui sui juris factus, licet antea in Societate Jesu existens tanquam Doctior selectus fuisset ad Scientiam Mediam propugnandam; attamen ubi primum fuit ab ea egressus, evolavit in Castra Thomistarum ad Præmotionem physicam propugnandam. Sed ne actum agamus, aut lectorem superflua aut nimis proluxa serie Authorum Celeberrimorum Societatis Jesu, qui hac in parte nobis consentiunt gravemus: Legat qui voluerit Paulum Falcieu, qui infatigabili labore cum pari fidelitate, à pagina 41. usque ad 488. numerum Sæctarorum doctrinæ Thomisticæ prosequutus est, Qui supersunt (dixi) nam inter & ipsos est dissidium, de quo Palavicinus magnam præfatæ Societatis Decus, c. 25. *Vindicationum Societatis* ubi ait: *Disconvenit nobis cum inelyta Dominicana Familia super efficacia Divini Auxilii. Nulla causa vehementioribus studiis unquam suscepta, quam hæc à nobis, quippe accusatis ac reis, adeoque non tantum ad victoriam, sed ad Defensionem questionis sublimitas: Accusatorum Autoritas publica mortalium expectatio; Societatis novitas, ac proinde existimatio non satis firma. Et postquam dixit doctrinam Societatis posse defendi, (quod nullus nostrum unquam negabit, quandiu Ecclesia eam tolerabit) ait Palavicinus: Jam verò ferè perventum est; ut plus negotii atque studii in hac ipsa questione apud nos civilis, quàm externa contentio habeat. Domestica enim quippe propiora & acrius irritant, & vehementiorem habent ictum, vel molestia vel volupçatis. Sed ut in ore duorum testium stet omne verbum: audi & Alterum quem nemo negare potest, quin post Sanctum Ignatium majori exarserit zelo, pro decore & bono Regimine Societatis prælicte. Hic est Joa. Mariana: qui in opere de bono Regimine Religiosa hujus Societatis edito*

causalitatem seu influxum per *concursum prævium*, ex ly præ. & *concursum* quorum primum dicit prioritatem, alterum verò simultatem: existimavit hanc notionem contradictionis vitio laborare.

At, apparentem hanc contradictionem facillimè sic solvunt Thomistæ. Ly *concursum prævium* importat contradictionem distinguo grammaticaliter seu secundum vocem; transeat Antecedens; Philosophicè, secundum rem & Theologicè nego Ant. Explicatur. Cum Dei influxus sit simul tempore cum operatione causæ secundæ, rectè dicitur *concursum* & quia eandem operationem præcedit naturâ & effectivè; ritè etiam dicitur *Prævius*; sicque nulla est contradictio, aut ulla Adversariis cavillandi iusta ratio, nisi fortè quod hæc via ipsis longè faciliior visâ sit, quàm ullus alius respondendi modus.

Alterum quod buccis concrepanibus ventilabat argumentum idem Neotericus, est: quòd ut patet (inquietabat) ex primo Eupistini volumine, omnium ferè suffragio probata sit Scientia Media. At libri tres à me editi contra Fuliensem pro Defensione Præmotionis physicæ, à nullo obrinuissent approbationem, nisi ab iis Thomistis, & quidem domesticis, qui suam in me propriam doctrinam approbant. Verùm nihil facilius, aut magis authenticum afferri potest ad perpetuam falsæ hujus objectionis repulsiâ, quam quod paratum ab Amico repeti testimonium, post assiduam ferè quatuor annorum absentiam.



## IUDICIUM CENSORIUM A DEPUTATIS

*ex quinque Vniuersitatum Doctoribus Theologicis factum, circa quatuor libros in lucem iterum Divisione editos pro Prævii Influxus Primæ Cause in omnes creaturas etiam liberæ Defensione; seu Legitimo jure Prædeterminationis Physicæ vindicando; cuius æquitas hic evidenter aperitur; atque tum antiquâ amulorum scommata: tum nupera cuiusdam Neoterici diffœria in ejus Propugnatores conjecta, satis confutantur.*

### EX ALMA UNIVERSITATE PARIISIENSI.

**O**Mnibus non Lusciosis & qui rectitudine iudicii pollent suspiciendus videbitur & suscipiendus quasi Nuntius fidereus Author Dissertationis hujus Theologicæ Reverendus Pater Jacobus à Sancto Dominico, Ordinis Prædicatorum, Professor Theologiæ Emeritus; qui jure vindictiarum liberavit ab Acroamate Interpolatoris genuinam Doctoris Angelici doctrinam, quam convellere tentabat officio inofficioso, nec satis à familiari popularitate remota industria; dum scilicet Doctorem nostrum omni commendatione & confirmatione majorem quasi in aporia constitutum exhibet circa mysterium Prædeterminationis, & Proceretici Personam gerens, Facultatem sibi metipsi facit determinandi sensum illius quem muto debuisset obsequio nunquam non audire. Oculis igitur non emissitis, sed delixis inspectet Novam hanc Cassiopeæ Stellam, quæ ad instar ejus miraculosæ quæ in fronte Divi Dominici conspicua dum lultralibus undis tingeretur, innuit fulgorem simul & ardo-

rem cœlestis Scientiæ; equidem hæc stella circulo quasi lacteo connexa cum ceteris syderibus circa Cassiopeiâ undequaque circumstantibus totius Militiæ Cœlestis vexilla protendit si ex Sacro Eloquio placeat ad pugnam Sizaræ animos convertere. Sed quia ad hirundinem præsentior & minor allusio, hinc per talem hirundinem Tobîa cœcior factus Acroamaticus Adversarius, discit quoddam non nisi Aquinatis Angelico consilio à cœcitate ad usuram lucis revocandus sit, interposito videlicet stellæ hujus Medicæ & illuminatricis splendore, quæ lumen Cœli ipsi perspicuum exponet. Nolim tamen illum incursare quasi nihil cum nostra Cassiopeia habeat convenientiæ præter immanitatem Ceti contra Andromedam aut Nereïdum invidiam: vel ut ad Sacrum Oraculum convertatur amica nostra Commonefactio, nihil præter Callionimi Tigridis horrorem: si enim ita rem nobiscum haberet, sentiret hic Perseum Liberantem, at mage persentiret Tobiam apprehendentem branchiam ejus. Faxit ergo Supremus Omnium Moderator Deus Opt. Max. ut quemadmodum in hoc opere omnia fidei Orthodoxæ apprimè sunt consona, ita & Charitatis vinculo omnium qui perlegerint corda mentesque connectantur, Ita scripsi Ego Doctor Theologus Sacræ Facultatis Parisiensis. Nono Kalendas Novembris, Anno 1669.

CHAPELAS, *Cyriacus S. Jacobi à Maclaboria.*

**O**pus R. Patris Jacobi à Sancto Dominico Ordinis Prædicatorum, novum quoddam Lumen ingerit in animos Lectorum, qui Prædeterminationem physicam velut modum idoneum conciliandi liberum arbitrium cum gratia efficaci admittunt: & sicut Divus Prosper suum Rufinum in evolendis Sancti Augustini libris, suum omne studium impendere volebat, ut in consistenda Dei Gratia, saluberrimam Evang. & Apost. Doctrinæ intelligentiam consequeretur; ita qui per tramitem Thomisticæ doctrinæ in agone Theologico currunt, inoffenso decurrent pede & propriis veritatem Theologicam apprehendent, qui mentem Divi Thomæ & doctrinam ejus de necessitate & efficacia gratiæ in hoc libro expressam, sub auspicio & Regimine hujus Stellæ indagabunt. Ita testor & censeo Ego infra-scriptus Doctor Theologus Societatis Sorbonicæ. Datum Lutetiæ 6. Kalend. Martii. Anno Domini 1670.

CHASSEBRAS, *Cyriacus S. Magdalene.*

**Q**uibus oculis unquam legerit quispiam Angelicum Doctorem, & ejus doctrinam his in libris, quibus præfixus erat aliis titulus (Nova Cassiopeiæ Stella, &c. Authore R. P. F. Jacobo à Sancto Dominico Ordinis Fratrum Prædicatorum) contentam, non adverterit, sanè non video: Etenim tam apertè mihi constat ex mente Divi Thomæ necessarium esse omnibus agentibus creatis, tam naturalibus quàm liberis Prævium hunc Dei Influxum hoc in opere accuratius explicatum ac propugnatum, ut cæcutire mihi videatur in meridie, qui de hoc vel anceps fuerit.

*Ira ego infra scriptus Doctor Sorbonicus post sedulam horum lectionem librorum judicavi Parisiis die 2. Decembris 1670.*

LUDOVICUS FREMONT.

**E**Go infra-scriptus Sacrae Facultatis Theologicae Parisiensis Doctor ac Socius Sorbonicus rictor legisse & quantâ potui diligentia examinaſſe opusculum cujus titulus est (Nova Cassiopeiae Stella, &c. seu D. Henſio Sancti Thomae Doctoris Angelici, Authore P. F. Jacobo à Sancto Dominico Ordinis Fratrum Praedicatorum) in quo nihil deprehendi Fidei Catholicae, Apostolicae & Romanae, bonisque moribus contrarium: immò Sancti Thomae Doctrinam eximiam, quae Praedeterminationis Physicae Spiritum continet: ut enim olim determinavit nostra Ecclesiae Parisiensis adversus male intelligentes ejus Doctrinam. Fuit universalis Ecclesiae lumen praefulgidum, gemma radians Clericorum, fons Doctorum, Universitatis nostrae Parisiensis speculum clarissimum, & candelabrum insigne ac lucens, per quod omnes qui vias vitae & Scholas Doctrinae suae ingrediuntur; lumen vident, &c.

*Ita Ego Schola Parisiensis Doctor Theologus, ut filius pro Matre, Discipulus pro Magistro zelum meum palam ac publicè manifestarem, subscripsi in Sorbona die 30. mensis Decembris anni 1670.*

N. PETITPIED.

## EX UNIVERSITATE DVACENA.

**C**um haec nova Cassiopeiae stella tam benigno Thomistica de Praedestinatione physica doctrinam lumine illustret, ut nec malignis convitiis radiis Adversarios perstringat, nec ullas in se maculas fidei orthodoxae, bonis moribus aut Decretis Apostolicis adversas exhibeat; meritò novam typis iteratis lucem dabit & accipiet. Actum Duaci die 2. Martii 1670.

*MATHIAS GERTMAN, Sacra Theologia Doctor ac Professor Primarius: Insignis Ecclesiae Sancti Amati Praepositus, & Universitatis Duacena Cancellarius: Seminarii Regii Praeses, &c. nec non Librorum Censor.*

**N**Ova haec R. Patris Jacobi à Sancto Dominico Cassiopeiae stella radios suos omnes de Praedestinatione physica & verè Thomistica, quam ut sanæ & inconcussae Ecclesiae Catholicae doctrinae maximè conformem Sacra Universitatis Duacena Facultas pro viribus propugnavit; ab Angelico Sancti Thomae Aquinatis lumine ita perfecte mutuatur, ut eâ Thomas ipse fulgere videatur: atque per illam tenebræ quas purissimæ & indeficienti Communis Magistri Luci, in sua Larvata Divi Thomae Defensione, re ipsâ, acerrima impugnatione R. P. D. Petrus à Sancto Joseph voluit effundere, planè dissipantur. Quare illam prælo dignissimam judicamus die 27. Februarii 1670.

*JACOBUS RANDOUR, Sacra Theologia Doctore ejusdemque Regius & Ordinarius Professor.*

*NICOLAUS JOSEPHUS, de la Vardanne, Sacra Theologia Doctor & Professor Regius & Ordinarius.*

Kk ij

**N**Os infra-scripti vidimus (non sine animi voluptate) novam Cassiopeiæ Stellam à R. P. Jacobo à Sancto Dominico Ordinis Prædicatorum compositam. Vidimus & mirati sumus lucem illius, idè purissimam, clarissimam, quia à Sole Theologiæ mutuata. Vidimus in ea Thomisticæ (de physica Præmotione) doctrinæ soliditatem, suâ in profunditate adè modestam, ut nec profunditas officiat claritati: nec claritas subtilitatem obtenebret, nec subtilitas modestiam exsufflet. Vidimus doctrinam dignissimè de Deo sentientem, ipsius in omni causarum secundarum causalitate Primatum egregiè vindicantem, & creaturam intra creaturæ limites continentem. Ut sic totum D. Thomam in nova Cassiopeiæ Stella conspexerimus ad vivum expressum. Dignissima proinde est quæ in firmamento Cæli literarii luceat omnibus Angelicæ veritatis Amatoribus, ut in ejus Lumine videant Lumen. Ita censuimus Duaci hac die 21. Decembris 1669.

F. HENRICUS, à Sancto Ignatio Ordinis Carmelitarum Sacra Theologia Professor.

F. GREGORIUS, à Sancto Martino Sacra Theologia Professor ejusdem Ordinis.

**N**Os infra-scripti Fratrum Carmelitarum discalceatorum Conventus Duaceni Sacræ Theologiæ Lectores: Novam hanc Cassiopeiæ Stellam à R. P. Jacobo à Sancto Dominico Ordinis F. Prædicatorum compositam diligenter evolvimus: nihilque in ea fidei, nihil pietati, nihil probis moribus adversum reperimus: quin immò præfatus Author Prædeterminationis Thomisticæ originem, progressum & necessitatem perspicuè evincit, ac solidè roborat, idque adè consone ad mentem Doctoris Angelici ut ipsum nedom sequi, sed etiam exprimere videatur. Eandem præterea D. Thomæ doctrinam à Neotericorum impugnationibus tam acriter uetur ac nervosè propugnat, ut nebulae quas Petrus à Sancto Joseph Fulienfis Soli nostro obduxit, sicut & illæ quas nuper alii suscitaverunt, novi hujus syderis fulgoribus penitus dissolvi ac dissipari queant. Datum 28. Februarii 1670.

F. CAROLUS ab Assumptione Sacra Theologia Prælector,

F. DOMINICUS à Sancta Maria. Sacra Theologia Prælector,

**N**Ova hæc Cassiopeiæ Stella solis sui Angelici ignem spirat & lucem, suisque quâ Authoritatum, quâ rationum plenius ac robustis radiis sic effulget, ut ex his unâ diffusis & undequaque dispersis; & disceptationum nubes facile dissipentur: suus verò doctrinæ Thomisticæ (cui ex professo Author unicè addicitur) primus, vereque nativus splendor redditur, totius Thomisticæ Scholæ novâ luce ac subsidio. Datum Duaci in Sancto Augustino Kalend. Martii 1670.

F. ANTONIUS DOUCHE' Augustinianns Sacra Theologia Professor Regius.

F. CHRISTOPHORUS de Labbætræ Augustinianns Sacra Theologia Professor,

**N**Os infra-signati Collegii Vedastini Sacræ Theologiæ Professores publici in Alma Universitate Duacena librum inscriptum, nova Cassiopeiæ

Stella, &c. Authore P. F. Jacobo à Sancto Dominico Ordinis Prædicatorum, attentè perlegimus: opus planè eruditum, quod profundam Authoris doctrinam & perspicaciam commendat in assequenda mente Doctoris Angelici, cujus partum esse genuinum Prædeterminationem physicam à sola ejus Schola fœliciter semper propugnatam, solidè adstruit: unde nihil hîc Orthodoxę fidei, aut bonis moribus adversum contineri, sed Sancti Thomę (ut Alexandro VII. Summo Pontifici placuit) *cristissima, inconcussaque Dogmata* censemus. Duaci 23. Februarii millesimo sexagesimo septuagesimo.

*D. Petrus Lestrelin.*

*D. Gillenus de la Ruë Ordinis S. Benedicti.*

*D. Petrus Honoré Relig. Sancti Amandi Ordinis S. Benedicti.*

*D. Philippus Albertus Desprez Ordinis S. Benedicti.*

*D. Antonius Chasse, ejusdem Monast. & Ordinis.*

**V**Erè grata mihi Cassiopeię Stella illuxit à R. P. Jacobo à Sancto Dominico Ordinis Prædicatorum firmamento scholastico inducta; quippe Angelici Solis D. Thomę Aquinatis clara, lumine; antiquum Prædeterminationis Thomisticę negotium, originem, progressum & necessitatem participatę Lucis mihi uà reflexione irradians; & Sancti Doctoris mentem apertè explicans: quare dignam censeo quę omnes veritatis Amatores illuminet. Datum Duaci hac 26. Februarii in Conventu Ord. nostri Sanctissimę Trinitis, de Redemp. Capt.

*F. De Bethencour Artium & Sacra Theologia Doctor, per Belgium Provincialis & Conventus Duacensis Minister.*

**E**Go infra scriptus legi attentè, & maximâ cum animi delectatione ac satisfractione perlegi librum cui titulus; nova Cassiopeię Stella, &c. à R. P. Jacobo à Sancto Dominico Ordinis Prædicatorum compositum: cujus quidem stellę radii sic emicant, ut Sanctorum, præsertim Sanctissimi Præsulis Augustini ac Angelici Doctoris Thomę, mentes cuius intuitu omninò explicant, tam quoad Præmotionis Physicę, quàm quoad gratiæ per se efficaciæ certitudinem & infallibilitatem, salvâ semper humanę voluntatis libertatē & indifferentiâ. Ita ut vel in meridiana luce cæcutire vel certè voluntariè rebelles lumini esse jure merito censi debeant, qui hos veritatis radios non videant. Agnoscant igitur quicumque in nebulis & caliginoso loco hætenus ambulaverunt, lucem tam patentem, humiliati sub potenti manu Dei; ejus Dominium non solum in effectus, sed & in ipsas causarum secundarum actiones cum nostro Authore amplectantur, nisi velint, dum nimis creaturę tribuunt, Divinę Potentię plurimum detrahere, & suum sibi fieri principium intolerabili audaciâ præsumere. Suum igitur stet Dominium Primo Motori & Primo Libero; stet & sua creaturę libertas, sed secunda. Prodeat itaque hæc stella & radios suos in omnes Orbis partes emitat, & Adversariorum nebulas penitus depellat. Datum in Conventu Patrum Minimorum Duacensis hac die 1. Martii 1670.

*F. Mathæus Doyen Ordinis Minimorum Sacra Theologia Lector & in Belgica Provincia Exprovincialis.*

Kk iij

*Ex Vniuersitate Remensi.*

**N**Os infra-scripti in Sacra Facultate Remensi Theologiæ Doctores, libram cui titulus est, nova Cassiopeiæ Stella, &c. Legimus attentè, nec in eo quidquam reperimus quod aut fidei Orthodoxæ, aut bonis moribus aduersetur: sed accuratam & eruditam Prædeterminationis physicæ Defensionem. Datum Remis 2. Septembris 1669.

*Ondinet. Du Chemin. Rogier.*

*Ex Academiis Burdigalensi & Pictaviensi.*

**P**OST accuratam & diligentem Lectionem trium Librorum & brevis eorum Synopsis de Prædeterminatione physica aduersus illius propugnatores, sub nova Cassiopeiæ stella; Authore ac Propugnatore R. P. F. Jacobo à Sancto Dominico Ordinis Prædicatorum: visum est nobis non tantum nihil in toto hoc opere contineri à fide orthodoxa alienum: verum etiam omnia solidæ ac subtili S. S. Patrum, Conciliorum & Thomistarum doctrinæ conformia esse: in quo quia sæliciter Author est sequutus mentem Doctoris Angelici & nihil acerbum contra Adversarios protulit: judicamus quòd magno omnium Theologorum bono, iteratò & sæpius posthac in lucem edatur. Burdigalæ quarto kalendas Julii 1670.

*ARNAL, Augustinianus & Professor in Academia Burdigalensi.*

**E**GO infra-scriptus Sacræ Facultatis Theologiæ Pictaviensis Doctor, Decanus, Scholarum Prior ac Sanctæ Opportunæ Rector: fidem facio me legisse opus, cui titulus est, nova Cassiopeiæ Stella, &c. à R. P. Jacobo à Sancto Dominico Ordinis Prædicatorum conscriptum, quod utique dignum censeo ad Theologiæ veritatis indagatorium compendium typis mandari: est enim quoad Prædeterminationem Physicam menti Divi Thomæ valde consonaneum, nihilque in eo reperi quod eatenus non sit Ecclesiæ conforme. Datum die 5. mensis Martii Anno salutis 1670.

**GUERRY.**

*Approbatio Professorum Ordinis.*

**P**ERlegimus ex mandato Reverendissimi Patris Generalis, libros tres, & brevem ipsorum synopsis de Prædeterminatione, sub hoc nomine, *Nova stella, &c.* Authore Reverendo P. Fr. JACOBO à S. DOMINICO, Ordinis Prædicatorum, quibus hoc suffragium nos debere censuimus: ubique Angelici Præceptoris mentem Author assequitur, totque testimoniis comprobat ex omnibus suorum operum partibus exactè quæsitis, ut manifestum sit nihil frequentius à D. Thoma usurpatum, eà Dei motione suaviter efficaci, quâ creaturam regit, movet ac ducit, & quæ ut Christianæ humilitatis, ita The-

misticæ doctrinæ fundamentum est, eâ verò sedulitate, & in evolvendis Sancti Thomæ operibus diligentia sanctissimi Magistri moderationem animi didicit, nihil sibi asperius in Adversarios permittentis. Parùm fuerit nullum unquam liberius verbum excidisse in eos, quos pro suæ scholæ vindiciis & veritate urget; ita agit, ut sanè gloriari possint à viro Religiosissimo etiam laudes promeruisse. Opus quod egregium suæ Scholæ, eruditionis & Christianæ charitatis specimen est, dignissimum publicâ luce judicamus. Datum Parisiis die 10. Octobris 1665.

FR. BERNARDUS LAPALISSE, Prior Novitiatus Generalis Parisiensis, & Doctor Theologiæ.

FR. VINCENTIUS BARON, Theologiæ Professor.

FR. ANTONIUS MASSOULIE, Lector Theologiæ.

**N**OS infra scripti Doctores Sorbonici, fidem facimus accuratius à nobis lectum & examinatum quartum hunc librum à R. Patre JACOBO à Sancto Dominico editum, in quo nihil reperimus fidei aut bonis moribus contrarium: immò dignum illum judicavimus, ut de eo idem fiat judicium ac factum vidimus à Doctoribus de aliis tribus libris præcedentibus, quibus hic quartus liber est adjungendus propter conformitatem doctrinæ, meritoque pro Defensione D. Thomæ, publicam in lucem emittendus. Ita genz suimus Lugduni, die 22. Aprilis, anni 1670.

FR. BENEDICTUS FARCONET.

FR. ALEXANDER RICHARD.

**P**ORRò hoc quarto libro efficaciter confutatur ejusdam Larvati Authoris Libellus Duaci editus 1670. cui hic titulus e mentito vocabulo est præfixus: *Arboritas Germani Philalethis Eupistini contra phisicas Præmotiones pro Scientia Media.*

## LETTRE DE MONSIEUR L'ILLVSTRISSIME

*Evesque de Rodés.*

**M**ON REVEREND PERE,

Il y a quelques mois que je reçois une Lettre de vostre part : à laquelle je ne fis point de réponse parce qu'estant absent de Paris, je ne sçavois par quelle voye ny adresse vous la faire tenir. Il est vray qu'ayant trouvé l'année passée vostre livre en la boutique d'un Libraire, je l'achetay dans le dessein de profiter de sa lecture, mais les infirmités frequentes & particulièrement l'incommodité d'un œil que j'ay esté menacé de perdre, m'ont empêché de m'y appliquer comme je l'eusse désiré. Je vous diray neantmoins qu'outre l'érudition dont il est rempli & les sentimens Orthodoxes que vous soutenez; j'ay esté beaucoup edifié de la moderation avec laquelle vous traitez cette matiere qui est des plus difficiles de toute la Theologie, & sur laquelle les plus Sages s'échauffent & s'échappent quelquefois. Il seroit à désirer qu'on agist toujours de la sorte en semblables sniets, & si on l'enst fait par



le passé, peut estre que nous n'eussions pas vu tous les troubles qui ont agité l'Eglise & divisé les Esprits. Voila ce que je vous puis dire pour réponse à vostre Lettre, & le jugement que je puis faire du peu que j'ay leu de vostre ouvrage, qui m'a servy dechantillon pour juger de toute la piece. Vous avez des Approbations si celebres, qu'il n'est pas necessaire d'en augmenter le nombre, & j'espere que vous serez satisfait de moy si j'ajoute à ce que je viens de vous declarer que je suis.

Vostre tres-affectonné & tres-acquis serviteur, Louys E. de Rodés.

A Paris le 7. Decembre 1669.

**E**N amice lector, & Extraneorum à se tandiu, totiesque postulatam suffragium quo ipsi obmutescant Thomistarum Emuli, tuaque interim fiat satis patientia in mora nova Editionis, cui per se nequivit Author absens operam dare: hoc unum priori editioni impropterantibus Antithomistis, quod scilicet, solis eorum esset roborata suffragiis, qui suam hoc in opere propriam Doctrinam approbarent. At modò hoc tam authentico istorum Conforum iudicio, quid quisque de Dei in omnes causas secundas influxu previo, sive de physica Prædeterminatione, verè possit ac debeat sentire, tam certè quam erè lenter accipit. Arbitror enim nullum jam fore aded pertinacem, qui suam priusquam hæc de re opinionem, huic tam solemnì tot Doctorum iudicio ac Sententia ausit præferre. Nec dubito quin mireris, qui fieri potuerit, ut viri tantà professionis differentià, tantàque locorum intercapedine ac distantia ab invicem discreti, solè vi veritatis & evidentià, fuerint in unà sententià, non solùm inter se, sed etiam cum Domesticis ita Unanimes; ut quasi uno ore in gratiam Doctrinæ D. Thoma ab Authore propagatæ loquuti sint, quod vel solo, aded convincenti indicio, os omninò obstruatur omni Homini, non Momo, qui assiduà instigatione & irrequeto opprobrio sapientissimam domus Minervæ Architectum ubique lacefferet, quod huius scientiarum Dea Basilicam non fecisset mobilem, ut eam secum aut posset auferre, aut saltem removere eam, quoties domum vicinam sibi molestam reperisset. Proh insulsas falsi huius Numinis querimoniae! Quasi verò, fas esset sic sibi blandè adulari & arrogare (cum aperto aliorum detrimento) quod commune debet esse? vel solis disceptationum tricis, aut arte cavillandi possent omnes excacari? Sacro pronuntiante Oraculo: Frustrà jacitur cete ante oculos pennatorum. Prov. 1. Aut cupiam interpolatori licitum esse, solà revocandi gradum verecundi, seu pudore retractandi quod perperam ceptum est: perpetuum etiam notissima veritati bellum indicere, & totum contentione importunà Mundum fatigare? Dixi bellum indicere veritati: quæ unà expugnatione Prædeterminationis physice, triplici conficitur vulnere. dñm Supremum impetitur Dei Dominum: debita creaturæ à Deo solvitur dependentia: atque primum Christianæ humilitatis convellitur fundamentum ita ut parùm absit, (si tamen parùm) quin & in agendo tam falsè & temerè possit dicere, etiam quivis homuncio, quam arroganter ac miserè dixerit infelix ille, Similis ero Altissimo. Sed amadò, Quorsum ergo tandiu disceptare, ac delubra instaurare? Ne forte silentium transire videatur in consensum, aut existimentur taciti Thomistarum Emuli lite cecidisse.

Verùm,

Verum, an aliud Prudentes sentiant, etiamsi tales in avum contendat? Quibus hæc in parte, iam non major fides adhibeatur apud Peritos, ut patet, quàm is, qui ut sibi nomen faciant; omnium Sapientum cœtu secus asseverante, ipsoque sensu reclamante; idiotis nituntur persuadere; terram movere: Cœlum vero, Solemque ipsum quiescere. At tu Candide Lector, qui veritatis Amicus es, utrusque Cultor illius. Qui non respiciens personam hominum, viam Dei in veritate docebat, speret illorum invidiâ qui conveniant ut illum caperent in sermone. *Matth. 22. Ne ullus tibi superesse possit circa hoc negotium scrupulus, Vniuscuiusque ex prædictis viginti quinq; Doctoribus reperire potuisti Anthographum Lingonis depositum apud Dom. Tavernant Archidiaconum & Illustrissimæ Episcopi Lingonensis Vicarium Generalem, ad quem in huius rei fidem remissus es: ne in quoque existimares supposititia esse præfata illorum suffragia; ut falsò commentum est Acroamaticus quidam Neotericus, cui sine dubio alter eris Azarias obsequio, & fortasse (saltem in specie) peritior illo, si tam malè feriat in Thomistæ animo, efficaciter mederi valeas: & te Medico absque felle piscis Tobia junioris, ab eius oculis voluntaria decidat albugo. Cui ut nihil desit, huic tecum voce ac voto bene preceris, Vale*

3. His ita compositis, peto an posset quispiam controversiæ alicujus dirimendæ laqueis irretitus; aliquos offerre lectoribus testes magis integros, aut iudices aequiores, quàm quos constat omnium iudicio, nulli partium, sed uni veritati fuisse addictos? Sapientiâ, probitate, prudentiâ præditissimos: sic ab invicem distitos seu distantes, ut nullus inter se fœderis aut pacti, eos quisquam efficere possit suspectos: mihi ignotos: toti Galliæ, omnique Belgio notissimos. Quos tamen una vis veritatis, sic mente adunavit, ut quasi uno ore loquuti sint in favorem Prædeterminationis physicæ: & subinde in condemnationem Scientiæ Mediæ huic opposire, quam non excogitavere ejus Propugnatores, nisi ut præfatam Divi Thomæ doctrinam à Scholis possent eliminare, Superstites sunt, ad quos à quatuor annis provocarunt Amici Adversarios: Authenticum uniuscuiusque Anthographum nunc apud me asservo, omnibus oblatum: aliàs ab Amicis ob consimiles cavillos apud personam publicam depositum.

Quæro iterum, an ullus esset temeritati locus; si quis tam alta voce prædicatas ab Adversariis Scientiæ Mediæ palmas, pro hac, quam propugnamus Divi Thomæ doctrina, in veritatis triumphum credidisset fore commutandas? Si enim post tam accuratam tot Censorum discussionem, totque iudicum adeò solemne iudicium, cum præfatis habitu circumstantiis, quispiam possit adhuc rem hanc in dubium revocare; Certè dicendum est, vix ullam esse in Mundo veritatem, cui non possit perpetuum contradictionis bellum indici. In ore duorum aut trium testium in lege stat omne verbum, etiam cum de vita agitur: & viginti quinque omni exceptione Majores, Eupistino non sufficiunt ut veritatem fateatur: inciderunt in manus illius tres libri à me editi, in quibus rem de qua agebatur feci meridianâ luce evidentiorē; ac de verbo ad verbum prætenfam Divi Thomæ Defensionem à Petro à S. Joseph factam (quam tot æquissimi Censores judicarunt, *veram Divi Thomæ impugnationem seu inofficiosum officium*) confutavi. Hanc tamen Defensionem tot titulis exauthoratam, dicit Eupistinus *esse optimam*;

ac novam illius curat Duacæ editionem fieri; dissimulando illius confutationem ac prædictorum judicium Censuram: & ut possit res in favillas redactas excitare; novâ præfatione præfata defensio ab illo exornatur: Centum Divi Thomæ & aliorum Sanctorum Patrum, nec non Scripturæ & Conciliorum Authoritatibus: & testimoniis à me allatis, sicut & tot argumentis convincentibus ne uni quidem respondit: sed tantummodò Bellarminum & Thyphanium ex omnibus à me laudatis Authoribus contra doctrinam quam tueretur Eupistinus, ad se reducere nititur: (sed an pro se feliciter ad modum, ex libro sequenti judicabit prudens Lector.) Et quia non fui Propheta, nec potui ominari Bellarminum, (quem Authores vitæ ipsius dicebant morti proximum) adhuc viginti annis victurum: inde nacta occasione, hoc mihi dæcteriorum exornat Eupistinus eloquentia, ut me posset innumeris afficere injuriis, *crassa scilicet & palpabilis ignorantia: in evolvendis Authoribus negligentia: falsi ac infalidis Astrologi, fallaci dioptræ usi*: unò verbo, vix ullam adversum me prætermisit injuriam ex iis, quas etiam optimi judices in Tribunalibus dissimulant & aliquandiu permittunt iis qui lite & causâ ceciderunt.

4. Si inter diversa, quæ hic nobis à Deo conceduntur tempora pacis & belli; loquendi & tacendi; reperissem aliquod etiam esse tempus veritatis & mendacii seu falsitatis: ut verum fatear, solo quietis seu otii amore obmutissem ad novam hanc Eupistini præfationem: in qua repetit sine rubore, quæ reperit omnino soluta & confutata: loquens enim de causis secundis ait, *postâ illâ motione, necessariò sequi operationem: easque posse cum solo cursu Dei simultaneo, elicere suas operationes suis viribus proportionatas*: cumque fusiùs prosequi vellem, reperi totam hanc præfationem esse exseribendam, totque in easere esse falsitates quot lineas libris contra Petrum Fuliensem editis, ex quibus nihil assumpsit Eupistinus præter solam melacessendi dictæ rursus occasionem: & ut ipsi nullum decisset genus impetendi Thomistas; relicto de eorum sufficientia & eruditione contemptu, quo adversus eos abundat Lector Gratianopolitanus, ipsis sub finem præfationis adulatur his verbis Eupistinus, *cerrè mirari non desinam, viros doctrina & Religione conspicuos, tam impensè laborare, ut Divum Thomam in suas partes volentem, nolentem trahant*: At his blanditiis non demulcentur Thomistæ. Nam qui Divum Thomam sequantur: aut invitum & reluctantem pertrahant, conspicuum est ex Thomistarum libris, & Authenticò, præfatorum Censorum suffragio, omniumque peritorum judiciò. Quare ne nobis & Lectoribus in gravioribus occupatis illudant amplius Adversarii, nosque gravent superfluis repetitionibus, conferat benevolus Lector novam hanc Eupistini præfationem cum tribus libris à me editis contra Petrum à S. Joseph, cujus novam instauravit editionem; ipsumque in illo Eupistinum ita evidenter & efficaciter confutatum reperiet, ut mirum sit, quâ fronte de illo mentionem facere ausus sit: quod si horum non suppetat copia librorum, plenè sufficient, quæ supra diximus de modo ab omnibus (exceptis Adversariis) receptissimo, quò Thomistæ explicant efficaciam Gratiz.

## CAPUT DECIMUM QVARTVM.

*In quo confutatur libellus Gratianopoli 1674. editus, quantum spectat ad Prævium Causa Primæ influxum, prorsus alienum à quinque propositionibus condemnatis, nobis falsò impostis.*

Nu. 1. SI assumptum jam abjecissem clypeum, ad tuendam D. Thomæ doctrinam contra larvarum Authorem falsò nomine Eupistinum; illicd fortasse refutandum nonnulli suasissent: nec facile obtinuissent: aliis non paucis secùs faciendum sentientibus. Existimant enim eos, jam non pluris esse faciendos aut aliter audiendos, qui contra doctrinam Divi Thomæ hac in parte loquuntur ac sermonem profundunt, quàm audires quempiam exerto ore in foro vociferantem *non esse diem in meridie*. Hoc dictum sit ratione libelli semel & iterum Gratianopoli editi 1673. in quo juvenis Philosophiæ Magister non metuit Thomistas, innumerosque Ecclesiasticos & omnium Ordinum Religiosissimos viros, doctrinæ Divi Thomæ addictissimos, hæreticis accensere sequenti positione.

*Ex illa (scilicet Prædeterminatione physica) evidentissimè sequitur (inquit) non tantùm aliqua Dei præcepta esse impossibilia, & interiori Gratia numquam resisti: verum etiam ad meritum & demeritum sufficere libertatem à coactione: & Gratiam prævenientem talem esse, ut ipsi voluntas humana resistere vel obtemperare non possit: atque ita Christum pro omnibus hominibus non esse mortuum.* Si tot libris jam editis oppositum ostendentibus non integram adhiberet fidem hic Philosophiæ Magister, debebat saltem auscultare Dominum Caramuëlem, Magnum Societatis Jesu Amicum: At ille in sua Theologia fundament. not. 2. pag. 29. ait; *Ianseniani non debent accenseri Thomistis: isti enim (etiam quando loquuntur severissimè;) negant in sensu diviso necessitatem, quod probabiliter sufficit ut salvetur libertas.* At Ianseniani in omni sensu necessitatem protrudunt, & re sublata, retinent merum libertatis vocabulum. Quod si ut supra diximus ex Professoribus collegi Cordubensis, penè temerarium sit Caramuëli respondere; quid eidem contradicere? At ipsi contradicis mi Magister, eoque gravius, quò falsò asseris, tuam positionem esse juxta puram Tridentini, Sanctorum Patrum & præcipuè S. Augustini & D. Thomæ doctrinam, quos ut constat, aut numquam legisti, aut eis ac nobis imponis. Et ut tux nihil desit audaciz, positione sextâ addis, *Prædeterminatio physica non datur, quia*, inquis, *ut veri Sanctorum Augustini & Thomæ Discipuli, rem adeò utriusque doctrinæ oppositam pati non possumus,*

2. Hunc profectò Philosophiæ Magistrum videtur D. August. lib. 3. contra Academicos cap. 3. præfaga mente alloquutus dum ait; *Qui bene nosti istos Adolescentulos, vix adhuc posse discernere, quæ acutè & subtiliter differuntur: tanquam iudicem abuteris ignorantia, ut tibi quantumlibet loqui liceat, nullo reclamante. Loquatur ergo ille quandiu quantumque sibi placuerit, per*

neque licet: dummodò ex eo vera esse quæ ait nemo existimet; quod facili negotio hic evidenter demonstrabo: vel ex Magno ipsius Societatis Defensore, cui comparatus hic juvenis Magister Philosophiæ, novitiolus tantummodò judicabitur. Hic est Joa. Martinonus in Append. sui Antijanfeniani pag. 708. Parisiis editi apud Cramoisy an. 1652. in fol. qui licet pag 197. nu. 10. in doctrinam D Thomæ impegerit dum existimavit *Gratiam efficacem vi sua, saltem esse seu tanta virtutis & efficacie, ut voluntas illi resistere non possit, necessitatesque physicæ aut moraliter ad consensum: Quod est falsum & ab omnibus Thomistis reprobatum*, attamen satis hac in parte habuit æquitatis, ut ipsos in tuto poneret hac in parte contra hunc Magistrum Philosophiæ: nam ille loco supra citato loquens de possibilitate mandatorum, quæ propositio caput est aliarum quatuor damnatarum ait, *errant vel ipsis Thomistis judicibus: nulla est ex illis quinque propositionibus ad Summum Pontificem missis ut eas specialis censura notare dignetur, quam duo illi Ordines ( Iesuitas & Dominicanos intelligit) non damnent & censurâ dignam judicent: nulla cuius oppositum sibi certum esse non profiteantur: nulla denique quam utriusque familie Theologi, quotquot de his rebus scripserunt, non graviter infectati sint.* Et quanvis insolitum videatur, meque nonnulli judicent modum excedere, ita accuratè libellis ac thesibus respondere solo contemptu & silentio dignis; & ea, quæ centies contrita sunt, & quæ quot annis sine verecundia ad incedem revocant, confutare: tamen Amicorum precibus id nequivi denegare, qui sibi expedire judicarunt, librum seu opus aliquod fixum apud se habere, ubi ( id est Gratianopoli ) specialiter videtur instituta Academia, ad perpetuò impugnandam D. Thomæ doctrinam, quam importunè quæstita quavis occasione aggrediuntur, agitantibus obcuriores Theologiæ difficultates, etiam in ipso limine & aditu Philosophiæ, apud infantes pueros, vix priora Dialecticæ rudimenta capientes: ut his falsis, quæ imponunt Thomistis, primò imbuti, *serveat odorem testa diu.* Quare si error, cui non resistitur, teste D. Gregorio, approbatur, ne ulla hic erroris approbatio imputetur Thomistarum silentio: pro ipsis ac juri veritatis breviter dicam, commiseratione dignius esse quàm responsione hoc ultimum, quò se jactat hic Magister Philosophiæ, dum ait se hac in parte *veros esse S. Augustini & D. Thomæ Discipulos*, sequæ hanc ob causam non posse pati doctrinam, quam propugnamus: sed ne actum agamus illique perpetuò obmutescant, sufficit illis opponere tres libros à me hac de re contra P. Fuliensem editos, quibus à sex annis nihil responderunt Adversarii præter injurias, omnium judicio valde insultas.

3. Et ne quis arbitretur in Tridentino ( nobis ab ipso perpetram obiecto ) aliquam esse difficultatem ex qua possint Adversarii illud Interpretari in suum favorem; Peto ab ipso Philosophiæ Magistro: num major fides adhibenda sit testibus ocularis & auritis, certiorque habenda sit cognitio alicujus negotii, quam apud eos, qui rem ipsam gesserunt, aut saltem magna pars ejus fuerunt, quam apud ipsum, qui de eodem Concilio nihil nisi forte post centum annos audivit. At ea est præsens controversia pro qua dirimenda, non ei opponam sex Archiepiscopos: 17. Episcopos: 28. Doctores, plures Fidei Inquisitores, ac Regum aut Principum delegatos Confessores, omnes ex Familia Dominicana assumptos & Tridentino præsentis: Sed unum objiciam Salmeronem totius Societatis Jesu doctissimum, Divi Ignatii Socium, hac de causa ad dictum

Concilium, ab eodem transmissum, qui disp. 19. in Epist. ad Rom. exponens hæc verba ( Quos præcivit & prædestinavit ) perpetuum dicto Magistro silentium imponit his verbis : *Illos amavit* ( scilicet Deus ) *non ad aliquod bonum temporale, sed ad supremum celestis Glorie ; nec ad tempus, sed usque in finem dilexit eos : id est, inquit, firmâ suâ & immobili Prædeterminatione, per certa media, quasi serie quadam instituit, ut possent ad Gloriam pervenire.* Lege eundem tom. 4. in Evang. & in Epistolas Pauli disp. 5. in fin. ubi semel & iterum tuam reperies sententiam ab eo prolata tor asque antequam nascereris ; huncque damnare, ut arbitror, ignorantie non audebis, nec in dubium revocare quin veram cum nostris, Tridentini ( cui aderat ) intelligentiam consequutus sit.

Item legantur omnes Canones 2. Concilii Arausic. ut inde Lector possit inferre, non minus Thomistis hoc Concilium, quàm Tridentinum supra citatum, quibus doctrina Molinæ evidenter impugnatur, & maximè circa donum Perseverantiæ.

Ita levia sunt, & à veritate aliena, quæ prosequitur ille Magister Philosophiæ, ut responsione non indigeant. *Malè, inquit, confunditur omnis Promotio cum Prædeterminatione physica.* Nedum malè, Pater mi, sed pessimè, idque non à Thomistis, sed ab iis quos ipse tueris, qui motionem moralem & concursum simultaneum & indifferentem à centum circiter annis tot artibus frustra satagunt obtrudere pro physica Prædeterminatione, nihilque proficiunt ; immodò quotidie deferuntur à sapientibus æquitatem & necessitatem doctrinæ D. Thomæ agnoscantibus.

4. Ut cognoscat Lector eandem difficultatem centies solutam, fidenter tamen ab Adversariis revocari ad incudem, tamque audacter ab ipsis objungi, ac si de illa nulla unquam mentio facta fuisset : nec alio nec recentiori argumento ad hoc probandum opus est, quàm supra relata positione Magistri Philosophiæ, quâ tam falsè Thomistas facit Patronos propositionum ab Innocentio X. & Alexandro VII. damnatarum ; & quamvis solo contemptu solvenda esset inveterata hæc obiectio : ne tamen Magister ille, cui aut nova sunt omnia, aut qui dissimulatione laborat circa vetera, ex nostri silentii æquitate, sibi utrumque possit blandiri.

Dico primò ad perpetuam hujus falsitatis repulsam, post condemnatas à Summis Pontificibus prædictas quinque propositiones sibi oblatas, per Belgium continuò rumorem falsum fuisse sparsum à quibusdam Neotericis, asserentibus doctrinam S. Augustini & Divi Thomæ, harum propositionum censurâ & condemnatione labefactam fuisse. Inde commota Celeberrima Universitas Lovaniensis, suas super hac re ad Alexandrum VII. detulit expositiones & querimonias. Quibus fecit satis Summus Pontifex per Breve ad hujus Academiæ Doctores directum, & Romæ 7. Augusti datum, sexto sui Pontificatus anno : quo declaravit illibatam remanere utriusque Sancti doctrinam, semperque esse ac fuisse *tutissima & inconcussa illorum dogmata.* Quid potest Adversarius os obstruere, si istud non sufficiat ?

5. His tamen non obstantibus, instat Philosophiæ Magister, & ait : *Muldo pejus confunditur Promotio supernaturalis, hoc est, Gratia excitans, cum Prædeterminatione physica : nam nec omnis Prædeterminatio physica est Promotio supernaturalis, &c.*

Cui respondeo, & peto ab ipso in quoniam Thomistarum legit unquam confundi motionem ordinis naturalis, cum Gratia excitante ordinis supernaturalis? Quid ergo omnibus Thomistis affingere satagit tanquam rem certam quod ne in uno quidem reperiet unquam aut reperire potuit? numquid manifestè sic abutitur Lectorum credulitate, nec tam suæ causæ favet hac falsitate, quàm nocet ingenuis adolescentibus, quorum mentes (inquit Suares) veritate imbuere tenetur Magister? His si nondum ille acquiescat, legat librum secundum Resp. contra Fuliensem, & reperiet unde dicenda sit Gratia efficax, salvo sensu legitimo secundæ propositionis condemnatæ; vel si malit, legat ipsum Doctorem Angelicum, 1. 2. q. 111. a. 2. à quo discat qui sit distinguendus duplex Gratiæ (sicut & cujuscumque formæ) effectus; *esse scilicet & operatio*, quò vel solò differunt omnino Thomistæ ab illorum opinione, qui dicebantur asserere *omnem Gratiam esse efficacem*, ex eo nimirum quod Gratia semper aliquem effectum habeat, etsi non illum, quem posset ac deberet habere connaturaliter, quem si consequeretur, verè ac simpliciter efficax diceretur.

Quod autem Gratia semper aliquem habeat effectum, sic fit manifestum; Omnis Gratia Animam realiter efficiens, aut est illuminatio intellectus, aut motio voluntatis: At impossibile est, ut Deus illuminet intellectum, & intellectus non sit illuminatus; aut ut moveat voluntatem, & voluntas non sit mota: (quia relativa sunt simul intellectu & natura) sicut impossibile est ut albedo sit in pariete, & paries non sit albus. Discat igitur distinguere hic Philosophus cum Angelico Doctore, locò citatò ad 1. *esse Gratiæ sem eius effectum formatum ab illius operatione*. Legat eundem 1. 2. q. 24. a. 3. ad 1. ubi ait: *Spiritus Sanctus movet mentem hominis vel plus vel minus secundum suam voluntatem*. Et passim: nominatim verò 1. 2. q. 112. a. 2. ad 2:

Secundò, ut agnosceret ille Magister Philosophiæ doctrinam Divi Thomæ è diametro oppositam esse propositionibus condemnatis; debebat legere P. Guyard Doctorem Parisiensem, qui utriusque doctrinæ, Jansenii scilicet & D. Thomæ discrimina integro volumine prosequutus est per sexcentas viginti & octo paginas, Parisiis apud Thierry 1655. edito. Debebat ipse & P. Leonardy consulere, & si integram ipsis non haberet fidem, certè non debebat R. Patri Annato contradicere, qui libro Gallico idiomate edito, jam laudato, cui titulus est, *La Conduite de l'Eglise*; apertè ostendit 18. discrimina inter Jansenii & Divi Thomæ doctrinam. Quid plura?

Profectò nihil efficacius quàm quod statim subjiciam, quò omnibus innotescat in iis quæ tam audacter nobis ille Magister Philosophiæ imponit, aut malà fide nobiscum agere, aut D. Thomam nunquam legisse. Sit ergo

#### PRIMA PROPOSITIO CONDEMNATA ab Innocentio X.

*Aliqua Dei præcepta hominibus iustis volentibus & conantibus, secundum præsentem quas habent vires, sunt impossibilia; deest quoque illis gratia quæ possibilia fiant.*

Primò, huic propositioni contraria est Divi Thomæ doctrina, 1. p. q. 49. a. 2. ad 3. ubi ait: *Deus non desistit in agendo quod est necessarium ad sa-*

*Interim.* Sed Gratia, quæ a solo Deo est, est absolute necessaria ad salutem, non solum incipientibus, sed præcipue tum vel maxime ad perficiendum.

Secundò, 2. 2. q. 100. a. 10. in o. *Non est impossibile*, inquit, *hoc præceptum*, (scilicet charitatis) *observare: quia homo potest se disponere ad charitatem, & quando habuerit eam, potest eam uti.*

Ibidem q. 106. a. 2. ad 2. *Lex nova*, inquit, *quantum est de se, sufficiens auxilium dat ad non peccandum.* q. 109. a. 4. *Quod possumus cum auxilio divino, non est nobis omnino impossibile.*

Quartò, lect. 3. in cap. 12. ad Hebr. *Gratia Dei*, inquit, *nulli deest.* Ergo potiori jure non deest *volentibus & conantibus.*

Quintò, in sent. dist. 18. a. 3. in 1. argu. *Sed contra*, ait ex D. Hieron. *Qui dicit Deum impossibilia præcipere, anathema sit.* Et in 2. arg. *Dens*, inquit, *non est magis crudelis quam homo, sed homini imputatur in crudelitatem, si obliget aliquem per præceptum ad id quod implere non potest: ergo hoc de Deo nullo modo est estimandum.*

Sextò, de verit. q. 24. a. 14. ad 1. *Illud quod præcipit Deus, non est impossibile homini ad servandum.* Et ibid. ad 2. *Rectè*, inquit, *homo corripitur, qui præcepta non implet; quia ex ejus negligentia est, quod gratiam non habet, per quam posset servare mandata, quantum ad modum, cum possit nihilominus per liberum arbitrium ea servare quantum ad substantiam.* Intellige quod possit sine gratia habituali, non verò absque gratia excitante.

Septimò, quodl. 2. q. 4. a. 1. in o. *Nullus*, inquit, *tenetur ad id quod est super vires suas, nisi per modum quo fit sibi possibile.*

Octavò, quodl. 7. q. 7. a. 1. ad 3. sub fin. *In quolibet præcepto sunt duo consideranda, scilicet finis præcepti, & possibilitas observandi, &c.* Nec, inquit, *aliquid impossibile (à Deo) præcipi potest.*

## SECUNDA PROPOSITIO CONDEMNATA.

*Interiori Gratia in statu natura lapsa, nunquam resistitur.*

Huic quoque contraria est doctrina D. Thomæ: Primò lect. 1. in cap. 12. primæ Epist. ad Corinth. circa medium. *Dicendum*, inquit, *quod quantum est ex Spiritu Dei, homo non facit peccatum, sed magis retrahitur à peccato: potest tamen peccatum facere ex defectu voluntatis humana, qua Spiritui Sancto resistit, secundum illud Act. 7. (Vos semper Spiritui Sancto resistitis).* non enim per Spiritum Sanctum inhabitantem tollitur facultas peccandi à libero arbitrio totaliter in vita presenti.

Secundò. Itidem lect. 1. in cap. 6. secundæ ad eòdem Corinth. *Quicumque*, inquit, *accepta Gratia non utitur ad vitanda peccata, & ad consequendam vitam æternam, hic gratiam Dei in vanum recipit.*

Tertio, 1. 2. q. 106. a. 2. ad 2. *Si quis*, inquit, *post acceptam gratiam novi Testamenti peccaverit, majori pena dignus est, tanquam majoribus beneficiis ingratus, & auxilio sibi præstito non utens.*

Quartò, 3. p. q. 69. a. 8. ad 2. *Etiamsi aequalem gratiam percipiant, non aqualiter eam utuntur, sed unus studiosus in ea proficit; alius per negligentiam Gratia Dei deest.*

Quintò, lect. 2. in cap. 5. secundæ ad Thessal. *Aliquis dicitur extinguere*



*Spiritus Sanctum in se vel in alio, cum aliis, aliquid boni ex fervore Spiritus Sancti vult facere: vel etiam cum aliquis bonus motus in ipso insurgit, & ipse impedit. Act. 7. ( Vos semper Spiritui Sancto resistitis.*

### TERTIA PROPOSITIO CONDEMNATA.

*Ad merendum & demerendum in statu nature lapsæ, non requiritur in homine libertas à necessitate: sed sufficit libertas à coactione.*

Tertiz huic propositioni contraria est D. Thomæ doctrina.

Primò, 1. p. q. 62. a. 3. ad 2. *Inclinatio Gratia, inquit, non imponit necessitatem: sed habens Gratiâ potest eâ non uti, & peccare.*

Secundò, ibid. q. 83. a. 1. *Homo agit iudicio, quia per vim cognoscitivam iudicat aliquid esse faciendum vel prosequendum: sed quia ratio non est ex naturali instinctu in particulari operabili, sed ex collatione quadam rationis: ideo agit libero iudicio potens in diversa ferri.*

Tertio, 1. 2. q. 13. a. 6. o. *Homo non ex necessitate eligit, &c. Electio non est perfectio boni, quod est beatitudo, sed aliorum particularium bonorum: & ideo homo non ex necessitate, sed libere eligit.*

Quartò, Factâ mentione hæresis Joviniani, Manichæorum & Pelagii: tanquam dogma catholicum his hæresibus fugandis necessarium stabilivit D. Tho. de verit. q. 24. a. 12. in o. *Homo non erit liberi arbitrii, si vel ad bonum, vel ad malum ex necessitate impellitur: quod esse inconveniens & experimento, & Philosophorum doctrinis, & Divinis Authoritatibus probatur.*

Quintò, Ira est efficax sequens D. Thomæ testimonium, ut hoc vel solum sufficere possit, de Mlo, qu. 6. quæ est de electione humana. *Quidam posuerunt, inquit, quod voluntas hominis ex necessitate movetur ad aliquid eligendum: nec tamen ponebant quod voluntas cogeretur, &c. Hac autem opinio est hæretica: tollit enim rationem meriti & demeriti in humanis actibus, &c. Non solum contrariatur fidei, sed etiam subvertit omnia principia Philosophia Moralis.*

### QUARTA PROPOSITIO CONDEMNATA.

*Semipelagiani admettebant prevenientis Gratia necessitatem ad singulos actus, etiam ad initium fidei; & in hoc erant hæretici, quod vellent eam Gratiâ talem esse, cui posset humana voluntas resistere vel obtemperare.*

Huic quoque est contraria Divi Thomæ doctrina.

Primò, quodl. 1. q. 4. a. 2. ad 2. *Deus movet omnia secundum modum eorum: & ideo Divina Motio à quibusdam participatur cum necessitate: à natura autem rationali cum libertate, propter hoc quod virtus rationalis se habet ad opposita. Et ideo sic Deus movet mentem humanam ad bonum, quod tamen potest huic Motioni resistere.*

Secundò, de potent. q. 3. a. 7. ad 13. *Causa Prima non ita agit in voluntate, ut eam de necessitate ad unum determinet, sicut determinat naturam. Nota ly sicut, quò decipiuntur aut decipiunt Adversarii.*

Tertio, 1. 2. q. 10. a. 4. o. *Quia voluntas est activum principium non determinatum ad unum, sed indifferenter se habens ad multa; sic Deus ipsam*

*factum movet, quod non ex necessitate ad unum determinat, sed remanet motus contingens & necessarius. Et ibidem ante quæst. 9. art. 6.*

Quartò, 2. 2. q. 10. a. 1. ad 1. *In natura humana est, inquit, ut mens non repugnet interiori instinctui & exteriori predicationi.*

### QUINTA PROPOSITIO DAMNATA.

*Semipelagianum est dicere Christum pro omnibus omnino hominibus mortuum fuisse, aut sanguinem fudisse.*

Huic denique propositioni contraria est Divi Thomae doctrina.

Primò, lect. 1. in cap. 2. Epist. primæ ad Timoth. *Ipse est propitiatio pro peccatis nostris, pro aliquibus efficaciter, sed pro omnibus sufficienter; quia pretium sanguinis ejus est sufficiens ad salutem omnium.*

Secundò, 3. p. q. 19. a. 5. ad 3. *Dicendum quod per passionem Christi aperitur Cælum omnibus sicut per communem causam apertiois Cælorum.*

Ibi 1. quæst. 46. a. 5. ad 3. *Dicendum quod secundum sufficientiam una minima passio Christi sufficisset ad redimendum genus humanum ab omnibus peccatis.*

Ibidem rursum q. 48. a. 2. in o. *Idem passio Christi non solum sufficiens, sed etiam superabundans fuit pro peccatis generis humani. secundum illud 1. Ioan. 2. Ipse est propitiatio pro peccatis nostris, non pro nostris autem tantum, sed pro totius mundi.*

Quintò, in 1. Sent. dist. 19. q. 1. ad 2. quæst. sub finem. *Et ideo, inquit, quoad sufficientiam satisfactionis & meriti, omnia peccata per Christi passionem deleta sunt, non autem omnia quantum ad efficaciam.*

Quod intellige non tantum quoad sufficientiam virtutis ad eorum deletionem requisitæ, (quod similiter de peccatis dæmonum dici potest) sed quoad quandam intentionem vel applicationem generalem, pro natura scilicet humana (quæ hominibus tantum convenit prout distinguuntur ab Angelis nullis in malo determinatis) præter aliam specialem quæ non datur nisi Electis. Ita P. Nicolai. Vide quæ fusius hac de re, lib. 3. contra Petrum à S. Joseph scripsimus, ubi cum S. Augustino diximus, *nullum ita esse perversum, in cuius conscientia non loquatur Deus*, si rationem aliquo modo utatur, prout alibi diximus, rursumque, Deo dante, dicemus.

Sextò, Item in 3. Sent. dist. 20. q. 1. a. 1. ad 2. quæst. primæ: *Dicendum quod hoc quod omnes homines non reparantur, non est ex insufficientia medicina reparantis, cum sit sufficiens, quantum in se est, ad reparandum omnes, qui naturam humanam habent, vel habere possunt; sed ex defectu eorum qui reparationis effectum in seipsis impediunt.*

Quid ad hæc, Candide Lector? si ex instituto & de industria scripsisset Doctor Angelicus, ad præfatas propositiones impugnandas, an clarius loqui, aut evidentiùs mentem suam aperire potuisset? Et suppositi o. iudiciò Censoriò 25 Doctorum, quasi unâ voce asserentium Prædeterminationem Physicam esse ex sincera mente Divi Thomæ, Adversarioque de hoc vel dubitantes cæcitate in meridie: quid amplius aut efficacius desiderari potest hac in parte quàm quæ hic & quæ contra Petrum à S. Joseph diximus, ut in ævum obmutescant.

Mm

Quare si hîc mihi liceat quædam verba Magistri Sententiarum excerpere, quibus, eò, quò suos incæpit libros, modò, finem huic imponam. Prætermisò justæ Defensionis Titulo, mihiq; indiçtâ naturali necessitate respondendi propter eos, quibus recentes ac novæ videbantur Adversariorum objectiones, præsentî antidoto indigentes; fateor me forsitan modum excessisse, & Lectorum patientiâ non satis moderatè usum fuisse, in rebus tam manifestis & objectionibus adedò falsis totiesque contritiis, quibus subinde nihil debebatur, nisi fortè silentium vel contemptus: sed nonpotui tortelis adhuc hac vice clypeum non opponere, & studiosorum Amicorum precibus & votis diutius resistere.

Et quamvis probè prospiciam, meam hanc Apologiam adhuc fore Æmulatorum contradicçãoi obnoxiam; non idcirco existimavi deserendam esse veritatem, pro cuius iuribus me decertantem, hoc unum maximè solatur, jam paucos esse, & semotò omni partium studiò, certissimè nullos, quin probè agnoscant, hoc quoque unum hac in parte in Adversariis desiderari posse; nimirùm, *ut veri non placiti rationem sectantes, voluntatem contradicendi, subjiciant rationi.* Quod à suis Lectoribus meritò petebat Petrus Lombardus.



# APPENDIX VNICA

## IN DVAS PARTES DIVISA,

Necessaria tùm pro maiori intelligentia horum quæ hæcenus diximus, tùm pro enucleatione eorum quæ libro sequenti contra recentiorum prætensam Defensionis Divi Thomæ editionem dicturi sumus; & præcipuè ad confutandum *Extractum* Iosephi à vita ab Eupistino in lucem editum.

### PARS PRIMA HUIUS APPENDICIS,

*In qua declaratur Basis doctrinæ hic à nobis propugnata, juxta mentem Sancti Augustini & Divi Thomæ, quantum ad Prævium Cause Primæ insuxum in omni statu causis secundis, etiam liberis, necessarium ad agendum.*

Nu. 1.



DEUS Optimus Maximus qui dupl. suam ( ut legitur in Speculo, quod tribuitur Divo Augustino ) quasi sigillum, formam imprimis rebus singulis; eas à se facit differre, nusquam diversus, in eis quæ diverso disponit ordine: qui opera sua extra circumdat, & intra replet; supra regit, & infra fert; super. or per potentiam, inferior per sustentationem; exterior per magnitudinem, interior per subtilitatem, Actus est purissimus, teste Angelico Doctore, 1. p. q. 3. per totam. Et quod de Deo, ceu Primo Ente dicitur, ut est ipsum *Esse* subliens, quod totam proinde continet essendi perfectionem, ut docet D. Thomas 1. p. q. 4. a. 2. hoc ipsum de illo ut Primo Agente, est sentiendum. cujus scientia est causa rerum, ut ibid. ait q. 14. a. 8. idque non solum in fieri, sed & in facto esse. Et quia eodem teste, 1. p. q. 25. a. 2. *quantò aliquod agens perfectius habet formam, quâ agit, tantò major est ejus potentia in agendo; sicut quantò aliquod est magis calidum, tantò majorem habet potentiam ad calefaciendum, & haberet usque infinitam, si ejus calor esset infinitus*: Hinc sequitur quoddam cum Essentia Dei sit infinita, ut probat 1. p. q. 7. a. 1. ejus quoque potentiam esse infinitam, necesse sit; cui proinde subest, cum voluerit posse, quando, ubi & quomodo sibi placuerit, idque omnipotentissimâ facilitate, nec ullum inter ipsum & creaturam perfectum in re tam singulari, querendum est exemplum, cujus substantia est immediatè operativa, in ratione actûs & potentiz perfectissimè identificata, rebus intimè unita etiam ipsi Animæ rationali, habens illius, non minus quàm aliarum rerum, *intrinsecam essentia operationem*, ut loquitur Doctor Angelicus in 2. Sent. dist.

Mm ij

8. q. 1. a. 5 ad 3. Et quia Deus est sua virtus, & intra rem quamlibet, *non ut pars essentie, sed ut sustinens eam in esse*, ut idem loquitur de Pot. q. 3. a. 7. Ipse est Radix quæ portat omnia verbo sue virtutis, ejusque prævius in omnes causas influxus est basis Gracia per se efficacia, fundamentum Christiana humilitatis, nostra dependentia argumentum, æternumque nostra gratitudinis monumentum, & fons indeficiens nostri in ipsum amoris. Legendus D. Tho. 1. p. q. 83. a. 1. ad 3. Et 3. cont. Gent. c. 149. 1. p. qu. 19. a. 3. ad 5. in 2. Sent. dist. 25. q. 1. a. 1. ad Hebr. c. 13. l. 3.

Absolutam verò Dei in agendo prioritatem, & perfectam à creaturis independentiam satis in antecessum insinuerat Doctor Angelicus his verbis rite intellectis, *Deus vult hoc esse propter hoc, non propter hoc vult hoc*, 1. p. q. 19. a. 5. quibus sic Deum præfert creaturis, ut nihil ipsi absolute possit esse causa agendi. Et hoc est quod propugnatur, dum necessitas prævii influxus Primæ Causæ in omnes alias demonstratur.

## SECTIO I.

*In qua probabitur primò prævius Dei influxus in omnes causas secundas ex quatuor universalissimis doctrina Divi Thomæ fundamentis.*

### PRIMUM FUNDAMENTUM.

1. **D**EUS Opt. Max. est Causa rerum omnium universalissima, eaque immediata, ita ut nihil sit quod causalitatem ipsius subterfugere possit: *non exclusâ operatione voluntatis & nature*. Ita D. Thomas, 1. p. q. 44. a. 1. de Pot. q. 3. a. 7. in fine, & ad 4. signanter verò ad 7. Opus. 27. de æternit. mundi. Et in cap. 4. de divin. nomin. 16. D. August. tom. 7. lib. de bono persever. c. 23. Quam ob causam ait Doct. Angel. 1. p. q. 21. a. 4. *Opus Divina justitia semper præsupponere opus Misericordia.*

### SECUNDUM FUNDAMENTUM.

Prima rerum omnium Causa (quæ est Voluntas Divina) est efficacissima: Unde provenit, ut nihil fiat in rebus, nisi quod Deus voluerit, vel fieri permiserit. Legendus sanctus Doctor 1. p. q. 19. a. 8. De Verit. q. 23. a. 5. De Malo q. 6. ad 3. & 1. cont. Gent. c. 85. ubi ait: *Efficacia Divina voluntatis exigit ut non solum sit quod Deus vult, sed etiam ut hoc modo sit, sicut Deus vult esse illud: nam & in agentibus naturalibus, cum virtus agens est fortis, assimilât sibi effectum, non solum quantum ad speciem, sed etiam quantum ad accidentia, quæ sunt quidam modi ipsius rei*. Sancto Doctori viam straverat D. Bernard. tract. de Gra. in hæc verba (Attingit à fine....) *Non quidem, inquit, mobili diffusionem, vel locali diffusionem, vel subiectæ creaturæ tantum officiali administratione, sed substantiali quadam & ubique præsentis fortitudine, quâ nique universa potentissime ordinat, movet & administrat.*

## FUNDAMENTUM TERTIUM

Quò præcedentia confirmantur, magisque deteguntur. Deus est Causa non solum omnium Facultatum operandi; sed etiam omnium operationum; non solum nostræ voluntatis, sed etiam ipsius volitionis, ad quam prius, immediatius & efficacius concurret quam ipsa voluntas creata. Iudem Thom. de verit. 4. 22. ar. 8. *Sicut, inquit, omnis actio nature est à Deo: ita omnis actio voluntatis in quantum est actio, non solum est à voluntate, ne immediatè agente, sed à Deo, ut Primo Agente, qui vehementius imprimit, unde sicut voluntas potest immutare suum actum in aliud, ita & multò amplius Deus: unde addit S. Doctor 1. p. q. 112. ar. 1. ad 3. duarum actionum, quarum una est Regula & ratio alterius; una non impedit, sed iuvat aliam.*

Declaratur etiam ex D. August. tom. 7. lib. de Grat. & lib. arb. c. 21. ubi ait: *Agit omnipotens in cordibus hominum, etiam motum voluntatis eorum, ut per eos agat, quod ipse per eos agere voluerit.* Quod postquam confirmavit, variis Scripturæ testimoniis, sic concludit, *Hic & talibus Divinorum Eloquiorum testimoniis, quæ omnia commemorare nimis longum esset: satis quantum existimo est manifestum; Deum operari in cordibus hominum, ad inclinandas eorum voluntates quocumque voluerit.* Confirmatur ex eodem lib. c. 24. ubi sub efficacissimo Divinæ Gratiæ Auxilio, utam & intactam ostendit creaturæ libertatem. *Quia, inquit, magis habet Deus in sua potestate hominum voluntates, quam ipsi suas: Hunc sequitur Doct. Angel. ut 1. p. q. 83. ar. 1. ad 3. Et ibid. q. 105. ar. 4. ad 1. ubi ait; Sic igitur Deus movendo voluntatem, non cogit ipsum, quia dat ei propriam ejus inclinationem.* Iudem & Estius in lib. 1. Sent. d. 2. sect. 14. ubi ait, *Liberum Dei arbitrium insinuat libertatem in creaturam Angelicam & humanam, non solum conferendo ei facultatem liberam, id est, voluntatem, sed etiam adum ipsum liberum, qui est majus bonum, majorque perfectio, quam sola voluntas: nam potentia sunt propter actus tanquam fines & perfectiones suas: ultima enim perfectio creaturæ consistit in operatione, ut docet D. Thomas 3. p. q. 34. ar. 2.*

## FUNDAMENTUM QUARTUM.

Rerum contingentia, & ipsa voluntatis creatæ indifferentia reducuntur non solum in voluntatem creatam tanquam in causam proximam, sed & in Deum ipsum ut intimiorem libertatis creatæ radicem, à quâ, prius naturâ & immediatius (in quo corrigenda est per rationem imaginatio) effectivè oritur omnis contingentia & libertatis modus in actu. Ita D. Thom. 1. Beriber. lect. 14. *Voluntas Divina, inquit, est intelligenda, ut extra ordinem entium existens, velut causa quadam profundens totum ens & omnes ejus differentias: sunt autem differentia entis possibile & necessarium: Hoc ipsum tisius consummavit S. Doctor lib. 6. Metaph. l. 3. in fin. ubi addit istud esse proprium in Prima Causa, quæ est immediatior respectu cujuscumque effectus causæ secundæ: prout etiam legitur lib. 2. cont. Gent. c. 70.*

Ex his quatuor principiis, basibus & fundamentis evidenter inferitur Præ-  
vius Dei in omnes causas secundas Influxus: etenim cum (ut dicemus, quan-

Mm iij

do agemus de dependentia essentiali cuiusque entis & agentis creati à Deo ) non minus dependeat Agens secundum à Primo, quàm radius à Sole ; sicut impossibile est ut intelligamus radios Solis ignem v. g. produxisse, mediante vitro igniario ; quin prius ac magis dicamus hunc ignem esse ab ipso Sole ; ita impossibile est ut ullus sit creaturae effectus , actio aut motus , qui non sit prius naturâ & magis à Deo. Nec aliud hîc à nobis exigitur ; quod satis docet Doctor Angelicus 3. cont. Gent. c. 149. his verbis : *Motio moventis præcedit motum mobilis ratione & causâ* : sive istis ibid. *Impossibile est esse aliquem rectum motum in Anima, quem non preveniat Actio Divina.* Item 1. 2. q. 80. a. 1. *Nihil potest, inquit, esse causa actûs, nisi per hoc quod proprium principium illius actûs movet ad agendum.* At Deus Optimus est Causa perficiens, ut alibi diximus, & propriissima cuiuslibet actûs ; & nisi Deus directè moveret quodlibet agens creatum ad agendum , non esset causa illius actûs secundum modum, secundum quem à causa secunda egreditur, qui motus est valde perfectus, quem proinde non possumus Deo denegare.

## SECTION II.

*Probatnr secundò prævius Dei in omnes causas secundas influxus ex modo singulari ac proprio, qui competit Deo ut Primo Agenti.*

Cum modus agendi sequatur modum essendi, sitque illi proportionatus ; necesse est Deo Agenti aliquem assignare modum illi proprium, quò ut Scriptura loquitur, *atingat à fine usque ad finem foriter* . . . cum ejus intentio non possit deficere in agendo. Sed hactenus nullus alius aut aptior potuit modus assignari, quàm prævius hic Dei influxus , qui evidenter probatur ex D. Thoma, ex cap. 13. ad Hebr. lect. 3. ubi postquam dixit hominem disponi persuasionem & comminationem ( quod est pluribus commune ; ) addit : *Apratur homo aliò modò, aliquid interius exhibendo ; & sic solus Deus aprat voluntatem, qui solus potest ipsam immutare.*

Item de Malo, q. 3. a. 3. post alios modos ibidem expressos, ait : *Sic ergo motus voluntatis directè procedit à voluntate & à Deo, qui est voluntatis Causa, qui solus in voluntate operatur & voluntatem inclinare potest.*

Confirmatur ex q. 22. de verit. ar. 9. ubi postquam D. Thomas motionem „ voluntatis ex parte objecti provenientem expressit Alio modo ( inquit ) potest „ voluntas immutari per modum cause efficientis ; & sic dicimus, quod non „ solùm nulla creatura potest cogere voluntatem agendo in ipsam . . . Sed nec „ etiam directè, agere in voluntatem, ut eam immutet necessariò vel qualiter „ cumque inclinet . . . Ex parte voluntatis, mutare actum voluntatis non potest ; nisi quod operatur intra voluntatem : & hoc est ipsa voluntas, & id „ quod est causa esse voluntatis : quod secundum fidem solus Deus est : unde „ solus Deus potest inclinationem voluntatis de uno in aliud transferre, secundum quod vult : Et hic est modus agendi Deo maxime proprius, scilicet effectivus ; solâ Præmotione propugnatus. Ne totum exscribere Angel. Doctorem videamur : lege ipsum 1. p. q. 19. ar. 3. ad 5. q. 57. ar. 4. Et q. 105. ar. 4. de verit. q. 6. ar. 6. ad 6. rursusque 1. p. q. 111. ar. 2. & in c. 23. Matth. in cap.

13. Joa. lib. 2. contr. Gent. c. 27. Et ibid. lib. 3. c. 88. Item in comp. Theol. c. 129. 3. contr. Gent. c. 2. In 2. Sent. d. 25. q. 1. ar. 1. ad 3. Pro prædicto agendi modo, scilicet effectivo, uni Deo maxime proprio, potest quoque citari D. Augustinus passim; nominatim verò tom. 3. lib. de spirit. & litt. c. 30. in fin. ubi adversus eos, qui prætersam hanc Dei & creaturæ agentis æqualitatem tuentur (quâ ipsius creaturæ fovetur arrogantia) invehitur: quos vocat *miseros mortales*. *An ita sunt liberi*, inquit, *ut nec illum* (scilicet Deum) *velint habere Dominum; qui eis dicit: Sine me nihil potestis facere?* Hinc judicet Petrus à S. Joseph, falsum esse id quod ait pag. 31. prætersæ suæ Defensionis D. Thomæ, scilicet *creaturam, quâ liberam, ita se determinare ad agendum, ut ad hoc ab alio, salva libertate, determinari non possit*. Cui non Thomistam hîc opponam, sed Scotum, (licet ferè perpetuum D. Thomæ Æmulum) in 4. Sent. d. 49. q. 6. asserentem *non esse contra naturam voluntatis determinari à Causa Superiori*, modo scilicet explicato ab Angelico Doctore. Lege rursùm Doct. Angelicum 1. p. q. 83. ar. 1. ad 3.

## S E C T I O III.

*Tertiò. Probatur eadem Prædeterminatio ex essentiali & actuali dependentia creaturæ à Deo.*

Quamvis latum sit discrimen inter ens per se subsistens, & entis ens, seu ens in alio existens, quale est omne accidens respectu substantiæ; attamen quia utrumque est ens per participationem; tantam utrumque habet quoque dependentiam ab eo quod est tale per essentialiam, ut impossibile sit majorem aut huic æqualem reperire. Æqualem dixi: quia potest Deus conferre accidenti ut subsistat per se separatim à subjecto: ac conferri non potest creaturæ, ut vel unico momento sit independens à Deo, sive in ratione entis, sive in ratione agentis, cui essentialiter repugnat, ut ei à Deo permanenter conferatur vis illa, quâ Deus agit ad esse cujuslibet creaturæ, nisi daretur ipsi quod esset Primum & Universale essendi principium: quod non est minùs impossibile, quàm quod creatura sit Deus ipse. Ita D. Thomas de pot. q. 3. ar. 7. ad 7. Idemque repetit S. Doctor 1. p. q. 104. ar. 1. ad 2. ubi ait: *Deus non potest communicare alicui creaturæ, ut conservetur in (esse) suâ actione cessante: sicut non potest ei communicare, quod non sit causa illius*. At vis illa, una est ex posterioribus rationibus ob quas necessaria judicatur Prædeterminatio physica: ut scilicet per eam causa secunda tanquam instrumentum Primæ valeat in suo effectû rationem entis attingere: quia ut ibidem ait D. Thomas ipsum, esse, est effectus communissimus & proprius Primæ Causæ. Dependenciam creaturæ aliquando explicat D. Thomas similitudine speciei quæ est in speculo, quâ nihil infirmius, cum citò evanescat objecto actu illam non causante. Eandem aliàs exprimit dependentiam sequentibus exemplis: ut cum 1. p. q. 8. ar. 1. ait, *Cum Deus sit ipsum esse per essentialiam, oportet quod esse causatum, sit proprius effectus ejus, sicut ignis est proprius effectus ipsius ignis: hunc autem effectum causat Deus in rebus, non solum quando esse incipiunt: sed quandiu in esse conservantur, sicut lumen causatur in aëre à Sole, quan-*



*diu aer illuminatus manet.* Item ibid. q. 104. ar. 1. post discursum satis longum, sic concludit, *non remanet aer illuminatus; nec ad momentum cessante actione Solis.... Sic autem se habet omnis creatura ad Deum, sicut aer ad Solem illuminantem....* Et ne Sanctam Doct. excubere videamur, legat ipsum qui voluerit 3. contr. Gent. c. 65. Item 2. 2. q. 51. ar. 3. in cap. 1. ad Hebræ. l. 2. de pot. q. 5. ar. 1. in cap. 5. Joa. l. 2. 1. 2. q. 68. ar. 2. & 3. contr. Gent. c. 88. Ex iis & centum aliis D. Thom. testimoniis eandem debemus inferre consequentiam, ac illam, quam jam supra insinuavimus: Nam cum omne agens creatum magis dependeat à Deo quam aër illuminatus à Sole & radius ab eodem: sicut impossibile est, ut concipiamus effectum aliquem v. g. ignem re ipsa productum per radios in vitro igniario adunatos, quin simul verè intelligamus hujusmodi ignem esse prius ac magis ab ipso Sole: per instantum quendam prævium radiis communicatum: ita impossibile est, ut sit effectus aliquis productus ab agente creato, qui non sit quoque prius naturâ ac magis ab ipso Deo: quod sit Præmotione, quam tuerentur Thomistæ; & cerè nulla est mathematica demonstratio, quæ mihi videatur efficacior hoc argumento.

Hoc ipsum explicat Vega (Ord. Minorum qui diu Sa'manticæ Theologiæ professor, & inter reliquos Theologos Synodi Tridentinæ interfuit) familiari (quo sæpè usi sunt D. Augustinus & Doctor Angel.) exemplo: quoque nihil aptius seu magis ad rem, excogitari potest, Opus. de just. q. 11. citato ab Hænao pag. 69. nu. 120. *Sicut enim* (inquit Vega) *dum ego demissis oculis sto contra speculum aliquod; imago mea, qua relucere videtur in speculo, attollere non potest oculos, nisi ego prius naturâ attollam & me attollente simul ipsa omnino attollit: & si libera esset, ut attollere posset oculos, cum vellet; si tamen non in totum inverteretur ordo nature, non haberet hoc, nisi quia possit facere ut ego attollam, neque potest ipsa attollere oculos, nisi me prius attollente meos oculos ac per hoc & ipsius oculis erigente. Ita nos qui ad imaginem Dei facti sumus, & imago ipsius sumus: si quando nos Deo propter peccata deserviente proni spectemus in terram & depressi simus oculis mentis nostræ in bona hujus mundi, etiamsi propter arbitris nostri libertatem in potestate nostrâ habeamus facere ut Deus aspectum nostrum à terra erigat & ad se convertat, tamen hoc non possumus facere, quin Deus ipse prius se quodammodo erigat & attollat ut nos leveat ut, ipsum possumus erectis oculis recta aspicere: hoc est, quin Deus ipse prius nostræ humilitatis & depressionis misertus, admirabili quodam modo & plane suavissimo & libertati consono, ab his, quæ male amamus, nos abstrahat, & rebelles nostros ad se convertat voluntates: Ceterum Amice Lector hoc tantummodò habe præ oculis exemplum seu similitudinem, cum alia quam obiter supra attigimus ex Angelico Doctore & D. Augustino, de aëre illuminato à Sole: & tam impossibile erit, ut de Physica Præmotione ambigere possis, quam vel solum dubitare, an totum sit majus sua parte.*

## S E C T I O I V.

*Probatur Quare idem Concursus Dei Præviis variis D. Thomæ testimoniis.*

**N**on miror si hujus controversiæ Censores Sapientissimi, eos damnant voluntariæ cæcitatibus (quos & rebelles lumini dixerunt alii) qui nobis hac in parte adversantur, asserentes se non legisse apud D. Thomam, id quod tam aperte ac tories proficitur: Sex hæc de re argumentorum classes notavit in doctrina D. Thomæ Philippus à S. S. Trinitate in suo Cursu Philosophico Lug. 1648 apud Julierum edito, ad quem brevitatis causâ remitto. Quibus tantummodo adjiciam quod ait S. Doctor 3. cont. Gent. c. 2. *A contingentia ad utrumlibet non sequitur aliquis effectus; nisi per aliquid, quo ad unum determinetur.* Et ibid. c. 149. ubi ait, *Animam nostram operari sub Deo, sicut agens instrumentale sub principali Agente.* Idem in cap. 15. Joan. & in cap. 10. Matth. in hæc verba (non vos estis qui loquimini) ubi ait, denominationem fieri à Principiali Agente, scilicet à Spiritu Sancto: qui movet (inquit) *confortando rationem;* & consequenter perficiendo libertatem: Legatur & in cap. 8. ad Rom. 1. 3. nec omitatur Aristoteles 8. physic. c. 1. ubi ait, *quidquid movetur; ab alio movetur.* Ex quo, ne detur progressus in infinitum, mirum in modum se urgeri sentiunt Adversarii, ut patet tot solutionibus huic frustra & extra chorum adhibitis, pro quibus legendus Philippus supra laudatus.

## S E C T I O V.

*Quintò ultro probatur Prædeterminatio physica, in terminis ab ipsomet Angelico Doct. expressis.*

**H**ic prætermisâ subtili Academicorum & Peripateticorum disputatione de nominum impositione: relicta etiam curiosâ observatione, quâ notatur, quàm lenta indagine, Veteres illi (quos vocabant Sapientes) in veritatis ac veræ Philosophiæ notitiam venerint, circa ultimum hominis finem: merito dubitari potest, an fuerint scēliciores, circa ejusdem hominis, rerumque omnium Primum Principium: nam si teste Varronne relato à S. Aug. 9. de civi. in ducentas & octoginta opiniones diversas (omnes à veritate alienas circa veram hominis scēlicitatem, abierint. Vix quoque dici potest, quantum ab eadem veritate aberrarint quoad Primum Principium rerum: si quidem ne ulterius progrediamur, solo tempore Synodi Nicænæ (teste S. Isidoro) nec Deum esse alii perhibebant: alii verd esse quidem, sed nullâ uti providentiâ. Alii sanè providentiâ prædictum esse, sed Cœlestium dumtaxat rerum. Alii autem terrenarum etiam rerum procuracionem habere, non tamen omnium, sed tantùm Regum & Principum. Alii cæco ac temerario casu ferri. Alii denique omnia factò fieri contendebant. His Prænotatis.

N n

Non faciliè dixerim, an gravior sit illorum error qui dixerunt nullam esse omninò actionem Primæ Causæ cum secundis : quam illorum opinio, qui solam Motionem Moralem, ex propositione objecti aut aliunde provenientem sufficere asserunt, & maximè juxta doctrinam D. Thomæ, à quo quia importunè efflagitant ipsum *Prædeterminationis* vocabulum : ipsi morem libenti animo geremus, quamvis istud non sit necessarium, ut multis exemplis ostendimus lib. 2. c. 6. contra Petrum à S. Joseph in prima edit.

Legant igitur S. Doctorem 1. ad Anibald. d. 47. q. unic. ar. 4. ubi loquens de voluntate Dei, quæ est causa rerum ait, *non solum res producuntur in esse à Deo, sed etiam rebus producendis, modum quo producuntur, Prædeterminavit.* Item in Comment. in D. Dionys. de Divin. Nom. c. 5. l. 1. & ibid. l. 1. in fin. & l. 2. ubi ait, *exemplaria in Deo esse Prædefinitiones & voluntates Divinas existentium prædeterminativas & effectivas.* Isdem ferè verbis utitur de verit. q. 3. ar. 1. sub fin. Legatur. Quodl. 12. q. 4. ar. 1. non diffiteor aliquod ex D. Thomæ testimoniis posse intelligi de decretis Divinæ voluntatis ( à quibus quoque pariter refugiant Adversarii.) Sed cum illa sit causa rerum efficacissima, cujus Executrix est Prædeterminatio, nullo modo faveret ipsis hoc subterfugium : cui tamen occurrit S. Doctor his verbis Lect. 1. dicit, *voluntates Divinas esse existentium Prædeterminativas & effectivas.*

Deinde ab exordio hujus controversiæ semper confessi sunt Adversarii apertissimum esse *Prædeterminationis* vocabulum : si aliunde constaret juxta mentem D. Thomæ dari influxum Dei in causam secundam & in liberum hominis arbitrium, quò Deus verè, propriè & activè, nedùm moraliter ipsum moveret : & hac de causa dixit Eupistinus Patres Societatis Jesu non teneri hac in parte sequi doctrinam D. Thomæ : At hoc modo Deum influere constat & quidem manifestè ex Comment. c. 4. de Divin. Nom. l. 6. ubi ait, *causari à Deo omnes motus, sive mentium, sive Animarum, sive corporum* idque semper salvà libertate ut legenti patebit de verit. q. 14. ar. 1. Et in cap. 4. Epist. cano. S. Jacobi explicans hæc verba Act. 15. ( Fide purificans corda ) ait D. Thomas *Deus purificat efficienter : fides informando.* Porro de hoc modo agendi formaliter in Anima, ex quo nonnulli inferebant *omnem gratiam esse efficacem* ex eo quod ipsa haberet semper aliquem effectum, scilicet formalem unde reipsa non est desumenda Gratiæ efficacia ; lege D. Thomam 1. 2. q. 110. ar. 2. ad 1. & in corp. Denique si Theologis facta sit licentia, toties usurpandi seu instituendi nomen *Prædeterminationis* ( quod in Scriptura non reperitur ) nisi fortè quia apud Apostolum aliquoties legitur ( ly prædestinavit ) major ne est difficultas, ut ex verbo *Prædeterminare*, quod pluries quoque reperitur in doctrina D. Thomæ, inferatur ly *Prædeterminatio* quam ex verbo *Prædestinare*, stabiliatur *Prædestinatio* ? Legatur D. Thom. 3. p. q. 62. ar. 4. ad 3. Item lib. 1. contra Genes. c. 13. Et ibid lib. 2. c. 15. rat. 3. Et de hoc influxu directo in liberum arbitrium, centies in Scriptura : Conciliis, nominatim in 2. Ancy. cujus omnes canones videntur assumpti ex doctrina Doctoris Angelici.

## S E C T I O VI.

*Probatur Sexto ex D. Augustino Physica Prædeterminatio.*

**H**OC Nomine post D. Thomam usi sunt Thomistæ; ut in agendo exprimerent certitudinem Illius (cujus providentia in sui dispositione non fallit; nec deficit intentio) cujusque agendi modus ita universalis est & absolutus, ut ejusdem causalitatem nihil omnino subterfugere possit. Ubi ergo conditiones prædictæ fuerint respectu alicujus agentis, idem est, ac si Prædeterminatio ipsa esset proprio vocabulo expressa: At in nullo Sanctorum Patrum magis expressè reperitur, quàm apud S. Augustinum. V. g. in Enchir. c. c. 95. & 96. ait, *si dicamus Divinam voluntatem posse impediri à voluntate cujusvis creature, sive in cælo, sive in terra; periclitatur initium fidei nostræ, quæ confitemur Deum esse omnipotentem.* Item lib. 3. oper. imperf. c. 168. *Cur ergo (inquit) non confiteris, sine ulla forinsecus sonante jussione, Deum oculo instinctu ad quod volueris efficacissimè implendum preparare atque excitare hominum voluntates?* Revoca in memoriam ea omnia, quæ ex S. Patre diximus pro Gratia per se efficaci, Et interim legatur tom. 7. lib. 2. de Prædest. S. S. De Correp & Grat. c. 12. Et ibid. cap. 8. lib. 1. contr. 2. Epist. Pelag. c. 20. lib. 5. de Gen. ad lit. c. 20. Et ibid. lib. 4. c. 12. In Epist. 145. ad Consentium. Nominatim verò tom. 9. Tract. 1. in Joa. circa medium, ut videas quid acciderit Catholico, ex eo quod concesserit Manichæo vilem ac importunam muscam à Deo opt. non fuisse factam. Ex quo sine dubio refugiet animus admittere, actum liberi arbitrii (quo vitam æternam, etiam de condigno, cum Gratiæ Divinæ Auxilio, possumus promereri) non esse à Deo, ut suadere nititur quidam Neotericus. Quod confirmari potest ex eo quod ex Angelico Doctore alibi laudato diximus, asserente Manichæos suam blasphemiam confirmasse ex his verbis (& sine ipso factum est nihil; quod (inquit) positivè sumebant. At expectamus, ut nobis ostendant Adversarii, quæ possint prædicta omnia intelligi sine physica Prædeterminatione, quam propugnamus quæ Deus est causa actus secundum modum suum liberum.

## S E C T I O VII.

*Septimo probatur ratione, Physica Prædeterminatio.*

**P**rimò quidem. Omne agens secundum, essentialiter subordinatur Primo, & ab eo dependet, non solum in ratione entis; aut principii habitualis seu in fieri (ut aiunt) sed etiam in ratione agentis actualis, & in facto esse ut supra dictum est. Ergo omne agens secundum debet à Primo Prædeterminari ad acta operandum. Aut non revocatur in dubium apud petitos, quin *Agere perfectius sit, quam posse agere; cumque actu agere sit quid reale, & quidem perfectius potentia agendi, seu solò habituali principio agendi; illud quoque debet esse à Deo tanquam a causa seu principio, & potiori*

N n ij

jure, quàm principium habituale (quod nemo negat esse à Deo). Consequentia verò suadetur sic : ut agens secundum in ratione principii actualis suæ operationis, actu dependeat à Primo, debet ab eo recipere præviam aliquam motionem seu influxum antequam operetur, quò in ratione principii actualis constituitur, seu de actu primo ad secundum reducatur; aliàs non erit aliter dispositum, quando operabitur, quàm esset dum non operabatur : & agens secundum sine prævio influxu Dei verè sibi vendicabit rationem Primi Agentis, ut expressè docet D. Thomas in 2. Sent. dist. 37. q. 2. ar. 2. Sed nihil aliud intelligitur nomine Præmotionis physicæ, quàm id, per quod causa secunda constituitur in ratione principii actualis suæ operationis, ergo Prædeterminatio hæc est omnino admittenda.

Probatür secundò. Causa Universalissima totius entis, debet esse causa actionis à causa secunda procedentis, non utrumque, seu quoad substantiam; sed etiam secundum illud modale, secundum quod actio procedit à causa secunda : secus Causa Prima non esset propriè causa actus illius, si non influeret in ejus principium ad agendum ut ait D. Thom. 1. 2. q. 80. ar. 1. Ergo est admittenda Præmotio physica, quâ Deus insuit in omne agens creatum ut operetur.

Confirmatur & magis explicatur : Si id quod dat Deus causæ secundæ, ut sit in ea virtus agendi seu principium habituale actionis, sit aliquid reale (seu ut sæpius cum D. Augustino diximus : si voluntas, quæ adhuc potest esse bona vel mala, sit nobis à Deo) potiori jure id quod dat illi, ut sit principium actuale, quod est perfectius habituali : (& quo creatura magis assimilatur Deo) debet quoque esse aliquid reale : nam per hoc, creatura suam ultimam attingit perfectionem, quæ teste Angelico Doctore, non consistit in potentia vel habitu, sed in operatione, ut ipse ait 3. p. q. 34. ar. 1. At nihil aliud nomine Præmotionis intelligitur, quàm id, quò Deus infallibiliter & certò confert creaturæ ut ipsa operetur, & intentionis suæ (quæ nequit deficere) effectum exequatur. Ergo, &c.

## SECTIO VIII.

*Omnino probatur eadem Prædeterminatio ex Ecclesie Orationibus.*

**O** Ratio (inquit D. Augustinus) est clarissima Gratiaustificatio cum quo supra diximus duplex esse beneficium Gratia, Sufficiens scilicet & Efficacis; Sufficiens (inquam) quâ Deus dat creaturæ posse tantum. Efficacis verò, quâ ipsam confert operationem : si ergo præter Gratiam quæ dat tantum posse, evidenter confert nos à Deo aliam petere efficaciorē, quâ Deus ipsum conferat actum seu operationem, evidentissimum erit aliquod esse Auxilium Gratia fortius & efficacius concursu indifferenti & indeterminato Adversariorum, Gratia efficacis nomine à Thomistis expressum : & in ordine naturæ, vocabulo Prædeterminationis physica exprimentum. At quid aliud à Deo postulamus ? quando petimus.

*Vt ea qua pro peccatis nostris patimur, Deo adjuvante vincamus. Vt qua placita sunt Illi, & dictis exequamur & faciamus. Vt inveniamur, & in fide stabiles & in opere efficaces. Vt Deus dei nobis perseverantem in sua volun-*

*nate famulatum. Ut quod professione celebramus, imitemur effectū. Ut Deo largiente cogitemus quæ recta sunt, & eo gubernante, eadem faciamus. Ut nostras etiam rebelles ad se compellat propitiis voluntates? At hæc omnia & his similia sunt in Ecclesiæ orationibus, quibus petimus, non solum ut Deus vota nostra aspirando præveniat, sed etiam ut adiuvando prosequatur: seu ut uno verbo dicamus; ut nos suâ gratiâ præveniat & sequatur ac bonis operibus præstet nos jugiter esse intentos: quæ est genuina D. Thomæ doctrina.*

Explicatur. Id quod à Deo postulamus, procedit ex ejus Gratia: sed petimus non solum ut infidelis converti possit: sed etiam, ut re ipsa convertatur. Oramus pro ejus voluntatis mutatione, consensu & ad bonum determinatione: ergo hæc mutatio, hic consensus & determinatio, Dei Gratia causantur: non verò à voluntate creatâ expectantur. Unde D. August. tom. 7. lib. de Prædest. S. S. c. 8. *Si Deus non facit, inquit, volentes ex nolentibus. Quid orat Ecclesia secundum preceptum Domini pro peccatoribus... Quid ergo oramus pro nolentibus credere, nisi ut Deus operetur in illis & velle? Verum si ut ait Cælestinus Papa, legem credendi statuat lex supplicandi: posset Deus dicere nostris hac in parte Adversariis, Cur à me petitis conversionem infidelis, voluntatis ejus mutationem, consensum & determinationem: cum juxta vestram doctrinam cogar Ipse hac omnia ab eo expectare, ne eius laudem libertatem? At quia utrumque Auxilium Gratiæ agnoscunt Thomistæ, petunt v. g. pro errantibus, non solum ut possint in viam redire justitiæ: sed ut re ipsa redeant. Nam ut ait D. Augustinus de Grat. Christi c. 25. *Quomodo quod possumus bene agere, Dei est: quod autem agamus, nostrum est? cum dicat Apostolus se orare... ne quid mali faciant... & quod bonum est, faciant: non enim oramus, inquit, ut possitis nihil mali facere: sed ne quid mali faciatis....* Quia utrumque Dei donum est, & utrumque necessarium, sed majus alterum à Thomistis propugnatum sub nomine Præmotionis physicæ.*

## S E C T I O IX.

*Novò, ex sacra Synodo Tridentina roboratur Prædeterminatio Thomistica.*

**U**trum in hoc capite sicut & in præcedenti, ritè inferatur argumento à simili, ex Gratia per se efficaci, de prompto; Præviis Dei in omnes causas secundas, etiam liberis, influxus, nonnullis fortasse dubium incidere poterit. Verum quia in dubiis, teste Isidoro Pelaf. lib. 4. Epist. 99. *Non oportet eorum qui morbo laborant, sequi suffragia; sed ex judicio sanorum hominum demonstrationes mutuari;* hic non possumus locupletiores habere testes, aut magis integros Judices, quàm Patres Concilii Tridentini, quorum Sess. 6. c. 5. hoc extat judicium, asserentes, *Exordium justificationis in adultis sumendum esse à Gratia preveniente, quâ nullis existentibus meritis vocantur; ut qui per peccata à Deo averti erant, per ejus excitantem & adjuvantem Gratiâ ad convertendum se, ad suam ipsorum justificationem eidem Gratia liberè assistendo & cooperando disponantur.*

At ex prædictis Synodi verbis, non negabunt Adversarii sacram Synodum loqui de Gratia efficaci, cum hoc testimonio utantur, ut probent nos posse

etiam huic Gratia dissentire ( quod libentissimè fateamur ) quodque pro nobis ac ipsis fatetur ipse Suarez 2. p. de Auxil. lib. 5. c. 37. quia si de alia Gratia quàm de efficaci intelligeretur, præfatum Concilii testimonium, nihil actum esset contra hæreticos, qui ex Gratia efficacia, liberum auferri arbitrium contendebant. Nam ut ritè notavit P. Goudin in sua Philos. *Si Titius contenderet vineam sibi iniuste usurpam esse à Sempronio, & Index definiret domum esse Titio restituendam ( de qua non est controversia: ) nonne omnino inepta videretur sententia?* Idem, si contendente Calvinistâ, creaturam non poss: liberè cooperari Gratia efficaci, & cum illa non retinere potentiam dissentendi, Concilium definivisset utrumque falsum esse de Motione morali intellectum: nonne absurda diceretur definitio, & omnino insufficiens talis responsio?

Quod autem hæc Gratia sit efficax ex sua natura antecedenter ad consensum nostrum, non verò ex eo præsupposito, quem Deus expectare teneatur; ponderandum est ex prædictis Concilii verbis, quibus ait, *Exordium nostræ justificationis sumi à Gratia preveniente*. . . . Unde sic formatur argumentum: Gratia efficax est vera causa nostræ justificationis, & consequenter eorum omnium quæ in nostra justificatione includuntur. Sed liber consensus noster necessariò includitur in nostra justificatione: ( non enim justificamur invitati aut non consentientes, quando sumus adulti. ) Ergo Gratia efficax nostrum efficit consensum, non verò ipsum expectat. Unde D. Thomas 1. 2. q. 111. a. 2. ad 2. ait: *Deus non sine nobis nos iustificat, quia per motum liberi arbitrii dum iustificamur, Dei iustitia consentimus; ille tamen motus non est causa Gratia, sed effectus: unde tota operatio pertinet ad Gratiam. Si secus diceretur, totum perverteretur: nam Exordium nostræ justificationis non sumeretur à Gratia, sed ex consensu, qui non esset Gratia effectus, sed causa, cui ex debito Gratia daretur, jamque non esset Gratia.*

Nec potest dici prædictum Concilii testimonium intelligendum esse de Gratia morali seu de vocatione: Primò, quia vocatio est causa inadæquata & insufficiens conversionis, aliàs omnes vocati, essent iustificati; quod est falsum. Secundò, in inspiratione de qua loquitur sancta Synodus, utraque Gratia exprimitur, scilicet *excitans & adiuvans*; & majori vigore indiget voluntas, id est, gratia adjuvantis auxiliò, propter maiorem voluntatis nostræ corruptionem, quàm intellectus, quem respicit Motio moralis. Tertiò, intolerabilis esset error vel suspicari Concilium incidisse in hæresim Pelagianorum, cupiens resistere hæresi Calvinistarum. At Pelagiani Motionem moralem ultèrõ admittēbant, præter quam efficacior à Patribus & Conciliis requiritur pro his nominatim de quibus Concilium loquebatur, *qui per peccata à Deo averfi erant*. Utum verò re ipsâ in hanc hæresim incideret qui solam Motionem moralem tantummodò admitteret, definire non præsumo; sed solummodò humiliter ac sincere profero quod mihi videtur dicendum juxta Scripturam, Concilia, Divum Augustinum, aliosque Ecclesie Patres: nam hac in re, ac in omnibus alijs quas scripsi, aut unquam, favente Divinò Numine, scribam, non solum Ecclesie, sed cujuscunque doctioris ac sapientioris iudicio, totâ animi demissione, proprium subjecio iudicium. Sed interim advertat prudens Lector quò pacto præfato Concilii Tridentini testimonio, in tuto sunt Thomæ tam pro dictâ Præmotione, quàm pro libertate cum illa concilianda,

Non enim potuit quis mentem Concilii melius scire, quàm qui aderant: at ex una Prædicatorum Familia 17 Episcopi, 6 Archiepiscopi, plures fidei Inquisitores de mandato speciali Sedis Apostolicæ, ex quibus constat post Concilium tres à Summo Pontifice in Archiepiscopos fuisse assumptos. Quod eò certius haberi debet, quòd aliorum Ordinum Doctores, qui cum ipsis præfato Tridentino interfuerunt, omninò cum illis hac in parte conveniant, ut patebit ex infra dicendis de Salmerone, Societatis Jesu eximio Doctore, & Vega, ex Seraphica PP. Minorum Familia.

## S E C T I O X.

*Decimò, Probatnr Prædeterminatio ex eiusdem Concilii Catechismo.*

**P**ORRò hunc fusiùs poterit legere qui voluerit, 1. p. a. 1. Symbol. fidei, nu. 24. in expositione Articuli *De Omnipotentia Dei*. quam supra diximus cum D. Tho. esse: *primum fidei nostre fundamentum*. Non solum, inquit hujus libri Authores, *Deus universa qua sunt Providentiâ suâ gubernat atque administrat; verùm etiam qua moventur & agunt aliquid, in eimâ virtute ad motum atque actionem ita impellit, ut quamvis causarum secundarum efficientiam non impediat, præveniat tamen, cum eius vis occultissima ad singula poringat....* Prosequere totum, & reperies Prædeterminationem ritè probari, ut diximus, ex universalissima Dei causalitate & efficacia, sicut & ex dependentia essentiali creaturæ à Deo ibidem in terminis expressa, ut legecti patebit.

Porro de hoc Catechismo (totius Ecclesiæ affectu ac veneratione accepto) hanc quoque Beatissimi Papæ Pii V. habeto commendationem, in Privilegio editionis, quod Matutio concessit, ubi ait: *Pastorali Officio cupientes quàm diligentissimè possumus, Divinâ adjuvante Gratiâ fungi, & ea qua sacro Concilio Tridentino statuta & decreta sunt, exequi: curavimus ut à delectis aliquot Theologis in hac Alma Urbe componeretur Catechismus, quo Christi Fideles de eis rebus quas eos nosse, profiteri & servare oporteret, edocerentur. Qui liber cum Deo iuvante perfectus, in lucem edendus sit, providendum duximus ut quàm diligentissimè & fidelissimè imprimatur. Cum igitur in dicto Catechismo habeatur, quòd Deus causarum secundarum efficientiam prævenit; scito unum esse ex his, quod nos nosse ac profiteri oporteat, ut vult Summus Pontifex.*

## S E C T I O XI.

*Undecimò, Probatnr quoque ex D. Bonaventura eadem Prædeterminatio.*

**H**ic potuisssem omnes ferè Sanctos Patres ritè (ut par est) intellectos accensere Divo Thomæ in confirmationem ejusdem doctrinæ: at unum selegi D. Bonaventuram, propter singularem quam habuit cum Angelico Doctore amicitiam: & ne ex omnium enumeratione, nimium intumescat volumen istud, quod, quantum potui, exiguum esse volui.



Inquirens ergo Seraphicus Doctor, *An Gratia comparetur ad Animam in ratione Motoris?* in 2. Sent. q. 6. post multa, ait: *Alius est modus intelligendi, secundum quem procedens à luce superna, qua semper habet conjunctionem cum sua origine, sicut lumen cum sole; & quia semper sua origini conjungitur, idem non tantum attribuitur ei operatio ratione subjecti in quo est, sed etiam ratione subjecti à quo est: unde sicut lumen non solum operatur cum aëre, sed etiam operatur in ipsum aërem ratione continuationis cum suo fonte: sic & Gratia non solum operatur cum libero arbitrio; sed etiam operatur in liberum arbitrium, & liberum arbitrium movet.*

Item ibid. in 2. Sent. dist. 34. quaest. 1. inquirens *An omnis actio sit à Deo?* Ad 5. respondet: *Dicendum quod tota operatio est à Deo, & tota à libero arbitrio: non enim est intelligendum quid Deus cooperetur libero arbitrio, sicut cum duo ferunt lapidem, unus cooperatur alteri: sed quia Deus est intimè agens in omni actione, & intimus est ipsi potentia operanti, ita quod potentia ipsa in nihil erit, quod non sit ab ipso.* Legatur lib. 1. Sent. dist. 47. a. 1. q. 1. & ibid. dist. 45. q. 2. Et in 2. Sent. dist. 23. q. 3. in quibus omnibus uno ore loqui videtur cum Angelico Doctore.

Quantum autem ad nonnullos, ex Sanctis Patribus contra Haereticos agentibus, existimantes nos hic duci necessitate fatali, ex quorum scriptis non nihil afferunt Adversarii, quod in speciem militare videretur contra hanc traditam D. Thomae doctrinam, quid ad Thomistas oppositum sentientibus, quibus non potest sine gravi injuria, obijci hæc doctrina contra Haereticos tantummodo tradita. Quantum verò ad numerum Sectariorum ejusdem doctrinæ, vide contra Petrum à S. Joseph lib. 2. cap. 12. pag. 106. ubi quoque reperies pag. 179. duodecim Religionum Choros Divo Thomae hac in parte accincentes.

Sed quia nonnulli ex Religiosa Societate Jesu nobis adversantur hac in parte, ipsis non opponam Dominicanos, sed præcipuos tùm sanctitate, tùm doctrinâ, ejusdem Societatis Auctores. Quare sit

## SECTIO XII.

### Duodecimò. Probatur, ex Cardinali Toletò.

**H**ic nihil de Bellarmino infra laudando cum S. Ignatio & præcipuis ejusdem Societatis. Tolerum audiamus lib. 2. Phyl. c. 3. lect. 38. q. 2. Concl. 4. ubi postquam fusiùs explicuit, quomodo Deus immediatè concurrat ad effectum causæ secundæ, & quidem magis ac priùs quàm ipsa: expressis etiam quatuor modis, quibus id ipsum Deus Opt. efficit, sic concludit: *Vide igitur quomodo actio instrumenti ab artifice pendet, & effectus ab utroque, sed magis ab artifice.* Sic oportet, inquit, elevare mentem, & intelligere de Deo glorioso, qui cum his causis sic operatur, ut simul & ipse operentur, sed à Deo mota & directè sicut instrumenta ab Artifice.

Vix potest ferre Henao Toletum stare à partibus Thomistarum: nam pag. 70. sui Ventilabii, nu. 123. ait, *sic omnes Societatis Philosophos ac Theologos posse recenseri: (quod certe verissimum erat antè exortam malæ hujus æmulationis controversiam.)* Ut ergo illum possit ad se reducere, utitur quibuldam commentariis

Commentariis hominibus invisus, & soli Sherlogo notis, & ne falsitatis arguatur Henao ait, *horum commentariorum fidem esse penes Sherlogum testem domesticum proinde non admittendum. Sed ad prefatam ad se Tolens reductionem utitur Henao, praeter ceteris, D. Chrysostomi testimonio, quod existimat sanctum Presulem suo jam tempore loquutum esse de principiis Scientia Medie. Pro quo dissolvendo, sciendum est Deum non agere caco modo: ex eo igitur quod aliquando legatur apud Chrysostomum aut in quibusdam Patribus, Deum vocasse aliquos quando ipse sciebat eos esse obtemperaturos; illico existimant Adversarii Scientiam Mediam esse stabilitam: quod est omnino alienum a mente sanctorum Patrum: aliud enim est, quod Deus praevideat aliquem consenturum (quod certe ipsum latere non potest;) aliud verò quod indigeat Deus hac praevisione, aut ab ea dispositione dependeat ad agendum; quod cum D. Augustino & Doctore Angelico negant Thomistae: nam quotiescumque vult Deus, potest omnia agere omnipotentissimâ facilitate. Ne ergo quis possit praedictam agendi in Deo dependentiam suspicari ex illis verbis Chrysostomi, Vocavit Discipulos quando sciebat ipsos esse obtemperaturos, citò addidit: sciebat enim quando ipse operaturus erat in eis, ut obtemperarent vocanti, & tunc vocavit. Et ne ullus esset Scientiae Medicae angulus, quæ asserit Deum indigere huiusmodi dispositionis praevisione; addit ibid. sanctus Præsul, homil. 13. in Matth. ab ipso Henao paginâ 70. laudatus, exempla non solum Pauli furentis, sed etiam Matthæi, Andræ & Petri quando erant magis impediti, id est, minus benè dispositi, ut Christo vocanti obtemperarent, ut scilicet virtus Gratiae magis appareret.*

### SECTIO XIII.

*Decimo-tertiò, Probatur ex Azorio & Almaïno.*

**N**ullus est qui Catalogum legerit Authorum Societatis, quem lateat quod in pretio sit apud Suos, omnesque alios Azorius. Ille verò lib. 1. Moral. instit. c. 24. post relatas nonnullas difficultates, ait: *Quidquid sit, negandum non est, Deum cum natura & humana voluntate operantem, esse totam causam. Nec dicendum est talem causam esse, qualis est is qui unam cum alio trahit navem, vel idem pondus attollit... quia in his, quamvis duo se invicem juvent, nec unus sine altero producat effectum: neuter tamen alteri efficiendi vim & facultatem prestat, vel alterum movet ad efficiendum, vel est alteri causa ut faciat; sed uterque cum altero facit. At Deus naturæ & voluntati ad agendum vel faciendum vim & potestatem prebet, & facit ut ipsa natura vel voluntas agant & faciant, qua alioquin nihil facerent per se: quamvis agendi vel faciendi vim & facultatem datam & conservatam haberent... Et quamvis unus sine altero pondus per se attollere vel trabem deferre nequeat, tentare tamen ipse potest: At voluntas humana, vel quaecumque alia causa, nihil sine Deo tentare conarive potest. Legatur totus, & non tantum accepisse sensum ab Angelico Doctore judicabitur, sed & verba usurpasset.*

Quantum autem ad Cosmam Almaïnum, solis opus est oculis. Legendus

Oo

in Summa Philosophica, q. 11. a. 4. Ad quem exscribendum hac de re, tres paginæ non sufficerent; idque ita ad mentem D. Thomæ, ut ejus verba persæpè ne quidem mutaverit. Hoc tantum ipsius subijciam argumentum ex Philosopho depromptum c. 8. Eudem. Ethicæ. *Hujus, inquit quod aliquis intelligat, consiliatur, eligat & velit; oportet aliquid esse causam, quia omne novum oportet quod habeat causam aliquam: si autem est causa ejus aliud consilium & alia voluntas præcedens, cum non sit procedendum in his in infinitum, oportet devenire ad aliquod primum: hujusmodi autem principium oportet esse aliquid quod sit melius ratione: nihil autem est melius intellectu & ratione, nisi Deus. Est igitur Deus primum Principium nostrorum consiliorum & voluntatum.* Lege D. Thomam ab eo citatum ibidem 3. cont. Gent. cap. 67. 70. 89. Et 1. p. q. 105. a. 5. de Pot. q. 3. a. 7. & nihil reperies apud Almañum præter Doctorem Angelicum ejus ore loquentem.

#### SECTIO XIV.

*Probatur Prædeterminatio ex Henriquez & Pererio.*

**P**rimus quidem (inter Societatis doctissimos) habitus Henriquez, lib. de ult. sine hominis, hæc ait c. 6. *Tanta est divina voluntatis Providentia & Motionis Efficacia ac suavitas Sapientia, ut provideat, agatque & rem ipsam & modum ipsius: id est, providet ut ab homine fiat actus seu effectus, & liberè fiat cum omnibus circumstantiis loci, temporis, modi...* Et post pauca addit: *Hæc sententia est sacris Scripturis ac Patribus consentanea, ut salvâ libertate hominis, actus bonos cum suis bonis circumstantiis prædeterminet.* Porro, inquit, ea Prædeterminatio antecedens, quamvis è natura rei non esset necessaria, ut fieret singula bona opera... Pertinet tamen ad rationem perfectâ Providentia qualis est in Deo... Qua in re notandum est quod c. 4. supra dixerat: *Concors Doctærum sententia docet Deum habere Prædeterminationem efficacem bonorum ab æterno.* Et cap. 5. referens plusquam 20 Doctores pro hac re: *Non est ita difficile, inquit locò suprâ citatò, conciliare libertatem hominis cum tali Prædeterminatione, ut quidam putant.*

Alter verò, scilicet Pererius, quem Possévinus, Societatis Jesu Historiographus, vocat *virum insigni eruditione & perspicuitate resectum*; lib. 8. de Causis, c. 7. loquens de Prædeterminatione physica, ait: *Hæc doctrina non est probabilis tantum, sed omninò vera, certa & indubitata, de qua fas non est Christiano Philosopho dubitare.*


#### SECTIO XV.

*Probatur ex Canisio & Salmerone.*

**N**on possumus mentem Canisii melius investigare, quàm ex testimoniis Scripturæ, Conciliorum & Sanctorum, quæ sua fecit, collectione, judicio & approbatione. Sit ergo in exemplum cæteris quod refert ex Sancto

Fulgentio de Incar. & gra. Christi c. 18. *Si Gratia bonam voluntatem in nobis invenit, quam ipsa non dedit: immò si sic est: nos Deo Priores voluntatem damus: atque ita Gratiam non miseratione tribuentis, sed aequitate Dei retribuentis accipimus. Verumtamen quis prior dedit illi & retribuetur ei?* Aliud refert ex Theophrasto non minùs efficax testimonium, cum aliis Sanctorum Patrum.

Suus quoque Salmeron locus debetur, qui à Beato Ignatio de Loyola Fundatore Societatis Jesu, missus fuit ad Trident. ac proinde testis legitimus doctrinæ Synodi prædictæ supra laudatæ. Atqui Salmeron. disp. 19. in Epist. ad Rom. ait, *Illos Deus amavit, non ad aliquod bonum temporale sed ad Supremum Cælestis Gloriæ: nec ad tempus; sed usque in finem dilexit eos, id est (inquit Salmeron) firmâ suâ & immobili Prædeterminatione per certa media, quasi serie quadam instituit, ut possent ad Gloriam pervenire.* Legendus idem Salmeron tom. 4. in Evangel. Et in Epist. Pauli disp. 5. sub finem. At quantum ad Sanctum Ignatium ipsum, ceterosque totius prædictæ Societatis Celeberrimos; vide ea, quæ ex ipsis retulimus datâ occasione, suis in locis, quos faciliè reperies ex Elencho in fine operis posito.



## PARS ALTERA APPENDICIS,

Specialiter necessaria pro Concordia D. Augustini & Doctoris Angelici circa actuale Auxilium Gratiæ necessarium, etiam in Statu Innocentiæ.

### EXPONITUR HUIUS CONTROVERSIE STATUS,

*An eadem fuerit Ratio Dependentiæ creaturæ à Deo in Statu Innocentiæ & natura per peccatum corrupta, quantum ad Actuale Auxilium Gratiæ, absolute necessarium ad bene agendum: ac proinde an & in illo fuerit necessaria Præmotio Physica?*

**R**ATIO dubitandi nascitur ex eo, quod sæpius dixerit S. Præsul Augustinus, Adamum in statu Innocentiæ, & Angelos ante suum lapsum, suâ voluntate & arbitrio stare ac perseverare potuisse, si voluissent: & ut videtur, sine ullo Dei Auxilio actuali: ut re ipsâ docuerunt plures Moderni, existimantes hoc esse ad mentem Sancti Augustini: At oppositum sentiunt Thomistæ, existimantes Adamo & Angelis ante eorum lapsum, fuisse quoque omninò necessarium actuale Dei Adjutorium ad bene agendum & perseverandum: tum ab ipsorum natura seu virtute naturali: tum à Gratia habituali illis collata, realiter distinctum. Sunt duæ partes in hac conclusione. Prima probatur ex Doctore Angel. 1. p. q. 95. ar. 1. asserente perfectam subjectionem corporis ad Animam: & appetitus inferioris ad Superiorem, non fuisse naturalem, quia si naturalis fuisset, in eo etiam post peccatum utique remansisset: unde pro dependentiâ creaturæ & Præmotionis necessitate univer-

saliter philosophatur Doctor Angel. 3. contra Gent. c. 155. sine discrimine hujus vel illius status.

Confirmatur ex eodem 1. p. q. 64. ar. 1. ubi loquens de Angelis (in quibus peccatum fuit, estque semper gravissimum: quia diabolus, inquit D. Thomas de Mito, q. 16. ar. 5. ad 14.) adhuc manet in prima perversitate: quâ summam Beatitudinem per naturalem virtutem voluit obtinere: quantum ad appetitum: (licet non quantum ad hoc, quod credat se posse obtinere: ut docet S. Doct. 1. p. q. 64. ar. 2. ad 3.) dicens *per culpam non fuisse immutatum id, quod erat ipsi naturale*, sed naturalis est omnino dependentia creaturæ à Deo; tam in agendo, (quod sequitur *esse* estque illi proportionatum) quàm in essendo (ut loquuntur) idque non minùs in statu Innocentiæ, quàm in statu naturæ corruptæ. Immo est ita essentialis hæc dependentia à Deo, teste Angelico Doctore de pot. q. 3. ar. 7. ad 7. ut *Rei naturali non possit conspici viis, quâ agit ad esse ut instrumentum Prima Cause, nisi detur ei, quod esset Unversale Principium essendi*, Quod non est minus impossibile quàm quod sint duo dii. Ergo eadem fuit dependentia in statu innocentie & in statu naturæ per peccatum corruptæ.

Explicatur magis. Sicut supra diximus ex D. Thomæ 1. p. q. 64. ar. 1. *perfectam subjectionem corporis ad Animam*; spectare ad Gratiâ: ita & dependentiam creaturæ à Deo, ad naturam intimè pertinere: & quia hæc dependentia est major eâ, quâ radius dependet à Sole, ut supra diximus, eam quod præcessisse in statu innocentie, tanquam modum à creatura inseparabilem, merito jure existimamus: ratio fundamentalis est: quia primus homo, non minus erat ens per participationem in statu innocentie, quàm in statu naturæ corruptæ: & idè utrobique necessitas Prævii influxus Dei, quam idcirco sine discrimine ut dixi docet Doct. Angelicus lib. 3. cont. Gent. supra citato c. 155. Legat interim etiam qui voluerit prædictam D. Thomæ responsionem ad 7. q. 3. de pot. ar. 7. & sine dubio obstupescet, qui possint Adversarii, vel in dubium revocare Prædeterminationem, cui à tot annis adversantur: quamvis pro ea stabilienda & explicanda in omnibus Divi Thomæ operibus; hoc unicum esset Sancti Doctoris testimonium: quod in gratiam eorum, quibus non facile suppetit copia librorum, breviter subjiciemus *Ad 7. inquit, dicendum quod virtus naturalis, quæ est rebus naturalibus in sua institutione, collata; inest eis ut quadam forma, habens esse ratum & firmum in natura. Sed id quod à Deo fit, in re naturali, quo actualiter agit, est ut intentio sola, habens esse quoddam incompletum per modum quo colores sunt in aëre, & virtus artis in instrumento artificis. Cui si addideris id quod ait S. Doctor in 2. Sent. dist. 37. q. 2. ar. 2. invictum ex D. Thom. habebis argumentum pro Prædeterminatione physica. At pro prædicta dependentia S. Augustinum postmodum audiemus: interim Legendus Doctor Angelicus 3. cont. Gent. c. 67. ubi ait, non solum cum res primò sunt condita, eis virtutes operativas indidit, Deus, sed semper eas in eis conservat: unde cessante ejus influentiâ, omnis operatio cessaret. Hoc explicat ibid. *Ex motu violento, qui cessat cessante violentiâ impellentis*. At operari sequitur esse, estque illi proportionatum, ut dictum est.*

Confirmatur primò ex lect. 2. in caput 1. ad Hebræ. ubi ait Sanct. Doct. „Deus est causa omnis substantiæ rei quantum ad fieri. .... & sicut ad a'p'.

„sentiam Solis cessat fieri & esse luminis in aëre, ita ad substractionem virtutis Divinæ, cessat & esse, & fieri & subsistere omnis creaturæ.... Por-  
 „tat etiam omnia, inquit, quantum ad operari: quia substractâ influentiâ  
 „ejus, cessat omnis motio causarum secundarum, cum ipse sit Causa Prima,  
 „& causa prima plus influat quàm secunda.

Confirmatur secundò, ex eodem 1. 2. q. 109. ar. 1. ubi ait: *Quantumcumque natura aliqua corporalis vel spiritualis ponatur perfecta, non potest in suum altum procedere nisi moveatur à Deo.* Et ibid. ar. 2. ad 1. id satis confirmat.

Item longè perfectior est natura rationalis in statu gloriæ, quàm esset in statu innocentie: sed in statu gloriæ adhuc indigebit Dei Præmotione ex D. Thoma. 1. 2. q. 109. ar. 9. ad 1. Ergo, &c. Legendus etiam de Malo, q. 3. a. 1. ad 9.

Probaturn secundò ex D. August. tom. 7. lib. 2. de peccat. merit. c. 18. *Si inquit, nobis libera quedam voluntas ex Deo est, que adhuc potest esse bona vel mala: bona autem voluntas ex nobis est, melius est id, quod à nobis est, quàm quod ab illo est; quod absurdissimè dicitur.* At non minus verum est illud in statu innocentie, quàm in statu naturæ corruptæ, quamvis enim natura corrupta pluribus indigeat ac magis quàm sana: numquam tamen licitum fuit, naturam præferre gratiæ, sicque ordinem pervertere: nec minùs impia fuisset hæresis Pelagiana in statu innocentie, quàm in statu naturæ corruptæ: immò major in illo fuisset & ingratitude. Quare de illo sælici statu loquens D. August. tom. 5. lib. 14. de civit. c. xj. ait, *Bona voluntas est opus Dei, cum ea quippe ab illo factus est homo.* scilicet Adamus.

Item D. Thomas 1. 2. q. 109. a. 2. ad 1. *Mens hominis,* inquit, *etiam sani, non ita habet dominium sui actus, quin indigeat moveri à Deo: & multò magis liberum arbitrium hominis infirmi post peccatum, per quod impeditur à bono per corruptionem nature.* At motio moventis præcedit motum mobilis ratione & causâ, ut ait idem D. Thomas.

Secunda pars etiam non tam probatur quàm ut certa supponitur ferè nemine contradicente, nimirum, tam Angelos quàm Adamum, Gratiâ habitualem habuisse: De his enim ait D. August. jam laudatus: *Erat Deus in Angelis condens naturam, & largiens Gratiâ.*

De illo verò, scilicet de Adamo, nec ipsum Deus voluit esse sine sua gratiâ.. Sed dicimus præter hanc, necessarium fuisse auxilium actuale realiter à Gratia habituali illis collatum distinctum, quod suâ culpâ à Deo non acceperunt Protoparentes. Utraque pars satis manifestè ostenditur primò ex D. Augustino loco supra citato de Nat. & Gra. cap. 18. tom. 7. ubi *Sultrum estimat petere ut facias, quod habes in tua potestate;* At, si nullum fuisset necessarium Adamo Gratia Auxilium præter Gratiâ habitualement & sufficientem quam habebat, quamque (ut volunt Defensores Molinæ) potuisset efficacem reddere: non debuisset Adamus ad Deum recurrere pro aliquo obtinendo efficacioris Gratia Auxilio, ut tentationi resisteret, idque omitendo facere, non peccasset. Sed oppositum asserit D. Thomas de verit. q. 18 ar. 6. ad 13. Et 1. p. q. 94. ar. 4. ad 5. ubi ait: *Adamus non fuisse collatum Auxilium ad resistendum tentationi, quia non habuit recursum ad Deum pro illo obtinendo.*

Probaturn rursùm ex eodem tom. 9. tract. 2. cap. 8. de Can. novo, ubi etiam ait: *Odit Deus presumptores de viribus suis.* Quid enim valeat liberum arbitrium non aditum, in ipso Adam demonstratum est: ad malum sufficit

*sibi; ad bonum, non: nisi adiuvetur à Deo. Et oppositam opinionem vocat, Speluncam Pelagianorum ritèque admonet quòd si homo ille non fuit cautus: nunc caveat homo vel expertus. Jam hoc docuerat S. Præsul tom. 3. de Gen. ad litt. lib. xj. c. 4. ubi loquens de Adamo dicebat, in natura posse, & in potestate habebat velle, & non consentire suadenti, adiuvante tamen illo qui superbis resistit; humilibus dat Gratiâ. Præterea. Ex adversâ sententia sequitur primò: Quod boni Angeli non fuerunt magis adjuti à Deo, quàm mali; Secundò. Quod meliores à se ipsis effecti sint quàm à Deo. At utrumque est contra D. Augustinum tom. 5. l. b. 12. de civit. c. 9. ubi ait: Si Angeli, boni fuerunt prius, sine bona voluntate, eamque in se ipsis, Deo non operante fecerunt. Ergo meliores à se ipsis, quàm ab illo facti sunt. Absit... aut si utriusque boni aequaliter creati sunt: istis malâ voluntate cadentibus illi amplius adjuti, ad eam beatitudinis plenitudinem, unde se nunquam casuros certissimi fierent, pervenerunt...*

Confirmatur ex Enchir. S. Præsulis c. 28. tom. 3. ubi ait: *Ceteri (id est Angeli boni) piâ obedientiâ Domino cohaserunt: accipientes etiam, quod illi non haberunt, certam scientiam, quâ essent de sua sempiterna & nunquam casura stabilitate securi.* At pia hæc obedientia, insigne & magnum fuit donum Divinæ Gratiæ: cui Deus Opt. aliud addidit, scilicet certam suæ felicitatis securitatem, lege & c. 106. Nec potest hic admitti solutio Jansenii, asserentis Angelos bonos fuisse ipsâ beatitudine amplius adjutos; nam ut rectè ait Estius in 2. dist. 41. sc. 13. *Si hoc Adjutorium quo Beati Angeli dicuntur amplius adjuti, esset ipsa beatitudo: sensus redderetur ineptus, scilicet Angelis collatam esse beatitudinem, quâ ad beatitudinem pervenirent.*

Probatur Tertiò, ex D. Thoma 1. 2. q. 109. ar. 9. ad 1. donum (inquit) *Gratia habitualis non ad hoc datur nobis, ut per ipsum non indigeamus ulterius Divino Auxilio, quia etiam in statu Gloriæ, quando gratia erit omninò perfecta, homo Divino Auxilio indigebit.* Ergo potiori jure indigebat homo in statu innocentie, longè huic inferiore.

Confirmatur primò, ex S. August. tom. 8. Conc. 2. in Pf. 32. ubi loquens de Angelis, sub Cælorum figuris: in hæc verba: (verbò Domini Cæli firmati sunt...) ait: *non habuerunt aliquid ex se; & tanquam supplementum à Domino perceperunt. Spiritus enim oris ejus, non pars, sed omnis virtus eorum. Nec ipsi (scilicet boni Angeli) firmitatem sibi propriam præstiterunt: hanc enim à Deo acceperunt.*

Confirmatur secundò, ex ipsius Sancti Præsulis Augustini Interprete optimo: Estium intelligi: quem tùm Scripturæ, tùm Sanctorum Patrum ac Scholasticæ peritiâ semper judicabit Lector eruditus fuisse peritissimum. At ille in 2. Sent. dist. 5. parag. 2. ait, Alii Adjutorium Angelis ad perseverandum necessarium, intelligunt speciale ac supernaturale Dei Auxilium, à Prima Gratia diversum, quò ipsum perseverandi actum seu effectum in homine vel Angelo operatur (scilicet Deus) efficaciter faciens illum perseverare: ita ut per hoc donum, non tantum habeat Angelus vel homo posse perseverare, verum etiam ipsum perseverare. Atque hoc Auxilium negant datum fuisse omnibus Angelis: si enim omnibus datum fuisset, omnes utique perseverassent: sed datum dicunt solis Electis. Hæc sententia (inquit) nobis habetur probabilius, atque omninò vera: sive Scripturam, sive Patrum doctrinam sive rationem consulamus. Nam Scriptura, Patrum Authoritas, ipsa quoque ratio

restantur. Omne bonum in Deum Authorem esse refundendum : & pro<sup>o</sup> omni bono, in solo Deo gloriandum. Quod si ita est, ut certè dubitari non potest: igitur Angeli quicumque perseverarunt, non solum acceperunt à Deo posse perseverare; sed ipsum perseverare: ut non solum in hominibus lapsis, & per Gratiam reparatis veritatem obtineat illud Apostoli. Quis te discernerit? Et quid habes quod non accepisti? Verum etiam in electis Angelis. Hic quoque notandum id quod ipse ibidem ait in fine paragr. 1. *Huiusmodi autem donum fuisse Angelis ad conversionem necessarium, adeò certa doctrina est, ut August. lib. 12. de civit. c. 9. tanquam absurdissimum rejiciat: si quis dicat Angelum propria voluntate se fecisse meliorem, quàm à Deo factus sit.* Ac deinde concludit idem Author his verbis notandis.

Ea quæ de Adjutorio Primi Hominis & Angelorum obscurius & ut videtur extra Scripturæ Authoritatem ab Augustino disputata sunt, ad hoc, ut ex ea comparatione (nota) Gratia nostræ per Christum reparationis magis emineret: non debet præjudicare doctrinæ quæ apud alios Patres, ipsumque S. Thomam expressior habetur: maximè propter rationes in eam partem gravissimas, & ut mihi videtur in Scriptura fundatas, scilicet. Hoc minem in Primo statu accepisse donum per quod perseverare posset si vellet: ipsum autem velle relictam in ejus libero arbitrio; accipiendum sit de dono habituali gratiæ, quod in genere doni habitualis fuerit sufficiens ad perseverandum: non ita tamen, quin ad actualem perseverantiam opus habuerit actuali Auxilio Dei. Et post pauca addit. *Et sane nisi hanc à S. Thoma insinuatam intelligentiam verborum Augustini recipiamus: difficillimum erit, & ne quid possibile Augustinum sibi ipsi conciliare.... Et præsertim lib. 12. de civit. cap. 9. Lege D. Thomam 1. p. q. 95. ar. 1. ad 2. 3. & 4. Cumque lib. 2. disp. 26. quasdam objectiones sibi fecisset Eftius; eas ad 2. olvit dicens: imperfectam esse (quod notatum velim) comparationem Gratia cum lumine: nam Gratia non tantum est instar oblatis luminis: sed etiam ipsa oculos aperit...* Melius ergo exprimitur ab Angelico Doctore 1. p. q. 62. ar. 3. *Gratia Gratum faciens & sufficiens comparatione Seminis quàm exemplo luminis & reipsa; Gratia non tantum dicitur lumen sed & 1. Joa. 3. Semen nominatur.*

Et ut nihil dicendum superesset: Quibusdam assertentibus opus bonum summari acceptatione Gratia & consensu creaturæ quod ad solum liberum arbitrium videtur pertinere. Respondet ibidem ad 3. Eftius *Sicut Pater non est incarnatus: & tamen incarnationem filii sui operatus est: & sicut Deus non movetur nec ambulat, & tamen motum omnem in rebus producit. Sic & Gratia non acceptat Gratiam, sed tamen illam acceptationem, qua voluntas nostra Gratiam acceptat, operatur.*

Finem his imponit Concilium Arausicanum 2. can. 19. *Natura humana, inquit, etiamsi in illa integritate in qua est condita, permaneret: nullo modo seipsum Creatore suo non adjuvante servaret: unde cum sine Gratia Dei salutem non possit custodire quam accepit: quomodo sine Dei gratia poterit reparare quod perdidit?* Legendus Doct. Angelicus lect. 1. in cap. 4. de divin. No. Ut igitur rationi dubitandi in principio propositæ faciamus satis; sciendum est aliquando S. Præfulem extulisse & meritò, sælicem illum innocentis statum, supra niseram naturæ corruptæ conditionem: sicut & gratiam Reparatoris, & illam præsertim, quam Deus opt. quibusdam illustrioribus con-



tulit Martyribus, quamque non rari fecit commendatam, præ illa ipsi Adamo collata.

Loquens ergo divinus Antistes de felicitàte prioris hujus statûs, & facilitate quam habebat Adamus; dixit bonum à primo homine fuisse factum voluntariè; id est, sine repugnantia & difficultate: malum itidem commissum esse solò voluntatis arbitrio, id est, absque ulla infirmitate seu agone concupiscentiæ; quia, ut ipse loquitur de Cor. & Gra. Adamus suâ secum pace fruebatur, nulla rixa à se ipso adversus seipsum tentatus atque turbatus, cuius voluntati nihil ex seipsa concupiscentialiter resisteret. Ita etiam formaliter D. Thomas 1. 2. q. 109 a. 10. ad 3. Et rursum 2. 2. q. 137. a. 4. ad 2. ubi ait: *Dicit Augustinus lib. de Cor. & Gra. quod primo homini datum est, non ut perseveraret, sed ut perseverare posset per liberum arbitrium* (nota quia nulla corruptio tunc erat, quæ perseverandi difficultatem præberet. Scilicet ut ipse ait de Cor. & Gra. cap. 11. *Acceperat homo posse si vellet, sed non habuit velle quod posset*; Deus enim operatur velle. Ut ergo ostenderet sanctus Præsul non esse opus valentibus Medico, seu Gratiam sanitatis non fuisse in hoc primo statu necessariam, quâ Gratiâ indigemus in secundo, hac loquendi formâ usus est tanquam totum opus tribueret creatæ voluntati; ex eo quod nullâ difficultate laboraret, nulloque detineretur impedimento; & sicut per id quod supra retulimus de eo, de quo dicebat sanctus Præsul, to. 7. lib. de Cor. & Gra. cap. 7. *credidisses si voluisses*; (Ex eo quod prædicationem Evangelii audivisset) non negabat fidem esse donum Dei, & quidem speciale: ita cum dixit *quod Adamus perseverasset si voluisset*, per hoc non exclusit speciale donum perseverantiæ, à Gratia sanctificante realiter distinctum.

Quod dicimus de dono perseverantiæ (pro quo tamen specialis est ratio) dicendum est quoque de alio quocumque bono faciendo: nam qui hac in parte, Sanctum Augustinum separare conati sunt ab Angelico Doctore, hoc præcipuè moti sunt; ex eo quod primus homo (ut loquitur sanctus Præsul) hoc vel illud fecisset, *si voluisset*, quasi *velle* fuerit in ejus potestate sine ullo novo actuali auxilio Gratiæ ipsum movente, ejusque voluntatem effectivè disponente. Atqui hoc manifestè sancto Præfuli contrarium est, ut eo statim demonstratum ex ejus Enchyridio, quodque hic ostendo ex lib. 1. Retract. cap. 10. to. 1. ubi etiam ait: *Verum est omnes hoc posse (scilicet mandata servare) si velint, sed preparatur voluntas à Domino*. Ergo per ly *si velint*, dictum etiam de Adamo, non excluditur Dei preparatio & auxilium actuale, sine quo melius esset id quod fuisset ab Adamo, quàm quod ab ipso Deo; virandaque est hæres Pelagiana, ut dictum est, etiam in statu innocentie, in quo non nisi per nefas, debet Deo denegari id quod melius est, ut illud creaturæ tribuatur: quod tamen manifestè sequeretur, si hac in parte à doctrina D. Thomæ recederetur, aut S. Augustinus vel lato ungue ab eo separaretur. Nec ullum debent movere in oppositum propositiones conditionales, v. g. *si velis*; cum aliquando admittantur in rebus etiam impossibilibus, ut ait Doctor Angelicus, de Malo, q. 16. a. 5. ad 7. *Diabolus potest converteri ad bonum si vult: Antecedens*, inquit, *est impossibile*. Ergo potiori jure, cum dicitur v. g. quod Adamus potuisset bonum agere, vel etiam perseverare, *si voluisset*; per hoc non denegatur quin ipsi fuerit necessarium Dei Auxilium actuale ad bonè agendum, vel ad perseverandum; pro quo necesse

cesse est, ut voluntas firmetur in bono, quod à solo Deo fieri potest.

Idem extollens aliunde sanctus Præsul supra gratiam innocentiz, gratiam meritis Christi, quibusdam præsertim Martyribus speciali munere Dei collatam; dixit datum fuisse ipsis, non tantum ut possent si vellent, sed etiam ut invictissimè vellent quod possent, ac certissimè perseverarent. Quare sicut ex aliquo speciali auxilio Gratiæ quibusdam specialiter collatæ Martyribus, non licet inferre omnem Gratiam in aliis hominibus iustis semper esse efficacem in hoc statu: ita ex priori modo loquendi pro statu innocentiz, nefas est quidquam admittere adversus necessitatem actualis auxilii Gratiæ, cum hoc, ut supra dictum est, tale auxilium appareat firmatum Auctoritate tantorum Doctorum, Conciliis evidentissimis, Scripturæ testimoniis, & fumâ ratione, quibus nemo jure merito potest resistere.

## SECTIONICA.

*Exponitur modus consiliandi D. Thomam cum Sancto Augustino, quantum ad modum loquendi, ex diversis, quibus usi sunt, principiis.*

**H**ic tanquam certissimum suppono, Sanctum Augustinum & Doctorem Angelicum nunquam fuisse hac in parte sibi contrarios; sed diversos tantum, in iis dumtaxat in quibus diversis usi sunt doctrinæ principiis. Ubi verò iisdem, perfectè sive unanimes fuisse, & quasi uno ore loquutos.

Quod ut melius intelligatur, præmittendum est illud Divi Ambrosii effatum, lib. 2. de Pœnit. c. 2. *Quod contrarium est, seipsum impugnat, quod diversum est, distinctam solet habere rationem.*

Illinc asserit Doctor Angelicus de Pot. q. 1. a. 4. in o. non tam contraria, quàm diversa, etiam de eodem, judicia Medici, Astrologi, Philosophi ac Theologi, propter consimilem Principiorum, quibus innituntur diversitatem: sic Medicus judicabit juxta causas inferiores, infirmum aliquem moriturum: secus fore peritus asseret Astronomus secundum dispositionem siderum. Et idem dicendum cum proportionem de Philosopho & Theologo: v. g. circa Resurrectionem Mortuorum; etenim quam sola ratio humana existimabit impossibilem, hanc suadebit fides possibilem ac futuram. Sic in præsentiarum dicimus D. Augustinum aliquando diversis usum fuisse principiis pro rerum opportunitate; & nonnunquam v. g. loquutum esse in genere Moris ac Theologicè ex principiis in Scriptura revelatis; aliquando verò philosophicè ex solis rationibus Philosophiæ naturalis, quibus frequentius usus est Doct. Angelicus Aristotelem sequutus, per quem non stetit, quominus ipsemet Aristoteles fieret Christianus.

Quod ita egerit sanctus Præsul, res est de facto, pro quo solis opus est oculis: quòd verò sic agere debuerit, ex eodem patebit. Etenim agens contra Manichæos, quibus erat quasi scopus, duo summa stabilire boni & mali principia, seu ut loquitur, *duas coevas boni & mali permixtas substantias*, asserendo factas esse à diabolo res corporeas; nemo non judicabit satius sanctum Doctorem debuisse uti rationibus Philosophiæ naturalis, quibus demonstrativè unitas Primi Principii probatur, quàm diutius cum illis insistere testimo-

Pp

niis Scripturæ. Sed cur ita? Quia, ut ait S. Augustinus, to. 7. lib. de bono perseverantiæ, cap. 11. *Manichæos libros veteris Testamenti non recipiebant; & novi non alios quam quos volebant.* De quibus Hæreticis hæc ibid. ait sanctus Antistes: *Suò quodam privilegio, immo sacrilegiò (utentes) quod volunt, sumunt; quod nolunt, rejiciunt.* Et unò verbò dicam cum eodem: *quia apud tam perversos, testimoniorum Divinorum nihil adjuvabat Authoritas.*

Agenti viciò sancto Præfuli contra Pelagianos (quorum naturalem revincere superbiam, ipsisque peccatum originale, quod illi negabant, persuadere conabatur Augustinus) non ita utilis eidem visa est Philosophia naturalis, cujus scientia insit, & quâ nunquam potuisset originâle peccatum illis ostendere: quod ipsi ignorantes Philosophi, tot ex illis obstupuerunt, præ cordis humani pravitæ, cujus causam ignorabant, quâ homo homini sit lupus.

At adversus eodém utilissimè utebatur sanctus Præful testimoniiis Scripturæ (quam admittebant) quâ unâ melius innotescit figmentum creaturæ, ejusque dependentia, quæ est fundamentum ac basis Christianæ humilitatis: & ritè ostenditur peccatum originale, quod solâ fide & Scripturæ Authoritatibus potuit innotescere.

Ut igitur ad nostrum propositum redeamus, dicimus omnia testimonia (ut patebit legenti) quæ possunt afferri in speciem opposita principiis doctrinæ Divi Thomæ, non esse in re eidem contraria; sed diversa tantùm seu disparata: nam his in locis D. Augustinus Theologicè loquebatur, & in genere Moris, atque ex principiis revelatis contra Pelagianos agit (quorum hæresis cum omnem excederet blasphemiam, ut testatur S. Hieronymus) eam etiam studuit detestabilem reddere, ut ait D. Thom. de Malo, q. 5. a. 2. ad 3. ex quo obiter velim accipias, quomodo intelligendus sit D. Augustinus in re difficillima circa statum parvulorum: quos Doctor Angelicus eximit à pœna sensûs.

Quidquid igitur ex S. Augustino affertur in speciem oppositum doctrinæ D. Thomæ hac in parte; per hoc nihil aliud intendit, quàm Pelagianos revincere, illosque ex Scripturis edocere prærogativas & excellentiam status innocentiae, & miseram sub qua usque nunc omnis creatura ingemiscit, conditionem; in quam per peccatum primi Parentis prolapsi sumus, cum necessitate remedii, quod assiduè precibus à Deo petere debemus; seu ut rem paucioribus complectar: Dico sanctum Præfulem voluisse discrimen ostendere, quod est inter naturam sanam & eandem ut peccato sauciatam. Cum ergo dicit v. g. quòd Adamus in accepta justitia mansisset si voluisset: verus sensus est, quod posset ille sine difficultate bonum operari, seque ipsum conservare sine ulla concupiscentiæ pressura; & id conformiter ad suam naturam non resistentem, non repugnantem, non fastidientem: Hominem verò lapsum, pondere quodam ad aliud peccatum propendere, tum ex concupiscentia, tum ex tentationum frequentia, importunitate & potentia, quibus homo impeditur ne in bonum se se facillè possit exigere: quod bonum post peccatum jam non operatur, nisi Deo sanante, dirigente, confortante & agente; tum ut vincantur passionum impetus, tum ut eludantur dæmonum insidiæ.

Hactenus de primo loquendi modo: quando verò sanctus Præful utitur aliò, id est, quando loquitur in principiis Philosophiæ naturalis; nullum unquam protulit verbum sanè (ut par est) intellectum, quo illud Adjuvatorium ad singulos actus necessarium, in Scriptura satis expressum, in Conciliis definitum, & à Patribus

propugnatum reprobaverit; quin immò semper probaverit, defenderit, tanquam prorsus necessarium, ut legenti patebit. Unde to. 3. de Genes. ad litt. lib. 5. c. 20. ait: *Sic ergo credamus, & si possumus, etiam intelligamus usque nunc operari Deum, ut si conditis ab eo rebus, operatio ejus subtrahatur, intereat.* Et ibidem lib. 8. c. 12. ait: *Neque enim, ut dicebamus, sicut operatur homo terram, ut culta atque fecunda sit, qui cum fuerit operatus, abscedit, relinquens eam vel aratam, vel satam, vel rigatam; vel si quid aliud manente opere quod factum est, cum Operator abscesserit; ita Deus operatur hominem justum, id est, justificando eum, ut si abscesserit, maneat in absente quod fecit: sed potius sicut aër presente lumine, non factus est lucidus, sed fit; quia si factus esset, non fieret, sed etiam absente lumine lucidus maneret.* Sic homo, Deo sibi presente, illuminatur; absente, continuò tenebatur; à quo, non locorum intervallis, sed voluntatis aversione disceditur. Et hoc ipsum ab Angelico Doctore expressum est per ly *dependere à Deo in fieri & in facto esse*: In quo fundatur dependentia essentialis, quâ demonstrativè probatur Prædeterminationis. Sed ne quis dubitare possit de mente sanctissimi Præfatis, sequens adjiciam ipsius testimonium in Enchirid. ad Laurentium, cap. 106. to. 3. ubi loquens de Adamo, ait: *Non tamen justitia retinenda, sufficiebat liberum arbitrium, nisi participatione immutabilis boni, Divinum adiutorium praberetur: sicut enim mori, est in hominis potestate cum velit; nemo est enim qui cum seipsum, ut nihil aliud dicam, vel non vespando, possit occidere: ad vitam verò tenendam, voluntas non satis est, si adiutoria desint.* Sic homo in Paradiso, ad se occidendum relinquendo iustitiam, idoneus erat per voluntatem; ut autem ab eo teneretur via iustitiae, parum erat velles, nisi ille qui eum fecerat, adjuvaret. Sed post ruinam maior est misericordia Dei. Quomodo autem Deus adjuvet ex mente D. Augustini, præbendo vires (quod non fit, ut hactenus ostendimus, nisi Prævio Dei Auxilio, pro quo militamus) satis diximus. Legendus quoque sanctus Præsul de Cor. & Gra. cap. 11. sub finem. Ex quibus, aliisque citatis locis, constat aperte Sanctum Augustinum & Doctorem Angelicum esse quoque hac in parte omnino unanimes, positâ distinctione prædictâ, quâ prætermisâ non mirum, si difficilis admodum visa sit Jansenio utriusque concordia, cui, ut arbitror, non fuisset minus accepta, quàm Gratia sufficiens in sensu Divi Thomæ intellecta.

Eidem doctrinæ favet Beatissimus Papa Gelasius, to. 3. Conc. ex edit. Binii, pag. 654. *Hinc illa felicitas Paradisi primis hominibus constare non potuit: hinc illa prima conditionis integritas, dum ita de se fidit tanquam ipso qui condiderat, non egeret: nec de perceptis agit gratias, quod nusquam fecisse memoratur, nec de conservandis quæ sumpserat, poscit auxilium... suæque se credit inter prospera voluntati, facile sine præsidio Creatoris, patuit deceptionis insidiis... dum & incolumis, absque eadem (scilicet gratia) stare requievit.* Et post multa, ait: *Ad magnam utilitatem fidelium, materia est servata certaminum, ut non superbiat Sanctitas dum pulsatur infirmitas, quod scilicet suâ saltem fragilitate commonita post ruinam, non in se fidat nostra conditio: sed ad illius incessabiliter recurrat misericordiam reformanda, cujus gratiam non querendo, nec in Paradisi potuit intemeratâ felicitate constare.*

Huic ergo doctrinæ his in libris propugnatae finem imponant aliqui, quorum testimonia suspecta esse non possint : & relicto Bellarmino , lib. 4. de Gra. cap. 16. asserente hanc doctrinam ( haftenus à nobis propugnata ) esse probabiliorē , & omnino ad mentem Divi Thomæ , magisque consentaneam tum Scripturæ , tum rationi & ordini quem habet Causa Prima cum secundis ; hoc plenissime nobis sufficit.

Prætermisso etiam Pererio dicente , hanc eandem doctrinam non esse probabilem tantum ( quod certè deberet Probabilitatis Defensoribus sufficere ) sed omnino certam , veram & indubitatam , de qua fas non est Philosopho Christiano dubitare.

Relictis, inquam, omnibus aliis supra laudatis Inclytæ ejusdem Societatis Jesu, in ea tùm pietate, tùm doctrina floruerē, epilogum conficiet Claudius Typhanius ejusdem professionis, in nullo inferior cæteris.

At ille lib. de Priori, pag. 362. prædictam Divi Thomæ doctrinam de physica Prædeterminatione ; ait, aptam esse ad ingenerandam & alendam nostram erga Deum reverentiam & gratitudinem, eâque potentiam Dei, & ejusdem erga nos beneficentiam commendari.

Oppositâ verò doctrinâ, quâ conantur Adversarii Prædeterminationem rejicere, asserit idem Typhanius : orandi studium imminui, & debitum Deo honorem, omnemque erga ipsum gratitudinis sensum faciliè extinguī. Quis igitur doctrinam Thomisticam non amplectatur ? Per quam ( ut verbis utar S. Leonis Papæ, serm. 15. de Passione, nec superbia nobis, nec desidia locus relinquitur ; quia nihil habemus, nisi quod accepimus, & jugiter admoneamur, ut dona Gratiæ Dei, non negligenter habeamus : jussu enim nobis instat præcepto, qui præcurrit auxilio.

*Finis Libri secundi, ejusque Appendixis.*





## APOLOGIA COMPENDIARIA.

PRO VERA DIVI THOMÆ DOCTRINA,  
præsertim adversus recentiores Eupistini ludificationes, tum  
ex prætensa Suorum reductione: tum ex *Extracto* libri Iosephi  
à Vita depromptas, tantoperè sine causa commendato,  
speciali libro Duaci recens edito.

### LIBER TERTIVS.

#### P RÆ F A T I O.

*Novus Eupistini processus explicatur: & admonitione necessaria Lector  
prævenitur circa mentem Eupistini.*

Nu. 1.



MICE Lector, nescio quâ sorte, jam ferè apud omnes in consuetudinem abierit; parvi admodum fieri, faciliusque condonari, illatas ab iis, qui lite ceciderint, injurias: nisi fortè quoddam sit ille, qui hujusmodi est, duplici contritione conterendus; in ipsum asperius injurias regerendo (quæ non rarò, suâ sponte solent in suos Autores resiliire) quas fortasse non tam voluntariè protulerit, quàm illas extorserit vis doloris: qui eò majore quempiam mœnore consuevit afficere, quo minor in suscepta causa esset timor amittendæ victoriæ.

Quid nobis & Eupistino simile hic contigisse diffiteri non possumus, quem vehementer fefellit harum præconcepra ab ipso fiducia palmarum, quas supra Thomistas, in suo priori libro, sibi pollicitus erat pro coronide antiquarum de Scientia Media dissertationum. Sed quod vehementius eum urgere debet, hoc præcipuum videtur, quodd nulla alia spes affulgeat, quàm ullus scilicioris fortunæ aspectus in suo altero libro, ei unquam gratuletur: cum in eo, ad has actus sit angustias, ut opem illius impleret, quem sibi, saltem ex parte, immò & in totius negotii cardine, contrarium esse ipse fateatur, scilicet Iosephum à Vita.

Mirati sumus in priori libro Eupistini, satis exiguo, tot concinnatas esse falsitates, ob quas ne erubesceret in persona, larvam assumpsit homine vacuam; sub quâ exploraret, utrum aperto Marte sibi pugnare liceret, aut fortè vires rei acquirere valeret eundo, cui nullas conferre posset, veritatis subsidio. Non enim repulsam passus est Eupistinus ob insperatum & infausum prioris

Pp iij

suæ lucubrationis exitum: sed alterum edidit librum, qui licet multis partibus priorem superet; vix tamen ipsum æquaret semotis injuriis, scommatibus, dicteteriis, fastu, minis aut cavillis, quibus turget novum illud opusculum: quod ut magis, faciliusque intumesceret, ex alio Authore inseruit *extractum* seu tractatum, ducentis & octo paginis constantem.

Er cum tantam, adedque uberem injuriarum segetem complecti nequeverit satis longa ad Lectorem præfatione Eupistinus: pro sua germana in adversarios benevolentia, longè acerbiorum in me iterùm nominatim instituit *monitionem ad Lectorem*, ut suum calamum (ut loquitur Cardenas) in me acueret: quod ille effecit per modum perorationis; in qua metuens ne priores injuriæ mihi cum aliis communes, citiùs è Lectorum memoria exciderent, sic revocavit, ut ejus peroratio, mera repetitio dici non possit; quem ut vitaret defectum: arte rhetorum, novis sed majoribus auxit priora dicteteriis, quæ cavillis & arte exornavit, ut sua in me acumina altius figerentur. Exempli gratiâ: inter S:ctatores doctrinæ Divi Thomæ recensueram aliàs R. Patres nomine Minimorum, quodd in suis Generalibus Comitibus Barcinone 1661 celebratis, unanimi Patrum consensu decrevissent adhærere ipsoptetum doctrinæ D. Thomæ; quod certè (omnium judicio) ubique cum laude perficiunt & exequuntur.

2. Hoc ut infirmaret Eupistinus, meque falsitatis argueret pagina 22 sui libri ait P. Magnan Ordinis Minimorum Prædeterminationem rejicere à sua Philosophia Lugduni anno 1672 edita. Sicque lepidis suum auget librum cavillis, quibus de me triumphare se existimat his verbis, *ex hoc*, inquit, *suam in citandis Authoribus temeritatem agnoscant & corrigant.*

Ita ne mi Eupistine arbitraris aut Lectoribus illudere, aut argumentis te facturum satis eorum, quos impugnare præsumpseris? Unus ex integro Ordine quidpiam non fecit. Quid inde? An à particulari ad universale valet consequentia? Audiet igitur apud te tanquam temerarius, quicumque Propheta non fuerit? An tua (ut tuis utar verbis) aliquam habet dioptram Astrologia, quâ metiri possis, vel potiùs certè ominari ac prævidere futura contingentia, ex libero hominis arbitrio dependentia? Quænam hæc est insolita temeritatis species (quam in me arguis, & corrigendam præcipis?) Quia nimirum præfagâ mente nequivi prospicere id, quod non nisi quinquennium post contigit, etenim anno 1661 scripsi: ille verò 1672 tantum. An non eris æquior adversum me in cæteris? Vrgeo magis.

Si vel in uno, ex iis, quos adversum nos, in tuo priori libro veritatem reperissem; jam credere possem, id quod ais de præfato Patre Magnan: sed ut in jure præscriptum est; in judicio amisit omnem fidem, qui vel semel authenticè falsum dixisse deprehensus est: Quod si ille qualitatem æneam, aut vim aliquam adamantinam (qualem obrudere satagis pro Prædeterminatione physica, quam his coloribus depingis ceu novercam libertatis) impugnaverit: rectè quidem: quia hæc est Monstrum à solis Antirhomistis confectum; alienissimum à D. Thoma, omniumque Thomistarum doctrina: si verò sit eo quo par est modo exposita Prætorio: non dubito, quin toto affectu eam amplectatur ac tueatur, sicut & cæteri ejusdem familiæ Alumnii.

Hoc præmittendum judicavi necessarium Amice Lector, ut inde agnoscas quâ mente, Eupistini exclamationes excipere debeas in sequentibus; dum te

hortabitur, *ut secum mirari digneris, quâ fronte ausus sis ea scribere quæ vera esse demonstrabo, & quidem evidentius ipsa luce meridiana: etiam ex iis Authoribus (quod certe mirum est) quos pro se adducit Eupistinus.*

Relictis ergo scommatibus, homine Christiano indignis, quibus eos afficit Eupistinus, quos arbitrat sibi adversarios, quibus vehementer irascitur, etiam dum ait pag. 12. *Se dare locum ira.* Ad rem accedamus. Ut possent quidam Neoterici à Scholis eliminare Præmotionem quam Thomistæ ostendebant necessariam esse, potissimum ex essentiali causarum secundarum dependentia & subordinatione cum Prima: hunc nodum dissecare potius, quam dissolvere semper moliri sunt Adversarii Divi Thomæ: qua in re, ut fucum saltem facerent, quamdam Scientiam (quam vocant Mediam) excogitarunt, per quam Deus explorare tenetur, quid pro sua indole actura esset creatura, antequam ipse ad quiddam certum & determinatum eam moveret.

Et quia contra hanc Scientiam insuperabiles insurgunt difficultates ob quas nonnulli ex celeberrimis Societatis Jesu Scriptoribus exerto ore asserunt eam esse falsam, ut infra dicemus, jamque alibi ostendimus contra Fuliensem: & aliunde urgentibus Thomistis Deum Opt. habere rationem Primi Agentis, ac subinde Primi Determinantis, etiam secundum lumen ipsius rationis & principia doctrinæ Aristotelis, & D. Thomæ.

Novum quiddam excogitaverunt, quo rationem Primi Determinantis Deo ipsi denegarent: asserentes esse aliquid naturaliter determinatum, quod suam à Deo determinationem minimè haberet, seu cujus determinationis Deus ipse non esset causa. Et tales esse dixerunt Propositiones de futuro contingenti, quas inquirunt esse determinatè veras & determinatè falsas ante omne decretum ablutum Divinæ voluntatis, quæ est Prima Causa rerum, Primum Agens ac proinde primum determinans.

3. Et quia hoc subterfugium, falsum esse alibi ostendimus: hic in eo confutando diutius non immorabimur: sed sufficiet ut inde miremur Adversariorum hao in parte, infirmitatem, qui cum nihil possint inferre ex ratione, ad solam confugiunt Autoritatem, quæ magis noceat ipsis, quàm faveat aut prosit. Opus probeamus. Hic nobis Josephum à Vita obtrudit Eupistinus tanquam acerrimum Prædeterminationis Adversarium. Cuius fortem calumniam (ut loquitur ipse Eupistinus) opponit Torrenti Thomistarum.

Sed hic Author etiam in ipso opere laudato ab Eupistino, duo Adversariorum præcipua convellit fundamenta. Primum quidem, scilicet Scientiam Mediam, passim toto suo libro, sed nominatim pag. 548. nu. 2087. ubi post plura sic concludit, *Manifestata veritate nostra resolutionis, quantum ad causas liberas: & exclusa, immò funditus eversa, quam machinatus est Suarez simul cum Scientia Media, quæ veritati prædictæ resolutionis potuisset apud minus versatos adversari: redimus ad manifestandam coherentiam mirabilem doctrina S. Thomæ, &c. Et dicta nostra coherere cum infallibili ordine Divina Providentia.*

Alterum verò de natura contingentium, (quo subtilius apud incautos magis abutebantur Adversarii) sic etiam ex D. Thomæ profligat Joseph. pag. 123. n. 506. ubi expresse docet (scilicet S. Thomæ) cum Philosophorum omnium Principe sequi absurda, si propositionum singularium oppositarum de futuro contingenti ponatur altera determinatè vera, & altera determinatè falsa: quod contra ipsos ob-



*gicantes est in primo & unico fundamento, ex quo totum eorum edificium; in concilianda nostra libertate, cum Divina Providentia confurgit, &c.*

4. Jam expertus eras mi Eupistine, quàm vani essent Triumphi illi, quos pro Scientia Media, tot conatibus erigere tentaveras: cum præter duplicem à Nostris, tui prioris libri factam confutationem; etiam præcipuus ipse ex tuis commilitonibus Thyphanius (quem dicis nostrum hac in parte acerrimum esse Adversarium) adferat (ut ipse fateris pag. 171. *Scientiam Mediam esse falsam.*

Et cum idipsum, jam à sex & ampliùs annis id scripsissem, nonne ex hoc uno, saltem conicere poteras, *me non adeò infelicem Astrologum* (ut ais) *aut me non semper uti dioptra adeò fallaci* (ut improperas) quin contingat, me aliquando ritè ominari?

Falsam ergo, in antecessum, esse faveberis cum Thyphanio Scientiam Mediam: & si juxta Suarium peccet mortaliter Sententiarum Magister, qui docet opinionem minus probabilem, *quia* (inquit Suarez) *non satisfacit officio ad quod à Republica electus est.* Quid de illo dixisset, qui de industria doceret conatus opinionem falsam, qualis est Scientia Media, non solum juxta doctrinam Thomistarum, sed etiam judiciò ipsius quem nobis profidelissimo ac integerrimo teste obtudis? Et tamen obfirmato animo illam doces mi Eupistine. reque eam tueri velle usque ad mortem facile judicabit, quicumque conatus tuos, animi dispositionem vel tuum loquendi modum audierit; quò jam non adversus Dominicanum, sed contra virum Religiosissimum, magnum (ut accepi) Decus Carmelitarum (qui solo veritatis amore libros edidit, quibus hunc præfixit titulum: (Triumphus Thomistarum) ob quos sic tuus exasperatur calamus, pag. 20. tuæ fatis proluxæ præfationis: *Hæc una res me mover* (inquit Eupistinus) *si libet obstrepere apud vulgum: si triumphum Thomistarum affigere valuis: si publicare gazulas Heretici hominis ministeriò, non moror: sint porro Philætida: ego sum Philælethes.* At, facile erit hunc Philæletem revocare ad religiosam mansuetudinem: nam si mihi hic liceat quædam Ovidii verba usurpare, & placeat Superis, *referam toti notissima Cypro facta, quibus selecti facile & miscere possit.* Ad quod præstandum nihil opus est, ut rem tot demonstrativis stabilitem argumentis adversum Petrum à S. Joseph, ad incudem revocemus: legat qui voluerit Appendicem quam hic supra inseruimus, in qua Præmotionem, compendiariò quidem, sed tamen tam efficaciter probavimus, ut Sapientissimorum Censuram judicio, censeatur cæcurire in Meridie, quicumque de ipsa vel anceps fuerit. Qui verò cum illa aut sub Gratia efficacia consentiat libertas creata: scito illam in tuto positam ex infinita Dei Potentia, quæ cum sit Causa Universalis totius entis, non potest attingere substantiam actus liberi, quin & attingat modum illius: unde semper remanet activa voluntatis indifferentia ad actum oppositum contradictoriè sumptum, etiam dum ipsa est suo actui applicata: sicque non solum habetur certitudo infallibilitatis, sed & infallibilitas ipsius libertatis.

Quare ne actum agere rursùm videamur: quinque tantùm capitibus, quinque recentiores Eupistini ludificationes aperientur: & ejus *Authoritas* jam à duobus semel & iterùm exauthorata: ac tertio à me superius lib. præcedenti alia methodo, confutata, ab orbe omnino exulare cogetur. Quare sit.

CAPUT

CAPVT PRIMVM.

*Ex peccato Primi Angeli, è superba libers arbitrii creati sufficientia proveniente, conatus est Eupistinus illudere Lectoribus ubi & vera aperitur sue impagnationis causa.*

Nu. 1. **N**omen proprium semel & iterum dissimulavit Eupistinus, ut cum rebus faciens, nosque conviciis afficiens, minùs erubesceret, ac omnium invidiam & odium declinare posset. Qui si jurasset se velle perpetuè agnitæ veritati contradicere, nescio utrum evidentiis aut efficaciis, id præstare potuisset, quàm in hoc suo recentiori libro 1673. Duaci edito. Librum Petri à S. Joseph Fulienfis: cui præfixus erat hic titulus: *Defensio S. Thomæ, &c.* Quæ à Censoribus judicata est vera *Sancti Doctoris impugnatio* confutaveram: in ea sæpiùs, truncata aut falsificata, seu alium in sentium de-torta D. Thomæ testimonia ab eodem laudata, palam traduxeram: omnibus argumentis ipsius in contrarium adductis, feceram satis: idque non tam ego, quàm ipseret Doctor Angelicus, sui Interpret ac Defensor optimus.

Quid egit secundò Eupistinus? librum hunc confutatum curavit rursùm Duaci typis novis mandari, tanquam opus integerrimum, suisque dignum encomiis, quibus illud exornavit: & quamvis illo in libro, ne unum quidem verbum esset, quod in scatera appensum, minus habens non fuisset ab æquissimi iudicibus, nulli partium additis judicatum: tot convincentium argumentorum ex Scriptura, Conciliis & Patribus depromptorum, & nominatum ex apertis D. Thomæ testimoniis mōmenta cautè dissimulavit, ut illorum loco, quinque subsequentes cavillos sufficeret, & Lectoribus saltem illuderet fūco verborum; quibus varias adhibuit injurias: quasi verò larva ab ipso assumpta illum faceret excusatum apud illum, qui scrutatur renes & corda, & quem conscientie secreta non fallunt.

Ur igitur à primo incipiamus: sciendum est à me tunc investigatam fuisse originem antiquæ hujus controversiæ, de physica Prædeterminatione, quam ostendimus genisim duxisse à primò superbiæ & singularitatis peccato primi Angeli, ut etiam fateatur cum Angelico Doctore D. Bernardus tract. de grat. qui clarè ferm. 17. in Cant. circa medium ait; *Potuit autem contingere (si tamen incredibile non putetur) plenum sapientiâ & perfectum decore, homines præscire potuisse futuros etiam & profuturos in parem gloriam... & in livore suo invidit & molitus est habere subiectos, socios dedignatus. Infirmiore sunt, (inquit) inferioresque naturâ; non decet esse concives nec aequales in Gloria.*

Hujus melliflui Doctoris sententiam confirmavi pluribus Authoritatis Doctoris Angelici, ex diversis ejus operibus selectis, eodem semper spiritu prolatis: ex quibus & aliis quatuor basibus seu fundamentis doctrinæ ejusdem Divi Thomæ supra revocatis: evidentiissimè inferitur Prædeterminatio physica: simulque ostenditur quale fuerit primi Angeli peccatum, omninò ad propositum controversiæ inter nos agitatæ, quibus omnibus nihil respondit Eupistinus nisi cavillos hunc in modum,

„Etras (inquit pag. 178. loquens de diabolo) Divini honoris ambitiose: datur Prædeterminatio physica omni creaturæ ad agendum necessaria: alioquin enim ageret à se, & non ab alio determinata sicut Deus, &c. Cumque hanc Divi Thomæ doctrinam dixissem ferè communem esse hac in parte, addidit Euphristinus, & *permissivè Catholicam, hoc est, inquit, in omnibus Ecclesie Catholica Scholis à Pontificibus doceri permissam.* Quod interim notatum velim, ut innoscescat teste Adversario, quàm sit injusta eorum calumnia, qui dicunt nostram hac in parte doctrinam, non nisi nomine, à comementis hæreticorum differre.

Pro his confutandis Euphristini cavillis, sciendum est primò liberi arbitrii creati sufficientiam, esse rationem potissimam, ob quam Adversarii asserunt non esse necessarium, ut Deus præveniat actu creaturam ad agendum, ipsi quidpiam communicando pro actuali exercitio. Secundò certum est peccatum primi Angeli fuisse in appetitu similitudinis Divinæ juxta illud Iſa. 14. *Similis ero Altissimo*, & cum hæc similitudo intelligi non possit de similitudine secundum equalitatem naturæ, ut probat D. Thom. de Malo. q. 16. ar. 3. *Quia Deus est per essentiam, ipsum esse subsistens: nec est possibile, inquit, esse duo hujusmodi.* Et quia est contra cuiusque rei naturale desiderium conservandi suum esse, quæ ad summum appetere potest esse in gradu altiori, quantum ad aliqua accidentia, quæ possint crescere, absque substantiæ corruptione: teste eodem Angelico Doctore. 1. p. q. 64. ar. 3. Superest ut hæc Dei Similitudo (quam sibi comparandam proposuerat Angelus) in aliquo fuerit; in quo itidem assimilari Deo, nec potuit nec debuit, nimirum in modo agendi, quo beatitudinem supernaturalem, non ex Gratia Dei, sed ex propriis viribus consequi conatus est, efficaciter eligens, vel in sua solum felicitàte naturali quiescere potius (ex qua voluntate, virtualiter & interpretativè veram sprexit beatitudinem) quàm habere beatitudinem supernaturalem, modo hominibus communi, quos testimonio D. Bernardi serm. 17. in Cant. *Molitus est Angelus: habere subiectos; socios dedignatus.*

Sicut igitur homo peccans ex appetitu rerum sensibilibus, simul virtualiter recusat bona spiritalia, licet illa habere vellet, si sine labore, aut rerum sensibilibus privatione, id fieri posset: ita & Angelus, appetens hanc singularitatem, sprexit beatitudinem supernaturalem, modo omnibus communi obtinendam, scilicet per gratiam actualem, & quasi precariò, quod maximè refugit superbia.

At quia sine hac Gratia actuali quæ in ordine supernaturali correspondet Præmotioni physice in ordine naturæ, diximus prætatam ac prætentam foveri sufficientiam creaturæ, eamque habere rationem primi principii juxta doctrinam D. Thomæ; cavillis, scommatibus & convitiis Euphristini fuimus expositi, quibus sine dubio ipse erubesceret, nisi larvam assumpsisset aut dissimulasset ex Angelico Doctore & aliis Patribus esse, quæ statim subjiciemus. Primò enim D. Thomas in 2. Sent. dist. 37. q. 2. ar. 2. ait: *Hoc est de ratione primi principii, ut agere possit sine alio auxilio prioris agentis, & influentia ejus: unde si voluntas humana actionem aliquam potest producere, cujus auctor Deus non esset, voluntas humana rationem primi principii haberet. Et quamvis hoc solvere nitantur dicentes, quod voluntas etsi per se possit actionem producere sine influentia prioris agentis, non tamen esse à se, sed ab alio:*

quod etiam exigeretur ad rationem primi Principii. Sed hoc (inquit S. Doctor videtur inconveniens, ut qui à se, non habet esse; à se agere possit: cum etiam per se durare non possit, quod à se non est. Omnis etiam virtus ab essentia procedit, & operatio à virtute: unde cuius essentia ab alio est, oportet quod virtus & operatio ab alio sit. Et propterea, quamvis per hanc responsionem evitaretur quod creatura non esset primum Ens simpliciter: non tamen posset vitari; quin esset Primum Agens, si ejus actio, in aliquod prius agens non reduceretur sicut in causam. Quid ad hæc Eupistine? Præterea lege S. Doctorem de pot. q. 3. ar. 7. ad 7. quem citò subijciemus.

Secundò ait D. Thomas 1. p. q. 63. ar. 3. In hoc appetit (scilicet Angelus) esse similis Deo: quia appetit ut ultimum finem beatitudinis, id, ad quod virtutis sue nature poterat pervenire, avertens suum appetitum à beatitudine supernaturali, quæ est ex Gratia Dei. Vel si appetit ut ultimum finem, illam Deo similitudinem, quæ datur ex gratia, voluit hoc habere per virtutem sue nature, & non ex Divino Auxilio... & hæc duo, quodammodo in idem redeunt, quia secundum utrumque appetit finalem beatitudinem per suam virtutem habere, quod est proprium Deo.

Item de Malo. q. 16. ar. 2. ad 4. Et art. 5. ad 14. ait diabolus non appetiisse aliquod malum, sed quoddam bonum, inordinatè tamen, quia non appetit illud ut assequendum per Divinam Gratiâ, sed per propriam virtutem. Hoc ipsum egregie confirmat ibid. art. sequenti & adhuc magis ad propositum. Legendus etiam S. Doctor lib. 2. ad Anibal. d. 5. ar. 2. Et loco supra citato de Malo. ar. 3. & lect. 6. in cap. 8. Joa. Certè hæc non sunt in Calepino mi Eupistine, ut ludis cavillis, quibus ri. è probatur intentum.

Probatum etiam ex D. Augustino tom. 5. lib. 12. de civit. c. 1. prædictam sufficientiam fuisse causam peccati: ait enim: *Alii (scilicet mali Angeli sua potestate potius delectati velut bonum suum sibi ipsi essent... ad propria deflexerunt.* Item ibid. lib. 22. c. 1. Cum, inquit, præficeret, Deus, Angelos quosdam per elationem, quâ sibi ipsi ab beatam vitam sufficere vellent, tantè boni desertores futuros, non eis ademit hanc potestatem; potentius & melius esse iudicans; etiam de malis benefacere, quàm mala esse non sinere.

Confirmatur idipsum ex D. Grego. Magno lib. 34. Moralium c. 17. ubi ait: *Ei quippè à quo conditus fueras (Angelus) subesse despexit.... ius perverse libertatis appetiit: & ut præficeret ceteris & nulli subesset.... Quem exaltabat libera servitus, deiecit captiva libertas.*

Lege & Innocentium V. Papam in 2. Sent. disp. 22. q. 1. ar. 2. ad 4. ubi ait: *dicendum quod nec lucifer appetiit similitudinem aequalitatis, sed perverse imitationis.* Lege & B. Gelasium Papam in Epist. quam reperies tom. 3. Conciliorum edit. Bini pag. 654. *Degeneres Angeli, inquit, per Sanctorum Angelorum beatitudinem confutantur... sibi se sufficere presumunt, per se ipsos obtinere fidentes quidquid per solam Gratiâ Conditoris potuissent adipisci.* Quare in propugnanda veritate, ac pro singulari iute tuendo Divinæ Omnipotentis, non deficiamus; nec larvati hujus Eupistini iracundiam metuemus; qui postquam satis apertè eam ostendit adversus virum Religiosissimum, quem vocat hominem ferocientem & hereticum. Sic concludit: *Notum denique est, quosnam Calviniste ipsi, advocent in societatem erroris.* Nam iudex est & testis, totus Doctorum Cætus, totusque Orbis Christianus; toto Cælo.

differre Thomistas à Calvinistis. Nescis mi Eupistine falsa ista ac veterican-tilena millies confutata; à centum circiter annis, frustra usos fuisse Anti-thomistas, ut isto terribi Monstro Divi Thomæ Discipuli, in eorum partes desisterent & Angelicum Doctorem (quod absit) desererent? Lege Ripaldam. Nec magis terrentur minis viri ejusdem, qui postquam sibi satisfecit quantum passio exigere potuit: sic se animum temperare fingit pag. 12. *Libet hic cohibere calamum meum, ne occasione data retegat, quæ Adversariis placitura non essent; sciunt ipsi satis, quâ parte res premar.* At nulla ex parte premimur Eupistine, sed tota fruimur libertate, quâ Christus sibi donavit in propugnando ejus Gratia auxilio: semperque favente Numine placebit veritas pro qua militamus; solummodo (ut omnibus notum est) partes Defensorum agentes, quod ipso jure naturæ omnibus licitum est.

Quâ vero parte res teipsum premar Eupistine (ut tuis utar verbis) satis ostendisti, ut uia nimirum Probabilitatis fidelis; cum tuis Thomista una pariter dealbare possis: quod fortasse præter intentionem dissimulare nequivisti, dum ipse pag. 13. dixisti *Prædeterminationum Dei auxilium prudenter admitti non posse, nisi ut merè probabile.* Quod cerè jam debet sufficere ad placandos (quotquot sunt in Orbe) Antithomistarum animos: quibus Probabilitas ad salutem sufficit, estque secuta Morum Regula, Mundo cæva: *cujus nomen sacrum* est Cardenæ, ut lib. præced. retulimus, quæ bene audit in omnibus Tribunalibus, & quâ (si penes ipsos sit fides) tota regitur Ecclesia. Major Pompili Fannâ, cujus Otaculis, non solam possint Thomistæ, sed & debeant omnes acquiescere. Quid plura? Quâ ergo conscientia mi Eupistine deinceps audebis Thomistas conviciis lacerare ob Prædeterminationem quam dicis Probabilem? At his lenociniis Probabilitatis non demulcentur Thomistæ, cibum solidioris doctrinæ expetunt: ad alia properemus.

3. Profectò hic quidpiam occurrit, quod Lector merito admiretur; ubi remanentes in sola Defensione veritatis, (quam hac in parte non possumus deserre, quin Doctori Angelico terga vertamus) & abdantes quantum possumus occulta dedecoris, ut loquitur Apostolus: res sit manifesta, quasi sua sponte, etiam nobis tacentibus, & in puncto, quod totius negotii Mysterium recludit, seu ut cum Eupistino loquar, *quâ parte res premit.* Explicatur. Ingens volumen edidit Joa. Cardenas, (cui præfixus est hic Titulus, *Chrisis Theologica*; Quod miris suorum decoratur encomiis, cui subinde Authori, non ut privato Scriptori, sed ut communi Adversarioium Protectori sit auscultandum. At ille in editione Lugdunensi anno 1670, pag. 17. col. 2. postquam confessus est *argumenta Lutherianorum optimè solvi per Prædeterminationem* & proinde nullam esse cum illis fidam ab Adversariis Thomistarum conventionem; ait: *Caramulem non posse dicere, evidentem esse sententiam Divi Thomæ de physica Promotione, quia (perpende lepidam Cardenæ rationem) id esset asserere sententiam Jesuiticam esse evidenter falsam.* En igitur totum tam obhæmatæ contentionis Mysterium: non ab aliquo Thomista revelatum, sed ab ipso Cardenâ, idque sponte, quinque ejus Censoribus & Encomiastis consentientibus nomine totius Societatis: qui in Censura hujus Authoris, id ipsum in ejus scriptis inspexisse asserunt, *quod in Rationali Summi Sacerdotis; veritatem scilicet & ut ait Philo, Declarationem.* At post tam solemnem declarationem, quid sentiendum sit de præfato Adversa-

riorum motivo, ob quod à tot annis, tot artibus ac libris, huic doctrinae Divi Thomæ adversantur, penes eruditum Lectorem sit judicium: certe existimo nullum cordatum Theologum unquam dicturum, Doctorem Angelicum ob hujusmodi rationem seu motivum esse deferendum; quod tam injustum arbitror, quam qui diceret non sanandum esse infirmum, ne crederent ipsum aliquando incidisse in morbum.



## CAPVT SECVNDVM.

*De secunda Eupistini Ludificatione circa Extractum ab ipso factum ex Iosepho à Vita, quem ipse opponit ( ut ipse ait ) torrenti Thomistarum. Fraus Eupistini in laudatis à se Authoribus, & precipua hallucinationes Iosephi à Vita aperiuntur; ex quibus facile corruit totum opus ipsius, in quo confidit Eupistinus, & insigne Divi Thomæ testimonium enucleatur contra Eupistinum.*

Nu. I. **A**L CIBIADES, teste Plutarcho, hanc inter cæteras habebat artem ad capiendos homines, ut scilicet se se ad eorum studia morisque converteret, citioribus quam Chameleon varians mutationibus, cui unum deesse aiunt, quodd nimirum repræsentare nequeat colorem album.

Nescio quid desiderari potuisset in priori libro Eupistini, ceu ab eo neglectam, quo sibi omnium animos devincere posset, nulla siquidem artis solertia eidem defuit, nullaque conditio aut Doctorum classis sive professio, quam sibi demulcere non studuerit. Sed hic longè infelicior Alcibiade, quod ne unum quidem ex tot ab ipso laudatis Authoribus sibi conciliare quiverit, ex hoc uno, quod scilicet cum Chameleone defecerit in repræsentando albo colore, seu veritatis candore, quam in ipsis non vidit, vel eam referre noluit. Unde tot sibi ereptis Authoribus, illic ab eo citatis, coactus est in altero suo volumine ad alium confugere, vel potius suas in partes penitus desperatas, extraneum advocare, scilicet *Iosephum à Vita*, licet ipsummet majori ex parte sibi contrarium esse agnoscat.

At sicut in priori suo libro falsitatis aperte facili negotio convictus est Eupistinus; ita in hoc altero, nullâ belli machinâ opus erit, nullo instrumento, ut corruat & frangatur repagulum, id est *extractum*; quod nobis Eupistinus opponit tanquam murum ex lapidibus quadratis constructum; cum tamen sit tantum agger ex arenis coalescens, quibus nihil infirmius.

Prædictorum occasione hinc unum dicam, quod modò mihi venit in mentem, miseros scilicet fore in Gallia tot Heroës ac Generosos, si aut illorum gloria, aut virtutis fama, ex quorundam disertorum infidelitate & ignavia dependeret: ita sanè non faciliores essent veri Thomæ discipuli, si in eadem essent navi cum aliquibus, qui ab ejus doct. ina turpiter defecerunt; ut Campanella, vir quidem incredibilis memoriæ, & subtilis, sed iudicium expectantis, qui ex quadam prurigine contradicendi aliis, veluti Momus alter effectus, omnium ferè scientiarum principia convellere tentavit, & hunc in

Socium sibi assumit Eupistinus, ut contradicat Thomistis, tanquam virum hac in re oculariorem cæteris.

Cum brevem hanc digressionem, animi gratiâ præmissam legerit Eupistinus, illicd fortasse ominabitur à me numeratum iri cum Campanella, Josephum à Vita intertransfugas & desertores doctrinæ Divi Thomæ: Quod planè non faciam; nam hunc Authorem potius accenserem illis, qui ex nimio suæ valetudinis conservandæ desiderio, illam corrumpunt, dum omnia volunt experiri medicamenta, & à communi ac probato vivendi modo recedunt. Etenim hic Author quædam habet bona (de quibus cap. sequenti) in cujus libro separandum est pretiosum à vili (si Peritorum omnium odium ac justam Ordinis sui censuram vitare velit:) in iis enim in quibus à communi Thomistarum sententia recessit (sive voluerit in aliquo morem gerere Adversarii Divi Thomæ; sive tæritus ficticio hoc monstro, *qualitatis ferree, seu viæ adamantinæ, quam nobis tam falsò imponit Eupistinus*; nemo turpius erravit Josepho à Vita, qui hac in parte hanc non meretur veniam quam aliis libentissimè concederem, vel eos saltem non magis ægrè haberem excusatos, quàm eos quibus malis artibus annuntiatum fuit olim in Indiis Evangelium, quos (salvo meliori iudicio) existimo esse accensendos iis, qui quoad infidelitatem negativam excusantur ignorantia invincibili, quòd ad eos nulla unquam pervenisset Evangelii aura. Illi enim pauperes Indi arbitrabantur Religionem Christianam consistere aut comitem esse inaudita crudelitatis & avaritiæ (quæ omnem humanitatis sensum extinguere) quas experiri erant à militibus Hispanis, contra intentionem (ut probabile est) Religiosi eorum Principis. Illam, inquam, veniam ex animo concederem iis, qui Prædeterminationem physicam esse crediderunt, *qualitatem ferream, seu vim aliquam adamantinam, quæ omnem adimat libertatem*. Quem prætextum non possunt amplius habere Adversarii, & longè minus P. Josephus doctrinæ Divi Thomæ innutritus; ex cujus Opere (ut in Conclusionem, Deo dante, ostendam) nihil potest inferri quòd aut valeat Eupistino patrocinari, aut doctrinæ D. Thomæ adversari seu derogare.

2. Relictis igitur iis pro cap. sequenti, in quibus nonnulla bona ac bene scripsit Josephus à Vita, hic breviter ea ostendam, in quibus plurimum halucinatus est; & hinc faciliè conjiciet Lector eruditus quid sentire debeat de *Extracto illo* ab Eupistino nobis tanto fastu objecto, non aliunde deprompto; nisi ex ejus libro, in quo præcipuas tantummodò errationes annotabo, ex quibus vel solis non potest non correre heteroclitus Josephi modus explicandi mentem Doctoris Angelici, in oppositum ipso reclamante. Etenim lib. 2. cont. Gent. cap. 48. ostendit D. Thomas intellectuales substantias esse non solum liberæ actionis, sed etiam liberi judicii; quia agunt per formas intellectuales acquisitas ab intellectu conceptas, & à rebus singularibus (circa quas sunt actus) acceptas; ex quibus cum nulla possit perfectè appetitum satiari; non solum sunt liberæ actionis, sed etiam liberi arbitrii & judicii, quod non est in rebus naturalibus omnino ad unum determinatis, neque etiam in brutis, quæ licet videantur esse liberæ actionis, ex eo quòd diversa possint: non sunt tamen liberi judicii, quia illorum vis æstimativa est ad unum determinata, ut patet in ove, quæ non potest lupum non fugere.

Paginâ verò 93. & seq. *Extracti* ab Eupistino inducti, refert Josephus à

Vita 7 aut 8 egregia D. Thomæ testimonia, in quibus sanctus Doctor semper distinguit formam permanentem, per quam agens agit, à virtute intentionali seu motione virtuali, quâ agens principale movere & applicat agens instrumentale. Et denique pag. 99. tanquam aliud quiddam diceremus, quàm id ipsum quod refertur in præfatis Divi Thomæ Authoritatibus, sic concludit Iosephus: *Ideo sanctus Doctor secundò probat esse impossibile, quod vis, quâ aliquid agens creatum agit ad esse, sit in eo forma permanens, ut patet in textu.* Et hoc est unum ex fundamentis Thomistarum; quod tamen Iosephus existimat (sed falsò) à nobis esse negatum. Porro hoc ipsum argumentum fusiùs prosequuti sumus, eòque usi contra Fuliensem, cap. 8. lib. 2. ex D. Thoma, 1. p. q. 45. a. 5. ad probandam Prædeterminationis necessitatem: quæ ratio nobis & Typhanio communis est, quam certè non debebat Eupistinus dissimulare.

Prima igitur hallucinationis causa, vel potiùs primum ac principale argumentum, quò Iosephus tanquam Achille passim utitur, & quò, tanquam immortà basi seu fundamento, nititur, atque ad illud, tanquam ad arcem, perpetuò recurrit ac revertitur; legitur apud Eupistinum, pag. 26. *Extracti* ab ipse citati; estque depromptum ex D. Thoma, lib. 2. contra Gent. c. 47. ubi inquit sanctus Doctor, *Utrum substantia intellectuales sint volentes?* Ex quo titulo jam satis apparet ibidem non esse sermonem de modo agendi, & quæstionem de libertate ex eo non esse resolvendam; sed ex articulo sequenti, vel ex q. 24. de verit. a. 1.

3. Verba autem Divi Thomæ lib. 2. contra Gent. cap. 46. sunt hæc: *Forma qua non est ab ipso agente, per formam causas operationem, cujus agens non est Dominus.* Quibus ex verbis malè intellectis argumentatur Iosephus: *Omnis operatio qua consequitur formam, qua non est causata ab eo qui agit per illam formam, est operatio qua non est sub dominio talis agentis.* Sed Prædeterminationis (inquit) est forma per quam agens agit: ergo causas operationem, cujus agens non est Dominus. Ex quo patet tam Majorem quàm Minorem peccare ex falsa suppositione, quod scilicet Prædeterminatio sit qualitas seu forma permanens (de qua ibidem loquitur Doct. Angel.) per quam agens creatum agit; quod est formaliter contra D. Thomam de Potent. q. 3. a. 7. ad 7. ubi ait: *Virtus naturalis, qua est rebus naturalibus in sua institutione collata, inest eis, ut quadam forma habens esse ratum & firmum in natura: sed ad quod à Deo fit in re naturali, quò actualiter agit, est ut intentio sola, habens esse quoddam incompletum.* Et pag. 97. ejusdem *Extracti*, alia septem Divi Thomæ testimonia ibidem reperies, id ipsum asserentia, quæ brevitatibus causâ omitto.

At præfato D. Thomæ testimonio ex libro secundo contra Gentes, c. 47. ritè intellecto, solutoque argumento ex eo fabricato, non major fuit confusio in domo Nabuchodonosor, Holofernus capite amputato, quàm futura est in secundo Eupistini libro, prædicto argumento militante, coque prorsus innixo.

Respondedo igitur primò. *Omnis operatio qua consequitur formam qua non est causata ab eo, &c.* negando Minorem. N. n. M. p. (quæ tota est Divi Thomæ) loquitur de forma habituali, seu alia subj. &æ genii & voluntati, quâ voluntas ipsa utatur ut solet aliis habiibu. Cum tamè Prædeter-



minatio non sit forma huiusmodi, ut patet ex q. 3. de Potent. superius citata; sed motus intentionalis, quod Deus Opr. ex sua virtute infinita, creatam sibi subijcit voluntatem, juxta modum suum liberum; id est, servata potentia ad oppositum, ita ut in ea ac per eam agat Deus quando, ubi & quomodo voluerit sine ulla dependentia aut dispositione, quam ipse à creatura expectare aut praevidere teneatur, ut toties contra Petrum à S. Joseph & contra Eupistinum lib. precedenti ostendimus. Ita D. Thom. q. unic. de unione Verbi, a. 5. ad 12. *Agens, inquit, non semper dat instrumento novam formam, vel virtutem quiescentem in ipso: & tamen instrumentum in quantum movetur ab agente, consequitur quandam intentionalem virtutem per influxum agentis, qui per instrumentum transit in effectum. Quid clarius? Lege D. Tho. de Pot. q. 3. a. 7. ad 7. totum.*

4. Confirmatur ex eodem sancto Doctore, quodl. 1. qu. 4. a. 2. *Homo indiget auxilio Gratiae, non solum ad merendum, sed etiam ut se ad Gratiā prepararet, &c. Nam meretur homo per actum virtutis, cum non solum bonum agit, sed bene, ad quod requiritur habitus.... Et ideo ad merendum requiritur habitualis gratia. Sed ad hoc quod homo se preparat ad habitum consequendum, non indiget alio habitu, quia sic esset procedere in infinitum: indiget autem auxilio divino, non solum quantum ad exteriora, prout scilicet ex Providentia Divina procurantur homini occasiones salutis, puta praedicationes, exempla, & interdum agnitioes & flagella, sed etiam (nota) quantum ad interiorem motum, prout Deus cor hominis interius movet ad bonum.*

Et hanc Dei motionem semper distinguit D. Thomas à forma permanente & habituali, cujus Motionis munus non est (inquit Doctor Angelicus in 2. Sent. dist. 29. q. 1. a. 1. ad 2.) *ut solam facultatem faciat in operando: hoc enim haeresis Pelagiana ponebat; sed ut efficaciam & virtutem quamdam novam operibus hominum praebeat.* Nota hoc, Eupistine.

Quā motione indiget creatura, ut alibi diximus, quantumvis perfecta, ut ait D. Tho. 1. 2. q. 109. a. 1. in o. etiam in statu Gloriar, quare lege D. Tho. ibid. a. 9. ad 1. & alibi locis toties citatis.

Certè antequam tor emitterent clamores Adversarii contra Praedeterminationem, quam falsò dicunt esse *qualitatem aeneam, vim ferream & adamantinam*, debebant vel semel sanctum Doctorem legere, vel lectum non dissimulare 1. 2. q. 110. ad 2. ubi ait: *Auxilium quod anima hominis movetur à Deo ad aliquid cognoscendum, volendum, agendum, non est qualitas, sed motus quidam Anima.* Et ne D. Thomam excubere cogamur, lege eundem 3. p. q. 62. a. 4. ad 3. Et de Potentia, q. 3. a. 7. ad 7. & lib. 1. contra Fuliensem.

5. Hic, ut arbitror, jucundum erit Lectori unum ex Josepho à Vita referri, in quo Eupistinus totam fiduciam habere videtur in secundo suo libro, tanquam in optimo Interprete D. Thomae; qua de causa ait, *se non metuerit illum opponere torrenti Thomistarum*, qui si de industria eadem resistere & palam contradicere decrevisset, non potuisset melius illudere Lectoribus, quam eò quod ex ejus libro, pag. 481. nu. 1836. hic fideliter exscribo. *Expende, inquit, qualiter servas Deus perpetuitatem speciei? V. g. leonis, ne simul omnes leones moriantur uno moriente. Num dices Deum imprimere qualitatem morienti, quā sit ne alii moriantur dum unus moritur? Quid*  
hac

*hac dicit? Si ergo hac minime dici possunt, cur ad servandum liberum arbitrium ne deficiat à consequentione salutis, oportet Deum imprimere qualitatem libero arbitrio, quâ sit ne deficiat, quando secundum illum modum servat Deus liberum arbitrium ne deficiat, secundum quem servat perpetuatem species, ne simul omnia illius individua deficiant uno deficiente?*

Hic ambas Iosephi & Eupistini obicitur concientias, an vel unus ex omnibus Thomistis, etiam per somnium aliquando sic præsentem exposuerit aut intellexerit contraversum? Sed ad fundamentalem ejus rationem redeamus; cui, ne ullam possit hac in parte exculationem prætexere,

Respondeo secundò, argumentum retorquendo: *Forma que non est ab ipso agente, per formam causat operationem, cujus agens non est Dominus.* Sed concursus Dei simultaneus (hinc quo agens creatum non potest agere, etiam juxta opinionem Antirichomistarum) est forma physica, quæ non est à voluntate creata per eam agente, sed à Deo; & juxta illos causat seu concusat operationem: ergo concursus simultaneus causat operationem, cujus agens secundum, seu voluntas creata non est Domina, & consequenter juxta illos, & ex ipso illorum argumento destruit libertatem. Quid ad hæc, mi Eupistine? Nam quamvis hic concursus non sit voluntati creatæ præviis, sed tantum comes seu simultaneus, præcedit tamen (ut volunt Neoterici) operationem voluntatis creatæ, ac subinde juxta ipsos est causâ etiam operationis ejusdem voluntatis, à qua cum non sit hic concursus, sed à Deo, erit causâ operationis, cujus agens non erit Dominus, & consequenter libertatis creatæ destitutus.

Respondeo terriò, distinguendo Majorem: *Forma que non est ab ipso agente, per formam causat operationem, cujus agens non est Dominus.* Si sit forma totaliter ab aliis agentibus externis causata, concedo Majorem. secus, nego Majorem. At concursus Dei præviis non est forma, ut dicimus, sed motus à Deo procedens, qui non est computandus inter causas externas, quale est unum agens creatum respectu alterius ejusdem Ordinis; neque sicut generans grave & leve, in quibus suam reliquit virtutem ad motum aut quietem, quamvis sit ab illis separatum; nec subinde amplius ab eo dependeat in facto esse: nam solus Deus, ut alibi dictum est, interiora Anima ingreditur.

At nullum est agens creatum, quod acta non dependeat à Deo, idque magis quàm ætèr illuminatus à Sole; qua in re, nihil ominatur, nec Angelicum Doctorem trahimus invitum ac reluctantem, ut nobis Eupistinus imponit in sua Præfatione ad Fulientem; sed ipsium tantummodò sequimur: unde postquam locò ei ad loquutus est sanctus Doctor de formis naturalibus, ex quibus motus naturales necessariò consequuntur; quæ formæ sunt ab aliis causatæ, quia nihil, inquit, potest esse sibi causa efficiendi: loquitur itam de gravibus & levibus quæ moventur ex virtute ipsis habitualiter impressa à generante. Terriò loquitur de formis in imaginatione Animalium receptis, quæ non sunt ab ipsis adinvenæ, sed ab exterioribus objectis causatæ, cum judicio determinato ab Authore naturæ: ex quo fit ut eodem agant ténore: v. g. omnes araneæ & apes eodem modo telas ac favos conficiant.

At forma intellectualis, per quam agit substantia spiritualis, est ab ipso intellectu: Et quodammodo, inquit, excogitata ab ipso, ut patet in forma artis, quam Artifex concipit, excogitat, & per eam operatur. Unde postea

Rc

voluntate construendi domum, potest ad libitum illam rotundam aut quadratam efficere.

Nec potest esse major hallucinatio, quàm quæ in præfato præsupponitur argumento, in quo loquuntur de Deo tanquam de alio exteriori Agente: cum ille solus sit radix intima, ex qua omnia, & basis quæ portat seu sustinet ea in esse; ac unus, qui Animæ nostræ quantum ad sua interiora conjungitur, qui proinde, ut loquitur Doctor Angelicus in 1. Sent. dist. 8. q. 1. a. 9. ad 3. *solus habet intrinsecam essentia operationem.*

Quorundam igitur tandùm vexari inquirendum in re singulari? Explicatur magis. Si eo modo, quò arbitrabantur Iosephus & Eupistinus præfatum. D. Thomæ testimonium esset intelligendum, probaret id quod apud omnes est falsum; scilicet omnem Gratiâ habitualement, habitus infusos, dona Spiritûs Sancti auferre libertatem: sunt enim formæ, quæ non sunt à creato agente, sed aliunde, nimirum à Deo communicatæ voluntati creatæ per eas agenti: immò & species ab objectis immittit per quas operamur. Quare si illud valeret argumentum, in quo spem omnem collocant, totus naturæ & gratiæ ordo esset subvertendus. Illorum ergo verborum sensus, non est is, quem intendit Adversarius, sed ipsemet quem ex D. Thoma diximus.

Et cum omnes prædictæ formæ per quas operamur, non sint à nobis, sed à Deo, nec libertatem tollant, potiori jure nec Prædeterminatio, quæ cum non auferat iudicii indifferentiam & facultatem ad oppositum, etiam non potest lædere libertatem. Lege quæ fusiùs contra Petrum Fuliensem diximus ex quatuor primis principiis doctrinæ D. Thomæ, lib. 2. cap. 1. Stellæ Cassiopeæ, quæ ne quidem vidisse cautè sinxit Eupistinus.

## S E C T I O I.

*Testimonia D. Thomæ ab Adversariis dissimulata referuntur; aliæque hallucinationum causæ aperiuntur. legitimus quoque determinationis passiva modus, perperam ab Adversariis accepimus: & ex D. Thomæ offertur testimonium, quod est duplicis motionis Dei fundamentum, quò nò omnes Iosephi à Vita dissolvuntur. Incubrationes.*

6. **H**Actenus pro confutando argumento, quò Eupistinus ex Iosephi Extræcto ceu Achille utebatur. Non miror si de alio D. Thomæ testimonio ibid. citato ab Eupistino de verit. qu. 24. a. 1. nihil omnino ipse dixit: nam per illud ad 3. propexit, causam hallucinationis statim aperientem, illic manifestam fore his verbis sancti Doctoris: *Per hoc quòd Deus est Causa operans in cordibus hominum, non excluditur quin ipsæ humana mentes sint causæ suorum motuum: unde non tollitur ratio libertatis.* Et idem fere ad 5.

Deinde ibidem ad 16. & 19. omnem fucum absterge D. Thomas, quò, prætextu efficacitæ aut alicujus determinationis, fingunt Nøterici se se metuere libertati creatæ, quæ duo æqualiter spernit sanctus Doctor, asserens sub his integram remanere libertatem, his verbis: *Si creatura aliqua immobiliter*

*Deo ad hæc eret, non propter hoc privatur libero arbitrio, quia potest adherendo multis facere vel non facere.*

Item : *Necessarius, inquit, appetitus beatitudinis non impedit arbitrii libertatem, cum diversæ via remaneant eligibiles ad consequutionem illius finis, &c.* Et ibid. *Homo efficitur aliqualis, inquit, per aliquem habitum acquisitum, cujus nos causa sumus : vel infusum, qui sine nostro consensu non datur, quamvis ejus causa non simus. Et ex hoc habitu efficitur quod homo efficaciter appetat finem consonum illi habitui ; & tamen ille habitus necessitatem non inducit, nec libertatem electionis tollit.*

Quibus si addere volueris id quod dicit sanctus Doctor, 1. 2. q. 9. a. 6. à Deo per Gratiâ aliquos specialiter & determinatè moveri absque ulla libertatis create præjudicio : videbis quàm inani seu evanido commovantur tetriculo, qui prætextu libertatis conservandæ existimant Dei concursum debere esse indifferentem & indeterminatum, sicut fluxum solibus subministratum organis. Hæc pro primo sufficiant. Lege, si libet, aliud egregium D. Thomæ testimonium, quod prædicta confirmantur, de verit. q. 24. a. 8.

7. Aliam hallucinationis causam hic obiter indigitabimus, utpotè jam sufficienter confutatam lib. 1. Stellæ, cap. 14. quod cenè non debebat Eupistinus dissimulare, nec, ut arbitror, dissimulavit, nisi metu confitendæ veritatis, cum ut satis apparet ex secundo ejus libro, nullo labore neglecto, nostrum hoc opusculum rimari studuerit. Quid ergo ?

Quia per sensibilia à Deo Optimo facta, invisibilia Dei debemus investigare & intueri ; frequentius usus est Doctor Angelicus rerum sensibilibus comparationibus, ut ex illis ad spirituales & divinas confurgamus ; sic perspicè influxum causarum universalium : v. g. Solis, exponit Dei concursum in causis secundis receptum ; sed nunquam (quod maxime notandum) astravit aut restrinxit Causam Primam ad modum agendi inferiorum, ita ut Deus nihil ultra possit aut operetur, quàm ea quæ in ipsis intuemur.

At ubi loquitur Doctor Angelicus de influxu Dei passivè considerato ; hunc usurpant Adversarii activè, ac in illo sistant, ex quo argumentantur tanquam agens creatum, aliquam haberet actionem sibi propriam, à Deo independentem, per quam concursus Dei communem & ad plura indifferentem effectivè in individuo determinaret : quod explicant nonnulli exemplo organistæ & organorum similitudine.

Cum ergo dicitur : *Quidquid recipitur, ad modum recipientis recipitur* ; non est sensus, quod omnis Dei influxus sit communis & indeterminatus, qui recipiatur in subiecto tanquam aqua in vase rotundo vel quadrato, cujus figuram induit : etenim quando Deus suam infundit Gratiâ, & per eam in nobis operatur, dispositioni subiecti recipientis non sequitur, sicut Sol, qui nihil potest, nisi juxta dispositionem materiæ : v. g. lutum indurare, & ceram liquefacere : sed id quod est obscurum, illuminat ; quod est frigidum calefacit ; quod est aridum, perfundit ac fructificare facit ; ita ut terra nostra det fructum suum : & in hoc distinguuntur diversi effectus Gratiæ operantis & cooperantis. Aliàs, quid ageremus quando à Deo petimus ut convertat cor durum, ut infirmas & fluctuantes sanet & firmet in bono ad perseverandum potentias, si illius auxilium aut Gratiæ influxus sit omnino indifferens & indeterminatus, ut illarum induat conditionem potius quàm eas

à mala & corrupta dispositione valeat retrahere, & ad suam elevare?

Quando igitur ait Doctor Angelicus, *Causa Universalis virtutem determinari & specificari per creaturam*; sensus est, à Deo non per quamlibet causam, quemlibet produci effectum: nam ejus motus aliter in igne v. g. recipitur, id est, necessariò: aliter in voluntate creata, scilicet liberè; aliter in oculo, aliter in aure. Et sic facile ac verè exponuntur omnia Divi Thomæ testimonia ab Adversariis perperam citata, quibus nihil aliud significatur, quàm quod supra, & quæ fusiùs contra Fuliensem retulimus: nam, ut ibid. ex D. Thoma diximus, nulla est creaturæ actio aut motus, quem non semper præveniat aliqua actio divina. Ratio fundamentalis est, ut Ferrariensis rectè notavit lib. 3. contra Gent. c. 66. *quia secundaria agentia nihil possunt erga actionem divinam, ut in se est, cum sua actio sit sua substantia*, quam exprimimus ut possumus, *quatenus balbutiendo, excelsa Dei resonamus*, ut ait D. Gregorius: quod tamen non impedit quominus à Deo semper excludere omnem defectum, eique perfectiorem agendi modum tribuere debeamus.

At in contrarium videntur omnes Eupistini conatus, qui in eo positi sunt, ut Dei concursus (quem credit indifferentem ad bonum & malum) tueatur, eumque faciat effectivè determinatum per actionem creaturæ (qui est imperfectissimus agendi modus) ex quo, ut ostendimus contra Fuliensem, sequantur inconvenientia intolerabilia tam in fide quàm in Philosophia.

Qua in re Iosephus pag. 106. nu. 80. ait: *Ceterum nos loquimur de determinatione divina influentia, prout agit movendo causas secundas, cui convenit determinari secundum primum modum*: (quod posset bonum habere sensum) *juxta determinationem passivè consideratam, ex qua ad activam transeunt Adversarii: unde licet Deus posset agere præter ordinem causarum secundarum: influentiam tamen, quæ agit per causas secundas, subiecit determinationi recipiende per formas secundarum causarum. Sicut influentiam quæ Deus mediantibus solibus, dat statum organo, fecit determinabilem per solis per quas transit status.*

8. D. XI præfatum Iosephi testimonium posse bonum habere sensum: Eupistino tamen, omnibusque Adversariis D. Thomæ contrarium; quem ipse indicat pag. 192. nu. 763. ubi *Per fenestram vitream viridis coloris, dicitur determinari Sol ad agendum lumen viride, non tanquam per causam efficientem* (Nota) *dantem aliquem actum Soli; sed tanquam per medium, quo solaris radius determinatur ad influendum lumen talis coloris.* Quod nihil aliud sonat quàm quod diximus de determinatione passiva, qualis est respectu visus & auditus, in quibus diversimodè recipitur Causæ Primæ influxus. Ita D. Thomas de Pot. q. 1. a. 4. ad 4. & de verit. q. 3. a. 9. ad 10. quod non potuit Iosephus denegare pag. 198. nu. 791. ubi assignans diversitatem inter lumen viride & pallidum, ait: *Sic per illam virtutem quæ est in vitro colorato determinatur, seu quasi inficitur radius solaris, illa specie coloris quæ est in vitro, sic transmittit lumen viridis seu pallidi coloris.* Quodque rursùm asserit pag. 312. dicens *Influentiam Superiorum causarum recipere determinationem per materiam (quæ non est capax actionis.) Et quamvis concedat hic Author à Deo aliquos effectivè & determinatè, speciali etiam instinctu moveri per Gratiam: nullum tamen potest certum haberi iudicium, de mente ipsius (ob rationem in Conclusione assignandam) nisi quod ipse omninò defecit à*

mente & doctrina Divi Thomæ, sicuti & à sententia S. Presulis Angustini asserentis Deum semper in agendo praire & cuncta ad agendum determinare: Ita passim & nominatim tom. 8. in Pl. 49. ubi ait: Cum aliquid verum dicimus, ipse loquitur: videte itaque, loquendo multipliciter, multis modis, per multa vasa, per multa organa: ipse tamen sonat ubique tangendo, modificando, inspirando. Apud quem certum est & indubitatum semper subesse Deo cum voluerit posse, omnipotentissimâ facilitate, sine ulla dependentia à creatura: & longe minis à magno illo apparatu & multitudine causarum secundarum quibus vult Iosephus Omnipotentem obstruere esse.

Et ne quis existimet duplicem hanc Determinationem, effectivam scilicet & materialem seu dispositivam (quæ est una ex præcipuis causis apud Neotericos hallucinationis) voluntariè & gratis esse à nobis confictam: Legat qui voluerit Angelicum Doctorem in Dio. yf. 4. de Divin. Nom. Lect. 18. ubi loquens de Angelo S. Martyr, ait Angelum esse Speculum faciens splendescere Dei Bonitatem quemadmodum possibile est, quod explicans D. Thomas ait: faciens non activè, sed dispositivè, sicut si dicerem; quod speculum facit in seipso resplendescere imaginem alicujus corporis ex hac ipso, quod est dispositivum ad recipiendam ejus similitudinem; Sed agere & passivè recipere opponuntur: non minus igitur hallucinarentur qui Angelum dicerent posse effectivè in Dei Bonitatem agere seu illam determinare; quàm qui arbitrentur Deum ipsum esse mutabilem. Sed ulterius progrediamur.

Cum adeò infelicem exitum habuerit tota Adversariorum lucubratio, quæ unâ funditis arietasse Præmotionem autumabat Eupistinius: non magis prosperum sperare successum potest, ex residuo ejusdem libri, cujus aliis nævis semel apertis totum extractum seu robur illius faciliè in fumum abibit.

Quod si bona fide voluisset nobiscum agere hic larvatus Author, dubio procul, nulla usus fuisset dissimulatione circa tres libros (ob quos adeò commovetur) quos edidimus pro Defensione Præmotionis physicæ: nam aut iis palam respondisset (ut par erat) idque à capite ad calcem: aut omninò obmutuisset; præfactum non subinserens extractum. Quod ipsi est, eeu ultima post naufragium tabula. Cum tamen unum cap. 13. lib. primi contra Fuliensem potuisset sufficere ad confutandum totum hoc extractum.

Attamen si de hoc (de quo Eupistinus tantoperè gloriatur extracto ut existimet ipsum esse aggerem fortissimum, quò Thomistæ impediantur, ne deinceps Prædeterminationem sequantur) anticipatum liceat ferre judicium, dum res est sub lite, & totum opus Iosephi à Vita Neapoli in statera appenditur (ut accepi) mandato Reverendissimi. Dico hunc Authorem in planum impigisse, dum (illicet aliquo singularitatis motivo, aut fictitiis frustra perterritis monstis *vis adamantina aut qualitatis ferrea* quas falsò nobis imponunt Moderni, tot laboribus ac vigiliis) heteroclitum studuit excogitare modum explicandi efficaciam gratiæ: qua in re, plurimùm hunc defecisse, judicabit, quicumque voluerit expendere principia doctrinæ Divi Thomæ superius relata quibus essentialis dependentia creaturæ à Deo, tam in fieri, quàm in facto esse palam demonstratur, ac subindè necessitas Præmotionis physicæ.

9. Explicatur. Certum est in actibus liberis, liberum hominis arbitrium debere esse, ut ait Tridentinum: *Motum & excitatum*. Motum quidem ex parte principii

Rr iij

activi, effectivè influentis. Excitatum verò ex parte finis & objecti specificantis. Ita D. Thom. de verit. q. 22. ar. 9. *Voluntas, inquit, potest immutari ab aliquo dupliciter: uno modo sicut ab objecto appetibili; alio verò modo per modum causæ efficientis: & sic dicimus, quod non solum nulla creatura potest cogere voluntatem agendo in ipsam, &c. Sed necesse est potest directè agere in voluntatem, ut eam immutet necessarè vel qualitercumque inclinet, &c. Ex parte voluntatis mutare alium voluntatis non potest nisi quod operatur intra voluntatem, & hoc est ipsa voluntas & id quod est causa esse voluntatis: quod secundum fidem solus est Deus. Unde solus Deus potest inclinationem voluntatis de uno in aliud transferre secundum quod vult. Nota hoc mi Euphriste: & ne hujus veritatis adeò necessariæ Lector facile oblivisceretur, illam iterùm repetit S. Doctor de Malo, q. 6. ar. unico in o ubi ait: *Potentia aliqua dupliciter movetur: uno modo ex parte subjecti sicut visus per immutationem dispositionis organi movetur ad clariùs vel minùs clarè videndum. Alio modo ex parte objecti, sicut visus nunc videt album: nunc videt nigrum. Hæc igitur duplex voluntatis aut cujuslibet potentie vitalis cognoscitivæ immutatio, semper est præ oculis habenda in rebus de quibus nunc agimus: ita ut, si de una sit sermo, v.g. de Morali seu objectiva, semper altera presupponatur, scilicet physica, quamvis ipsa non esset formaliter expressa.**

Et quia Philosophorum Principem sequutus est Doctor Angelicus, existimavit in tradenda doctrina incipiendum esse à notioribus qualia sunt illa, quæ ad Motionem Moralem spectant. *Quæ cum (ut ait Nazarius in 1. p. q. 22. ar. 4.) ex parte objecti se sentiant, sit ut ad voluntatem (quæ est potentia ceca) non nisi per januam intellectus penetrare possint, quatenus scilicet invitant practicum intellectus judicium, ut voluntati indicet hoc esse proseguendum ut conveniens, vel fugiendum ut disconveniens.* Et hinc est, quod datâ quacumque occasione, semper fuisse protulit Doctor Angelicus præfatum Motionis Moralis modum, ex parte scilicet objectorum, utpotè notiore & apriorem ad suadendum & explicandum, etiam rudieribus, modum quò Divina Providentia, cuncta comprehendit: seu quò pactò, qui Deum fugis placatum (ut loquitur D. Augustinus) ipsum nequaquam evadit iratum. Quia ut ait D. Thomas, qui ex uno ordine v.g. misericordie recedit, relabitur in alium, scilicet justitiæ: ita ut Dei manum effugere impossibile sit, Scripturâ teste. Et cò tendunt omnia Divi Thomæ testimonia, tam accuratè à Josepho à Vita, conquesta, passimque objecta: nominatim verò tota disputatione quarta.

10. Idem cum toties ait D. Thomas hominem moveri ex fine, consilio rationis, deliberatione, aliisque hujusmodi; semper intelligendus est de Motione Morali, utpotè notiori & apriori, quâ homo à brutis distinguatur, in quibus est tantum naturalis instinctus, eorum judicium ab Authore nature ad unum determinatò.

At præter Motionem Moralem, alia est, scilicet naturalis, quæ ut ait D. Thomas supra laudatus, est ex parte efficientis: nam Motio Moralis semper potentiam naturalem supponit: & sicut visus & alii sensus supponunt sensum tactus in quo fundantur, & ars naturam: ita & Deus natura ipsa supponit, quia ipse est Radix portans omnia verbo virtutis suæ, ut loquitur Apostolus: seu ut alii dicunt, basis, fundamentum, totiusque nature hypostasis. Et quia

Josephus à Vita ( quantum conjicere licet ex citatis ab ipso Divi Thomae testimoniis ) totum constituisse videtur in Motione Morali, sive ad explicandam Universalem Dei Providentiam : sive ad tuendam creaturæ rationalis libertatem : si in ullo deliquisse dicendus est, in hoc maxime, quia insufficiens est Morio Moralis, ut fusiùs lib. 1. cap. 13. contra Fuliensem ostendimus; per quam nequit intelligi Christiana salutis nostræ æconomia, nec explicari possunt Gratiæ Mytheria : Ubi enim erit ille modus *quò singulariter agit Deus in nobis ? ubi illa Omnipotentis emanatio sincera, qua cum sit una, omnia potest : attingens à fine usque ad finem fortiter & disponens omnia suaviter ?* Etenim per Motionem Moralem non exprimitur specialis hic Modus, uni Deo proprius, quò interior voluntas nostra aptatur, ut loquitur D. Thomas in cap. 17. ad Hebr. lect. 3. Sicut nec Motus ille directus, quo voluntas effectivè à solo Deo immutatur, de quo iidem Doct. Angel. de Malo. q. 3. ar. 3. per quem ait 1. p. q. 57. ar. 4. Deum perfectè sibi subjicere voluntatem creatam illam siquidem moraliter tantum movere, Deo & creaturis commune est ut fusiùs alibi ostendimus ex Angelico Doctore de verit. q. 22. ar. 6. ad 6. ubi ait : *nihil est adeò malum, quod non possit habere aliquam speciem boni, & ratione illius bonitatis habere, quâ movere possit appetitum.* Quod si in præfata Motione Morali sistendum foret, prout nobis oblatum ab Eupistino *extractum* suadere videtur : numquam Patres & Concilia Pelagium à fide Orthodoxa extorem declarassent, nam ipse Motiones Morales libentissimè admittebat : & si quid præter eas agnoscat Josephus à Vita ; ita obiter & perfunctoriè de illo loquitur, ut illud negare potius, seu tanquam non necessarium attigisse videatur.

Et ne quis existimet me Josepho à Vita impoluisse, ipsum audiamus pag. 478 nu. 182. ubi ait : *Itaque Deus per suam Sapientiam & Providentiam gubernans Universum procedit certitudinaliter per causas defectibiles in effectus earum, illo simili. sed longe perfectiori modo. quò nos humanâ prudentia & industria aliquando aliquos effectus certitudinaliter producimus. Sicut enim ego, dum studeo nocte, servo lumen candela inextinctum, infundendo oleum, extrahendo cautè bombicem, obtruncando fungulos, claudendo fenestram, defendendo eam à papiionibus & similibus adminiculis, quibus servatur quidem certitudinaliter lucerna inextincta : non autem sit inextinguibilis. Et sicut peritus Medicus & industrius Agricola possunt sic res disponere : ille circa curam infirmi : & iste circa culturam alicujus arboris ut indeficienter quandoque assequantur intentum.* Hactenus Josephus : at præfata exempla adeò sunt vulgaria, & indigna Dei Majestute & Omnipotentia, ut mirum sit, qui toties illis utatur, ac possimum si in illis sistendum arbitretur ; nullâ ratione Inabitâ ejus quod Deus effectivè ceu Primum & radicale principium intrinsece operatur : de quo passim D. Thomas, ac nominatim 1. p. q. 19. ubi probat Dei intentionem non posse deficere, non præfata Josephi arte & industria, sed virtutis efficaciam, quâ attingit non solum substantiam ætus liberi, sed & modum illius. Ad quod efficiendum non est necesse, ut ille nobis pag. 478. falsè imponat *causis defectibilibus imprimi principium aliquod indefectibile, quod verat causas contingentes & liberas in indefectibiles* : nam ut cum D. Prospero diximus aliâz, quando Deus facit nos velle per efficaciam aliquod auxilium Gratiæ, sic idipsum temperat ut illam mutabilitatem, quâ possumus nolle, non auferat.



## S E C T I O II.

*aliud & fortius Auxilium Gratia requiritur, quàm qui à Iosepho assignatur, satis expressum in Scriptura & Patribus; ex quibus Extractum Eupistini falsitatis convincitur, & essentialis dependentia quam habet à Deo creatura, demonstratur: quod evidenter confirmantur variis D. Thomæ testimoniis, quibus Motio Moralis tanquam insufficiens reprobat.*

**NU. II.** Sicut præfatus Author videtur plurimum deliquisse per excessum; Minimum tribuens Motioni Metaphoricæ seu Morali, quæ est ex parte finis aut objecti; ita & per defectum non immunis erit ab errore, nihil aut parum tribuens Motioni physicæ: siquidem dum explicat certitudinem Divinæ Prædestinationis, Providentiæ & Gubernationis: & ex D. Thomæ passim, ac præsertim pagina 481. adducit tanquam media, ad id si ficientia, *exhortationes, orationum suffragia, & donum Gratia*, Si per huiusmodi donum, nihil aliud intelligar, nisi id quod sit voluntati creatæ etiam entitativè ita subiectum, ut eò ad libitum utatur homo vel etiam abutatur sicut habitibus: in hoc maxime hallucinatur, & omnibus ferè Sanctis Patribus contradicit & adversatur: nam præter gratiam exteriorum; v. g. Evangelii Prædicationem: & etiam motum interiorum cui aliquando reipsa resistimus: aliud fortius Gratiæ auxilium à Deo postulatur, quò Deus cordis duritiam auferat, & effectivè immuet affectum. Quare cum hic Author superstes sit, videat ipse quid respiciat Sanctis Patribus & Scripturæ testimoniis supra citatis. Ecenim efflagitat D. Augustinus, numquam satis laudatus, ut quisque cognoscat & fateatur *aliquid Dei Auxilium, quò mirabili & ineffabili potestate Deus aliquando operetur in cordibus hominum, non solum veras revelationes, sed etiam bonas voluntates*, l. de gratia christ. c. 14.

Inquiret itidem & cum aliis idem S. Præful, ubinam sit illa virtus, quæ Deus cum vult, etiam rebelles ad se propitijs compellit voluntates, easque sibi subiecit, dans spiritum bonum, non invocantibus, sed provocantibus: non interpellantibus sed repellentibus: auferens cor lapideum, & dans cor carneum: faciens ex nolente, volentem: ex repugnanse consentientem, ex persequente & odio habente, amantem: efflagitabis itidem, ubi inquam sit illa vis, per quam Deus magis habet in sua potestate hominum voluntates, quàm ipsi suas, seu ut loquitur idem D. Augustinus, *habes humanorum cordium quò placet inelinandorum omnipotentissimam potestatem?* Ratione cujus dixit Doctor Angelicus de verit. q. 22. ar. 8. *Quod si voluntas possit immutare suum actum ab uno in aliud: multò amplius Deus.* Non dubitamus quin obstupescat Lector si adversus prædicta Adversarii ita contraria adhuc contradicat Eupistinus? Admittenda est igitur illa virtus, per quam Deus potest unicuique quàm facillimè prevalere, ut idem S. Doctor ait de Jacobo luctante cum Angelo.

Inquiret & D. Gregorius supra laudatus, ubi sit illa gratia per quam inimentium corda penetrantur ab eo, qui invisibiliter visibilia modificat causarum semina in cordibus hominum, quæ ipse promittit in timore & format in amore, etiam dum nihil sonat in voce.

12. Quod

11. Quod si nihil aliud ad movendas voluntates creatas, requiratur pietas externas istas præparationes causarum secundarum à Josepho inductas, ex quibus si una deficiat, alia succurrat ac suppleat; peto ab ipso, quid responsum sit D. Augustino petenti auxilium quo *Deus spiritum & vires subministret: quod non fit, inquit per eos qui extrinsecus plantant & rigant: sed per eos qui intrinsecus per semetipsum, incrementum dat occultus?* Qui teste Concilio Arausicano, sic est in palmis, ut vitale ministrat eis, non sumat ab eis.

Ubi & illa Gratia, quam D. Prosper exigit sine qua liberum arbitrium cohortationi vocantis non obedit, nisi in illo affectus credendi, obediendique generetur: quâ Gratia semel data, Deo nulla sit mora, nec cansis suspenditur nullis. Certè nulla fuit efficacior aut eloquentior, quàm D. Pauli prædicatio: & tamen præter illam necesse fuit ut specialiter Deus moveret cor pie hujus mulieris Lydia ut attenderet his, quæ à Paulo dicebantur: Nam ut ait D. Bernardus, *non sufficit doceri & moneri, sed necessarium est moveri & affici.* Quod Deus efficit (ut ille ait) duplici motione *Prima, voluntatem applicat operi: altera opus explicat voluntati*, lege eumdem loco supra citato serm. 7, in cant. ubi ille exprimit Gratia effectus, quos in semetipso expertus est: nam sine illa, ut ait D. Gregorius, *Mutum est as omne quod loquitur nisi ille intus clamet in corde, qui aspirat verba que audiantur, qui nisi det voci sue, vocem virtutis, nihil perficitur.* Quia solus Omnipotentis sermo potest intelligentiam dare, & aurem cordis aperire.

Jamne vides mi Euphrosine, quàm bene fundata sit hæc in parte Thomistarum doctrina? Quid ergo contra prædicta dicturus es, aut ea, quæ supra toto cap. 12. ex Scriptura & Patribus fusè retulimus, quos ibid. citatos, sicut & in apologia contra Fuliensem reperies, quosque hic brevitatibus causâ omitimus? Cum omnes uno, quasi ore asserant præter Gratiâ sufficientem, cui aliquando resistimus, & motiones Morales, quibus etiam non raro abutimur; aliam esse efficaciorē, quâ factum est ut etiam infirmi invictissime velint id, quod etiam nolle possent; nam per illam sic subvenit Deus voluntatis humane infirmitati, ut indeclinabiliter & insuperabiliter agat, & quamvis infirma non deficiat. Neque in re singulari ullum querendum est exemplum: nam solus ille hoc efficere potest, qui ut loquitur D. Prosper *rigorem cordis humani ad obediendum sibi sic emollit, ut immuet affectum*, potens de lapidibus Abraham filios excitare; efficiens ut nullum malum, inquit D. Cyrillus) *quantumvis violentum, prevalere possit.*

Hæc quæ supra diximus ex D. Thoma, de singulari modo agendi proprio, uni Deo, qui solus Animæ rationali conjungitur quantum ad sua interiora, solusque inter cætera omnia agentia, habet intrinsicam & essentialē Animæ operationem: confirmari possunt ex eodem S. Doctore de verit. q. 22. ar. 5. ubi ait. Consideranda est voluntas ut natura quædam est, & ut est potentia libera, quæ ut sic, seipsam supponit, sicut visus supponit sensum tactus, in quo fundatur: & in hoc non pauci hallucinantur, qui Deum optimum tanquam aliud agens externum, & longè ab unoquoque nostrum intuentur. Itemdem 3. Contr. Gent. cap. 65. arg. 5. *Sicut opus artis, inquit, presupponit opus natura: ita opus ipsius nature presupponit opus Dei creatis: nam materia artificialium est à natura, naturalium vero est à Deo per creationem,...* Quod ibidem exponens arg. 6. ait S. Doctor, *quod pertinet ad naturam Agentis*

SC



*Superioris, nullo modo post actionem agentis remanet: sicut lumen non remanet in diaphano recedente illuminante: ille autem non est natura vel essentia alicujus rei create, sed solius Dei . . . . nulla igitur res remanere potest in esse, cessante operatione Divina.* Atqui, operari sequitur esse, eique proportionatur: unde quod non potest esse independens à Deo in ratione entis, etiam non potest in ratione agentis, respectu illius quod est sibi causa efficiendi, tam in fieri, quàm in facto esse, qualis est Deus respectu cujuscumque creaturæ quantumvis perfectæ.

13. Quibus positis, contra Eupistinum sic formabo argumentum. *Æquè aut magis pendet à Deo omnes creaturæ, quoad esse & operari* (& subindè earum operationes tam liberæ, quàm naturales) ac voluntas ut libera pendeat à seipsa ut natura, & visus à sensu tactus in quo radicitur. Sed impossibile est, ut eliciatur operatio libera voluntatis, quin sit præviis aliquis ipsius voluntatis influxus ut est natura: Item ut visio perficiatur, quin sit aliquis influxus tactus in organo oculi passivè modificatus, ipsi visioni præviis: Ergo similiter impossibile est, ut sit aliqua creaturæ operatio sive naturalis sive libera, in quam non influat Deus ut Prima Causa, & secundum illum modum, secundum quem operatio est à causa secunda: ergo Deus in omni operatione bona semper est præviis, est enim radix, quæ portat omnia ut loquitur Apostolus; est rerum omnium tenax vigor, basis ac fundamentum omnis creaturæ, quæ minus separari potest ab ipso, quàm radius à Sole: & cum omnis effectus per radium: v. g. productus, magis ac prius sit ab ipso Sole quam à radio: idem dicendum est de omnibus creaturarum operationibus & effectibus, tam liberis, quàm naturalibus.

Et ex hoc capite potissimum depromenda seu metienda est Primæ Causæ efficientiæ universalis, potius quàm ex parte objectorum, seu causarum multitudinem, quamvis apta sit, magisque plebeia ad rite explicandam Providentiam universalem & gubernationis modum Illius in cuius ditione cuncta sunt posita, & cuius manum effugere impossibile est. (Rite intellige in sensu D. Thomæ) Prior tamen Modus, quem semper præsupponit motio metaphorica rei Moralæ, potior est ac magis Deo proprius: nam per hunc rite explicatur essentialis causarum subordinatio, earumque ab invicem dependentia & dispositio, quæ non solum à Deo facta est, sed fit continuè: meliusque ostenditur quæ nulla sit creaturæ ad Gratiæ præparatio, nullus conatus, nulla bona dispositio, quam semper non præveniat aliqua actio Divina, ut ait D. Thomas 2. 2. q. 24. ar. 3. ad 1. & D. Fulgentius supra laudatus *Susceptio & desiderium Gratiæ, opus ipsius Gratiæ est.* Quam ob causam damnati sunt Malsilenses, asserentes *obedientiam nostram esse Gratiæ priorem* quàm in re eò tandem Semipelagiani devenere; ut illis sufficeret, si vel levissimus voluntatis erexit nutus, Gratiæ præcederet, ne, inquebant, *esset apud Deum acceptio personarum: aut irrationabilis videretur munificentia Divina largitatis* ut fusiùs alibi ostendimus. Quare, inquit D. Chrysost. homil. de Adamo & Eva, *omnium bonorum affectuum & operum . . . Deum profitemur Authorem.* Ipse enim est à quo bona cuncta procedunt, & quidem immediatè, sine præiudicio aut impedimento operationis creaturæ: ita D. Thomas de pot. q. 3. ar. 7. ad 4. *Si consideremus, inquit, virtutem quæ sit actio, sic virtus Superioris causæ erit immediatior effectui.* Et 1. 2. q. 80. ar. 1. *Nihil, inquit, potest esse*

*causa actus alicuius, nisi per hoc, quod proprium principium illius actus movet ad agendum.* At Deus est causa maximè propria & perfectà cujusslibet actus, & maximè voluntatis creatæ bonum appetentis : quam ob causam ait D. Thomas de Malo. q. 3. ar. 3. *Relinquitur ergo, quod causa perficiens & propria actus voluntarii sit solum id, quod operatur inrūs : hoc autem nihil aliud esse potest, quàm ipsa voluntas sicut causa secunda : & Deus sicut Causa Prima.*

Nam ut fusiùs alibi ostendimus : Deus & creatura non distinguuntur penes *mediatum & immediatum* : Sed penes *universale & particulare* ; in quibus utrumque potest esse immediatum, & effectus ab utroque immediate procedere, priùs tamen & magis à causa principali, quæ particularem movebit, At *Motio moventis, inquit D. Thomas ex Aristotele, præcedit motum mobilis ratione & causa.* Nec aliud unquam voluerunt Thomistæ, quorum æquissimæ sunt Expositiones adversus eos, qui à tam iusta & antiqua possessione doctrinæ Divi Thomæ, illos conantur dejicere : quod ut efficiant ; eam truncant, aut alienos in sensus detorquent vel se eam legisse dissimulant.

Quid enim clarius, quàm quod supra ex ipso retulimus de verit. q. 21. ar. 8. & 9 ubi ait : *Voluntas potest immutari ab aliquo dupliciter : uno modo sicut ab objecto appetibili..... Alio modo potest intelligi voluntas immutari ab aliquo per modum cause efficientis.* Quorsùm ergo volumine integro, tanto verborum factu, primùm hunc modum prosequi, quò possit voluntas immutari : relicto altero ac præcipuo, uni Deo inter cæteras causas proprio ? Cur recrudescentem nobis obrudat Eupistinus Fulienfis defensionem novâ editione pro alstruenda Motione Morali, aut concursu determinabili, quorùm insufficienciam lib. 1. cap. 13. & 14. apertè demonstravimus ( quod certe non debebat dissimulare ) ut duobus inhæreat cavillis, quos prædictis capitibus tam efficaciter confutavimus, ut ostupescat Lector *qua fronte* ausus sit Eupistinus ( ut ejus utar verbis ) hos Legendos obrudere Lectoribus.

14. Confirmatur magisque explicatur hic porior ac præcipuus Dei agentis Modus ex 1. p. q. 19. ar. 6. ubi inquirens S. Doctor *utrum voluntas Dei semper impleatur ?* Respondet affirmativè ; idque probat ex universalitate Primæ Causæ : ex qua concludit peccatorem recedentem à bonitate Dei miscuentis, relabi in ordinem justitiæ ejus punientis. Quod quidem optimè quadrat Modo Morali quo omnes causæ particulares sic comprehenduntur sub Causa Universalissima ; ut si una ex iis deficiat, Deus per aliam succurrat ac suppleat : quàm in re videtur mihi hic Modus explicandi universalem providentiam Dei, similis ei, quo Comicus vellet mihi jucundam aliquam scenam per 24 horas continuas repræsentare ; ita ut tot personas ad id haberet dispositas, quot ad id sufficere possent, paratis etiam luminaribus, ut die deficiente, nihil ad visionem deesset. Sed quid ista omnia prodesse, si potentia visiva in me esset impedita ex parte principii, vel si obdormirem vel ex lassione organi ? Sane inutilia essent cætera. Sic dicendum in præsentiarum : est quidem paratus à Deo causarum cumulus, seu connexio, ita ut uni altera sic succedat, ut numquam deficiat : verùm hoc non excludit alium efficaciæ seu causalitatis modum, pro quo militamus ( immò illum supponit omnino ) qui se tenet ex parte principii effectivi scilicet voluntatis Divinæ ( quæ est causa rerum ) quâ

St ij

Deus totam naturam, nostrasque voluntates, quando, ubi & quomodo voluerit, immutare summa facilitate possit, ut ibid. explicuit art. 8. ubi contra scopum Adversariorum, qui suadere nituntur aliquos effectus contingentes evenire tantum & ea præcisè ratione (quia ipsis Deus causas contingentes aperavit, quibus nihil amplius ex parte Dei desiderandum superfit, *Sed hoc non videtur sufficienter dictum*, propter duas rationes, quas suadeo ibidem Legendas apud Doctorem Anglicum.

15. Et ideo, inquit, melius dicendum est, quod hoc contingit, propter efficaciam Divinae voluntatis: cum enim aliqua causa efficax fuerit ad agendum, non tantum secundum id quod fit, sed etiam secundum modum faciendi vel essendi; & ut nulli esset locus cavillandi, addit exemplum S. Doctor, ex debilitate, inquit, virtutis activa in semine, contingit quod Filius nascitur dissimilis Patri in accidentibus, quæ pertinent ad modum essendi. Cum igitur voluntas Divina sit efficacissima, non solum sequitur, quod fiant ea quæ Deus vult fieri, sed & quod eodem modo fiant, quò Deus ea fieri vult.

Sed ut nullo ferè negotio appareat totius libri Josephi à Vita, hallucinatio, ad quam confutandam nimis forsitan prolixum esset, singula Divi Thomæ testimonia recensere: legat eundem locis infra citandis; ubi expressè docet S. Doctor Dei prædestinationem esse certam, non solum ratione præscientiæ; sed etiam ratione Causalitatis. Ita 1. 2. q. 10. ar. 4. ad 3. 2. 2. q. 24. a. 11. de Mito. q. 6. de verit. q. 6. a. 3. ad 4. & 1. p. q. 23. ar. 5. & 6. 1. 2. q. 109. ar. 1. & ibid. q. 117. ar. 2. ad 2. Super Epist. 1. ad Corinth. cap. 15. lect. 1. & super Epist. ad Rom. cap. 8 lect. 3. & 6. Quibus evanescunt omnes Josephi lucubrationes. Totum quidem quod ait Josephus ex D. Thoma libenter admittimus, sed tanquam inadæquatam causam certitudinis Divinæ Prædestinationis, pro qua ille debebat etiam ponderare, quæ scripsit Doctor Angel. non solum locis supra citatis, sed etiam id quod ait 1. p. q. 14. ar. 13. q. 19. ar. 4. 7. & 8. ex quibus genuinam mentem Divi Thomæ percepisset. Nominatim verò 3. contingentes cap. 94. ubi postquam sibi proposuit objectionem ex connexionione causarum illamque rejecit tanquam insufficientem; v. g. quod quis ex eo quod si se comederit, fiat: quod aquam querat, quod domo ad hanc invenientiam exeat: quod incidat in latrones à quibus occidatur, &c. recurrit ad certitudinem quæ provenit ex parte cause efficientis & ait: *Quæcumque verò rerum aliquid operantur, instrumentaliter agunt ab eo mota, & ei obtemperando ministrant ad ordinem Providentiæ ab æterno, ut ita dicam, excogitatum, explicandum in rebus...* Nec etiam, inquit, defectibilitas causarum secundarum, quibus mediantibus effectus Divinæ Providentiæ producuntur; certitudinem Providentiæ potest auferre... cuius rationem quam tuemur, illic assignat S. Doctor his verbis, *cum ipse Deus, in omnibus operetur*. Et sic utro verbo omnes Josephi lucubrationes depelluntur.

Quibus si addere volueris id quod ait D. Thomas de Pot. q. 3. a. 7. ad 7. ubi & alibi passim semper distinguit id quod res habent habitualiter, ab eo quod ipse Deus confert ad actum agendum, videbis doctrinam D. Thomæ, quam propugnamus, esse meridianâ luce evidentiorē. Ait enim sanctus Doctor loco citato, *virtus naturalis quæ est rebus naturalibus in sua institutione collata; inest eis ut quedam forma habens esse ratum & firmum in natura. Sed id quod à Deo fit in re naturali, quò actualiter agas; est ut in-*

tentio sola habens esse quoddam incompletum, per modum quo colores sunt in aëre, & virtus artis in instrumento Artificis.

Item q. 9. disp. de unione Verbi, a. 5. ad 12. ait sanctus Doctor: *Agens non semper dat instrumento novam formam vel virtutem quiescentem in ipso: & tamen instrumentum, in quantum movetur ab agente, consequitur quamdam intentionalem virtutem per influxum agentis, qui per instrumentum transit in effectum.* An quid clarius aut efficacius potest excogitari? Lege adhuc sanctum Doctorem, 3. p. qu. 19. a. 1. & qu. 62. a. 4. ne totum excubere cogamur.



## CAPVT TERTIVM.

*Tertia ludificatio aperitur, qua, ex permissione Reverendissimi Magistri Ordinis nostri Ioan. Baptista de Marinis, & quorundam Thomistarum approbatione libri Iosephi à Vita, integram suis libris restituere auctoritatem satagit Eupistinus. Fit satis Eupistino tam pro præfata permissione, quam pro approbationibus, ex quibus ille nihil omnino lucratur. Mala fidei hic singulariter convincuntur Adversarii, truncato D. Thomæ testimonio, ex quo tantum inadequate explicant negotium Gratia circa certitudinem Prædestinationis divine. Ac denique ostenditur quid fuerit approbatum in libro Iosephi, quid verò reprobandum.*

**NUI.** **V**ERTIT se in omne latus, nullumque non movet lapidem Eupistinus, ut suæ Authoritati (id est, libris, quibus hunc præfixerat titulum, *Authoritas...*) semel & iterum, ne dicam tertio, à me novissime ac minimè prorsus exauthoratæ, & extremo morbo laboranti opem aliquam ferre possit. Qua in re utitur ceu extremo remedio quodam *Extrallo* ex libro Iosephi à Vita, quod loco clypei & hastæ, est ipsi Eupistino; cui ut ille possit majorem conciliare Authoritatem, vel saltem ex eo succum aliquem rebus facere, illud summo perè facit commendatum, bisque nobis illud obtrudit, in principio scilicet & sub finem sui recentioris libri. Duaci 1673. editi, multumque extollit permissionem Reverendissimi Magistri Ordinis, quâ facultatem fecit Iosepho à Vita edendi in lucem quosdam Tractatus, *dummodò prius essent examinati à tribus ibid nominatis*; idque an. 1656. quod interim notatum velim, ut innotescat quàm vana sit inde Eupistini gloriatio.

Porrò hic liber Iosephi à Vita apparuit tantum post obitum ejusdem Magistri Ordinis (cui proinde nihil potest impropèri ob concessam hujusmodi facultatem, quæ erat de re futura discutienda, & ad examen vocanda, quæ juxta justitiæ æquitatem nemini est deneganda) scilicet in Capitulo generali Romæ 1670. celebrati sub Reverendissimo Patre Thoma de Rocaberti; quo in Capitulo totum Ordinem præfatus Author habuit Adversarium; quod non

potest evidentiùs demonstrari, quàm ex Actis ejusdem Capituli, pag. 72. nu. 5. ubi legitur: *Admonemus omnes & singulos nostri Ordinis Theologia Professores, quatenus attendentes ad ea quæ habentur in declaratione nostrarum Constitutionum, dist. 2. cap. 14. de Studentibus, sect. 1. circa Studentes, neminem doctrinam nostri Angelici Præceptoris D. Thomæ Aquinatis fidelissimè sequantur; sed & etiam à concordi & communiori nostrorum Thomistarum sententia, quæ communi omnium iudicio creditur asserta à sanctissimo Præceptore, vel ex ejus principiis deducta, nullo pacto audeant recedere, præcipiè circa materiam de Gratia & libero arbitrio seu physica Præmotione. Quam doctrinam solidam & inconcussam cum D. Thomas, cum Thomistæ insigniores ex limpidissimo & incorrupto Sanctorum Patrum, Ecclesiæque Doctorum fonte integerrimè hanserunt. Contra Novatores verò, si fortè insurgent, penam privationis cujusvis gradus & scholastici Officii respectivè ipso facto incurrendam irremissibiliter pronuntiamus.* En igitur liber Josephi à Vita à toto Ordine rejectus, & inter Novatorum libros computatus.

His præmissis, nemo, ut arbitror, in dubium revocabit mentem totiusque Ordinis Auctoritatem, in suo Capite ac membris præcipuis insidentem in Comitibus generalibus, declarantem doctrinam de Gratia & Præmotione physica debere esse intactam & inconcussam, utporè ex Sanctis Patribus, ex Conciliis & Scriptura sacra depromptam, ut illi innunt, & allata hætenus testimonia satis ostendunt.

Quantùm verò ad approbationes ejusdem libri, quibus toties ac tantoperè gloriatur Eupistinus ( licet propriam quam tuctur doctrinam, non semel cò libro labefactatam fateri teneatur: ) dico primò, in hoc Josephi libro esse aliquid in quod Author manifestè impiegit, ut patet in primo ac præcipuo ejus argumento suprà radicitiùs confutato.

Dico secundò, meritò defensionem esse ab Angelico Doctore in Compendio Theologiæ, Opusc. 2. cap. 140. divinæ Providentiæ certitudinem, quam ex tribus explicat sanctus Doctor, scilicet ex infallibilitate divinæ Præscientiæ, efficacia voluntatis divinæ, & sapientia ejusdem divinæ dispositionis. Ubi sanctus Thomas ex tertio tanquam ex notiori ac magis familiari modo, præfatam fusiùs explicat certitudinem, utens exemplis Medici infirmum sanare cupientis, & vinæ Cultoris, qui contra infirmitatem aut vinæ sterilitatem, varia adhibere possunt remedia.

At non bonà fide, videntur nobiscum agere, qui ex iis tribus sic sistant in uno, ut alia duo satagent dissimulare: etenim sapientiam divinæ dispositionis proni adoramus; sed hoc non impedit quominus Dei agentis modum alitèr intrucamur in alio ac reconditori principio, quàm ex iis quæ palàm conspicimus in creaturis: nullum enim est agens creatum ita perfectum, ut ipsi ex æquo Primum Agens possit comparari.

Quando igitur de certitudine divinæ Prædestinationis & Providentiæ agitur, hæc non est pensanda tantùm ex visibili dispositione creaturarum, à qua non dependet Deus, & contra quam non rarè operatur, quæ quamvis apta sit ad res divinas utcumque explicandas sicut causæ expenduntur per suos effectus; non tamen ad hunc modum restringenda est Dei Omnipotentia, quæ certò & citò cum vult, operatur. Porò modus quem hic Author tota disp. 4. occultare nititur, quemque contra Neotericos præ cæteris propugnamus, ab

ipso D. Thoma, loco citato exprellus, est ex efficacia divinæ voluntatis, quæ cum sit infinita, non potest deficere: *Quâ*, ut ait D. August. de Cor. & Gra. cap. 12. *Deum ita subvenit infirmitati voluntatis humana, ut quamvis infirma, non deficiat, nec adversitate aliquâ vincatur*; præbetque ei vires, & id genus alia circa eam operatur, etiam per occursum & multitudinem causarum (quasquandoque prorsus etiam impedit, ut solus dumtaxat agere cognoscatur:) quæ omnia nunquam ritè explicari possunt, nisi per intrinsecam divinæ voluntatis efficaciam pro qua militamus.

Quid igitur de hoc Josephi libro dicturi simus, donec ipsemet opus suum à tot mendis & lapsibus expurget, quos ille suo in libro recognoscit? aut quid in illo probare potuerunt Censores deputati (salvâ D. Thomæ doctrina) ex quo existimar Eupistinus suum renovare triumphum?

Respondeo non rejiciendam esse methodum seu familiarem modum explicandi certitudinem Providentiæ Dei (nisi ut inadæquatam seu insufficientem, quò etiam pactò supra admisimus Motionem moralem) quo usus est Josephus, quemque Censores non potuerunt reprobare, cum sit, ut patet ex prædictis, ex Angel. Doct. depromptis, cujus testimonium ex opus. 2. c. 140. citatum non licet mutilare: quam ob causam Censor Regius per suas Panoimias datas 25. Martii 1664. sic hunc modum laudavit, ut non negaverit alium quem propugnamus modum scilicet effectivum, qui est ex parte voluntatis divinæ, quæ est causa efficiens dispositionis prædictæ quam cernimus in causarum multitudine, per quas Deus operatur: qua de causâ prædictus Censor dixit, *aliis Theologis revisionem ejusdem libri esse committendam*.

Cum ergo tria proposuerit D. Thomas loco citato ad explicandam Divinæ Providentiæ certitudinem, scilicet *infallibilitatem Præscientiæ, voluntatis divinæ efficaciam, & ejus Sapientiæ dispositionem*: cur secundum hunc modum dissimulabunt. quò Deus Optimus singularem habet prærogativam, seu modum agendi sibi proprium? Quem si non ita fuscè ac perspicuè explicuit sanctus Doctor locis à Josepho citatis (utpotè occultissimum;) hoc non impedit quominus de eo centies in rei veritate alibi loquutus sit expressè, ut loco supra citato, aliisque contra Fuliensem relatis, ac recentius capite præcedenti.

3. Nescio utrum ullus unquam inutilior aut infelicior in Orbe confictus quam Thomistarum disceptationes & perseverantia in propugnanda Prædeterminatione physica (pro qua tot convicia & dictoria passi sunt) si nihil aliud præ oculis habuissent quàm differere, *an illa esset motus aut qualitas, an forma permanens, aut quidpiam transiens*, & id genus alia, quibus nos impotentè gravant Adversarii: nihilque sub hujusmodi cortice majoris aut gravioris momenti latuisset; scilicet modus, quò unò Dei Omnipotentia dignè defenditur, ac supremum illius dominum, totaque salutis nostræ œconomia ritè explicatur; si illam (ut par est) mutari velimus, juxta securam Scripturæ sacræ & Conciliorum normam, nec non sanctorum Patrum doctrinam, & præcipuè sancti Augustini & Divi Thomæ; quos hac in parte non possumus habere magistros, si doctrinam deseramus, quam à tot annis propugnamus.

Nunquam igitur Præmotionis physicæ Defensionem susceperunt Thomistæ, nisi ut hos sanctos Patres haberent Patronos ac Defensores in propugnanda divinæ Gratiæ efficacia: quare ludant Adversarii verbis *qualitatis ferrea &*



*vis adamantina*; quibus ceu monstris de industria confectis, ludificari incautus conatur; his non movetur, quia falsa esse, falsoque nobis imposita, evidentiſſimè non semel demonstravimus. Nam supposità Gratià sufficiente, quam ritè intellectam nunquam negarunt Thomistæ, per Prædeterminationem volvere tantum viam sibi sternere ad stabilendam Gratiam aliquam per se efficacem.

Et hanc Gratiam per se efficacem approbarunt Censores libri Josephi à Vita, in quo hic Author certam & infallibilem Dei Providentiam astruxit, eliminatà omni Sciencià Mediâ Deo prius indignâ, quæ Omnipotentem constituit dependentem, & eum facit Exploratorem rerum, de quibus summo jure & tam absolute quàm justè potest disponere. Hoc ergo est objectum approbationis ipsorum, & ex uno disce omnes, nisi malueris propriis credere oculis, quibus ipsum Josephum, pag. 7. nu. 1. sic loquentem percipies: *Antecedentiam divinarum decretorum, physicam eorumdem efficientiam, infallibilitatem & efficaciam tuetur acerrimus propugnator, servatâ semper illasâ effectuum contingentia & humanorum altum libertate; & quidem non pertrahentes impervios & spinosos, quos adire pertentant Moderni, singulis quibusque passibus offendendo: sed per viam planam, regiam & expeditam, quam scilicet felicissimè sternit lumen Ecclesie S. Thomas, &c.* Verùm, quinam sint illi Moderni, qui singulis quibusque passibus offendunt quique in his in quibus recesserunt ab Angelico Doctore (cui hac in parte velint, nolint oportet subscribere) vix duos reperies unâ in omnibus perfectè consentientes. Quod satis patet ex dictis.

Priorem ergo ac præcipuum modum explicandi concursum Dei & Gratiæ efficaciam (quam diximus secretiorem) satis exposuit Doctor Angelicus locis supra citatis, sufficienterque ante ipsum illam stabilierat D. Augustinus, asserens Deum operari in cordibus hominum, etiam motum voluntatis eorum, efficiendo non solum ut homines nolentes credant, sed ut fiant ex nolentibus volentes, habens in sua potestate eorum voluntates magis quàm ipsi suas: quâ usque potestate, Deus Paulum convertit, dum adhuc esset spirans minarum & cedis: eâque cor Assueri est immutatum ab asperitate in lenitatem, etiam quando erat velut taurus tumens in impetu indignationis sue, ut loquitur Divus Augustinus.

Et hunc agendi modum dixit D. Augustinus mirabilem & ineffabilem; eumque innuit Doctor Angelicus ad Rom. 11. lect. 5. his verbis: *Etsi ipsa creature sint homini nota, tamen modi quibus Deus operatur in creaturis comprehendi non possunt. In mari via tue, & semita tue in aquis multis, & vestigia tua non cognoscuntur.* Neque neganda est substantia rerum, quamvis non sit palpabilis modus, quò Deus agit in ipsis. An tu ipse negabis: v. g. Filium Dei fuisse à Beatissima Virgine conceptum, quia non vales comprehendere Conceptionis modum? *Dicat mihi Indanus incredulus, inquit Augustinus, quemadmodum arida virga fronduit, stornis, & nuces protulit: & ego dicam illi, quomodo Virgo concepit & peperit. Sed profectò Indanus nec virga poterit explicare conceptum, nec ego Virginis partum.*

## S E C T I O U N I C A.

*Cadit lite Eupistinnus etiam dum se vincere arbitrat, videturque pro illis militasse, quos susceperat expugnandos. Nec majus dari potest argumentum infirmitatis causæ ab ipso propugnandæ, quàm quod hic exhibetur. Cavendum ne confundas Principium movens voluntatem in suo ordine primum, cum absoluto Primo, quod est Deus. Auditur P. Maignan ab Eupistino citatus,*

4. **V**erùm ad hujusmodi non redigimur angustias in explicando divinæ Gratiz auxilio, ut patet ex dictis, ex quibus appetit colligitur præter Gratiâ cui aliquando resistimus, aliam esse potentiorē & efficaciorē, cui etsi possimus in hac vita resistere, non tamen eidem resistimus: *Nec ab ullo duro corde respiciunt, cum, ut ait D. August. illa detur, ut cordis duritia primitus auferatur, & voluntas non resistendi generetur, remanente integrâ resistendi facultate*: non enim per illam tollitur potestas, sed mutatur voluntas.

Patet ex dictis, mi Eupistine, quâ parum profeceris ex recursu ad quosdam Thomistas, à quibus contra cæteros aliquod pro tua doctrina patrocinium sperabas, cum ab ipsis unanimitè saltem quoad substantiam, tui utriusque libri *Authoritas* obruatur. Quare fictitiis perterritis monstis *qualitatis ferrea seu vis adamantina*, quibus libertas adimitur, fortasse cæspitaverit tuus Commilito Josephus, hocque ( à quo omnes abhorrent Thomistæ, scilicet libertatis eversione ) impugnaverit: tamen à vera & communi Thomistarum doctrina, non ita procul aberravit, quin citius ad illam redierit, idque in totius negotii cardine, ex quo satis apparet te non discernere, mi Eupistine, ea quæ nobis faveant, ab iis quæ nocere valeant, sitque tibi aded peregrina Divi Thomæ doctrina, & præcipuè hac in parte, ut eam tuearis aliorum testimoniis, etiam dum propriis eam impugnare eniteris. Angelicè probavit Doctor Angelicus ex Aristotele, non dari processum in infinitum in serie actuum liberorum, seu ex deliberatione procedentium, sed deveniendum esse ad aliquod primum rationis principium, quod sit supra omnem rationem, consilium & deliberationem, quodque supponat solum naturæ instinctum seu naturalem finis volitionem, quam habet voluntas ut natura ab ipso Authore naturæ. Ita D. Thomas 1. p. q. 60. a. 2. demonstrat principium dilectionis liberæ esse dilectionem naturalem, qua ex naturali finis volitione voluntas procedit liberè ad actus liberos.

Et ex hoc Eupistinus arbitrat se loqui victorias. Quasi verò voluntas ut libera, non seipsam supponeret, ut est natura quædam: quam ob causam dixit Doctor Angelicus, 1. 2. q. 17. a. 5. ad 3. *Imperium rationis non requiri ad primum motum voluntatis*. Aut quod naturale est, non supponeret ipsum Deum: vel denique ob communem quam dedit Deus singulis rebus ad suos fines inclinationem, ut est Motor Universalis; deneganda esset morio specialis, quæ sit à Deo per Gratiâ ad aliquid determinatè volendum, ut ait D. Thomas, 1. 2. q. 9. a. 6. ad 3.

Tc

Hic tamen se triumphum agere putat Eupitinus *forti calamo Iosephi*, quem, ut loquitur, opponit toti Thomistarum torrenti. Ipsum ergo audiamus pag. 158. nu. 20. ubi ait: *Sequitur quartò quòd sit in nostra potestate & dominio, ac proinde libera, etiam illa deliberatio, quæ est prima in ordine deliberationum ordinatarum, ad quam ratio seu homo non movetur à seipso per precedentem deliberationem; sed ab exteriori principio, nempe à Deo, sive ut Motore universali per nature instinctum ad bonum in communi; sive ut Motore speciali per cognitiones nobis impressas ad bonum aliquod in particulari* (perpende quæ sequuntur) *ut cum experimur nos repente mutatos, & habere novas affectiones, quas ante non habebamus, putà abominationem & horrorem actionis peccaminosa quam antea diligebamus; affectiones & propensiones in res divinas, quas antea aversebamus. Item cum mens interius distat aliquid esse agendum; nec scimus rationem cur illud agendum sit, ut cum homini sedenti domi venit in mentem ut exeat, & statim eo exeunte, domus cadit: & ipse postea considerans, invenire non potest rationem, cur ei venerit in mentem judicare hic & nunc expedire domo egrèdi. Sequitur, inquam, quòd etiam deliberatio sequens hujusmodi motiones à principio extrinseco, sit in nostra potestate, quia voluntas sic mota à Deo, sive generaliter ad bonum in communi, sive specialiter ad bonum particulare, potest virtute talis motus seipsam movere per consilium rationis, distamenque inventum per consilium in aliud, sive verè, sive solum apparenter bonum. Hactenus Iosephus à Vita.*

Quid ad hæc, mi Eupistine? ubi prætenfa læsio libertatis (quam perpetuè objicis) ex prævia Dei motione? Si Thomistarum doctrinam datâ operâ propugnandam suscepisses, an aliud quidpiam melius excogitare potuisses? Quis præfatum pendens testimonium non existimet te voluisse illud obijciende, Lectoribus illudere, dum viderint te res sic impugnare, tanquam susceperis propugnandas? Aut certè judicabunt omnes, te statum controversiæ & quæstionis nequidem capere; cui tamen tanto zelo totque conatibus adversaris, dum ea contra eam objicis, quibus non minùs efficaciter controversia, in gratiam Thomistarum dirimitur, quàm ex iis quæ supra ex Tridentino regulimus, asserente liberum arbitrium esse à Deo motum & excitatum, ejus libertate illæsa remanente, Deo voluntatem nostram ad opus applicante, & voluntati opus explicante, ut loquitur D. Bernardus.

Non poterat Eupitinus causæ, quam susceperat propugnandam, evidentius ostendere infirmitatem, quàm præfato, quod obtrudit, quodque sic extollit Iosephi *Extratto*: Etenim præterquam quòd evanido nixum sit fundamento *Extraktum* istud, ut supra ostensum est; vix una est in hoc Authore pagina in qua Adversariorum principia funditùs non evertantur. Hæc pauca sufficiant exempla.

À folio 13 ad 35, ostendit Iosephus Suarium, Ruiz & alios probare Prædeterminationem per hoc ipsum, per quod eam impugnare intendebant. Hoc ipsam annotavit Caramuel suprà laudatus.

Pag. 92 usque ad 95, demonstrat Suarium à Thomistis convictum, & juxta doctrinam D. Thomæ astrui motum prædeterminativum, quem Suarius excludere conabatur.

A. nullo unquam pejori modo exceptus fuit idem Suarius, quàm ab eodem Iosepho, pag. 113 & seq. ubi ostendit cum perpetuis laborare contradictionibus, dum Thomistas impugnare arbitratur.

A pag. 128 usque ad 132, ostendit nihil omninò esse in doctrina D. Thomæ ex his quæ Falsolus & Requisinus ipsi imponunt, cum aliis Adversariis physica Præmotionis.

Pag. 500. ait idem Josephus, *Submissum inter philosophicas veritates fundamentum Suarri* (quem tamen in hoc asserit omnes ferè Païres Societatis sequi) *rejecendum, quia falsum & ad Stoicos spectans.* Quid plura?

En, Amice Lector, cum quem pro se adducit Eupistinus, quemque, ut loquitur, opponit torrenti Thomistarum; qui si quidpiam melius reperire potuisset, illud certè non omisisset.

5. Sed ut definat Eupistinus nos perpetuò lacerare ex D. Thomæ testimonio perperam intellecto; finem huic capiti imponam duobus aliis ejusdem sancti Doctoris, quibus omne os obstruatur.

Primum erit ex quodl. 1. a. 7. in o. ubi postquam ostendit D. Thomas, quomodo præter externa, quibus homo movetur, & quomodo non semper ex consilio consiliari incipit; sic concludit: *Ita omnium motuum interiorum mentium principium est à Deo movente: sic ergo nullus potest se ad Gratiam preparare, nec aliquid boni facere, nisi per divinum auxilium.*

Alterum est ex q. 6. de Malo, art. unic. ubi postquam etiam ostendit quomodo Deus non tantum formas, sed & motus formarum causat juxta modum earum; ait: *Cum voluntas non semper voluerit consiliari, necesse est ut ad consilium fuerit mota à Deo.* Quò inter Aristoteles, consilium esse ab aliquo Optimo, quod sit supra hominem & rationem, quàm nihil melius nisi Deus. Sic lib. 1. Mach. cap. 4. v. 43, dicitur, *Incidit illis consilium bonum;* à Deo nimirum per bonum instinctum.

Qui verò fiat istud sine ullo libertatis creatæ præjudicio, jam satis diximus. Legendus sanctus Doctor, lib. 3. contra Gent. cap. 89. Et de Malo, q. 6. a. 1. ad 16 ubi ait: *Si detur quod aliqua potentia activa ad opposita se habeat, non sequitur opposita esse simul; quia etsi utrumque oppositorum, ad quod potentia se habet, sit possibile: unum tamen est impossibile alteri.* Ex quo patet non requiri ad libertatem, ut simul sint actus contrarii, vel ut sit suspensio aut privatio illius actus ad quem quis à Deo præmoveretur: sed tantum ut facultas huic actui applicata juxta suum modum, sit in potentia ad actum oppositum, non quidem simul, sed postmodum seu successivè habendum; quod est verum, etiam in opinione Adversariorum.

Dixi juxta suum modum, id est, juxta judicium rationis, quod non est ad unum determinatum per modum naturæ (quod velim notatum) quale est judicium ovium, quo sic lupum apprehendit ceu sibi nocivum, ut non possit istum non fugere. Ita D. Thomas, 1. p. q. 59. a. 3. in o. Et q. de Malo: *Forma, inquit, apprehensa per sensum, est individualis, sicut in rebus naturalibus: & ideo ex ea sequitur inclinatio ad unum sicut in rebus naturalibus. Sed tamen non semper eadem forma relinquitur in sensu, sicut in rebus naturalibus; quia ignis semper est calidus: sed nunc una, nunc alia; puta nunc forma delectabilis, nunc tristis: unde nunc fugit, nunc prosequitur; in quo conveniunt cum principio activo humano.* In quo autem differant bruta, aut in quo præterminat homo, explicat D. Tho. ibid. ad 3. Et de Verit. q. 24. a. 8. & alibi passim.

6. Unum ergo hic tantum superest quod ab Eupistino postulamus, quod.

T r ij

que non debet denegare, nimirum ut desinat fucum rebus facere, tantâ verborum amaritudine; sed nobiscum sincerè agnoscat duplicem Motionis modum, quò voluntas creata movetur; scilicet metaphoricum ex fine & objecto ex parte creaturam; & effectivum soli Deo & voluntati creatæ efficienter & activè se moventi proprium, ut ait D. Thomas, 3. contra Gent. cap. 88. Quòd si voluntas creata dicatur à sancto Doctore, 1. 2. q. 17. a. 1. *Primum Movens in actibus Anima quantum ad exercitium actûs*; hoc non debet Eupistinus obtrudere Lectoribus pro *Primo Movente* absolute, qualis est Deus Opr. de quo Aristoteles lib. 7. cap. 18. Moralium Eudæmiorum ait: *Quemadmodum in universo Deus est, & vicissim cuncta in illo: moventur enim omnia ab inexistente in illos Numine. Rationis autem non ratio, sed præstantius quidpiam est Principium. Quid autem scientiæ præstantius est, nisi Deus?* Idem ait Doctor Angelicus aliis verbis 1. 2. q. 109. a. 2. ad 1. quod unum deberet os obstruere omnibus Adversariis D. Thomæ.

Quibus nihil addendum puto, nisi id quod ait sanctus Doctor de Verit. q. 6. a. 3. ad 3. *Dens in voluntate agit, non per modum necessitatis, quia voluntatem non cogit, sed movet eam non auferendo ei modum suum, qui in libertate ad utrumlibet consistit: & ideo quamvis Divina voluntati nihil resistat, tamen voluntas & qualibet alia res exequitur Divinam voluntatem secundum modum suum, quia & ipsum modum Divina voluntas rebus dedit, ut sic voluntas ejus impleteretur.* Et ut occurreret illis, qui ex comparatione creaturarum (quibus aliquando utitur D. Thomas ad explicanda quæ Dei sunt) conantur eum reducere ad ordinem causarum naturalium, cum hoc sibi ibidem objectisset: *Certitudo qua est cum suppositione alterius, non est absoluta, sed conditionalis: sic non est certum, inquit, quod Sol causet fructum in planta, nisi planta sit disposita.*

Ad 4. respondet *Ordinem Divina Prædestinationis, quamvis sit cum suppositione voluntatis humana, tamen absolutam habere certitudinem, etsi in exemplo allato contrarium appareat.*

7. Ne tamen conqueri possit Eupistinus à me quidquam dissimulatum esse ex ipsius argumentis; hic adest P. Maignan, quem ille tanti facit, quòd contra totum suum Ordinem, doctrinam hanc Divi Thomæ sectantem, nobis hac in parte opposuerit; & quia ejus libri copiam non habebam, dum prædicta scriberem; nunc quia occurrit, dico pauca admodum in dicti Patris Maignan à me in ejus libro deprehensa, in quibus vel ob latum unguem differat à P. Fulienfi & à doctrina Molinæ, cum quo pag. 629. nu. 3. ait *Gratiam congruam efficacem effectum sortiri ex eo quod datur tali tempore, loco, modo, & subiecti affectione*; licet, ut ipse fatetur pag. 834. parè admodum *Scientiæ Mediæ utatur.* Quare cum non possem dictum P. Maignan confutari quin Lectorum gravarem superflua repetitione eorum quæ tùm hic, tùm alibi fusiùs contra Petrum à S. Joseph scripsi; satiùs duxi Lectorem ad prædicta remittere, dictò Patre ad id invitante potiùs, quam obfirmatò animò contendente pro sua opinione, quam velit aliis persuadere: nam vir modestissimus pag. 192. sic loquitur: *Ingenue dicam, quid mihi velut pro me solo parius sentiendum videatur, reliquà ceteroquin aliis facultate sentiendi, prout melius quisque judicaverit.* Nec dubitò quin perpenfis hinc & inde Divi Thomæ principiis, & doctrina ex illis necessariò educenda, jamque à me

pro modulò exposita, totus stet à nostris Partibus cum cæteris doctissimis ac Religiosissimis sui totius Ordinis.

Videsne Lector quâ Thomistæ non quærant quæ sua sunt hac in parte, sed quæ Jesu Christi, nempe ipsius Gratiæ per se efficacis defensionem, & perfectam Sanctorum Augustini & Thomæ hac in re consensionem? Et quæ rectam habuit intentionem Josephus à Vita defendendi hanc efficaciam; ipsius zelo ex animo gatulatur, & hoc unum in ejus libro approbatur. Quod verò cæspitat, & hictis Adversariorum mortis *qualitatis ferrea seu vis adamantine* libertatem auferrentis, perterritus à Divo Thoma recesserit & defecerit in modo speciali, magisque proprio ad hanc efficaciam comprobendam, quâ Deus quando, ubi & quomodo vult, quodcumque summa facilitate exequitur, ipsi condoiemus faciliusque ignoscimus quod præcipuum Adversariorum fundamentum circa naturam contingentium optime destruxerit ex principiis doctrinæ Divi Thomæ & ex Philosophia Aristotelis Sancto Doctori probatissima, quibus a centum annis nihil responderunt Adversarii, quod vel speciem habeat verisimilitudinis.



## CAPVT QVARTVM.

*Quid dicat Bellarminus, aliàs laudatus & ad examen revocatus? Probatur primò Bellarmini immutatio ex quadam negativa non resistantia ipsi affecta. Dissimulavit Eupisizus omnes Societatis Jesu Patres laudatos præter Bellarminum & Typhanium, citius redituros ad Thomistas. Non potest gravior injuria affingi Bellarmino, quam si ipsi denegetur præfata immutatio, ab aliis facta in ejus operibus.*

Nu. 1. **A** Mice Lector: causa aliqua censeri debet admodum desperata, cujus patrocinium suscipi nequit sine præjudicii novæ falsitatis: seu ut apertius loquar; cui non possit quispiam patrocinari, quin illico omnibus innotescat, quàm immerito litigare incipiat. Quid simile hic intuemur: nam lib. 2. c. 13. contra Petrum à S. Joseph evidenter demonstravimus Bellarminum fuisse hac in parte immutatum, ut eum suas in partes reluctantem & invitum pertraherent quidam Neoterici: idque probavi.

Primò duabus editionibus Lugduni factis, in quarum una non reperitur quod in altera legitur.

Secundò, idem confirmavi contradictionibus apertis, quibus doctrinæ Bellarmini fides merito abrogaretur: sed præcipuè convincenti ratione, qua impugnatur *negativa quadam non resistantia voluntatis* Bellarmino sufficta: per quam totum Gratiæ negotium, totamque cooperationem creaturæ conantur explicare sed perperam, & contra Scripturam. Si *voluntas* (inquiunt pro Bellarmino) *sinas se moveri ab objecto: Deus eam applicat: sin minus, non mover.* Nota istud Amice Lector.

At hic Modus, ut dictum est, admitti nequaquam potest: nam *voluntas*

- *si* *se* *moveri* *ab* *objecto*, *est* *voluntas* *non* *resistens* *&* *non* *reluctans* *ipsi* *objecto*: *si* *enim* *resisteret*; *hoc* *ipso* *non* *sineret* *se* *moveri*. At voluntatem non esse reluctantem & non resistentem, est effectus Gratiæ efficacis, ut ubique docet ex Scriptura D. Augustinus contra Pelagianos, nominatim lib. 1. contra 2. Epist. Pelag. c. 19. & 20. legendus etiam Doctor Angelicus lect. 3. in cap. 12. ad Hebr. Nec minus repugnat hic modus Ecclesiæ Orationibus, quibus à Deo postulamus *ut nostras ad se rebelles compellat propitius voluntates*, ut cordis durtitiam tollat, cor lapideum auferat, cor carneum conferat, &c.

Deinde ut præfata negativa non resistentia voluntatis palam confutetur, debebat sequenti argumento satisfacere Eupistinus pag. 108. factæ, cui ne verbum quidem repoluit.

*Ponamus hominem auditâ fide resistere corde indurato his qua sibi proponuntur: deinde converri à Deo.* Inquiro; quando datur illi concursus ut obediat fidei? An præsupponatur illa determinatio negativa, seu non resistentia voluntatis: an non? Si non præsupponitur; ergo ruit tota illa doctrina Bellarmino afficta: quia sine tali negativa voluntatis determinatione, dat Deus determinatum concursus ad bonum (aliàs creatura se ex se determinat ad bonum per id quod erat indifferens ad bonum & malum, & sic seipsam discernit contra Scripturam, & melius est id, quod in semetipsa efficit creatura, quam quod Deus, quod est contra D. Augustinum, & Doctorem Angelicum, omnesque Sanctos Patres.) Si verò hæc negativa voluntatis non resistentia præsupponitur. Ergo quando incipit esse non resistens, aliter se habet quam antea quando resistebat, ut per se patet. Hanc igitur mutationem vel facit Gratia Dei seu dextra Excelsi: vel supponit illam ab homine factam. Si illam mutationem facit Gratia: Ergo non ratione illius datur Gratia seu Dei influxus, sed ante ipsam datur ut voluntas determinetur, & fiat non resistens. Si supponit factam hanc voluntatis mutationem: ergo ante Gratiâ incipit tolli impedimentum ad fidem ex ipsamet voluntate, & habet à se conversionis initium, quia non est modicum salutis initium reddi non resistentem ex resistente, & sic ruit quod ait D. Thomas loco supra citato, scilicet temoveri à Deo impedimentum conversionis *ex dono Gratiæ Dei vocantis permiscordiam*; falsumque est (quod absit) Spiritus Sancti Oraculum *Dixi nunc capi, hac mutatio dextera Excelsi*, & ut uno verbo dicam, unâ spongiâ opus est, ut deleatur quidquid de gratia scripsit D. Augustinus. Suntque, irrisoriæ aut illuloriz justorum & Ecclesiæ preces, quibus à Deo postulamus ut rebelles & obduratos convertat peccatores: & sanè est Bellarmino valde injuriosum, istud affingere.

1. Hic obmutuit Eupistinus, qui longè facilius judicavit me convitiis lacerasse, quam huic argumento respondere. Ut tamen aliquem fucum rebus faceret, meque alicujus falsitatis arguere posset, prædicta omnia dissimulavit, ut Chronologiæ Lapsus circa mortem Bellarmini, miris in me exagitaret cavillis *infælicis astrologi, fallaci dioptræ usi*, &c. quibus me attollit encomiis: at, jure aut injuriâ, facile innotescet: siquidem non tam est difficultas seu controversia de morte Bellarmini, quam utrum manifestas in ejus doctrina immutationes ipse fecerit; vel ab aliis factas, viderit & approbarit: si enim illas nunquam vidit, perinde est quoad effectum & interrogationem *ipsidem à me factam*, ac si illæ immutationes, eo mortuo factæ fuissent. Nam

gravius Bellarminum ostenderunt, si eo vivente, ejus abutentes benignitate, has fecerunt immutationes, ex quibus hac in parte tota nutat illius doctrina, eoque res processit (si penes hos correctores ulla sit fides) ut de Sanctitatis ejus fama merito dubitari possit ut statim dicemus: Cum is utpotè doctissimus ac piissimus quidpiam melius excogitare posset, quàm id quod ipsi manifestissimè affingitur, scilicet *non resistantia hac negativa*. Et cum ex duobus malis, minus sit eligendum; nemo justè me cum Eupistino condemnabit, si Bellarminum potius judicavi mortuum qui se dicebat morti proximum in revisione suorum operum, ut faceret ipsemet Eupistinus pagina 229. quàm ipsum traducere ceu virum sibi metipsi contradicentem & in re maximi momenti; ut statim Deo favente invincibiliter ostendam. Audiam igitur apud omnes Eupistino judice tanquam *falsus astrologus* circa determinatum tempus mortis Bellarmini, per me licet, quia ut ait ille immutationi suorum operum tot annis supervixit, quod non potui prudenter ominari; mihi plenè sufficeret, si palam omnibus ostendam Bellarminum aut fuisse (ut ibid. dixi) à correctoribus Germanicis immutatum: aut duo subsequi, quæ statim subijciam inconvenientia, quæ nemo unquam sanæ mentis adscribet tanto viro; quidquid dicat Eupistinus, asserens quod si error reperitur in Bellarmini operibus, cum ipse effecerit approbatione suum, quod non parùm derogat ejus Authoritati. Sed miremur solentiam Eupistini.

Ex omnibus à me ibidem laudatis Authoribus Societatis, scientiâ & virtute præcipuis. Primum tantùm & ultimum selegit Eupistinus, relictis septem Aliis: quò unò satis apparet hac in re Eupistinum jure & causâ cecidisse, sive suffragia numerentur, sive (ut aiunt) ponderentur: Etenim septem qui ex illis, pro nobis supersunt, sine ulla controversia, Eupistino tacente, & numero & merito superant alios.

Sed quid si sponte ad nos redeant illi duo, quos vi & arte à nobis subducere conatus est Eupistinus? Antequam hoc ostendamus hic unum occurrat non prætermittendum. Præter graviora quibus usus fueram, argumenta, ad probandum, Bellarminum fuisse immutatum, obiter dixeram id constare morali indicio; nempe quod cum plusquam centies reperiretur *Prædeterminationis* in Bellarmini operibus; ne semel quidem legeretur in copiosissimo verborum & rerum indice: (quod Deo disponente horum correctorum diligentiam effugerat, ut ipse alio consimili casu adhuc evidentiori postmodum ostendam) idque in duplici editione Lugdunensi. Quid ergo egit Eupistinus, ut posset me *falsitatis, crasse ignorantia, immodè & palpabilis negligentia in evoluendis libris accusare*? Aliam tertiam citat editionem scilicet Coloniensem, in cujus indice ait se semel reperisse *Prædeterminationem*: At obsoletus est hujusmodi dolus; tanto intolerabilior, quanto frequentior apud Adversarios in tam frequenti librorum immutatione, ut aliquam possint suis æmulis creare invidiam. Sed relictis his levioribus, ad rem veniamus.

Postquam Eupistinus per plures paginas multam nobis ferruginem exposuit pro vera Bellarmini doctrina: pagina 238. sic ait: *Neque ullus nisi Calumniator temerarius q̃stabit ista, contra Prædeterminationem à nobis esse confecta, cum tam solidis nitantur fundamentis...* Cui sic breviter reponam. *Neque ullus nisi stolidus indicat ea quæ obtrudit Eupistinus, à Bellarmino unquam fuisse scripta aut approbata, si ipsum Bellarminum sincere intueri aut aus-*



*cultare voluerit. Sed mera esse figmenta, ipsi ab Adversariis imposita: arena-  
riis fundamentis astruēta ab Henao Secretario & aliis domesticis ad placi-  
tum excogitata: ex quibus prior, suā historiam, pro scientia-Media historica  
propugnata. sub camino ( ut aiunt ) fabricata: omnibus veritatem scientibus  
commiserationem movet: satisque ostendit aliquos iustam dare dubitandi ra-  
tionem, etiam dum aliquando quidpiam veri dicunt.*

Sed antequam hunc arenarium Eupistini aggerem destruiamus: hoc unum in  
primis petimus ab ipso: in quo scilicet Tribunali partes admittantur in testes?  
Et cum omnes quos ille adduxit in suarum adinventionum confirmationem  
sint vel domestici, vel scripta à nullo visa, ex Archivis Societatis educta:  
hæc ipsa me cogunt asserere, ab ipsomet Eupistino, Suique conficta esse,  
idque merito iure id ita factum esse contendo, post tot falsitates, quibus ipse  
convictus est Eupistinus: nam ex iure: *Semel malus (adit verbo venia) sem-  
per presumitur malus*, id est, qui toties sefellit, ei nulla debetur fides: superest igitur  
aut veritati à nobis propugnata acquiescat Eupistinus: aut alios suæ sententiæ  
inquirat testes.

3. At nos nullum pro Bellarmino nisi ipsum Bellarminum sui ipsius Inter-  
pretem sincerum, & Apologistam optimum adducemus: ex quo sic argumen-  
tabor. Si Auctor est Bellarminus Lolii quod in ejus doctrina est respec-  
tum, sive id scripserit ipse, sive ab aliis scriptum approbatione & consen-  
su suum fecerit, prout asserit Eupistinus; sensu communi caruit ipse Bellar-  
minus; nec ullus est qui de ejus salute bene possit sperare (quod absit vel  
suspiciari de tanto viro, de Ecclesia optimè merito.) Dux sunt partes: utram-  
que expendamus. Et quantum ad Primam.

Nullum evidentius perturbati animi indicium, aut magis apertum subver-  
sionis iudicii & sensus signum in aliquo habere possumus: quàm cum ille sibi  
ipsi in re singulari contradicit, quam solertiâ ac studio speciali indagare ac  
rimari studuit, cujus rei examen quodammodo erat ipsi commissum, expecta-  
tumque iudicium, quod si ita urget ac cæspitet, ut rem esse dicat, statimque  
non esse asserat; ab omnibus meritis iudicatur ratione perturbatus & ipso  
sensu communi orbatus. Et quamvis aliquando etiam apud viros egregios  
reperta sit aliqua contradictio, quatenus scilicet de rebus valde diversis seu ab  
invicem plurimum dissitis differentes, non omnino consequenter loquuti sunt:  
numquam tamen cum de una, eademque materia, uno eodemque loco cum  
prædictis circumstantiis expansa: ita ut unum & idem esse simul & non esse  
dixerint.

Atqui hujus contradictionis vitio & turpitudine sædant Bellarminum Ad-  
versarii, & specialiter Eupistinus, idque doctrinâ, quam ipsi conatur affin-  
gere: quamque non aliis firmat argumentis, quàm convitiis & domesticorum  
seu patrii suffragiis subindeque nusquam apud omnes æquos iudices admit-  
tendis. Majori propositioni hujus argumenti, nemo qui rationis particeps sit,  
potest non assentiri. Minor verò ex ipso Bellarmino, per totum orbem spar-  
so probatur: nam ipse lib. 4. de Grat. & lib. arb. cap. 14. arguit Almainum as-  
serentem Dei Concursum esse tantum concomitantem & simulaneum. *Falsum  
est (inquit Bellarminus) quod dicit Almainus, concurrere Dei non esse de  
prærequisitis. Rationem ipsemet ibid. reddidit, nam si voluntas humana, in-  
quit, est de prærequisitis, quia est causa actionis: cur concursus Dei, qui est  
etiam*

*etiam causa actionis, non erit etiam de prerequisiteis?* Quò nihil evidentius aut efficacius ad praecludenda omnia Adversariorum subterfugia. Quod notatum velim. Audi jam Amice Lector apertam contradictionem: Quidquid dicit ibidem prætenſus Bellarminus, ſcilicet capitibus 15 & 16, quibus palam impugnat Prædeterminationem, eò tendit, ut ostendar, *Concurſum Dei non eſſe de prerequisiteis ad agendum.* Quod eſt contradicção & è diametro oppoſitum ei, quod ſupra ex eodem retulimus, quò aſſeruit contra Almaïnum *Dei concurſum eſſe de prerequisiteis quia eſt cauſa actionis ſicut & voluntas ipſa.* Eſt igitur ex Bellarmino Dei Concurſus de prerequisiteis ad actionem: & non de prerequisiteis, ſed tantùm de concomitantibus & ſimultaneis. Eſt prævius ex cap. 14: & non eſt prævius ex duobus aliis capitibus immediate ſubſequentibus: quæ eſt contradicção intolerabilis: Cum ergo Primum Bellarmini testimonium cap. 14. citato contra Almaïnum (imprudenter à Correctoribus relictum) ratione & exemplo voluntatis creatæ (quæ eſt cauſa actionis) firmatum, ſit non tantùm Adverſariorum conſenſu roboratum, ſed & Suareſii lib. 1. de Concurſu Dei cap. 4. Ruvii 2. Phyl. q. 8. nu. 79. aliorumque adducentium præſatum Almaïnum pro ſufficientia concurſus ſimultanei, quem Adverſarii à tor annis, Præmotionis ſeu prævii loco ſufficere & obtinere conantur: inferendum eſt neceſſariâ conſequentione & quidem evidentiore ipſa luce meridiana; Bellarminum aut ſibi metipſi contradixiſſe, eodem in loco, & in re, de qua, rota erat inter Dominicanos & Jeſuitas controverſia, eaque maximi momenti, utpote in qua quaeritur: utrum palma ſit Gratiae aut libero arbitrio creato tribuenda, ſitque prima gloria boni operis Deo aut creaturæ debita? Aut certe dicendum eſt, quod fatentur omnes, qui ſemoto partium ſtudio legunt Bellarminum: doctrinam quam legimus cap. 15. & 16. & alibi paſſim, ſicut & illam; quam Eupiftinus eidem aſſingere conatur, eſſe adulterinam & ad placitum conſectam, ipſique falſò impoſitam Bellarmino & injurioſam.

4. Quod eò verius ab omnibus æquis iudicibus æſtimatur, quò Sapientiffimi Doctores Lovanienses, alique Bellarmini Auditores (pro quibus hæc Chriſti verba uſurpare poſſumus) *interroga eos, qui audierunt;* teſtentur Bellarminum ſemper docuiſſe doctrinam huic olyræ, nobis ab Eupiftino potrectæ, contrariam, quam in ejus controverſiis legimus locis ſupra citatis. Roboraturque idem argumentum ex cenſuris Facultatum Duacenæ & Iovaniensis contra doctrinam Leſſii latis, quam tamen Renovare & Bellarmino aſſingere conatur Eupiftinus.

Scio jactatum fuiſſe ab Adverſariis, revocata fuiſſe illam Cenſuram ab ipſa Facultate Lovaniensis; quæ ut hanc falſitate repelleret, ſolemni proteſtatione oppoſitum declaravit die 26 Febr. 1644: ſequè in ſua Cenſura *intra conſcientia & recta rationis dictamen,* perſeverare affirmavit, ut teſtatur ipſe Eupiftini Amicus pag. 262.

Quid ad hæc, mi Eupiftine? certe fatearis neceſſe eſt, omnium Cordatorum conſenſione (Deo qui veritas eſt, ſic diſponente) Correctorum Germanicorum diligentiam id effuſiſſe; quò omni ſtudio præ cæteris debebant ex Bellarmini operibus integrum cap. 14. citatum auſſerre, ex quo tam aperta inferetur contradicção, tanto Doctore protuſus indigna, & quam nullus ſanæ mentis, ipſi unquam aſſingere poterit.

Alterum verò argumentum uno verbo perstringam: quid sentire de homine, qui in extremis constitutus & Animam redditurus; sciens & prudens, se in aliqua mori opinione protestaretur, quam agnosceret & probabilius crederet, rectæ rationi repugnantem & Scripturæ Sacræ contrariam? Atqui (quod absit) talis est Bellarminus, si fermentum seu ferruginem ipsi ab Eupistino affictam, semel recipiamus. Opus probemus.

Non diffitetur Eupistinus pag. 219. omnes controversias de Auxilio sufficienti & efficaci, reipsâ pendere tanquam ab una radice, à controversia de cooperatione Dei cum libero arbitrio: de qua loquens Bellarminus (quod velim diligenter annotatum) lib. 4. de Grat. & lib. arb. cap. 16. (in quo remansit invitis Adversariis unde sufficienter mens Bellarmini innotesceret juxta doctrinam D. Thomæ) ait: *Altera ratio conciliandi libertatem humanam cum cooperatione Divina: & fortasse etiam probabilior juxta sententiam Divi Thomæ, qui docet cooperationem Divinam ita concurrere cum causis secundis, etiam liberis: ut non solum dederit eis & conservet virtutes operatrices, sed etiam eas moveat & applicet ad opus, ut cognosci potest ex 1 p q. 105. a 5. Et lib. 3. cont. Gent. cap. 70. Et de Pot. q. 3. ar. 7. Quæ sententia (inquit Bellarminus) videtur esse consentanea, tum Scripturæ, quæ dicit, nos in Deo esse, vivere & moveri. Act. 17. Tum etiam rationi & Ordini, quem habet Causa Prima cum secundis, &c. Ita Ille.*

5. His positis; fiducia juris, non metuimus partes admittere in testes: At ut refert Eupistinus pag. 236 ex Bibliotheca Societatis pag. 409. *Pauli ante mortem declaravit Bellarminus coram Notario publico & decem testibus; se in ea esse opinione de Divinæ Gratiæ Auxiliis, & materia quæ controvertebatur inter Societatem Jesu, & nonnullos alios Catholicos, ratum verumque habere, quod in controversiarum suarum libris scripserat.*

Illud autem quod nunc in dictis Controversiis legitur, quodque tanquam ex Bellarmini mente nobis obtrudere satagit Eupistinus: est è diametro oppositum & prorsus contrarium his quæ superius ex ipso Bellarmino retulimus, quibus assertit doctrinam de Physica Prædeterminatione à nonnullis Catholicis propugnatam, non solum esse probabiliorē juxta mentem Divi Thomæ, sed & consentaneam Scripturæ & rationi & Ordini Dei.

Mortuus est ergo Bellarminus (si Eupistini commentariis fidem adhibeamus) ab illa recederis sententiâ, quam cum omnibus nedum probabiliorē ipse judicaret, sed & rectæ rationi, ipsique Scripturæ Sacræ Oraculis, & ordini Dei omniumque Causarum dispositioni conformiorē agnosceret; & præcipuè ut profiteretur opinionem contrariam, solâ suâ novitate plusquam suspectam, contra quam tot viri doctissimi reclamant, & omnes ferè Universitates; quæ præfaram opinionem voluere omnibus notis expunctam, tanquam falsam & periculosam, expectant solâ fidei determinatione, quam ex jure reservarunt judicio Ecclesiæ, cujus sententiam ambiunt Thomistæ.

Verum enim verò, non existimo ullum esse veritatis Amatorem qui de tanto viro, de Ecclesia optimè merito, hoc inconveniens deglutiare possit. At illud sequitur, sicut oritur lux ex Sole, ex doctrina quam Bellarmino assignare conatur Eupistinus. Ergo, &c.

Jucundior fortasse erit Eupistino (quamvis non magis faveat ipsi) aliorum responsio. Dicunt enim Bellarminum sub finem vitæ annuissse suorum operum immu-

rationi morem gerens illis, qui sibi suæque opinioni ex tanti Viri præjudicio metuebant: sed ne quidem verisimile esse, Bellarminum voluisse sic repentè doctrinam D. Thomæ ab ipso laudatam deserere: ac subindè plus deferendum homini præclaras sui ingenii divitias expendenti, magisque credendum iis quæ sanâ mente, sanoque consilio scripserat, quam his, quæ fractis viribus & gravi infirmitate corporis (quod aggravat Animam) oppressus fieri permisit, magis tunc occupatus in negotio suæ salutis æternæ, quàm in examinanda doctrina quæ ipsi affingebatur.

## SECTIO UNICA.

*Fusis eadem Bellarmini immutatio confirmatur: falsusque ostenditur majoris pietatis prætextus, teste Typhanio laudato ab ipso Eupistino: Si Eupistino fidem abhiberemus periculosus esset Bellarmini obitus. Cur jam fateantur Neoterici doctrinam de præmotione esse probabilem? Testimonium S. Ignatii de Loyola pro doctrina D. Thomæ. Nec fictitia sunt falsificationes assignate in hoc capite, nec vera est calumnia Hugoni Cardinali imposita.*

Videsne mi Eupistine quam parum profeceris, idque in detrimentum & dedecus viri, cujus memoriam in benedictione habemus? cur non eas gloriam Deo, & sincerè fateris cum omnibus veritatis Amatoribus, præstatam Bellarmini protestationem sub finem vitæ factam fuisse de non mutanda & deserenda, (quam semper docuerat) hac (quam propugnamus) Sanctorum Augustini & Thomæ doctrina; sed de repudiatis omnibus illis novis opinionibus quas aliorum persuasione inferi permiserat suis operibus quadam indolis benignitate & spe fructus uberioris, ut ipsi loquuntur Auctores vitæ ipsius: quod vel soli fragmentis supra citatis, inconsideratè relictis in ejus libris, per totum ferè orbem sparsis: & testimonio Doctorum Facultatis Lovaniensis ita efficaciter colligitur, ut jam ferè pro Momo habeatur, qui his minimè suffragetur. Sed hic debebat advertere Eupistinus suum, suorumque subterfugium fuisse occupatum à sapientissimis Doctoribus Facultatis Lovaniensis in justificatione suæ Censuræ. *Si verum est quod scribunt (scilicet illi Neoterici)* Bellarminum nunc suam mutasse sententiam: equidem viderit, à quibus, quam idoneis, justisque causis inductus vel persuasus, id fecerit. Speramus tamen de viri illius ingenio atque doctrina: quod lecto & examinato iterum diligentius Augustino, quâ facilitate priorem reliquit Sententiam, eadem ad ipsam sit rediturus. Quâ in re prudentissimè ominati sunt, ac præsaga mente ejus reditum denuntiarunt, quo Eupistinus studuit illudere Lectoribus, contra expressam mentem eruditissimi Cardinalis, quæ meridiana luce evidenter apparet, collatis scriptis, quæ in dicta Universitate docuit, cum testimoniis in ejus operibus relictis, Deo sic disponente & veritatis defensionis, suæ Gratæ commendationi nec non Servi sui famæ ac honori invigilante & consulente.

6. Non poterit quoque ut arbitror, hic non mirari candidus Lector, quàm inconsideratè suum in nos intentum prosequatur Eupistinus, dum pag. 215. asserit Bellarminum dixisse *opinionem Prædeterminationis oppositam*

Vu ij

*esse magis piam.* Nam si hoc vel leviter suadere volebas, mi Eupistine: certe non potuisti nec debuisti nisi immeritissime fragmentis tuis ex Bellarmino falsificato adductis pro eadem causa Typhanium immiscere, qui ejusdem quoque pietatis deberet esse assertor, cum dicas ipsum esse Prædeterminationis physicæ, doctrinæ Lessii oppositæ, hostem acerrimum: At tantum abest ut hanc doctrinam magis piam tecum existimet Typhanus, ut omninò oppositam esse pietati auctoret. Nam lib. de Priori pag. 362. veram pietatem esse in præfata D. Thomæ doctrinâ affirmat, asserens *Aptam esse ad ingenerandam & alendam nostram erga Deum reverentiam & gratitudinem: eaque pietatem & ejus erga nos beneficentiam commendari.* Quid quætio augustius dici potest ad commendationem doctrinæ D. Thomæ pro qua militamus, & ab homine quem dicis nostrum esse adversarium hac in parte?

Quid non sperabunt Thomistæ & Sectatores doctrinæ Divi Thomæ ab Amicis & Commilitonibus, cum sic ab Adversariis excipiantur? Meretur sanè Typhanus-ut paulò fusiùs audiatur, ut saltem discat Eupistinus legere Auctores quos in nos adducit, vel erubescat eorum Authoritates ita palam dissimulare, aut ita fidenter illis imponere. Audi igitur, Amice Lector, qualiter *magis piam* dicat Adversarium doctrinam Typhanus. *Hæc, inquit, orandi studium imminuitur, & debitus Dei honor, omnisque erga ipsum gratitudinis sensus faciliè extinguitur.* Quid plura? Certè causa quam suscipis propugnandam, mi Eupistine, debet esse admodum desperata, si non solùm ii (quos existimas tuos Adversarios & Antagonistas) sed is ipse, quem pro te ceu strenuum Defensorem adducis; sic eam averfatur, iisque ipsam depingit coloribus, ut ob eos, vel solos; hæc doctrina omni homini sit fugienda.

Typhanio suffragatur vox Multitudinis, scilicet Universitas Lovanensis; cujus Doctores anno 1586. sequentem protulèr sententiam, contra doctrinam quam loco Prædeterminationis Thomisticæ satagit Eupistinus sufficere *Scientia hæc, inquit, Dei bonitatem obscurat, justitiam enervat, Scripturis illudit, Patrum testimonia in alienos sensus detorquet; humane rationis corruptioni applaudit; humilitatis fundamentum everit; precandi necessitatem non magnam relinquit, virium propriarum fiduciam ingenerat; quod precipuum est, homini donat; quod minus Deo, Gratiæ Dei libero arbitrio subdit, & ejus pedissequam facit....*

Et ne consuetis subterfugiis revocationis aut prohibitionis præfate hujus Censuræ possis Lectoribus illudere; scias præclusum esse à Patre Fasseau hunc coniculus in suo libro, cui titulus est, *Authoritas exauthorata*, pag. 444. & sequentibus, expectatâ à Summo Pontifice (ut par est) solâ fidei definitione, siquidem supra exscriptæ qualitates ejusdem doctrinæ, sunt ita apertæ juxta principia Scientiæ Mediæ, ut eam legisse sufficiat.

Hinc conjice, mi Eupistine, uter nostrum, ut jactas, infœlicior sit Astrologus, fallaciorque dioptræ usus. Et ut integram fidem absolvas; lege Amicum tuum Consentaneum, pag. 265. ubi pro se & Duacenzæ Facultatis Doctoribus sic loquitur contra sparsum rumorem revocationis præfati Judicii Censorii 1549. lati: *Quisquis de nobis aliter quàm nos (scilicet in præfata perseverare Censura) dixerit, pro mendacibus & calumniatoribus habemus: & si opus est, tales eos esse publicè in judicio contradictorio iustinebimus.* Hæc non ego, sed Facultas sapientissima.

7. Præterea hic tanquam certum suppono, nomine contradicente, Durandum nullum in ordine rerum naturalium admisit concursum Dei simultaneum, præter conservativum & virtutes habituales: at in ordine supernaturali admisit omnia quæ admittunt Adversarii: unde & revocando ea quæ supra dixit Molina, scilicet *alium liberi arbitrii creati non esse aliter à Deo, nisi quatenus eam dedit facultatem*. Quibus si addatur id quod asserit Eupistinus, à Deo non moveri effectivè & directè liberum hominis arbitrium, seu ex parte principii effectivi, sed moraliter tantum ex fine & ex parte objecti; & idem Patres Societatis non teneri hac in parte sequi doctrinam Divi Thomæ. Debebat idem Eupistinus aliquam nobis indicare differentiam inter doctrinam Molinæ, & Lessii, & doctrinam ipsius Durandi, quantum ad ordinem supernaturalem.

At Bellarminus lib. 4. de Gra. cap. 14. asserit doctrinam Durandi, hac in parte, falsam esse, Scripturis, Patrum testimoniis, & rationi repugnantem. Si ergo Bellarminus mori proximus, doctrinam Lessii, Molinæ, & prædictorum prætulit doctrinæ Divi Thomæ ab ipso laudatæ (ut fragmenta ab Eupistino nomine Bellarmini inducta testantur) mortuus est Bellarminus in opinione, quam ipse sanâ mente sanoque consilio pronuntiavit falsam, Scripturis contrariam, Patrum testimoniis & rationi repugnantem. Quis ad hæc, non obtusescat aut dici patiatur de tanto viro?

Denique revocetur in memoriam quæ diximus supra lib. præcedenti, cap. 12. de Gratiæ efficacia, & conferantur cum his quæ Eupistinus collegit, tanquam à Bellarmino scripta: & si major cum tota Adversariorum hac in parte doctrina. Lectorum & ipsius Eupistini conscientiam obtestor, an major sit convenientia inter horum Neotericorum placita, & traditam sancti Præsulis doctrinam, quàm inter album & nigrum: Et tamen si apud Eupistinum ulla sit fides, diem ultimum clausit Bellarminus omnino institutus & imbutus doctrinâ Adversariorum, & à D. Augustino alienissimus, cujus doctrina, Baronio Cardinali teste in Notis ad Tomum X. *ladi nunc aut nulla ex parte impugnari aut reprehendi non potest, sine manifesto viginti & amplius Summorum Pontificum contemptu, & sine singulari sanctæ Sedis Apostolica injuria*. Sicque vir piissimus naufragium fecit in portu, & is qui per totam vitam Summorum Pontificum defendit Authoritatem & Ecclesiam, propè mortem illos contempsit, ac Sedis Apostolicæ jura temeravit reprehensione & impugnatione doctrinæ sanctissimi Præulis, quem omnes Catholici inveniunt ac venerantur ceu lumen Ecclesiæ. Quis hoc ferat? aut quis ex odio tantum obesse posset Bellarmino, quantum nocet Eupistinus obsequio?

8. Non minus justæ erunt nostræ de Eupistini fide expostulationes circa ea quæ sequuntur: nam Bellarminus bene omnino ex Scripturis & D. Augustino semper defendit libertatem creaturæ, salvâ Gratiæ efficacia contra Hæreticos nitentes libertatem reducere ad solum morum spontaneum, solâ coactione remorâ; undè verbò, ad conditionem brutorum: & hunc modum perpetuò rejicit Bellarminus, & merito, veramque libertatem tueri immensem necessitate, etiam sub Gratiæ efficaci, quæ non nocet, sed favet libertati: id quod explicat Doctor Angelicus de Verit. q. 12. a. 8 mirabili discursu unius inclinationis alteri succedentis, & ex mplo lapidis, cui naturalis esset motus sursum, si Deus tantum ei daret levitatis, quantum prius habebat gravitatis;

V u iij

licque perspicuè explicat libertatem creaturæ, & ostendit voluntatem creatam nunquam cogi posse, cum sit essentialiter inclinatio.

Quid ergo egit Eupistinus? Is pag. 132. citatum Divi Thomæ articulum molitur in fumum redigere, & modum in Hæreticis impugnatum conatur obtrudere pro eo quo defenditur libertas creata sub Gratiæ efficacia; idque his verbis à Bellarmino prolatis: *Non volumus significare Deum ex mente Divi Thomæ, re ipsâ uti primo illo modo cum movet homines per Gratiâ efficacem.* Quod est verissimum; non enim per Gratiâ redigit Deus creaturam ad solum motum spontaneum, sed illius servat libertatem & contradictionis indifferentiam.

Profectò non potest major esse Lectorum ludificatio, nec turpius imponi Bellarmino, quam sic unum obtrudere pro alio: nam hic modus qui à nobis ex D. Thoma etiam sub Gratiâ propugnatur, est Deo Optimo maximè proprius, per quem hominis pravi mutat voluntatem, & cor Regis inclinat in quodcumque voverit; avertit cor durum & lapideum, & dat cor carneum. Quam ob causam dixit Bellarminus sincerus supra laudatus, præfatam Divi Thomæ doctrinam esse non solum rationi & ordini, quem Causa Prima habet in secundis magis congruentem, sed etiam Sanctis Patribus & Scripturis sacris plenè conformem.

Certè (ut tuis utar verbis, mi Eupistine) nescio quâ fronte ausus sis à te relatum tor paginis lolium nobis tanquam ex Bellarmino objicere, pro vero ipsius tritico, quod non ita fuit ex ipso eradicatum, quin adhuc sufficienter innotesceret (ut satis patet ex dictis) egregia hujus viri doctrina.

Quapropter sanctè, morti proximus protestatur est Bellarminus, se nunquam mutasse primam, quam semper docuerat de Gratiâ, sententiam. Quod perperam contra ipsius mentem & manifestam veritatem ad aliud, seu aliâ inventionem dictum referebat Eupistinus pag. 139. Quæ revocatio æquissima judicabitur, si perpendat Lector eruditus Bellarminum non permisisse immutationem suorum operum, nisi ob spem conversionis Hæreticorum, ut etiam referunt Auctores, qui ejus vitam scripserunt: at ubi primùm agnovit id non prodesse, sed obesse, ritè revocavit: quod verò obstit conversioni Hæreticorum, id quod insertum est ejus operibus, notavit supra laudata Centura Lovaniensis omninò legenda.

9. Sed qui fiat istud, non injucundum erit paulò fusiùs rem Lectori exponere, nec forsitan Eupistino ipsi prorsus inutile. Ex Gratiâ efficaci in Scripturis expressâ, perversam eduxerunt Hæretici consequentiam, liberi scilicet arbitrii creati eversionem. E contra Doctores Catholici & ipsum Tridentinum, potissimum hac de causâ convocatum, retentò hoc verissimò principiò, nempe efficaciâ Gratiæ, negarunt consequentiam, & sub Gratiâ efficacissima intactam & illæsam propugnarunt libertatem, non solum à coactione, sed etiam à naturali necessitate, supra quam, gradum facit libertas creata propius ceu major perfectio, magisque ad Deum accedens.

Hos sequuti sunt Thomistæ, & ex Scripturis, nec non principiis doctrinæ Divi Thomæ ostenderunt & quidem demonstrativè, præfatam Hæreticorum consequentiam esse omninò falsam; quia cum virtus Dei sit Causa Universalis & efficacissima, est causa non solum quantum ad substantiam actûs, sed etiam quantum ad modum ipsius liberum, ut ait D. Thomas, 1. p. q. 19. 2. 8. quò

unò, in solum abeunt omnia Hæreticorum & Adversariorum argumenta, ex præsentia læsione libertatis repetita, ut solâ evidentîâ coactus est fateri Cardinalis de Lugo.

Quid ergo egerunt ipsi Thomistarum Æmuli, ne ipsis subscribere, aut à sua priori sententia recedere viderentur? Post interminatas tot annorum disceptationes, quibus prætextu libertatis, Prædeterminatio physica, tanquam rupes fluctibus maris, fuit ab ipsis agitata: tandem aliquando devenere, ut doctrinam, aliàs malis, ne dicam horrendis hæresicos notis expunctam ab ipsis, jam cogantur admittere, saltem ut probabilem. Ita Eupistinus ipse, & Cardenas cap. 1. relatus.

Si verò quæras ab ipso Cardena, cur Thomistarum doctrina de Prædeterminatione physica, sit tantum probabilis, non verò convincens & demonstrativa? Seu quare per eam non demonstrativè, sed tantum probabiliter salvantur argumenta Hæreticorum?

Quia, inquit, inde *sequeretur doctrinam Jesuiticam esse evidenter falsam*. Qui verius respondisset, si non Jesuiticam dixisset, sed suam & Claudii Aquavivæ & Asselarum ipsius. Nam si quæ doctrina dicenda Jesuitica & Societatis, hæc sanè est, quæ S. Ignatio ejus Fundatori, illiusque Socio Salmcroni, S. Francisco de Borgia, unò verbò, omnibus Primis ac doctissimis totius hujus Societatis Patribus infra laudandis, est propria. At talis est doctrina de physica Prædeterminatione, in qua sic ipsi conveniunt cum Thomistis ut eam ex ipsis de verbo ad verbum exscripsisse videantur.

10. Si igitur ad has ageremur angustias, ut ex duobus malis minus esset eligendum; longè minus esset inconveniens ut doctrina Eupistini & horum Neotericorum, contra sanam suorum Majorum voluntariè & sine ullo fundamento excogitata, & adversus Scripturam, Concilia, Sanctos Patres, ac celeberrimas totius Orbis Christiani Universitates variis artibus & innumeris suppositionibus falsis inducta; ab omnibus, ut falsa habeatur, quam ut in ullo vel apice faveamus, aut conveniamus cum Ecclesiæ hostibus. Atqui, ut rectè notavit Censura Lovaniensis, horum Neotericorum doctrina hac in parte favet Hæreticis: si enim, ut ait Cardenas supra citatus contra Caramuclem, per doctrinam de Prædeterminatione, non evidenter & demonstrativè, sed tantum probabiliter solvuntur argumenta Hæreticorum ex Scriptura perperam & falsè accepta; & sequitur in suo robore illorum argumenta remanere: & quia istud ipsis summopere adulari: mirum etiam in modum foveret schisma ipsorum, qui ex principiis Defensorum Probabilitatis, ipsiusque Caramuelis, arbitrari possent suam doctrinam esse saltem probabilem, ac subinde juxta eorundem principia sufficere ad securitatem conscientiz. Quæ omnia cum sint falsissima, satis apparet quàm periculosum sit, & præsertim hac in parte, recedere à doctrina Divi Thomæ, qui (ut legitur in ipso Exercitiorum S. Ignatii libro) *speciali Providentiâ Dei, datus est mundo, ut dogmata ad salutem necessaria exaltius traderet atque deficeret*. An sancto tuo Patriarchæ audebis contradicere, mi Eupistine?

Si hæc & id genus alia pacatum efficere potuissent Eupistini animum, finem dicendi hîc libentissimè fecissem; sed inde vehementius in nos insurgit, asserens nos meritis egisse figmentis: paginâ siquidem 138. ait: *Quamvis simplex figmenti oppositio aliquid valere possit contra eos qui de dolis & frandi-*



*bus pro sua opinione tuenda excogitatis, aliquando fuerunt conviciti; nihil tamen valere potest, &c.*

At si necesse sit, non figmenta, sed realia exempla, eaque aded convincentia producemus, ut obmutescat Eupistinus, nolque forsitan convitiis & schomatibus vi vel sponte desinat lacerare: etenim si hic mihi liceat usurpare pro Angelici Doctoris defensione, id quod quispiam dixit pro sancto Præfule Augustino: fidenter dicam, ad mitigandum Eupistini animum: *Totius in eum pugna ratio mutata est, & patientiam nostram expertis crevit audacia. Sed incrementis mali magnitudo valebit ad remedium, ut eò facilius fugeatur malum quò minus rectum.*

II. Si unus esset in toto mundo Sinnichius, non debuisset Eupistinus, quantum ad falsificationem, detractionem seu immutationem Authorum tanto fastu suis insultare. *Æmulis*, sive eos tantâ verborum amaritudine & præfidentia provocare. Nam ex certis ejusdem Sinnichii operibus, tanta aliâs mihi insonuit *quarundam consonantium dissonantia*, totque infidos lapsus notavit in relatis ab Adversariis, Authoribus, & nominatim Divi Thomæ testimoniis, ut ob hæc vel sola, meritò silere debeat Eupistinus.

Sed quid tandem in ipsum peccavi, aut quorsum sic ille invehitur adversum me? Quod Bellarminum de Ecclesia optimè meritum ostenderim in suis operibus immutatum; ex qua immutatione impossibile est Bellarminum Bellarmino conciliare, aut ipsum eripere ex manifestis contradictionum vitiiis, tanto viro prorsus indignis.

Verùm an à veritate aut religiosa mansuetudine & modestia in hoc recessit? Etenim cum non possem factum denegare, aut ullâ tergiversatione, pro merito causæ & defensionis susceptæ, illud dissimulare, totâ quâ potui benignitate excusatam habui hujusmodi Correctorum intentionem, prout in similibus faciendum suadet D. Bernardus, asserens id factum esse ab ipsis bonâ intentione, scilicet *spe fructus uberioris reportandi ab Hæreticis*; sive ut heterodoxos possent ad Christi fidem facilius reducere: quod totum in hujusmodi Correctorum laudem & zelum (etsi non secundum scientiam) cedebat!

Et tamen ob hoc tantâ acerbitate & æstu in me accensus est Eupistinus, totque disertiis me impetit, ut tanquam *impostor & sycophanta* apud omnes audiam, nisi evidenter ipsi ostendam, hanc artem immutandi Authores in suum commodum & utilitatem, non esse novam & insolitam ipsis Eupistini Affectis: quod certe mihi facillimum erit: sique hac in re uti vellem istâ Carderæ regulâ pag. 77. sui libri, nu. 33. *Potest interdici liber vel opinio, sine eo, quod ejus doctrina condemnatur, v. g. Biblia ad vulgare idioma translata.* Hic non aliquas Authoritates, sed integra volumina in hujus rei fidem in medio proferrem. Legat qui voluerit caput undecimum libri præcedentis, in quo quinque sunt ad minus apertæ falsitates à Cardena commissæ in recenda Divi Thomæ doctrina in gratiam Probabilitatis, quàm falsò conatur ipsi affingere. Quibus si addere volueris 28 Thomistas à Magistro Philosophiæ Gratianopolitano & aliis, falsò quoque citatos, tanquam primos Probabilitatis Authores vel Patronos: totidem numerabis falsitates; sed ad alia properemus.

Edidit P. Jacobus Granadus, Societatis Scriptor, commentaria in Summam Angelici Doctoris, in quarum prima editione extabat egregia præfatio in commendationem

mendationem doctrinæ Divi Thomæ, quinque constans capitibus, 1. de excellentia & dignitate S. Theologia: 2. de ejus jucunditate & stylo: 3. de S. Thomæ Aquinatis ingenio atque doctrina mirabili: 4. universa Theologia parvis: 5. Epilogus Præfationis ad Lectorem. Sed quia plura in illis sibi valde contraria & a modum incommoda repererunt Asselæ Claudii Aquavivæ, ea ut vitare possent, aliam Authoris ejusdem fieri editionem curarunt Mussiponti, anno 1614. in quarto, Sumptibus Sebast. Cramoisy, in qua hanc Præfationem abstulerunt.

Sed singulari Providentiâ Dei, in invictum hujus rei argumentum remanserunt in tabula seu indice rerum prædicti capitum tituli, eo quo hîc leguntur ordine, & prout erant in prima editione. Quid ad hæc, Eupistine? Istud vocabis *simplicem figmenti oppositionem*?

12. Hîc adhuc unum adjiciam, quod licet leve videatur, non est tamen, ut loquitur Eupistinus, *simplex figmenti oppositio*. Id verò in hoc consistit. Non semel diximus juxta D. Thomam, duplicem esse determinationem: unam scilicet per modum naturæ; alteram verò per modum libertatis. Et quia inde nonnihil affulget luminis pro tuenda D. Thomæ doctrina hac in parte; referens Antonius Richardus edit. Paris. an. 1664. apud Cramoisy, pag. 150. sequens D. Tho. testimonium 1. 2. q. 13. a. 2. *Cum electio sit præceptio unius respectu alterius, necesse est quod electio sit respectu plurium quæ eligi possunt: & ideo in his quæ sunt penitus determinata ad unum, electio locum non habet.* Prætermisi. Antonius, ly penitus quò unò solvitur difficultatis nodus: nam per hoc manifestè excluditur determinatio naturæ, quæ re ipsâ est penitus ad unum determinata: non verò illa determinatio quæ est agentibus liberis propria, in qua, ut toties diximus, integra ad oppositum facultas relinquitur.

13. Cornelius à Lapide, tom. in 4. Prophetas Majores Antuerpiæ apud Nutium 1625. edito, pag. 19. duas extremas distinguit sententias; seu, ut loquitur, Interpretum genus (prætermisso tertio, *Vnum Judaicum... alterum Allegoricum. Primi generis* (inquit Cornelius) *sunt Authores Rabini, Indaismi Propugnatores, & Christi ac Christianismi hostes, quos incantè nimis sequuntur subinde Hugo (scilicet Cardinalis...)* Et loquens de hujusmodi Interpretibus, quorum sectatorem & aliorum consortem esse nostrum Hugonem, prætermissi Cornelius, subdit: *Indignantur hisce non pauci Interpretes & Doctores, atque acriter eos perstringunt, nec immerito.... Quid enim est aliud, quam Judæorum cecitatem fovere, iisque arma suggerere, quibus Christianos oppugnent?* Verùm quid magis injuriosum fingi potest adversus Authorem Christianum? At ut omnibus innoscat, quàm falsò fugillet Hugonem Cornelius, sciendum est subtilissimum juxta ac facundissimum Cardinalem commentaria edidisse in totam sacram Scripturam juxta quatuor ipsius sensûs, scilicet litteralem, allegoricum, anagogicum & tropologicum, juxta quos omnia distinxit indigendo quid ad litteram rei veritati, quid historice Synagogæ, quid Ecclesiæ, quid Cyro, quid Christo, quid Judæis & quid Christianis conveniat. Et ut quisvis esse possit hujusce rei testis oculatus; legat eundem Hugonem tom. 4. Coloniz Agripinæ apud Gymicum 1621. edito in cap. 8. Itaque pagina 22. ex quo faciliè judicabit quæ fides adhibenda sit Cornelio hac in parte: aut enim prædictus Hugo: *Dividitur hoc caput in*

quinque partes. Primò, *partus Virginis & nomen pueri nascituri describuntur.* Secundò, *vastitas Syria...* Tertiò, *jubetur solus Deus timeri... quod quia non fecerunt Iudaei, fuit illis ( scilicet Christus ) in lapidem offensionis & petram scandali...* Deinde dicitur *liber grandis, scilicet dignitate propter partum virginis qui in eo describitur.*

His præmissis, peto quæ gravior aut atrocior inferri possit injuria viro de tota Ecclesia optimè merito, qui præter opus Concordantiarum ( quo uno doctos omnes sibi devicit ) ingentia sex alia edidit volumina in utrumque Testamentum: primusque universam Scripturam cum illa mirabili methodo quatuor sensuum exposuit ) quàm illum accensere iis *qui fovent cacitatem Iudeorum?* Seu ut paucis complectar: per Cornelium non stat ( ut ejus utar verbis ) quominùs hic Cardinalis Religiosissimus, jam apud omnes audiat ceu *fautor Iudaismi ac Christi atque Christianismi hostis infensissimus.* Sed quid hic immoror in recensendis sigillatim factis ab Adversariis Thomistarum falsificationibus aut injuriis, cum in sola Ethica Christiana nuper in lucem Parisiis edita apud *Centesor*, anno 1673. disp. 2. pag. 52. & seq. intueri liceat 24. ipsius D. Thomæ testimonia à ficto Amadæo & Terillo, aut corrupta, aut ad id perperam exposita, ut facilius dixeris lumen oriri ex tenebris, quàm vel verisimilia suspicari possis, quæ sancto Doctori affinguntur ab ipsis?

Sed ne diutius hic Lectorum patientiâ abutamur, ipseque agnoscas, mi Eupistine, tuâ tam injustâ quàm importunâ ( quâ me urges & cogis ad ea detegenda, quæ ex animo vellem esse occulta, vel saltem nunquam scripta ) provocatione, me non excedere ( ut aiunt ) moderamen inculpatæ tutelæ, quotiescunque bene visum tibi fuerit, & id ita fieri authenticè postulaveris, tibi indicabo virum ( cujus nomen ex charitate reticeo ) qui in exiguo satis opere, ex quadraginta duobus Divi Thomæ testimoniis pro se adductis; triginta sex ita corripit & immutavit, ut sæpius negativam pro affirmativa, aut e contra usurparit.

Si ad hunc excusandum dicere voluero, id ipsi inadvertenter contigisse, aut bonâ intentione id factum esse, omnium fortasse irrisionem non effugiam; & exinde me pronum illicè facile quisque judicabit ad excusandas excusationes in peccatis. Quod si eamdem mecum nonnulli habeant hac in re benignitatem, præter ea omnia quæ apparent; non dubito tamen quin periculosissimum omnes judicent tales habere Interpretes Divi Thomæ, quantumvis jactent se super lenes intellexisse. Sed de hoc fusius in 2. Appendice.

Cæterùm, alterum ipsius Bellarmini confestem Typhanium audiamus, quem Eupistinus ait hostem esse acerrimum Prædeterminationis. Quare sit



## CAPVT QVINTVM ET VLTIMVM.

*In quo Typhanus iterum ad examen revocatur. Dolus Eupistini & fraudulenta ejus jactantia aperiuntur. Dilemmate irretitus est Eupistinus, & propriis sui Affectu testimoniis convictus. Alia dissimulatione laborat Eupistinus, & propria fama in hac causa rennissae videtur.*

Nu. 1. **S**I ille qui falsitatis apertæ semel est in judicio convictus, nullam amplius fidem mereatur: post duos Eupistini libros, in quibus tot graves aperti sunt lapsus & dissimulationes ingenuo homine penitus indignæ; hic non deberemus immorari diutius in confutandis, quæ falsè nobis ex Typhanio imponit: Atramen in Gratiam Lectorum, hic ea referemus ex ipso, quibus ipse Eupistinus ad penitentiam salutarem moveatur.

Et ne quis suspicetur eidem Eupistino à me quidquam imponi, ipsius verba hic fideliter referam, ex quibus mens ipsius faciliè innotescet: nam pag. 271. iteratà monitione ad Lectorem, illum sic alloquitur: *Hujus Extracti doctrinam, benevole Lector sincero veritatis studio diligenter expende, & mecum mirare, quâ fronte Typhanium, ejus Authorem, pro sua Prædeterminatione citare audeant Iacobus à Sancto Dominico... & P. Fassin, cum ignorare non possint (si ejus, quem citant, librum, viderint) ipsum esse acerrimum Prædeterminationis physica Adversarium. Legant, inquit, hoc Extractum, si eis libri copia desit; propriis oculis convicti, fatebuntur se deceptos fuisse, & pro opinionis sua Patrono, imprudenter infestissimum ejus hostem adduxisse.* Ita ne, mi Eupistine? Deus bone, quàm verè sanctæque dictum! *Ante rui nam exaltatur cor.*

Certè si existimasset Eupistinus omnes homines fore à Deo cæcitate percutiendos, ita ut nullus unquam posset tantam falsitatem deprehendere, adhuc ille non sic loqui debuisset, propriâ saltem reclamante conscientiâ, nisi fortè dixeris ipsum fuisse sequutum doctrinam illorum, qui dicunt unumquemque posse privatæ conscientiæ obfudescere, ut illam quærat in libris Caustarum, ex quibus non pauci tuentur usum æquivocationis & restrictionum mentalium, quibus tota confunditur Societas humana, nullusque certus superest locutionis aut conversationis modus.

Sed antequam ad tantæ jactantiæ repressionem me accingam, unum præmittam; quò auditò, quin obstupescat Lector nequaquam dubito: Eupistinum scilicet, aut nunquam intellexisse statum hujus controversiæ, cujus se constituit Judicem, aut nullum turpiori unquam dissimulatione usum fuisse.

Quod ut evidentissimè ostendam, dico duobus modis ab aliquibus explicatum fuisse prævium Dei Concursum: Primò, impressione qualitatis, seu appositione alicujus formæ absolutæ: Secundò, consuetò motionis virtuosæ vocabulò.

Prior modus ab Adversariis intelligitur, perpetuòque à tota Thomistarum

Xx ij

schola rejicitur : ita dux ipsorum Doctor Angelicus , 1. p. q. 110. a. 2. *Dupliciter*, inquit , *ex gratuita Dei voluntate homo adjuvatur. Vno modo in quantum Anima hominis movetur à Deo ad aliquid cognoscendum...* Et hoc modo ipse *gratuitus effectus in homine non est qualitas, sed motus*. Præfatus ergo motus ( ut ait D. Thomas de Pot. q. 3. a. 7. Et in 4. Sent. dist. 1. q. 2. & 4. non est forma absoluta aut qualitas , ut fatetur etiam Typhanius pag. 263. *Sed est aliquid incompletum per modum quo colores sunt in aëre, & virtus artis in instrumento Artificis cum eo utitur.*

2. Hic igitur est alter Modus , qui à nobis ( utpote notior in Angelico Doctore ) propugnatur : à quo non recedit Typhanius , ut patebit ex Divi Thomæ , quæ pro se adducet , testimoniis ; sed tantum à primo prorsus alieno à Doctore Angelico , negante formam aliquam absolutam , vel qualitatem tribui à Deo actu ad agendum causis secundis.

Alterum verò modum paulò fusiùs passim explicuit Typhanius , asserens pag. 241. qui ( sine prædicta qualitate , rectè intelligitur , quomodò Deus naturà priùs agat , quàm causa secunda. Nam & Sol , inquit , *per lumen calorem produciens , & aqua per suum frigus manum frigefaciens ; & Anima per suas potentias & habitus , actus suos eliciens...* nullam *superaddunt vel imprimunt qualitatem sive physicam , sive intentionalem*. Igitur neque Deus agens cum causis secundis.

Audi jam & quàm ritè ad mentem Divi Thomæ explicet hunc modum Typhanius citatus pag. 264. *Usus*, inquit , *motio & instrumenti virtus , est veluti quid medium , quò vis & efficacia agentis principalis transit in effectum*. Nam 3. p. q. 64. & alibi : *Illud esse incompletum virtutis instrumentalis , comparat motui : immò ipsum appellat Motum. Qui est actus imperfectus ab agente in patiens : At certum est motum non esse formam mediam ab agente & patiente re distinctam ; sed sol' metaphoricum quemdam egressum & exitum ipsius termini ab agente*. Nota hoc.

Præterea ibidem ait Typhanius ( esse illud incompletum ) *esse quoddam ( esse ) transiens ex uno in aliud* ; hoc est , ab Agente principali in effectum : igitur si transit , non remanet in instrumento. Itaque sicut est transitus metaphoricus , sic est , inquit Typhanius , *qualitas & forma tantum metaphorica , quæ virtus activa agentis principalis suam efficaciam per instrumentum transmittat in effectum*. Ex quibus satis apparet ab ipso impugnari solummodò formam absolutam aut qualitatem permanentem ; non verò motum virtuosum seu illud esse incompletum & transiens , quale est in instrumento , dum actu agens principale illò utitur , ut supra dixit.

Sed ut cognoscat Lector Typhanium ne quidem tantillum recedere ab Angelico Doctore hac in parte ; addit ibid. ex Divo Thomæ , quæst. de unione Verbi , a. 3. ad 12. *Agens*, inquit D. Thomas *non semper dat instrumentis novam formam vel virtutem quiescentem in ipso ; & tamen instrumentum in quantum movetur ab agente , consequitur quamdam intentionalem virtutem per influxum agentis , qui per instrumentum transit in effectum*. At quid verius aut aprius potuisset unquam excogitari pro defensione doctrinæ Divi Thomæ , pro quo militamus , quàm quod citat Typhanius ? Idem explicat ibid. Typhanius pag. 265. ex D. Thomæ 3. p. q. 19. a. 1. ubi ait ; *Operatio qua est rei solum secundum quod movetur ab alio , non est alia*

349

*Auditor Typhanius Formam absolutam excludens.*

*præter operationem movens ipsam. Ubi adhibet exemplum Fabri & Scribæ malleo & calamo utentium.*

3. Quod idem est ac illud quod toties diximus, unam scilicet esse Dei & creaturæ operationem, prout ista prius naturâ est à Deo; quàm ab agente creato. Et quia maximè adhæsit Typhanius essentiali dependentiæ, quam habet creatura à creatore; juxta quem modum magis dependet à Deo quam radius à Sole, ut toties diximus ex Angelico Doctore, qui id ipsum repetit opuscul. 60. Post hoc & id genus alia sic concludit Typhanius lib. de priori cap. 63. in fine *Motio quâ Deus causas secundas movere dicitur; aliud nihil est, quam ipsarum applicatio & usus ad earum effectus cum illis & per illas producendos: vel est ipsa causa secunda, prout Deus cum illa & per eam effectum attingit.* Qui modus ritè intellectus est ipsissimus à Thomistis ex D. Thoma propugnatus, ut satis ipse declaravit Typhanius D. Thomæ testimoniis ab ipso supra laudatis. Quid enim aliud sibi vult istud quod supra retulit ex D. Thoma, *instrumentum in quantum movetur ab agente, consequitur quandam intentionalem virtutem per influxum agentis, qui per instrumentum transit in effectum?*

Quod magis premens, & nobiscum excludens formam aut qualitatem permanentem pag. 261 ait: *tantum esse bonum ipsum actum liberi arbitrii à Deo moti, quò preparamur ad Gratiâ habituales suscipiendam, juxta quod, illud Scripturæ toties retulimus voluntas preparatur à Domino.* Si prædicta ab alio quam Eupistino essent relata, facilius ipsum haberem excusatum, vult enim Typhanius nobiscum & cum Scriptura ut patet, per Dei Motionem præparari voluntatem nostram ad Gratiæ habitualis susceptionem: ergo contra omnes Adversarios solius concursus simultanei Defensores, Deus insinuat in liberum arbitrium, illudque ab ipso immutat & aliquid in ipso recipitur quò disponatur; secus enim nequaquam disponitur sicut nec dicitur aliquis cibis, caro v. g. ad comestionem disposita, quandiu remanet intrinsecè non mutata.

4. Quid igitur egit Eupistinus ut per ipsum apud omnes audirem tanquam vir, qui alios decipere vellem, aut saltem qui Typhanii librum numquam vidissem? cautè usus est dissimulatione, fingens se numquam vidisse distinctionem seu animadversionem quam feceram modi, quo ipse Thyphanius mentem Divi Thomæ interpretabatur ac Prædeterminationem tuebatur, qui re ipsa non differt à nostro ut patet ex relatis supra ab ipso Divi Thomæ testimoniis: hæc ergo mea sunt verba sequentia, quibus objectioni respondebam lib. 2. stellæ cap. 16. pag. 118. nu. 4. in fin. *At quis nesciat, inquam, non unâ viâ adiri veritatem, plurimumque ad ejus gloriam referre, si diversis muniantur prædiis, & plures habeat vindices, qui diverso armorum genere eam tueantur? Quid ad hæc Eupistine? Quis nostrum usus est dissimulatione? Profectò si nec conscientiæ nec veritati litare volebas; famæ tuæ saltem melius consulere debebas; poterasque discere ab Angelico Doctore in cap. 12. Apoc. quem melius penetraverat Typhanius, non esse deviationem propter hoc à recto intellectu secundum Augustinum, licet unus intelligat alio modo quàm alter: vel licet unus intelligat pluribus modis: Et hoc ipsum est quod dixeram, quodque non debuisti dissimulare, diversis scilicet prædiis munitam esse veritatem.* Dic ergo cum Typhanio à te laudato lib.

X x iij

de Priori cap. 63. *Motionem qua Deus causas secundas movere dicitur, esse ipsarum applicationem & usum ad earum effectus cum illis & per illas producidos, tanque pax firma erit inter nos: uniusque tibi supererit labor, ut una sponsia deas, quidquid hac in parte à centum circiter annis à tuis scriptum est contra Thomistas: ipseque dolebis pro tempore tam male in nos insumpto. Sed ad hoc primum dissimulationis Eupistini exemplum, alia accedunt argumenta, quibus magis declaratur ipsum vel numquam intellexisse controversiam, quam suscipit dirimendam: aut certe voluisse lectoribus perpetuo illudere: duos istos parietes unâ fidelâ dealbavimus.*

*Legant hoc Extractum (inquit Eupistinus pag. 271... ab ipso scilicet saltum ex Typhanio) & videbunt generalia Prædeterminationis fundamenta (in quocumque demum ponantur) penitus eversa. Videamus igitur qui factum sit istud. Quod certe est mirabile. Quatuor fundamenta Prædeterminationis physiciæ lib. 2. cap. 1. contra Petrum Fultensem posuimus, nempe Universalitatem voluntatis divinæ: ejusdemque efficaciam Ex quibus alia duo deduximus, scilicet voluntatem Dei esse causam non solum facultatum & ipsius voluntatis; sed etiam operationum, ejusque voluntatis: quas rubinde diximus tum Angelico Doctore in Deum tanquam in causam proximam & immediatam esse reducendas.*

5. Ex his quatuor principiis inferitur à D. Thoma Conclusio generalis pluries ab ipso repetita, nimirum quod Deus si non tantum principium habituale in creaturis capacibus actionis, sed & actuale omnis operationis etiam libera: sit etiam causa rerum in fieri & in facto esse: sicut Sol est causa illuminationis aeris, quandiu lumen est in aere. Et hac omnia comprehendunt Thomista sicut illadem in nuce, nomine Præmotionis Physiciæ. Quare nihil mirum, si Thomistarum Emuli nihil intentatum relinquunt, ut hanc basim seu fundamentum destruant Nam sicut antiquus ille Philosophus jactabat se posse totam mundi molem subvertere, si extra orbem posset ipsi punctum assignari, cui sua Machina esset innixa. Ita si novo nostro Archimedi Eupistino concederemus hoc punctum, id est, Præmotionem non esse ex doctrina Divi Thome: facili negotio non solum totam ejus doctrinam de Gratiæ efficaci destrueres: sed & Animum ab ipso fidei centro, Dei scilicet Omnipotentia, (qua una fulcitur cum primo fundamento hac in parte, doctrina D. Thome, facile dimoveret Hoc posito, jam non inquiri mi Eupistino, an generalia hæc fundamenta, vel aliquod ex ipsis Typhanius everterit; sed an sit vel unum quod non coram maverit? Melius dicam, si inquisiero, an aliquod sit oppositæ opinionis (quam suscepisti propugnandam) quod ille funditus non destruxerit? Audi ergo. Primum non negas pag. 272. *Extracti tui* (ad placitum tuum à te fabricati) Typhanium asserere *Scientiam Mediam esse falsam*. Quam tamen in antiquis cineribus non inquisierant ejus Authores, nisi ut Prædeterminationem Physicam in favillas redigerent, vel potius illam à Scholis exulare cogerent: ne scilicet ex essentiali subordinatione & dependentia rerum à Deo, prævius in eas influxus judicaretur necessarius. Et de hac Scientia-Media loquens idem Typhanius (quod notatum velim) lib de Ord. cap. 24. n. 4. *asserit nullum alium Theologum ante Molinam, nec per somnium quidem de illa (Scientia) cogitasse: nec eam ullibi vel supposuisse vel adhibuisse ad ullam, sive Scripturæ Sacre: sive Scholastica Theologia difficultatem expediendam.*

Capite verò sequenti ibidem protestatur palam idem Typhanus *Sententiam negantem Scientiam Mediam, ( id est Thomisticam ) & antiquitatem, & Defensorum numerò & Autoritate, longè meliorem esse.* Audis ne Amice Lector, testes adversus nos ab Eupistino inductos? Secundò eundem Typhanum sequamur: quod si veritatem dissimulare perseveret Eupistinus; per se apud Lectores ad sui manifestationem satis ipsa valebit *evidentia.* Cum non possent Adversarii negare, quominus aliquis Dei concursus prævius in ipsam voluntatem esset admittendus, huic tandem & ægrè aditum patefecere: sed hunc concursum dixerunt esse vagum & determinabilem per voluntatem creatam.

6. Quid ad hæc Typhanus? *neque* (inquit pag. 242 (quod ejus, scilicet Dei; concursus sit indifferens ad hunc vel illum effectum singularem & individuum hujus vel illius speciei: ac determinetur & specificetur ad hunc numerò illius speciei effectum ab actione & concursu causa secunda & particularis ut nonnulli ( id est Adversarii ) putant. Hic enim modus ( inquit Typhanus ) Deo non convenit, utpotè imperfectus secundum quem Deus entitatem effectus adequatè non attingeret. Hic tuam mi Eupistine obtestor conscientiam; an aliud unquam dixerint D. Thomæ Discipuli, qui hanc de Prædeterminatione doctrinam sequuti sunt, utpotè necessariam tam ad vitandum Pelagianismum, quod, ut ait D. Hieronimus, *omnem excedit blasphemiam* quàm ad fugandam nefandissimam Manichæorum hæresim & impietatem: quod satis indicat Typhanus laudatus asserens sine Præmotione *Deum non attingere adequatè entitatem effectus*: quod est verissimum.

Et prospiciens Typhanus determinationem Divini Concursus esse præcipuam Adversariorum hallucinationem, ad ipsos reducidos iterum ait pag. 247. *quæ sequuntur neque item est, ipsum Dei concursum ex se quasi vagum & indifferens ad omnem effectum, & veluti dubium & ancipitem à causa secunda & particulari quasi fisti; restringi, inclinari, accommodari ad effectum particularem.* Et quia sæpè dicitur Dei concursus, communis: ne specificam ejus determinationem pro activa ( de qua supra ) obtruderent ait ibid, ejus contractionem *Analogià quadam fieri ad contractionem graduum Superiorum ab inferioribus* sicut animal determinatur & specificatur ab homine. Ubi in hoc determinatio effectiva? Admittit ergo cum Thomistis Typhanus determinationem tantum passivam. Quod velim notatum.

Neque principalem Thomistarum rationem voluit hac in re omittere Typhanus pag. 245. n. 9. *Quia, inquit, causa secunda respectu Prima sunt veluti instrumenta, quia non agunt nec movent nisi mota à Prima causa. Quemadmodum igitur manus baculo movens lapidem, hunc naturà prius, quàm baculus movere dicitur: ita & causa Prima in effectus causarum secundarum, quas movet, prius natura influit: sicut Anima per intellectum & scientiam intelligibilem producit intellectiorem...* Quid plura? Ac denique postquam septem modos exposuit, ob quos Deus prius agere dicitur: juxta nostram sententiam concludit: & maximè, inquit, propter quintam rationem.

7. Porro quintam hanc rationem fusè exposuit pag. 245. n. 12. ubi ait: *concludendum igitur quod, &c.* Prosequere totum ejus textum & confer illum cum nostro argumento contra Fuliensem factò lib. 2. c. 8. n. 10. & videbis an jota unum aut unus apex interfuit inter me & Typhanum, quoad pro-



bationem Præmotionis, ejusque necessitatem ex diversis gradibus entis, juxta doctrinam D. Thomæ 1. p. q. 45. ar. 5. & de Pot. q. 3. ar. 7. ubi fulsissimè.

Cerè numquam mihi persuadere potuisseni, quempiam studio partium ita addictum, & propriæ famæ & veritati apertè aded insensum, ut scribere auderet, quæ nobis omnibusque legenda ex Bellarmino & Typhanio tantâ præfidentia Eupistinus objecit: quem ex religiosa charitate nequeo excusare, nisi dixerò numquam ab ipso intellectum fuisse negotium quod tamen suscepit impugnandum: unde ut arbitror obtupefceret Lector, non quod tam perseveranter hanc doctrinam tueamur, sed quod adhuc, qui eam impugnare audeant, reperiantur: Cum in rei veritate hoc unum hac in re defendamus; *Creaturam rationalem nullum posse bonum efficere quantumvis exiguum aut tenue, sine Deo optimo ad illud eam movente & excitante*: Et quicumque aliter loquitur de Præmotione, nisi tanquam de aliquo tantùm ad bonum præmovente; extra chorum vel ignoranter vel malitiosè egreditur & contra veritatem loquitur.

8. Fateor durum esse id quod refert Henricus de Noris, nempe: *Molinam insudasse pertinaci 20 annorum labore, quo humanam libertatem cum Mysteriis Gratia & Prædestinationis componeret*; idque tam frustra ut videri potest in ejus concordia q. 14. ar. 13. disp. 53. memb. 2. nec fortè minores essent Suarezi querimonie seu expositiones hac in parte eandemque ob rationem: ut idem non negat tom. 2. de Grat. lib. 5. in prælud. agens de Grat. effic. Sed ipsi viderint; non enim est valde inolitum, parvum errorem in principio, magnum esse in fine: nam si Sæc. & Augustino & Doctori Angelico (ut par erat) adhæsisset: jam nulla esset inter nos & ipsos discordia, nullaque eorum discipulis pœnitendi ratio.

Sed dicet foras Eupistinus: nonne satius esset duo verba scilicet *Præmotionem physicam* saltem ob bonum pacis relinquere, quàm tandiu pro ipsis discipulare?

Itane mi Eupistine? Quid ergo ipse egisses, si tempore Arrianorum fuisses? An ob consimilem & falsam pacem, ipso bello pejorem, iis consensisses, qui teste Theodoro lib. 2. cap. 8. de Arrim. Conc. *Conquererantur quid corpus Ecclesie distraheretur ob duas voculas (Scilicet Substantia & Consubstantialis) easque in Sacris litteris minime repertas*: Illic agebatur de æqualitate filii cum Patre: hic de totius Trinitatis omnipotentia & Majestate illius, *cui nullus est similis in fortibus* ut loquitur Vares Regius.

Hacten us fuscè satis dimicavimus pro sincera D. Thomæ hac in parte doctrina: cui finem imponet sequens ipsius testimonium omninò ad propositum: in 2. Sent. dist. 29. q. 1. ar. 1. ad 2. ubi præter Gratiā sanctificanrem, quæ nos facit formaliter justus & Deo acceptos, ait aliam esse necessariā, *cujus non est ut solam Facultatem faciat in operando: hoc enim, inquit, ponebat hæresis Pelagiana: sed ut efficaciam & virtutem quamdam novam operibus hominum præbeat*. Vides centum alia ejusdem Sancti Doctoris testimonia, toto opere, ipsa, & nominatim pag. 292. Ex quibus inferes, impossibile esse, ut hac in parte dubites de mente Divi Thomæ, quantum ad doctrinam hic à nobis pro modulo propugnatam, sub ipsius & Beatissimæ Virginis auspiciis quibus lucubrationibus per Dei Gratiā in ipso ejus Visitationis ad Sanctam Elizabetham festo ulumam manum apposuimus die 2. Julii 1676.

CONCLUSIO.



## CONCLUSIO.

*Inutilis, immò noxius offenditur, præcipuus Eupistini conatus. Non minus infeliciter confugit ad Sanctos Patres & præcipue ad S. Augustinum hac in parte prorsus ei contrarium. Apertum exasperati animi, qui lite cecidit, indicium. Eupistinus Domesticorum testimoniis convincitur.*

Nu. 1. **I**am tempus est Amice Lector ut finem imponamus tertio huic libro Apologetico, quo totum secundum Eupistini volumen apertè confutatur: in quo ille tanquam fortissimum aggerem nobis objiciebat *Extractum* ex libro Josephi à Vita fabricatum à *Cnius* (ut aiebat) *fortem calamum* *opponere* *Torrenti Thomistarum*. Ne scilicet ulterius Præmotionem sequerentur. Sed hunc aggerem ostendimus esse penitus arenarium quassatumque calamum. Duo enim in hoc Josephi libro sunt distinguenda. Primum est alicujus Gratiae per se efficacia excellentia, quæ ut diximus, est præcipuus Thomistarum & ipsiusmet Josephi scopus. Alterum pertinet ad heteroclitam ac specialem methodum quæ usus est in explicanda Gratiae hujus efficacia natura. Er quia in hoc secundo (ut ostendimus) manifestè erravit Josephus, falso principio innixus, nihil est unde possit sibi Eupistinus ex eo adulari.

Quoad Primum; habent intentum Thomistæ scilicet efficaciam Gratiae, pro qua unâ militant adversus Adversariorum opinionem; cujus fundamenta destruxit Josephus ex certis & indubitatis Divi Thomæ principiis, quæ apud Doctorem Angelicum licuit verificare. At quantum ad alia ab hoc Authore excogitata, nihil certi ex ejus libro potest educi, donec ipse circa plurima mentem suam nobis rursùm aperuerit. Qui si per Præmotionem Physicam, nihil aliud intellexit præter *vim adamantinam, aut qualitatē aeneam* (quas averfamur) rem manifestè falsam supposuit, eoque turpius erravit, quò omnibus Thomistis imposuit, quod ne in uno quidem reperiri umquam potuit, à quibus perfecta libertatis creatæ indifferentia propugnatur ac evidentissimè demonstratur, etiam sub supremo Dei dominio & efficacissimo Gratiae Adjutorio.

Dixi ex hoc libro nihil certi posse educi, in iis duntaxat in quibus ex propria mente loquitur (nam quantum ad testimonia Doctores Angelici & alia hujusmodi, possunt in originalibus inquiri) quod ex ipso pag. 9. facile colligitur, ubi ait: *Habes studiose Lector oblatum à me opus, cui nec errorum correctio, &c. Sed horum primum abundantia venis: tot enim scates impressorum incuriâ erratis, ut ad ea corrigenda, integrum volumen necessarium fuisset.* Sui igitur voluminis errores & lapsus, sive proprios sive alienos, alio volumine emendet hic Author cum sit superstes, tuncque vidibimus, an quidpiam in illo reperiantur, quod meritò nobis objicere possit Eupistinus: quod nemo facile sibi persuaserit, cum post tot Eupistini conatus & lucubrationes ad revocandum Typhanium in suas partes, nihil ab eo audire

Y y

poruerit, nisi apertum Scientiæ Mediæ contemptum, pro qua tandiu insu-  
davit Eupistinus, & cujus falsitatem Typhanius ipse exerto ore pronuntiavit  
Eupistino teste.

Certè probata admodum censerì debet Causa aliqua, cum adducti in  
ejus condemnationem testes; publicè in ejus favorem loquuntur ac palam  
protestantur eam esse optimam; At talis est Thomistarum doctrina *T'm*  
*antiquitate, cum Defensorum numero & Auctoritate*: ut loquitur ipse Ty-  
phanius suprà laudatus & ab Eupistino adductus, tanquam noster hac in  
parte Adversarius & hostis infensissimus, ut ille loquitur.

Ex quo ipse vides, mi Eupistine, quàm male tibi hac in parte consuluisti,  
dum rursùm in nos insurgere decrevisti altero volumine; nisi fortè tibi per-  
suadere volueris, neminem fore reperendum, qui libros legeret post tuum te-  
stimonium.

2. Quantum autem attinet ad Sanctos Patres, & præcipuè S. Augustinum  
& Doctorem Angelicum; quò plus legentur, eò magis etiam omnes mira-  
buntur; qui ausus sis hac in parte, vel eorum meminisse in contrarium; nisi  
forsitan ut dixi, omnibus velis subducere libros, aut existimes te posse toti  
mundo illudere solis verborum officiis, & sic impedire homines ut deinceps  
hanc veritatem non intueantur, quæ una est ex iis, quæ in ævum stabit, tùm  
adversus horribilem Manichæorum impietatem, tùm contra superbam Pela-  
gianorum arrogantiam prædicabitur & triumphabit. *Veritas enim* (inquit S.  
Præsul in Pl. 61.) *quomvis ad tempus occultari possit, numquam tamen vinci*  
*poterit. Et nimis perversè se amat* ( ut idem ait Epist. 7. ) *qui & alios vult*  
*errare, ut error suus lateat*, aut ut magis clarè dicamus, ab errore renuit resipisc-  
cere, ne videatur aliquando erravisse.

Quare subterfugia præcludantur; siparia detrahantur & omnes occludantur  
hallucinationum causæ & occasiones, quas contra fictam Divi Thomæ de-  
fensionem à Patre Fulienti fabricatam, & ab Eupistino recentius revocatam  
ad incudem, aperuimus: tuncque neminem latebit; absolutè falsum esse Cas-  
siani coll. 13. cap. 17. dictum, à nonnullis objectum *Zachæum desiderio suo vim*  
*quandam Regnis Cælestibus inferentem, specialia vocationis monita prævenisse*,  
cum absolutè loquendo Deus semper præcedat, seu prout Scriptura loquitur  
*Præeat in via iustitie*. Qui ut ait D. Prosper contra eundem Collatorem cap.  
14. *Sibi preparaverat Zachai animum apud eum eligens hospitium, ut quem*  
*agnoscebamus salvum esse saltum, sciremus à quarente præventum*, Præven-  
tum, inquam, non illa inefficaci vocatione, quâ multi vocantur; & vocati  
sunt, qui ad nuptias venire neglexerunt: sed alia potentiori, qualis est illa,  
quâ fuerant vocati illi, de quibus Apoc. 19 dicitur, *beati qui ad nuptias Agni*  
*vocati sunt*. Quæ non tantum suadet, sed persuadet: non tantum allicit;  
sed adducit: non tantum terrore concutit, sed in amorem perficit; non tan-  
tum cordis pulsat ostium, sed cor ipsum aperit, ut ait D. August. lib. 15. de  
civit. c. 6. vel ut ipse loquitur de prædest. S. S. c. 5. quatenus per eam vocatio-  
nem *distinguitur consentiens à dissentiente, non solo arbitrio, sed gratia hu-*  
*jus beneficio, qua non est communis bonis & malis, sed discernit bonos &*  
*malis*. Quis enim te discernit? Et hæc est Gratia; quâ is, qui à Patre di-  
dit, non solum potest venire, sed reipsa venit, & tunc fit (inquit S. Præsul  
lib. de grat. cap. 14.) *possibilitatis profectus, & voluntatis affectus & altitudo*.

*effectus; totaque perficitur salutis nostræ æconomia, quia Deus per hanc gratiam subvenit voluntatis nostræ infirmitati, ut indeclinabiliter & insuperabiliter agat, & quamvis infirma, non deficiat.* Et hæc est summa totius nostræ & Adversariorum discordiæ: totam enim ipsius Gratiæ & liberi arbitrii concordiam deprimimus cum D. Thoma, ex infinita Dei potentia, quæ ut ipse ait, est primum fidei nostræ fundamentum. Nam ut ait D. Augustinus in Enchir. *Quis tam impie desipiat, ut dicat Deum, malas hominum voluntates, quas voluerit, ubi voluerit, quomodo voluerit, in bonum non posse convertere?* Quod uno Sancti Patris testimonio præcluderentur omnia Adversariorum subterfugia, qui Deum non intuentur ut Supremum rerum Arbitrum, sed ad summum ut sapientem ac peritum hominem qui teneatur explorare liberum hominis arbitrium & expectare occasiones ex parte creaturarum: Cumque premuntur & ab ipsis inquiritur; cur ergo Deus hos aut illos, eo non vocaverit modo, quo eos videbat sequuturos? vel illos (cum posset) non fecerit hujus optimæ indolis, quæ præditi sunt nonnulli, qui animam bonam sortiti dicuntur, & sælici quadam necessitate ad bonum feruntur.

Primo gradu in iudiciorum abyssum ruunt, quam ut vitare viderentur, specialem viam à se inventam esse gloriabantur: Scripturis tamen, Patribus & Conciliis contrariam, ac proinde falsam. Frustra igitur tot eorum artes & conatus, ut ejus rationem reddant, quod omnis rationis captum excedit, totaque ratio facti, est potentia facientis, cujus judicia justificata sunt in semet ipsa.

3. Hic fortasse non abs re erit, lectorem benevolum admonere ut suæ commender memoriz, indolem, genium & dispositionem eorum quibusque hæcenus rem habuimus: nam tales sunt, ut quamcumque in partem inclinemus, id est, siue raceamus, siue loquamur, numquam quiescant, sed semper obloquantur & exposculent, in ipsis etiam rebus, in quibus non raro gravissimè lædimur.

Explico magis. Si cuipiam nostrum, lassitudo, modestia aut contentionis odium sileat: persuadeant; eidem illico insultant sibi que adulantur, & exerto ore *factu triumphali*, ut loquitur Eupistinus omnium aliorum contemptu; tanquam victores omnibusque superiores exultant: testis est fictus Theopistus supra citatus, qui ob interruptam aliquandiu Defensionem nostram, continuè evanuit in cogitationibus suis, disseminato speciali libello asserente *unam esse in Ecclesia Molina doctrinam qua Catholicismum saperet.*

Quod si aliquando gloria Dei: veritatis periclitantis zelus, aut amovendi alicujus scandali obligatio responsum ab aliquo nostrum etiam invito extorqueat; longè alius vociferantur Adversarii & conqueruntur. Hujusce rei quoque fidem absolvet ceu locupletissimus testis, fictus Eupistinus, qui tantam animi amaritudinem adversum me, aliosque doctrinæ Divi Thomæ Defensores testatur, ut numquam viderim majorem exasperatibilibus rationem. Siqui lem pag. 14. sic inv. h. tur, *quid moremur*, inquit, *scriptiones quasdam diversis nominibus prodeuntes, instar veteris opsonii in diversa fercula partiti, quibus nihil apponitur. quàm crambe recocta.* Et *quod pejus est*, inquit, *nescio quod fermentum damnati odoris, & remissis penitus indolis suæ habemus* quandam suam synopsis revocat Eupistinus, in qua licet non sit plus so-

ludicatis, quam in Ælopi fabulis, talem tamen ac tantam in ea reponit fiduciam, ut ob eam, viros Religiosissimos, juxta & doctissimos (in quibus saltem debebat venerari caracterem) alloquatur tanquam molossos, *idēd*, inquit, *multis quasi factis argmine allaturum*. Deus bone! Et quamvis supra ducentis D. Thomæ, & Sanctorum Patrum testimonio aliisque ex Conciliis & Scriptura depromptis, ne verbum quidem reposuerit Eupistinus: magno tamen fastu & verborum jactantia pag. 14 sic loquitur *quadam obijciuntur interdum pinguis & crassa, qua forsitan consutare non expedit, ne credibilia videantur*

Siccine mi Eupistine his insolitis verborum fallaciis existimas te posse prudentibus illudere Lectoribus? Audi igitur, & hoc ipsum apud te remaneat alta mente repositum: totam tuam præsentem subtilitatem hic provocare non meruo, quia certus sum hac in re fundatissima, te nihil moliri posse, quod tam apertæ non convincatur falsitatis, quàm quæ hæcenus in duobus tuis voluminibus cum quadam commiseratione legimus: fortior est vino veritas, nec solis depellitur aut fugatur convitiis.

*Infelix apud te audiam Astrologus, falsa dioptræ usus*, per me licet; nam alii te uno excepto de me aliter fortasse judicabunt, vel ex eo solo quod tot argumentis & Authoritatibus nihil omnino præter injurias responderis, ex quibus omnes malè prorsus de tua causa ominantur, & in te, totius Theologiæ gravissima, proindeque non dirimenda Astrologiæ placitis, sed firmissimis Theologiæ argumentis ac rationibus, quibus nostram hac in parte doctrinam, citra omnem dubitationem posuimus.

Sit apud te & Cardenarum tantum Probabilis Prædeterminatio, mihi plenè sufficit, tum ut falsa habeantur omnia quæ à te & ab aliis scripta sunt à centum circiter annis: tum ut vobis ex vobismetipsis dempta sit facultas, quæ deinceps nos possitis ullis lacerare injuriis, cum apud vos sola probabilitas ponat in tuto suos asseclas.

Cæterum Amice Lector magnum hic nobis est præsidium nec minus solatium adversus tales utramque in partem claudicantes. Quia non est serpens supra Dominum suum Matth. 11. v. 18. & 19. ubi legitur. *Venit Ioannes non manducans, neque bibens, & dicunt: demonium habet Venit filius hominis manducans & bibens, & dicunt. Ecce homo vorax & potator vini & Amicus publicanorum*: quibus statim additur. *Et iustificata est sapientia à filiis suis*. Similiter sive respondeamus sive raceamus, nunquam quiescent adversarii, semperque conquerentur, nisi (quod absit) ipsis acquiescamus. Sed satis iustificata est D. Thomæ doctrina non solum à Thomistis & totius orbis Christiani Universitatibus: sed & ab ipsa Ecclesia veritatis columna: ut patet in Officio ejus Authoritate approbato, in quo S. Doctor dicitur *lux fidelium - norma, limex & lex morum omnium*: cujus Adversarios semper de veritate suspectos Innocentius Sextus declaravit, ita ut sapientis nomen proprium occultare cogantur, ne ex sola inscriptione eorum opera repellantur. Quis enim, si secus fecisset fictus Eupistinus, fragmenta nobis ab eo objecta & millies contrita vel aspicere voluisset, aut nobis illas ab eo audire injurias, toties falsitate convictas: cui adversum me integra præfatio diatribis & scholasticis referta nequivit sufficere, nec ipsius sedare animum contra virum Religiosissimum, magnum Decus Carmelitarum, ob hoc solum, quod relictis

quorundam Neotericorum placitis, in partes Thomistarum transferit, San-  
ctorumque Augustini ac Thomæ Triumphum ediderit, ob quem hunc in  
modum invehitur in ipsum Eupistinus pag. 10. *Si licet obstrepere apud vul-  
gum: si Triumphum Thomistarum affigere valuis: si publicare gazulas here-  
tici hominis ministerio: non moror: sunt porro Philerida, ego sum philaethes.*  
Utinam sic esset mi Eupistine, id est, verus es: is ipse Philerithes: hic non  
cogiter te monitum facere pro hoc Religiosissimo Defensore D. Thomæ,  
tibi que ob oculos ponere S. Cypriani dictum Epist. 55. ad Corneliū: *non  
qui audit, sed qui facit convitium, miser est: nec qui a fratre vapulat, sed  
qui fratrem cadit in lege peccator est.*

Quod verò ad nos spectat Eupistine, pro veritatis Defensione non defi-  
cietis, eo opitulante qui veritas est & Scientiarum Dominus, cujus domi-  
nium à solis Divi Augustini & Doctoris Argehei Discipulis condignè pro-  
pugnatur: & quicumque ipsis hac in parte resistit, nec rectæ rationi auscultat;  
nec Scripturis, Conciliis aut Patribus acquiescit, ut satis patet ex dictis.

Porro ipsi coram Deo iudicent, an æquum sit, ob privatam quandam ama-  
ritudinis radicem ex uno Aqua viva relictam; qui primus (quem sciam) con-  
tra Religiosissimæ Societatis Jesu statuta 4. part. Const. c. 14. contra omnium  
Majorum suorum, immo & Sancti Ignatii exemplum & documenta; voluit  
evanidam introducere Scientiam Mediam; iudicio præcipuorum assecularum  
suorum falsam, & unanimi omnium Sapientum sententia Deo ipsi inja-  
riosam. Quare hic tibi non opposui Dominicanos mi Eupistine, sicut nec  
aliās Fulienti, quem pro viribus ad vitam revocasti; nova ejus editione (dis-  
simulata ejus confutatione, quam præ manibus habes) sed rationes apertas & con-  
vincentes; plures Europæ Universitates celeberrimas, Concilia, Scripturam  
Sacram & Sanctos Patres, omniumque ferè Religionum Choros: ne quidem  
excepta Societate Jesu: iis tantummodo deinceps quos præfatus Claudius Aqua-  
Viva contra D. Thomam ipsum, prætextu Bannisi & aliorum Thomistarum  
excitavit. At si qui sunt modò ex hac Religiosa Societate, qui adhuc nobis  
hac in parte adversentur: certè non audent semetipsos comparare aut æquare  
iis qui à nostris stant Patribus, Sanctis Ignatio, Xaverio, Salmeroni, Toletio  
Aliisque pluribus supra viginti totius Societatis celeberrimis. Et hi sunt Pa-  
tres tui, Eupistine (quibus majorem quàm mihi injuriam facis) & firmissimæ  
totius Societatis Columnæ; ex quibus Henriquez lib. de fin. hom. cap. 4. ait  
doctrinam quam hic propugnamus esse concordem omnium doctorum sen-  
tentiam; & fusius expendens ea, quæ ex illa consequuntur: Adversarii nostri in-  
pugnantibus; notam temeritatis ut minorem insigit, asseritque Thomistarum  
doctrinam esse illam, quam S. Augustinus, Patres in Conciliis, & major  
meliorque pars Theologorum Antiquorum & torrens Recentiorum sequuntur  
in omni ferè Academia Orbis Christiani.

5. Possumus ex eadem Societate prædictis accensere Ludovicum à Ponte,  
celeberrimum Auctorem in Cantic. Parisiis editum apud De la Nouë, an. 1621.  
pag. 315. ubi exponens hæc verba (compelle intrare) ait: *Triplex est modus  
compellendi. Primus per superabundantem & extraordinariam illustrationem  
mentis & impulsum vehementem voluntatis, que ita cor immutat, ut qua-  
dam vi celesti ac divina impellat omnem vim carnalem, terrenam & mun-  
danam, quam à vitiis & passionibus, & à possessione rerum temporalium pa-*

sicbatur; incipiatque alacriter post Christum currere. Hac mirā vi traxit ad se Christus tres insignes peccatores, scilicet Magdalenam, Mattheum & Saulum, in quibus predominabatur concupiscentia carnis, divitiarum cupiditas, & superbia vitæ, qui facillimè ruperunt hac vincula per copiosam illis infusam gratiam, quæ illos ad Christum duxit & introduxit, traxit & intrare compulit. Rurū quidē hæc contingunt & miraculosa sunt; sed ut egregiè docet D. Paulinus, *In omni loco plura quotidie mirabiliora solit: signa crebrescunt, ut omnem, quantum in ipso est, hominem saluum faciat: ostendit in variis quod in omnibus, si veint, possit: sufficit enim universorum institutioni forma paucorum, quæ in utrumque proponitur, ut credentibus exemplo sit indurantibus testimonio*

6. Sic pro undecimo, ex ejusdē Sancti Ignatii Socii Rodriguez, non minus pietate quā doctrinā commendatus, in suo Opere, in quo componendo (ut ferunt) decem contempsit annos, jam idiomate Gallico ex originali Hispano. Legat qui voluerit Caput secundum integrum Tractatus de conformitate voluntatis nostræ cum divina, Parisiis editi 1631. apud viduam Buon, pag. 326. & seq. ubi inter cætera hanc Divi Thomæ doctrinam quam propugnatus adversus larvatum Eupistinum, ait. *esse adeo evidentem, ut probatione non indigeret, nisi diabolus eam astutiā obscurare conareret.*

Duod. cimus ex eadem Societate erit P. Claudius de Lingendes, tom. 1. Concionum, Parisiis apud Muguet 1661. editio, pag. 201. ubi ait: *Quemadmodum igitur quando objectum non est sufficienter propositum in naturalibus; intellectus non potest agere assentiendo; sed opus est externa potentia, nempe voluntate, quæ determinet intellectum ut assentiatur: ita quia in fide est obscuritas, non potest intellectus assentiri, nisi determinetur ab externa potentia, nempe divina, quæ pramoveat voluntatem ut velit producere actum credendi, qui actus etiam non elicitur, nisi pramoveat potentia divina.*

7. Hactenus de iis qui merito jure nomen sibi fecerunt in Societate pro tuenda Prioritate & Efficacia Causæ primæ. Alius superest ex eadem Societate Probabilitatis Adversarius, & verus, talem hac in parte, Divi Thomæ discipulus: (non enim omnia ejus evolvi opera, circa alia) nempe Comitulus Perusinus, Lugduni 1619. apud Cardon editus, qui ab ipsa Præfatione ait: *In deligenda autem opinione, eam quæ tum pondere argumentorum, tum testimonio auctoritate, antiquitate & multitudine vinceret, sequenti sumus: hanc enim dumtaxat tutam, ab omni metu culpa exploratam esse putavimus, in D. Thoma vestigiis semper institimus. Idem ipsemet ibid. Resp. Moral. lib. 1. q. 1. pag. 2. ait: Nos autem in disputatione quadam nostra de opinione deligenda, multis argumentis & testibus demonstravimus opinionem probabiliorē, min⁹ probabilis relictā, necessariū sequendam esse. Item lib. 2. c. 18. pag. 349. præf. æ editionis: Ioa. Medina, inquit Comitulus, apertissimè jubet in cap. de rebus resti. q. 22. a. 2. ad 6. rat. eum qui lucratius est quidpiam in ludo, lucrum retinere non posse, si pendanc animi & ambigat an retinere possit; quia in discrimen salutem Animæ suæ adducit. . .*

8. Et ibidem: *Dubitat Sergius, inquit Comitulus) an votum emiserit, ac subinde teneatur observare? Ipsemet affinnatè respondet: Ex decretali, juvenis de sponsalibus: ubi dicitur (in his quæ dubia sunt, quod certius existimamus, tenere debemus.) Verba, inquit Comitulus, sunt Pontificia sanctio-*

nīs : etenim qui secūs ageret, palam à ratione discederet; quæ semper, quod magis est, minus probabili debet anteferre... Rursūque infra ibid. Quia dum de hominis ac Dei rationibus agitur, & cum divinis humana præsentantur; id suā sponte quisque videat, quantū divina quàm humana debeant esse potiores; & quantū melior ejus hominis est conditio, qui in Dei quàm qui in sua est potestate; & qui à Deo possidetur, ejusque voluntate regitur, quàm qui se ipse possidet, & suo arbitrio gubernatur. Lege eundem lib. 7. q. 17. de Præscriptione, ne totum cogamur exscribere, ubi funditus evertit fundamenta remissæ Probabilitatis.

Quid plura, Eupistine, quo jam valebis aggere, hunc Torrentem (ut loqueris) non tantū Thomistarum, sed & ferè totius Ecclesiæ, nec non præcipuorum totius Societatis Jesu cohibere?

Porrò hæc ipsa, quæ dicitur ab Henriquez communis Ecclesiæ doctrina, ea est quam propugnamus, de æterno Dei proposito (quod est nostræ erga Deum gratitudinis abyssus immensa) qui in charitate perpetua dilexit nos, miseransque attraxit (prout Scriptura loquitur.) Qua in re non minus graviter nobis imponunt Adversarii, dum confundentes contra expressam Divi Thomæ doctrinam, ordinem intentionis divinæ electionis & executionis, absolute affirmant, à nobis gratuitam Dei voluntatem ab operibus separari: cum tamen ubique oppositum dicamus, asserentes prædestinatis repositam esse coronam justitiæ, qui nisi gratiâ adjuti satagent per bona opera suam certam facere vocationem, & electionem, nunquam consequentur salutem, nec pervenient ad gloriam. Et ita nec est occasio desidiæ, nec ullus superbix locus, iis qui ex Apostoli præcepto, debent in timore & tremore salutem suam operari. Et hæc est, ut supra dictum est, sana non solū Scripturæ & Conciliorum doctrina, sed & Sanctorum Patrum Augustini, Prosperi, Doctoris Angelici, D. Gregorii, cujus sunt aurea hæc verba, lib. 1. Dialog. c. 8. *Ea quæ sancti viri orando efficiunt, ita prædestinata sunt, ut precibus obtineantur: nam ipsa quoque perennis Regni Prædestinatio, ita est ab Omnipotenti Deo disposita, ut ad hoc electi pro labore perveniant, quatenus postulando mereantur accipere, quod eis Omnipotens ante secula donare disposuit.*

Desinant ergo Adversarii etiam hac in parte nobis adversari & imponere, qui in re tanti momenti non valemus tantos Authores ac Patronos deserere, aut ab ipsis dissentire. Et quamvis sola ratio humana nobis hac in re suffragaretur: minimè tamen pati possemus, ut de Deo magis indignè sentirent, quàm de homine sapiente, qui nunquam de mediis inquirendis prædenter sollicitus erit, antequam de consequendo sine apud se statuerit.

Et ne nova hic in nos insurgat calumnia circa reprobationem malorum, inter hanc & prædestinationem hoc agnoscimus discrimen à Concilio Valent. 3. cap. 3. expressum his verbis: *In electione salvandorum misericordiam Dei præcedere meritum bonum fatemur: in damnatione autem periclitantium, meritum malum præcedere justum Dei judicium.* Lege D. Thomam, lect. 2. in eap. 9. ad Rom.

Thomistarum doctrinam non minùs efficaciter quàm Henriquez, confirmat Pererius, quem Posslevinus, Societatis Scriptor, vocat *virum insigni eruditione & perspicuitate refertum*; alluens illam non tantum esse probabilem (ut vult Cardenas supra citatus) sed omnino veram, certam & indubitamam, à qua fas non est Philosopho Christiano dubitare.



Vis-ne, mi Eupistine, ut alios ex eadem Societate celebres prædictis adjiciam? Hi, Deo dante, factò agmine, citò in lucem prodibunt, ad confutationem eorum qui agnitæ veritati contradicunt.

9. His omnibus præficere debeo Sancto Ignatium Societatis Jesu Fundatorem, qui scripsisse non videtur, nisi ut apologiam efficeret doctrinæ Divi Thomæ, & in tuto poneret illos, quibus, mi Eupistine, tor artibus detrahere niteris, quosque alloqueris, non jam ut falsos Astrologos, sed ut *Sycophantas, Hæreticos, ignorantes & temerarios*; quibus calumniis minis feriuntur Thomistæ, quàm Sol obsecratur ex terris ac malignis vaporibus alicujus lutosi lacus. Quid enim in te scripserunt Thomistæ, nisi fortè quia his non consenserunt *qui* ( ut loquitur D. Greg. lib. 5. Moral. cap. 18. *communem scientiam habere refugiunt, ne ceteris aequales aestimentur*... ut apud imperitorum mentes ipsi de scientia singularitate gloriantur; quosque videtur adumbrasse Richardus à S. Victore. *Qui volentes, inquit, sibi nomen facere, studuerunt nova invenire, quibus non tam fuit cura, ut assererent vera, quàm ut putarentur invenisse nova.* Sic Molina loquens de sua nova concordia Methodo, q. 23. ait: *A nemine quem viderit, suam hucusque ( nempe libertatis concilianda ) traditam esse rationem.* Cum tamen ( ut superius in Sorbona propugnatum diximus ) hoc nihil redoleat, nisi vetus quoddam fermentum.

At quicumque similem novitatem Divo Bernardo venditare voluisset; sine dubio, hoc ab eo responsum tulisset, quod apud ipsum nobis est relictum in Epist. 189. ubi ait: *Magister Gentium accepit à Domino quod & tradidit nobis. Magister omnium faceret doctrinam suam non esse suam: nec enim, inquit, à me ipso loquor. Tu verò de tuo nobis tradis, & quod à nemine accepisti: Qui loquitur mendacium, de suo loquitur.* Itaque, mi Eupistine, discas non à me, sed à sancto Præule Prospero contra Collatorem, nihil magis injustum quàm *pacem vulticis Ecclesia resumptis à damnatorum schola quaestionibus inquietare.* Vel si mavis ab ipso Sancto Ignatio, cui accensere possum Sanctum Franciscum de Borgia qui eadem, quam statim subijciam; imbutus doctrinâ, pro ejus confirmatione, Bullam obtinuit à Summo Pontifice Paulo Papa Tertio, quâ Divi Ignatii de Loyola liber typis magis authenticè mandaretur, eisdem exposuit: *Hæc Divi Ignatii exercitia spiritualia, ex sacris Scripturis & vita spiritualis experimentis elicita, pietate & sanctitate plena esse.* Pro quibus subinde pleno jure possum S. Franciscum Xaverium laudare, tanquam hujus libri Author esset, quem suum fecit suo studio, diligentia, æstimatione & testimonio. At in hoc libro Exercitiorum Divi Ignatii, Antwerpæ apud Marcium 1635. edito, pag. 72. & 73. loquens S. Ignatius de tempore triplici ad electiones ritè faciendas, hæc habentur: *Primum tempus erit quando voluntatem divina virtus sic impellit, ut omnis dubitatio, immo etiam dubitandi facultas Anima sublata sit, quominus sequatur impulsione talem, sicut legimus Beato Paulo & Mattheo, & aliis nonnullis vocante Christo accidisse.*

Hoc positò, hîc libenter inquirerem ab Eupistino, quid dixisset S. Ignatius ( solo nomine excepto ) si aut Dei præmotionem, aut Gratiæ Dei efficaciam exprimere voluisset? Reperiet ne Eupistinus ipse in præfato testimonio præceptam suam congruæ vocationis Gratiâ in Conversione Divi Pauli, data in exemplum,

exemplum, etiam quando erat *spirans minarum* & cadis. Aut dicit hanc conversionem non fuisse liberam, etiam sub hoc potentissimo Gratiae efficacis auxilio? Certè utrumque ita est alienum à veritate, ut Eupistinus ipse non ausit contradicere. Nam ut ritè adnotarunt Sapientissimi Doctores Lovanienses in justificatione suæ Censuræ, cap. 13. *Si Gratia infallibiliter voluntatem determinans, est libertati contraria; sequitur Paulum, Magdalenam & alios non fuisse liberè conversos, & idè nec meritorè.* Quod nemo sanæ mentis dixerit.

Verùm existimabit fortasse quispiam non satis esse S. Fr. de Borgia curasse editionem præfari libri, ut illinc cum pro nostra sententia citare possim: fateor: ipsummet ergo audiamus in suis operibus Bruxellis recens, id est an. 1675. editis, in quibus primò remotionissimus apparet à concursu Dei vago & indifferenti Anthomistarum: nam pag. 138. n. 62. in expositione horum verborum (aufferam à vobis cor lapideum) ait: *Monitos velim peccatores aptissimè eos lapides nominari: lapidi enim, nec momentis locutio, nec tactus blandus; sed solùm malleus vi incussus imprimit signum.* Sic peccator, *quomòis illum moneas, quoad infirmitatis illius cum vexet, aut dedecoris nota innotatur; nulum penitentiae signum edet: idè Dominus dicit: (Verba mea sunt quasi ignis & quasi malleus.*

Nota pro prædicto Sancto, errore Typographi, citatum fuisse S. Xaverium, pag. 360. Quod velim emendatum.

Secundò. Non minùs evidenter divini Auxilii efficaciam expressit pag. 120. n. 219. *Illo, inquit, comparabant sibi coronam fortissimi Martyres, quibus jam obfirmatis, submisso Dei Auxilio, & cruciatus & flagella, & liquidum plumbum, & ferrei pectines, & ungula & enses & cetera suppliciorum instrumenta, quæ sine horrore ab ipsis crudelitatis Administris, aspicere non poterant, pro festis & deliciis habebantur.* Lege eundem pag. 443. nu. 84. Sed unò verbò quis magis addictus doctrinæ D. Thomæ, quàm vir ille Sanctissimus, qui affectu mirabili totam illius Theologiæ summam redigit in modum supplicationis seu Litaniarum, lib. 8. ferè integro: v. g. *Deus, cujus voluntas est causa rerum, miserere nobis. Deus cujus voluntas semper impletur, mis.* Notatis ad marginem singulis ejus articulis, ex quibus, si aliquos brevitatè causâ omiserit, pag. 396. ait: *Non quod ab his dissentiam, sed ne adeò protrahar, aut tibi ampliori defatigationi sim.*

Non minùs itare à partibus Thomistarum, quantum ad vagam Probabilitatem rejiciendam judicabitur: *querens enim quid esset fluctans, quando pendebat animo, aliquo dubio?* Non ad Dianam aut Escobarium aiebat esse recurrendum, ut aliquam reperiret opinionem (quæ illis ferè nunquam deest, in utramque contradictionis partem;) sed pag. 442. nu. 78. ait: *Quando, Anime mi, es tristis & dubitationibus fluctans, quæ majore ex parte sunt peccatorum reliquia: accede ad Dominum, ut te illuminet; illi supplica cum omni demissione, ut tibi largiatur claritatem & lumen, quo illustratus non aberres, sed in universis ritè procedas; orato ipsum, ut ostendat tibi suam sanctam voluntatem: nam scriptum est: (Omnipotentis inspirationem tribuere intelligentiam.)* Quid plura? Ad originem revertamur: nam cum palam novis opinionibus fides everteretur (inquit Sinnichius) omnia sunt ad originem revocanda. Si rationem quæras, occurrit Terrullianus de Præsc. c. 13. *Quia, inquit, anterior semper falsitate est veritas, ut si quid posterius inveniatur.*

fuerit, *Rizianorum superseminatorum exemplo, falsitati sit deputandum. Sen* ut ibid. cap. 31. ait : *Itaque ex ipso ordine, manifestatur id esse Dominicum & verum; quod sit prius traditum : id autem extraneum & falsum, quod posterius immixtum.* At talis est doctrina Adversariorum hac in parte, & præsertim pro Scientia Media, ut ipse Molina fateatur.

9 Sed igitur advenisti, mi Eupistine, ut quidpiam veri nos doceres; & has supra 20. firmissimas Societatis Jesu columnas, hac, quam cum illis propugnamus, veritate, solidatas concuteres : nec tu, nec cæteri omnes, quotquot tecum solis artibus ac falsis suppositionibus aggregare studuisti; unquam si sapiant semetipsos præfatis ac præcipuis totius Societatis præferre aut comparare audebunt. Ex quo vides à me, ut sponendi, non minus peragi partes Societatis, quam Dominicanæ Religionis; vel ut verius dicam, communem Religionem & ferè totius Ecclesiæ causam.

Verum ad Divum Ignatium redeamus. Splendore ac pondere Authoritatis præfate ex D. Ignatio depromptæ quidam stupefacti, cum nihil haberent unde huic responderent, dicere ausi sunt Sanctum Ignatium non fuisse Theologum: qui tam indignâ responsione ejus testimonium non infirmarunt, sed potius probarunt semetipsos non esse ejusdem Societatis Theologos, quæ in eodem libro sancti hujus Patriarchæ condignas egit vindicias, quibus tam ipsi, quam Eupistinus in ævum contra Thomistas obmutescere debeant. Siquidem pag. 3. citati libri legitur : Exercitiorum S. Ignatii Directorium typis excusum, ad omnes provincias fuisse transmissum, ut sciretur an quid melius dici posse videretur, & acceptis Romæ à R. P. Generali remissis; deputavit ipse Patres ad recognoscendum præfatum Directorium, quò peractò, prodiit opus tale ex quinta Congregatione, quale modo habetur.

Arqui in præfato ejusdem libri Directorio pag. 87. cap. 26. quod est de *tempore triplici ad electionem vite faciendam*, postquam D. Ignatius primum vocationis modum exposuit, ut supra, qualis fuit in vocatione Pauli & Matthæi, & dixit non nisi rarè hujusmodi vocationes miraculosas contingere : tamen, inquit, *legimus & videmus quasdam que quodammodo ad eas videntur accedere, &c.*

*Secundum igitur tempus, inquit, magis ordinarium; cum scilicet Animus inspirationibus & motionibus internis agitur, iisque tam efficacibus, ut sine nullo intellectus discursu, aut ferè nullo, voluntas feratur in Dei servitutem & perfectionem.*

Deinde prosequitur tertium tempus, quando nimirum ratiocinando, rationes pro una & altera parte ponderantur. Et postquam istos tres vocationis modos summè approbavit, cap. 27. seq. ait in primo & secundo modo voluntatem præcedere intellectum. *Et suppositò* (inquit Directorium) *quòd motio illa sit immediatè à Deo, sine dubio excellentior via est & altior, cum voluntas divinitus illustrata præcedit & trahit intellectum, quia etiam Aristoteles, ut refert D. Thomas, ita ait : Illis qui moventur secundum instinctum divinum, non expedit consiliari secundum rationem humanam, quia moventur à meliori principio, quam sit humana ratio.*

Porro voluntatem divino lumine illustratam aliquando præcedere intellectum & rationem humanam, sapienter notavit dicta Congregatio Quinta; & hoc ipsum est quod supra diximus ex Tridentino asserente liberum arbitrium crea-

tum à Deo moveri & excitari : moveri quidem , quando Deus voluntatem applicat operi , seu voluntas movetur ex parte principii effectivi : excitari vero , cum opus explicat voluntati , ut loquitur D. Bernardus supra laudatus , seu quando voluntas creata est mota ex fine aut objecto. Et tanquam præflagâ mente voluissent illi Patres sapientissimi , prædicto occurrere subterfugio ( quo dixere nonnulli S. Ignatium non fuisse Theologum ) ab omnibus habito ceu temerario ac falso in dicti libri præfatio dixerunt : *Hæc spiritualia documenta , non tam ex libris , quàm ex unctione Spiritûs Sancti , & ex interna experientia & usu , noster in Christo B. Pater Ignatius composuit : hæc sunt lumina , quæ ei Dominus in ipso primo conversionis fervore inspiravit , &c.* Quid ad hæc , Eupistine ?

II. Et ne possis ambigere de mente & reverentia totius tunc Societatis erga doctrinam Divi Thomæ , ( præter ea quæ supra diximus ex præfata Congregatione Quinta , antequam in Belgio dissidium oriretur , quod tot artibus fovere & excitare nititur Eupistinus ) inter stabilitas quasdam ad sentiendum cum Ecclesiæ Regulas , in præfato D. Ignatii libro legitur , *Sicut Sanctis Doctoribus antiquis , Hieronimo , Augustino , &c. scopus fuit ad amorem & cultum Dei amplectendum animos movere : ita peculiare est Beato Thomæ , &c. Dogmata ad salutem necessaria exactius tradere atque definire , prout convenit suis temporibus & posteris ad errores hæresim confutandos.*

Debebat igitur Eupistinus opera D. Thomæ paulò accuratius indagare , de quibus ait Cardinalis Palavicinus ( magnum decus præfate Societatis in Epist. numcupat. lib. 7. de virt. & Sacramento penitent. t. ad P. Vincentium Preto Ordinis FF. Prædicatorum & Generalis Inquisitionis Commissarium ) *codices legimus viri ( id est Doctoris Angelici ) de quo , non tam Ordo tuus , quàm Christi Ecclesia , ipsumque humani generis Nomen merito gloriantur . . . præclare ( inquit ) mecum egit Divina bonitas , quod me vocavit ad eam Religiosam Cohortem quæ jubetur Angelici præceptoris Theologiam sequi : eam namque sequeretur vel in iussus , immò vix non sequeretur vel prohibitis , quod tantopere nunc delector , ut vix alium è Scholasticis diu teram sine fastidio . Non quod in cæteris , multa non inveniam mihi ignota & oppidò pulchra : sed alia plura longè pulchriora me inventurum fuisse si Divo Thomæ tempus impendissem.* Videsne mi Eupistine , quis fuerit affectus erga doctrinam Divi Thomæ , omnium Antiquiorum Patrum Societatis Jesu , quiseve etiam nunc plurium recentiorum , Typhanii , Connitoli ; Præfati Cardinalis Palavicini , quem pœnituit , quod hujus doctrinæ præstantiam nimis sæpè cognoverit ? Ex quo à centum circiter annis plusquam millies demonstratum est , prædictam quam propugnamus doctrinam esse necessariam , tum ad auferendas Pelagianorum reliquias , & eradicandam superbix radicem seu extinguendum illius fomitem scilicet liberi arbitrii arrogantiam , quæ vult sibi redditum ( ut loquitur D. Augustinus ) quod eidem est à Deo misericorditer donatum : tum ad fugandas Manichæorum blasphemias , asserentium Deum Optimum non esse causam unicam & universalem omnium creaturarum : cujus , id est , Divi Thomæ allatis rationibus , nihil hæctenus reposuerunt Adversarii , perpetuâ utentes , dissimulatione : & quasi possent veritatem luce meridianâ apud omnes doctos evidentiore solo tumultu & verborum copîâ occultare ; nihil aliud recantant , nisi libertatis eversionem , in tuto positam solâ divinæ voluntatis effi-

cacia: & certè mirum est, quod tot viri docti, quales sunt Adversarii, hactenus non valuerint aliquam vel apparentem excogitare solutionem tot argumentis hactenus factis & depromptis ex doctrina Divi Thomæ, quibus dissolvuntur omnes nebulæ ab ipsis suscitæ, nec tamen desinant argumenta millies confutata ac soluta obijcere, quasi verò ipsa maturerint aut convalescerint temporis diuturnitate.

12. Desinat ergo Eupistinius vel sponte vel argumentorum pondere coactus suis cavillis Thomistas lacerare, qui suam de Prædeterminatione doctrinam, non per Calepinum (ut is lepide jocatur) probant, sed per efficacissima rationum momenta, Conciliorum Decreta, Scripturæ testimonia: cujus doctrinæ non Custodes vel Autores sunt Thomistæ, sed solummodò Custodes ac Defensores: Est enim præmotio depositum nobis concreditum, non à nobis (ut imponunt) excogitatum: ad fidelem ejus custodiam, mihi videtur dictum à Doctore Angelico, quod idem ab Apostolo aliàs scriptum Timotheo his verbis 1. Tim. 6. *O Timothee depositum custodi, devitans profanas vocum novitates, & oppositiones falsi nominis scientia*, quò te quoque hortatur Apostolus, mi Eupistine, ut deinceps Nomen proprium non occultes, vel assumptum veritate comprobés, ut secundum nomen tuum, sive proprium, sive fidei assumptum sit laus tua. Quam certè nunquam poteris obtinere, nisi veritati consentias & falsi nominis oppositiones deseras.

13. Si Angelico Doctore adhæreamus in propugnando Divinæ Gratiæ Auxilio: hunc quoque sequi studuimus adversus vagam Probabilitatem: nam ut ipse fatetur Mariana Scriptor Societatis Jesu celeberrimus lib. supra citato de Regim. Societ. ex recessu à D. Thoma invaluerunt in Scholis *Opiniones*, ut ipse ait, *quæ quondam pro peregrinis, insolentibus ac falsis habebantur*, quæ sanè successu temporis, non sunt meliores effectæ: *Cum enim*, inquit ille, *luxurient ingenia, atque insigniri gestiant, semper aliquas saltem novas inquirunt semitas, unde se precipitent nisi eis libertas ista, suas ac novas opiniones docendi, penitus adimatur*. At æ plures & quidem graves sunt rationes, ex quibus patet, quò non debeamus recedere ab Angelico Doctore, quas ab ipso Mariana quàm à me, malim discas, mi Eupistine: & ne apud te nutet hujus viri Authoritas, præter ea, quæ de eo supra diximus cum Baronio, maneat alta mente repositum id quod sequitur ex Consultatione Daniëlis Hospitalii ad Reges & Principes de Modis conservandæ & amplificandæ inclityæ hujus Societatis Jesu: *neque tamen*, inquit ille, *istius notabominis, nisi palam insaniant se Jesuitarum res penitus perperas habere, aut Societatem eorum plus amare sibi persuadebunt, quàm qui unus omnium diutissime in ea vixerit, eaque per annos amplius quinquaginta docendo & scribendo illustravit*. Is est P. Ioannes Mariana, celeberrimus ætatis nostræ Theologus & Catholicus Regis Historiographus, cujus Summa virtus, integritas in scribendo & in loquendo libertas, prudentia & littera, orbi jam universo, præcipuè Regibus & Principibus, multò sunt notiores, quàm ut cujusquam prædicatione commendari debeant.

Potro tanti viri testimonium non admittere nequeo cum ab ipso nimis *vera esse scripta* asserat P. Floravantius & ipse ejusdem Societatis Jesu eximius Theologus, ac Summo Pontifici tunc à Sacris Confessionibus. Multa aliàs mihi suppeditarent alii clarissimi ejusdem Religioſæ Societatis Alumnii, Mar-

thæus Greuterus ? Conradus Viter : Joa. Argentus : Massius : sed hæc pauca  
sufficiant, ut cognoscat Eupistinus, nos agere & Societatis prædictæ causam,  
dum certa & inconcussa D. Augustini & Doctores Angelici Dogmata propu-  
gnamus. Quare mi Eupistine, nihil mihi dicendum superest adversus tua  
duo volumina, nisi quod dixit D. Augustinus lib. 3. contra litt. Petiliani c. 1.  
ad retundendos ejus maledicentia aculeos. *Vidisti tanta firmitate roboratam,  
tantâ luce illustratam, quam tenemus & defendimus veritatem, ut quid con-  
tra eam dicendum esset invenire non posses. Audisti etiam multorum, qui ea  
legerant, expellatorem in re esse conversam scire cupientium quid diceret,  
quid ageres, quâ evaderes, quod ex tantis angustiis erumperes. Hic tu qui  
debueras contempta opinione vanorum, pergere ad veram, sanamque senten-  
tiam: fecisti quod de talibus Scriptura prædixit, &c.*

Ceterum Superis faventibus nihil unquam impedit quominus eò, quo cœ-  
pirus pede pergamus, & dicamus ad finem usque (Salvo semper in omnibus  
Ecclesiæ judicio) à Deo Optimo Maximo causas secundas etiam liberas præ-  
moveri ad id omne quod bonum est, sine quo nihil omnino possunt, nam  
ab eo, non pars; sed *omnis virtus earum*, nihilque est in palmitibus, quod non  
sit ex hac Vite, in qua quisquis non manserit, arescet: nec ullum ferre poterit  
fructum ex semetipso, seu ex veteri trunco Adami, nisi in bonam insertus  
olivam, à Deo motus & excitatus fuerit.

Quare his finem imponat aureis his verbis Divinus Hyponensis, *quidquid  
habes meriti, prævenit gratia donat. Nihil Deus in nobis præter sua dona  
coronat.* Seu ut ipse aliter loquitur Epist. 105. quam legendam suademus.

Quid hic desiderandum supersit non video, nisi ut breviter ostendam qui-  
bus ex fontibus de prompta sit hujus Apologiæ doctrina, indigendo eorum  
nomina, quorum testimonia fusiùs relata sunt & toto opere sparsa: ut co-  
gnoscat Lector, ex tam pura scaturigine, non potuisse nisi aquatum limpi-  
dissimam & saluberrimam dimanare.

1 Ex Scriptura Sacra & præcipue

2. Ex Apostolo.

3 Ex Epist. Canonic. D. Jacobi.

4 Ex Conc. Tridentino.

5 Ex Conc. Constan.

6 Ex Conc. Arausic. 2.

7 Ex D. Augustino.

8 Ex D. Ambrosio.

9 Ex D. Cyrillo.

10 Ex D. Cypriano.

11 Ex D. Chrysostomo.

12 Ex D. Gregorio-Magno.

13 Ex D. Bernardo.

14 Ex D. Thoma.

15 Ex D. Prospero.

16 Ex D. Pio V. Papa.

17 Ex Cælestino Papa.

18 Ex D. Paulino.

19 Ex D. Antonino.

20 Ex D. Leone Papa.

21 Ex Nicæno Concilio.

22 Ex D. Bonaventura.

23 Ex D. Gelasio Papa.

24 Ex Innocentio V. Papa.

*Qui ex Societate Iesu stant à parte D. Thomæ & Thomistarum quantum  
ad doctrinam hic propugnata.*

1 S. Ignatius de Loyola Societatis  
Iesu Fundator : paginâ, 138. 343.  
360. & 362.

2 S. Franciscus de Borgia, pag. 360. &  
361.

3 Bellarminus Card.

333 & seq.  
Z z ii

4 Toletus Cardin.	288. & seq.	13 Henriquez,	pag. 290
5 Celladeus, à pag. 142. & passim.		14 Pererius.	pag. 290
6 Baëza,	pag. 221. & seq.	15 Canisius.	pag. 290. & seq.
7 Cornelius à Lapide.	pag. 238.	16 Salmeron.	291
8 Mendoza.	pag. 239.	17 Typhanus.	pag. 300 347 & seq.
9 Palavicinus Cardin.	pag. 253. & 363	18 Ludovicus à Ponte.	pag. 357.
10 Mariana.	pag. 254. & 364.	19 Rodriguez.	pag. 358.
11 Azorius,	pag. 289.	20 Claudius de Lingendes.	pag. 358.
12 Alamannius,	pag. 289. & seq.	21 Comitulus.	pag. 358. in fin. n. 7.

Hic possem plures alios laudare ex hac inelyta Societate pro Thomistarum justificatione: nam si sermo sit de convenientia doctrinæ Divi Thomæ cum doctrina Jansenii quam falsò ipsis imponunt: meritò pro ipsis intercedet R. Pater Annarus in libro cui Titulus est, *Jansenius à Thomistis Gratia per se ipsam efficacis defensoribus condemnatus citatus pag. 270.* Huic suffragabitur hac in parte, Pater Deschamps supra etiam citatus pag. 223. cum Martinono laudato pag. 268. quibus testibus in tuto sunt Thomistæ etiam contra Calvinii doctrinam. Si ullus super sit scrupulus pro libertate sub ipsa Gratiæ efficacia: fidejussor erit pro Thomistis ex eadem Religiosa Societate Cardinalis de Lugo pag. 223. relatus cum Ripalda citato pag. 224. & Tannero relato pag. 251. Quid ergo jam dicturus es mi Eupistine? Aut quo confugies cum delectus sis ab omnibus qui hæc nomen sibi fecerunt in Religiosa hac Societate? Hoc unum à te tantum efflagito, ut contra te & alios doctrinæ D. Thomæ (si qui supersunt) Adversarios, mihi liceat hæc verba D. Augustini usurpare lib. 2 adversus Julianum in epilogo: *Hi sunt, qui quod invenerunt in Ecclesia, tenuerunt: quod didicerunt, docuerunt. quod à Patribus acceperunt hoc filii tradiderunt. Nondum apud illos Indices aliquid agēbamus; & apud eos alia est causa nostra. Nec nos, nec vos eis noti fueramus, & eorum pro nobis, latas contravos, sententias recitamus.*

Amice Lector ut tuo solatio faciamus satis, unoque intuitu cernere possis ac discernere quinam sint qui stent à partibus D. Thomæ aut ab eodem in aliquo recedant, duplicem Elenchum subijcimus: nec mireris si unum aut alterum semel legas in utraque parte: nam ubi quempiam in aliquo reperi respicientem & Doctore Angelico consentientem, nolui ipsum debitor sibi laude defraudari: ubi verò in aliquod ipsum impegnisse existimavi, ipsi quoque respondendum duxi, quia Amicus Plato, Amicus Aristoteles, sed magis Amica veritas.

*Elenchus Authorum, qui vel datâ opera hic refutantur vel quibus occasione occurrentibus, obiter quidpiam responderetur.*

3 Pater S. Ju, 'pagina 2. & passim	5 Tamburinus.	170 in fin.
toto libro 1.	6 Cardenas passim.	89. & seq.
2 Fictus Germanus Philalethes Eupistinus, passim toto opere.	7 Fihucius.	121. & seq.
3 Fictus Amadeus.	8 Terillus.	147. 163 & seq.
4 P. Fabri,	9 Escobarius.	112
28. 137. & 190.	10 Prædestinarus.	165. in fin. & seq.

*Conclusio & Confirmatio totius operis.*

11. Molina, 192. 238. 242. & passim.	15 Raynaudus Posthumus.	367
12 P. Annatus. 232. & seq.	16 Cornelius à Lapide.	207
13 Lessius. 242	17 Josephus à Vita.	345
14 Valquez. 158	& 325. & seq.	309. & seq.

*Elenchus Authorum qui in hoc opere iustificantur.*

1. S. Augustinus passim ac nominatim pag. 76. & seq.	14 Petrus Ledesma.	67. & seq.
2 S. Gregorius Magnus. 84	15 Ildefonsus.	69
3 S. Leo Papa. 84. & seq.	16 Paulus de Blanchis.	70
Ex Familia Dominicana.	17 Hacquetus.	71
4 S. Thomas passim. 114. 183. &c.	18 Niderus.	72
5 S. Antoninus. 50. & 52	19 Petrus de Tapia Episc.	72
6 Alvarez. 53	20 Serra.	72. in fin.
7 Barthol. Ledesma. 54	21 Fumus seu Armilla.	73
8 Sylvester. 55	22 Cajetanus.	73
9 Viguerius. 56	23. Innocentius Papa V.	75
10 Nazarius. 62	24 S. Raymundus.	74
11 Bannez. 62. & seq.	25 Turchus Generalis.	210
12 Nugnus. 65	26 Hugo Cardinalis.	345
13 Martinez. 65. & seq.	27. Turrecremata Cardin.	179

F I N I S.







# INDEX RERVM.

A.

**A** Rrogantia hominis erga Deum,  
Pag. 10

Antiquitas Probabilitatis, Pag. 22

Adamus non credidit serpenti, sicut  
Eva, 23

Adamus divinam severitatem non ex-  
pertus sibi perperam adulatus est, 25

Equalitas opinionum facit animum sus-  
pensum ac dubium, ac proinde mor-  
raliter incapacem ad ritè agendum,  
42

Autor alicujus opinionis non censetur  
qui prius ea de re aliquod bonâ fide  
scripsit, quod declaratur familiari  
exemplo, 49 & seq.

Alvares justificatur, 51

Angelus Minorita inauditus remitti-  
tur, 56

Armilla seu Fumus Placentinus justi-  
ficatur, 73

S. Augustinus duobus potissimum casib-  
us Probabilitatem aspernatur, 78.  
& seq.

Academici, quid sentirent, 82, & seq.

Abusus prudentiæ & rationis factus à  
Defensoribus Probabilitatis remissæ,  
90

Alexander VII. condemnat 47 propo-  
sitiones, 96

Amphibologiæ seu æquivocationis usus  
omninò rejiciendus, 121

Axes Probabilitatis apud Cardenam, 113

Artis & prudentiæ differentia accuratè  
observanda, 134, in fin. & seq.

Argumentum quod P. Fabri inducta-  
bile existimabat, facile solvitur, 137

Adulatio falsa Amadæi rejicitur, 169  
186

Argumenta aliqua in speciem Probabi-

tati faventia solvuntur, 174 in fin.  
& seq.

Amadæus falsum imposuit D. Thomæ,  
183 & seq.

Argumentum fortissimum Eupistini  
contra P. æmotionem, 198, in fin.

Argumentum aliud optimum Cara-  
nuëlis pro Præmotione, 199

P. Annati occurritur argumento ex Au-  
gustino, 216

\* Et antiquum illius circa libertatem  
argumentum solvitur, pag. 252. nu.  
2. & seq.

Authoritas D. Augustini quanta in ma-  
teria Gratiæ explicanda, 240. in med.

Authoritas Concilii Arausic. 21. circa  
bona opera, 241. & seq.

Amplitudo Probabilitatis, pag. 8. in fin.

Angeli Beati aliquando Probabilitati  
subjaceat, 48

Axioma Cardenæ falsum, pag. 224  
post med.

Annatus justificat Thomistæ contra  
prætensam cum Iansenio convenien-  
tiam, pag. 270 in fin.

Azorius Prædeterminationis Assertor,  
289.

Alamannius refertur, 289

Auxilium actuale Gratiæ fuit necessa-  
rium etiam in statu innocentia, à pag.  
291. usque ad 301.

D. Augustinus loquens ex principiis  
Philosophiæ naturalis, viam statuit  
doctrinæ Divi Thomæ pro physica  
Præmotione, 292

Argumentum primum Eupistini circa  
doctrinam PP. Minorum, 302

Auxilium prædeterminativum apud Ad-  
versarios jam jam probabile habitum,  
308

Alciades

Alciades scilicet Eupistino in capiendis hominibus, 309  
 Auxilium Gratiae fortioris exigitur à Scriptura & Patribus, quam Morio alius moralis, aut quivis ab Adversariis postulatus, 220. & seq.  
 Argumenta duo immutationis Authorum, 343  
 Antiquitas & utilitas Scientiae Medicae appenditur, 350. in fine, & seq.  
 Arriani, de quo conquerebantur, 352 B.  
**B** Enigmati Dei praesumptio, periculosa peccantibus, 24  
 Bannez justificatur, 62 & seq.  
 P. de Blanchis justificatur, p. 70. in fin. & seq.  
 Bellum non potest Rex alteri denuntiare ex sola opinione probabili, 66 in fin.  
 Baezae doctrina Molinae opposita, 222  
 Boni cupiditas, vel quodlibet aliud boni initium est effectus Gratiae Dei, non verò creaturae, 241  
 D. Bernardus explicat virtutem Gratiae, 243  
 Boni inceptio à sola Gratia, progressus & perfectio ab ipsa & à libero arbitrio, 245  
 Bonum verum nemo invitus amittere potest 246  
 D. Bonaventura D. Thomae Collega, quantum ad Gratiae efficaciam & Praedeterminationem, 287 & seq.  
 Bellarmini testimonium de doctrina S. Augustini, 192  
 Bruta etsi videantur esse liberae actionis, non tamen verè sunt nec liberi iudicii, 310 in fin.  
 Bellarmini sententia de Praemissione, 300  
 Bellarminus ab Adversariis reductus, iterum examinatur, 333 & seq.  
 Bellarminus semetipsum tuetur adversus contradictionem illi ex immutatione suorum operum affectam, 336 & seq.

Bellarmini testimonium circa doctrinam D. Augustini, pag. 341. in medio. Et ejusdem circa doctrinam D. Thomae, 342  
 Bellarmini protestatio ante mortem, de quo fuerit? 342

C.

**C** Controversia circa Dei concursum in dies renovata, 10  
 Classes Probabilitatis multiplices, 21 & seq.  
 Casus primi hominis nobis esse debet utilis, 22. in fin.  
 Cardenas pessimam tribuit regulam Probabilitatis, 26 in fin.  
 Certitudinis gradus plures sunt, qualis sit certitudo prudentiae, & in quo fundata, 31 & seq.  
 Contractus joco Mohatra dictus, 61  
 Calumniatorem occidere propria auctoritate peccatum est gravissimum, p. 63 in fin. & seq.  
 Candidus dimittitur, 69  
 Cajetanus justificatur, 73  
 Cajetanus à Thomistis derelictus in aliqua propositione, 75  
 Consilium unde sit bonum aut malum? 88  
 Charitas recta judicandi norma, 90  
 Conscientiae os obstruit arte Probabilitatis, 129  
 Cardenas D. Thomae injuriosus, 133 & seq.  
 Cardenas in eadem navi cum antiquis Academicis 136  
 Caecitas rationis humanae sibi metipsum derelicta, pag. 4. num. 3.  
 Cardenas sua Probabilitate plura docet absurda, 157 & seq.  
 Confessio per litteras inter absentes damnatur, 126 & seq.  
 Circumstantiae in Confessione juxta D. Thomam necessariò aperiendae, cujus sunt à gravi calumnia vindiciae, 178. & seq.  
 Christus Dominus in aequivocatione ac

- mentali restrictione alienus, [179 & seq.](#)  
 Causa vera ob quam impugnant Adversarii Præmotionem, [p. 189. n. 3.](#)  
 Calumnia gravis doctrinæ D. Thomæ imposita, ejusque refutatio ab Alexandro VII. [196 & seq.](#)  
 Caramuël commendatur à Patribus Societatis, [197](#)  
 Contemptus omnium potestatum in oppugnanda D. Thomæ doctrina, ac novum judicium Probabilitatis remissæ, [206 & seq.](#)  
 Congruitas Auxiliorū & dispositionum quas Deus non efficiat, nulla, [216](#)  
 Cognitio determinata contingentium est impossibilis ante Dei decretum, [217 in fin. & seq.](#)  
 Controversia de Auxiliis, quā intentione incepta, [221 & seq.](#)  
 Calumnia Thomistis imposita ac propulsata à celeberrimis Scriptoribus Societatis, pag. 223. Item alia, pag. [196](#)  
 Calvinismi nota, cur Thomistis objecta, [224](#)  
 Complutentium judicium circa Scientiam Mediam, [226 & seq.](#)  
 Causa profundens ex se omne ens, ejusque omnes differentias, non potest lædere libertatem, [230 & seq.](#)  
 Cornelius à Lapide faver Thomistis in explicanda Gratiæ efficacia contra doctrinam Molinæ, pag. [238. n. 10.](#)  
 Circumstantiæ temporis non expectantur à Deo, sed disponuntur, [241 & seq.](#)  
 Claudii Aquavivæ Generalis Societatis decretum circa doctrinam Gratiæ, [252 in fin. & seq.](#)  
 Concursus prævii vocabulum nullam importat contradictionem, [254 & seq.](#)  
 Carporatianorum hæresis, quænam fuerit, [51](#)  
 Conscientiæ alterius subterfugium periculofum, [112 & seq.](#)  
 Charitas erga Deum & proximum parvi fit à Defensoribus Probabilitatis, [161 & 167](#)  
 Controversia vix ulla reperiri potest, quæ magis authenticè soluta sit, quàm controversia de Præmotione [265](#)  
 Calumnia Thomistis imposita à Magistro Philosophiæ circa quinque propositiones condemnatas, pag. [267. & seq.](#)  
 Concilium Arafricanum 1. & Tridentinum stabiliunt doctrinam Thomistarum hac in parte, quæ aut nunquam legit Magister Philosophiæ, aut non intellexit, aut certè perpetua laboravit dissimulatione, pag. [267.](#) Lege Canones omnes prioris, posterioris verò, [231](#)  
 D. Chrysostomus non faver Scientiæ Mediæ, [289](#)  
 Canisius Prædeterminationem tuetur, [290](#)  
 Chameleon non potest repræsentare colorem album, [309](#)  
 Campanellæ indoles ac genium, [309](#)  
 Certitudo divinæ Providentiæ, unde desumenda adæquatè contra Josephum à Vira, [326 & seq.](#)  
 Clypeus quò se obteggit Eupistinus, examinatur, [330 & seq.](#)  
 Certitudo divinæ Prædestinationis est absoluta, non obstante libertatis nostræ suppositione, [332](#)  
 Cardenas aperit causam cur doctrina Thomistarum de Præmotione physica sit tantum probabilis, & non demonstrativa, [343](#)  
 Concursum Dei indifferentem & indeterminatum tanquam Deo indignum, rejicit Typhanius, [351](#)  
 Conclusionibus duodecim comprehenduntur omnia probabilia, quibus tanquam securis reguntur regulis, [36 & seq.](#)
- D
- D**olus Defensoris vagæ Probabilitatis ad ipsam faciliè instaurandam, pag. 2. nu. 1. circa medium.

Delectus minoris boni quomodo illicitus, [95](#)  
 Diabolus, quomodo inducit ad peccatum, [24](#)  
 Discrimen opinionis tutæ & opinionis probabilis declaratur, [33](#)  
 Discrimina notatu dignissima circa Probabilitatem quam tuentur Thomistæ, & illam quam tentant illorum Adversarii obtrudere ac defendere, quæ omnia exponuntur exemplis familiaribus, [45](#) in fin. & seq.  
 Differentia inter Thomistas & Modernos Casuistas, [86](#)  
 Dissidium Doctorum dubitationem inducit, [116](#)  
 Distinctiones Cardenæ ostenduntur inutiles, [122](#) & seq.  
 Differentia alia insignis inter speculativa & practica, [137](#)  
 Decor vitæ, cur dicitur esse in doctrina D. Thomæ, [140](#)  
 Divisio rerum, cur necessariò fuit facienda, [143](#)  
 Defensores Probabilitatis, cur exponantur ludibrio hominum, [154](#)  
 Dilectionem Dei destruere satagit Probabilitas, [160](#) in fin. & seq.  
 Durandus falsò dictus D. Thomæ Interpretis optimus, [198](#)  
 Determinatio Divini Concursus seu modificatio illius per causas secundas, tantum passiva, [209](#)  
 Determinatio propositionum contradictoriarum ante Dei decretum est libertati ipsius Dei contraria, [219](#)  
 Diversitas effectuum in creaturis à Deo præmotis, unde proveniat, [247](#)  
 Dissidii vera causa inter Petrum & Paulum, [77](#)  
 Dogma Academicorum à Neotericis ex parte renovatum, [83](#)  
 Dogmata D. Thomæ declaravit Alexander VII. *tutissima & inconvulsa*.  
 Dependencia essentialis & actualis quam habet res omnis creata à Deo, probat necessitatem Præmotionis physi-

cæ, [279](#) & seq.  
 Diversitas in modo loquendi inter Divum Augustinum, & Doctorem Angelicum, quantum ad statum innocentie, unde proveniat, [297](#) & seq.  
 Determinatio passiva Divini concursus explicatur, [316](#) & seq.  
 Doctrina D. Thomæ probatur ab eo qui dicebatur hostis infensissimus, [354](#)  
 Discrimina inter Thomistas & Probabilitatis Defensores, verbis & exemplis aperiuntur, [47](#) & seq.

E.

**E**Xculationes depromptæ ex Probabilitate sunt inutiles, [9. nu. 6.](#)  
 Error, quomodo vitetur, [19. nu. 10.](#)  
 Eva, in quo, & quomodo peccavit, [23](#)  
 Errore practico ad Probabilitatem accedente, diabolus ipse peccavit, [25](#)  
 Exemplum insigne ex Scriptura adversus Probabilitatem, [164](#) in fin. & seq.  
 Epistola Capello Episcopi Antuerpiensis, [210](#) & seq.  
 Ethnicis superstitioni in custodiendis domibus suis, [240](#)  
 Efficacia Gratæ ritè explicatur & exprimitur, [233](#) 241 & seq.  
 Exemplum recentis contra Probabilitatem, [91](#)  
 Effectus Gratæ duplex, scilicet esse & operatio: unde vitatur hallucinatio circa efficaciam Gratæ, [270](#)  
 Exemplum quò utitur Josephus à Vita, ostendit nunquam intellexisse doctrinam D. Thomæ de Prædeterminatione, [312](#) in fin.  
 Efficacia nova, quæ præter facultatem confertur actu à Deo ad agendum, [312](#)  
 Exempla nonnulla immutationis factæ ab Adversariis, [344](#) & seq. & [346](#)  
 Extractum Josephi à Vita examinatur, [347](#) & seq.  
 Eupistinus indigne tractat viros Religiosos, [355](#) & [357](#)

## F.

**F**acultas naturalis & jus morale eligendi plurimum differunt, 18 num. 2.

Firmitas infallibilis ordinis, qui comparatur, 18, nu. 2.

Fauna Pompilii merito comparatur Probabilitas, 24 in fin.

Fundamentum appenditur, ob quod à Probabilitatis Defensoribus Divus Augustinus fuit ab ipsis laudatus, tanquam Probabilitatis Patronus, 77

Fides desideratur in Adversariis, 96

Formido duplex in opinionibus distinguenda, illarumque differentia pro securitate conscientiae, 105 & seq.

Fiducia quod alius solvere poterit argumentum quod ipse non possit, periculosum axioma, 112 & seq.

Furtis viam aperuit Cardenas, sed falso ac perperam ex D. Thoma, sicut & artem claudicandi utramque in partem, 133 & seq.

Fatigium intolerabilis Probabilitatis detectum & damnatum à Celladeo, 168

Fabri illudit Brevi Apostolico, 196

Fraus Eupistini, & calumnia ab ipso Thomistis imposita, 199

Ferrariensis ritè ostendit, qui creatura non possit effectivè concursus Dei determinare, 109 & seq.

Filliucci doctrina circa usum amphibologiarum & æquivocationum, 121

Fundamenta doctrinae Divi Thomae quatuor hac in parte, ex quibus evidenter inferitur Præmotio physica, 276 & seq.

Fœlicitas hominis, 280. Opinionibus non fuit olim inventa, 281

Fundamentum Josephi à Vita convellitur, 311 & seq.

Facultatem agendi admittebant Pela-

giani, sed refugiebant à novâ virtute ad actum agendum necessaria, quæ est propria Divo Thomae, 312  
Fundamentum Sensûs compositi & divisi, ex D. Tho. q. de Malo, 331 in fin.

## G.

**D**Gregorius Magnus justificatur, 84

Gratia certos habet Adversarios, qui sibi tribuere velint quod boni sint, 221

Gratiæ ex se efficax explicata à Ripalda, 224

Gratia per se efficax propugnata est à Tridentino contra Calvinum ipsius Suarezii testimonio, 231

Gratia per se efficax in sensu Thomistarum confirmatur Autoritate Alexandri VII. & assensu Episcoporum Galliae, 233, nu. 1. & seq.

Gratiæ efficacia exprimitur variis Scripturæ testimoniis, 234 & seq.

Gratiam sufficientem fieri efficacem per liberum creaturæ consensum, non existimant Sapientiores Societatis, 235

Gratiam per se efficacem mirum in modum ex effectibus explicat S. Bernardus, 236

In Gratiæ efficacia defensione nihil dicunt Thomistæ, nisi id ipsum quod dicunt omnes qui sapiunt in justa rerum dispositione, 236, nu. 6. & seq.

Gratia non redditur efficax ex prævisione circumstantiarum loci, temporis, aut ullâ aliâ personæ dispositione quam Deus expectare aut prævidere teneatur, 239 & seq.

Gratiæ initium, quomodo sit in anima, 242

Gratia habitualis non datur, ut ulterius non indigeamus actuali auxilio Dei, 294

Gelasii Papæ sententia circa peccatum Adami & necessitatem divini Auxilii etiam in statu innocentiae, 299.



## H.

**H**æresi quâcumque pejor fieret  
 Probabilitas, nisi reprimeretur,  
 pag. 8. nu. 5. circa medium.  
 Hacquetus justificatur, 71  
 Hæretici & Infideles Deo resistentes,  
 ejus non superant potestatem, 226  
 in med.  
 Heruvart prapositio à Caramuele ap-  
 pensa, 254  
 Henriquez Prædeterminationem tuc-  
 tur, 290  
 Henrici de Novis testimonium, 352

## I.

**I**n intellectus convinci potest per evi-  
 dentiam, non verò voluntas, 17  
 Impossibile non est id quod exigunt  
 Thomistæ circa Probabilitatem, 30  
 Intentum, sive id quod præcipuè est  
 inspicendum in terminis opinionis  
 probabilis aut probabilioris, 34  
 Invitatur ad sectantia probabiliora tri-  
 bus motivis, 35  
 Jejunii lex, quando & quos obliget, 56  
 Ildephonfus justificatur, 69 & seq.  
 Innocentius V. Papa justificatur, 73  
 Jus naturæ, quomodo vix possit quem-  
 piam rationis compotem latere, de-  
 claratur, 108 & seq.  
 Ignorantiæ peccata multa sunt, 119, in  
 fin. & seq.  
 Ignorantia dicta vitalis & invincibilis,  
 verè vincibilis, mortua est & morti-  
 fera, perperam confundens materia-  
 lem legis transgressionem cum for-  
 mali, 131 & 142  
 S. Ignatius perperam à Cardena expo-  
 situs, 138  
 Jus est speciale possessionis in materia  
 justitiæ, 143 & seq.  
 Ignorantia vitalis dicta, falsò invinci-  
 bilis exponitur à suis Authoribus, 147  
 Ignorantia, ut sit invincibilis, quid re-

quirat, 149 & seq.  
 Judæi peccaverunt tanquam Dei Cru-  
 cifixores, quo uno exemplo exultat  
 ignorantia vitalis falsò dicta invinci-  
 bilis, 151  
 Imaginatione non excusatur, aut bo-  
 num efficitur id quod ex natura rei  
 malum est, 153  
 Impedimentum efficit Probabilitas con-  
 versioni Hæreticorum, 154 & seq.  
 Impeccabilitas Christi indignè exposi-  
 ta & indigna eo sententia, 158  
 Intentionis bonæ prætextus removetur,  
 164  
 Judicium quinque Episcoporum circa  
 Probabilitatem, 168, in fin.  
 Ignorantia juris & facti ritè distingun-  
 tur, & quare, ab Angelico Docto-  
 re, 182 & seq.  
 Justificatio Thomistarum uno verbo,  
 271  
 Judicium censorium de Scientia Me-  
 dia, 217  
 Ingratitudinem fovet Scientia Media,  
 219 & seq.  
 Judicium de doctrina Ordinis, unde  
 desumendum, 74 & seq.  
 Impietatem superbam delectat confite-  
 ri donum Dei non donatum, sed  
 redditum, 245  
 Judicii recti regula tradita à D. Tho-  
 ma, 41  
 Intentionis bonæ & malæ differentia  
 singularis, 120  
 Judicium censorium de physica Præ-  
 motione à Doctoribus Theologis  
 quinque Universitatum, 255 & seq.  
 Justificatio Thomistarum contra Phi-  
 losophiæ Magistrum, quantum ad  
 quinque propositiones damnatas,  
 etiam testimonio domesticorum, &  
 Amicorum Societatis Jesu, 267 &  
 seq.  
 Infirmitas doctrinæ Adversariorum non  
 potest evidentiori signo demonstra-  
 ri quàm 303  
 Immutatio voluntatis duplex & signan-

ter notanda illa quæ à solo Deo fieri  
potest, 318  
Judicium circa librum Josephi à Vita,  
327  
Josephus à Vita impugnando Præmo-  
tionem, ipsam probavit, 330  
Judicium censorum Universitatis Lo-  
vanienſis circa doctrinam Præmotio-  
ni physica oppositam, 340  
S. Ignatius de Loyola testimonium  
reddidit doctrinæ D. Thomæ, 343  
Jacobus Granadus Scriptor Societatis  
immutus, 344, in fin. & seq.  
Infallibilitas non est contraria libertati,  
361

## L.

**L**ibertas, alia est naturalis, alia phy-  
sica, & utraque explicatur, pag.  
18. nu. 9.  
Ledesma justificatur, 33  
Lopez justificatur, 32  
Lex justa utendi rebus ad vitam ne-  
cessariis, 80  
S. Leo Papa justificatur, 84 & seq.  
Legis transgressio est peccatum, quam-  
vis non ex malitia sit facta, 110 & seq.  
Lex pœnalis obligat in conscientia, 113  
in fin.  
Licentia utendi quâcumque opinione  
probabili ( quæ est basis Defensorum  
vagæ Probabilitatis ) omnimodè  
convincitur falsitatis, 115 & seq.  
Legis obligatio maximè commendatur  
exemplis à Doctore Angelico, 127  
in med. & seq.  
Legis humanæ definitio, dotes egre-  
giæ, 141  
Legis æternæ præminentia, 144  
Lex præcepto præferenda, & cur po-  
tius juxta leges agere debeamus,  
pag. 145. nu. 6  
Libertas in tuto posita iudicio celeberrimorum Societatis sub Præmotione  
& efficacia Gratiæ, 223  
Libertas creaturæ ex principiis doctrinæ  
D. Thomæ in tuto est sub præmo-  
tione, 227 & seq. & 231

Libetum Adami arbitrium non adju-  
tum, quid valeat, 247  
Libertas creata salvatur sub Gratiæ effi-  
cacia, 331 & seq.  
Lovaniensis Facultas quid sentiat de  
præsentia mutatione sententiæ Bellar-  
mini circa Gratiæ auxilia, 332

## M.

**M**alum Probabilitatis cur non  
dissimulandum, pag. 6 nu. 4.  
circa medium.  
Hæretici, inde nihil habent unde pos-  
sint gloriari, *ibid.*  
Modificationes Probabilitatis remissæ  
ab ejus Defensoribus excogitatæ, sunt  
tantum apparentes seu evanidæ, p. 7.  
nu. 5.  
Motio intellectus, quot fiat modis;  
pag. 14. nu. 4. 5. 6. & 7.  
Motivum proprium intellectus, quod-  
nam,  
Modus semper claudicandi in utram-  
que partem in Probabilitate reperitur;  
27  
Melius esse nubere quàm uri, quo-  
modo intelligatur, 33 & seq.  
Medina justificatur, 57  
Mercado justificatur, 61  
Moyſes primus Mortalium Legislator,  
145  
Martyrum persecutores erant rei con-  
tra doctrinam Terilli, 165  
Martyrum exemplo damnatur æquivo-  
cacio, 181  
Molinæ sensus de doctrina D. Thomæ  
admodum diversus, 191  
Molinæ doctrina non concordat cum  
S. Augustino & Trid. circa bonum  
perseverantiæ, 192 & seq.  
Modus explicandi concursum Dei à  
Bellarmino damnatus, 198  
Multiplicatio Authorum, quâ deci-  
piuntur Lectores, 202 & seq.  
Melius est id quod à nobis quàm quod  
à Deo nobis inest sine Dei Præmo-  
tione, 211  
Molina imponit Thomistis, & Divo

Thomæ contradicit; [238](#)  
 Mendoza tuetur Gratiz efficaciam cum  
 Thomistis contra Molinam, [239](#)  
 Molinæ doctrina omnino opposita do-  
 ctrinæ S. Augustini, [243](#)  
 Molinæ & aliorum opinio circa effica-  
 ciam Gratiz, [252](#)  
 Mutuum debet esse omnino gratuitum,

[127](#)  
 Modus singularis agendi Deo conve-  
 nit, [278](#) & seq.  
 Muscæ importunitate Catholicum aver-  
 tit à fide vaser Manichæus, [283](#)  
 Manichæi & Pelagiani debuerunt di-  
 versis urgeri principiis, [298](#)  
 Moderatio & mansuetudo Eupistini  
 dantis locum iræ, notatu dignissima,  
 303, & nominatim [304](#).

Modus vulgaris Josephi à Vita expli-  
 candi Certitudinem divinæ Præde-  
 stinationis rejicitur ut sufficiens, [319](#)  
 & seq.

Motionis moralis insufficientia, 321 &  
 seq.

Mysteriorum nostrorum non est ne-  
 ganda substantia, quamvis compre-  
 hendere non possumus modum ipso-  
 rum, quod declaratur familiari exem-  
 plo, [328](#) in fin.

P. Maignan auditur circa Præmotio-  
 nem, [332](#), in fin.

Mariana nobis suppeditat rationes ob  
 quas non debemus hac in parte re-  
 cedere à doctrina D. Thomæ, [364](#)

N.

**N**ecessitas & aliqualis utilitas Pro-  
 babilitatis, [30](#)

Nazarius justificatur, [62](#)

Nyderus justificatur, [72](#)

Nicæna Synodus refert multas opinio-  
 nes circa Dei Providentiam, [281](#) in  
 fin.

Necessitas quam habent Beati diligen-  
 di Deum ostenso objecto immensæ  
 bonitatis quam non possunt non di-

ligere; non eos eximit à necessitate  
 Præmotionis, ut colligitur ex D. Tho-  
 ma laudaro, [294](#)  
 Novitas doctrinæ Molinæ non admit-  
 tenda, [369](#)

O.

**O**bscuritas in rebus, unde prove-  
 niat, p. 19. nu. [11.](#)

Opinari ad libitum non licet, sicut  
 imaginari, [20](#)

Opinio non erat in statu innocentiz  
 circa naturalia, [29](#) in fin.

Opinio minus probabilis aliquando  
 per accidens adjunctam habet secu-  
 ritatem, & tunc est legitimus usus  
 illius, quod declaratur exemplis fa-  
 miliaribus, [43](#) & seq.

Opinio minus probabilis juxta limita-  
 tiones & circumstantias in conclu-  
 sione undecima positas, maxime con-  
 sideranda, [87](#)

Ordo observandus ne peccatum com-  
 mittatur, [95](#)

Opinionem minus probabilem legi  
 contrariam in nullo unquam permi-  
 sit D. Thomas, [131](#) & seq.

Obligatio sequendi partem tutiorem  
 unde nascatur, [145](#)

Ordinatus ante baptismum, est iterum  
 ordinandus non obstante præsump-  
 tione Probabilitatis pro baptismo  
 flammis, [171](#) & seq.

Obligatio virandi peccatum certum,  
 obligat etiam ad vitandum probabile  
 & incertum, [175](#)

Occasionem peccati offerre alicui ut  
 confusus melius respiciat, non licet,  
 falsoque hoc imponitur D. Thomæ  
[184](#)

Omnipotentia Dei explicatur myste-  
 rium Gratiz, & hæc est fundamen-  
 tum fidei nostræ, [243](#)

Orationes Ecclesiæ evidenter probant  
 efficaciam Gratiz & consequenter  
 prædeterminationem, [284](#) & seq.

Objectio notanda ac soluta contra



- doctrinam D. Thomæ, [247](#) in fin. & seq.  
 Ordinatio Capituli Generalis Romæ  
 celebrati circa doctrinam Josephi à  
 Vita, [326](#)  
 Origo Probabilitatis, [21](#) & seq.

## P.

- P**robabilitas remissa, in hac propo-  
 sitione latens, *licet etiam in mo-  
 ralibus sequi opinionem minus  
 probabilem*, jam multoties con-  
 demnata, pag. [1](#) nu. [1](#).  
 Probabilitas prædicta est Sanctis, qui-  
 bus, licet falsò, attribuitur, injurio-  
 sa, & omnibus scandalosa, p. [3](#). [0](#). [2](#).  
 Probabilitas remissæ aliqua proferun-  
 tur exempla eò deteriora, quò ma-  
 gis sunt legum subversiva, & Hæ-  
 reticis ipsis scandalosa, pag. [4](#). &  
[5](#). nu. [3](#). & [4](#).  
 Probabilitas, quid sit ex mente Divi  
 Thomæ, & quæ sit illius radix, [12](#)  
 & [13](#)  
 Protoparentes multis Probabilitatibus  
 fuerunt obnoxii, [21](#) & seq.  
 Probabilitas non omnino rejicitur à  
 Thomistis, de quibus ejus Defensores  
 malè conqueruntur, [28](#)  
 Pœnitentis jus ad postulandam in pro-  
 babilibus absolutionem, [54](#)  
 Potentia naturalis & moralis, quomo-  
 do differunt, [38](#)  
 Possibilitas Mandatorum declaratur fa-  
 miliari exemplo, quo & Probabilita-  
 tis regula confutatur, [91](#)  
 Peccata gravissima excusarentur per  
 Probabilitatem, nulliusque in tuto  
 apud eam esset innocentia, [93](#) & seq.  
 Probabilitas rarè & quare reperitur in  
 Patribus, [99](#) & seq.  
 Probabilitas impugnatur, [100](#) & seq.  
 Paradoxum Probabilitatis periculosissi-  
 mum, [124](#) sub fin. & seq.  
 Peccatorum gravissimum excusationem  
 per Probabilitatem reperisset, [129](#)  
 Prudentiæ dotes duæ principales, [135](#)  
 Possessio libertatis exprimitur ab Ad-  
 versariis, [142](#)  
 Prudentiæ abusus frequentissimus, [152](#)  
 & seq.  
 Probabilitatis Universalitas, ferè sem-  
 per in utramque partem parata, qua  
 de causa existimatur facilis & com-  
 moda, [160](#)  
 Propositionis tam remissæ quàm falsæ  
 exemplum, [163](#) in med.  
 Probabilitatis alius intolerabilis exces-  
 sus, [165](#) in fin. & seq.  
 Prædestinati doctrina pessima, [166](#)  
 & seq.  
 Probabilitatis remississimæ duo alia  
 principia falsa, [167](#) & seq.  
 Prudentia est vera duobus modis, [171](#)  
 Praxis pœnitentiæ & aliarum artium  
 est valdè diversa, & quam ob causam,  
[172](#)  
 Peccatum materiale est quoque me-  
 tuendum, [182](#)  
 Peccati gravitas unde desumenda, [185](#)  
 & seq.  
 Perseverantiæ bonum commendatur &  
 ostenditur distinctum à Gratia habi-  
 tuali contra Molinam, [193](#)  
 Pertinacia quorundam Neotericorum  
 in oppugnanda D. Thomæ doctrina,  
[208](#)  
 Pœnitenti quando & in quibus sit cre-  
 dendum, [172](#)  
 Prævisio operum futurorum, tanquam  
 causa beneficiorum Dei rejicitur ab  
 Augustino, [215](#) & seq.  
 Philosophia quæ admittit futura con-  
 tingentia esse determinatè vera ex se,  
 ante Dei decretum, falsà dicitur  
 Christiana, [220](#)  
 Peccatum non posse Deo impurari  
 creaturam ad id quod bonum est  
 præmoventi, demonstratur, p. [228](#)  
 & seq.  
 Permissionis peccati resolutio ex San-  
 cto Augustino, pag. [229](#), in fin.  
 & seq.

D. Prosper

D. Prosper Gratiā per se efficacem  
tuetur, [235](#)  
Potentia Divinæ Gratiæ mirum in mo-  
dum commendatur, [243](#)  
Pars in bono opere non denegatur  
creaturæ, cui totum ritē intellectum  
conceditur, [245](#)  
Petrus peccavit non propter substra-  
ctionem Gratiæ, sed propter præ-  
sumptionem ac nimium sui amorem,  
ut æstantur D. D. August. & Ber-  
nardus, [248](#). in fin. & seq.  
Parabola Seminantis diversitatem Gra-  
tiæ sufficientis & efficacis exponit,  
[249](#). in fin. & seq.  
Probabilitatis Authores quinam dici  
debeant, [49](#)  
Probabilitatis speciosissimæ exemplum  
notatu dignissimum, [101](#). in fin. & seq.  
Pueri Judæorum an ante rationis usum  
sint baptizandi invitis parentibus,  
[117](#) & seq.  
Prudentes omnes haberi volunt, [152](#)  
Probabilitatis Defensores propositionem  
falsissimam proferunt, [163](#)  
Propositiones condemnatæ ab Inno-  
centio X. & Alexandro VII. sigilla-  
tim referuntur, & contrariæ osten-  
duntur doctrinæ D. Tho. [170](#) & seq.  
Prærogativæ primi Agentis, [175](#) & seq.  
Prædeterminatio physica probatur à p.  
[276](#). per [15](#) Sectiones usque ad pagi-  
nam [291](#)  
Pius Papa V. commendatam facit Tri-  
dentini doctrinam in Catechismo  
contentam, [287](#)  
Petrus Prædeterminationem tuetur,  
[290](#)  
Peccatum primi Angeli, quodnam fue-  
rit juxta D. Bernardum, [305](#). Et juxta  
D. Thomam, Augustinum, aliosque  
Ecclesiæ Patres, [306](#) & seq.  
Prævisio malorum quæ quis compit-  
tere potuisset si vixisset, non est cau-  
sa cur à Deo rejectus sit, [216](#)  
Primi principii ratio quid exigat ex D.  
Thoma, [306](#). in fin.

Pietas major quæ ab Eupistino tribui-  
tur opinioni Adversariorum Præ-  
motionis physice examinatur, pag.  
339. & seq.  
Principia doctrinæ D. Thomæ Eupi-  
stino ignota, & à Typhanio com-  
probata, [350](#)  
Præmotio Dei quoad rem, [292](#) & [352](#)  
Prædeterminatio ritē explicata à D. Gre-  
gorio, [359](#)

Q.

Q Uomodo Deus adjuvet, scilicet  
præbendo vires, [216](#)  
Quomodo Deus propriè sit causa alicu-  
jus actus, [242](#). in fin.  
Quare aliquando agamus, aliquando  
verò minime, [244](#)  
Quomodo D. Augustinus sibi ipsi con-  
sentiat in iis quæ apparenter diversa  
sunt, [244](#)  
Quomodo æqualiter affecti corpore &  
animo, visâ eadem pulchritudine,  
tam diversimodè se gerant, & unde?  
[245](#). in fin.  
Quare Deus Opr. aliquando permittat  
aliquos cadere, [249](#). in med.  
Quare Adversarii cessare nolint à con-  
tradictione hac in parte? [215](#)  
Quid sit Probabilitas, [12](#) & seq.  
Quantum veritas ab omnibus diligatur,  
[16](#)  
Quare facienda fuit rerum divisio,  
[143](#)  
Quâ in æstimatione sit doctrina Proba-  
bilitatis apud Cellædeum, [154](#)  
Quare pueros in iudices eligant Ad-  
versarii in hac controversia, [267](#).  
in fin.  
Quot Dominicani Tridentino inter-  
fuerint, & in quibus casibus non so-  
lùm possimus, sed etiam debeamus  
sequi opinionem minus probabilem?  
[43](#) & seq.  
Quare doctrina de Prædeterminatione  
non sit apud Adversarios demon-  
B b b

- strativa , 208  
 Quid conferatur à Deo actu causis secundis ad agendum , 324. in fin. & seq.  
 Quid præcipuè intendant Thomistæ in defensione Præmotionis physicæ, pag. 327. nu. 3.  
 Quare de Josephi à Vita opere , nulum certum possit ferri iudicium , 353  
 Quam in partem se vertant Thomistæ hac in parte , pacem habere non possunt cum suis Adversariis , 355 & seq.  
 Qualis sit doctrina de Præmotione , 359. in fin.
- R.
- Remedia scrupulosis concessa , non sunt libertinis concedenda , 51 & seq.  
 S. Raymundus iustificatur , 74  
 Ex Regula Probabilitatis posita à Cardena , omnia tùm humana , tùm divina facillè subverterentur , 91  
 Restrictiones mentales sunt in humana Societate intolerabiles , 121 & seq.  
 Regulæ duæ nostrarum actionum directivæ , 129  
 Recursus ad alienam conscientiam merito damnatur , 130  
 Reflexio supra Probabilitatem , non juvat opinionem probabilem , nec illam reddit meliorem , 156  
 Rex non potest alteri bellum denuntiare ex sola opinione probabili , idque optimâ ratione , 66. in fin.  
 Relaxatio intolerabilis circa præceptum diligendi Deum , 160. in fin. & seq.  
 Remedium huic relaxationi à D. Thoma adhibitum , ibid. & seq.  
 Recursus ad alienam conscientiam periculosus , 162. & seq.  
 Regulæ quædam juris in speciem contrariæ conciliantur ; & quare sit fiendum reo potius quàm Actori , 173  
 Restrictio mentalis , seu usus equivocationis , tùm ratione , tùm exemplo , ostenditur intolerabilis , 180 & seq.
- Reginaldi testimonium juratum , 212 & seq.  
 Radix Præmotionis detegitur , 248  
 Regula iudicandi posita à Cardena omnino rejicienda , 92. post med. & seq.  
 Regulæ nobis à Deo datæ , 129  
 Revocatio Censuræ contra doctrinam Lessii , an vera 340  
 S.
- Scrutinium dicitur Probabilitatis nomen à suis Defensoribus , 10  
 Species Probabilitatis , pag. 13. nu. 3.  
 Sylvester iustificatur , 55  
 Serra , si iustificatur , merito excusatur , 72  
 Substitutio potentiæ naturalis pro moralis , facta à Cardena , 89  
 Status Controversiæ circa Probabilitatem aperitur , 97. in fin. & seq.  
 Securitas quandoque sufficiens reperitur in Probabilitate , 106 & seq.  
 Synderesis bonum obsequium per Probabilitatem impeditum , 111. in fin. & seq.  
 Spiritui privato Hæreticorum favet Probabilitatis hæctenus inauditum Axioma , 130  
 Scriptura malè usurpata in favorem Probabilitatis , 138  
 Saulis exemplum , vel solum , Probabilitatem ex legem condemnat , 146  
 Scientiæ , artis & prudentiæ discrimina , 153  
 Solertia Eupistini aperitur , 195  
 Scientia Media summo perè commendata , 200  
 Suppositione aliquâ falsâ inniuntur omnia argumenta / quæ sunt contra doctrinam D. Thomæ , 201 & seq.  
 Subterfugium Enpistini quod poterat omnibus disputationibus finem imponere , 208. in fin.  
 Sotus optimè explicat apto exemplo mutuam causarum dependentiam , 209  
 Scientia Media ratione profligatur , 217 & seq.

- Scientia Media non habet pro Authoribus aut Approbatoribus Sanctum Augustinum & Doctorem Angelicum, [224](#) & [226](#) & seq.
- Suares ipse Gratiam per se efficacem in Tridentino fuisse propugnatam agnoscit, [231](#)
- Sensus compositi & divisi legitimam explicationem agnoscit Annatus respiciens ab ea quam alias habuerat de Thomistarum doctrina, opinione, [231](#) in med. & seq.
- Scientiæ Mediæ inutilitas aperitur, [250](#) & seq.
- Scandalo est Hæreticis Probabilitas remissa, [6](#)
- Salmeron Prædeterminationis Sæctor, [291](#)
- Sorbona, quid jam sentiat de Scientia Media, [205](#) & seq.
- Sententia Bellarmini circa doctrinam Doctoris Angelici, & circa cooperationem Dei cum libero arbitrio, [338](#)

## T.

- T**ransitus facilis est inter operationes intellectus, [20](#)
- Tutum & tutius non sunt confundenda sicut nec perfectum & perfectius, [58](#)
- P. de Tapia Episcopus Hispalensis, iustificatur, [72](#)
- D. Thomas à remissa Probabilitate specialiter iustificatur, [114](#) & seq.
- Turpitudine intolerabilis falsò affecta doctrinæ D. Thomæ profligatur & falsitatis convincitur, [217](#) & seq.
- D. Thomas à novis Cardenæ cavillis eripitur, [127](#)
- Testimonium Alexandri VII. pro doctrina D. Thomæ adversus remissam Probabilitatis doctrinam, [139](#)
- Terillo teste, ignorantia vitalis est culpabilis, [147](#). sub fin. & seq.
- Tolerantia pro Probabilitate habita, nullum ius ipsi acquirit, pag. [155](#) num. 1.
- Terilli vana iactantia ac falsa promissio, [159](#)
- Tertulliani egregia animadversio, [189](#)
- Theopistis nimis extollit doctrinam Molinæ, [120](#)
- Testimonium authenticum Sorbonæ de Scientia Media, [205](#). & seq.
- Thomas Turcus falsò contra Præmotionem citatus, [210](#) & seq.
- Tridentinum salvat libertatem, etiam sub Gratia efficaci, [231](#). & seq.
- Totum Deo & totum creaturæ tribuendum, sed ab eo acceptum, [245](#)
- Tanneri doctrina circa efficaciam Gratiæ, ac veram Societatis opinionem, [251](#) & seq.
- Temerarium est certitudinem tribuere opinioni, [95](#)
- Tolerantiam Ecclesiæ falsò allegat Terillus circa Probabilitatem, [155](#)
- Tricarum Probabilitatis notandum exemplum, [168](#)
- Tridentinum ejusque Catechismus probant Gratiæ efficaciam ac Prædeterminationem, [185](#) & seq.
- Tolæus assertor Prædeterminationis, [288](#). & seq.
- Typhani testimonium circa Præmotionem & doctrinam huic oppositam, [300](#)
- Theophilus Raynaudus immeritò adductus tanquam testis legitimus, [208](#)
- Tridentini controversia, in quo potissimum fuerit circa Gratiæ auxilium, [342](#) & seq.
- Typhanius ritè explicat Præmotionem, [348](#) & seq.
- Testimonium quintæ Congregationis Societatis Jesu circa exercitia Divi Ignatii de Loyola, ac proinde circa doctrinam de Præmotione, [363](#)

## V.

- V**erisimilitudine Eva decepta est, [25](#)
- Ufus legitimus Probabilitatis declaratur

- tur pluribus Conclusionibus tanquam securis morum Regulis, [36](#) & seq.
- Viguerius justificatur, [56](#)
- Victoria justificatur, [60](#)
- Voluntas unde diversimodè afficiatur, [88](#)
- Voluntas suspensa manebit inter æqualia, nisi nova ratio aut Authoritas accedat, [95](#)
- Voluntas perpetuè lacessendi Thomistis, unde proveniat, [188](#) & seq.
- Vires non præbet Concursum simultaneus, [216](#)
- Voluntas, cum sit Dei donum, potiori jure bona voluntas, secus melius est quod à nobis est, quàm quod à Deo, [231](#)
- Voluntas creata est prima causa deficiens: divina verò omnino & in omnibus prima efficiens, [245](#) in fin. & seq.
- Voluntas, unde sit libera, [246](#) in med.
- Voluntatem suam bonam Deus aliquando per malas creaturarum voluntates exequitur, [247](#)
- Voluntas bona potiori jure est à Deo quàm illa quæ potest adhuc esse bona vel mala, [293](#)
- Virtus quæ actu communicatur rebus ad agendum, [292](#) & 352. ex 2. Sent.
- Vega apto exemplo exprimit Dei Præmotionem, [280](#)
- Voluntas Dei semper impletur: unde istud probatur, [323](#)

Y.

Y Vonis dictum, [5](#)

Z.

Zelus qui non est secundum scientiam, non excusat à peccato, 110 in fine.

Zenonis egregia sententia, [35](#)

Zelus Apostoli contra antiquas legis observantias, [77](#)

Zachæus Gratiâ speciali præventus, [354](#)

Finis Indicis.



*Monitiuncula pro quibusdam erratis qua ex prælo irrepperunt:  
ac firmâ pace stabilendâ.*

**A** Mice Lector, libros ac liberos in hoc conferebat quidam Modernus : Quodd sicut hi, citra speciem miraculi non nascuntur sine labe originals maculæ : ita isti non eduntur absque aliquo vitio, saltem ex prælo : ex quo fateor nonnulla irrepsisse, & præcipuè ab initio usque ad litteram K. ( relicto opere emendatò, accuratiori studiò. ) Itaque cum repereris v. g. paginâ 6. Castas auras : lege, *antes*. Item pag. 7. Escolarium : l. *Escobarium* P. 10. Cardinales sive poli l. *Cardines* pag. 30. Menemus l. *Menemus* p. 289. Almannum l. Alamannum p. 13. ut, l. ut. p. 41. Cultorem l. Cultorum. p. 56. Clavasio l. Clavasio. pag. 47. ve, l. vel. Idem aliquando reperies sic pro sic. Quæ & similia fragilitatis humanæ indicia ( in quibus littera pro littera oculorum aciem facillè effugit ac fessellit, cum sensum non mutant, & ex materia satis innotescant, faciliùs emendabit, & excusata habebit Lector benevolus, quem proinde nihil irriteretur, ancipitem aut dubium efficiet circa veritatem rerum aut impediet quominùs inoffenso pede decurrat. Cæterùm etiam non nego ( ne alio fine quispiam id factum esse perperam interpretetur ) quin ex nimia erga Typographos indulgentia nonnullæ sint linæ italico caractere, aut è converso, quæ in alio esse debebant, multaque eo scripsisse eadem & solâ intentione, quâ alii majoribus scribunt characteribus ; nimirum ut speciali attentione ponderarentur à Lectore. Et ita cum pag. 3. dixi, *Nos ambulare in sola defensione veritatis*, ly sola effluxit, non ut quidpiam, verbis Apostoli adice-rem, ( quod absit ) sed tantùm ut indicarem à me sperni convitia ab Eupistino mihi illata, quem tantummodò & unum moveret, tuendæ veritatis studium. Quodd si aliquando coactus fui vocabulo *Antithomista* uti, ut uno verbo homines diversæ professionis à nobis hac in parte dissidentes, exprimerem, nemo malam in partem id accipiat, aut per injuriam à me dictum existimet : hos enim quos impugnavi solo jure defensionis, non obstante opinionum diversitate, honori & amoris semper in Christo habui.

Aliquis etiam error irrepsit circa numerum in Tabula Materix expressum : sed hic levioris momenti judicabitur cum materia ipsa non desit fideliter relata ex suis Authoribus, qualis est ille de Musca Manichæi falsò pag. 283. quod testimonium legitur apud D. Aug. to. 9. tract. 1. in Joa. post medium. Item Conc. 2. Arausic. quod itid. hic reperies pag. 239. 240. & 241.

Quare hoc unum ab Adversariis efflagito, ut his in tricis, Eupistini exemplo non irretiantur ; sed ad rem accedant : v. g. ut nobiscum damnent propositionem pag. 164. relata : *In negotio Anima, bona fides sufficit, &c.* rationesque quibus hæc innititur, adhuc pejores. Idem & hanc pag. 124. citatam, *ubi tanquam certum sibi proponitur in aliqua operatione non esse peccatum, nullum esse peccatum.* Aliamque pag. 129. adhuc magis intolerabilem, qualis est & illa quæ legitur pag. 163. & quæ nominatim à pagina 141. impugnantur in sex coniculis & sequentibus. Item ut fateantur pessimam esse fecti Prædestinati doctrinam hîc impugnatam p. 166. & falsum nobis impositum esse pag. 196. Item ut nostras admittant æquissimas exposiciones, de quibus

pag. 107. & seq. caveantque à propositionibus relatis pag. 47. & his simili-  
bus, quibus bellum indiximus.

Item postulo ab iisdem, ut legitimas expositiones doctrinæ nostræ appen-  
dant ac si possint, ipsis contradicant : quod si nequeant, jam jam desinant nobis  
imponere & falsis suppositionibus agitare : Ac denique D. Thomam legant & re-  
volvant, atque supra centum hic relata ejus testimonia rimari studeant ( quælia  
leguntur paginâ 318. & alibi passim ; ) saltem ut experiantur, utrum alium ali-  
quem sensum his vel apparenter assignere possint, præter eum quem à rotannis  
propugnant Thomistæ.

Quod si his non obstantibus adhuc voluntariè perseverent impugnare doctri-  
nam D. Thomæ, viderint ipsi quid non solum eidem sint responsuri, sed &  
sancto Patris Augustino, tom. 2. Epist. 105. qui causam Dei agens, ait :  
*Nolunt autem, ut sit ipsi gloria in justificandis impiis, gratuita Gratia, qui  
ejus (scilicet Dei) justitiam ignorantes, suam volunt constituisse . . . ut sui  
precedat aliquid meriti, quasi priores volentes dare, ut retribueretur eis ab illo,  
de quo dictum est ( Quis prior dedit illi, & retribuetur ei ? Et suo putantes  
preire merito, illum de quo audiunt, aut potius audire nolunt ( quoniam ex  
ipso, & per ipsum, & in ipso sunt omnia . . . ) quorum objectionibus oc-  
cu rrens, ait : Nulla ne igitur sunt merita Iustorum ? Sunt plane, quia iusti  
sunt . . . & iustificati gratis per Gratiam ipsius : Rom. 3. Et tanquam prælagâ  
mente prævidisset reliqua Adversariorum subterfugia, addit ibidem : Ne quis-  
quam existimaret credentes sic ad ejus præscientiam pertinere, quomodo non  
credentes ; id est, ut non eis fides ipsa desuper daretur, sed tantummodò vo-  
luntas eorum prænoscatur, mox adiecit atque ait . . . Nemo potest venire ad  
me, nisi fuerit ei datum à Patre meo ; factoque discrimine, quo iusti & in-  
iusti moventur à Deo, ait : Aliter adjuvat nondum inhabitans, aliter inha-  
bitans. Nam nondum inhabitans, adjuvat ut sint fideles : inhabitans, adiu-  
vat iam fideles . . . Ac tandem sic concludit : Ipsa vita eterna quæ utique in  
fine habebitur, & idèd meritis præcedentibus redditur : tamen quia eadem  
merita quibus redditur : non à nobis patrata sunt per nostram sufficientiam,  
sed in nobis facta per Gratiam, etiam ipsa Gratia nuncupatur, non ob aliud,  
nisi quia gratis datur : nec idèd quia meritis non datur, sed quia data sunt  
& ipsa merita, quibus datur. Denique de his quæ hætenus à me scripta sunt,  
hoc unum peto ab erudito Lectore ( quod à suis postulabat Ruffinus in consi-  
mili occasione ) ut scilicet non quàm eleganter aut ornate scripserim, sed quàm  
verè ac sincerè percipendat. Salvo in omnibus S. R. Ecclesiæ iudicio.*



PRIVILEGE DV ROY.

**L**OÜIS, PAR LA GRACE DE DIEU, ROY DE FRANCE ET DE NAVARRE:  
 LA nos Amez & feaux Conseillers les Gens tenans nos Cours de Parle-  
 ment, Maistres des Requestes ordinaires de nostre Hostel, Baillifs, Senef-  
 chaux, Prevosts, leurs Lientenans, & autres nos Justiciers & Officiers qu'il  
 appartiendra; Salut. Nostre bien amé le Pere JACQUES DE S. DOMI-  
 NIQUE, de l'Ordre des Freres Prescheurs, Professeur en Theologie, Nous a  
 fait remontrer qu'il avoit composé un Livre intitulé, *Compendiaria Theolo-  
 gia Moralis Explicatio ad sensum Sancti Augustini, Leonis Pape, Dñi  
 Thome, & presertim circa doctrinam de sententia Probabilis. Accedet asser-  
 tus Doctori Angelico Preuius Dei in omnes creaturas influxus*; qu'il desir-  
 roit donner au public, s'il nous plaisoit luy accorder nos Lettres de permis-  
 sion d'imprimer sur ce necessaires. A CES CAUSES, Nous avons permis  
 & accordé, permettrons & accordons par ces Presentes, audit Exposant de  
 faire imprimer par tel Libraire Imprimeur qu'il vouldra choisir, vendre &  
 debiter en tous les lieux de nostre obeissance, ledit Livre en un ou plu-  
 sieurs volumes & tomes, en telles marges & caracteres, & autant de fois  
 qu'il vouldra pendant dix années, à compter du jour qu'il sera achevé d'im-  
 primer pour la premiere fois, faisant tres-expresses inhibitions & deffences  
 à tous Libraires, Imprimeurs & autres de l'imprimer, vendre & debiter en  
 aucun lieu de nostre obeissance, sous pretexte d'augmentation, correction,  
 changement de titre, ou fausse marque, d'en faire des Extraits; & à tous  
 Marchands Estrangers Libraires & autres, d'en apporter en ce Royaume d'au-  
 tre impression que de celles qui auront esté faites du consentement dudit Ex-  
 posant, ou de ceux qui auront droit de luy en vertu des Presentes, à peine  
 de trois mil livres d'amende payables sans deport par chacun des contrevenans,  
 & applicables un tiers à Nous, un tiers à l'Hostel-Dieu de Paris, & l'autre  
 tiers audit Exposant, ou à ceux qui auront droit de luy; de confiscation des  
 Exemplaires, & de tous dépens, dommages & interests: à condition qu'il  
 sera mis deux Exemplaires desdits Livres en nostre Bibliotheque publique, un  
 en celle de nostre Chasteau du Louvre, & un en celle de nostre tres.cher &  
 feal Chevalier le Sieur Daligre Chancelier de France, avant que de les ex-  
 poser en vente, à peine de nullité des Presentes, lesquelles seront enregistrées  
 gratuitement & sans frais dans le registre de la Communauté des Marchands  
 Libraires de nostre bonne ville de Paris. Si vous mandons que du contenu  
 des Presentes vous fassiez jouir & user pleinement & paisiblement ledit Ex-  
 posant & ceux qui auront droit de luy, cessant & faisant cesser tous troubles  
 & empeschemens au contraire. Voulons aussi qu'en mettant au commen-  
 cement ou à la fin desdits Livres autant des Presentes, ou Extrait d'icelles,  
 elles soient tenues pour dueument signifiées, & que foy y soit ajoutée com-  
 me aux copies collationnées par un de nos amez & feaux Conseillers Secretai-  
 res, comme à l'Original. MANDONS au premier nostre Huissier ou Sergent



sur ce requis, de faire pour l'exécution d'icelles, tous Exploits requis & nécessaires, sans demander autre permission, nonobstant clameur de Haro chartre Normande, & autres Lettres à ce contraires : CAR tel est nostre plaisir. Donné à S. Germain en Laye le 12. jour de Decembre, l'an de Grace mil six cens soixante & quinze, & de nostre regne le trente-troisième. Signé par le Roy en son Conseil, PEPIN.

Le P. JACQUES de S. Dominique a cédé le Privilege cy-dessus à ESTIENNE MICHALLET, Imprimeur & Libraire, pour en jouir selon toute sa teneur, quant à l'Ouvrage intitulé, *Compendiaria Theologia Moralis Explicatio*, &c.

Registré sur le Livre de la Communauté des Marchands Libraires & Imprimeurs de cette Ville de Paris, le 22. jour de Juillet 1676. suivant l'Arrest de la Cour de Parlement du 8. Avril 1653. Signé, THIERRY, Syndic.


Achévé d'imprimer pour la premiere fois le 4. Aoust 1676.



# COMPENDIARIUM SUPPLEMENTVM BIPARTITUM

pro clariori prædictorum intelligentia.

*Quo sufficienter interim quatuor rationibus fit satis Historico Ventilabro R. P. Gabrielis de Henao : & quatuor præcipuis difficultatibus contentis in posthumo Staresii de Auxiliis Tomo, donec utriusque Authori prolixior instituaturs Responsio.*



## PRIMA PARS.

*In qua Historicum R. P. Gabrielis de Henao Ventilabrum, ita unctò suspensum demonstratur, ut vanum ac inutile ad ullam fidem faciendam circa Scientiam Medicam iudicetur.*



**P**RIMO quidem ex eo quodd Historicæ hæc Narratio, eorum nitatur testimonio, quibus de iure, nulla fides sit adhibenda : immò contra eos, omnibus legibus iusta formetur Exceptio : juxta quas inauditum est, ut partes admittantur in Testes in propria causa. At tales sunt hæc in parte Patres Societatis toties ab Henao citati in toto suo Ventilabro, scilicet B. Aida, Arubol, Valentia, Theophilus Raynaudus, omnesque Belgici Patres, Libri Imaginis primi sæculi Authores. Ergo, &c. Et ne hæc sine fundamento loqui videamur, lege de testibus : Cap. *Personas* : ubi reperies, qui à testimonio ferendo repellantur, *simili morbo laborantes*. Item Cap. *in literis*, in quo legitur : *Non sunt idonei testes, quos Actor de Familia sua producit*. Quod si secus fieret, cetèrè vix, & ne vix quidem, ullus unquam lite caderet. Quod si nonnulli, præter prædictos testes domesticos reperiantur : constat hæc ipsum, quod proferunt, fuisse ab ipsis acceptum. *At de similibus simile iudicium.*

2. Magnum præsidium habere se arbitraturs P. Henao in quibusdam Manuscriptis, quibus totum primum suum Volumen intumescit : eductis ( ut ipse ait, pag. 6. ) ex suorum Collegiorum Bibliotecis. Verùm teste eodem Henao, ab Innocentio X facta est prohibitio anno 1654. ne ullus uteretur huiusmodi scriptis, tanquam testimonis Actuum Congregationum de Auxiliis : quibus & his similibus, si ipsi Eupistino toties supra citato fidem adhibeamus ; non major fides adhibenda sit, quàm Ætopi fabulis.

3. Relictâ P. Molinæ ( quem Henao N. 1601. vocat Antesignanum Scholæ Je-

Ccc

suitarum) Personâ : id quod ait de ejus doctrina, est ipsi Societati prorsus injuriosum : dâ enim ait Henao tom. I. pag. 46. nu. 64. in fin. *Hujus præclarissimi Doctoris, & quasi inceptoris nostra Scholæ, tandiu vigebit memoria inter mortales, quandiu litteræ floreant.* Quibus si addere volueris, quod de eodem ipse ait pag. 83. nu. 143. per hæc & similia encomia satis designat, inclutam hanc Societatem profiteri doctrinam in multis falsam. Siquidem ut fatetur ipsemet Henao pag. 48. Major ipse Defensor Molinæ Gregorius de Valentia, suo ac totius Societatis nomine dixit coram Summo Pontifice, id quod sequitur : *Aperitè profitemur Doctrinam Molinæ defendendam nos suscipere. . . Non ut per omnia veram & communiter in Societate nostra probatam : multi enim Theologi nostri, aliter quàm Molina de non paucis rebus sentiunt.* Quò non obstante de eo ait Henao, loco supra citato : *Non posse non esse gloriosam Molinæ, quod tam magni Agmen agat secum, Magni ipse Agminis instar.* At, omne quod non est verum, ut ait Valentia, relictis tricus novæ Probabilitatis ; falsum dicimus cum reliquis mortalibus. Falsum verò esse, magnâ ex parte, id quod docetur in hac Religiosâ Societate, concedi non potest sine magno ipsius dedecore : quod dici de se sine dubio non patietur, nec fortasse id ipsum quod sequitur dictum ab Henao in præfatione Scientiæ-Medicæ, quam ille vocat, *Tesseram & Ornamentum* Societatis prædictæ : quò certè ornamento privati essent, non solum præcipui ejus Doctores supra laudari, pag. 363 : sed & ipsius S. Pater Ignatius, quibus omnino opposita est Molinæ doctrina, ut patet ex dictis, pag. 192. 242. & 360. 224. 21.

Quartò probatur eadem prædicti Ventilabri suspensio. Si duæ opiniones probabiles contrariæ ex æquo pugnantes, nullam faciunt fidem, ut supra pag. 95. evidentissimè evicimus, hoc vel solo duorum testium æqualis fidei exemplo, quorum unus affirmat : v. g. crumenam inventam ad Tullium pertinere : alter verò negat coram judice, qui proinde in ea remanet animi dispositione, in qua esset, si nullos testes haberet At Historica narratio P. Henao facta pro Scientia-Media, talis est : etenim est alia ei opposita, ipsique è diametro contraria, non solum æqualis fidei, sed quæ illam superet multis partibus ; cum sit scripta à viris doctissimis ac Religiosissimis, nulla prætermissa diligentia pro veritate aperienda, & quod caput est, neutri partium ad hæc : quam Historiam omnes proinde viorem ac certiore judicabunt. Quare vide illam supra pag. 225. & seq. ut inde possis nobiscum inferre, quàm merito jure dixerimus, Magnum istud P. Henao Ventilabrum ita esse uncò suspensum, ut sit indignum cui ullam possit quisquam prudenter adhibere fidem.

Amice Lector, si Superis placet, ut aliquando novæ hujus Operis editioni operam demus, concessio à Deo temporis spatii : quinque supra quinquaginta notis remissoriis ( quas jam paratas habemus ) expungentur omnes ejusdem Authoris Theologicæ Eventilationes, quibus nihil novi dixit Henao in altero suo volumine, quod non sit sufficientissimè confutatum in isto, sed ad Suarium breviter accedamus.

## PARS ALTERA COMPENDIARII SUPPLEMENTI.

**I**N quo specialiter circa quatuor fit satis Suarezio, & aliis, ex quibus nonnulli delitescere satagunt in sufficientia Motionis Moralis: alii concursum prævium quidem admittunt, sed determinabilem per voluntatem creatam: Alii verò ad Concursum simultaneum confugiunt: *Ne Deus dicatur causa peccati*. Alii denique, nullum sub Præmotione physicâ relinqui locum Gratæ sufficienti perperam prætexunt.

*Primum ergo est sufficientia Motionis Moralis.*

Præter ea quæ jam supra dixi, pag. 320. & seq. de insufficientia Motionis moralis, breviter adverte Suarium (si tamen ipse est, & non potius hi, qui ab ipso Titulo fatentur hoc opus, accommodasse contra *Iansenium*, maximè intendisse Motionem moralem pro physica substituere: nam pag. 26. *de intelligentia Auxilii efficacis*, postquam de Morali sermonem habuere, sic aiunt atque hoc in rigore satis est, ut dicere possimus, Deum physicè facere ut velimus, quia per physicam efficientiam facit id, quo moraliter inducimur ad volendam. Verùm jam alibi ostendimus hoc, esse falsum & contra omnes leges legitimæ divisionis, sicut & contra Tridentinum, quod ait liberum arbitrium motum esse & excitatum: motum quidem effectivè ex parte potentia: excitatum verò, ex parte objecti. Quare tantummodo superest ut quædam loca D. Augustini & doctoris Angelici ostendamus, quibus præfata Motionis Moralis sufficientiæ restitunt. Sic S. Præsul de spiritu & litt. c. 3. & 34. Et lib. de gratia Christi c. 24. ubi ait, *legant & intelligant: intueantur & fateantur, non in lege ac doctrina forinsecus insonante: sed interna atque occulta, mirabili & ineffabili potestate, Deum operari in cordibus hominum, non solum veras revelationes, sed etiam bonas voluntates*. Item tom. 2. Epist. 105. omninò legenda, & passim centies D. Thomas de pot. q. 3. a. 7. 1. 2. q. 6. a. 1. ad 3. in cap. 8. Joa. lect. 4. & ibid. c. 14. l. 6. in cap. 8. ad Rom. l. 3. Ponderentur omnia quæ his in locis scribuntur, & nominatim ea quæ hic supra ex eo retulimus, pag. 318. ut innotescat quanta sit insufficientia Motionis Moralis si sola sit. Cujus sunt tres defectus; 1. Quod effectum non inferat infallibiliter, ac proinde apta non sit ad exprimendum modum sive certitudinem Agentis, *cujus intentio non potest deficere*, seu cujus voluntas semper impletur. 2. Motus Moralis aliquando non est sine aliquo libertatis præjudicio, ut patet in naufragio, & in omni metu cadente in constantem virum. 3. Non rectè præscindit à peccato: cum enim Moralis causa, non influat activitate propria, sed propositione objecti, non magis potest præscindere à defectu subsecuto ex operatione, quàm ipsum objectum præscindat. At si objectum aliquam includat deformitatem, movens mediante objecto, hanc deformitatem includit: & hinc fit (quod notatum velim) ut persuasio sive consilium, judicetur bonum vel malum, juxta mensuram bonitatis aut malitiæ in objecto repertæ.

Ccc ij

*Secundum quo utuntur Adversarii adversus Thomistas est concursus indifferens, & indeterminatus per voluntatem creatam determinabilis.*

Porro certissimum est per illum non ritè explicari Mysterium Gratiæ ad mentem D. Augustini & D. Thomæ : ut parebit legenti de gratia Christi cap. 47. & lib. 4. contr. Epist. Pelag. cap. 6. in fin. tom. 7. lib. 2. de peccat. merit. cap. 18. Et lib. 4. contra Epist. Petil. cap. 82. Item lib. 1. de prædest. Sanct. c. 8. & 9. cui S. Prosper suffragatur de vocat. gent. cap. 25. *Contra omnem elationem de libero arbitrio gloriantem ubi ait invictissimam venit sententiam Apostoli dicentis. Quis te discernit? Aut quid habes, quod non accepisti? Illius ergo, inquit, profunditas questionis, quam secundum admirationem Apostoli impenetrabilem confitemur, per liberi arbitrii velle & nolle non solvitur.*

Deinde si solo concursu indifferenti Deus debet uti pro libertate servanda, ut volunt Adversarii, sequitur Deum non habere tantum dominium in liberum bitrium creatum, quantum habet in alias res creatas : & quamvis hoc concedat Henao tom. 2. nu. 674. hoc tamen est falsum & contra D. August. tom. 7. lib. de cor. & gra. cap. 14. ubi ait, *Deum habet magis in sua potestate hominum voluntates, quam ipsi suas.* Item lib. 1. retract. c. 22. Hunc sequitur D. Fulgent. de Incar. c. 29. *Itane, inquit, rerum ordo credi, putarive permittitur, ut Deus qui Creator est hominis, valeat hominem facere, non mutare? Et qui nullius eget adjutorio ut hominem faciat, operari tamen quod vult in hominis voluntate non possit, priusquam in homine ipsum velle reperit? Hanc amentiam, inquit, & à fidelibus arceat, & ab infidelibus auferat.*

Hos sequitur Doct. Angel. de verit. q. 22. a. 8. *Sicut voluntas, inquit, potest immutare suum actum in aliud; ita & multò amplius Deus.* Lege l. p. q. 19.

At ne quid subinde metuas pro libertate, lege eundem de veritate q. 24. a. 1. in arg. *Sed contra & ibid. a. 1. ad 3. ubi ait, per hoc quod Deus est causa operans in cordibus hominum : non excluditur quin ipsæ mentes humane sint causa suorum motuum : unde non tollitur ratio libertatis.* legatur ibid. q. 22. a. 5. & 6. Item quod l. 1. a. 7. ad 2. & de Malo q. 6. ad 3. & 1. p. q. 8. a. 1. ad 3. Legatur & D. Prosper contra Collatorem cap. 12. *Voluntas non auferatur, inquit, cum in ipsa bene velle generatur.*

Legat qui voluerit Divum Augustinum tom. 9. tract. 1. in Joan. circa medium ut exemplo muscæ discat autum fit in fide asserere actum liberi arbitrii formaliter ut liberum non esse à Deo immediate, ut vult Henao pag. 189. nu. 671. sicque caveat ab hæresi Calvinistarum ut in peiorem non incidat : habeatque præ oculis præclarum illud Divi Augustini testimonium lib. 2. contra 2. Epist. Pelag. c. 1. *Sicut Medicus corporis, non continè pronuntiasset à mortis periculo liberum, quem negasset hydropicum, si alio lethali morbo per-spexisset egrotum : ita istis non ideo, inquit, veritas gratulatur, quia Manichei non sunt, si alio perversitate genere insanunt.*

Propter prædicta & his similia temper existimavi cavendum esse ab hac propositione Molinæ in 1. p. D. Thom. q. 23. a. 4. & 5. disp. 1. nu. 6. *Concedendum*

est dari aliquid, quod sit à nostro arbitrio, & non aliter, eà præcisè consideratione à Deo, nisi tanquam à natura, ipsiusque liberi arbitrii Authore, qui eadè facultatem nobis consulit. At illud non satis esse constat ex Angelico Doctore, qui centies docet Deum esse causam rerum omnium & quidem immediatam: unde de Malo q. 3. a. 3. sic concludit. *Relinquitur ergo quod causa perficiens & propria actus voluntarij, sit solum id, quod operatur interior: hoc autem nihil esse potest, quàm ipsa voluntas, sicut causa secunda. & Deus sicut causa prima.* Cur ergo Adversarii exempla quærent in resingulari?

*Tertium quonuntur adversarii est Concursus simultaneus quò existimant posse sufficienter explicari influxum primi agentis & per eum, Deum remotiorem esse à suspensione peccati, quod sit longè melius sub Dei Promotione.*

Circa primum dicimus hunc concursum esse insufficientem sine prævio. Ita D. Thomas Opusc. 1. contra Græc. c. 23. Et lib. 3. contra Gent. cap. 21. Et probatur ratione, *Quando dua cause simul tantum concurrunt neutra est prima, sed utraque est simultanea: & simultanea sunt causalitates utriusque. Neutra in aliam agit, sed utraque in effectum simul influit. Neutra agit in virtute alterius, sed utraque per se & propriâ virtute. Vna non dat esse effectui, ut instrumentum alterius; sed utraque ut causa partialis operatur pari gaudens independentia in ratione agentis. Vna non est alteri causa agendi, nec illam applicat ad agendum, sed utraque, virtute permanenti prorumpit in effectum. Vna non dependet directè ab altera, sed tantum indirectè, ratione effectus ab utraque procedentis. Vna non est causa effectus prout effectus est ab altera, sed tantum prout est à seipsa: nec complementum unius est ex virtute alterius. Vna non disponit aliam, nec dat illi vires, aut corroborat ejus infirmitatem. At Deus Opt. Max. omnia ista agit, cum operatur cum creatura. Hunc ergo concursum agnoscimus, sed ut insufficientem: Nec illum omisit, D. Aug. ut ait P. à S. Ioseph, ut legenti patebit de pot. q. 3. a. 7. ad 3. 1. 2. q. xi. a. 2. Et 1. p. q. 105. a. 5. ad 2. Quod autem Deus adjuvet creaturam prebendo ei vires, lege, August. de gra & lib. arb. c. 7. & 16. & to. 4. in exposit. proposit. Epist. ad Rom.*

Quantum autem ad 2. posito hoc unanimi omnium consensu fundamento, nempe privationem esse non posse nisi in subiecto apto, id est, in bono seu in ente aliquo: v. g. cæcitatem nisi in animali: cum peccatum sit privatio debite rectitudinis in actu libero: peccatum habet necessariò pro subiecto aliquod bonum seu ens reale, quod sit à Deo, utpotè universalissimo totius entis fonte sive principio. Conclusio probatur & explicatur. Certum est peccatum, non solum esse in voluntate, sed etiam in actu & executione. Ita D. Thomas de Malo. q. 2. a. 2. ubi ait: *Si totum id, quod est in peccato considerare volumus: peccatum non solum in actu interiori consistit, sed etiam in actu exteriori.* Quo saltem per acciden vi nocuenti, ratione scandali & aliorum defectuum, qui solent actum exteriorem concomitari vel subsequi, specialem habet malitiam: estque actio externa causa ut in formalem nequitiam magis in se feratur voluntas. Unde D. August. tom. 3. lib. 13. de Trinit. cap. 5. *Malâ voluntate, inquit, vel solâ, quisque miser efficiatur, sed inferior potestate, quâ mala voluntatis desiderium*

impletur. Idem docet D. Thomas 1. 2. q. 20. a. 4. Et tunc peccatum longè majus est, saltem extensivè : nam gravius est re ipsa interficere virum, quàm solam habere voluntatem, quantumvis firmam interficiendi eundem. Item Opusc. 60. c. 16. *Incipit iniquitas*, inquit Divus Thomas, *in cognitione : crescit in delectatione, abundat in consensu, superabundat in actu*. Unde & meritissimè David grates Deo referebat immortales, quod occisus Abigail, manus suas servasset innoxias à sanguine Nabal, quem propter ingrati tudinem interficere decreverat. Hoc posito, familiari utamur exemplo.

En maximum auri pondus, aut gravior argenti massa, quam ferre possit vir anus : hanc ergo furari decreverit Socrates, quam tamen auferre non valeat nisi ipsi adsit Adjutor & Comes Tullius, qui sciens Socrati adjungitur. Ecce pro furti executione solus concursus simultaneus. Quæro jam, an id circò innocens sit Tullius, qui scienter Socrati suam præstitit opem suo concursu simultaneo, pro auferenda præfata auri aut argenti massa, quam solus Socrates auferre non potuisset, nec quidquam moliri circa eam re ipsa auferendam magis, quàm creatura operari possit, Deo non concurrente, ut ipsi fatentur Adversarii ?

Minimè sanè : unde fur habebitur & Tullius, & eodem furti judicio unà cum Socrate meritò condemnabitur. Quid ad hæc Amice Lector ? Ipsam hic obestor Adversariorum conscientiam, an quidpiam huic objectioni, vel in speciem rel pondere valeant, quod non magis, faveat Thomistis.

At longè facilius est juxta doctrinam Divi Thomæ evidenter demonstrare, D. um Opt. non posse dici causam peccati, quamvis ex conditione Causæ universalissimæ per influxum prævium influat in liberum arbitrium creatum, cujus aliquem actum aliquando contingat esse basim malitiæ Moralis aliunde provenientis. Etenim cum in homine (quem Deus plus aut minùs moveret secundum suam voluntatem) bonus aliquis insurgit motus, si hunc homo impediat ne totum habeat effectum, quem ex natura sua juxta antecedentem Dei voluntatem habere posset ac deberet; homo ipse & quidem solus, est causa hujus impedimenti seu defectus : unde & dicitur *Spiritus sancto resistere* : & omnis defectus in hoc motu reperiatur, aut cum illo conjunctus, est à sola voluntate creata, quæ est prima causa deficiens, & ex se sola efficax ad malum, ut ait Divus Chryseologus in hæc verba Lucæ 6. (homo habeat manum dextram aridam.) *dextra est, inquit, quæ facit bonum : sinistra quæ facit malum : arida est dextra : valida est sinistra : quia infirmus homo ad bonum : efficax ad malum*. Dixi facilius ostendi, Deum Opt. non esse causam peccati in opinione Divi Thomæ : nam cum dicunt Thomistæ Deum promovere, & per prævium influxum influere in liberum arbitrium creatum, ex cujus vitio peccatum sequitur : multò remotior videtur, est quæ re ipsa Deus à peccato : quàm si diceretur cum Adversariis, Deum influere immediate in ipsum actum in quo est peccatum, prout sit per solum concurrere simultaneum. At juxta mentem Divi Thomæ Deus præmoveret creaturam liberam tantum ad id quod bonum est. Quod si præmotio Dei non totum habet effectum, quem habere deberet, certum est hoc provenire ex sola culpa creature, quæ vel gratiæ sufficienti & Deo excitanti resistit, vel peccando, impedimentum Gratia posuit, quò, facta est indigna, ut actuali ulterius & efficaciori Auxilio opportunè à Deo adjuvaretur. Sicque quidquid est entitatis & bonitatis in actu peccaminoso, à Deo esse necesse est : id verò omne, quod ad defectum spectat, sive ad rationem culpæ, cum sit extra lineam entis, seu extra sphaeram activitatis Om-

nipotentiz Dei ( si sic loqui fas est ) qui nequit attingere, nisi id quod bonum est: nihil mirum si defectus, etsi conjunctus enti, quod est quasi illius subiectum, refundi non possit in ipsum Deum: Illa enim quæ sunt in uno conjuncta, nullam imponunt necessitatem, ut ab eadem potentia attingantur, ut patet in potentia visiva quæ in uno eodemque pomo, attingit solum colorem, non verò saporem ipsi realiter conjunctum. Idemque dicendum de rationibus veri & boni, quæ quamvis sint ab invicem inseparabiles, à diversis tamen attinguntur potentiis, scilicet intellectu & voluntate: quod maximè verum est, si unum habeat rationem actus: alterum vero rationem defectus, ad quem nullus requiritur causæ primæ concursus. Predicta omnia sunt ex Angelico Doctore deprompta 2. ad Annibald. q. 1. a. 2. ad 1. Item in 2. sent. dist. 37. q. 2. a. 2. cui viam straverat B. Magister Albertus Magnus in 2. sent. dist. 37. a. 7. Cumque D. Thomas loco supra citato in 2. sent. dist. 37. a. 2. sibi objecisset istud; *Rei non assignatur causa secundum quod est in intellectu, sed secundum quod est in re: ac quidam sunt actus in quibus non potest separari illud quod est de natura actus à deformitate, nisi secundum intellectum, quia bene fieri non possunt.*

Ad 5. sic respondet Divus Thomas: *Sicut actio, quæ peccati deformitatem habet, dicitur bona in quantum est actio, bonitate nature: non propter hoc, quod aliquando invenitur separata à deformitate, sed quia bonitas illa nature, deformitati subsistat: ita etiam Deus dicitur esse causa illius actionis in quantum est actio, & non in quantum est deformis... Etsi enim in aliquo effectu plura inseparabiliter conjuncta sint: non oportet quod quidquid est causa ejus quantum ad unum, sit causa ejus quantum ad alterum: sicut natura est causa oculi quantum ad substantiam ejus, & non quantum ad defectum cæcitatis, quæ ex natura defectu incidit. Confirmatur primò ex eodem sancto Doctore l. c. 2. in 1. Joa. ubi explicat hæc verba ( sine ipso factum est nihil. ) Confirmatur 2. ex S. August. tom. 5. lib. 12. de civit. cap. 7. ubi ait. *Nemo querat causam efficientem male voluntatis: non enim est efficiens, sed deficiens.. Causam porro defectionum istarum, cum efficientes non sint, ut dixi, sed deficientes, velle invenire, tale est ac si quispiam velit videre tenebras, vel audire silentium: quod tamen utrumque nobis notum est, neque illud, nisi per oculos: neque hoc nisi per aures, non sunt in specie, sed in specie privatione....* Item tom. 3. lib. imperf. de Gen. ad litt. c. 5. *Non dicimus, inquit, Deum fecisse tenebras, quoniam species ipsius Deus fecit... Certè non bona fide videntur Adversarii nobiscum agere, cum dicunt, dici posse juxta Thom. Deum movere aut promovere: v. g. ad furandum aut mentendum, &c. quod est falsissimum: cum hæc & similia dicant peccatum formaliter. Quod verò dicunt Thomistæ de bono seu entitate: hoc ipsum juxta si dem non possunt Adversarii denegare; sicque patet Thomistas nihil in hoc asserere, quam quod omnes qui sapiunt. Et magis impossibile est ut Deus, qui est summum Bonum, sit causa mali culpæ, quàm quod tenebræ sint ab ipso Sole.**

Prædicta hæc de universalitate & efficacia Causæ Primæ visa sunt aded convincentia, ut ea dissimulare nequiverit Valentia ipse, Magnus Thomistarum Antagonista (& quem Sui in tom. posthumo Suarezii, vocant Theologum incomparabilem ) disp. 1. q. 19. de vol. Dei punct. 335. ubi postquam retulit loca in quibus Doct. Angel. ostendit nullam esse entitatem, cujus Deus non sit Causa, ait: *Nihil habent hæc sententia ( scilicet D. Thomæ ) commune cum blasphemia Beze, asserentis Deum esse causam peccati.* Deinde sic concludit idem Valentia: *Etiam-*



si peccatum, ut ad bonum ordinatur, esset verè bonum, tamen non idè esset necessarium, ut si Deus vellet, eam rationem bonitatis in peccato, vellet etiam ipsum peccatum in se ut conjunctum illa ratione boni. Posset enim Deus, nihilominus arbitrio libero voluntatis sue, ita inter rationem hujusmodi Bonitatis & ipsum peccatum discernere, ut rationem illam vellet, & peccatum abominaretur, etiam ut conjunctum cum illa boni ratione. Legimus D. August. tom. 7. lib. de cor. & gra. c. 10. D. Thomas in cap. 3. Mantani Et ad Rom. 1. c. 5.

*Quarò ostenditur contra opinionem Adversariorum sub Prædeterminatione physica locum relinqui Gratiæ sufficienti.*

Existimant Adversarii & quidem ferè omnes positâ Prædeterminatione physicâ seu aliquâ Gratiâ per se effici, cui numquam resistamus, licet ei semper resistere possimus: nullum sapere locum Gratiæ, quæ dicitur sufficiens, & dat tantum potentiam agendi. Oppositum affirmat omnes Thomistæ cum Alvare lib. 8. de Auxil. disp. 71. cu. 2. existimante: *Nullum Catholicum posse dubitare de divisione Gratiæ in SuffICIENTEM & EFFICACEM*, ubi asserit, *Sufficientem* satis ab Angelico Doctore expressam fuisse, (*Gratia excitantis & perveniens*) nomine. Sicut & efficacem, sub consueto, *Gratiæ adjuvantis*, vocabulo.

Quod si nomine *Gratiæ sufficientis* non sit usus Doctor Angelicus in divisione Gratiæ: existimant nonnulli id de industria factum esse ab ipso, ne abusus subreperet in vocabulo, tanquam præter eam (quæ dicitur sufficiens) nulla alia crederetur necessaria, scilicet Efficax. Quare merito jure, ait Zumel, to. 3. dist. 5. sect. 1. *Auxilium sufficiens*, non dicitur *sufficiens*, ut nomen Grammaticale sonat, quasi de seipso solum, & omni alio repulso, non solum habeat vim agendi & operandi, verum etiam exerceat: sed solum dicitur *Sufficiens* Theologicè: quia dat homini, ut possit agere, tribuitque ei vim ad volendum: sed non completè omni modo, quia est necessaria gratia efficax intrinseca & determinans voluntatem.

Per hanc ergo, *Gratiam sufficientem* verè dicimur *posse*. Quia ex parte potentie, nulla alia requiritur Gratia, adtribuendam agendi virtutem: per eam enim sufficiens excitatur & elevatur facultas naturalis, ut ipsa fiat proportionatum divinæ virtutis instrumentum: sicut & in ordine ipsius naturæ calor elevatur per virtutem animæ sensitivæ, ut per eum caro generetur. Ita subtiliter Navarreta Controv. 19. parag. 11. Cum tale *Auxilium*, inquit, non participet rationem potentia ab auxilio efficaci: sit ut ex se ipso sit potens operari: cui, si homo non resistat, Deus ex sua liberalitate confert *Auxilium efficax* tanquam complementum actuale. Quia Dei perfectæ sunt opera.

Utamque ergo Gratiæ, scilicet *Sufficientem & Efficacem*, satis expressit D. Thom. 1. 2. q. 112. a. 2. ad 2. ubi ait: *Deus aliquando hominem movet ad aliquod bonum, non tamen perfectum: & talis preparatio præcedit Gratiam: sed quandoque perfectè movet ad bonum & subito Gratiam homo accipit, ut contigit in Paulo*. Et 2. 2. q. 24. a. 3. ad 1. ait: *Spiritus sanctus movet mentem hominis, vel plus, vel minus, secundum suam voluntatem*.

Quod si gratiæ habituali in iustis, etiam à quibusdam tribuatur nomen, *Gratia sufficientis*, quia per hanc voluntas sufficienter elevatur in ratione potentie, ut actus supernaturales meritorios efficere possit, sine qua voluntas, illos non potest producere, sicut nec aqua ex se potest calefacere. Verissimum tamen est, præ-

ter

ter illam semper requiri Auxilium Aëtiale, satis insinuatum ab Angelico Doct. 1. ad Corinth. 15. Lect. 1. ubi ait : *Deus non solum Gratiā infundit, quā opera nostra, gratiasque & meritoria, sed etiam movet ad bene usendum gratiā infusā.* Nota hoc. Item in cap. 3. ad Ephes. lect. 2. ait : *Facultatem dat Deus infundendo virtutem & gratiam, per quas efficitur homopotens, & aptus ad operandum : sed etiam operationem confert in quantum operatur in nobis interius movendo & instigando ad bonum : & est donum Gratiā de quo Apostolus : (secundum operationem virtutis ejus) id est, quam Deus efficit, in quantum virtus ejus operatur in nobis velle & perficere.* Suntque verba, quæ ante præmiserat singulari animadversione, digna (secundum donum gratiæ Dei.) *Tangit* (inquit D. Thomas) *Auxilium sibi præstitum ad ministeriorum executionem : hujusmodi autem duplex fuit : unum quidem ipsa facultas (scilicet supernaturalis) : aliud, ipsa operatio sive actualitas.* Non minus expresse loquitur in cap. 9. ad Rom. l. 3. Hic ergo non abutendum Divi Augustini testimonio tom. 7. lib. de Prædest. Sancti. c. 5. ubi dixit *natura esse hominum posse habere fidem.* Est enim illud (*posse*) *Gratiā, (ut ipse ait) naturæ attributa : quā sumus animantia rationalia, & discernimur a pecoribus :* verum hæc non est vera gratia, sed illa quæ abutebatur Pelagius. Potentia verò de qua hic nobis est sermo, cum loquimur de Gratiā sufficienti per quam Deus dat nobis (*potestatem filios Dei fieri*) est supernaturalis : Nam ut incipiamus, *Gratiā opus est,* teste Divo Augustino tom. 7. lib. de Gra. & liber. arb. c. 15. *per quam fit homo bona voluntatis, qui prius fuit mala.* Quare serm. 3. de verb. Apostoli tom. 10. cap. 10. ait : *Volo ut velis, sed non sufficit ut velis, adjuvandus es, ut plene velis, & ut impleas quod velis,* quia ut ipse ait, *ad nonnulla superanda, vel quæ malè metuntur, vel quæ malè capiuntur, magnis & aliquando totis viribus opus est voluntatis :* utrumque autem exprimitur in istis verbis Apostoli : *Deus operatur in nobis velle & perficere.*

Verum ex prædicta non repugnantia, cui nomen Gratiæ datum est (quā discernimur à brutis,) cavendum est ne quis illā abutatur, ut eam confundat cum potentia supernaturali, qualis est illa de qua loquimur, cum nobis est sermo de Gratiā sufficienti : Nam inter utramque hoc est discrimen assignatum à S. Aug. lib. de cor. & gra. tom. 7. cap. 7. ubi ait, *quoniam potest dici : homo, in eo quod audieras & tenueras : in eo perseverares si velles : nullo autem modo dici potest, id quod non audieras, crederes si velles.* Legi poterit Alvarez de Auxil. disp. 37. nu. 4. Et Navarreta cum illo docens, quomodo in una eademque entitate possit reperiri aliquando vis Auxilii sufficientis & efficacis, prout in Conversione Pauli contigit facta ab eo, cui facile est, subito honestare pauperem : nam sicut in corporalibus sunt quædam infirmitates quæ paulatim sanantur, & alia repente ; ut sunt illæ in quibus Deus operatur miraculosè, ita & in spiritualibus.

Si ergo dicatur quispiam nondum habens Gratiā sufficientem *posse converti ac panitere :* Hoc intellige tantum in eo sensu, in quo diximus cum Augustino *naturæ esse hominum posse habere fidem,* id est, habere non repugnantiam quæ est in brutis, in quibus non est liberum arbitrium, cui nomen Gratiæ tribuebat Pelagius ex eo quod ipsis esset gratis à Deo concessum. An vero qui jam Gratiā habet sufficientem quæ sit supernaturalis Dei donum ipsi communicatum, sive per Gratiā excitantem, Deo ad ostium cordis tantummodò pulsante : sive per spiritum jam inhabitantem, ut sit in iustis, per Gratiā sanctificantem : an (inquam) debeat dici non posse, ex eo quod careat efficaci Auxilio Gratiæ ?

Raspondeo negativè. & maxime propter Authoritatem Eccl. etenim non posse in communi modo loquendi, idem sonat, ac simpliciter impossibile. At ex Angelico Doctore de verit. q. 24. a. 1. ad 5. *Quando natura inferior potest aliquid dispo- nere, vel qualitercumque operari, non dicitur impossibile simpliciter: quamvis non possit perfici absolute, nisi divina operatione: sic non dicimus impossibile esse sim- pliciter prolem in materno utero animari Animâ rationali.* Et hoc velim accura- tissimè notatum. Etenim si possibile dicitur *prolem in materno utero animari Ani- mâ rationali, quâ à solo Deo potest creari: quorûm amabi- dicitur impossibile: iam habenti Gratiâ sufficientem ex eo solùm quod nondum habeat efficacem à solo Deo expectandam?*

Hic distinguendum est duplex necessarium: unum ad posse quod definitur, id sine quo res fieri non potest. Alterum ad operari seu ad actualem operationem: & dicitur id sine quo res aliqua non fit. Primum convenit Gratiæ Sufficienti. Et se- cundùm Efficaci: sicque numquam dicitur, quod ille non possit, cui solum actuale Auxilium defuerit: quod fuit iudicatum à Patribus & Consiliis (secundo scilicet modo) absolute solvetur argumentum hæc di- stinctione, in speciem dissimilimum: idque ad mentem D. Thomæ, ut patet ex supradictis. Legendus etiam Divus Thomas c. 4. de Divin. Nom. lect. 23.

Porro, Gratiâ sufficientis sic explicata, non minus accepta est Sancto Augustino quàm Doctori Angelico, ut patet lib. de Grat. Christi c. 5. & 47.: nam sem- per distinguit S. Præsul *Auxilium quò operari possumus.* ab eo, *quò re ipsâ ope- ramur:* utrumque enim necessarium est, quia ut ait tom. 1. lib. 1. retract. cap. 9. *Omnia bona à Deo sunt, & ipse bonus usus libera voluntatis in magnis nume- ratur bonis.* Lege eundem de gra. & lib. arb. tom. 7. c. 18. Item tract. 47. in Joa.

Sed quia res est maximi momenti, diuque nostrâ ætate, etiam à Viris do- & sumis agitata: paulò accuratius illam rimabimur; & præcipue circa id, quod supra diximus: Nomen Gratiæ sufficientis aliquando posse tribui Gratiâ habitu- ali. Ita D. Thomas 1. 2. q. 114. a. 3. ad 3. (dicendum quod gratia Spiritus Sancti, quam in presenti habemus, etsi non sit equalis Gloriæ in actu, est tamen equalis in virtute, sicut & semen arborum, in quo est virtus ad totam arborem. Et simili- ter per gratiam inhabitat hominem Spiritus Sanctus, qui est (Sufficiens) causa vite æternæ; unde & dicitur (pignus hæreditatis nostræ 2. Cor. 1.)

Non aliter loquitur S. Doctör de gratia parvulis collata, quam vocat quoque *Sufficientem*, de verit. q. 27. a. 5. ad 16. quia (inquit) *Sufficiens erit cooperari li- bero arbitrio, quando ipse usus habere poterunt.* Item in cap. 4. Joan. lect. 4. *Sunt, inquit, fructus spiritualis doctrinæ, sicut fides & huiusmodi: quæ tamen sunt semina vite æternæ, quia per eam, ad vitam æternam pervenitur.* Sit igitur, ut supra diximus *natura hominum, posse habere fidem; actu habere illam, gratia est fidelium* (inquit S. Præsul) ille enim, qui operatur velle, in bonis arboribus fru- ctum cooperatur, qui & foris secus rigat atque excolit per quemlibet ministrum, & per se dat intrinsecis augmentum. Ita lib. de gra. Christi c. 19.

Ex dictis satis innotebit, quomodo sic Gratiæ efficacis necessitatem agnoscamus, ut Gratiâ sufficientem non negemus: quæ (ut piè creditur) nulli adulto deest in necessariis, prout suadere videtur S. August. tom. 4. lib. 2. de serm. Dñm. in in Monte c. 9. dum ait *nullam esse Animam quantumvis perversam (si aliquo modo ratiocinetur) in cuius conscientia Deus non loquatur.* Et tom. 8. pl. 57. *Hoc (inquit) & antequam lex daretur, nemo permissus est ignorare, ut esset. & unde*

judicarentur, & quibus lex non esset data: sed ne homines aliquid sibi defuisse quererentur, scriptum est & in tabulis, quod in cordibus non legebant, non enim & scriptum non habebant, sed legere volebant. Et loco supra citato de 1<sup>o</sup> serm. Dom. loquens de non habentibus legem: citat illud Apostoli ad Rom. 2. v. 14. *Ipsi sibi sunt lex: qui ostendunt opus legis scriptum in cordibus suis contestante conscientia ipsorum: & inter se inuicem cogitationum accusantium vel etiam excusantium.*

In hoc sibi ipsi constantissimus est S. P. x<sup>o</sup> ul, tom. 4. de Gen. ad litt. lib. 1. c. 1. ubi ait: *Principium quippe creatura intellectualis est aeterna sapientia: quod... nullo modo cessat occulta inspiratione vocationis, loqui ei creatura... ut conuerteretur... idem... respondit (Principium qui & loquor vobis.)*

Huic subscripsit D. Thomas 1. 2. q. 106. a. 2. ad 2. ubi ait: *legem novam quantum de se sufficiens Auxilium dare ad non peccandum. Item in 1. sent. dist. 46. q. 1. a. 1. loquens de voluntate Dei Antecedente ait: Hujus voluntatis effectus, est ipse ordo naturae in finem salutis & promoventia in finem omnibus communiter proposita tam naturalia quam gratuita: perpende hoc Amice Lector.*


Confirmatur ex eod. de verit. q. 21. a. 1. ad 1. ubi ait: *Dionysius non intendit ex illis verbis excludere voluntatem & electionem à Deo: sed ostendere universalem ejus influentiam in res: non enim ita communicat suam Bonitatem rebus, ut quasdam eligat, quas suae bonitatis participes faciat: quasdam vero à participatione suae bonitatis omnino excludat: sed omnibus dat affluenter, ut dicitur Iacobi 1. quamvis quantum ad hoc eligere dicatur, quod quibusdam plura, quam aliis dat ex ordine Sapientiae. Confirmari potest iterum ex lect. 2. in c. 1. Joan. Item lect. 3. in cap. 12. ad Hebr. de verit. q. 14. a. 2. ij. ad 1. Et lect. 3. in cap. 1j. ad Rom. ubi loquitur de ipso, in sylvis inter bruta, enutrito.*

Tantum ergo Doctorum vestigia terentes, dicimus (salvo semper Doctorum: & precipue S. R. Ecclesiae iudicio) fidelibus & iustis praeter externa quibus pleni sunt Caeli & Terra, & quibus veluti tot vocibus, ad diligendum Deum homines invitantur: semper adesse internum Dei Auxilium, sive illud sit aliqua motio actualis habitui consentanea: sive sit ipse fidei habitus Gratiae & Charitatis, quae rite dicuntur *Gratia sufficientes* non modò quia elevant animam, tribuuntque potentiam proximam ad petendas omnes opinationes proximas ad perseverandum necessarias: sed etiam quia Spiritus Sanctus per hos habitus Animam inhabitans, eam saepius ad bonum incitat quibusdam moribus saltem imperfectis. Ita Divus Thomas 1. Thess. 5. lect. 2. in med. Cùm, inquit, *aliquis bonus motus insurgit, & ipse impedit: extinguit Spiritum Sanctum. Act. 7. & vos semper Spiritui Sancto resististis.*) Item Opulc. 60. *Sancti habent,* inquit, *Gratiam sufficientem, ad merendam vitam aeternam*

Iniustus autem & infidelibus, praeter externa Dei Auxilia: existimamus etiam quandoque aliqua interna non deesse pro loco & tempore, ut ex citatis D. Augustini & D. Thomae testimoniis colligimus; maxime ex infinita Dei Bonitate, ipsis saepius offerente ad salutem necessaria; quae ipsi pro sua nequitia vel oblara respuant, vel accepta abijciant. Quod si rebellibus & obduratis peccatoribus qui exultant in rebus pessimis, ut Herodi, Antiocho & similibus; specialia, & quae Amicis suis, Deus servavit, gratiae suae, deneger Auxilia: non est cur illi, aut Deum injustum causentur: aut ipsi apud Deum vel homines ulla ratione excusentur, ut per se notum est. Hic velim advertat Lector benevolus, me hac in re loqui ex ipso Sanctorum Patrum iudicio: Aug. in ps. 6. post

medium : dedit eos in reprobum sensum : nam ea est, inquit , cecitas mentis. In eam quisquis datus fuerit ; ab interiore Dei luce secluditur : sed nondum penitus cum in hac vita est. D. Prosp. lib. 1. de vocat. Gent. c. 21. *Credimus*, inquit nullis hominibus opem gratia in totum fuisse substractam. D. Tho. de verit. q. 24. a. ij. in corp. ubi ait posse contingere , ut aliquis habeat voluntatem ita formam in malo , quod non insurgant motus ad bonum nisi debiles. At illi motus boni et debiles non possunt non esse ab ipso Deo. Quod verò rebelles prædicti exculationem non mereantur ; patet ex D. August. lib. 1. Retract. c. 23. *Sicut legimus in Exod.* *Obduratum est cor Pharaonis*, ut tam evidentibus signis non moveretur. Quod ergo tunc Pharo non obtemperabat præceptis Dei ; jam de supplicio veniebat. Non autem quisquam potest dicere obdurationem illam cordis immerito accidisse Pharaoni, sed iudicio Dei retribuente incredulitati ejus debitam penam. Superest igitur ( quidquid dicant Adversarii ) amplissimus Gratia sufficienti campus, apud ipsos physicæ Præmotionis Propugnatores : nec est , cur , hoc prætextu , ullus à sequenda D. Thomæ doctrina , hac parte retardetur.

#### **FINIS SUPPLEMENTI.**



## INDICVLVS REMISSORIVS,

Ex selectis huius Operis compactus: In quo præcipuæ Patris de Henao Eventilationes Theologicæ; quinque supra quinquaginta Notis expunctæ, jam in antecessum sat confutatæ conspiciuntur.

### *Monitiuncula Lectori necessaria.*



ANDIE Lector, post primum hujus Authoris Tomum, quatuor argumentis supra confutatum; paulò serius quàm voluissim, secundus meas incidit in manus: sed transcursum volumen istud revolvens, obstupui; cum hoc Opustor præconiis buccinarum, torque encomiis à Suis celebratum, evidenter competere ipsum ferè nihil novi continere, quod præfagà mente ( divina sic disponente providentia ) non esset à me jam sufficienter occupatum, pro hujusmodi Eventilationibus Theologicis ( ut ipse loquitur ) etiam confutandis. Quare ex omnibus eius Iucubrationibus, quinque tantummodò supra quinquaginta selegi illius Assertiones, ( quæ sunt in toto ejus Opere, non secùs ac ossa & nervi in corpore ) quibus refutatis, totum Opus dicti Patris Henao, ruere necesse sit. Mihi sanè jucundissima fuit hæc brevis excursio in Opera hujus Authoris; rem mitam diuque desideraram pollicientis *Pacem scilicet & concordiam*. Quis enim pacificæ tranquillitatis ac Religiosæ mansuetudinis studiosus (qualis ipse semper esse studui) non exoptaret frui tanto, quod ille promittit, munere; aut ex animo non cuperet rem habere cum homine; qui ut ipse spondit pag. 13. n. 52. *jam canus, Scholam placare vult?* Quique solummodò id petat à nobis, quod tam ipsi quàm aliis iam ultrò concessum sit. Etenim postquam hic venerabilis senex cum religiosa humilitate paginà 7. n. 25. secundi sui voluminis, hæc verba Iobi c. 6. v. 24. retulit. *Docete me & ego tacebo, & si quid foris ignoravi, instruite me*, magis instat ibidem ex Pineda hunc in modum: *Perfundite me temporanè & opportuna doctrinà quâ refrigeret, quâ deservescat ignis mearum hæsitacionum: sed ne me percellatis convulsorum turbino: ne tonetis vocibus & clamoribus: ne fulguretis exscandescentes adversus addubitantem hominem*. Verùm, nihil horum ex me est ipsi metuendum, qui hæcenus, cum ipsis, qui oderant pacem, fui pacificus.

Fateor tamen in ipso Venilabri, patris de Henao, limine 4 me repentè in quidpiam impegisse, quod quamdam animi commotionem, nisi citò occurrisset ratio, excitare merito potuisset. Lucipiens enim Henao loqui de Scientia-Media, dixit in ejus ortu *anguineos sibilos insurrexisse, latisterosque rictus immani biasse*. Quod sanè nedum pungens, sed aculeatissimum est & injuriosum dictum de tot viris Religiosis, qui aut miraculis claruerunt, aut pro meritis in Ecclesia sacris decorati sunt Insulis: uno verbò, *quorum memoria in benedictione est*. Quales fuerunt illi, qui ut faceret pagina 224. laudatus ipse Ripalda Societatis Iesu Author celeberrimus, *solo Catholica Doctrina retinenda stant à zelo*, novitati scientiæ hujus Mediæ contradicebant. Cui scientiæ, ut alius eiusdem Societatis Scriptor subtilissimus Thyphanius asserit, non plus fidendum quàm somnio dormientis, quamque omnes qui sapiunt, scinotò partium studio, facentur Deo Opt. Max. indignam, utpotè quæ faciat ipsum à creatura dependentem: præter cætera, quæ ipsam repulsà dignissimam efficiunt.

Verùm, si hominibus durum sit comparari serpentum sibilis: durius profectò erit viris Religiosis accenseri hæreticis, prout factū legimus pag. 78. n. 131. & 190. fuit primo volumine, dùm refert ac objicit Henao contra Thomistas, quæ scripta nunquam fuerit, nisi

Ecc

contra hæreticos, quâ scribendi arte Lectorum simplicitati periculose insidiatus est, nisi eisdem occurramus. At his omnibus libenter obsurdescimus, propter viri rescipescantiam, qui in altero suo volumine religiosius scripsisse ac stylum prioremque differendi methodum temperasse videtur. Ad rem igitur pacifice accedamus.

## ELENCHVS ANIMADVERSIONVM.

In quo 55. Notis expunguntur præcipuè P. Henao  
Eventilationes Theologicæ.

### Nota prima.

Vtrum Sorbona Scientiæ-Mediæ adhaereat?

Hic præ oculis habendum D. Augustini Monitum to. 7. lib. 2. contra Donatistas, c. 7. Si (inquit) necessitas præsentium questionum breviter quid iterare compulerit: ignoscant scientes, ne offendatur nescientes: satius enim est, offerre habenti, quàm differre non habenti.

Ait ergo fidenter Henao pag. 13. sui Ventilabrin. 2. o. id quod sequitur. Testatur Petrus à sancto Ioseph accepisse se à fide digni; ne unum quidem in Collegio Sorbonico, ex quo tempore excitata est controversia inter Dominicanos & Iesuitas, reperiri esse qui Scientia-Media non ad hæserit. Quod ad id (inquit) perseverat. ut... Et idèd, inquit Henao, nostra hac est propria gloriatio in hac disputatione, quod Sorbonam sequatur, Scholarum omnium parentem.

At, quid huic iactantiæ reponendum, quidve prælagâ mente dictum sit supra, hac de re, vide (suprà) paginâ 205. & 206.

### Nota 2.

An admittenda suppositio facta ab ipsomet Henao? Paginâ enim 25. n. 41. in fine loquens de his qui vocant Bannscium, primum parentem & assertorem Physicarum Prædeterminationum, ait, Si hoc de Dominico Bannez mendacium: dummodo & mendacium sit quod Ludovicus Molina appelletur inventor Scientiæ-Mediæ. Ita Henao.

Recipia esse mendacium hoc de Bannez dictum fatemur; cum decessi Doctiores ex Societate ut Cursum Philosophicum componerent, palam facerentur præviâ Dei Motionem esse ipsiusmet Divi Thomæ. Ita lib. 2. Physic. 13. a 1. ubi aiunt, *Disputienda se offert celebris opinio D. Thomæ*... 2. Effatum patris Henao non quadrat encomiis ipsi Molinæ datis hic in compendio in fin. pag. 2. 3. Minus ipse famam Molinæ, qui in Domino glorioratur à se inventam fuisse Scientiam-Mediam: ut iusta dicemus Nota 51. ipso teste Henao.

### Nota 3.

Vtrum R. P. Generalis Turcus fuerit Præmotioni contrarius?

Affirmat Henao pag. 26. n. 42. in fin. quodque repetit in suo alio volumine.

At quàm falsum sit istud; vide supra pag. 210 & seq.

### Nota 4.

Patres Dominicani (inquit Henao pag. 29. n. 45.) & Patres Societatis ab anno 1594: ad hodiernum usque diem aque contendunt de mente S. Augustini & S. Thomæ, ac de ipsa re, id est Præmotione.

Thomistas nunquam contendisse de mente D. Thomæ circa Præmotionem hic pag. 181. proprio etiam nomine expressâ: & centies alibi quoad rem significatam. Qui verò circa mentem D. Augustini & D. Thomæ ancipites essent Thomistæ hac in parte, cum pro hac, hos laudent: supracitati Connimbriceules 2. Physic. licet eos non sequantur; & Molina ipse fateatur propter Præmotionem se recedere ab Angelico Doctore, ut supra diximus pag. 191 Legi poterunt supra D. August. & Doct. Angel. pag. 283. & à pag. 276. usq. ad pag. 301.

### Nota 5.

Affirmat Henao pag. 27. ex Oratione Basilidæ factâ coram summo Pontifice, Prædeterminationem Physicam esse Scripturis sacris contrariam.

At tam aperte falsitati obviam processit, pag. 234.

## Nota 6.

Prædeterminationem repugnare sacris Conciliis ibidem asseruit idem Henao.

Sed oppositum reperies pag. 285. & seq. Item pag. 295. pro Arausicano 1. cuius omnes canones stant pro hac veritate.

## Nota 7.

Nullam hîc faciemus Bastidæ aut ipsi Henao eum referenti, injuriam: si dixerimus ipsos non satis accurate D. Thomam legisse: aut illius Doctrinam distorsisse hac in parte, cum pag. 27. usatum Eventilationum asserunt, *per Præmotionem auferri Gratiâ sufficientem*. Nam ad hoc refutandum opus est oculis ianuum, uilegas quæ diximus hîc in fine pag. 8. Supplementi.

## Nota 8.

Ita metuebat Henao, ne quis Bastidæ fidem adhibere rectaret asserenti pag. 27. *per Præmotionem auferri libertatem*, ut idipsum dixerit rursùm n. 935.

Verum; utriusque poteris sine negotio os obstruere, si legere volueris quæ supra diximus pag. 223. & 231. passimque toto Opere.

## Nota 9.

Gravius est id, quod ex eodem Bastida loco supra citato refert, nobisque imponit idem Henao, scilicet *per Præmotionem* (quod absit) *Deum opt. aq. malorum ac bonorum autorem esse*.

At hoc falsissimum esse constat ex distis pag. 129. & sequenti & magis expressè in Supplemento sub finem pag. 5, 6, 7. & 8.

## Nota 10.

Deum præmovere creaturam ad bonum, iam fatentur multi: sed adhuc timet Henao locis supra citatis, ne Deus inde dicatur causa peccati.

Resp. Illius scrupulos satis removeri locis Nota 9. præcedenti expressis.

## Nota 11.

Pag. 30. sui Ventilabri asserit Henao ablatam esse maculam Doctrinæ Lessii illatam censurâ Duacenâ & Lovaniensî, per revocationem illius quam obdundunt factam fuisse ab eadem facultate. Porro quid de hoc subterfugio sentire debeat, vide suprà pag. 340.

## Nota 12.

[Paginâ 29. n. 49. & 1533. totum præsidium constituit sibi Henao in prævisione circumstantiarum ad quas conatur reducere totam gratiâ efficaciam,

Sed hoc quoque subterfugium sufficienter occupatum hîc reperies tanquam D. Augustino prorsus contrarium, Quare vide suprà pag. 241. 242. & 243.

## Nota 13.

Paginâ 51. n. 97. ait Henao ex Bastida, *Gratiâ & arbitrium esse causas parciales: effectus modum loquendi aptiorem ad rem explicandam, causiorem & conformiorem modo loquendi Doctorum, & præcipuè S. Thomæ & Thomistarum*.

At quàm falsum sit istud, vide primò hîc in supplemento quæ diximus, pag. 5. de insufficientiâ concursus simultanei: Item quæ antea dixeramus paginâ 284. & seq. ex Ecclesiæ orationibus, cum qua Deum sic alloquimur. *Deus virtutum cuius est totum quod est optimum*. Denique pag. 288.

Legè D. Bonaventurâ, & D. Thomam lib. 3. contr. Gent. c. 70. ubi ait, *Non sic idem effectus causâ naturalis & divinâ virtuti attribuitur, quasi partim à Deo, & partim à naturali agente fiat*. Porro concursus simultaneum explicat Molina (& cum eo nostri omnes adversarij) exemplo duorum hominum navim trahentium: ita lib. de lib. arb. Antuerpiæ M. D. XCV. edito, q. 14. a. 13. disp. 16. Verùm quia meminit Henao etiam Thomistarum, & unus hîc pro aliis audiat, scilicet Driedo Doctor celeberrimus Facultatis Lovaniensîs lib. de captiv. & redempt. gener. humani tract. 2. p. 2. fol. verso 142. Edit. Lov. 1755. *Providus sanctus scriptura Spiritus, omnibus obviat erroribus. Nam interdum exaggerando & inculcando Gratiâ tacitâ liberâ voluntate, totum tribuit divinâ misericordiâ ne homo putet aliquid boni esse suum, quod non sit ex Dei munere. Interdum tacitâ gratiâ totum tribuit homini, ne ita in Deum cuncta rejiciat homo, ut se putet posse oisium & segnem esse. Hac est per omnem locum prophetica; & Evangelica & Apostolica Doctrina, quæ nec superbos vult nosse nec desides. Vnde Deus & liberum arbitrium simul ad opus bonum non permixto concurrunt atque duo homines ad navis motum, ubi utique suis*  
Ecc ij



agni viribus trahit: ubi tamen ipsius navis motus non fiteret, nisi uterque traheret: tamen nec alter ab altero vim accipit agendi, nec impulsu, inclinationem aut affectionem trahendi; sed concurrunt ad opus bonum Deus cum homine, quemadmodum Sol cooperatur aëri cetam mollienti, per acceptum à Sole lumen & calorem: Quemadmodum & ductor concurrat viam monstrans & erigens ducit languidum & imbecillum. . . . & hoc est (inquit) plana omnium Ecclesiasticorum doctrina, ex Scripturis sacris evidentissimè demonstrata & præsertim Augustini multis in locis. Quid clarius aut efficacius dici potest?

*Nota 14.*

Author quæstionis historicæ (inquit Henao pag. 61. n. 108.) totus occupatur ut Prædeterminationem Physicam protegat ab objectionib. quibus impetitur ex Trid. sess. 6. c. 5.

Sed tantum abest, ut hanc quæstionem legisse sufficiat: verum quia non est pervia omnibus Librorum copia: lege interim quæ diximus hic pag. 285. & sequentibus, ut videas quomodo ex Tridentino & eius Catechismo specialiter stabiliatur Prædeterminatio, salva libertate creatæ non obstante efficaciâ gratiæ.

*Nota 15.*

Tam frequenter recurrit Henao ad Petrum à Sancto Ioseph tanquam ad sufficientem Præmotionis Expugnatorem, ut nimis prolixum & exotum foret loca sigillatim recensere.

Sed quàm immeritò hoc dixerit Henao lege iudicium Censorium quinque Universitatum, pag. 255. & seq. relatum: perpende singula, & obstupescas.

*Nota 16.*

Paginâ 66. n. 118. existimat Henao, *Nec asserere voluntatem liberam à Deo determinari ad unum certum modum agendi, perinde ac res naturales determinantur.*

Verum & istud etiam falsum esse passim ostendimus, & nominatim pag. 310. n. 2. ex D. Thoma ibid. laudato. Lege eundem de Malo. q. 16. a. 5. & 1. contr. Gent. c. 68. in fin. Sed de hoc fusius alibi cum de causis hallucinationum quib. Antichomistæ decipiuntur.

*Nota 17.*

Paginâ 79. col. 1. *Sicut homo* (inquit Henao) *passim alterum moras ad aliquid determinat: v. g. agendum: ut cum es persuadet hoc vel illud caritatis opus: nec propterea dici potest, alterius hominis voluntatem ad hoc vel illud obiectum physici determinare &c.*

Satis patet his verbis, hunc loquendi modum non excedere modum Motionis moralis, cuius insufficiens etiam ostendimus in compendiario Supplemento sub finem pag. 3. Porro si sufficiens fuisset huiusmodi motio, numquam damnatus fuisset Pelagius, ut jam omnes conveniunt.

*Nota 18.*

Eadem paginâ 79. n. 114. ait Henao, *Competere Deo certam & infallibilem futurorum contingentium cognitionem non fundatam in ipsorum decreto: quod scilicet Deus habuerit circa illorum futuritionem.*

At falsum ac rationosum esse hoc fundamentum suprâ demonstravimus, paginâ 117. & sequentibus.

*Nota 19.*

Paginâ 85. n. 140. Molina (inquit Henao) *primus anno 1588. in publicum conspectum Orbis Christiani preiulit concordiam Gratia, ex se sola non efficacia, cum libero arbitrio; bene scio scientia futurorum contingentium conditionatorum.*

Verum quantum ad futura contingentia plenè sufficit id quod Nota præcedenti dictum est pag. 117. & seq. Vide etiam quid hac de re sentiat Typhanus suprâ pag. 211. Verum verò Molina in rei veritate ut primus, qui Scientia Media usus sit ceu inventor illius, vide quid dictum sit ex Sorbona supra pag. 205. & seq.

*Nota 20.*

Nonnulli existimantur aliquando gratiam non esse ex natura sua efficacem, sed modum efficaciz non ausi sunt explicare. Verum Henao audacior cæteris n. 354. & 355. hidenter asserit, *Gratiam ex se solummodo sufficientem, fieri efficacem*, per liberam creaturæ rationalis cooperationem.

Porro huius Assertionis falsitatem, etiam in ipso statu innocentiz sufficienter ostendimus pag. 291. Pro quo etiam legendum specialiter suadeo nobilem scriptorem Societatis Tannorum supra laudatum pag. 251. & sequentib.

## Nota 21.

*Nostra sententia* (inquit Henao paginâ 82. n. 136.) *non parùm est plausibilis.*

Respondeo totam hanc facilitatem, (ipsis testibus Adversariis) fundatam esse in Scientia Media & in concursu indifferenci per voluntatem creatam determinabili: Et utrumque refutavimus. Primum quidem paginâ 221. & seq. iudicibus Domesticis, & passim. Alterum verò sub finem in supplem. pag. 4. Sed ne Indiculi metas excedamus, legat qui voluerit D. Augustinum de gra. Christi. c. 47. Item de peccatorum meritis. c. 18. & lib. 1. contr. 2. Epist. Pelagia. c. 8. & ibid. lib. 4. c. 6. in fin. to. 7. lib. 1. Retra&. c. 12. lib. 2. contra Epist. Perilia. c. 81. de cor. & gra. c. 14. Sanctum Fulgentium de Incarn. c. 19. & nominatim D. Prosperum de vocat. Gent. c. 25. ubi fatetur, quod per liberi arbitrij velle & nolle, ista questio non solvitur.

## Nota 22.

*Inferimus contra Thomistas* (inquit Henao pag. 111. cum iustum de cuius opere bono non habet Deus Decretum prädeterminativum, & quem ad ipsam Deus non prädeterminaret Physicè & intrinsicè; cariturum Auxilio Sufficiente, obligatque à Deo, ad impossibile, si de operatione bona imponas preceptum. Quæ secunda sequela damnata est expressè à Trident. sess. 6. c. 11. & can. 18. & ab Innocentio X. contra Iansenium.

Verùm ut in his omnibus Patti Henao es obstruatur, lege quæ diximus in Supplem. p. 8. & seq. & D. Thomam nominatim, de verit. q. 24. art. 11. ad 5. item 1. 2. art. 114. a. 3. ad 3.

## Nota 23.

Ex prædicto testimonio satis patet quomodo nobis imponat Henao convenientiam cum Iansenio.

At hoc ipsum sufficienter quòque refutatum reperies supra pagina 267. & sequentib. & ibid. antea pag. 223.

## Nota 24.

Ita frequenter repetiit Henao, prädeterminatum ad quidpiam non posse oppositum efficere, ut exolum fit loca annumerare. Vide tamen n. 114. 410. & 417.

At quàm alienum sit etiam istud à veritate, constat ex toto hoc Opere cui si detractet Henao fidem adhibere, auscultet saltem id quod ait Cardinalis de Lugo pag. 223.

## Nota 25.

Paginâ 122. n. 407. *Voluntas prädeterminata*, inquit Henao, *non aliam nec maiorem habet potestatem ad non amandum quàm habeat v. g. voluntas Beati: ergo sicut amas necessariò, ita & voluntas ad amandum prädeterminata.*

Respondeo negando paritatem: quia cum Deus clarè visus, evidenter appareat id quod est, id est, bonus infinitus: tam impossibile est quòd voluntas feratur extra huiusmodi obiectum, quàm ut visus v. g. percipiat saporem aut auris odorem quare ait D. Thomas de verit. q. 22. a. 5. ad 2. *Ex perfectione boni alicuius contingere, quòd voluntas determinetur ad illud inclinatione naturalis necessitatis.* Sed quid dicturus sit Henao, non video, cum teste Angelico Doctore, etiam in statu gloriæ, adhuc indigeat creatura Dei præmoratione: quare vide quæ diximus pag. 293. & nominatim ibid. Paginâ sequenti, locis illis citatis.

## Nota 26.

Paginâ 213. n. 409. *Neque intelligimus* (inquit Henao) *quo pacto Doctrina Conciliorum Tridentini & Senonensis quadres sensus qui non sit potestas componendi dissensum & resistantiam.*

Quamvis instrui humiliter perierit Henao, (ut retulimus in principio:) hoc tamen efficere non præsumo: sed hunc remitto ad viri, cuius instructionem fore ipsi incupidiſsimam existimo, cum ipsemet Henao sæptis ipsum faciat commendatum ceu virum doctissimum. Potrò hic est Tannerus Societatis Iesu Scriptor celeberrimus, pag. 512. n. 3. ubi ait, *Auxilium efficax, quòd efficax est, & prout à sufficienti distinguitur, omnium Theologorum iudicio complectitur connexionem cum consensu & impossibilitatem cum dissensu: nam locutio actualis est intrinsicè impossibilis cum silentio non verò cum potentia silentii.* Nota hoc Amice Lector, simulque recole quàm verè dixerimus nihil dictum ab Henao quod non fuerit occupatum, nec non iam confutatum. Quare vide suprâ pag. 251. & 232. n. 9.

Ecc iij

## Nota 27.

Numero 411. malè cum pluribus intelligens, *Sensum divisum*, Henao ait, *Alioquin nullus esset discrimen potentia libera à necessaria.*

Item numero 412. *Actus secundus potentia libera completa & perfecta suis cunctis praerequisitis, non est solum consensus sed etiam dissensus;* inquit Henao.

Pro primo confutandò vide quæ diximus pag. 132. & seq. & pro altero lege Tau. necum nota præcedenti citatum.

Ritè ergo contra Calvinistas nobiscum explicent sensum compositum, quò nihil aliud significatur quàm impossibilitas actuum contrariorum qui esse non possunt simul ac semel. At Sensus divisus est ipsa potentia quæ huic actui applicata, est adhuc in potentia ad alium, sicut materia quæ sub una forma, existens, & adhuc in potentia ad aliam. Idem aut tenebrosus potest esse lucidus, ( Quæ propositio est vera in sensu diviso ) nusquam tamen in *sensu composito*, quia lux & tenebræ numquam simul ac semel possunt esse in aëre. Vide hic pag. 133. quomodo adversarij rem possant omnium iudicò impossibilem, subòque si sapiant.

## Nota 28.

Num. 412. perseverat Henao in prava explicatione *Sensus compositi & divisi*, ait enim *Sic cunctis catenis non est ab omni liber ad ambulandum: nam quamvis ambulare possit, si à compedibus solvatur: tamen ipse non potest solvere, neque coniungere cum eis ambulationem.* Sic à Deo præmotum intelligit.

Verùm quomodo Scholam ( ut spondebar ) poterit Henao placare: cum non intelligat aut dissimulet statum controversiæ, nobisque omnibus affingat, quod nulli unquam nisi Calvinistis venit in mentem? Equior tandem fuit R. P. Aonatus hic pag. 134. & seq. legendus: hunc ergo resipiscentem sequatur potius quàm Lessium aut Molinam, qui opulc. de gra. effc. c. 3. n. 19. ait *Sensum compositum esse, quando potentia habet præmotionem: divisum quando eà caret*, quod est omninò hæreticum: & ut tale à nobis impugnatum.

## Nota 29.

Numero 114. non minus aberrat Henao ex transitu, *Sensus compositi ad divisum*, cum sic argumentatur, *Voluntas prædeterminata ad amorem, non manes expedita ad odium in sensu composito amoris, ut Thomista fatentur: ergo neque in sensu diviso,* ( inquit Henao. Verùm hic modus discutendi non minùs repugnat veritati etiam in sententia adversariorum: quare Patri Henao, non Thomistam sed amicum suum Ripaldam oppono.

Legè igitur ipsum supra laudatum nota 26. & D. Thomam quod l. 1. a. 7. ad 2.

## Nota 30.

Numero 415. ait Henao, *Voluntas prædeterminata ad amorem privatur potestate expedita ad odium etiam secundum se.*

Respondeo hoc falsum esse ut constet ex toto hoc opere: nec ad hoc refutandum alia arte opus est, quàm testimonio Tanneri supra relati nota 26.

## Nota 31.

Numero 299. sic ait Henao, *Ut se opponant Thomistis, scilicet Iesuitæ, negantur Deum movere voluntatem creatam per motum in ipsa receptum*, Quod velim notatum.

Itane Pater mi Henao, sola voluntas contradicendi, tantam potuit inchoare controversiam ac aded injustam tamdiu fovere discordiam? Deum influere effectivè & directè in voluntatem creatam centies reperies in doctrina D. Thonæ: & interim lege ea quæ supra diximus paginà 278. quæ vel sola sufficient. At quia voluntatem creatam à Deo moveri physicè & directè jam fere omnes fatentur: recurunt scientiæ mediæ defensores ad concursum præviam quidem sed indeterminatam & indifferentem. At qui huic subterfugio etiam occurri in supplem. pag. 4. quod dictum ab Henao non minùs, etiam repugnat D. Augustino supra relato pag. 283.

## Nota 32.

Numero 475. & 483. conatur Henao ostendere quomodo voluntas creata non esset primum principium & primum se determinans, quamvis ipsa non esset à Deo mota & determinata.

At oppositum docuit D. Thomas supra laudatus pag. 306. sub finem & seq. Quare ad ipsam, omnib. subterfugijs subtiliter occurrentem.

## Nota 33.

Paginà 139. n. 475. ait quidpiam Henao à quo magis canendum est quàm

Musca Manichæorum, pro qua legi poterit D. Augustinus Tract. 1. in Ioa. circa medium to. 9. *Supposita*, inquit Henao, *indifferentia ad utrumlibet. à Deo accepta* (voluntas creata) *determinat unice hunc, ut concurras potius ad unum extremum quàm ad aliud. & influxus ad unum extremum præ alio determinatur ab influxu voluntatis creatæ solius.* Interim hic nota *Ly Solius*, Non potest istud confutari efficacius quàm per id quod ex D. Augustino retulimus p. 193. Nam sequitur, id quod est ex nobis, esse melius quàm quod à Deo habemus, quod ille ait esse *absurdissimum.* Lege eundem laudatum pag. 285. in medio.

Lege & D. Bernardum Tract. de Gra. ubi ait: *Nostra quippè voluntas bona* (quod faciendum est) *à bono Deo creata; perfecta tamen non erit, quo usquevis Creatori perfectio subiecta sit. Absit tamen, ut ipsi, simplici perfectionem, Deo autem creationem tribuamus: cum longè melius sit esse perfectam, quàm factam, & dictu nefas videatur, quod Deo minus, nobis verò quod excellentius tribuere.*

Huic suffragatur ratio: cum enim actualis determinatio voluntatis dicat gradum entis & perfectionis (quæ etiam iustus de condigno, cum divinæ gratiæ auxilio, mercedem promeretur beatitudinem) hanc perfectionem non possumus sine iniuria Deo denegare: quæ tamen evidenter sequeretur deneganda ex eliminatione Præmotionis philosophicæ, quam nequit supplere concursus indifferens prævius, nec simultaneus nec morio moralis ut legenti Supplementum patebit pag. 1. & c. In fine, dixi notandum, *ly solius*, quod est manifestè contra Scripturam dicentem, *Quid habes quod non accepisti?* & contra D. Augustinum qui Epist. 120. meritiò invehitur in eos, qui Deo denegare audent sibi que arrogare quod boni sunt. Quæ de causa to. 7. de peccatorum meritis, c. 18. ait, *Sed laborant homines invenire in nostra voluntate quid boni sit nostrum, quod nobis ex Deo non sit, & quomodo inveniri possit ignero.* Nam ut supra dictum est: *Quid habes quod non accepisti?* At quod non potuit invenire S. Præsul, iactant se nonnulli invenisse, quia ut ille ait to. 7. lib. 4. ad Bonifacium c. 6. *Multum delectat imperatorem superbiam ut etiam id, quod cogitur confiteri à Domino datum, non sibi donatum videatur esse, sed reddidit.* Necesse est ergo ut cum Apostolo fateatur Henao, *nos non esse sufficientes quidpiam boni vel cogitare sine Deo, & proinde, longè minus id quod est indifferens ad bonum & malum; solâ voluntate nostrâ ipsum determinare ad bonum posserimus:* quia ut ait D. Augustinus to. 3. in Enchir. c. 32. nihil omnino possumus, nisi Deus opt. *Voluntatem præparet adjuvandam & adiuvet præparatam. . . . nolentem prævenit ut velit, subsequitur ne frustra velit.* Voluntas enim bona vel ut ipse ait lib. 1. Retract. c. 9. *Bonus usus libera voluntatis, in magnis numeratur bonis, nemo igitur sibi aduleatur.*

## Nota 34.

Quò ulterius Henao progreditur, cò etiam magis & in gravioribus implicatur: ut patet paginâ 143. n. 490. ubi ait, *Mens sancti Augustini ea est, quod nos possumus sine voluntate Dei convertere nos ad ipsum.*

At iuxta omnes veros Theologos; istud non minùs sine Deo impossibile existimamus quàm quod possit mortuus se se ad vitam revocare. Sed quia sanctum Præsulem citat Henao eum fidei iustorem, ipsum audiamus rejicientem hanc propositionem tanquam hæreticam lib. de Gra. Christi ad Valent. c. 5. ubi ait. *Cum dicis Deus, Converterimini, ad me & converteret ad vos, horum unum videtur esse nostra voluntatis; id est, ut converteremur ad Deum. Alterum verò ipsius gratia: id est, ut etiam ipse converteretur ad nos. Vbi possunt putare Pelagiani suam obtinere sententiam. . . . Talia, inquit, de Scripturis colligunt, quale est hoc unum, quod paulò ante dixi: converterimini &c. nec attendunt qui hoc sentiunt quia nisi Dei donum esset etiam ipsa ad Deum nostra conversio, non ei diceretur, Deus veniunt convertere nos, ps. 79. Legendus etiam Doctor Angelicus 1. 2. q. 109. a. 7. ad 3. ubi ait, *Non potest homo per se ipsum reparari: sed indiget ut denuò ei humani gratia infundatur: sicut si corpori mortuo resuscitando denuò infunderetur anima.* Lege eundem ad 3. ibidem. Quare si novam cadere Theologiam Henao studuit, autoritate Doctorum Ecclesiæ abuti non debuit: verùm, si his non acquiescit, audiat saltem amicum suum Ripaldam celebrem Societatis Doctorem to. 2. lib. 5. disp. 113. sect. 9. pag. 52. n. 3. ubi ait. *Itaque in hac controversia ab utrisque (scilicet Jesuitarum & Dominicanorum) disputationibus, ponendum est primò auxilium supernaturale gratiæ prævenientis: homini intrinsicum, necessarium esse ad consensum salutarem & supernaturalem voluntatis, nullâ quæ ratione posse voluntatem creatam solis suis viribus efficaciam assequi ad salutem**

consensum. Sed nota etiam quod ipse prosequitur ibidem, *Id quod de fide tradunt Sententiae Ecclesiasticae, Conciliorum & Patrum, quae adversus Pelagianos edita sunt.* Videat igitur Henao se omnibus destitutum; nam ut ait Conc. Arausic. 1. *Nulla facit homo bona, quae non praestet Deus; faciat homo.* Quia recte S. patrum Augustino lib. 2. ad Bonifac. c. 8. *Si sine Dei gratia per nos incipit cupiditas boni, ipsum capium erit meritum, cui tanquam ex debito veniat Dei adiutorium; & sic gratia Dei non gratis donabitur, sed merito nostro dabitur.* Quae de causa Doctor Angel. ipsa (inquit in 2 ad Corint. c. 1. l. 3. *preparatio mentis humana est ex virtute divina: nam licet facilitas quae mentes praeparantur sit causa conversus; tamen ipsius facilitatis & praeparationis causa est Deus.* Legendus etiam S. Doctor 1. 2. q. 109. a. 2. ad 1. & ibid. q. 112. a. 2. in corp. & ad 1. Itaque si aliquando dixit S. Augustinus to. 7. lib. de praedest. S. S. c. 5. *Natura est hominum posse habere fidem, per illud, posse, nihil intelligitur nisi sola non repugnantis ad fidem, seu excellentia rationis, quae non reperitur, in brutis animantibus fidei incapacibus.* At vera potentia de qua loquimur est principium operationis meritoriae, quae non est talis sine auxilio gratiae: quare praedictio Augustini testimonio non abutitur Henao, sicut nec potentia naturalis de qua non est sermo in moralibus, cuique aditum jam praecelsissimus pag. 89. & pag. 157. & seq. Eodem modo confutavi D. Augustinus to. 2. Epist. 105. Pelagium nomine gratiae abutentem. *Abijciatur (inquit) ista fallacia: nam omnino non istam gratiam commundat Apostolus, quae creari sumus, ut homines essemus: sed quae iustificat istum, ut homines iusti essemus.* At Pelagius de sola peccatione naturali, quae distinguimur à brutis, loquebatur: siquidem gratia vocabulum libero arbitrio tribuebat. quia gratis à Deo nobis concessum esse dicebat.

## Nota 35.

Numerò 496. ait Henao, *Ne ad nomen Praedeterminationis per modum naturae redigatur hoc punctum gravissimum, investigamus, num D. Thomas admisit quidpiam suus extrinsecum, sive extrinsecum voluntatis nostrae...* Tale quippe, inquit, admisisse non cerneret alienum.

Respondeo haec omnia quae ibidem ait Henao esse falsa ac metam crebremus centies recoctam: pro quibus confutandis legere sufficit id quod supra diximus pagina 178. Legat adhuc qui voluerit D. Thomam in 1. sent. dist. 28. q. 1. a. 2. ad 3. & dist. 29. q. 1. a. 1. ad 2. item 2. 1. q. 52. a. 3. & 3. contr. Gent. c. 149. *Ubi ostendit quomodo motus moventis praedest. motum mobilis ratione & causa.* Legatur etiam de verit. q. 22. a. 8. & 9. & in 3. sent. dist. 12. q. 2. a. 1. & ibid. a. 2. in corp. & ad 7. & 8.

## Nota 36.

Numerò 516. sub finem quaerit Henao, *Quomodo Praedeterminatio ad velle, relinquit in voluntate potentiam ad nolle in genera causa materialis?*

Respondeo primo hoc sufficienter expositum esse vel ab ipsis Philosophis, exemplo statui venti fenestram operientis. Et ab ipso Cardinali de Lugo pag. 223. citato.

Dicto secundo D. Thomam praefata mente huic debitationi occurrere 1. 2. q. exi. a. 2. ad 1. ubi ait, *Deus non suadet nobis, nos iustificat: quia per motum liberi arbitrij dum iustificamur Dei iustitiae consentimus: ille tamen motus non est causa gratiae: a, sed effectus: unde tota operatio pertinet ad gratiam.* Lege eundem ibid. q. 112. a. 2. ad 1. neque ponderare obmittas id quod supra 161. retulimus ex censura Lovaniensi. Sed his omnibus praevalebit ut arbitror domesticum Tanneri iudicium to. 1. de gra. disp. 6. q. 1. dub. 5. h. 90. *Infallibilis consensus futurus, inquit, non impedit quomodo voluntas absolute & intrinsece possit, etiam sponte & actione efficaci dissentire: sed facit solum ne ipsa dissentiat: cum tamen aliqui libere possit dissentire.* Quid clarius?

## Nota 37.

Pag. 167. multum laborat Henao circa necessitatem concursus simultanei: ne scilicet Deus Optimus causa peccati esse credatur. Et numerò 1001. sufficientiam illius suadere nititur.

At tu amico Lector ne tamdiu aut tantum insudes, lege quae diximus hic sub finem in Supplemento pag. 5 & seq. ubi huiusmodi concursus insufficientiam demonstravimus: qui à praefata peccati suspitione, non valet rite quempiam excusare, nisi utantur Adversarij, iisdem solutionibus, quas adhibere solent Thomistae. Verum ne de hoc anceps esse possit, perpende necum quod illic dixi sub finem in Supplemento pag. 5. & sequentibus.

## Nota 38.

Numero 565. ait Henao, voluntatem creatam moueri, determinari & constitui in actu, a Deo mouente per concursum simultaneum. Et idem repetit n. 572. At tu vide vel solam pag. 5. in Supplem. sub finem, quod per concursum simultaneum nihil horum fieri possit quæ faciendi sunt in causis secundis per concursum causæ primæ. Hoc docent orationes Ecclesiæ.

## Nota 39.

Numero 601. Potest Motio Moralis (inquit Henao) esse prædeterminativa ad unum. Verum enim verò huiusmodi Motionis Moralis insufficientiam quoque supra ostendit pag. 312. sub finem in supplemento pag. 3. sed altius repetenda sunt quæ diximus pag. 318. & sequentibus.

## Nota 40.

Quoniam novit tandem Henao Motionis Moralis insufficientiam; hanc n. 566. corroborare conatus est additione habituum infusorum: quasi verò ultetius nullo alio indigemus auxilio ad agendum.

Respondeo habitus infusos non dari ultetius non indigemus Dei auxilio aequali: pro quo militamus ut patet ex dictis pag. 293. Legendus Doctor Angelicus 1. 2. q. 110. 111. & 112. cui manifestè contradicit Henao, nominatim, magisque expresse 1. 2. q. 109. a. 9. ad 1.

## Nota 41.

Numero 567. ait Henao, dependentiam immediatam causarum secundarum à Prima posse saluari absque Pramotione physica.

Respondeo Molinam non aliâ arte usum fuisse ut recederet à doctrina D. Thomæ, (præsertim hac in parte) quàm dicendo Deum non inbuere immediatè in liberum arbitrium creatum, ut patet ex ejus commentariis in 1. P. D. Thomæ q. 23. a. 4. & 5. n. 6. ubi ait, Concedendum est dari aliquid, quod sit à nostro arbitrio, & non aliter, cū præcisè consideratione à Deo, nisi tanquam à natura, ipsiusque liberi arbitrii Authore, qui eam facultatem nobis commisit.

Verum (quod maxime velim notatum) cum in Deo non sit distinctio virtutis & suppositi: si concedamus aliquem esse effectum, cujus Deus non sit causa immediata, suppositio: concedendum quoque erit & necessariò, Deum non esse causam illius: sique ostium apertum est hæc Manichæorum, asserentium Deum non esse causam rerum corporalium: quam ob causam hic breviter attigam quod fusiùs à D. Augustino tectetur to 9. tract. 1. in Ioa. circa medium, *Universa creatura per ipsum facta est, maior, minor .... nulla forma, nulla compositio, nulla partium concordia .... nisi per illud verbum, est .... Nemo vos fallat .... A tigni enim (inquit) à diabolo decepti sunt, & à musca capti .... Nam, nescio quis tadium patiebatur à muscis. Inveni enim Manichæus, tadio affectum: & cum diceret, se non posse pati muscas, & odisse vehementer illas, statim ille: Quis fecit hæc? Et quia tadio affectus erat & odorat illas, non ausus est dicere, Deus illas fecit: erat autem Catholicus. Ille statim subiecit, si Deus illas non fecit, quis illas fecit? plane ille ait, ego credo quod diabolus fecit muscas. Et ille statim, si muscam diabolus fecit, sicut video te confiteri, quia prudenter intelligi: apem quis fecit, quæ paulò amplior est musca? Non est ille ausus dicere, quia Deus fecit apem, & muscam non fecit, quia res erat proxima. Ab ape ad locustam: à locusta ad lacertiam: à lacerta ad avem: ab ave duxit ad pedem: inde ad breuem: inde ad Elephantem: postremò ad hominem: & persuasit homini, quia non à Deo factus est homo. Ita ille miser .... Quem diabolus possideret. Ad prædictam igitur objectionem P. Henao confutandam, legetur tantummodò paginam 278. lib. 2. sicut ad Annibald. dist. 1 q. 2. a. 1. ad 4. Dicendum (inquit) quod Deus non agit per actionem mediam quæ sit aliud à sua essentia. Lege eundem 3. contr. Gent. c. 70. de verit. q. 22. a. 3. Et de Malo q. 1. a. 3. ubi postquam D. Tho. docuit Deum esse causam immediatam, (non solum in fieri sed etiam in facto esse) omnis entis creati, sic concludit, Reingitur ergo quod causa perficiens & propria actui voluntarij, sit solum id, quod operatur interior: hoc autem nihil esse potest, quàm ipsa voluntas sicut causa secunda: & Deus sicut causa Prima. Cur ergo quæritur exempla in re singulari? Quia in re, illud quoque D. Thomæ 1. 2. q. 80. a. 1. præ oculis habendum est. Nihil potest esse causa actus, nisi per hoc quod proprium principium illius mouet ad actum.*

Nec mireris si utramque dixerit D. Thomas Immediatam, nam si duæ candelæ se se puerant, illuminatio effect ab utraque immediatè. Nec enim Deus distinguitur à crea-

E f f

tura penes *Mediatum & immediatum* sed penes *Vniuersale & particulare*. Et solus Deus (quicquid sua virtute) coniungitur animæ quantum ad sua interiora, & solus habet *intrinsecam essentia operationem*, ut ait D. Tho. in 1. sent. dist. 8. q. 1. a. 5. ad 3.

Sed unò verbò Molinam & Henao jam occupauimus pag. 179. Lege etiam D. Thomam lib. 1. contr. Gent. c. 13.

## Nota 42.

Numerò 567. sub finem ait Henao, *Vi casualitas causarum secundarum procedat à Prima principalis: cuius Physica Prædeterminatio?*

Respondeo me sufficiens illas assignasse rationes paginà 5. sub finem in supplemento, ubi de insufficienti Concurſu Simultanei. Item pag. 4. ibid. ubi etiam de Concurſu indifferenti per voluntatem creatam determinabili.

## Nota 43.

Eodem Numero 567. longo discursu fatagit Henao, *Nomen Motionis & Præmotionis ad vitam reducere Cōſeſſentiam*.

Respondeo, supposito Diui Thomæ principio 3. contra Gent. c. 149 ubi ait. *Motio Motantis præcedit motum Mobilis ratione & causâ*, huic objectioni factum satis paginà 179. & seq. ubi de dependentia essentiali sufficienter exposita exemplis Solis aërem illuminantis & speciei intentionalis in speculo existentis.

## Nota 44.

Prosequitur Henao numero 644. & 646. ait se scrupulò laborare, nec bene capere quomodo voluntas ad amorem prædeterminata sit adhuc in potentia ad oppositum. quam numero 648. dicit esse, *cum odio insatiablem*.

Respondeo jam pro me supra Nota 26. Tannerum laudatum huic satisfecisse: quare lege quæ ibidem recitimus: & nominatim paginam 237. denique satis testatur Henao his verbis, se nunquam legisse D. Thomam de verit. q. 6. a. 4. ad 8. Et ibidem q. 23. a. 5. ad 3. Item lib. 1. sent. ad Anibald. dist. 47. a. 4. ad 2. Et denique 1. p. q. 23. a. 6. ad 3.

## Nota 45.

Número 646. utitur Henao, *Potentia speculatiua vocabulò*, seu *liberi arbitrij secundum suam prædicatam essentia considerat*. In quibus idem committitur abusus quem supra sub nomine *potentia naturalis*, contra Cardenam consutauimus paginà 38. & seq. Quare nihil addendum super est.

## Nota 46.

Paginà 189. n. 671. Dico (inquit Henao) *actus qui nobis proximi à libertate indifferentia actiua ad utrumlibet sunt liberi: non debere, immò nec posse esse Deo liberi immediate & formaliter, etiam per modum effectus*. Verùm ad satietatem usque oppositum ostendimus supra paginà 275. & sequentibus omnino legendis & in eo quod ait Henao Deum non esse causam immediatam actus liberi, incidit in opinionem Molinæ & Durandi, quam Bellarminus ait esse falsam in hac parte, *Scripturis & Patribus contrariam*. Eandem computat D. Thomas inter errores Origenis. Non enim est in Deo suppositi & virtutis distinctio, cum sit actus purissimus.

## Nota 47.

Numerò 674. non etubuit Henao asserere Deum Max. non habere tantum dominium in liberum arbitrium creatum, quantum in alias res.

Sed istud falsissimum esse (ne dicam blasphemum) supra ostendimus pag. 234. & seq. & 245. & seq. Denique cum nihil sit in rebus creatis, nisi quod Deus Opt. Max. ipsis communicauit: indignissimè de Deo sentit, qui existimat quidpiam esse in agentib. liberis, ob quod, quando, ubi & quomodo voluerit ipsis prævalere non possit, *Omnipotensissima facilitate* prout loquitur incomparabilis Augustinus to. 7. lib. de cor. & gra. c. 14.

## Nota 48.

Numerò 675. Nego (inquit Henao) *supposita nostrâ voluntate consensu in actu primo per diuinam Gratiam, ceteraque prærequisita ut possit conducenter ad vitam æternam consentire vel ut possit dissentire abutens eo actu primo, proximoque: esse nouum Beneficium diuinum, quod ipsa in actu secundo consensit potius quam dissentiat*.

Respondeo his verbis tantummodo significari præter gratiam sufficientem nihil aliud requiri, sed illam fieri efficacem solâ voluntate creatâ, homine consentiente vel dissentiente. At hoc damnatum est pag. 235. Deinde contradicit Patri Henao D. August. to. 2.

*Epist. 105. Sicut nec omnia germinant qua plantantur & rigantur, sed quib. Deus dat incrementum. Cur autem ille credat, ille non credat eum ambo idem audiunt & si mirac' um in eorum conspectu fiat, ambo idem vident: alius uero est diuinarum sapientia & scientia Dei cuius inscrutabilia sunt iudicia. Tertiò vide quæ supra nota 26. diximus, ubi ait Tanneus. Gratiam efficacem esse beneficium speciale ac magis quàm Sufficiens. . . . quod apud Augustinum (inquit) frequens est & à nullo disputatum. Vide etiam D. Bernardum supra Notâ 33.*

## Nota 49.

*Numerò 756. Recurrit Henao ad congruitatem, ita ut gratia non sit efficax effecta, nisi quia data est tali loco & tempore, & ita hac vel illa corporis aut animi dispositione prævisâ.*

*At constat testimonia ex sancto Augustino citata & relata ab Henao esse de prompta ex iis, quæ ad Simplicianum ipse scripsit ut libertatem creaturæ exprimeret; sed ut loquitur Sanctissimus præsul, Sine præiudicio diligentiori inquisitioni id est sine præiudicio gratiæ cuiusdam per se effi acis: to. 7. lib. de peccat. merit. c. 17. prout ipse semetipsum explicuit. Designat igitur Henao Sanctum nobis obijcere Augustinum, contra expressam illius doctrinam: & ne tu ipse Lector anceps esse possis hac in re, Lege quæ diximus supra pag. 241. & duabus sequentib. & pag. 222.*

## Nota 50.

*Numerò 840. Multum insistit Henao. Quid numquam Deus deserat hominem, quin ipse prius ab homine deseratur.*

*At istud libentissimè concedimus: & ne hoc in dubium revocare possit Henao, legat quæ supra diximus pag. 223. Quibus adiciat id quod sequitur ex Scriptura, in qua ferè nunquam fit mentio de denegato efficaci Auxilio Dei, quin talis denegationis iusta causa exprimatür ex parte creaturæ provenientis: v.g.: Quomodo potestis credere, qui gloriam ab invicem accipitis? Item si queratis quomodo Iudæi magis tenebras quàm lucem dilexerint? Respondet Evangelista. Quia erant mala eorum opera. Idem cum Sapient. 14. v. 30. queritur unde tot scelera in semetiplos patrarint homines? protinus ratio sequitur. Quatenus malè senserunt de Deo. Idem patet Ierem. septimo & passim in Scripturis, etiam in nono Testamento ut in resurrectione Filiz Principis Synagogæ, Turba omnis (inquit Hilarius in Mathæum) expulsa est, quam utique Dominus salvare optasset, sed irridende dissa, gestaque eimi (id est Christi) Resurrectionis non fuit digna consortio.*

## Nota 51.

*Numerò 1550. ait Henao Melinam fuisse primum, qui Scientiam-Mediâ repertam in Monumentis Scripturæ, Patrum Ecclesiæ, Theologorumque antiquorum, & fundatam in rationibus veteris Theologi protulit typis & communicavit Theatro literario.*

*Respondet primò huic Patronum suo Clienti contradicere; ait enim Molina ipse oppositum in sua Concordia c. 23. a. 4. & 5. Quia hac nostra ratio concilianda libertatis (sc. per Scientiam-Mediâ) cum divîna Prædeterminatione, à nemine quem vidimus, fuit huc usque tradita, idè paulò fusiùs est exponenda.*

*Secundò, Falsum est id quod dicit Henao. teste Sorbonâ pag. 205. & 206. relata.*

*Tertiò, Eidem patri Henao authenticè contradicunt Patres Carmelitæ supra laudati pag. 226. & sequentib. studiosè legendi, utpote qui possint omnem dubitationè submovere. Ex quibus constat, quomodo Doctiores omnes Societatis, toto quinque annorum spatio, quibus durarunt disputationes de Auxiliis coram Summis Pontificib. Clemente viii. & Paulo quinto, nihil horum quæ dicit Henao potuerint ostendere: quamvis ad ipsos ex omnib. ferè Mundi partib. scripta & libri mitterentur ab Amicis & aliis Patribus totius eiusdem Societatis ad hoc probandum, pro quo non fuit segnius disputatum aut minor contentio, quàm si controversia fuisset de lucrando utroque Imperio.*

## Nota 52.

*Numerò 1553. ait Henao Scientiam-Mediâ esse Medium divinius inventum ad evergendas hæreses Pelagij & Massilianum . . .*

*Sed ne fucata hac specie falsâ decipiaris, Amice Lector vide supra pag. 205. quid hac de re sit propagatum in Sorbona. 2. Lege paginam 227. in principio. 3. In prædictorum confirmationem lege & Thyphanium pag. 350. in fine & seq.*

## Nota 53.

*Numerò 1580. fucum conatur efficere Henao supercomprehensivè verbo 2 ut suadere possis saltem à remotis Deum opt. futura contingentia ex se ad essendum cognovisse, esse ullum voluntatis suæ decretum.*



Sed hoc subterfugium est sufficientissimè supra occupatum pagina 117. & sequentib. Legendus etiam D. Thomas 1. p. q. 14. a. 8. Item Sap. 11. *Quomodo posset aliquid permanere, nisi tu voluisses? aut quomodo à te vocatum non esset, conservaretur?* Vocat autem ea quæ non sunt (id est possibilia) tanquam ea quæ sunt. Denique Thren. 3. v. 37. *Quis est iste qui dixit, miseret, Domino non iubente?* Legendus D. August. 10. s. lib. 5. de Civit. c. 9. sub finem: & ibid. lib. 11. c. 10. Item ro. 1. lib. 13. Confess. c. ultim. & 10. 3. lib. 6. de Trinit. c. ulti. & lib. 15. c. 13. Legendus etiam D. Thomas 1. p. q. 14. a. 8. & de verit. q. 23. a. 5. & de Malo q. 16. a. 7. & ad 15.

## Nota 54.

Numerò 1859. nullum non monet lapidem Henao, ut Bellarminum reducere possit in suum consortium.

Verùm enim verò frustra jacturere ante oculos pennatorum: quid ergo hæc de re prudenter sentire possis ac debeas, vide supra paginà 333. & seq.

## Nota 55.

Denique totà ferè 167. sectione, Suis Henao blanditur, hos invirat & adhortatur, ut in *vestanti momenti doctrina Societatis penitus se conformans: nec à viris Patrum suorum fessis ut filij degeneres recedant.*

At ipsius Henao hic coram Deo conscientiam obtestor, an ipse id efficere possit, reclamantibus in contrarium Sanctis Patribus, præsertim Augustino, Doctore Angelico, D. D. Hieronimo, Prospero, cæterisque in hoc opere laudatis. Quòd si Patrum suorum vestigijs jam insistere exoptent; a nostris quoque stabunt partibus: ac faciliè id sibi per suadebit quicumque legere voluerit paginam 366.

Quid ad hæc Amice Lector? Nonne mecum miraberis, quanta sit vis & virtus veritatis, quæ si aliquandiu in nonnullis quandoque latet, per ea tamen ipsa quæ ei adversantur, elucet, ut D. Hieronimus ait: ita ut (eodem iudice) in natura sua immobilis manens, firmitatem natura, q. iudicium dum attentatur acquirit.

Voluit adhuc hæc vice Henao quasi ex latere Permotionem impugnare: factà ferè Apothecæ Scientiæ Mediæ, quam per fas & nefas conatus est propagare, fabricatà & evulgatà ad placitum hoc sine historiâ, non obstantè Summi Pœnitificis prohibitione (quam ipse non ignoravit, cum de illa mentionem fecerit) Idque (contra omnes leges) ex domesticorum testimonijs, ex quibus integrum ferè primum suum volumen composuit, cui proinde nullus possit prudenter ullam fidem adhibere, hoc solo titulo, quod partes (ut diximus) non admittantur in testes.

Me per injuriâ & contemptum, vocabat aliàs fictus Empiricus, *Infelicem Astrologum*, quòd non benè ominatus essem circa tempus & mortem Bellarmini: cum runc temporis & dum scriberem, divinatione aut astronomiâ non opus esset, sed vel solo sensu communi non carere succederet circa veritatem in eisdem Bellarmini operibus, sufficientissimè & meridiana luce evidentius expressam. Possum tamen (ni fallor) mihi ipsi utcumque gratulari, quòd antequam libri R. Parrisi de Henao, meas in manus pervenirent, hoscmetipsos in refutatione aliorum satis feliciter occupaveram.

At jam tot, tales tantosque in illis detexi naves, ut vel unus sufficere possit, quòd omnem ipsius fidem deinceps denegent. Si enim Doctrinâ libralicujus iure merito rejicere possimus, ubi primum aperuimus hanc infortiori niri fundamento, aut ex falsis suppositionibus educi: quis nòr iudicet magnum istud Parrisi Henao (ut ipse loquitur) Ventilabrum, ex his in supplemento sub finem paginà 1. & 2. pænotatis, meritissimè iam unco suspensum esse: omnesque eiusdem patris Theologicas (in quibus plures supra quinquaginta deprehendimus falsitates) iam latius etiam esse exlustratas? Nolim tamen mihi metipso sic adulari, ut non exoptem copiosiorē aliam & efficaciorē à Doctioribus fieri, dicti patris Henao confutationem: quæ ut existimo non diu tardabit, ut os obstruatur evanide cuiusdam gloriatori, qui asserere non dubitavit, nos non habere quid responderemus Antithomistis, sæpius responsione indignissimis.

Quare id quod ab initio petivit Henao ut *scilicet quietamur, ne hoc saxum in ævum volutetur* libentissimè concedimus, & ex animo: dummodò hæc quies nostra sit in securâ possessione & custodia depositi nobis ab Angelico Doctore concediti: qua in re, nullus debet præsumere Thomistæ perturbare, æquorum partibus (præter jus commune) stat specialis æquitas causet. Cum aliunde nobis non desint & æquissimæ expostulationes, non solum adversus ipsam Patrem Henao, sed & contra omnes qui ante aut post illum, ejus

exemplo hac in parte nobis aduersantur, objectis nempe ex falsa suppositione, multorum Authorum testimonio ( quibus eorum intumescent volumina ) quæ constat, nunquam fuisse scripta nisi aduersus hæreticos, quibuscumq; Thomistæ nihil commune habent, ut satis patet ex dictis, etiam authentico Authorum contrariæ partis.

Premotionem igitur ritè ( & ut par est ) intelligant; eo videlicet in sensu, quo illam hic enuntiat exposuimus: & certissimus sum, nullum jam fore qui eam libentissimè non amplectatur, cum necessariam tum ad exprimendum & exequendum supremum Dei in causas secundas dominium, tum ad explicandam creaturæ dependentiam, primam basim ac firmum Christianæ humilitatis fundamentum, atque æternum nostræ in Deum gratitudinis monumentum. Quid si nolint, & tam apertæ veritatis acquiescere detractent, semper voluntariè monstra fingentes, ut ea à semetipsis contrita esse glorientur: per me licet, quia ad nos? immò, sit ( ut vult Henao ) *Scientia-Media, quasi tessera, deus insigne ac ornamentum Scholæ Iesuiticæ*; non inficiat nec inuido: dummodò nobis imponere desinant eius defensores, nec deinceps præsumant à nostris partibus Angelicum Doctorem eripere & ipsum reluctantem & invitum ad se petrahere, illius abutentes Auctoritate, ut tot falsa Mundo obrudant, quæ per ipsos disseminata ostendimus, & unicuique legenda in hoc opere exposuimus.

Hinc sufficienter innotebit, quam appositè omnia Adversariorum subterfugia paggaverimus: æquidem insufficientiam Motionis Moralisi paginâ 121. & seq. & cap. 3. in supplemento sub finem: Item & Concursum simultanei aut alterius prævij quidem, sed indifferenter per voluntatem creatam effectivè determinabilis lat fecimus manifestam in eodem supplemento pag. 4. & seq. ubi etiam ostendimus Deum Opt. esse remotissimum ab omni suspitione peccati in doctrina Divi Thomæ, & magnum ex illa locum relinqui Gratiæ sufficienti; suumque superesse libertati creatæ, pag. 123. 124. & seq. Depulsa est etiam pag. 126. 128. 170. & seq. convenientia cum Iansenio: sicut & tam falsa quam iniuriosa comparatio doctrinæ D. Thomæ cum placitis Calvinianis: pro quibus vide quæ diximus paginâ 123. & seq. 124. Potrò hæc erant octo præcipua Antithomistarum subterfugia, vel potius supposita quibus veritatem obtegebant: pro quibus detrahendis unus sufficit D. Augustinus toties laudatus & nominatum to. 1. lib. 1. tractat. c. 9. ubi ait, *Omnia bona a Deo sunt . . . & ipse bonus usus libera voluntatis, in magni numeratur bonis.* Item Tract. 1. in Ioa. circa medium: nihil enim aliud propugnatur a Thomistis nomine Præmotionis, nam siue illa, invictissimè probatur aliquid esse à creatura quod non sit à Deo, ut ipse facetur Molina citatus, nimirum, *Libertum hominis consensum, qui non est à Deo* ( inquit ) *nisi quatenus hanc facultatem Deus contulit.*

Ex prædictis non minùs facile fiet satis cuidam Neotetico querenti, quid sit Præmotio, est enim *Prævius Dei influxus in causas secundas v. r. receptus, quò Deus ad agendum physice & realiter impulsus iuxta earum modum.* Et illum centies quoad rem reperies expressum apud Doct. Angelicum: immò & quantum ad ipsum nomen ut dictum est, pag. 181. Legantur Augustinus Epist. 18. D. Thomas 1. p. q. 19. a. 3. ad 1. & ibid. q. 32. a. 2. ad 1. D. Epiphanius hæres. 69. & discas ab illis cum de re constat, non esse litigandum de nomine. Præmotionem aliter fuisse definitam à Nazario. c. p. q. 11. a. 4. A Tiphonio lib. de Priori, ab Estio in 2. sent. dist. 14. sect. 14. dicentib. *Esse ipsam voluntatis act. o. nem, prout est à Deo prius influente prioritate natura & voluntate applicante ad volendum, ad eum ferè modum quo, nunc vel solo voluntatis imperio, illud movemus: v. g. oculus ad videndum, siue aliquem ei imprimat influxum, siue non.* Hanc definitionem non rejicimus: Sed longè melius ab aliis Thomistis exprimi nomine *motionis virtutis* cum ipso Doct. Angel. arbitramur de pot. q. 3. a. 7. ad 7. ubi ait *Virtus naturalis, qua est rebus naturalibus in sua institutione, collata; inest eis ut quadam forma habens esse naturæ & formam in natura: sed quòd à Deo sit in re naturali, quòd à naturali: et agat, est ut intentio sola, habens esse quoddam incompletum, per modum quo colores sunt in aère, & virtus artis in instrumentis artificis.* Quibus verbis & exemplis, ritè exprimitur hæc Dei Præmotio tam in agentibus naturalibus quam in liberis: cum enim sit permanenter in naturalibus, ut patet in igitur v. g. appositè affectur ab Angelico Doctore similitudo colorum qui assidue seu permanenter sunt in aère. Quia verò non semper actu consertur liberis agentibus; rectè dicitur Doct. Angelicus comparatione artificis, *cujus virtus non est in instrumentis, nisi quatenus & quando actu illis utitur.*

Denique præcipuas hallucinationum causas, quas patiuntur extranei circa Doctrinam D. Thomæ, & præsertim hæc in parte, aliò remittimus compendiosiori methodò asperindas.

Finis Indiculi hujus Remissorij.

*Decem Animadversiones in libellum, cui titulus est Tetrapla  
Theologica per Dionysium Lachalin Clericum, in Collegio  
Claramonferradensi 1676. propugnata.*

LECTORI.

**A**MICE Lector, hic potuiffem omnibus palam, tot fore positiones ob oculos ponere; quor in præcedenti Indice notas exhibui, omnesque etiam convictas falsitatis apertæ: sed quia decrevi, nihil novi huic Indiculo inferere, nisi quod in libro præcedenti jam confutatum reperitur: decem tantummodò selegi harum Theſium Assertiones, ut ex illis conſicias quid de cæteris sentire possis aut debeat: ac denique cognoscas istos Doctrinæ D. Thomæ defensores, in eadem navi versari rotamque illorum contra Thomistæ Doctrinam, nihil esse, nisi meram crambrem millies recoctam, totielique confutatam: Eleachus eorum quæ nunc subijciam, fidem faciet sufficientem. Quare sit

*Animadversio 1.*

Sicut Cardenas *Probabilitatem*, itaquæ Numa Pompilius Faunam colebat & venerabatur: ita & Magister Theſium, *Scientiam-Mediam*, quam vocat purissimam Virginem. At tu, quid de ea secundum rei veritatem sentire debeat: vide supra pag. 205. 206 & 222.

*Animad. 2.*

Pagina 4. ait Magister ore Discipuli, *Ideo præſciri futura, quia futura sunt: non autem & converso*. Verum enim verò, quàm falsa sit ista positio vide pag. 220. & si per tempus licet, tres paginas præcedentes: illic enim reperies oppositum huic positioni demonstrativè probatum: cum ex infinitis rebus possibilibus, illæ tantum fuerint, sint aut futuræ sint, quas Deus inde voluit liberè & ex solo suæ voluntatis beneplacito extrahere, aliis relictis in statu præpossibilitatis: & cum aliunde veritas rerum supponat esse illarum: sitque scientia nostra à rebus causata (Ex eo siquidem quòd res est vel non est, oratio est vera vel falsa) Impossibile est quod sit quidpiam determinatè verum, nisi prius naturæ sit & ab eadem causa ens determinatum: itaque cum Adversarij (pro suo ultimo subterfugio) dicunt esse aliquem formalem conceptum (cui nullus correspondeat objectivus) ex se determinatum; inerum est figmentum, & vana chimæra: cui tamen tota jam innititur hæc in parte illorum doctrina, totius veræ & ab omnibus receptæ Philosophiæ, eversiva.

*Animad. 3.*

Iam satis patet ex dictis, qui maximè ambiant omnes antithomistæ, *Scientiam-Mediam* appendere in eadem statera cum Præmotione physica, quare per Lachalin aiunt pag. 5. *Non obijciant* (scilicet Thomistæ) *novitatem Scientiæ-Mediæ: nisi parati sint Prædeterminationis suæ genealogiam texere, quæ tamen in Banus stipite, desinât esse, necesse est*.

At ambæ non æquæ lancee ponderantur: siquidem nemo potest dubitare de Antiquitate prædeterminationis physicæ, nisi qui ignoraverit illam esse fundatam in dependentia essentiali creaturæ à Creatore: pro quâ vide pag. 279. Quid verò sentire debeat de novitate vel antiquitate *Scientiæ-Mediæ* vide supra locis citatis Notâ 51.

*Animad. 4.*

Pag. 5. *Assignet Banus* inquit Lachalin *discrimen inter illud decretum horribile Calvinis: & illud suum prædeterminans*.

Verum ne hac tam falsâ quàm iniusta comparatione movearis, vide supra pag. 223.

*Animad. 5.*

Pag. 8. *Non sufficit* inquit Lachalin cum Sociis *si x bilitas voluntatis ad bonum & malum: nisi etiam habeat voluntas in sua potestate utramque operationem, malam & bonam*.

At ex hac positione sequeretur 1. nec Christum fuisse liberum, nec Beatos. 2. positionem hæc, apertam involvere contradictionem reperies pag. 232. n. 9. & seq. 3. Hoc est formaliter contra D. Thomam centies asserentem, potentiam peccandi, ad essentiali libertatis minimè pertinere. Ita de Malo. q. 16. a. 5. ubi ait *Non autem pertinet ad ratio-*

nam alicujus potentia visiva, quod aliquis obsecrè videat, idè nihil prohibet inveniri liberum arbitrium, quod intendit in bonum, quod nullo modo potest tendere in malum, vel ex natura sua sicut in Deo: vel ex perfectione Gratia sicut in hominibus & Angelis beatis. Legendus etiam de verit. q. 22. a. 6. Et ibid. q. 24. a. 7. ad 4. & a. 9. ad 5. Item in 2. Secundæ dist. 25. q. 1. a. 1. ad 2. Ibidem 1. p. q. 62. a. 8. ad 3. & passim.

Animad. 6.

Pag. 9. ex Tridentino perperam intellecto, ludit Lachalin contra Thomistas ex falsa sensus compositi & divisi intelligentia: quam aut ignorat aut dissimulat. At pro hoc confutando vide pag. 285. & seq. 232. & nominatim 235.

Animad. 7.

Pag. 12. Admittimus (inquit Lachalin) Gratiam efficacem, qua non est intrinsecè efficax. Verùm quid tu sentiris deas vide pag. 252.

Animad. 8.

Pag. 12. si fidem adhibeamus eidem: Gratia non est efficax nisi ex praviione nostri futuri consensus, quia Deus eam dat homini, quomodo sibi ei congruere ut vocacionem non repuat. Citatque pro hoc Augustinum lib. 1. ad Simplicia.

Respondeo mirum esse, qui audeat Adversarij vel sancti Augustini meminisse hæc in parte, aut ipsum citare contra propriam ejus mentem, quam ipsemet exposuit 10. 7. lib. de peccat. merit. c. 17. & 10. 2. Epistolâ 105. Intetim vide quæ diximus cum Baëza pag. 222. & cum Cornelio à lapide & Mendoza, pag. 238. & 239.

Animad. 9.

Eadem pag. 12. Prædeterminationem physicam .... rejicimus (inquit Lachalin) ut libertatis indifferentia inimicam.

Verùm: hunc, falsitatis convincendum cum Affectis remittimus ad suum protectorem & Amicum Dominum Caramuelem, legendum pag. 197. Vide etiam pag. 233. Nec omittitur id quod ait D. Augustinus to. 3. de spirit. & lit. c. 30. in fin. ubi contra negantes (sumum Dei dominium in voluntatem creatam, Dei Præmotione propugnatum invenitur & petit, Ania sunt liberi, ut nec illum (sc. Deum) velint habere Dominum?


Animad. 10.

Pag. 12. Quis non existimet (inquit Lachalin) nostrum esse rogare: & Dei esse ulteriores illas gratias, quas rogamus ad conversionem, ad vincendas tentationes &c.

Respondendo nostrum quidem esse rogare, sicut & velle: sed sicut Deus operatur in nobis, velle: ita & orare: nam quid oremus sicut oportet nescimus: sed Spiritus postulat (id est, postulare facit) pro nobis, & ait ait D. Augustinus Oratio ipsa computatur inter Gratia munera. to. 2. Epist. 105.

Hic quoque multa mihi dicenda forent ad repellendos cavillos quibus Author hujus thelis jocatut adversus eos, quos per ironiam Antiprobabilistas vocat & temerè irridet ceu jurantes in verba Divi Thomæ: qui te verè vel unus sufficeret ad reprimendum nimiam Probabilitatis laxitatem, quam ipse cæco modo rueret, ut latius patet ex supradictis: quibus nihili addendum existimo, nisi quod ex eodem legitur in 2. sent. dist. 3. q. 3. a. 4. ubi ait Sicut impossibile est, coram secundum eandem partem diversimodè figurari diversis figuris: ita impossibile est, unum intellectum diversis simul speciebus ad diversa intelligibilia actu informari. Quibus si addere placeat, id quod antea ibidem dixerat q. 2. a. 1. Secundum Augustinum (inquit lib. 2. contr. Academicos) non potest aliquis judicare verisimile, nisi verum sit cognitum: ergo oportet ut intellectus veri boni præcedat intellectum verisimilis boni: & ita appetitus estimati boni, quo malus fit Angelus, non potest sequi primum actum intellectus secundum quod considerat verisimile bonum: unde cum impossibile sit intellectui creato simul plura intelligere, non potuit in primo instanti creationis appetitus Angeli esse malus. Quo uno S. Doctoris testimonio, deabantur duo Adversariorum pariter unica fidelia, scilicet Angelum non potuisse peccare in primo instanti alicui (quod caput est) Probabilitatis cardinem penitus divelli contra eos qui dicant rem aliquam esse probabilem sive verisimilem, quamvis illius veritas cognosci non possit, prout contra Cardeanam supra demonstravimus pag. 236.

Hæ sunt Epidipnide quibus Magister ille infantes puerospavit, vel ut verius loquar, exiguum specimen fa sitatum quibus ipse sua infarcit Tetrapla Theologica, ne contra se, veritas præscribere videatur: quasi verò ipsa, illius indigeret suffragio. Quod si teste ipso Suarzio, peccet mortaliter Scholarum Magister, qui minus probabilia docet discipulos: quia (inquit) non satis facit officio, ad quod à Republicis est: quod est veritatis animos



*imbure* : Vide Amice Lector quid sentire debeat de eo, qui de industria, in rebus maximi momenti, ( quales sunt omnes ad Theologiam spectantes ) tor edocet & tuctur falsa ?









